

DE CLAMATIONES
PHILIPPI MBLAN
CHTONIS



M D XLI



plato gramse
operam in d
tus captem
in mib.

dant esse
sunt plan
grata di.

Eucyrides p
proponit p

in notulis
pronuntiat

in ciuitatibz. He plausibilia dicit
sed quibus opus habet ciuitas

ex hia pphalam et ex puluere in solis
et uelut in acie profertur. Dicitur

Mors dicitur p suadet non oratio

Mors Cantuari et vulgus partim contemnit partim
oderunt literas, 305.

Melanthionis declarationes

Liste.
Novo-Tacit.
936.

Scorabens. 242
magna et albus Hyadi 238.
Cytharodius Strabonis .386.

LIBER SELECTA RVM DECLAMATIONVM

PHILIPPI MELANTHONIS, QVAS
conscripsit, & partim ipse in schola
Vitebergensi recitauit, partim
alijs recitandas ex
hibuit.

Adiectæ sunt eiusdem Præfationes in aliquot
illustres Autores.

Omnia recens in lucem edita.



Cum Gratia & Priuilegio,
M. D. XLI,

*Bibliotheca secretoria manus
Collagii pro Theologis.*



C A T A L O G V S

Orationum.

Ad Paulinæ doctrinæ studium adhortatio	2
De amore ueritatis seu odio Sophistices	12
Ecclesijs opus esse doctrina quâ Philosophia profiteſ	23
Querela Lazari	32
Histotia de diuite et de egeno Lazaro uersib. reddita	40
De exemplo emendati Latronis propugnantis gloriã Christi in cruce	46
De studijs Theologicis	59
Oratio de artibus liberalibus	71
Sermo de corrigendis adulescentiæ studijs	85
Necessarias esse ad omne studiorũ gen9 artes dicēdi	102
De ordine discendi	125
De utilitate eloquentiæ	133
De studio linguarum	147
De concordia & communicatione studiorum atq; ope- rarum	159
De ingratitude Cuculi	167
De gtatitudine	176
De legibus	185
Res non iudicandas secundum arbitrium iudicis, sed secundum scriptum ius	213
De scripto iure & dignitate ueterum interpretum	218
De dignitate legum	225
In laudem artis Medicæ	236
Alia de dignitate Medicinæ	144
Vita Galeni	252
Vita Platonis	263
Vita Aristotelis	280

C A T A L O G V S

Vita S. Augustini	291
Vita Rodolphi Agricola	306
Epicedion Erasmi Roterodami	317
Apotheosis eiusdem	331
Vita Sigismundi Imperatoris	336
De Guelfo Duce Bauariae	346
De Friderico Barbarossa	363
De Henrico III. Imp. ac Rodolpho Duce Saxonie	378
Præfatio in Homerum	385
De Dialectica	407
De dignitate Astrologiae	413
De Arithmetica	421
Oratio funebris Maximiliani Caesaris	431
Oratio funebris Friderici Ducis Saxoniae	443
Oratio funebris Ioannis Ducis Saxoniae	455
Oratio funebris Doctoris Sebal di Munsteri	460
De laude uitæ scholasticæ	473
De gradibus scholasticis	483
De utilitate examinum scholasticorum	487
Deploratio captæ & direptæ urbis Romæ	501
De affectatione nouitatis in uestitu	513
Vituperatio ebrietatis	528
Encomium formicarum	540
Encomium Sueviæ	559
Encomium Franciæ	573
De miserijs pædagogorum	593
De utilitate fabularum	606

P R A E F A T I O N E S.

Præfatio in Hesiodum	613
Item alia in eundem	619

In Demos

O R A T I O N V M.

In Demosthenis & Aeschinis contrarias orationes	635
In Ptolemæi magnam compositionem	642
In Arithmetica	645
In Geometria	651
In Tabulas resolutas	661
In Sphæram	667
In Theoricas	677
In Alfraganum	688
In Computum	693
In Galenum	698
In Xenophontem	705
In Officia Ciceronis	712
Alia Præfatio in Officia Ciceronis	716
In Daniele	723
In Turcica historiam	733
In Rodolphum Agricola	742
In Metricam Iacobi Micylli	747
In Syntaxin	754
In Micylli Grammaticam	762
In Musicam, de passione Christi	766
Alia in Musicam	768
Paraphrasis Præfationis Plinij in historia mundi	772
Epistola ad Oecolampadium	778
Epistola ad Comitem de Vueda	782
Epistola de Conuentu Augustano	798
Epistola ad Venetos	804
Epistolæ contrariæ Pici & Hermolai Barbari	812
Oratio de restituendis scholis	848
Oratio Critiæ cōtra Theramenem ex Xenophonte	860

F I N I S.

ij Clarissimo

CLARISSIMO VIRO DO.

CTORI IACOBO MYLICHIO

nobili Medico & Mathematico,

Nicolaus Gerbelius

S. D.



Artaxerxes Rex Persarum, primi Artaxerxis
qui à manu altera longiuscula *μακρόχρη* di-
ctus est, ex filia nepos, uir fuit facilitate mo-
rum, & eximia quadā liberalitate celebris,
eadem erga eos quibus daret ipse, & à qui-
bus acciperet, mansuetudinē atq; beneuolentia: cui nihil
unq̃ tā pusillū aut contemptū oblatū est, quod nō sum-
mo cū gaudio & clementia Rege digna reciperet. Nam
cum illi quidam è plebe malum Punicū insigni pulchri-
tudine ac magnitudine dono dedisset, incredibile di-
ctu qua illud leticia, q̃ suauiter acceperit, quo præconio
industriam atq; ingenium hominis collaudarit, testa-
tus, si commodus ei locus tribueretur, facile ingentem
urbem ex pusilla facturum. Alius item *Ἀνταρχος* cum
uideret neminem non gratulari Regi, se uero in parato
nihil, quod tanta maiestate dignum foret, habere, pro-
ximum fluuiolum conspicatus, propere accurrit, hau-
stamq; ambabus manibus aquam Artaxerxi adorabun-
dus obtulit. Qua hominis urbanitate & beneficentia
excitatus, ilico phialam auream atq; mille Daricos nu-
mos tam iucundo donatori reddi iubet. Quod si, My-
lichi doctissime, pro malo Punico, pro tantula aqua tan-
tam gratiam retulit suis Rex magnus, suorumq; animū
ac uoluntatem tam clementer agnouit, quid tibi censes
pro tuo munere faciendum esse nobis, quod dona illa
Persica

*Artaxerxes
mima elia
dona mia
quo gaudet
reciperebat*

Perſica, quantiuis ea Artoxerxes fecerit, tam ſuperat, &
à gemmis marini calculi uincuntur. Quanquam enim
aſpectu uix aliud quicquam Punicis malis ſit iucundius,
& iuxta Pindarum *ἄριστον τὸ ὕδωρ*, tamen Orationes
Philippi, quas tu nobis muneri miſiſti, aliorumq; ſcho-
læ tuę clariffimorum hominum lucubrationes, longe
maiore honore atq; gratia dignæ ſunt, quod in illis mul-
ta præclara ornamenta ingeniorum, atque illud præci-
puum *τὸ καλὸν καὶ πρέπον*, tum etiam ſingularis illa
commendatio uirtutum, quibus in omni uita noſtra ni-
hil maius, nihil præſtabilius, nihil diuinius eſſe uide-
mus, mirifice eluceat. Quę enim in his eloquentia, quis
ſuccus, quis ſanguis, qui Oratorię nerui, nolo pròlixius
referre, cum ampliora & magis illuſtria ſint hæc. Tot
exhortationes ad uera ſtudia, ad nobiliores diſciplinæ,
ad formanda iuuenum ingenia, ad Chriſtianam uitam
recte inſtituendam, ad inſtaurandam pietatem, quę tot
iam annis à Sophiſtis & turpiſſimis ſycophantis miſere
iacuit dilacerata. Hęc inquam, Mylichi, cum elegantiffi-
mo muneri tuo inſint, atq; alia permulta quæ ſe ſponte
ſua ſtudioſo leſtori offerent, ſæpe mecum diuq; cogita-
ui, quæ dignę tibi pro meritis tuis gratię referri debeant,
aut poſſint. Cum enim neq; aureę phialę, neque Dārici
numi in facultate noſtra ſint, & præclara illa eruditorū
hominum monumenta precium omne ſuperent, deſti-
tutus omnibus uiribus, ad humanitatem tuam atque
ſuauiſſimos mores confugio, quibus fretus, quicquid
uellem licere mihi putauī. Tibi itaq; munus tuum de-
dico, deq; alieno liberalis ſum, & ſi alijs multis, potiffi-
mum tamen hac ratione permotus, quod ſciam Philip-
pum, uicū omnibus honoribus præſtantem, adeo tibi
charum

charum esse, ut nihil eo sit gratius tibi: uicissim te ab illo
tantopere diligere et amari, ut placulū esse ducat, si tui qua-
cunq; saltem oblata occasione, non honorifice etiam re-
cordetur. Taceo de alijs harum orationum autoribus, à
quibus parimodo officiose obseruari & coleris. Quan-
quam etiam tua in me beneficia et merita illud exigant,
ut qualicunque beneuolentis animi significatione tes-
ter, omnia mihi tua benefacta semper gratissima fuisse.
Quoniam autem ut uere dixit Aristoteles, καλὰ sunt τὰ

*Ad monitione
praeceptoru
paulini sunt*

διδασκάλων πρὸς αἰνέσεις καὶ προσέτις, omnino mihi
persuadeo, has Illustrium uiro-
rum doctissimas Orationes
studiosis gratissimas futuras esse. De tuo enim can-
dore, deq; perpetua in me beneuolentia tua adeo sum
certus, ut planè nihil dubitem, quin hoc officio meo
tuum erga me atque familiam meam amorem & stu-
dium maximopere corroborauerim. Vale Mylichi hu-
manissime, & me, ut facere soles, ama. D. Martinum
Lutherum, & Iustum Ionam, uiros immor-
talitate dignos, meis uerbis reuerenter
saluta. Argentorati, Calend.

Ianuarij, Anno


1541.



Ad Pauline

ADHORTATIO

AD CHRISTIANAE DOCTRINAE, PER
Paulum prodictæ, studium,
Phil. Melanch.



Quidem agnosco, Pauline phi-
losophiæ studium uobis com-
mendaturus, rem me conari non
paulo maiorem uiribus. Quæ est
enim humana eloquentia, ne-
dum mea, quæ possit, uel par
esse Pauli laudibus explicandis,
uel hoc doctrinæ genus adfere-
re: quod, quantum uis magno Christianæ Reipublice
malo, seculorum aliquot fastidit consensus, quem si
usquam aliàs, certe in literarum studijs, nisi non dolet
dediscere quod semel imbibimus, pertinacissime tue-
mur. Verum cum in pia causa nullus sit non laudandus
conatus, non dubitavi audacius fortasse quàm pruden-
tius, sed pie tamen, rem, quamuis impar, egregiam tem-
tare. Nihil ætas, nihil tenuitas nostra dehortabatur,
quando non alius lusus hanc ætatem perinde decet,
atque qualecunq; rerum Christianarum rudimentum.
Nam quod noluit Christus noster à se pueros arceri,
quasi signo sublato adulescentiam ad sui studium inui-
tauit. Proinde, nisi nihil huiusmodi uotis proficitur,
oprarim mihi non inimitabilem Periclis, aut Lysiae elo-
quentiam: Quorum alterius labra Pætho insedisse ue-
tus Comœdia testatur: Alterum etiam ille iuxta Apol-
linis oraculū sapiens Socrates admiratus est. Sed illum

A ipsum

Peculiare
adulescen-
tiæ studiū,
Christianæ
literæ.

Precatio.

ADHORTATIO

ipsi uere Hexanimi Paulinæ linguæ spiritum, di-
 uinitus suppeditari, & orationem nostram animaturū,
 & pectora uestra, ad complectendam cœlestem sapien-
 tiam, inflammaturum. Quid enim magis conuenit, q̃
 de sacris rebus dicturos, diuini numinis opem cœlo de-
 uocare: Vos item mecum communibus optate uotis,
 ut benignus Dei spiritus radijs suis animos uestros col-
 lustret, & ad hoc philosophię genus preparet, quod in-
 aditum esse uiribus humanis, uel hoc inditio est, quod
 paucis admodum post Paulum contrigisse uidemus: res
 centiores uero Theologos, quos uocant, etiam obscu-
 rasse: quod utinam audacius dicerem, quā uerius.
 Equidem, ut uelim Paulinam doctrinam non Mona-
 chis, aut Theologis tantū istis scenicis, sed uulgo etiam
 Christiano familiarissimam esse: ita puto ad forman-
 dam uitam, nullam sapiendi rationem accommodatio-
 rem, nullum certius ad felicitatem compendium esse.
 Primum enim ratione quadam & doctrina opus esse,
 ad instituendam uitam, uel hoc argumento est, q̃ nulla
 priuatim domus, nulla ciuitas publice, citra legū usum
 administrari posse uidetur, ut literas in hoc repertas ue-
 risimile sit, quo præscriptis, adeoq̃ duraturis legibus,
 paulatim gliscenti hominum cupiditati frenum inijce-
 retur. Extant uiuendi formulæ, aliæ diuinitus proditæ,
 aliæ ab ingeniosis hominibus conscriptæ, quale est He-
 siodi, item Homeri poema, quales Philosophorū com-
 mentarij, quales pleręq̃ nobilium ciuitatum leges sunt,
 quarum memoria, historiarū beneficio, ad nostra tem-
 pora propagata est. Verum in his diuinæ leges tanto
 sanctiores sunt humanis, quanto propius effingūt tum
 autorem, tum archetypum omnium bonarum rerum,
 quem

Deus.

Doctrina
 ad institu-
 endam ui-
 tã necessa-
 ria.

*Littera
 reperta*

Hesiodi et
 Homeri
 poësis.

*diuina leges
 alyb pte
 uelud*

AD PAULINAM PHILOSOPH.

quem non dubium est nusquam certius expressum, q̄ *Leges:*
 in ijs literis, quas suis ipse digitis, in æstimanda benigni-
 tate, lapideis tabulis insculpsit, præcepitq̄, omnibus po-
 stibus, ædium uestibulis, simbris item uestium inscribi.
 & scopi uice, ob oculos, interq̄ manus reponi, unde ni-
 ta uniuersa ratio peteretur. Iam & hoc humanæ leges
 diuinis scripturis uincuntur, q̄ legibus Euangelicæ lites
 ra addite sunt, quæ Christum generi mortalium exhibent,
 qui spiritum impertit, quo humani animi accens-
 si, nihil nō cœleste, sua ipsi sponte adfectent: Lex enim
 recti uiam monstrat. Sed honestū animis humanis ille
 Christi spiritus absoluit. Adeo plane fieri nequit, ut so-
 lis legibus adiutus, uitam probe instituas. Neq̄ enim sa-
 tis est uidere quid agas, sed refert uel omnium maxime,
 quæ Euangelij farrago est, scire unde animum petas le-
 gibus fauentem, & honesti amantem, nempe, quem à
 recti amore naturæ genius auocat. Etenim, si solis legi-
 bus humanæ mentes ad uirtutem incitabantur, nō erat,
 cur aut filius Dei carnem indueret, aut Euangelicæ lites
 re proderentur. Quare cum ad componendam uitam,
 tum legum, tum Euangelij cognitio necessaria sit, cum
 unicum salutis compendium, sit sacrarum rerum scien-
 tia, quin omnes certatim animos diuinis literis despon-
 demus: siquidem sua cuiq̄ salus esse quàm charissima
 debet. Alia studia, alijs uoluptas, alijs questus commen-
 dat, hoc uero pijs omnibus instituendę uite cura, adeoq̄
 plusquam Diomedea necessitas. Porro, qui è fidei-
 cius Philosophorum, aut Theologistarum cōmentarijs uite
 formam peti posse censent, quàm irreuerenter, quàm
 impie de diuinis literis sentiant, uestrum esto iudicium.
 Nam si nostris inuentis componi mores humani pote-
 rant,

*Euange-
 lium.*

*In Theolo-
 gistas, qui
 humanas
 traditiones
 docent.*

A ij rant,

rant, quid erat, cur legem ferret: suisq; describeret articulis, optimus maximus Deus: cur omnibus postibus, fimbrijs etiā uestiū insculpi mandaret: idq; ne rationis nostre censurā & consilia sectaremur. Nam hoc discrete additum est, ne nostras cogitationes sequeremur, ubi satis indicauit cœlestis legumlator, mendacem, uanum, ac futilem esse hominis captum, planeq; regendum, ceu Theseo filo labyrinthum aliquem. Imo, si per sese hominum animi ad uirtutem erigi potuere, quid erat, cur carne Filius Dei, adeoq; æternus sermo, uestiretur: cur in uniuersum orbem terrarum euulgari præciperet Euangelium: cur æternus Pater tam religiose commendaret orbi terrarum filij doctrinam: inquires: Hic est Filius meus dilectus, in quo mihi complacui. Ipsum auidite. Cur sacrosanctam philosophiam maximi homines tam studiose literis mandarēt: Et doctrinam suam cum tanti uelit fieri cœlestis Pater, quid homunculi nostra iactamus somnia: quid ἀλασκόπειν philosophiam, nugarum regnum, uitæ formam appellamus: Quin uidemus, quā insanis Philosophi dogmatibus cæcitatem suam testati sint, dum in peruestiganda rerum natura nusquam non hærent, nusquam non hallucinantur, dum de bonorum ac malorum finibus disceptant: ubi hic uoluptatem, ille indolentiam, hic εὐθυμία, ille gloriam, Stoicus falso nomine uirtutem, Peripatereticus multo ineptius uirtutis usum adferit. Videbar ipse Socrates, non esse certum quicquam in uniuerso philosophiæ genere, cum sapientiam suam uocaret ἀμφισβήτησιμον ὄναρ. At hominum λογολισχέας etiam diuinis literis nostrorum temporū Theologi prætulere, quibus debemus, ut nihil hoc tempore

*fulius or
nudaq; off
capit 50 10*

*philoso
phorum
2202*

Philosofia
re-
gnum nu-
garum.

Socratis
de Philoso-
phia sen-
tentia.

pore sint Christianæ literæ, nisi maliciæ quædam fallacis loquelæ, ut ille apud Ciceronem ait. Adeo, quod doctrinæ genus diuinitus ad corrigendas, confirmandas, consolandasq; hominum mentes proditum est, frivola, addo etiam indoctæ Sophistarum *καὶ βέλτοι κενὸς φωνίας* magna ex parte extinxere. Vel contemni poterat, si quid vulgarium artium interijsser, verū eam disciplinam intercidere, quæ unà est periclitantium animorum portus & asylum, afflictæ conscientiæ solarium, quis non deploret. Et his literis antiquatis, quibus solis muniri Christianæ res solebant, quàm tyrannidem in omnes hominum ordines Satan exerceat sæuiens, etiam dicere horreo. Quondam prudenter in administrandis ciuitatibus cauebatur, ne publicæ leges ignorarentur, nisi quis æneas decem uiroꝝ urbis Romæ tabulas, aut ligneas Atheniensium *ἄφρονες* nescit. Et sapientissimus Rex Minos, Iouis, ut ferunt, *δαριεύς*, quotannis leges suas æri insculptas ter circumferri per omnem Cretam uoluit, ne non essent & uulgo notissimæ. Quid memorem, quantum operæ Philosophi dogmatis suæ quisq; factionis ediscendis impendant? Pudeat Christianos, quibus solis & Dei & Patris, & Seruatoris sui salutaria placita ferè ignorantur. Et qui tot Regis nostri insignibus nobis placemus, lauacro *παραγγελισίας*, item sacro pane, illud ipsum negligimus, per quod unū proxime ad ipsum accedi potest. Siquidem sermo maximi Patris Christus est. Non alia ratione Christum certius expresserint animi nostri, quàm sacræ doctrinæ studio, in qua illius uelut in speculo relucet imago. Carnē æternus Dei Sermo induit, ut & nos significaret diuini sermonis commercio *ἀποθεῖσθαι*. Id quod elegans quis

Ab ho
nesto.

Emileus

*Summa rerum
Theologicarum
in quo consistat*

*Parago
Pauline
doctrinae.*

*Fruetus
Paulinae
doctrinae.*

dam, & pius nascentis Ecclesiae Theologus testatur, in-
quiens, nos sermone ueritatis genitos esse, ut essemus
primitiae creaturarum. Quod si Christianarum mentium
alius est Evangelica doctrina, quae uesania, quae impie-
tas est, hominum figmenta praefere. Et in sacris uel ma-
xime necessarij sunt ad formandum animu, Pauli com-
mentarij. Nam cum alia uolumina leges praescribant,
alia rerum gestarum historiam narrent, Paulus noster
methodica quadam disputatione eos locos persequi-
tur, citra quos non admodum profuerit leges didicisse.
Nec Prophetarum uaticinia, nec Evangelicae historiae
adiri possunt, nisi huius commentarios, ceu amnem co-
mitem ad mare, methodi uice, sequaris. Nam cum in-
tractanda hominis natura, tyrannide peccati, legis res-
gno, absoluta uirtutis origine, ac propagatione, sacra-
mentis, consistat rerum Theologicarum summa, unicus
Paulus hos locos palam ob oculos mortalium posuit.
Breuiter, redemptionis nostrae gratiam, adeoque Chri-
stum ipsum ignoraremus, si Paulum orbi terrarum Deus
inuidisset. Neque enim Christum nouisse, est historiam re-
rum ab ipso gestarum tenere, sed agnoscere ingentia be-
neficia, quae per ipsum in orbem terrarum Opt. Max.
Deus effudit, Spiritum scilicet, & absolutae uirtutis au-
torem, & arrabonem gratiae, quem antehac nesciebat
mortalitas. Frustra diuinis legibus animum deuoueris,
nisi Christum esse, Paulo magistro, scias eum, à quo spi-
ritus petendus sit amans eorum quae lege iubentur: de-
inde & qui, si quid praeter legem, ut imbecillitas huma-
na, deliqueris, ignoscat. Frustra item Evangelicam hi-
storiam didiceris, nisi historiae scopos & usum, illo mon-
strante, obseruaueris. Vbi de legis abrogatione, de pec-
cato,

rato, de carne, de spiritu, de filiis adoptionis, de libertate, de seruitute differit, quid aliud agit, quàm ut, ceu methodo quadam, uniuersæ scripturæ lumen adferat. Omitto quæ mysteria, quàm sublimia doceat, ubi cœperis in eum attentius oculos defigere. Satis amplum enim fructum feceris, si uel à limine salutaueris. Nam quod ad confirmandas & consolandas conscientias attingit, nemo Paulo, mea quidem sententia, preferendus est. Summa cura esto, ut in hoc discas, quò habeas uitæ formam ac regulam. Etenim si disceptandi & litigandi gratia didiceris, uide quàm facias atrocem sanctissimo uiro iniuriam, qui pacis adsertore, præcone Christi, qui solus uera pax est, tam fœde abuteris. Nam quod quidam Theologica ad scenam, ad uulgi plausum comparant, deplorandum magis quàm insectandū est. Iam & ex Paulo cognoscere licebit, qui fructus longe pulcherri-
~~mus est, inter Christianam doctrinā, & Philosophiam proprie quid intersit: quod ut apprime necessarium est cognoscere, quotquot in philosophicis studiis uersantur, ita neglectum uideo à scholicis Doctoribus in uniuersum: qui è Theologia nobis non aliud fecere, quàm illam Græciε hircissantem animum, Philosophiam. De quo discrimine ipse quidem hoc loco dicerem, nisi dehortaretur argumenti difficultas. Verum, hoc uelim omnibus Christianis mētibus persuasum, prorsus aliud esse Christianismum, q̃ uel Philosophiam, uel nostrorum hominum Theologiam. Alia ad uirtutem uia est, alius bonorum finis, alia hominis εὐδαιμονία, quam præscribit Paulus, quàm quæ Philosophorum scholis docetur. Miseram Rempub. Christianam, quæ ipsa sui oblita, in alienas scholas detrusa est, imo quæ iuxta scripturam~~

Scenici
Theologi.

Philosophia
γενεὺς καὶ
πρώτα.

ram, contubernio Moabitidum, alienam linguam, oblita patria, didicit. Quam calamitatem non uideo cui debeamus, nisi insanis istis Magistris nostris, qui se imperitæ plebeculæ, e mentito doctrinæ titulo, uenditant. Præterea quæ accurate formet Paulus omnes hominum ordines, Principes, Episcopos, iuuenes, senes, matronas: Nam hæc fortasse cōmunia habet cum alijs sacris scriptoribus. Hanc sibi laudem proprie uindicat, quod gratiæ originem ac propagationem, adeoque peccati & legis uim exculsit, quos potissimum locos ab eo requireres. Atque hæc omnia, quæ graui, quæ dilucida, quæ eleganti oratione persequitur: Breuiter quidem, sed ita ut nihil desit, ut nusquam non satisfaciat. Periculis orationem aiunt solitam in auditorum animis tenaces quosdam aculeos relinquere: Huius dici non potest, ut flectat, ut uerset, ut rapiat, ut inflammet legentis animum. Doleret conscientia, consolatur: Sollicitat cupiditas genialis, uocat inuicem, retinet ne frena laxes ægrescenti animo, illum ipsum ostendit Christum, qui seruet. Denique quicquid morborum animum fatigat, ab hoc pete præsentaneum remedium. Neque ulla tam efficax Panacea est, quæ Paulina oratio, nullum aduersus ueneficia tam salutare Moly, quæ aduersus animi morbos Pauli doctrina. Platonis cum Charmiden morbo, nescio quo, leuaturus Socrates, duplex indicat remedium, & radiculam quandam & incantamentum, censetque parum profuturam radiculam citra incantamentum, seu, ut Platónico utar uerbo, citra epoden. Porro radiculam interpretatur temperantiam: epoden philosophicā doctrinā, sine qua, quamcumque uitæ rationem ineas, incertam & instabilem putat futuram. Quanto amplius precium operæ facturus es, si

Pauli eloquentia.

periculis
oratio

whitab
magna
paulina
doctrina

Epoda Socratica.

Socratica
duplex re-
medium
contra mor-
bos corporis

AD PAVLINAM PHILOSOPH. 9

es, si morbis animi medicaturus, Pauli doctrina nitare,
tanto quibusuis epodis efficaciore, quanto diuini spiri-
tus uis, humanis præstat omnibus. Sunt animi morbi,
tum carnis cupiditas, tum male consciæ mentis pavor,
quibus quando nemo, ut Paulus, medetur, non est cur
alterius desideres epodas. Nam sæuientem cupidita-
tem alij per leges coercere student. Hic Christum illū
nostrum exhibet, qui in hoc carnem induit, ut expiaret.
Neq; precipit modo imperandū animo, sed eum osten-
dit, qui uires addat periclitanti. Iam uero uel unum pro-
fer qui docuerit, quomodo male consciam mentem, id
quod plurimum in rebus Christianis refert, consoleris.
Non nego esse locos, quibus adflictam conscientiam
cōsoleris & in reliquis scripturæ uoluminibus, sed sub
obscuris, & quorum nullus usus futurus erat, nisi à Pau-
lo illustrati essent. In humanis doctrinis nego esse in-
uniuersum, qui faucia menti mederi possit. Imò quid
agunt aliud scholici doctorculi, quàm ut adflictam con-
scientiam prorsus excarnificent & enecent: id quod est
cernere in formulis casuum, summis, quas uocant, in sa-
tisfactionum aduersarijs, & nescio quibus nugis alijs.
Sauciant & male sanæ Pontificum constitutiones, ut iu-
res uerius sanguine scriptas Pontificum, quàm Draco-
nis Atheniensis leges. Quod genus doctorum apte uo-
cat Hieremias aspides, quæ nullo carmine uinci queant.
Quamquam bone Deus, nusquam meliorem nauasse
operam sibi scholica Theologia uidetur, q̃ in conscien-
tiæ censura. Proinde iuuenes Christo inaugurati, Pau-
linæ Philosophiæ animos addicite, nisi non est uobis
salus uestra curæ. Hinc formam Christianæ uitæ, hinc
animorum solatia, hinc rerum omnium tum diuinarū,

B tum

animi
morbis

Paulus uni-
cus male cō-
scia mentis
consolator.

Peroratio.

cum hostianarum iudicium petite. Etenim iuventutem in primis refert, nihil antiquius, nihil prius ducere Christiana disciplina, è qua ceterum uaticum foeliciter transigenda uitæ paret. Neque enim fieri potest, ut probe instituas uitam, ut foeliciter transigas, nisi Paulinis literis, aduersum insidias pertinacissimorum hostium Satane & carnis. Reliquas artes omneis uel contemnere licet: Paulina, nisi spem omnem salutis abiecasti, negligi non possunt. Et Episcopos adniti decebat, ut hæc tenerent, non modo qui studiosi uocantur, sed plane uniuersum Christianum uulgus. Decebat Academias nihil maiore cura ac studio docere, quàm hoc genus pias literas, quas barbara & confusanea disciplina, Philosophiam isti ementito titulo uocant: forensibus item litibus, & foredda quadam Philosophiæ emula, Theologia, maiores nostri mutarunt, *καλκτα*, si dijs placet, *χρυσον*. Ipse magno animi dolore, nihil aliud uideo Academias esse, quàm templa Tophet, & funestam filiorum Ennon uallem: Nempe, exulantibus Christianis literis. Habuerunt Athenæ ex Ariopago, habuit Sparta pædonomos, qui adulescentiam optimis quibusque modis formabāt: Et hi quanto foelicius Ethnici iuventutem erudiere, quàm nostrorum temporum Academiae? Quin uos ipsi, studiosi iuuenes, rem capeffite, fauebit ita conatibus uestris, ut ætati, coelestis spiritus: & Christum nusquam euidentius expressum, quàm Paulinis literis, assiduo contemplantini. Nullus Deo gratior cultus, nullum magis pium exemplum, quàm in pias literas uelle trans formari. Et res ipsa semel tentata, suis uos illecebris ita capiet, ut deserere non libeat. Nam cum per sese bonarum rerum cognitio iucunda sit, Christianarum etiam salutaris

Acade
mie.

ad hunc

modum

*Cura forma
de adolefcent
fuit apud
Ethnicos*

ORATIO PHILIPPI MELANCHTHONIS,
de amore ueritatis, dicta ab ipso, cum decerneretur
gradus Magisterij D. Andreae Vuinclero Vratista. &
alijs quibusdam bonis & doctis uiris, Anno
M. D. XXXV. die April.
XIII.



On soleo odiose repugnare amicis: Itaq;
modo etiam facile passus sum mihi pro
uinciam hoc in loco dicendi mandari, &
si pleriq; alij collegæ nostri ad dicendum
aptiores sunt. Sed cū collegis nostris libe
ter morem gessi, quibus cū uideris me coniunctissimè
uiuere. Amo enim eos ex animo, & quia me cum eis
Repub. coniunxit, & propter ipsorum egregiam do
ctrinam, & in omni officij genere diligentiam & uirtu
tem. Tum uero gratificandum duxi his doctissimis ui
ris, & huic hospiti, qui cum singulari fide & foelicitate li
teras doceat, non deesse ei studia atq; officia nostri ordi
nis debent. Nam si recte æstimes, amplissime de tota
Repub. merentur isti, qui primam aetate recte erudiunt,
& ad maximas artes præparant. His igitur ostendere
uolui, me & honori ipsorum fauere, & hæc scholarū te
stimonia, seu gradus magnificere. Etenim cū plurimū
dignitatis sit in his optimis atq; utilissimis artibus, qua
rum propagatio & defensio collegio nostro commissa
est: multum etiam dignitatis in hoc gradu esse iudican
dum est, cum in hoc ipso gradu foedus cum Repub. fiat,
in quo hi quibus decernitur, obligant se Reipub. ad do
cendas optimas artes, & utilissimas humano generi.
Hoc foedere quid potest cogitari honestius aut sanctius,
modo

*excepit
bonum bonum de
rep: meruit*

*Comendatio
gradus*

modo ut hi qui aucti sunt hoc honore, magnitudinem muneris sui animo meriantur, & pro uirili tueri studeant. Certe consilium faciendi huius sanctissimi consideris in hoc gradu, est honestissimum atq; humanissimum. Quare digni odio sunt Cynici illi, qui ut ceteros honestos mores, ita & gradus grauissimo consilio institutos, quiq; obligant homines ad defensionem bonarum disciplinarum, aspernantur.

Exposui consilium meum, quare in hanc scenam produci me passus sim. Solet autem hic uel de artium dignitate, uel de studijs uirtutis dici. Hic mos cum ualde mihi probetur, sumpsi & ipse argumentum ex eodem genere. Et quoniam constat honestas disciplinas, leges & religiones, uincula esse humane societatis, facile iudicari potest, maxime necessariam esse ad uitam, omnium bonarum artium doctrinam. Itaque de hac parte non disputabo prolixius: Nam id quidem persuasissimum esse omnibus debet, & monent idem quotidie doctorum uoces & literę. Dicam igitur de una quadam uirtute per necessaria his qui in studijs uersantur, uidelicet, de amore ueritatis, seu de odio sophistices. Etenim nulla uox humana satis eloqui potest, quantum referat, hæere in animis infixum ab ineunte ætate acerrimum sophistices odium. De hoc queso, ut me diligenter audiaris adulescentes, quem iam ætas & magna rerum uarietas erudierunt. Nihil opus est iam dicere, quantum Reipublice cura angat atq; exerceat animum meum. Illud tantum dicam, ut me maiori studio audiaris: uere hoc affirmare possum, me paterno affectu atque amore complecti omnes studiosos, ac uehementer uestris periculis affici. Itaque quod alias sæpe monui, idem nunc quoque, quod

B iij niam

Cynici aspernantur gradus

ad hunc modum raptus

benignus erga locum

nam in hoc confesso doctissimorum hominum, bra-
no plus habere debet auctoritas, quibuscumque uos esse
doxilem, ut in mol, onis di ouan ni sibi, milis, mucus nil
Ac longe aliud precipiamus uobis, quam apud Sopho-
clum Vlysses precipit Achillis filio adolescenti Neo-
ptolemo, cum doceretur mendacijs circumuenire, &
fallere amicum, & quidem multis argumentis declar-
rat, hoc artificium uoluntatisimum esse in uita negotijs.
Cumq; adulescens miratur, qua fronte, quo ore mentia-
ri quisquam ausit sciens, respondet Vlysses, nefarie is qui-
dem, sed significans quales sint hominum mores. *Ubi-
namq; spes lucri est, pudere non decet.*
Atq; uirum hunc Vlysses Philosophia tantum in pri-
uatis & senibus negotijs exerceret. Sed experimur
eam peruasisse in grauissimas Regum deliberationes,
in scholas, corrumpere artes, & quod est precipue de-
plorandum, regnare in Ecclesijs, & obruere religionem.
Quare si solidam doctrinam & utilem generi humano
expetitis, & hoc uestrum curriculum Deo placere, &
prodesse alijs uultis, uehementis odium Sophisticum
animo concipiendum est. Atq; hac in re primum quid
uicem Sophisticum, deinde q; perniciosum sit, confide-
randum erit. Non enim appello Sophisticum, tantum
rediculas, illas caillationes, quae pueris traduntur in Dia-
lecticis, ceterarum, & crocodilinas, & similes. Illud uobis
cauenda est Sophistica, quae uirificam sapientiam spe-
ciem praeseferit, & in curia, in subellijs, in Ecclesijs do-
minatur. Vbi alios piget inquirere ueritatem, alij expli-
care commodum non norunt, alij per ambitionem deum
dustria nebulas offundunt. Et interim magna quorunda-
re inferunt animis falsas & nocivas opiniones.

Medici

*Vlysses docuit
Neoptolemum
mendacis
circumuenire*

Medici narrant melancholicorum exempla, quorum
 alius errore mentis putauit se factum esse gallum gala-
 linaceum: alius sedit in uacuo theatro, somnians se ui-
 dere spectacula. His persimiles uidentur plurimi hebe-
 tiores, qui leui aliqua cauillatione decepti, amant ab-
 surdas opiniones, & quod est miserandum, his ita
 blanditur error, ut sibi applaudant, se beatos ducant il-
 la infania. Exempla sunt in scholis & in Ecclesijs pluri-
 ma. Stoiici propter leues cauillationes discesserunt à na-
 tura, & suam illam ἀπάθειαν ridicule sibi finxerūt. Lon-
 gius etiam à natura discedit Epicurus, qui prorsus eue-
 tit Phycas, tollit efficientes & finales causas, & quidem
 de his inuentis utriq; sibi mirum in modum placent.
 Quid nunc Anabaptiste, quàm sunt plane ἀντιφύσιον
 ac dementati Sophistica? Sed hos hebetiores omitto.
 Alij quidam abundant ingenijs, qui in studijs suis
 non proponunt sibi hunc finem, ut ueritatem eruant ac
 patefaciant, sed ut de omnibus rebus prodigiosa uariet-
 ate disputent. Et has præstigias summâ ingenij laudē
 esse ducunt. Tales fuerunt olim Academici seu Pyrrho-
 nij potius, qui omnia pariter incerta esse cõtendebant,
 & ne probabilius quidem alio aliud, ac Geometrica
 principia etiam euertere conabantur, scilicet, ut acuti, ut
 copiosi uiderentur. Tales sunt apud Platonem Sophi-
 stæ Gorgias, Thräsymachus, nec ipse raro ad eundem
 modum ludit. Hæc ingeniorum licentia plurimum ha-
 bet periculi. Ea quæ amant, amplificant in immensum:
 quæ non amant, extreme abijciunt: dicunt uicina pro-
 ueris, miscunt non coherentia, distrahunt ea quæ con-
 iungi oportuit, perinde ac si centauros ac chimeras pin-
 gerent: nihil proprie, nihil discrete dicunt, ludunt ironijs
 & alijs

*Exemplum
 melancholicorum
 uiciorum*

*carpōt Platonis
 ac Epicurorum
 qui distrahunt
 a natura*

*Pyrrhonij
 ac Academicorum*

& alijs delicijs. Videte quibus coloribus nunc ingeniosi homines pingant abusus Ecclesiasticos, quibus technis ueras sententias obruant. Quam multa inueniunt σοφὰ φάρμακα, ut medeantur absurdis opinionibus, quoties in eum locum uentum est, ubi oportet seu uerfare dolos, seu certæ occumbere morti.

Cum hac Sophistica bellum ἀπανδρῶν debet esse omnibus, qui & boni uiri perhiberi uolunt, & studia sua referunt ad communem utilitatem. Plato grauissime dicit, dandam esse operam in dicendo, non ut hominū planus capremus, sed Deo grata dicamus. Quare tota mente, totoq; animo in hunc scopum unum inueamur, huc directā sit manus, oculi, cura, ut & eruiamus, & q̄ simplicissime ac planissime patefaciamus ueritatem. Hæc enim & Deo nos cōciliat, & maxime conuenit naturæ, & salutem affert Rebus pub. & Ecclesijs. Nec ulla existimemus officia Deo gratiora esse, nihil Reipub. utilius, q̄ hoc studium explicandæ ueritatis. Rectissime enim dictum est illud in legibus Platonis: ἀλήθεια πάντων μὲν ἀγαθῶν θεοῖς ἐστίν, πάντων δὲ ἀνθρώποις. Veritas omnium bonorum causa est dijs & hominibus. Quam crebro præcipit Christus de colenda & tuenda ueritate: q̄ sancte cōmendat nobis eius studium: q̄ horribiles pœnas etiam proponit his qui ueritatem uiolant: Porro qui amant sophisticen, & in cæteris artibus ludere consueuerunt, ad eundem modum ludunt in doctrina cœlesti. Iam hic remedia quærenda erant, quibus præmunirentur animi cōtra sophisticen. Sed me uerus uersiculus perterrefacit, qui negat remedium esse contra Sycophantemorsum. Et ita late grassatur hæc pestis, quam uel Sycophanticam, uel Sophisticam pores

cam potes appellare, ut contagium uix usquam possis effugere: Repugnandum est tamen arte aliqua. Primum ingens odium Sophisticæ concipiendum est. Deinde uidendum in scholis, in Ecclesijs, in concilijs, qui nam inquirant ueritatem, qui ludant quadam ingenij procacitate, qui defendant priuatas aliquas cupiditates. Atque hic assumendum est illud Epicharmi, in quo nerui atque artus esse sapientiæ dicuntur, *μὲν νηροὶ ἀπὸ τῆς ψυχῆς*. Non statim assentiendum est, præsertim monstrosis & irreligiosis opinionibus, non est præcipitanda sententia. Tempus adhibendum est in consilium, quod uere est ut ille inquit, sapientissimus monitor. Deinde sit directa mens ad inquisitionem ueritatis, adhibeat methodum, quæ in Plato inquit, ignis est cælo allatus, qui præbeat lumen ad ueritatem cernendam. Coherceat se quisque intra septa methodi, nec temere excurrat in alienos locos. Amet proprietatem in artibus, & sibi subinde illud præceptum utile Stoicorum inculcet: *ὁ σοφὸς ἐν ὑποθέσει μόνον*, sapiens proprie loquatur. Magnam uim & hoc habet, multum operæ collocare in ijs artibus, quæ plurimum habent demonstrationum. Nam & Galenus fatetur se penè in amentiam Pyrrhonorū delapsus esse, nisi in Geometria uidisset tantam esse uim demonstrationum. Neque hoc eo dico, quod putem in diuinis oraculis aut ubique requirendas esse demonstrationes: Sed consuetudo methodi prodest studiosis, & format iudicia. Postremo & Rempub. animo intueatur, cōsideret duas esse pestes Ecclesiæ, & Reipub. præcipuas, Tyrannidem & Sophisticen, sed hanc multo nocentiorē Tyrannide. Omnibus seculis Sophistica contaminauit & dissipauit religiones. Et falsas opiniones secutæ sunt factio-

C nes,

*Tempus moni-
tor sapientissimus*

*Methodus est
ignis cælo allatus*

*Laudat artes
demonstrationum*

*Quæ sunt in
ecclesijs & reipub.*

nes, diffidia, caedes, bella, imperiorum mutationes, in quibus nihil mali non inest: Spargit enim Diabolus mendacia tanquam semina cæterarum cladum. Quid quod animæ etiam dementatæ ruunt in perniciem: Ac dici non potest, quæ facile saucientur mentes, quanta prudentia opus sit, ne à recto cursu depellantur. Christus minatur atrocissimas pœnas his, qui paruulorum mentes lædunt, & inquit: Vt homini per quem accidit scandalum. Hæc periculi magnitudo maxime debet nos exuscitare, & curam acuere discendi, ut uera & utilia Ecclesiæ proponamus: Neque enim sine maximo studio, sine multarum rerum atque artium cognitione, sine longo usu formari iudicia de magnis rebus possunt. Ac semper nobis ipsi subiiciamus, cum hæc pericula de quibus concionatur Christus, tum etiam quæ iucunda bonis mentibus sit ueritas, quantum uitæ præsidium sit in omnibus negocijs, quæ digna uirtus bonis uiris, ueritatis amor. Cogitemus Philosophum esse non præstigiatores aut Euribatium aliquem, sed φιλάλουν. Sciamus nostro ordini commendatam esse ueritatis defensionem, expendamus quantum sit scelus, hæc stationem, in quam à Republica collocati sumus, deferere. Habent autem interdum illecebras falsæ opinionēs, adulantur cupiditatibus nostris, ambitioni, superstitioni, aut alijs. Aduersus has insidias obfirmandus est animus, & illud Euripidis præceptum tenendum, quod Aristoteles proponit his, qui populo concionantur in ciuitatibus: μή μοι τὰ νόμιμα λέγε, ἀλλὰ ὅν πρόλδ δίδει. Ne plausibilia dicas, sed quibus opus habet ciuitas. Hæc inculcate animis optimi adolescentēs: Nam studia uestra non tantum ad priuatas utilitates uestras, sed ad totam Rempublicam, ad gloriam Dei, ad Ecclesiam

*Euribatius
in signis pro
dior ac fur
forbis abspic*

*Euripides pro
in ciuitate
sane*

DE AMORE VERITATIS.

19

ad Ecclesie salutem pertinent. Quod cum cogitabitis,
maior cura ad tantarum rerum defensionem animi erit
instruendi ac preparandi. Atque has causas in bonis in-
genijs plurimum ualere spero, quæ decet profecto ma-
xime & uoluntate Dei, & comminationibus di-
uinis, & periculis publicis, & ipsa re-
rum dignitate moueri. Dixi. Vnde patet, quod
quæstio, quæ re, Plato dixit, optimum esse statum Reipublicam qui medius
est inter Tyrannidem & Democra-
tiam, proportionem Geo-
mericam, cuius ratio est, ut



Vnde publica consuetudo mihi necessita-
tem hoc in loco dicendi imponat, peto a
uobis initio orationis mee, uti doctissimi,
ne me impudentia aut ingenij fiducia has
mihi partes sumplisse existimetis. Nam cū
ita sit etas mea, ut magis aliquanto quàm adolescentuli iudi-
care possim, quæ sit huius amplissimi coetus autoritas,
turpissimū mihi esset, si parū uereri uestra iudicia existi-
marem. Itaque non meo consilio, sed officio me ad dicen-
dum adductum esse statuetis. Semper enim in omni ui-
ta mihi non minor laus est uisa, publicis institutis ac le-
gibus parere, quàm doctriua excellere. Quod cum arbi-
tror uos quoque uiros optimos & grauissimos sentire,
spero uos consilium meum probaturos esse, quod lau-
datissimæ scholæ consuetudini obtemperandum duxi.

C ij

Cum

*offerij m. m. p.
tas*

Cum autem non possim eloquentia vobis satisfacere, dabo operam, ne cui prolixitas orationis molesta sit. Et ut nouitate tedium aliqua ex parte leuemus, malui quæstionem aliquam agitare, quàm artium encomium recitare, quod eo in genere in hac ingenij imbecillitate nihil reperire potui, quod nõ esset uulgarissimum. Disputabo igitur, quare Plato dixerit eum Reipub. statum optimum esse, qui sit inter Tyrannidẽ & Democratiam medius proportionẽ geometrica. Per liberalis mihi uisa est Platonis sententia, et ad uitam utilissima, quam si sequantur hi qui præsumunt, haud dubie beatissimæ erunt ciuitates. Multum etiam Reipub. cõducit priuatos eam tenere, ut suum locum, suum munus ita tueantur, ne, quantum in ipsis est, pulcherrima illa harmonia geometricæ proportionis perturbetur. Quantam autẽ vim habeat Platonis dictum, in exemplo facilius conspici poterit. In Ecclesia maxime cerni potest, quàm perniciosus sit uterq; status, Democratia & Tyrannis. Quid enim futurum esset, si uulgo licentia cõcederetur, dogmata, & ritus condendi aut mutandi? Tanta est uulgi stulticia, tam cæci acuarij impetus, ut infinita barbaries & omnium rerum in Ecclesia confusio futura esset. Vidimus exempla quẽdã, nec alia res initio Anabaptistarum insaniam confirmauit, nisi hæc in ijs locis, ubi conuenerunt, Democratia, in qua uulgo homines nefarij, sediciosi, cupidi, sparserunt uaria dogmata, alij per ambitionem, alij incitati alijs cupiditatibus, ut pretextu religionis consequerentur potentiam, diriperent locupletum facultates. Nam in uulgo non solum nulla ratio est, nihil consilij, nulla moderatio, sed etiam plurimi sunt improbi, & ut quisq; pessimus, audacissimus, ac furiosissimus

transfusa
p. uulgaris

principatum
uulgi uoluntatis

uulgi uoluntatis

riofissimus est, ita plurimum gratia atq; autoritate in uulgo pollet. Hæc notiora sunt, q̃ ut longa oratione opus sit. Rursus & Tyrannis pestifera est Ecclesiæ, cum hi qui dominantur, nō dant operam, ut Christi gloriam ac ueritatem reddant illustriorem, nō consulunt saluti Ecclesiæ, sed suam autoritatem, suas opes defendere, aut augere conantur, ut nunc Pontifices horribili seruitute Ecclesiæ opprimunt, nolunt explicari dogmata, Christi doctrinam patefieri, sanari errantes aut ambigentes conscientias. Relinquitur igitur ut medius quidam Ecclesiæ status optandus sit. Sed hæc mediocritas, nisi Geometrica proportionem constet, statim degenerat uel in Oligarchiam, uel in uulgi licentiam. Est autem Platoni proportio illa Geometrica, cum non unus aliquis dominatur, sed gradus fiunt, & delecti optimi ac doctissimi quiq; plurimum autoritate ualent. Ut si in Ecclesia præcipuas functiones doctissimi & optimi quiq; teneant, nec iaceant pari seruitute omnes boni oppressi, sed gradus seruentur, indocti gubernatores admittant bonorum & doctiorum consilia. Non cōfundantur gradus, sed unusquisq; uelut stationem, suum locum teneatur atq; ornet: eruditi iudicent de doctrina, indocti auscultent atq; obtemperent, nec in alienas functiones irumpant conturbato ordine. Sicut & Paulus grauissime monet cap. 12. ad Roman. cum præcipit, ne immodeste de nobis sentiamus, sed unusquisq; pro suo dono modeste seruiat, suum munus ornet. Hæc est illa diuina proportio, quæ si esset in Ecclesia & in Repub. uere beati essemus. Hoc medium inter Tyrannidem & Democratiam cōstituendum esse sapientibus gubernatoribus Plato dicit. Sed quantum ab hac forma distet Ecclesiæ, non est obscurū:

C iij

Nam

*capit tyrannidis**proportio geometrica in uulgo
quid sit*

Nam aut iacet oppressa Tyrannide, aut horribiliter dissipatur ac laceratur a vulgo. Nec falso dixit Plato, proportionem illam difficulter inueniri, ac iudicium de ea non esse hominum, sed Dei, sed tamē interdum aliquā eius partē rebus humanis contingere, & si quid boni sit in Repub. beneficio huius proportionis existere. Optandum igitur est omnibus, ut Deus aliquando hanc harmoniam in Ecclesia restituat, & nos qui in studijs uersamur, demus operam, ut munus commissum ornemus, ut ad docendum & iudicandum ueniamus bene meditati ac parati, ut dextre, proprie, & sine confusione dogmata explicare possimus. Assuesciamus nos ad modē destitiam, fugiamus *ωδύνην καὶ πορνείαν*, & petulantiam. Hoc modo nostri ordinis seu gradus harmonia correctā, plurimum Ecclesiae boni afferet. Hec dixi, ut Platonis sententiam interpretarer, quae ad illustre translata exemplum, sit magis perspicua. Et praestandum nobis est, ut nō solum intelligamus et erudite dicta summorum hominum, sed etiam ut ad nostrum usum ac vitam accommodemus, & extra scholam, expuluerē in solem, & uelut in aciem proferamus. Monet autē nos haec sententia de maximis rebus, uidelicet, qui debeant esse gradus in Rebus pub. & ne harmonia illa turbetur, suum cuiq; munus diligenter obeundum esse: & quoniā unū quoddam systema est, attemperare unusquisq; suā harmoniam ad aliarū uocū proportionē, hoc est, ad aliorū utilitatē & mutuam concordia debet. Quanta haec uim habeant, in Ecclesiae exemplo facile conspici potest. Reliquae sunt multae & graues disputatiōes in hoc loco Platonis, quas omitto, & totā hanc causam diligentius explicandā doctissimo uiro D. Decano cōmendo. Dixi.

Oratio

ORATIO PHILIPPI MELANCHTHONIS

nis, pronunciata, cum decerneretur gradus

Magisterij quibusdam doctis

& honestis iuue-

nibus.



Pero mores meos ita vobis omnibus inspectos & notos esse, ut facile persuadere possim, me non impudentia, aut fiducia ingenij, aut πολυπραγμοσύνη aliqua has mihi dicendi partes iterū sumpsisse. Nam cum mandaret eas mihi vir optimus Iacobus Milichius Decanus Collegij nostri, qui propter egregiam uirtutē ac studiorum & plurimorum officiorum societatem, mihi charissimus est, mouebar quadam officij ratione, ut morem gerendum esse amici uoluntati existimarem. Neque ego sum adeo Suffenus, aut ridicule mihi placeo, ut ignorē plerosque alios in hac schola esse, & natura magis idoneos, & doctrina melius instructos ad dicendū, quā ego sum, quibus profecto laudem ingenij & eruditionis largiter tribuo. Sed nolui uideri morosior in recusando, cum hanc operam à me homo amicissimus flagitaret. Verum nolo uti longiore excusatione: Nam opinor mores meos satis probatos vobis esse. Et hæc sunt præcipue ex eo genere, in quo ualet uersiculus:

ῥῶτος ἐστὶ τὸ πείθειν τὸ λέγοντος, οὐ λόγῳ.

qui ait, mores dicentis persuadere, non orationem. Est autem optimo consilio institutum, ut in his pompis, aut de studijs, aut de laude uirtutum dicatur. Quare ut argumentum cōueniens huic loco afferrem, & aliquid de dignitate & utilitate harū artium, quas Philosophia proficitur

proficitur, dicerem, institui orationem, in qua offenderem, Ecclesiæ opus esse liberali eruditione, & non tantum cognitione Grammatices, sed etiam aliarum multarum artium, & Philosophiæ scientia. Quod cum ita esse statuimus, & si aliæ causæ ad dicendum inuitant, tamen bonæ mentes in hunc finem præcipue, & acerrime intueri debent, ut studia ad iuuandam & ornandam Ecclesiam referant: nihil enim bonis dulcius Ecclesiæ nomine, nihil ea carius esse debet. Hæc causa maxime hortari & excitare nos debet, ut summa cōtentione animorum expetamus perfectam doctrinam, ex qua ad Rempub. & ad Ecclesiam utilitas aliqua peruenire possit. Nec uero nobis præceptoribus dignior est oratio de ulla re alia, nec bonis & studiosis quicquam utilius est, quàm animo finem, & quasi metam honestissimi cursus prospicere, ad quam referre sua studia debent.

Ad hæc artium ipsarum dignitas & uis non alibi magis conspici potest, quàm si uideamus, quantum opus sit illis in Ecclesia, quantis tenebris obruat inscitia religionem, quantam uastitatem, quàm horribiles dissipationes Ecclesiarum, quantam barbariem, & confusionem totius humani generis pariat. Hæc si quis considerabit, ita demum existimare poterit, quanta sit artium ac doctrinæ uis & magnitudo.

Et si autem nulla oratio par tantis rebus excogitari potest, tamen cum ab imperitis sæpe serantur de hac re prauæ opiniones, adolescentes monendi & præmu- niendi sunt: quod quanquam in scholis sit à præceptoribus quotidie, tamen oratio, quæ hoc loco habetur publico nomine, plus autoritatis habere debet. Est enim omnium doctissimorum uirorum in hoc consensu com-
munis

*Studia ad Eccl
siam referenda*

munis sententia, quam contemnere profecto fuerit arrogantissimum. Quare cum & necessaria Reipub. & uobis salutaria dicam, & hæc mea uox cōmunem omnium uobis sententiam exponat, peto ut me pro uestra humanitate diligenter audiat, & admoniti, non tantū sicut Ulyssis socij Sirenas obstructis auribus præteruecti sunt, ita uos eorum inepta iudicia, qui non putant Ecclesiæ admodum opus esse liberali eruditione fugiatis, sed illos ipsos tanq̃ terribimas pestes & dira portenta excremini. Deinde acuat & exciter discendi curam, quod studia uestra ad Ecclesiam, ad Rempub. pertinent, nec tantum ex illis priuata utilitas & uoluptas petitur.

Primum enim omnino ilias malorum est inerudita Theologia. Est enim confusanea doctrina, in quā magnæ res non explicantur diserte, miscentur ea quæ oportebat seiungi, rursus illa quæ natura coniungi postulat, distrahuntur: Sæpe pugnantia dicuntur, uicina arripiuntur pro ueris ac proprijs. Postremo tota doctrina monstrosa est, & similis illi picturæ apud Horatium:

Humano capiti ceruicem pictor equinam

Iungere si uelit, & uarias inducere plumas.

Nihil in ea coheret, non initia, non progressiones, non exitus cerni possunt. Talis doctrina nō potest nō gignere infinitos errores, infinitam dissipationē, quia in tanta confusione alius aliud intelligit, & dum suum quisq̃ somnium defendit, existunt certamina, & dissensiones. Interim conscientie relinquuntur ambigentes. Et quia nullæ Erynnes uehementius cruciant animū, q̃ hæc dubitatio de religione, tandē odio quodam abijcitur uersa religio, & fiunt mentes prophanæ & Epicureæ.

Cum igitur tantum habeat mali inerudita Theolo-

D gia,

*Locus alienus
humidus et
inutilis*

*Thas malorum
inerudita theologia*

gia, facile iudicari potest, Ecclesiæ opus esse multis magnis artibus. Nam ad iudicandum, & ad recte & dilucide explicandas res intricatas & obscuras, non satis est nosse hæc uulgaria præcepta Grammatices & Dialectices, sed opus est multiplici doctrina: Multa enim assuenda sunt ex Physicis, multa ex Philosophia morali conferenda sunt ad doctrinam Christianam.

*Methodus &
forma orationis*

Deinde duæ res sunt, ad quas comparandas opus est magna & uaria doctrina, & longa exercitatione in multis artibus, uidelicet, methodus, & forma orationis. Neque enim fieri artifex methodi potest, nisi bene & rite assuefactus in Philosophia, & quidem in hoc uno genere Philosophiæ, quod alienum est à Sophistica, quod ueritatem ordine, & recta uia inquit & patefacit. Qui in eo studio bene assuefacti, & sibi parauerunt, reuocandi omnia ad methodum, quæ intelligere aut tradere alijs cupiunt, hi norunt etiam in disputationibus religionis informare methodos, euoluere intricata, dissipata contrahere, obscuris & ambiguïs addere lumen.

Magna & copiosa doctrina ad alteram rem, scilicet, ad formandam orationem opus est, ut norunt omnes uel mediocriter uersari in literis. Sed ut hanc & methodi informandæ nobis comparemus, non minore studio opus est. Nec potest hæc contingere ijs, qui non assuefiunt in pluribus Philosophiæ partibus, in quibus qui non exercentur, etiamsi attigerunt Dialecticam, tamen tantum umbram quandam methodi consequuntur. Nec alij sæpius uitiosa & Sophistica colligunt, quæ isti. Cumq; se artifices methodi esse putent, tamen uia deerrant, & sunt, ut Homericæ uerbo utar, ἀλασκόπων. Porro non tantum propter methodum, seu ut Plato uocat,

εὐδαιμονίας λόγος, opus est Philosophia. Sed ut ante dixi, etiam multa assumenda sunt Theologo ex Physicis, ubi ea est singularum partium ratio, ut his, qui solidam doctrinā expetunt, non satis sit pauca quedam excerpere, sed ars integra, quantum fieri potest, cognoscenda est. Magno instrumento destitutus est Theologus, qui nescit illas eruditissimas disputationes, de anima, de sensibus, de causis appetitionum & affectuum, de noticia, de uoluntate. Et arroganter faciet, qui se proficitur Dialecticum, si nescit illas causarum partitiones, quæ traduntur tantū in Physicis, & intelligi nō possunt nisi a Physicis. Omnino est orbis quidam artium, quo inter se deinde copulata sunt omnes, ut ad singulas percipiendas, multa ex alijs assumi oporteat. Quare Ecclesia opus est toto illo doctrinarum orbe.

Non opinor quenquam adeo insulsum esse, ut non animaduertat, eos qui instructi sunt Philosophia moralis, multas partes doctrinæ Christianæ feliciter tractare posse. Nam cum multa sint similia, de legibus, de politicis moribus, contractibus, & multis uitæ officijs, adiuvamur, non solū ordine ac methodo in Philosophia, sed etiam rebus ipsis diligenter perceptis. Et si quæ sunt dissimilia, multum lucis adfert collatio. Porro ut claudus pilam tenet, ita Philosophiam moralem tractat is, quem Physica destituunt. Iam historie, temporum exacta supputatio, requirunt Mathematicen. Sed & hæc pars cum Physicis coniungenda est. Inde enim uelut ex fonte pleraq; in Physicis oriuntur. Et barbaries quædam est, ut nihil aliud dicam, contemnere illas pulcherrimas artes, de motibus syderum, quæ nobis annos, & temporum discrimina conficiunt, & multas res ma-

orbis doctrinæ
natura

phia moralis

Mathematica

ximas venturas denunciant, nosq̃ utiliter monent.

Nec ego ignoro aliud doctrinæ genus esse Philosophiam, aliud Theologiam. Nec ego illa ita misceri uolo, ut confundit multa iura coquus, sed adiuuari Theologum uolo in œconomia methodi. Multa etiam mutuari eum ex Philosophia necesse erit. Si quis huic orationi non habet fidem, is consideret indoctorum Theologiam, & apud se reputet, an expedire existimet orbi terrarum talem consulsaneam Sophisticam, ambiguam Theologiam inuehi in Ecclesiam. Et indoctos uoco nō solum rudes literarum, ut sunt Anabaptistæ, sed etiam illos ineptos, qui cum magnifice declamitent, tamen certinihil dicunt, & quia ad methodum nō sunt assuesciti, & quia fontes rerum nō satis tenent, propterea quia cum in Philosophia non sint instituti, non satis uideant aut quid Theologia profiteatur, aut quatenus cum Philosophia consentiat.

Nihil opus est hic ueteres illos recensere, qui doctrinam Christianam insulsiſſimis argutijs penitus obruerunt. Eruditam Philosophiam requiro, non illas cauillationes, quibus nullæ res subsunt. Ideo dixi unū quoddam Philosophiæ genus eligendum esse, quod q̃ mini mum habeat Sophisticas, & iustam methodū retineat: Talis est Aristotelis doctrina. Sed huic tamen aliunde addenda est illa præstantissima Philosophiæ pars, de moribus cœlestibus. Nam reliquæ sectæ plene sunt Sophisticas, & absurdarum & falsarum opinionum, quæ etiam moribus nocent. Nam illæ hyperbolæ Stoicorum sunt omnino Sophisticæ, bonam ualitudinem, opes, & similia non esse bona. Comentitia est & ἀπὸ δόξης, falsa & pernicioſa opinio de fato. Epicurus non Philosophatur,

phatur, sed scurratur, cum affirmat omnia casu extitisse: tollit primam causam, & dissentit in totum à uera Physicorum doctrina. Fugienda est & Academia, quæ non seruat methodum, & sumit sibi licentiam immoderatâ omnia euerrendi: quod qui facere student, hos necesse est multa Sophistice colligere. Quanquâ is qui ducem Aristotelem præcipue sequitur, & unam quandam simplicem ac minime Sophisticam doctrinam expetit, interdum & ab alijs autoribus sumere aliquid potest. Ut enim Musæ cum cantu certassent cum Sirenibus, easq; uicissint, ex pennis earum coronas sibi fecerunt, ita & in sectis, & si una maxime probanda est, tamen interdum ex alijs aliquid ueri decerpamus, quo nostra sententia ornetur.

Sed de genere Philosophiæ & sectarum discrimine aliàs dicendum erit. Mihi ad mores etiam conducere uidetur, eligere sectam, quæ studium habeat non rixandi, sed inquirendæ ueritatis, deinde quæ amet moderatas opiniones, non capret plausus indoctorum, præstigijs disputationum & absurdis sententijs. Harum rerum consuetudo pessima est, & qui eam ad sacras literas afferunt, ibi uero ingentes procellas cient. At hæc simplex Philosophia, de qua dico, primum hoc studium habet, ne quid affirmet sine demonstratione, ita facile effugiet absurdas opiniones, quia hæ non habent demonstrationes, sed tantum præstigijs Sophisticis defenduntur. Postremo in uniuersum propter hanc causam etiã conducit Ecclesiæ eruditio, quia indocti sunt & audaciores & negligentiores. Doctrina frenum iniicit, & ad diligentiam assuefacit. Multa enim eruditio in mentem ueniunt, quæ sunt uicina illi causæ, de qua est pronuncian-

D iij dum:

*Epictetus
erat ne philo
sophat*

*Collato a
Musis et Si
renibus*

non dicitur

dum: uident quàm facile sit labi ac decipi, & in alijs artibus assuefacti sunt ad querendos fontes negotiorum, ad explicanda illa que uidentur ob stare. Et abeunt studia in mores, quare hæc ipsa diligentia, quæ in inquisitione ponitur, gignit modestiam. Porro audacia cum negligentia cõiuncta, quantũ afferat periculi, omnium atatum exempla in omnibus ciuitatibus & in ipsa Ecclesia ostendunt, quæ ab indoctis temere ruentibus, & antea saepe dilacerata est, & hoc tempore crudeliter dilaceratur.

Itaq; uos, optimi auditores, primum adhortor, ut cogiteris studia uestra uere ad Rempub. & Ecclesiam pertinere: Nam doctrine puritas & concordia, salutem & concordiam hominum, ac præcipue Ecclesiæ conferuat. Deinde uos propter gloriam Dei, quam anteferre omnibus rebus debemus, deinde propter Ecclesiæ salutem, quæ nobis debet esse charissima, obtestor, ut has optimas disciplinas, quas Philosophia continet, conseruandas esse statuatis, & in eas maiore studio incumbatis, ut solidam doctrinam uobis, & utilem humano generi comparetis. Epaminondas interrogatus quid ei in uita iucundissimum accidisset: respondit, Indese maximam uoluptatem cepisse, quod uiuis parentibus liberaffet seruitute patriam, uictis ingenti prælio Lacedæmonijs. Testatus est enim utraq; sibi maximam uoluptatem attulisse, patriæ salutem, & parentum læticiam, quam illis attulisset filij uictoris uirtus & gloria. Utinã sic erga Ecclesiam affecti simus, ut hanc summam uoluptatem ducamus, uidere florentem & tranquillam Ecclesiam, quæ uerius est patria, quàm illud solum, illi penates, qui nos exceperunt nascentes, & præstare, ut Eccles

ut Ecclesia, hoc est, coelestes Angeli, & universus cœtus
 piorum, quem ut parentes uereri & amare decet, ex no-
 stris benefactis solidam uoluptatem capiant. Econtra
 nullos cruciatus acerbiores esse statuamus, quàm uide-
 re Ecclesiam dissipatam, & quidem nostris cupiditati-
 bus coniectos Angelos, & cœtum piorum in luctum ac
 dolorem. Non dico hic de præmijs, decet enim nos
 uirtute ipsa moueri, debent apud nos ualere Ecclesia
 caritas, & ratio officij, quod Deo debetur. Sed tamen
 non defutura sunt etiam præmia recte discentibus: Deus
 enim inquit: Glorificantes me glorificabo. Et si sumus
 Christiani, hac spe officium nostrum facere debemus,
 ut sentiamus nos Deo curæ esse, ne egeamus nos & li-
 beri nostri. Imo scitote nostra causa, non Tyrannorum,
 non eorum qui pia studia oderunt, hanc totam rerum
 naturam à Deo conseruari, solem oriri, efficere tempo-
 rum uicissitudines, ut agri fiant sæcundi. Recte hoc
 Stoici, Omnia esse Dei: Philosophos autem esse ami-
 cos Dei: Quare omnia etiam sunt Philosophorū. Itaq;
 ingentia animo hæc studia literarum & defendamus, &
 in hac statione diuinitus collocatos nos esse iudice-
 mus, eamq; ob causam & maiore cura faciamus

officium, & nostri laboris præmia

à Deo expectemus.

Dixi, tunc sis eussis T. apinon

Querela

QVERELA LAZARI, PRONVN-
 cia à quodam Scholastico
 Viteberge.



Ergrata nobis hæc dicendi cōsuetudo esse
 debet, nō tantum eo quod Latine lingue
 exercitium conseruat, propter quod præ-
 cipue instituta est, sed etiam quia nobis
 quidem adolescentibus hic locus imago
 quædam est Curie, aut Synodi. Hic enim de Repub. de
 imperijs, de Ecclesia, multa monemus auditores: Sæpe
 querelas nostras exponimus, sæpe sententias dicimus,
 p̄inde ac si in senatu, aut in consessu Synodi oratio ha-
 beretur. Ac magnam gratiam Academię debemus, quę
 etiam si petulantiam, ac maledicetiam lege prohibuit,
 tamē honestam & piam dicendi libertatem nobis con-
 cedit, fortasse maiorem, quā haberet Synodus ulla
 Pontificum. Vt Poetæ finxerunt Astream fugientem ex
 urbibus, paulisper adhuc in rure commoratam & con-
 cionatam esse agricolis: ita pulsa ueritas ex Pontificum
 collegijs & concilijs, nobiscū adhuc Dei beneficio phi-
 losophatur. Et ex his scholasticis cœtibus eius oracula
 ad aliquas Ecclesias perferuntur. Sed cum hic sæpe aliæ
 causæ pertinentes ad communem salutē actæ sint, nunc
 nostram causam agam: Deplorabo nostras miseras, &
 omnes gubernatores Reipub. de suo officio admones-
 bo, quod nobis, quod Ecclesiæ, in hoc negotio debent.
 Christus narrat fuisse diuitem quendā, fortassis etiam
 dignitate præstantem, qui non tantum sine metu egesta-
 tis, sine sollicitudine suauiter uixerit, sed etiam splendo-
 rem amauerit in omni apparatu, comitatu, ædificijs,
 quo ho-

QVERELA LAZARI.

33

quo homines opulenti dignitatē augeri putant. In hoc diuitias, tranquillitatem, ac uoluptates, ut sit, secutus est fastus, & neglectio rerum diuinarū, ac pauperum. Quare cum ante aedes eius quispiam pauper, cui Lazaro nomen fuit, iaceret, agrotus, squalens ulceribus, destitutus omnium hominum ope, peteretq; paucillum cibi, diues sua fortuna ebrius, & oblitus cœlestis mandati & cōmunis naturæ, quæ nos ad certa officia obligat præstamda calamitosi, miserum illum negligit. Cumq; quotidie ad uestibulum iacentem, in magnis cruciatibus uideret, præterijt tamen ferreo animo, non ali, non sanari curat, fortassis etiam arbitratur alienum esse grauitate uiri tanti, alloqui miserum, aut eius causa angī. Interea stipem porrigunt aliqui de populo homines pij, & ulcera canes medicantur, lingua detergunt ac mitigant. Sed post mortem Lazarus donatur cœlestibus donis, Diues ille superbus & crudelis abiicitur in cruciatus æternos. Hanc historiam recitat Christus, ut exemplū uniuersæ Ecclesiæ omnium temporum proponat. Lazarus erat Ieremias sua ætate, quem Principes ac Pontifices non modo superbe contemnebant, sed etiam acerbè oderant. Lazari erant Apostoli, quos toto orbe terrarū omnes potentes tanquam *ῥαβδάραι* execrabantur. Quærendum igitur & hoc tempore qui referant Lazarum, qui imitentur diuitem. Si uere hoc & simpliciter dicendum est: Nos inopes Scholastici, deinde omnes Sacerdotes, qui uulgo inuisti ac sperti, cum alijs erumnis conficiuntur, tum uero cum uxoribus & paruis liberis fame contabescunt, Lazari sunt. Horum cœtum animis atq; oculis proponite: Nos, inquam, inopes Scholasticos, & illos miseros Sacerdotes cum suis familijs. Quis

E est tam

est tam ferreo pectore, qui sine lachrymis hunc cœtum
 aspicere, aut cogitare animo potest, cum quidem nulli
 in uita munus administrēt prestantius ac cœlestius: nul
 la militia Deo gravior, ac Ecclesiæ magis necessaria est:
 E contra imitatores illius opulenti, qui sunt præcipue
 Pontifices, Episcopi, Canonici, Monachi, & horum fa
 tellites Tyranni. Hoc agmen totum animis intuemini,
 & cogitate ab Ecclesia ingentes ac regias opes. Episco
 pis & collegijs eorum commendatas esse, quibus alien
 di erant pastores pij, ac Scholastici, quæ ad piæ doctri
 næ & earum artium, quæ Ecclesiæ sunt ornamento, con
 seruationem conferendæ erant. His illi ignaui uentres,
 Sardanapali, parricidæ suauissime in ocio & tranquill
 tate fruuntur. Ac non modo nos defraudant illo mune
 re, quod nobis Ecclesia attribuit, sed etiam Tyrannico
 fastu nos contemnunt, & summa odij acerbitate aduer
 sus nos inflammati sunt, trucidare ac delere nos conan
 tur. An non superant etiam illum diuitem, qui tamen
 Lazaro lucis usuram non eripiebat, qui locum ad uesti
 bulum concedebat. Deinde diues suo patrimonio frue
 batur: Episcopi, Canonici, & Monachi, aliena interue
 runt, eaque turpissime per luxum & libidines dissipant, ac
 profundunt, non secus ac sponsi Penelopes Vlyssis fa
 cultates dilacerabant. Nec ego nunc de singulorum mo
 ribus dicam. Sunt inter Canonicos aliqui modestis in
 genijs præditi, sed genus uitæ reprehendo. Prodigio
 sum est in Ecclesia esse sodalitia, regijs opibus donata
 ad hoc, ut ibi homines ociosi faginentur. Hæc sodalitia
 etiam si ueterem disciplinam reuocarent, tamen Eccle
 sia tolerare non debet: Non enim de moribus præcipua
 est querela. Illud queritur Lazarus, totum illud uitæ ge
 nus

nus contaminatum esse idolatria, ac propter hanc negli-
 gigi pios Scholasticos, ac pastores Ecclesiarum, debi-
 tasq; illis mercedes in istis sumptuosis sodalitijs deuo-
 rari, deleri studia doctrinæ Christianæ, ac aliarum litera-
 rum. Non compono satyram, non commemorabo eo-
 rum flagitia, quæ uerecunde nominari non possunt:
 Nam modesta ingenia non tantum in moribus, sed
 etiam in sermone obscœnitatem fugere decet. Nihil di-
 cam de cœnis Tyberianis quorundam, qui nudas puel-
 las saltare ad epulas iubent. Multa prodigiola prætereo.
 Ac ne fieri quidem potest, quin ocium, opulentia, insci-
 tia, contemptus religionis, pariant omnis generis ui-
 tia. Maxima pars tantum gulæ & obscœnis uoluptati-
 bus dedita est: alij magis strenui, & occupati negotijs
 politicis, aut œconomicis, alunt equos, certant sumptu
 & splendore cum satrapis: quidam etiam non abhor-
 rent à literis, non ut Ecclesiæ seruiant, sed ut aditum ha-
 beat ad dignitatem in aulis, inter procures: nonnulli
 eruditionem conferunt ad perniciem Ecclesiæ. Certe isti
 generi hominum ac ordini, non est curæ ministerium
 Euangelij, nec pastores querunt idoneos, nec discipulos
 adiuvant, nec ad hunc usum decidi & abradi aliquid
 de suis facultatibus patiuntur: deniq; conspirarunt ad
 delendam doctrinam Christianam, accendunt Regum
 crudelitatem, ac postea se nominant Ecclesiæ gubernas-
 tores: imo cōstat omnes sic adfectos esse, potius ut ma-
 lint nomen Christianū funditus deleri, quàm aliquid
 de tyrannide remittere. Et literas omnes oderunt hanc
 unam ob causam, q̃ suspicantur literatis tyrannidem
 displicere. Quam multæ sunt autem in Prophetis con-
 ciones acerrimæ, quæ proprie tale uitæ genus uituperāt.

Meministis Esaïam, qui inquit: Vae vobis qui mane ad conuiuia surgitis, nec opus diuinum respicitis. Et Ezechiel: Ecce hæc fuit iniquitas Sodomæ sororis tuæ, superbia, saturitas panis, ocium, & manum egenti nō porrigebant. Nullum autem hodie genus hominū duriore fortuna conflictatur, q̃ pastores Ecclesiarum, & Scholastici amantes doctrinæ Christianæ. Similis concio est apud Zachariam: Ecce pastor erit, qui deferet gregem, & carnes pinguium comedet. O pastor & Idololum. Sed has Propheticas & cœlestes cōnationes securissime derident illi Sibaritæ. Verum est enim quod Cato dicebat: Venter caret auribus. Nectamen interea profus, extinguī cœlestem doctrinam Christus patitur, sed habet ipse quoq; suum cœtum pauperum, qui Euangelium & discunt, & propagare student. Aduersus hos etiam si omne genus crudelitatis exercent diuites illi, qui tenent Ecclesiæ opes, tamen eis non deest hospitium, & uel canes, id est, de populo aliqui, eos complectuntur, adiuant, lenire grummas cupiunt. Habent & custodes Angelos, qui uiuentibus & morientibus adsunt. Hæc affirmant oracula cœlestia, & comprobant ipsi euentus: Seruat enim Deus suam Ecclesiam, frementibus illis hypocritis, qui sanguinem piorum exorbere cupiunt. Sed non tantum institui querelam, præsertim cum hæc uulnera Ecclesiæ nemo non deplorat: Remedia querenda sunt. Quæ utinam salubria & ἀνὸςλυα monstrare possem. Sed uere inquit Demosthenes: Reprehendere qui libet potest, dare consilium pauci possunt. Cum autem hæc Scholastica consuetudo, ut initio dixi, concedat nobis, ut de Ecclesia, tanquam in Synodo, sententias dicamus, monstrabo, ut uocat Demosthenes, τὴν ἐνστάτην

ἀντιδυναστεύων Ἀντιπῶν: Nec si in Synodo in suffragium eundem erit, aliam sententiam dicam. Bona ingenia adhortor, ut deserant illa impia sodalicia, polluta idolatria, sicut precipit Deus: Fugite idolatriam. Deinde hoc addo, Reges & Principes debere hec officia Deo, ut impios cultus tollant, ad pios usus, ad alendos pastores, ac Scholasticos, transferant facultates Ecclesiarum. Hanc sententiam non ipse nunc fingo, diuinitus tradita est in sacris literis, & multa habet luculenta Principum & Synodorum testimonia, quæ uerant res donatas Ecclesie, ab ociosis & ignauis deuorari, qui non sunt usui Ecclesie. Extat lex Theodosij in Codice, quæ diserte prohibet, ne fruantur redditibus hi, qui cum titulos functionum Ecclesiasticarum habeant, officium non faciunt. Tulerat legem Theodosius, ut facultates Ecclesiasticæ, quas Donatistæ tenebant, transferrentur ad pias Ecclesias. Nouum exemplum odiose calumniabantur Donatistæ, uociferabantur alienum esse à pietate, facultates aliorum appetere, propter certamina de doctrina nemini facultates eripiendas esse. Sed Augustinus Theodosij decretum recte defendit, affirmat illas possessiones donatas fuisse Ecclesijs pijs, & ad piæ doctrinæ conseruationem. Has cum impij ac hostes ueræ doctrinæ teneant, fuit Imperatoris officium, dominis restituere, hoc est, ueræ Ecclesie. Nec magis licet Idolatricis collegijs huius ætatis, res donatas ad ministerij Euangelici conseruationem tenere, quàm Regi Babylonio licuit in conuiuium proferre sacra uasa templi Hierosolymorum. Quid horum in quæstionem uocari potest? Si Episcopi tumentur impios cultus, si ueram doctrinam opprimunt, ut palam faciunt, falso titulum usurpant Ecclesie. Ac

Regum officium est, facultates Ecclesiasticas transferre ad celestis doctrinæ præcones, ad eos qui gloriam Dei uere ornare student. Utinam Principes intelligerent, hanc rem ad officium suum pertinere, quorum præcipuum est munus, religionem ornare, defendere Ecclesiam. Hæc sunt uere heroica, propter quæ Deus imperit societate nominis sui bonis Principibus, ut ait; Ego dixi Dñ estis. hoc est, res diuinas custodientes, Euangelium, pios cultus defendentes, gloriam Dei, aduersus Diabolum, qui spargit impias opiniones, qui incendit tyrannos ad exercendam sauitiam. Non tantum corporibus nostris seruit Magistratus, sed multo magis gloriæ Dei. Quod si essent alicubi, qui palam Epicureas opiniones profiterentur, an non Magistratū oportuit summa saueritate in tales animaduerrere? Non est contemnendum præceptum, quod inquit: Blasphemus morte moriatur. Et rursus: Non usurpabis nomen Dei uane. Harum legum custos cum sit Magistratus, haud dubie abolere impios cultus debet, restituere pios, & ministris Euangelij stipendia dare, quæ ipsis in Ecclesia constituta sunt. Nec putent se leuiter peccare Principes, si id officium negligant: Nam apud Esaiam uocantur nutritores Ecclesiæ. Et Aggeus ac Malachias sæuere oburgant populum non soluentem pensiones debitas templo, ac Sacerdotibus: & minantur sterilitatem, ac famem, nisi liberalius soluant. Cum igitur iniuste teneant hæc stipendia Episcopi, Canonici, & Monachi, cum pastores pios, & horum coniuges & liberos fame perire sinant, cum defraudent Scholasticos, cum studia deleant, Deus postulat, ut Principes ueræ Ecclesiæ & studiorum curam suscipiant, & illas pestes Ecclesiæ remoueant.

neant ab administratione. Prospicere debent Principes, & ut in præsentia alantur boni pastores, & ut posteritas habeat eruditos uiros, idoneos ad Ecclesias regendas. Historiæ ueteres commemorant, mirificum fuisse luxum Sibaritarum, qui quidem ita creuerat, ut præmia etiam turpitudini, & inuentoribus nouarum uoluptatum constituta essent. Sed tantam discipline corruptio nem Deus non diu tolerauit. Itaque exitium ciuitatis uaria prodigia denunciarunt. In his spectrum fuit: Iuno ueniens in forum clara luce, & uomens magnâ copiam bilis & sanguinis, quo prodigio significatum est fore, ut breui ciuitas euomeret suas delicias, & sanguinem bonorum, quos tyranni iniuste trucidauerant, Paulo post Sibaritis delera est. Ita euoment tandem Episcopi, qui nunc Sibaritarum more uiuunt, rapinas & sanguinem piorum Sacerdotum. Monachus quidam in concione publica, audiente Imperatore Carolo, dixit, Deum non futurum propicium, nisi totum cubitum lauet in sanguine Lutherano. Perhorresco referens hanc uocem audire crudelem. Quæ enim fuit unquam adeo fera barbaries, in qua tanta immanitas, tanta sitis exitit ciuilem sanguinis, quanta est in istis hypocritis, nulla de causa, nisi quod nō applaudimus omnibus eorum opinionibus, quarum multas ipsi fateantur esse impias, & erroris plenas, & defendunt eas tamen quadam peruitacia, quod existimant labefactari auctoritatem, si quid murent. Talia qui dicunt, utrum Ecclesiæ gubernatores, an furig & Erynnes rectius dici debent: Sed Deo dabunt pœnas, qui solet insignibus exemplis manifestū religionis contemptū punire. Interea uos commilitones adhortor, ut Lazari exemplo forti animo presentes ærumpnas feratis.

Adeunt

Aderit nobis Deus, nosq̄ aler, ut scriptum est: Iacta cu-
ram tuam in Deū, & ipse te enutriet. Nec deterreri uos
à rectis studijs, à pia sententia sinite, uel inopiæ, uel alia-
rum ærumnarum metu. Quidam languidioribus ani-
mis præditi, deficiunt à Christo, & adiungunt se hosti-
bus Euangelij, nec uident, q̄ miserum, q̄ turpe sit, assen-
tari Tyrannis. Hesiodi uersiculus extat, qui præceptum
grauissimū cōtinet, quod saepe inculcant & Prophetæ:

μὴ δὲ κακῶν ἑταῶν μὴ δὲ ἰσθλῶν νεκρῶν.

Nefias socius improborū, nec conuiciator honestorū.
Hic uersiculus admoneat uos, ne ad societatem eorum
uos adiungatis, qui cū ueritate belligerantur, ac ne ad-
plaudatis conuicijs, que dicuntur aduersus piam doctri-
nam. Hæc petulantia habet tristes exitus.

Deum autem rogemus, ut honesta

& pia studia gubernet

ac tueatur.

HISTORIA DE DIVITE ET DE EGE

no Lazaro, Lucæ 16. reddita uersibus

à quodam studioso

Alb.



Rbs antiqua fuit fama celeberrima quodā,
A Solymis clarum nomen adepta uiris:
Imperijs florens & sancto gentis honore,
Vix capere ut laudes qui uerit ipsa suas.

Hic quidam ueteri regum de semine natus,
Nam generis summum creditur esse decus,
Multiplici gaudens cultu rerumq̄ potente
Ornatu, ingentes diues habebat opes.

Nullius

Nullius ampla boni deerat cui copia : quicq;
Possedit culti iugera multa soli.
Et quaecunq; animo ferrent noua gaudia molli,
Delicias studium quærere semper erat.
Quicquid & in tota pulchrum aut spectabile terra,
India quæ mittit, Parthia quæ uelut,
Ille sua congesta domo gazaq; tenebat,
Et cura hæc illi maxima mentis erat.
Huicq; uolupatum naues luxusq; ministræ,
Verrebant plenis æquora lata notis:
Vestura ad domini lautas noua munera mensas,
Munera uix ulli cognita facta prius.
Hic quoq; cum faceret læta conuiuia mente,
Hospite cognatos exciperetq; domo,
Ipse suos sæpe est miratus pectore luxus,
Alta gerens tacita gaudia mente sua.
Namq; ibi regalis ex omni parte paratus
Expositi tota connituere domo.
Atria splendebant auratis ampla columnis,
Cœlesti qualis fulget ab arce nitor.
Strataq; erant aulae Pario de marmore facta,
Et nitidum primo limine stabat ebur.
Ipse etiam dominus pulchro spectabilis ostro,
Regali ornatu conspiciendus erat.
Et tinctas Tyrio gestabat murice uestes,
Regia quæ prisco tempore pompa fuit.
Ergo ita dum uiuit nulli splendore secundus,
Indulgens Baccho delicijsq; suis:
Illius ante domum foribus bipatentibus altam,
Qua tenet ad dominum maxima porta uiam,
F Lazarus

Lazarus infirmo uix languida corpore membra
 Sustainens, panem supplice uoce petit.
 Et simul ad dominum linentia brachia tendens,
 Ossa graui scabie debilitata trahit.
 Utq; est inualidus, limen procumbit in ipsum,
 Nec stando corpus sustinere pedes.
 Cum ueluti magno torrentur uisita calore,
 Atq; ipsis ingens ossibus ignis inest,
 Altaq; per totum serpunt contagia corpus,
 Et uires præbent materiamq; malo.
 Interea inflantur calido tumefacta cruore,
 Et tanquam nodi singula membra rigent.
 Non aliter primis foribus miserabilis hæret
 Lazarus, exigua dum stipis orat opem.
 Nil ualuere preces eadem tam saepe petentis,
 Immites aures obstruit ille magis.
 Quæ possent lachrymæ trancos & saxa mouere,
 Ponderis hoc penitus nil habuere loco.
 Sic igitur tristi uita est cum morte soluta,
 Perditus ante fores dum iacer ille fame.
 An subeat facinus cuiusquam pectora tantum,
 Non ferat ut miseris, quam sibi ferrer opem?
 Ergo canes etiam nostra rationis egentes,
 Officio uincant pectora nostra suo?
 Qui iam non duri, non aspera corda gerentes,
 Lingebant artus Lazare sancte tuos.
 Et fluit inde salus, ubi copia nulla iuandi est,
 Atq; ibi cessat, ubi est copia diues opum.
 Sed tamen illa suo tandem quoq; sine probantur,
 Amborumq; sequens exitus acta probat.

Lazarus

Lazarus adhuc moriens successit in arces,
 Inq; Abraham sentit gaudia multa sinu,
 Nam chorus angelicus uinclis & mole solutam
 Corporea mentem uexit ad astra piam,
 Regna sed ille Erebi subiit manesq; profundos,
 Tormina sub risti dæmone saua ferens.
 Sed nos hac monitos uoluit sub imagine Christus,
 Erudiens isto pectora nostra modo,
 Sensibus ut teneant imis mortalia corda,
 Atq; alta secum mente reposita gerant,
 Qualis in hoc mundo sit fors & uita piorum,
 Ingentiq; animo tristitia cuncta ferant:
 Quantaq; crudeli lateant in corda uenena
 Horum, qui sancta nil pueratis habent.
 Iussit & euenus amborum discete, namq;
 Quisq; suæ mortis sine probandus erit.
 Iam sic ante fores deserta Ecclesia Regum
 Luce carens omni, Pontificumq; iacet.
 Hic sibi quarit opem, quam non tamen inuenit, inde
 Innumeris premitur sed magis ipsa malis.
 Pontifices ipsi sanctorum cade triumphos
 Iniusta titulos sanctorumq; parant.
 Incenduntq; odij Reges, ac uincuntq; furorem,
 Ut contra moueant impia bella pios.
 Doctores etiam nullo curante fideles,
 Enecat inuisos undiq; dira fames
 Ingenueq; artes, morum uitaq; magistra
 Contempte, iusto proptus honore carent.
 Inde parum docti spargunt mala dogmata multi,
 Qua non perniciēs grandior esse potest.

Talia dum patitur lacerata Ecclesia damna,
Auxilium Regum sedula uoce rogar.
Pontifices etiam precibus uotisq; fatigat,
Ne iaceat tantis obruta rota malis.
Verum hi duricia silices adamantaq; uincunt,
Et duro innatum pectore robur habent,
Nonq; pijs animum inducunt succurrere fessis,
Quos semper solos aspera damna premunt,
Quin etiam ferro mactant crudeliter omnes
Qui ueræ quicquam religionis habent.
Nec tamen ipse suos ex omni parte relinquit,
Atq; aliquos saltem seruat alitq; Deus.
Nam uelut Angelici curant te Lazare coetus,
In mediaq; tibi morte pericla leuant:
Custodes etiam tales Ecclesia missos
Imperio Christi, sentit adesse sibi.
Agmina sic seruant Elisæum ardentia uatem,
Hostica cum solus castra ducesq; capit.
Cum Rex Heroas raperet Chaldaeus in ignem,
Quod statuæ nollent impia thura dare:
Angelus inq; rogo flammisq; uoracibus ipsos
Defendit, cœlo iussus adesse uiris.
Angelus & dura soluit te compede Petrum,
Omnia cœlesti sunt tibi tuta duce.
Atq; ut lingua canum lambendo urentia lenit
Vlcera, & exigua mitigat arte malum,
Sic aliqui Reges, quibus est Ecclesia curæ,
Qua possunt illam parte iuuare student,
Et laceros ægri medicantur corporis artus,
Et pascunt magna cum bonitate pios.

Ergo

Ergo cum Christo regnum immortale tenebunt,
Hic requies fessis grata laboris erit.
Nam quia te coram rerum pater optime cernent,
Perfusi capient gaudia luce tua.
Et sunt ad flatu diuino pectora iustis
Enthea laticiae plena futura nouae.
Qualem nulla potest mortalis dicere lingua,
Hac homines utinam cernere dona queant.
Non illis unquam ueniet metuenda senectus,
Denique nil atrox mors ibi iuris habet.
Non metuent saeuis mixtos Aquilonibus imbres,
Sponte dabit fruges terra inarata suas.
Vndique perpetuo florebunt omnia uere,
Nec faciet solitas frigida bruma uices.
Aurea sic illis multoque beator aetas,
Et ueniet nullos uita habitura metus.
Sed qui sacra Dei uiolarunt iura Tyranni,
Horribiles poenas tunc sine fine luent.
Tunc scelerum ultrices curae aeternique pauores
Urgebunt furis conscia corda mali:
Inque Aetnae fauces alios immittet erynnis,
Qua uolat indomito plurimus igne globus:
Demergetque alios stygij sub fluminis undas,
Feruida quas atra de pice spuma tegit:
In uultu ostendent crimen pallorque fugaeque:
Credite, non leuis est uindictis ira Dei.

F I N I S.

F iij

De exemo

DE EXEMPLO EMENDATI LATRO

nis propugnantis gloriam Christi in cruce. Des-
clamatio recitata à Ioachimo Moller

Hamburgensi.



Uris de causis semper in conspectu nobis
crux Christi esse debet: Quanquam enim
hic pulcherrimus orbis, dierum ac noctium
gratissime uices, anni circuitus, Solis & ca-
terorum syderum mirandi cursus, terre for-
conditas, denique tota rerum natura nobis ad agnoscen-
dam Dei uoluntatem ac praesentiam proposita est, ta-
men multo est illustrius testimonium ingentis & uerae
erga nos beneuolentiae Dei, supplicium filij, quod illum
perferre nostra causa uoluit. Itaque ab hoc pignore diuini
amoris nunquam oculi deijciendi erant. Hic discendum
quam horribilis sit ira Dei aduersus hominum scelera,
cum nulla eam uictima nisi filij mors placare potuerit.
Hic & magnitudo consideranda est misericordiae, quod
filium pro nobis piaculum fieri uoluit, ac propter hanc
tantam hostiam certam salutem promisit. Haec capita
sunt coelestis sapientiae, quae ibi nobis proponuntur: De
inde accedunt alia multa. Cumque omnes Christi gestus
aliquid significant, praecipue illa epitalis certaminum
ipsius, Ecclesiam de multis maximis rebus admonet.
Non temere pender inter duos latrones, quorum alter
est maledictus, alter ex latrone fit propugnator Christi.
Multa docet nos cum ipsum spectaculum, tum maxime
duorum altercatio, & Christi uelut agonotheae concio
interposita, quae ut ipsi latroni salutaris fuit, ita non ad
ipsum tantum pertinere iudicanda est. Euangelij uox
est com-

est communis omnibus pijs omnium ætatum, quæ quidem dulcissimam consolationem proponit. Itaque hanc imaginem animo intuens, & illam grauissimam disputatione cogitans, uideor mihi uidere Ecclesiam omnium ætatum, audio omnium Prophetarum & Apostolorum conciones, quarum summa in illo breui colloquio comprehensa est. Etsi autem non dubito plerisque uestrum has ipsas res melius esse notas ac meditatas, quam mihi, tamen cum hoc loco dicere iussus essem, & me pericula horum temporum his diebus de hac imagine admonuissent, libenter hoc argumentum elegi, ut exemplo latronis, qui seminiuitus ac laceratus, tamen gloriam filij Dei tueretur, & meum animum confirmarem, & adolescentes ad idem decus excitarem. Nec id argumentum alienum est ab hoc loco, aut his temporibus. Diu iam Pontifices exercent immanem sauiam in membra Christi, ac nunc, ut uniuersam Ecclesiam deleant, inflammare civile bellum conantur, Christum omnibus probris onerant, multo rabiosius quam latro maledicus. Applaudunt Pontificum futuri Reges, & præcipui iuri omnium ordinum, quadam inani utilitatis umbra capti. Adstantur his docti, ut Silenus Cyclopi in antro, ut est in fabulis Euripidis. Et ut horum seruiant cupiditatibus, stylum aduersus Christum aciunt. Aliqui saniores dolent uicem Ecclesiæ oppressæ horribili tyrannide, sed minis potentum perterriti tacent, ut Apostoli dilapsi erant, cum Christus afficeretur supplicio. Tali tempore, & si nos quidem priuati, oppressi tyrannide, parum prodesse Ecclesiæ possumus, tamen imitemur exemplum seminiui latronis, qui conuicijs responderet, & gloriam Christi sua uoce quantum potest, cum iam animam inter dentes teneret,

teneret, defendit. Cum igitur hæc oratio maxime conueniat huic tempori, quaeso ut non solum æquo animo historiam latronū audiatis, sed etiam excerpatis exempla uobis utilia, & animos excitetis ad imitandam uirtutem pii latronis, qui & fide hunc medium Iesum supplicij socium, agnoscit esse autorem uitæ perpetuæ, & fortiter eum aduersus latronem conuiciatorem propugnat. Repetam igitur totius spectaculi significationem paulo altius. Duo latrones pariter affecti supplicio cū Christo, significant uniuersum genus humanum destinatum esse morti propter peccatum. Hic igitur nō duos tantum latrunculos pendere cogitabitis, sed omnes homines omnium ætatum. Cogitabitis & illud, omnes esse latrones: Multa enim sunt & atrocia singulorum scelera, multi adiuuerunt mala consilia aduersus pios suscepta: Deniq; omnes aliquo modo manus attulimus filio Dei. Porro cum in media morte uersatemur, filius Dei nobis donatus est, ut uictima fieret pro nobis, ac placata patris ira, aboleret peccatum & mortem, & redderet uitam æternam. Id beneficium offert & imperat omnibus, quos erratorum poenitet, quiq; ueniam ab ipso petunt, & freti ipsius promissis, liberationem expectant. Hic iam distrahuntur hominum iudicia ac uoluntates. Maxima pars aspernatur hoc beneficium, præsertim cum uideant Christum perinde ut ceteros calamitatibus communibus conflicteri, rapi etiam ad supplicium, interfici. An Epicuræi ab hoc caduere pendente in cruce peterent aut expectarent nouam & perpetuam uitam? qui in tanta confusione uitæ, casu omnia ferri arbitrantur, nec statuere possunt, Deo humana cura esse. Rident igitur tanquam poemata aut ahiles ne-

nias

nias omnia testimonia, quæ Deus & de sua uoluntate, & de immortalitate omnibus ætatibus ordine tradidit, & tandem misso filio, & post mortem reuocato in uitã, confirmauit. Hic ille sarcasmus est maledici latronis: Ageliberator egregie, tibi & nobis salutem reddito. Sic impij & si sunt in media morte, tamen non sentiunt malorum magnitudinem, non quærunt causam ærumnarum, nõ metuunt Dei iudicium, ludunt etiam deridendis religionibus, & cum offecturæ sunt ipsorum commodis, delere Euangelium conantur, & expromunt impietatem ac seruitiam aduersus Christum & eius membra. Vt tunc latro uirulentis ironijs exagitabat filium Dei, ita uidetis impios ludere omnibus ætatibus. Ac ne putetis nouum fuisse exemplum. Alius est hostis Christi multo infestior, scilicet Diabolus. Is primum odio Dei auulsit ab eo primos parentes. Is similibus ironijs in paradiso miseram mulierem fefellit, cū promitteret fore similem Deo: Eritis, inquit, sicut Dñ. Idem calumniator habet fascinatas impiorum mentes omni tempore falsis de Deo persuasionibus. His abutitur tanquam organis, ad explendam infinitam odij sui acerbicatem aduersus filium Dei. Latro igitur, ut cæteri impij, actor est harum ironiarum, sed ille superbissimus spiritus hostis Dei, est earum poeta.

Quàm misera est autem seruitus, organum esse tanti furoris ac ranti odij aduersus Deum: Talis est uita Neonis & impiorum omnium, qui cū in cruce pendeant, hoc est, sint in media morte, nam uoluptates eorū non sunt diurnæ, tamen liberatorem aspernantur. Et confirmat errorem Diabolus, qui postquã mentibus eorū offudit densiores nebulas, postea pro libidine sua illis
G abutitur.

abutitur, accendit in eis odium Dei, & sauitiam aduersus membra Christi. Non igitur liberamur à morte, sed ruunt in aeternos cruciatus, cum quidem iam his latrones sint, habent cōmunia scelera toti generi humano. His addunt contemptum beneficij Christi, & crudelitatem, quam in Christum & eius membra exercent. Huius impij agminis uniuersi *exou* est maledicus latro. Nunc de altero dicam, qui emendatus significat Ecclesiam, quæ est altera pars generis humani, quæ & ipsa latrocinio contaminata est, ac destinata morti, agnoscit se habere peccata, & calamitatibus ingentibus ac morti obnoxia est, ut ceteri homines. Sed redditur ei, post mortem nona & perpetua uita, lux, sapientia, iusticia, & leticia. Hæc quomodo fiant, ex hoc colloquio discimus, quod, ut ante dixi, omnium Prophetarum & Apostolicarum concionum summam complectitur. Agnoscit sua peccata hic latro, & ingenti motu animi confutgere aude ad liberatorem. Audierat de hoc socio supplicij Iesu, quid docuisset; audierat eum testimonia doctrinæ suæ non uulgaria exhibuisse, & senserat eum iniuste, scelere Pontificum raprum, esse ad supplicium. Audierat & quasdam eius uoces in cruce, quas animaduertat non proficisci à uulgari homine. Videt naturam rerum, terræ, motum, subitas tenebras solis de eo testimonia addere. Quare statim hunc uere esse liberatorem, & Christum. Hac si de excitatus, inquit: Memento mei Domine, cum ueneris in regnū tuum. Considerate autem, quā miranda lux in hoc latrone fulserit. Non deterretur sorditate supplicij & morte Christi, quo minus iudicet eū esse promissum liberatorem. Deinde longe aliter de Messia sentit, q̄ uel Pharisei, uel Apostoli, uniusque expectas

expectabant imperia & opes. Hic latro iam Prophetas interpretatur, docet Messiam liberaturum nos esse a ueris & aeternis malis, a peccato, a perpetuis cruciatibus, ac regnatorum non in hac calamitosa uita, sed post hanc uitam, ubi fruemur Dei consuetudine, liberati ab omnibus erroribus & miserijs. Videris hanc esse summam, & sententiam omnium promissionum, quæ Patribus & Prophetis tradite sunt. Lucet ergo in latrone uera fides: & fidei proprium est petere ueniam propter ipsum liberatorem filium Dei, nec deterreti nostris delictis, quominus ad eum confugiamus, ac beneficium eius expectemus. Latro agnoscit sua scelera, non adfert ad Christum benefacta aut merita, sed sentit hunc esse hostiam pro omnium delictis: uidet uoluntate Dei, hunc tantam poenam irrogatam esse innocenti, ut fiat hostia pro toto genere humano. Talis fides certo impetrat promissa à Deo. Quare Christus clara uoce eum absoluit à culpa, ac promittit ei nouam & perpetuam uitam, confirmans iam interpretationem promissionum Prophetarum: Hodie, inquit, esis mecum in paradiso. Corpora reamquebant, & tantum una futur erat in cœtu piorum Angelorum ac Prophetarum, qui Dei consuetudine fruuntur.

Audistis duas perspicuas Euangelij conciones, de beneficijs Christi, de reconciliatione, de uita perpetua. Latro petit ueniam fretus non benefactis suis, sed Domini clementia & sacrificio. Christus promittens ei ueniam, & uitam perpetuam, restat hæc beneficia hoc modo credentibus dari. Possent hæc multo uberius exponi, sed cum apud eruditos habeatur oratio, nolui esse prolixior idcirco summam Euangelij in his concionibus com-

prehensam esse. Horror etiam ut exemplum imitemur, ac simili fiducia ad filium Dei confugiamus. Hæc est, ut scitis, doctrinæ summa, de iusticia fidei, seu de regeneratione, & aditu ad uitam æternam. Videamus reliqua. Ne fieri quidem potest, ut Ecclesia sit sine cultu Dei, sine sacrificijs, sine bonis operibus, sine certaminibus. Ideo enim Deus restituit genus humanum, ut inter homines ipsius noticia luceat ac celebretur: Quare cultus & officia certa postulat. Num hæc neglexit latro emendatus, num quia pendebat nudus ac uinctus, nulla officia Deo præstitit: Ille uero præcipuos honores Christo tribuit, quos Deus in primis flagitat: agit pœnitentiam, agnoscit suum scelus, recte sentit de hoc liberatore, nihil deterritus illa miserabili specie morientis, inuocat eum. Hæc sunt uere pia opera. Accedit & dimicatio. Quantq̃ enim pendet semiuivus ac laceratis membris, tamen uenit in certamen cum conuicatore, quo se uere castigato & obiurgato, defendit Christi gloriam. Hæc est confessio, quam quanti faciat Deus, sæpe monet scriptura, ut cum ait Christus: Qui confessus fuerit me coram hominibus, confitebor eum coram patre cœlesti. Breuiter indicaui bona opera emendati latronis. Nunc quæso ut uniuersam Ecclesiam eius temporis consideretis: Filius Dei pendet in cruce, non iam ostendens potentiam suam admirandis factis ut antea, quare deridetur ac despicitur ab impijs. Apostoli seu dubitatione, seu metu dilapsi erant. Multos auditores mouit & illud quod dicitur: Exitus acta probat. qui cogitabant hunc nequaquæ Messiam esse, cum in tanta calamitate uideretur à Deo desertus & abiectus esse. Sola reliqua est Maria mater, in qua lucet fides: Hæc expectat aliam catastrophem:

Nec

Nec enim spectatrix esse poterat huius supplicij, nisi si de animus erectus fuisset. Sed quia Apostoli & ceteri homines tacent, iam tota rerum natura incipit concionari, & testimonio suo filium Dei ornare, & in tanta Ecclesiæ trepidatione, ne desit concionator, excitat Deus latronem de sublimi concionatorem toti orbi terrarum. Hic latro testatur hunc Iesum esse promissum liberatorem, & autorem nouæ & perpetuæ uitæ. Desinant iam Pontifices, Episcopi, Monachi gloriari, suos cœtus, quos uocant Ecclesiam, errare non posse, cum uideant tantam Apostolorum trepidationem. Sed quoniam historia mortis Christi haud dubie significat præcipue calamitates Ecclesiæ postremi temporis, latronum concertatio quædam est imago certaminum huius temporis. Conuiciantur Christo Pontifices, Canonici, Monachi, & horum satellites Tyranni, qui & si exiguo tempore fruuntur suis uoluptatibus, tamen re ipsa pendent in cruce impij latronis, breui pœnas scelerum daturi. Interea cū ante finem mundi renouare doctrinam & confessionem Deus uellet, excitauit, doctis & timidis cessantibus, Germanos milites, homines sine hypocrisis sapientiæ aut iusticiæ. Non potest enim dissimulari aut negari multos articulos doctrinæ Euangelicæ ita repurgatos esse per hos, ut satis appareat diuinitus hanc lucē Ecclesiæ redditam esse. Idem igitur in doctrina nostrarum Ecclesiarum traditur, de reconciliatione & de fide, quod ibi sentit latro. Nec pudet nos hunc audire Apostolum, cuius sententiam & fidem Christus perspicuo testimonio approbat. Vtinam Christum etiam simili fide inuocemus. Etsi nihil dubito multos esse, in quibus similis fidei scintillæ ardent. Non enim dubitandum

est, in eo coetum esse membra dei Ecclesie; in quo recte
traditur Evangelium; & abolita est *idola opavita*. Et no-
stris Ecclesijs non desunt testimonia Spiritus sancti. Vi-
demus enim, quanta constantia multipij supplicia per-
ferant. Meminimus honestas matronas luctatas cū ter-
roribus mortis; egisse Deo gratias, quod agnoscerint
Christi beneficia; & magna tranquillitate animi, dum
recitant laudes ac hymnos Deo, Spiritum exhalasse, ut
satis apparet in eis celestem leticiam inchoata esse;
antequam corpore discederent. Addit Deus, & alia te-
stimonia, quod mirabiliter servat has Ecclesias. Aspera-
nantur veram doctrinam hostes nostri; & deesse testi-
monia miraculorum seu prodigiorum clamitant, cum
ipsi nec recte facta, nec miranda habeant. Vt Christus
nunc pendens in cruce, non ostendebat potentiam suā.
Nihil inultrati conspiciebatur in latrone, præter illam
pietatem, quam tunc debant. Ita nunc Ecclesia infir-
ma est. Et tamen mirares eam, illa ipsa latronis emenda-
tio. Talia miracula non desunt his temporibus. Sed
si uolunt audire aduersarij sua prodigia, pauca com-
memorabo. An enim coetum putemus Ecclesiam esse, qui
flagitiosas libidines tanta pertinacia defendit, ut inter-
ficiat eos, qui sunt hortatores, ut anteferant honesta con-
iugia? Iniqua unquam barbarie auditum est interfici ho-
mines propter reprehensas uagas libidines, propter lau-
dem coniugij. Prodigia queruntur. Hæc prodigiosa
turpitudo est certum testimonium, totum illud coetum
contaminatum *idola opavita*, periuurijs, libidinibus, para-
ricidijs Ecclesie, agitari à Diabolo. Possem alia Pontifi-
cum prodigia multa recitare, quæ nunc omitto: ac redeo
ad illud Apostolum de sublimi concionantē & defen-
dentem

dentem gloriam Christi. Non poterat semitiuus ac ligatus pietatē suam declarare iam alijs officijs, gubernare Ecclesias, & late spargere doctrinam. Hoc unum poterat, castigare conuiciatore. Ita nos, cum habenas Reipub. teneant aduersarij, cum toties frustra rogauerimus Reges, ut de concordia deliberent, cum reuocare eos ab errore non possimus, hunc tamen cultum Deo praestemus, lingua & stylo celebremus Christum, refutemus aduersarios, taxemus impias eorum leges, ac hypocritas, ut pii admoniti caueant, ne eorum societate polluantur. Tot iam annos omnia moderata consilia repudiā Pontifices, tantum de cade cogitant, faciunt impia & sacrilega foedera. Quam ad rem ad defensionē manifestae idolomaniae, peruriorum, flagitiosarum libidinum, ac parricidiorum. Haec uera esse, ne ipsi quidem negare possunt. Nec ullius tanta est eloquentia, haec ut excusare uel in speciem queat. Tonet licet ac fulmina torqueat Pericles, ut dicebatur, tamen in hac causa ueritas ita perspicua est, ut non possit *ἡ ἀλήθεια* *ἀντιπαραστήσασθαι*. Viderint igitur pii, ne se ad tantorum scelerum societate adiungant. Cogitent exemplum emendati latronis, ostendant uoce, literis, & ceteris officijs, se toto animo ab illa gigantea impietate abhorreere, se nolle ad ministros esse furoris illius Diaboli. Nam illa scelera non ab humanis ingenijs, sed uere ac proprie a Diabolo oriuntur. Est quidem in magis cruciatibus latro, qui Christum ueneratur. Sed cogitate, quanta sit beatitudo, tenete certam spem uitae aeternae. Ita nos & si multis exercemur aetumnis propter confessionem, tamen habere ducamus esse magnam felicitatē, quod absumus a consilijs Pontificum, a Diaboli foedere, qui ut Deum contumelia

contumelia afficiat, ut quàm plurimos perdat, incendit Pontifices, agitat Tyrannos, ut stabiliant *εἰδωλόματα* vias & cætera flagitia. Nihil potest dici atrocius, quàm quod inquit Paulus: Si quis aliud Euangelium docet, anathema sit. Omnes diras atq; imprecationes complexus est uoce anathematis. Et repetit uerbo tristiore eandem sententiam alibi: Si quis non amat Dominum Iesum Christum, sit anathema maranatha. Quo nomine intelligit certam speciem anathematis, ob quod prorsus deleri, & è medio tolli necesse est, ut parricidas, & propter quod Deus toti rerum naturæ irascitur, terra fruges negat, sol refugiens sistit currus, amittit splendorem, denique quod contagio suo nocet toti generi humano, utile inquit in Tragedia:

Discedite à me, ne umbra mea noceat bonis. Est enim uox Paulina facta ab hærem motha, quod significet rem deuotam, ac destinatam exitio & morti: nisi quis mauult esse hærem & hatta, quod est peccatum seu scelus, ut Græci dixerunt *καθάρματα*, seu *ἀλάστορα*. Sicigitur Paulus nos de hostibus Christi sentire iuber. Et sæpe repetitum est hoc præceptum in concionibus Prophetis, quod quidē si quis contemner, re ipsa compellet Erynnas ac furias uagari per omnes complices, adflare etiam mediocribus peiores impetus, implicare eos erroribus & horrendis calamitatibus. Has poenas & considerare prius & cauere debent. Quamquam enim parricidæ illi aliquandiu florent, ut Dionysius, Nero, & similia portenta aliquandiu regnarunt, tamen exitus fuerunt tragici. Et interim multi poenas dederunt familiaritatis ipsorum. Pendent unà omnes Tyranni in cruce maledici latronis, & si cruciatus nondū omnes sentiunt.

Nemo

Nemo sanus libenter uersatur apud eum, quem scit iniustam eadem fecisse. Quanto magis isti fugiendi sunt quorum mentes contaminate sunt idolomania, lingua periurij, manus imbutæ cruore piorū, cætera membra cōspurcata libidinibus. Ac ut de alijs obscurioribus sceleribus non dicam, quis sanus uolet se parricidiorū societate polluere, quæ ab istis fiunt quoridie? Quàm multi docti & pijs ab Episcopis & Monachis ubiq; terrarū interficiuntur? Aitunt nihil sæuius esse Pantheris, et tamē sæpe leguntur in circo quasi reuerentia quadam pepercisse sanctis Pantheræ. Has superat rabies Fabri, Mezentij, Nausææ & similium, qui adeo non parcent ullis, ut ciuile bellum accendi, & tot nationes deleri, tot honestas matronas, tot infantes iugulari, uastitatem Ecclesiarum effici cupiant æternam: uerum est enim illud Poetæ:

Alta sedent ciuilis uulnera dextræ.

Ut autem maledicū latronem castigat alter noster Apostolus, ita hæc flagitia singulis temporibus à pijs, & præfertim eruditis fortiter taxanda sunt. Quod ita demum grauitet & uere facietis, si eruditione instructi eritis, ut Paulus inquit: Sit sermo uester sale conditus. Non ut scolos aut littora feriunt undæ ingenti tantum sonitu, ita solo clamore certandum est: Erudite refutandi sunt aduersarij, ut aliqui sanentur, boni confirmetur, ut in latronis obiurgatione grauissimæ insunt sententiæ, de gubernatione diuina, de prouidentia, quibus Epicuræas in altero persuasiones refutat. Apud Aristophanem lex dicitur certaturis, ἐλεγχε καὶ ἐλέγχε. Causa cum causa congregiatur, ueris argumentis certetur, dicatur πρὸς ἐπ' αὐτόν, & reuocetur antagonista intra metas. Videtis enim quàm uarias rimas querant nunc ad elabendum,

H

quantum

quantum technarum & Sophistices excogitent ad elu-
dendam ueritatem. Antagonistas habemus, astutos, in-
tentos, instructos literis & eloquentia, ac dimicantes
non de lana caprina, sed pro focis suis, hoc est, de opi-
bus, dignitate, uoluptatibus, quarum rerum causa aceri-
mae cōtentiones inter homines existere solent. Vos con-
tra uere pro aris pugnat, hoc est, uobis cōmendata est
defensio puritatis Euangelij & gloriae Christi. Haec mi-
litia non cōcedit uobis otium, sed postulat acerrimum
studium cognoscendae coelestis doctrinae, flagitat ani-
mum non mollem, non desistantem certamina. Haec
ut sepe multumq; cogiteris, uos etiam atq; etiam ad hor-
tor, ut officium uestrum recte intelligatis, & agnoscatis
uobis non leue munus à Deo mandatum esse, uosq; in
extremo iudicio spectantibus omnibus hominibus atq;
Angelis, ratione administrati muneris reddituros esse:
ubi etiam hic noster latro inter iudices affidebit, & stre-
nuos milites Christo commendabit, de igitur ac de-
sertoribus supplicium summi peret. Quare nūc date ope-
ram a dolescentes, qui huius Signiferi tyrones estis, ut
uos diligenter exerceatis ac praeparetis ad uera certami-
na, in quo gloriam Christi aliquanto post defendere
uos oportebit. Hunc honorem Deus flagitat, ut heri in
uersiculis significauit. **U**bi adsertores laudum nos esse suarum, iob 38
idq; magis poseit, quam noua thura Deus, in 2
ad romanos 12. **O**ratio

ORATIO INSTITUTIONAE DOCTORIS

Theologiae, de studijs Theologiae
logicis.

I ego aut quadam foelicitate ingenij, aut doctrina atq; eloquentia, uel usu & exercitio, aut quacumq; mediocritate oratoria, effem paulo instructior ad declamandum è publico suggestu, summis uiribus hic in-
comberem, ut Theologica studia (de quorum dignitate hic pro more dicendum est) omnibus redderem quam commendatissima. Nunc cum uobis mea tenuitas non ignota sit, initio rogo, ne, si forsan ubertate, copia illa, & splendore orationis, cui eruditissime aures uestrae assuerat sunt, quem hic locus illustris & argumentum gratissimum deposcere uidentur, destituar, existimatio-
nem id sanctissimae professionis Theologicae, quam mi-
nificis laudibus, diuino aliquo ore, alicuius uere disertis,
omni omnium linguarum sono, in caelum tolli oportuit, apud uos imminuat. Meam, meam scitote esse cul-
pam; si rem coelesti preconio dignam, frigido encomio celebrabo, aut non his, quibus meretur summorum lau-
dum insignibus, ornauero. Theologicam professione
nostis esse eiusmodi doctrinam, qua in Ecclesia docetur
& discitur uera cognitio sapientiae & uoluntatis Dei.
Scripturae Denique sancta, quam Patriarchis, Prophetis
& Apostolis accepimus, quam non humana uoluntas
te, sed (ut Petrus ait) Spiritu sancto inspirante, prodide-
runt sancti Dei homines, quae totum hoc doctrinae ge-
nus (quod Theologiam uocamus) complectitur, tota
ed tendit, ad hunc scopum directa est, ut incomprehensa

In hoc exordio
extenuat suam
eloquentiam ad
extollend. mat.
na dandi
de qua dictum
est

Quid nomen huius
eloquentiae intelli-
gendum sit ex-
phorat.

finis sine scopo H ij bilem
prologus

bilern illam, & infinitam bonitatem ac misericordiam
 Dei doceat nos cognoscere, ut in hac uita primum in
 uerbo & promissionibus diuinis fide apprehendamus
 cognitionem sapientie & uoluntatis Dei. Deinde & in
 omnibus creaturis, coelo, terra, mari, & hac tota mundi
 machina, adeoq; proprii corporis nostri mirabili opifi
 cio, infinitam illam, & immensam Dei bonitatem, quo
 tidiana miracula, & presentiam diuinā, operumq; eius
 magnitudinem, & ut Paulus inquit, multipliciter uari
 am sapientiam Dei animaduertamus, quod ipse scilicet
 non sit Deus a longe, cui non sint curae res humanae,
 (sicut imbecillitas humanæ rationis peccato originis cor
 ruptæ somniat) quemadmodum & Homerus Poeta,
 de Ioue apud Aethiopas conuiuante, eam hebetudine
 humanarum mentium taxat, sed Deus admodum nobis
 praesens, sicut Hieremias Propheta inquit. **(Et in hunc**
quidem finem ab initio mundi, uerbum suum dedit Deus,
in hoc scriptura sancta prodita est, ut quotidie in cogni
tione Dei crescamus, ut subinde, quod toties inculcat
Paulus, magis ac magis proficientes in cognitione uo
luntatis diuinæ, latemur in Deo, presentiam eius in mi
rificis operibus adoremus, & reueremur, ut per fidem
& spiritum, gustum quandam percipiamus uitæ æter
næ, ut tandem eluctantes ex tot fluctibus, & periculis re
gni, mortis & Diaboli, emergamus ad perfectam cogni
tionem Dei, utq; tandem Deo ipso, quod maius quida
dam est, quam humana mente concipi hic potest, uita,
gloria, claritate, ac beatitudine æterna perfruamur. Et
 hic quidem finis est bonorum, hoc est illud summum
 bonum, illa uera & omnibus numeris absoluta sapien
 tia quam requirimus, illa sola & perfecta beatitudo,
 de qua

Deus prope
 et curat res
 humanas

Summum bonum

de qua extra uerbum Dei inquisierunt Philosophi & sapientes mundi. Sed Deus passus est eos errare longe à Deo in uis suis, ut Paulus in Actis inquit. Vere autem illius religionis, & Theologiæ, & solidæ illius sapientiæ inventor & autor, non est Mercurius aliquis, non heros quispiam clarus, non Philosophus excellens, sed ipse creator omnium rerum Deus, uiuus & uerus, ut Esaias inquit. Qui condidit cælum, & stabiluit terram &c.

Et Theologia hæc uera, non est eiusmodi cognitio, aut scientia, comparata solum ad uitam hanc momentaneam ^{temporalem} strepitum rerum, & umbratile ⁱⁿ huius mundi. Quemadmodum architectura, aut similes artes, tantum ad huius uitæ usum comparatæ sunt, quas pauci quidam perdiscent, sed ad hanc cognitionem ueram Dei, ad hanc sapientiam percipiendam, omnes homines super terram, totumq; genus humanum creatum est, atq; illa diuina mens hominis, illa elegantissima corporis humani, omnium organorum, ac membrorum constructio, non in hoc est condita, ut solum artes illas, quæ non nisi huic mortali uitæ & corpori feruunt, exerceat, sed ut infinitam illam sapientiam & bonitatem Dei cognoscat, & magnitudinem & uarietatem & mirificam illam in omnibus uim atq; potentiam operantis Dei contemplant, in Deo & omnibus operibus Dei letetur, & summa exultatione & alacritate gratias agat, sicut Christus ipse Dominus noster breui & gratissima sententia dicit. Hæc est æterna uita, ut cognoscant te uerum Deum, & quem misisti Iesum Christum. id est, hæc est uita illa, salus illa, & beatitudo, in hoc tota uis est infinita, immensa, & æternæ consolationis, & felicitatis, ad quam homines conditi, & à Deo uocati

H iij sumus

*Inventor
Theologiæ
Deus*

*Theologia non
est caduca sci-
entia*

*ad Theologia
hominis facta
inuita sunt*

sumus, ut in hac vita animi nostri erudiantur per uera
 bum, & concepto Spiritu sancto, illuminentur subinde
 magis magisque uera cognitione Dei, ut hic in Ecclesia in
 cipiatur renouatio & restauratio collapsæ naturæ, regnum
 celorum, & iusticia, & uita æterna: ut tandem in futu
 ro sæculo, perfecte latentur in Deo, læticia quadam inea
 narrabili, & glorificata, ineffabili torrente omnium bo
 norum Dei, adeoque perfecta *no uolæ*, & communionem
 (quæ in hoc tempore super omnem captum est huma
 narum mentium) diuinitatis persuamur. **S**ciamus era
 go Theologiam non esse eiusmodi quandam cognitionem
 eulam, quæ huic mortali uitæ tantum ancilletur, cuiusce
 modi sunt reliquæ artes, quæ suam tamen laudem, du
 rante hac uita, habent, sed eiusmodi quandam diuinita
 tis proditam sapientiam, ad quam percipiendam, ho
 mo initio conditus, propter quam diuinæ particula au
 re (ut Poeta inquit) & illud pectus coelestium rerum ta
 pax, illa mens cælo ducens originem, nobis indita est.
 In quacunque ergo uitæ genera uaria tempestas huius ui
 tæ conijciat homines, siue iuris prudentiæ, siue rei Medi
 cæ, siue rei militari dent operam, siue in Philosophico
 ocio, siue Repub. uersentur, tamen nisi ea, cum Theolo
 gia coniuncta habeant, sciant se à diuina & coelesti ori
 gine degenerasse. Quantumcunque ergo in tempestuoso
 mari huius uitæ circumuehemus, sæpe etiam naufraga
 mur, dum hic sollicitudine in dæus torquetur, hic si gl
 riæ, tamen in hoc portu acquiescendum est, tamen nisi
 initium, medium, finis humanarum rerum sit Theolo
 gia, iam homines esse desijmus, & uita est non hominis,
 sed beluarum. Nulla usquam ergo occupatio dignior
homine, nulla liberalior, nulla scientia aut cognitio exa
cellentior

*in theologiam ab alijs
 magis*

*omnis ars ab
 theologiam r
 unde*

cellentior, q̄ cognitio uera Dei & religionis. Propter
hanc initio Adam conditus est ex gleba & puluere ter-
ra: propter hanc Eua ipsius Dei creatoris mirifico ope-
re ex costa masculi sculpta & edificata est in formosam
foeminam. Et si forsā primum auditorem scholasticū,
simul & Doctorem Theologiæ requirimus, hunc scia-
mus magnum patrem fuisse Adamū, qui ipsum De-
um magistrum habuit, qui ante lapsum perfusus Spiritu
sancto, uere illuminatus fuit Theologus, quo uero hic
sol nihil aspexit post ipsum Christum præstantius. Si
enim Adam non fuisset lapsus, tunc omnes posteri, &
homines ex eo orti, quos fuissent Theologi: tū uidisses
totum orbem terrarum nihil aliud esse, q̄ spaciosam
quandam ac frequentissimam scholam Theologicam,
in ipso paradiso, quasi in horro quodā, aut porticu Phi-
losophica, mirabili amœnitate, passim confidentibus,
obambulantibus tot discipulis, quorum *συμφύλων* pro-
essent Angeli, quorum dominus & magister esset, ipse
Deus uidisses masculum & foeminam in summa casti-
tate, & puritate dulci quādā, & sincera *σοφία*, uera qua-
dam & perfecta suauitate uite & morum, de Deo & ope-
ribus Dei differere, confabulari: uidisses homines ex-
perts calamitatum, ærumnarum, tristitiæ, ignaros fune-
rum & sepulchri, liberos à tot terroribus Diaboli, ab
omni tristitia, metu, pauore, & miseria, in perpetuo ga-
udio Spiritus sancti, admirabundos quotidie de opere-
bus Dei, iucundissimū in modū colloqui. Non fuissent
tenebræ hæ, tot mœstæ cogitationes & curæ humanarū
mentium, quæ nunc sunt, sed omnia plena lucē, uita, hi-
laritate, læticia ineffabili. Et eiusmodi cœlestia pœ-
mata ac cantica de Deo & operibus Dei cunctis emodi
uix sum.

*Adam prop
Theologiam
erat.*

Inuentus est ad uel

*primus doctor
Theologiæ ada*

Latus ada

*quasi schola
in paradiso fu-
it si ada
no lapsus fu-
it.*

uix summis Patriarchis, Dauidi, & similibus canere po-
 stea datum est) tum bimuli infantes, & Habel paruulus
 in cunis, inter ipsa crepundia cecinisset. Nam nisi è coe-
 lo generosa illa & nobilis natura hominis, per peccatū
 originis & horrendum lapsum Adæ, cum in corporis,
 tum animæ uiribus corrupta esset, & lumen illud huma-
 næ mentis hebetatum, tum mira quadam acie mentis
 & oculorū, motus illos cœlestes, solis, lunæ, aliorumq;
 syderum ratos immutabilesq; cursus tam prope Adam
 esset intus, quàm nos curramus in terra, aut nauim in
 mari gubernari uidemus. Et non solum cognouissent
 tum primi illi parentes, quod Deus creasset cœlum, ter-
 ram, mare, & omnia quæ in eis sunt, sed & mira quadā
 perspicacia intellexissent, ipsum perpetuo esse præsentē
 omnibus hominibus simul, & animantibus dare uitā
 & halitum, atq; ita animi & corda eorū iucundissimis
 affectibus gaudij & ineffabilis laticię inarissent, de
 Deo, de minimis maximisq; operibus Dei, tum quidē
 tanta certitudo, tam firma *πληροφωρία* de Deo fuisset in
 mentibus humanis, ut quoties Adam sub aurorā orans,
 aut Eua mane ornans se ad proximi fontis speculum, so-
 lem orientem uidisset; summa eū uoluptate cogitasset:
 En iterum nobis sydus illud, quod quasi figulus cande-
 labrum sinxit pater & Deus noster. Deinde Cain & Ha-
 bel paruuli, & adhuc in cunis reptantes, aut alacriter cir-
 cumuolantes potius, quoties herbam aliquā odoram,
 quoties uiolam aut rosam, quoties pomū generosum,
 botrum aut uuas aspexissent, non sine iucundissimo sen-
 su infinitæ & inperscrutabilis bonitatis et sapientię Dei,
 cogitassent: Hęc sunt dona nostri illius Patris, hic odor,
 hic succus, opera sunt cœlestis dextræ: huius botri uel
 unum

unum pampinum ego nō possem fingere. Et tū Adam
 & Eva coelesti quadam, beata, & suauissima conuer-
 satione, non aliter atq; tenelli filij sub blando parente, in
 summa fiducia erga Deum, in summa certitudine et dol-
 cedine cordium, illum Deū uicū & uerū suū agno-
 uissent conditorem, nutricatorem, parentem, & admo-
 dum perspicua cognitione intellexissent, quomodo tot
 magnifica & præstantia opera, tot excellentes creaturæ,
 mera quotidiana miracula, mera specula essent, in qui-
 bus fulgor infinitæ bonitatis & potentia Dei redditur.
Nam hæc pulcherrima rerum machina in hoc condita
est, ut sit æterna, mirifica, & indelebilis pictura, in qua De-
us & opera eius cernantur, sicut Paulus ad Rom. i. dicit.
 Multa sunt admodum se signate dantia, & expressa ue-
 stigia diuinitatis, in hac tota uniuersitate rerum, pulcher-
 rimum hoc & spaciosum, & tot astorum luminibus
 distinctum cœlum, ingens illa moles terræ, & mirifica
 eius efficientia, & in omni genere crescentium fecundi-
 tas, infinita penè magnitudo maris, & inclusio aquarū
 eius, ut Psalmus ait, quasi in utre, tot uolucres, tot gene-
 ra animantium & piscium, tot herbar, tot remedia, tan-
 ta in succis, odoribus, uarietas, quos una & eadem terra
 profert, quæ omnia ex uno eodemq; subolescunt pulue-
 re, & incomprehensibili ac occultissimo ausu nascun-
 tur. Hec quidem satis magna testimonia sunt, quod hic
 mundus non casu extiterit, nec ex atomis conflatus sit,
 ut quidam Philosophi sentiunt, sed æternam quandam
 & infinitam esse sapientiam, quæ hæc omnia mirifice
 architectata sit, quæq; eodem elegantissimo ordine con-
 seruet ac gubernet, ut Paulus quoq; in Adis testatur, q
 Deus ideo in tota creatura ita uestigia sui, in singulis pe-
 I uē floscus

omnia creata
 in figura sunt
 creatore sa:
 pientissimi

nè flosculis, singulis penè arborum folijs reliquerit, &
 sese depinxerit, ut cognoscamus eum non longe abesse
 ab unoquoq; nostrum, & penè in nostro proprio corpo-
 re, in pane & uino sic è terra producto palpabilem esse.
 Et hæc quidè omnia, si peccato natura non iniuriata esset,
 omnes posterì Adam, masculi iuxta ac foeminae, clarissi-
 me cognita habuissent, atq; ita totum genus humanum
 ab Oriente usque ad Occidentem, fuisset gymnasiū
 quoddam pulcherrimum & frequentissimum schola-
 rium Theologiæ: nisi quod discrimen forsan fuisset do-
 ctorum, sicut stella à stella differt claritate. Verum post
 quam primì illi parètes nostri decepti nauayla Diabo-
 li, qua non desinit insidiari regno Dei, lapsi sunt, illa di-
 uina & excellens natura hominis horribiliter corrupta
 est, debilitata, & fracta in uiribus corporis & animæ.
 Atq; illud uitium originis late in omnes posteros Adæ
 propagatum est, ut iam in omnibus mortalibus, anteq̃
 inferantur Christo, horribilis sit cæcitas, ut neq; Deum
 tam clare cognoscere, neq; in ulla creatura Dei præsen-
 tiam & diuinam operationem ita cernere possint, atq;
 ab eo casu schola Theologica, quæ aliàs per totū fuisset
 diffusa orbem terrarum, ab Oriente usq; ad Occasum,
 celebratio nominis Domini coacta est in angustū, adeo
 ut inde ab Adam & Patriarchis, omnibus temporibus
 uera Ecclesia pusillus grex fuerit. Ante quidè horribi-
 lem illum lapsum sic habituræ erant res humane, quod
 Deus ipse domesticè plane & paterne, sicut Psalmus
 ait, gubernasset homines, ut tenellos filios tractans.
 Ibi sincera cognitio Dei, purus cultus, ardentissimus
 amor uerbi & uoluntatis Dei, summa & in dies crescens
 admiratio operum Dei fuisset, ibi dulcissimus affectus
 erga

Hæc p̃p̃rid
 Diaboli

Caritab ex p̃
 rale ougms
 uob p̃zom mlt

erga Deum, purissima Theologia, omnia plena ueritate, omnia plena iusticia, summa uoluptas, inuocare Deum, appellare tantam & coelestem illam maiestatem, Patrem, laudare Deum, rimari, & expendere opera Dei. Verum post lapsum Adæ, in illa prima, & auda etiam, & florenti ætate orbis, præ qua nostri nouissimi temporis effœta senectus, podagra, & senilis tussis est munda, apud maiorem & potentiorē partem hominum omnia repleta idolatria, errore, & ex illo ad flatu Diaboli nihil contemptius, nihil aspernabilius esse cœpit uero, sancto, & sincero cultu Dei, ueraq; Theologia. Nam post illud immane & horribile totius generis humani damnum, uera cognitio Dei, & uerbi diuini, & illa uestigia paradisiaci gymnasij manserunt in paucis. Nam cum Adam post lapsum erigeretur rursus, oraculo uiuifica promissionis diuinæ, de semine illo benedicto Christo transmissum quidem est hoc latum, & æternæ consolationis uerbum, & Euangelium ad posteros. Sed tamen intra parietes in angulis, tantum in familijs Patriarcharum, apud Habel tantum, illud lumen Theologorum, apud Noë parentem alterum generis humani, apud Sem uere magnum, ueteq; augustum Melchizedeck, quasi margaritum preciosum, custoditum, conseruatumq; est reliquo toto Cainico, et Nimrotico mundo & ante & post diluuium, insaniēte rabie infiniti erroris, idolatriæ, abominationis, reliqua tota colluuię hominum tumultuante bellis, cedibus, rixis, contentionibus, hominibus inter se flagrantibus uiperino plane odio, omni genere acerbicatis & crudelitatis. Sunt ergo reliquæ doctrinæ omnes, & Philosophia tota, adeoq; ipse Decalogus, conscriptio legum & statutorum, medicina,

dicinæ, fomenta, ligamina, & remedia affecti, morboſi
 & leproſi corporis mundi, & uulnerati generis huma-
 ni, quibus non opus fuiſſet in uita hominum, ſi illius
 lapſus, & tanti mali hæreditaria contagio non corri-
 puiſſet poſteros, aut ſi poſt lapſum omnes homines Ha-
 belica fide uerbum & promiſſionem Dei audire & reti-
 nere potuiſſent. Verum Theologia illa pura, eſt doctri-
 na, & profeſſio, ad quam integra natura initio condita
 eſt, ad quam creati, in cruce precio magno redempti, re-
 ſtaurati, & in æternū tandem glorificandi ſumus. Theo-
 logia, inquam, eſt illa profeſſio, per quam Adam, Ha-
 bel, Noha, Sem, & ſimiles ſummi homines ſub ſole, cū
 iam totum genus humanum eſſet poteſtati Satane ſub-
 iectum, aliquatenus in hac etiam uita ex regno mortis
 eluctati ſunt in uitam, & è peccato & tenebris, ad origi-
 nem paradisi & regni cœleſtis. Proinde cum nulla ſit
 Philoſophia excellentior, nulla ſapientia ſublimior aut
 præſtantior, q̃ Deum & opera eius cognoscere, omnes
 homines ſummo ſtudio adiri, & in hoc incumbere de-
 bent, ut quamuis Iuris ſcientia, Medica arte, et ſimilibus
 hæc uita carere non poſſit, tamen omnibus his rebus, &
 hoc toto mundo utatur, quaſi non utantur, & totum
 uitæ curſum eò inſtitutum & eò directum habeant, ut
 per ſtudiū ueræ religionis, exercitium uerbi Dei, ad hæc
 primæ creationis, & cœleſtis generoſitatis redeant ori-
 ginem. Sit ſane Theologia, cum aucupio & occaſione
 pecuniarū careat, cum uentos & fumos illos mundanæ
 gloriæ nō habeat, contemptibilis corā hominibus, at q̃
 ingens & infinitus theſaurus eſt corā Deo. Et q̃uis ueræ
 Theologiæ Doctores & diſcipuli, ſiue Patriarchas, ſiue
 alios ſanctos reſpiciamus, Habelicis perpetuo ſubiecti
 ſunt

*ad hoc uerbum ad
 Theologiam*

*Theologia
 quam in ap-
 homines uer-
 ptum habet
 apud Deum tam ſuma eſt*

sunt periculis (ut Satanae odium nunquam cessat) duris
 certaminibus, & varijs agonibus conflantes cum dia-
 bolo, & mundo, & quamuis impij perpetuo teneant
 titulum Cain, hoc est, possessoris, q̄ regna possideant,
 quærant opes, fruantur uoluptatibus, habeant ingens-
 rem gloriam, & quidem pretextu iusticię persequantur
 Ecclesiam, ut Cain in fratrem Habel sauebat: Tamen
 omnes honesti & pii homines, præcipue adolescentes,
 cuiuscunq; sint ordinis, quodcunq; tandem ingredian-
 tur studiorum iter, siue bonarum artium, siue iuris pru-
 dentia, hunc honorem debent habere Deo, ut sacris li-
 teris, & Theologiæ studiosis (sine qua ad finem, in quẽ
 creatus est homo, perueniri non potest) honorem sum-
 mum habeant. Et nos, quibus mandatur prouincia do-
cendi Euangelij, tamen si uocationis, & rei tantę magni-
tudo merito nos sollicitos detinet, ut in timore Dei res
tantas administremus, tamen gratias ex corde Patri cœ-
lesti agere debemus, quod relictis in sua cæcitate tot Epi-
cureis, tot acerbis hostibus Euangelij & religionis, tot
hypocritis, & Phariseis superbis, tot admiratoribus obs-
tinatis huius sæculi, nobis infirmis & indignis Euange-
lij lucem, & aliquas tamen scintillas spiritus Christi de-
derit, has primitias, hunc arrabonem cœlestium bono-
rum & æternæ uitæ, omnibus opibus, omnibus mundi
regnis pluri estimemus. Habeant sibi suam præclaram
beatitudinem, & illa gaudia, qui sine Deo, sine religio-
ne, carnalium cupiditatum rabie incitati, anhelant toti
ad comoda & uoluptates huius mundi, & præ illis
totam Theologiam, totumq; Euangelium non unius
assis faciunt, non cassâ nuce emptum sibi uelint. Quicq;
quid sit, uel experientia ipsius mundi testatur, illos uer-

I iij sari in

omniū

Theologi max
 sanos habenda

ad hunc

sari in incerto & lubrico, ut Christus ait: Quid prodest
 tandem, si unus homuncio potiatur rerū, terra mariq;
 potens sit, totumq; deniq; mundum unus habeat, si ani-
 mæ iacturam faciat: Ego uero hic hortor omnes pios
 animos, potissimum adolescentes, propter quos maxi-
 me hec pompe in Gymnasijs, ad cōmendandam digni-
 tatem literarum & religionis adornantur, ut inde ab
 ineunte ætate assuefaciant se ad reuerentiam & amo-
 rem religionis, utq; de hac sanctissima professione (& si
 Theologi homines sint) magnifice sentiant & loquan-
 tur. Nam & secundum preceptum Decalogi hoc postu-
 lat, ut nomen Dei ab omni creatura maxime pendatur,
 & adoretur: has uero prophanas uoces, tanquam uene-
 nata spicula Satanae fugiant, quibus Theologiæ, aut
 Theologorum nomen ironijs acerbis exagitarur, quæ
 animos teneros efferare, & contemptu religionis in
 omnem reliquam ætatem imbuere, & ueneno Satánico
 incautos, ut non facile eluatur postea, inficere solent. Sa-
 tis enim negocij habent, satisq; certaminis hi qui suspi-
 rijs & oratione indefinenter contendunt, ut in amore
 religionis maneant, tantum abest, ut non sit periculum,
 si quis more Cynico in risum iocumq; uertat res tantas,
 in quarum digna admiratione uix magnis certas-
 sinibus se retinent, imo à Deo retinen-
 tur, qui uere sunt sancti,

Dixi.

De aribus

DE ARTIBVS LIBERALIBVS ORATIO

a Philippo Melanchthone Tubinge
habita, Anno 1517.

EGREGIA VIRTUTE VIRO DO ANNI

Stofflero Iustingensi, Mathematicum profes
sori, Phil. Mel. S. D.



Ermone[m] de liberalib[us] artib[us] habui nu
per, uir clarissime, pro more istorum, qui
in Philosophorum scholis rhetoriciantur,
eum dicat[um] uisum est tibi, cu[m] quod ei[us] sce
modi sit argumentum, quod adferere no
mini ipse tuo iure queas, tum q[uod] hoc munere pietatem ti
bi mea probare co[n]cedam. Etenim debeo humanitati
tue, no[n] quantu[m] agnosco, sed quantu[m] agnosce[m]e cupio:
cupio aut[em] quantu[m] decet. Iam qu[od] te non decent omniu[m]
insignia laud[is], qui tot annis, tanto studio Mathematicu[m]
abstrusa recludis, qui tanto studiosos omnes, atq[ue] adeo
me fauore co[n]plecti, eoq[ue] ceu stimulo ad gloria[m] excitare
soles id quod sensu tacitus, cu[m] interpretadi Arati munere
nos onerares, nihil ardentius, nihil maiore uoluptate
unq[ue] cepti, & spero rem casura no[n] infelicit[er], modo tu
adspires p[er]ito. Vertimus aliquantu[m] operis latino carmi
ne, neq[ue] uero quo ueteres modo, qui imitari potius q[uam] in
terpretati uidentur. Tu, interim, dum illud absolutu[m] fue
rit, hanc habe oratiunculam officio si animi testem: for
tasse lautio[re]m uoles, & magis elegantem, sed fieri ne
quibat, is est reru[m] aceruus. Bregib[us] confudi plurima, &
uereor ne no[n] decora sit uarietas, perinde atq[ue] id est quod
Lucianus ait: καμῆλος γὰρ αἰγυπτιοισιν. Vale. Tubinge.

Egregius

ad hoc munus tuum
711111



Gregius animi uir Plato Athenæus & sapientia nomine uenerabilis, in disertatione quam Erastus seu de Philosophia inscripsit, Socraten ait ingressum in Dionysii Grammatici, spectasse illic genijs elegantissimis nobiles pueros, & ex ijs fortè duos ultro accitro contendentes: Esse quædam de Anaxagoræ uel Oenopide scitis controuersa uidebantur. Sic enim in ludo illi orbes pingere, flexuras ductare, uersilibus punctis finire, & artificii manu uariegratas undiq; lineolas imitari. Hæc, uti solebat, penito cõtemplatus animo senex, cuiusdam è familiaribus puerorũ adsedit, blande illum officio cubiti admonitum scitatus: Quid hoc, quod meditentur adolescentes tanto studio & cura? Num honestũ ac magnum: Continuo iste nugari, nescio quæ, cognita sublimia & quasdam Philosophias garrere. Socrates contra impudentiã demiratus hominis, contatur, num ergo turpe ducat id quod agit iuuentus philosophari. Aderat ibi quispiam non malus uir, is improbe dolens responsum Socrati, & autoritate tanta uiro, & de sapientie studijs modesta roganti, commodum interuenit: Socrati ait, mittendum hominẽ sordidum, squalentibus obrutum uoluptatibus, & indignum plane, qui cũ Philosophiæ disputatio communicetur. Prudenter ille qui dem non ad omnes pertinere sacrosanctam rem, sapientiam arbitratus, & ~~μὴντορ~~ iure solenniũ interdixit. Idem ego propemodum acturus, num ardua res, num pulchra, num laudanda Philosophia, eos mihi auditores dari cupio, quorum ita sint affectæ mentes, ut sponte orantem sequi cerrent. Si quis ea barbarie, ea immanitate, ut splendore ac pulchritudine sapientiæ trahi non possit

*non ad omnes
pertinet sapientia*

*non ad omnes
pertinet sapientia*

possit, iam relegatus esto, iam quasq; cycladas aut gyas
 ras malis, q̄ ardentis Philosophie uultus. Neq; uero hic
 facundia luditur peregrina ferrugo, neq; fastus ingentij.
 Ipsa sese res genuina facie bonis mentibus probare so-
 let, quo fit, ut & aperta magis ac simplex mea sit futura
 oratio. Artes primum dependemus administras Philo-
 sophiæ. Deinde illam ipsam quoq; si uisum fuerit, quæ
 maius aliquid cōmuni hominum sensu spirans, caput
 inter nūbila cōdit: Ea est uox Damonij. Omne isthunc
 locum, opinor & hoc anno, mense Iulio, concione qua-
 dam à nobis explicatū cognostis. Hoc tum erat studio,
 cum ē suis fontibus deriuare artes, ut animi nature osten-
 derem insita earum initia, scilicet hanc faciem prima lux
 & quæ integra mentibus humanis fœnerat. Dein ut impe-
 riti nature iudices, ut abhorrentes à ueterum historijs,
 qui unam gentem, aut unū fortasse Marfyan, primitijs
 artium dignantur. Nam ut eadem gentibus omnibus,
 atq; adeo omni cœlo æqui boniq; ratio, ijdem iusti fon-
 tes, sic eadem ubiq; nature scientia, modo par studium
 accedat, & ut in summa dicam, rex Iuppiter omnibus
 idem. Grandia hæc tum, nec ἀπεραδύναα ei loco.
 Sed exporrigo frontem adulescentiæ dicturus. Quædam
 iucundiora, quædam etiam clariora prioribus feram in
 medium. At interim, si quid ab humanitate uestra, opti-
mi uiri, pietas mea, uel à uobis adulescentes nunquam
non officiosa uoluntas emereri potest, quæso non solo
argumenti nomine, uerum & mea ipsius causa, paricū
cæteris Oratoribus uestris loco pari gratia habere.

Constans & uetusta fama est, natum Ioue Mercu-
 rium, quum ad Aegypti flumina puer à Nymphis ales-
 retur, ut erat indoles festiua, per lusum iocumq; solitum

K pletaq;

pleraq; commentari, Deas uasfriciefallere, nouas artes,
 noua opera miranda posteris effingere. Eximia est, que
 gentibus inde aliquot inter sacra fuit Lyra, id enim fabu-
 lis callido nomē inuento proditur. Factam aiunt ē con-
 cha quā forte fortuna iam in sicco destituerat Nilus in
 alueum regressus. Testudinē uocant horiori uocabulo.
 Festiūm profecto naturæ opus. Oblongula est, ut reli-
 qua taceam, & capite quasi in orbem sinuato, ac ob id
 apta manibus habendo. Quod cū in ripa ludens puer
 obseruasset, utilem ratus ostraci figuram, adit propius,
 aridam cædit, sonat ea & nescio quid blandius, statim
 Deus attipit latibundus, bene pulchræ rei sperans, pel-
 lem neruo culmis infigit, chordas adsternit septem, in-
 tendit chely, experitur cantu organon, *ἐν τῷ χελῷ* mi-
 ratur, interq; manus & brachia uersat, placetq; iam non
 auctori tantum, sed ipsis etiam Dijs nutritibus. Cœpit
 esse laudatū & selectis numinibus. Donatur Apollini.
 Nec longo post tempore Phœbus operam nauans ho-
 minum gratiæ, chelin dedit Orpheo muneri. Fuit *ἐν τῷ*
χορδῷ, Homero ac Pyndaro magnis testibus, dum
 Orpheus Calliopæ studio de Musarum numero duas
 adijceret testiculas. Post Orphei fata, alunt alij ad Mu-
 seum gnatum uenisse, alij fatidicam in Lesbion delatā,
 atq; inde à Terpandro in Aegyptum patriam, gratissi-
 ma munera, diuinorum consensu sacerdotibus. Ibi esse
 cœpit Aegypto sacra, quam pleraq; secutæ nationes, in-
 dem coluere Mercurij chelin. Nomen inde factum sy-
 deri, Lyra, quo res ætati posteræ foret augustior. Hec est
 Lyræ celebrata nobilitas tot gentibus, tot liberis. Quot-
 sum uero hæc? quid de una sibi tantum Lyra placeran-
 tiq; uitas? Quælo mihi paulisper aurem commodare,
 rem

*Mercurius
 mutoz Lyra*

ἐν τῷ χορδῷ

rem explicabo nō uanus. Poetica mythos uno eodemq;
iucundo inuoluchro, & populari quidem, primas ar-
tium origines, primosq; authores tenet. Mercurius Ioue
natus, Iouis mens habetur ijs, qui ueteris Philosophiæ
periti sunt. Lyræ de restudine, non falsa mundi imagi-
ne, sic in re parua ludit natura, πολυδαίδαλον fecit, chor-
dis ornauit septē: Est enim ille sacer habitus numerus.
Septem hæ sunt artes, ut agam historica fide, supera de-
fluxa mente, quibus omnis naturæ scientia comprehen-
ditur. Iam & præfides Musæ totidem, quæ duæ reliquæ
septeno choro ius omnium sibi uendicāt. Ecce Dei ma-
nus fabrefactam Lyræ, ecce Deum munus, Artes. Mihi
uero iam de naturæ scientia, non Demonij uoce res est,
putoq; nostris ingenijs propria, rationis usu contingit.
Ea est in oratione partim, partim in rebus. Scientia rerū
prior, sed nos uulgari more dicemus. Quæ ad sermonē
spectant, ingeniorū puerilium exercendi habētur initia.
Grammatica prima, cui quoniam elementa literarū de-
bemus, nulla ex parte non est necessaria: quid enim atti-
ner longius immorari palam concessa rei, q̃ utile mor-
talibus repertum, literæ, & ὁμοιοι memorie custodes, po-
pularis regulæ sermonis, ut mittam cætera. Huic acce-
dit proxima Dialectica, subtilis differendi ratio, nam id
indicat nomen literaturæ comes, complexa quicquid
hoc omne, quo se aliqua uis effert ingenij: ac si licet hoc
audacius paulo, sola mihi omnium mater artium habe-
ri posse uidetur: Tantum abest, ut dignū docto speres,
ut pestus ad sapientiam formare quo uis modo queas, si
Dialecticon politias, uanissime omnium, quisquis es
contempseris. Neq; enim ille mercium pater Oceanus
tantum opum, tantum dignitarum orbi conuehit uni-

*Septem choro
lyre. Septem
artes signat*

diuisio senty

Grammatica

Dialectica

*ut istud
summa de
literaturæ*

*Aristotelis
Dialectica
per Plat.*

*Platonis
gradus*

*Plato Dialectica
Summa
ma /upras*

*Collatio Dialectica
hinc ad
finem Dialecticae*

uerso, quantum artium una cyclopediae, Dialectica. Et attingerem ex ijs aliquot, ni passim id sonarent scholae: at si uultis tamen, ostendam usui fuisse uel summis ingenijs. Vir animi sagax Aristoteles, ut hunc nomen, in quem opinio hominum consentiens multis iam seculis conspirauit, quæso quid præstat ubiq; uel aptius uel eruditius Dialectica? potestq; illa quasi Delphico gladio, ut omnium sensa nunquam non penitissime confodiat. Inuenit, disponit, Dialectica debet, ipsa enim quid quæq; res, quid cuiq; cohærens, & quo ordine, pulcherrime distinctis filis notat. Iam si Platonicos huc accire datur, quantus inter illos eminet Augustinus, qui dialexi, seu Mercurijalis, ita Platonici uim animi excelsam uocant, humana superans, diuina proximus attingit. Non audio quosdam male feriatos homines, qui cum ἀγέμματοι & ἀνοροί literas uulgo iactitent, hoc habent primum, ut à Dialecticis q̃ longissime absint. Age belle rideretur hæc tota fex à Socrate, non in Gorgia tantū & Lache, sed omnibus penè dissertationibus Platonis. Habet Grammatica ut docte loquaris, hæc ut uere, ut discriminatim, ut certū, ut solidum, quod enthysemata, syllogismi, theses, finitio, partitio commodū exhibent. Et sincera sunt & firma, quæ in hanc aleam cōueniunt, minimeq; fucata. Dædali statuas quondam suspexit antiquitas, nō de adsciticia specie, ut Pausanias ait, sed ingenua quadam forma, cui plane γυμνασίου hoc erat, admirandam referre ipso decore maiestatem, & propemodum illud melioris seculi ὄρα. Fortassis & de nostris Dialecticis tale quiddam licebit, Stoicos dico, aridi sunt acieiuni sermonem, fecundi sensa: uerū hæc aliàs. Omnino de ipso sciendi amore Dialectica inter primores

primores artium recenseri non temere solet. Quare uas
 leant ἀντίτεχνοι suis complicitibus, τοιούτων τὸ βασβαρὺν
 γένος, ut cum Euripide dicam: liberum est enim cuiq;
 aut bonum esse aut malum. Vos qui Philosophiæ nos-
 men dedistis adolefcētes, qui boni esse, qui sapere dex-
 trā menti, qui prodesse olim Reipub. contenditis, in
 elementa Dialecticæ incumbite. Nullo pharmaco ma-
 gis aut uegetum aut acre, nulla harmonia reddi potest
 ingenium elegantius. Bias rogatus, quid esset cuiq; in-
 ter prima dulce, respondit, quid proprium. Est autem
 uel maxime propria homini ratiocinatio, διελείξis, con-
 templatio cuiusq; diligens. Iam queso quid eo suauius?
 Varium Poetæ Proteum fingunt, omnium sibi rerū uul-
 tus formasq; aptantem. Quo nimirum commento in-
 telligentia nostræ metamorphosin in omnes rerum spe-
 cies significant. Discernit autem species rerū unica Dia-
 lectica, perpetua & inconcussa ueris scientia. Quam uel-
 lem hæc pluribus agere liceret per horam, quo magis
 perspicue uobis Dialectica probaretur. Sat fuerit adie-
 cisse, Neminem à conditis literis unquam ullo sapien-
 tum iudicio, inter candidatos studiorum cuiusq; gene-
 ris censum, huius expertem. Sed aurem Cynthius uellit
 illa: Pars Dialecticæ, quosdam argumentorum locos
 populariter instruens. Et de Grammatica, Dialectica,
 Rhetorica, Logicis artibus tantum. Chordæ illæ tres in-
 chely symphonæ, Musarum trium ludus: Polymneia,
 cui nomen est à memoria, literas habet. Euterpe Dia-
 lecticam, quod mira sciendi cupidine rapiantur, qui
 in contemplatione degunt. Melpomene forum de-
 mulcens, Rhetoricam. Quæ rerum est cognitio, pendet

*adhortatio ad
 studium dialer-
 ticæ*

*quid significet
 proteus u:
 2imb*

*quæ musæc. in de-
 rant sibi fru:
 uia*

omnis est numeraria, quā uocant Arithmetica. Si enim, ut uisum Platoni, aliqua rerum prima notio inserta est naturae mentibus hominum, quā liceat uti, uel ad uniuersalium contemplationū principia agnoscenda, uel ad singularium partes, quāso quā est alia, quā ordinis, quā numeri regula, quā uidetur in unoquoque, quid primum, quid extremum, quid unum, quē multa. Quae ut non temere solent magistra ferula discier, ita natura prius percepta tenemus. **L**aratan aiunt, quisquis ille fuit, Pythagorae Doctor, dixisse animam numero matrem esse, uidelicet, quo significaret congenitam numerandi scientiam animis mortalium. Et licet de puerorum rudibus ingenijs periculum facere, an non primum est, quod scire uidentur numerus, par, impar, luditur, item cubus primus & postremus. **Q**uamobrem in erudiendis pueris à numero auspiciandum censet Plato, quo ex cultis, ijs quae natura insunt seminarijs, recipi cetera promptius queant. **E**t Pythagoras omnē philosophandi rationem ē naturae mentis humanae cognatoque studio deriuans, principia Philosophiae numeros posuit. Tum qui praestitere quondam sapientia magni uiri, & agibiles numerare, pro philosophari dixerunt. **A**benzoar nosse inquit omnia, qui sciat numerare. Et Neocli Plato quarenti, cur homo sapientissimū animal, respondit, quoniam numeros calleat. Iam quae archana uenati maiores ē pari ac impari, quae sublimia ex uno, duobus, tribus, quatuor, quinque, sex, septem, & rursum ex horum congressibus, dies defecerit explicare conantem. Accedunt ad numeros litterae, sortes, aethigmata, nomismata, & huiusmodi non paucē commerciorum nota. **N**ec est ut

arabum in
numeris

est ut Syros aut Phœnicas memorem vobis auctores
 numeri. Eadem generi hominum ratio idem hoc ubiq;
 præstat, ut signet, discernat, iudicet, quæ usura veniunt
 & numeraria. Sequuntur eam ponderum ac magnitudi-
 num mensuræ, planæ, solidæq; figuræ, æqua, iniqua
 proportio, quæ fere capita Geometria sunt. Hinc admi-
 randa hominum generi machinæ, acut Eudoxi, Archy-
 te, Mænechini, Archimedis, Boetij automata prætereâ,
 quantum bombardæ nostratæ inventum, bellicis conta-
 lit. Addo Plasticen, & quæ nascitur è perspectivis Pictu-
 ram, utrunq; civitatum vel pulcherrimum ornamentum.
 Huius generis sunt celandi, scalpendi artes, & inter eas
 Calcographica, ateq; Germanorum scribendi forma-
 læ. Hic artium nexus, hæc origo mechanicon duabus
 principibus artibus Arithmetica & Geometria, hic usus
 est utriusq; per tot manuarias operas. Quod si ad animû
 transferas, Dii boni, quæ suavitatis, quod nectar offunde-
 tur contemplanti, imò quæ lux sese ex illo rerum chaos
 aperiet: isthæc mentem sensilibus hærentem, auellit se-
 ductiq; ad intelligibilem æternamq; naturam. Sic Plato
 æϑυς φιλosophari, & δεινὰ καὶ γοῦν βαρὺν cōmodum
 afficta notatione dixit, id est, semper æternam veri natu-
 ram intelligendo uersare. De Arithmetica Geometriaq;
 obiter: in colophone ac fastigio artium, Musica & Astro-
 nomia locantur. Age quid Musica laudatius? elegantis
 ea harmoniæ ratio, siue organicam, siue naturalem uer-
 lis. Insignis utraq; honore poematû, id quod alia sum-
 acturus oratione. Plerisq; gratior Musica orbe artium
 aliarum, quod hæc ad contemplationē pariter moresq;
 conferunt. Erigunt aliæ ad coelestia mentes nostras, hæc
 una cœlo superos ad humana deducit: quo argumēto
 veteres

*auctores m;
m. 21*

*Musica et
Astronomia*

veteres arbitror musica signa passim Deum statuis ap-
 pendisse, quasi illis Dii conciliati nobiscum uersentur.
 Confert moribus, q̄ nulla res familiarior tranquillan-
 dis animantiū affectibus. Scitis de Orphei Lyra quid ē.
 & quæ Pythagore gentis instituta fuerint, *ὡς ἄνδρ
 πρὸς λῦραν*. Ex ea factiōe Clinia celebris uir, modestissi-
 me usus disciplina magistri, quoties animo turbabatur
 quacumq; causa, statim ad Lyrā properabat: rogatus
 aliquoties, quid hoc? nihil respondit præter hanc uocu-
 lam *πρᾶνονομαι*. Atq; hi sunt proprie Musarum soni, qui
 ad honestam uitæ constitutionem, qui ad uirtutem per-
 tinent: Succedunt Musicę saltatorię artes, Arcadum in-
 uenta, sed longior est res, q̄ à nobis agi modo possit. Re-
 liqua cyclopedicę Astronomia est, numeros, magnitu-
 dines, motus, harmoniam, id est compagem superi atq;
 inferi orbis, dimensa, syderum effectiōes ac influxum
 complexa, Medicinæ parens, fati conscia. Arithmetica,
 Geometria harmonica ancillarjjs disciplinis commu-
 niter utitur. Longius hanc quadruūj seriem duxissem,
 sed hora deficimus, agitq; rem eam publicis scholis
 quotidie Iohannes Stoffler Philosophus, autoritate, fi-
 de, literisq; Mathematicum uenerabilis. At hæ quatuor
 artes, quatuor item in Lyra Mercurij chordulæ, suum
 quæq; stridens, prima se Terpsichorę debet, ordinis ac
 numeri artifici, habet enim à choris nomen Dea. Secun-
 da Thalię, quoniam floreat exulta *γρομεῖσθαι* commo-
 dis uita. Musicam Erato iucunda regit affectio. Emi-
 net inter socias clarissima in Homerice Dianę modum
 Vrania, principem astrorum scientiam decora referens.
 Septem chordas numerari adulescentes audistis, nec
 discrete Lyra uoces redduntur, plures quatuor, tres ora-
 tionis

Clinia se
 solabatur
 Lyra

Astronomia

que musæ
 uenerant sibi
 quadruūj

tionis funiculi communes quadruius. Quatuor alia
chordæ rebus suis discrepant. Non confingo licenter
hec auditores, ut illi Atticorum *κοροπλάτοι*: Platonis
quoque ueteribus ratio sapiendi talis fuit, autore Plutar-
cho. Et de quaternio Lyre systemate quæ disputauit, Ter-
pandri sunt, ait ille:

*ἡμῖς τοι τετραγώνῳ ἀποστέλλαντες αἰοιδίῳ
ἐπὶ τῶν φόρμιγγι νέος μελιδήσομεν ὕμνος.*

Septena iam forte chely noua carmina uatem,
Quatuor & distincta modis panxisse iuuabit.

Iam ne, quæ Mercurij sit Lyra tenetis, quot chordæ, quot
artes? Et Musas artium præsidēs appellare sum solitus.
Ille uero quid? Congenitus hominum animis ardor &
strenua sciendi cupido. Testis antiquissimus uates Or-
pheus, qui Musas hymno canens, inquit:

*Γένος παιδῶν ἀρετῇ γεννώσαι ἄμεμπτον
δρεπταίαι ψυχῆς, διανοίας δέθοδ' ὀτίζαι.*

Hoc est, si uenerandam Orphei maiestatem carmine li-
cet nostro imitemur:

Munera uestra Deæ uirtus & gloria uerax,
Quasq; artes agit humanæ uis feruida mentis,
Vos animi dulces etiam ueneramur alumnas
Aeternum recti quibus inseruistis amorem.

Censæ artium numero Musæ septem, duæ supersunt,
Cleio & Calliope, quibus æquum in omnes literas ius:
historiæ Cleio, Calliopen poemati præficimus. Omnis
generis scripta usurpant historia & poema, nec alij ma-
iori fruge opera uel leguntur authores, quæ Historici ac
Poetæ. Adulescentes animos è uulgarium studiorum for-
de euellunt, loco quæ referunt excelsio, iam uiris digna spi-
rantes. De Artibus hæcenus, quæ organa sunt, & quasi
L quadam

*a uoce sustendi
a uim in se*

*poetæ
Historia*

quædam præludia magis illius Dñs genitrix sapientiæ;
 quibus instructæ mentes hominum; Dei nomen coelis
 demissum excipere quæant. Nec fas puto de illa plura
 commentari, quisq; secum bonus in anxie cogitet, quæ
 illi *ἡ μὲν ἐλπίς τοιοῦτο* ut Callimachus ait: Ipsa est quæ in
 medio ætium choro cōmunis omnibus desidit, o mñiū
 rerum cerra scientia. Sic Apollinem prudens antiquitas
 in medijs Musis pinxit uniuersitatem omniūq; cithara
 temperantem, ut est apud Orpheum: *ἡ δὲ Μοῦσα πάλαι ποτὶ Κρόνον ἔειπε*
καὶ τὸν ἄλλοις ἀνθρώποις πολὺν ἔργον ἔειπε. Aggredere
 Capita altum, nomenq; *τῆς σοφίας*, ut cliuit, breuissime
 attingi, nō in hoc uersatus, ut magnifice laudarem. Egge-
 gie nobilis pictor Timanthes Cyclopem in tabula, uti
 ferunt, breuicula dormientem delineauit, eius cū effet
 magnitudinem expressurus, iuxta Satyros thyrso polli-
 cem monstri dimetientes fecit. Quo modo nos angustis
 ingentis homines ingentia molimur, Philosophi lau-
 des, nec ferè nisi dormientis sapientiæ oras cōtingimus.
 Equidem cum temperarem mihi à laudibus, quas mul-
 ti multas ineptissime effatire solent, hoc egi tantum, ut
 q̃ honestæ res essent artes, quippe sacra, intelligeretur.
 Tum ut admonerem iuuentutem, easdem Musas esse,
 quas hodie uocant artes. Probaratio est, cur uelim adur-
 lescentes hoc omnes rectissime norant. Passim prostant
 Musæ in poematis, uisio indoctorum interpretum, qui
 rem multo dignam studio negligunt, & quantum con-
 ſicio, iuuentæ operas uani distinent. Idem Mercurius est
 pueri, qui animus nobis, *ἢ δὲ τοὺς δῖον ὁ σοφίας*. Eadem
 Musæ, deinde & eadem chordæ, quæ artes, animi cum
 habitu suo consonantia, Lyra harmonia. Iam quis est è
 uobis, qui non harum rerum honestatē capiat? *ἢ δὲ τοὺς δῖον ὁ σοφίας*
 ueniebat

neniebat fortasse in hortaretur vos ad uirtutem, sed uer-
 sita iam sponte currentes. Agite exempla uobis magno
 rum hominum, qui me circumfidunt capite, agite inten-
 ti spem patriæ longe pulcherrimâ, ante oculos, ipsumq[ue]
 animi sensum ponite, quo nihil esse optandum uobis,
 nihil contendendum, præter honestas literas, præter uir-
 tutem cognoscatis. Nullis delicijs, nullo errore homi-
 num, regia uia excedite: nulla uos cupido auellat in fa-
 mis à uirtute. Infamem adpello, quæ aliena sit à studijs
 literarum, atq[ue] ab ijs, quibus additi sacris omnes estis.
 Eleganter admonet dialogo Lucianus, qui fluctus illi
 abhorrentes à uirtute Musisq[ue]: eum quando Caspar
 Curter, bonorum studiorum amantissimus iuuenis, La-
 tinum fecit, haud grauatim referâ. Iucunda est fabula.
 Sic enim Venus natum compellat. Quid o Cupido ex-
 teros Deos subegisti omnes, Iouem, Neptunum, Apolli-
 nem, Junonem, matremq[ue] ipsam me, sola uero absti-
 nes Pallade, ac aduersum istam nulli secularum ignes,
 uacua telis phætæra, tu deniq[ue] inermis arcu pilisq[ue] cares?
 C. V. P. Pertimesco ipsam mater, horrenda est enim, ac
 torua aspectu, admodumq[ue] uirilis. Itaq[ue] quoties inten-
 to eam arcu iaculoq[ue] peto, coccussa me galea excutit, ex-
 terret, caduntq[ue] manibus continuo sagittæ. V. E. N. An
 non erat hæc Mars formidabilior? & hunc tamen armis
 ispoliatum expugnasti. C. V. P. Imò ille lubens me reci-
 pit, inuitatq[ue]. Minerva uero obdactis supercilijis obser-
 uat semper. Ad eam si quando aduolaui temere, facis-
 bus aduolutis, ait ista: Per Iouem, si me puer adortus
 fueris, te transfodiam, aut arreptum pede in tartara con-
 iiciam, uel ipsa te dilanians discerpam. Tum acribus in-
 tuetur oculis, & circum pectus gestat imagiunculam
 L ij quandam

adhortatio ad
 studia

Cupido ph;
 in se it palla;
 dem.

quandam uiperis capillorum uice comatam. Hanc ne
 hementer equidē formido, perterret enim me, fugioq;
 quoties adspecto. VEN. At qui Mineruam quidem
 metuis, atq; huius gestamen gorgona, qui Iouis fulmē
 non expauescas? Dein autem Musæ cur nullis queunt
 abs te uulneribus confici, suntq; quod aiunt, extra tela,
 num galeas & hæ incutiunt, aut gorgonas obijciunt?
 CVP. Ipsas ego reuereor mater, castæ sunt, & semper
 aliquid curę molientes, cōtinuo cantu occupatæ. Sape
 igitur adsum illis suauitate carminis delinitus. VEN.
 Sinito & illas, quod uenerandę sint scilicet: Dianam cur
 non uulneras? CVP. In summa nequaquam possibi
 le est adsequi eam, semper per montes fugientem, quin
 illa suo quodam flagrat cupidine. VEN. Quo gnate?
 CVP. Venatu quidem ceruorū ac hinnulorum, quos
 infestatur ut capiat, aciaculo figat, ac prorsum rotā rerū
 eiusmodi studio tenetur, tamen fratem eius iaculo po
 tentem, ac eminus ferire solitum. VEN. Scio gnate,
 sapenumero arma expertum tua. Hæc fabula est pro
 futura moribus uestris, si frequentem animo
 agitaueritis: Sic enim & nuge
 seria ducent.

Dixi.



Sermo

SERMO HABITVS APVD IUVEN
tutem Academiae Vittenbergensis, de corri-
gendis Adulescentiae studijs,
Authore Phil.
Mel.

EXIMIA PIETATE AC DOCTRINAE
uirtute, Domino Othoni Beckman, Iuriconsulto,
Canonico Vuitenberg. Philippus
Melanchthon
D. S.



Non parum refert ad uitae tuendae rationes,
quo genere literarum rudis aetas initio for-
metur, cum ob alia multa, tum hoc maxi-
me, quod nihil efficacius est ad mutanda inge-
nia, moresque hominum literis: Nam fere
semper talis est unusquisque, qualem studia faciunt. Nec
mihi bonae literae, nisi quae mentis bonae sunt, uidentur.
Itaque praestat optimis iuuentutem erudiri, mores enim
optimos optimae literae conferunt. At uideas hodie pas-
sim in Germania tale quoddam genus iuuenilium stu-
diorum tractari, quod non modo sit ad omnem reli-
quam uitam inutile, sed omnino etiam perniciosum.
Etenim deserta praedicta quibus nescio nugis ingenia cae-
terum foelicia occupantur ac franguntur, Philosophiam
ipsi uocant. Non hoc dico, quo à Philosophia studio-
sos auocem, sed hunc philosophandi ordinem ac du-
ctum non probō. Nec enim angustis adeo finibus circums-
cripta est Philosophia, ut philosophari nihil aliud sit
quam nugari. Maxima eius pars contempta iacet, ea uis-

*affirata hanc
ad moris ma-
gna*



NE ego plane uidear impudens, atq; mei
 proflum oblitus, in hoc cœtu Mag. D.
 Reſ. Eximij Principes Academię diſturus,
 quem cum alijs & ingenium & umbratile
 ſtudioꝝ genus ab huiusmodi theatris,
 & hac plauſibili Oratorum qualiſcunq; auctor, abſterre-
 re modo cum primis rei quam acturus ſum difficultas
 potuit, ni mecum pietas in recta ſtudia, tam officiĩ mei
 rationes inhortentur, quo bonas literas ac renaſcentes
 Muſas, quam quod maxime commendatas uobis uni-
 uerſis uelim. Illarum enim cauſam ſuſcepi rutandam,
 aduerſus eos, qui uulgo ſibi in ſcholis doctoꝝum titulos
 ac premia, Barbariſ barbaris artibus, hoc eſt, ui & fraude
 arrogarunt, & haſtenus ſerē malicioſis ingenijs homi-
 nes retinent. Germanicam iuuentutem paulo ſuperio-
 ribus annis alicubi conatam in hoc ſœlix certamen lite-
 rarum deſcendere, iam nunc quodq; non pauci, uelut è
 medio curſu, commento pluſquam Thracio, reuocant.
 Difficilius eſſe ſtudium literarum renaſcentium, quam
 uilius: Græcā à quibuſdam male ſeriatīs ingenijs arri-
 pi, ac ſed oſtentationē parari: Dubiæ fidei Hebræa eſſe:
 Interim à genuino literas cultu perire: Philoſophiam
 deſertum iri, & id genus reliquis conuicijs. Cum iſto
 grege indoctoꝝum congreſſuro, quis non intelligat uel
 Herculi non uno Theſeo opus eſſe? Adeo ſuſcepto ne-
 gocio non parum æquo dicar audacior. Vt interim ſi-
 leam uix poſſe hanc à me prouinciā adminiſtrari, ci-
 tra modēſtitiæ periculum, qua diſpeream, ſi quid unquā
 rerum humanarū prius duxi. Ardeo enim amore recti,
 & quum ſtudia ueſtra uehementer iuuari adoleſcentes
 cupiam, fiet ut quedam liberius q̃ iſti uolent, dicam. At
 quando

*probat motus
 ac offitio in
 modum prodit.*

Thraci con-
lud

*a modis
 rapta de
 inuoluntate*

*Captat bene
uolentia ab
auditoribus*

quando me huc siue ratio (ita enim uideor mihi) siue casus aliquis impulit, uolo hanc mecū, Clarissimi uiri, causam habere uos cōmunem, quorum industria, consilijs operaq; sit, ut passim à situ & squalore adserantur literæ, nationumq; nitorem ubiq; recepturæ sperentur. Placuit igitur paucis commonere iuuentutem illustris Academicæ nostræ, ut quantum ad summam præclari instituti uestri attinet, intelligat, quæ sit renascentium studiorum ratio, quæ illorum quæ Barbari maiores nostri è Scotis in Galliam, è Gallijs in Germaniam inuexerunt, ut ordine ac ductu generis utriusq; cognito, ipsi iudicatis, utrum maiore commodo, periculo minore, liceat amplecti. Adq; id hoc omnis oratio mea incumbet, uti spem uobis elegantis literaturæ (de Græca & Latina loquor) faciam. Scio enim in ipso iam uestibulo plerosq; nouitate rei, si nō deterreri, certe angī. Præstabat autem orationis argumentum, & quasi filum, ab ipsis studiorū fontibus, & omnium seculorū literatis institutis ducere: sed eascē alterius erunt. Iam quod attinet, breuibus Barbara studia cum synceris committam, docebo quibus auspicijs Latina discenda sint, & Græca tentanda. Interim quaeso dicentem benigni audire, id quod à uobis uel singulare meum erga uos studium, uel ipsa literarum dignitas impetrabit.

expositio

Captatio attentionis.

*Machi non
conuenit
in palladæ*

Annis ab hinc opinor ostingentis, orbe prope uniuerso à Gothis commoto, & à Longobardis deuastata Italia, simul cum Romano imperio Romanę literę sunt intermortuæ, quod unā belli furor & bibliothecas exciderat, & Musas ocio, ita ut sit, negato extinxerat. Scitis enim q; non conueniat cum sapientiæ studijs, atq; adeo ciuiliū rerum cultu Marti, quem fingit Homerus non ster cum

ster cū Pallade acerbis odijs confliscantem, *μαυρόμυλον*, ut ipse ait, *τυντοῦ κακόῦ*, quo fere tempore Gregorius, quem isti Magnū, ego præsultorem *μεγὰρ δαδύχου* Theologiae pereuntis uoco, ceterū eximia uir pietate, Romanam Ecclesiam administrauit, & infœlicissimi seculi casum, quoad potuit, docendo scribendoq; sustinuit. Sub id ætatis nemo, ut uiderur, nostrorum hominum fuit, qui aliquid insigne scriptum ad posteros dederit. Verū hæcenus in Scotis atque Hibernis literas diuturna pax aluerat, clarebantq; hi cum alijs quibusdā, tum maxime uenerabili Beda, Græce & Latine haud uulgariter perito: adhæc in Philosophia, Mathematicis, sacris sic erudito, ut cum uetustis quoq; conferri posset. Interim frigeat Italia, frigeat Gallia. Germania ut semper armis q; literis instructior erat, eaq; tum potissimum in Italia sauebāt: nondum enim uniuersa Christum profitebatur. In hunc rerum statum Carolus natus, cum fines Romani imperij pacasset, ad instaurandas literas animū adiecit. Nam & ipse præter multarum rerum cognitionem, plerasq; disciplinas, quæ scholis debent, expeditas & compertas habebat. Alcuinum ex Anglia in Gallos duxit, quo authore, Parisij literas profiteri cœperunt, auspicio certe lato. Nam puræ adhuc erant, & accedebat Græcarum rerum mediocris peritia. Ea nobis ætas Hugones, Richardos, & alios non pessimos scriptores ædidit. Philosophia, non uti nunc, ex Aristotele petebatur, sed totam sibi adseruerant Mathemata, quæ magnæ cūq; tum literati omnes habebant, id quod indicant ueteres Monachorum diui Benedicti bibliothecæ: è quibus nemo clarus extitit, qui non opere Mathematico sit eruditionem suam egregie testatus. Deinde

M usu res

Gregorius Ma-
*gnus**Beda**Carolus**Mathematica*
studium

usures acta est, incideruntque homines quidam, siue libe-
 dine ingeniorum, siue amore litium ducti, in Aristote-
 lem, eumque manuum, & lacerum, & qui alioqui Græcis
 obscurus, *non tamen doctus* similis uidetur, Latine sic reddi-
 tum, ut etiam Sibyllæ futentis coniecturas exerceret.
 Huc tamen incauti homines impegerunt. Sensim ne-
 glecte meliores discipline, eruditione Græca excidimus,
 omnino pro bonis non bona doceri coepta. Hinc pro-
 diere Thomæ, Scoti, Dutandi, Seraphici, Cherubici, &
 reliqui proles numerosior Cadmeæ sobole. Accedit in-
 super, quod non solum cōtempti uereres studio, notio-
 rum, sed omnino si qui in eam supererant artem, uel
 in Lethen ablegati perierunt, ut dubites nomalia reia-
 gutiarum auctores plus nocuerint, quam quæcōdies
 tot millia ueterum scriptorum ad interuicium uelque
 aboleri passi sunt. Talibus deinde semel iuris diuini ac
 humani potestas facta est, ex horum decretis inuentus
 erudiebatur. Proinde in scientiam Iuris ac rem Medicā
 patitur posthac sagittum esse. Oportebat enim similem
 præceptoribus discipulum esse, ut alunt quoque *hæc*
gaudeant. *Quæ ratio* studiorum annos circiter
 trecentos in Anglia, in Gallijs, in Germania regnauit, ut
 ne quid intetum dicam immodestius. Quam pernicio-
 sa, conijcere licet propemodum ex his quæ dixi, atque ut
 plane intelligatis, animam ad uertice. Primum, deser-
 tis ueterum disciplinis, quando audax ista commentan-
 di & philosophandi ratio inuasit, simul Græca con-
 tempta, Mathematica deserta, Sacra negligentius colta
 sunt. Quo malo, quæ sanior pestis esse potuit. Certe
 nulla uulgarior quæ fuit. Nam cum ad eam usque artem,
 & Philosophia tota Græca fuisset, & Latiorum La-
 tinae

*Aristoteles
obscurus*

*barbari Tholo-
gij scriptores*

parua

*attentior
locus*

M

tinae

Latini Hælogi

tinae litera, præter Cyprianum, Hilarium, Ambrosium, Hieronymum, Augustinum, nullæ insignes extarent, & Græcorum usum vernacolum sacra Occidentis magna ex parte eatenus habuissent, fieri non potuit, quin Græcis contemptis, unâ quidquid commodi studijs humanis Philosophia confert, confert autē longe plurimū, deinde cura sacrorum sensim interiret. Hic casus uere Christianos Ecclesiæ ritus ac mōres, ille studia literarum labefactauit. Aequius forsitan altius ruina ferri potuit. Nam & lapsantes literas, incorrupti Ecclesiæ ritus, facile instaurare poterant, & bonis literis, si quæ saluæ mansissent, liberum erat, ruinosos Ecclesiæ mōres corrigere, animos hominum iacentes excitare, confirmare, & in ordinem coeque. At uero siue fato, siue nostro uitio euenit, simul bonæ literæ nō bonis, prisca pietas ceremonijs, hominum traditionibus, constitutionibus, decretis, capitulis, extrauagationibus, glossis *δὲ ἀναγνώσεων* mutata est. Neque tulerit quod Nicæna Synodo Patres tam prouidenter cauerunt, *τὴν ἀρχαίαν ἑκκλησιαστικὴν γραμματικὴν*. Audacius hæc uidet alicui, quæ ex usu uel ætatis uel studiorum meorum uerū, ut sic dicam, res uestige, ingenij iuuenes, postulant. Nam ut quidam segnius, cum bonis artibus in gratiam redeant, pimirum in causa est, quod nondum quisquā eos libere admonuit. Jam igitur cognoscite, quænam sit illa Barbarorum commehandiratio, quæ ē quibus manarum fontibus audistis. Aliū genera omnino tria sunt, *λογικόν, ποιητικόν, ῥητορικόν*. Logicum uim omnem ac discrimina sermonis tractat, & cum per ipsum in illa superiora sit iter, primum formandæ pueritiæ rudimentum est, literas docet, proprietatem sermonis aut regulas adstringit, aut collatis autorum figuris, indicat quid

Nicæna Synodus

obserues, id quod ferè Grammatica præstat. Deinde cum paulo progressus fueris, iudicium animis comparat, quo metas rerum, ortus, fines, ductum, sic agnoscas, ut sicubi quid inciderit exacte tractandum, omnia quæ ad institutum pertinent, quasi in numerato habeas, & artis adminiculis ita sensus auditorum capias, ut dissentire temere non queant. Hæ partes illius sunt, quam nos Dialecticam, alij Rhetoricam uocant: Nominibus enim uariant authores, quum ars eadem sit. Atq; hic docendi ordo quondam fuit, quum uigerent adhuc literæ, donec in bullatos quosdam Magistros incidimus, qui scitis qua mole commentariorum Grammatica primum opprefferant. Sed quando ea renixerunt, de Dialecticis uideamus, quæ adhuc ex Tartaretis, Bricor, Peruerfore, Eckijs, Copulatis bursæ montis, Exercitijs taurinis & caninis, & alijs huius farinae petimus. Licet hac parte mihi liberius agere, nam & ipsædem ego annos iam sex perpetuos pene detritus sum. Et quum rem probe meditatam habeam, non erit difficile mihi suis eam coloribus pingere, ac declarare, nō esse *διαλεκτικά*, quæ isti amusi, incitiæ Magistri profitentur. Primum Dialectica, ut dixi, methodus quædam est omnium questionum compendiaria, *διωκτική τε καὶ διακριτική*: qua constat ordo & iudicium cuiusq; rei tractandæ, ut in quoque uideamus, quid, quantum, quale, quur, quomodo: Si simplex sit, sin complexum, uerum ne an falsum. Simplicium discrimina, notionesq; isti per loca senta situ cogunt, noctemq; profundam. Complexorum doctrinæ, quas tenebras nō offuderunt argutijs? Quales sunt: Genus est species, Nullus & nemo mordent se in sacco, Parisijs & Romæ uenditur piper. Arcent foro suo quæ non
assequuntur

assequuntur. Librum *κατηγορίων* aiunt Dialecticę tabu-
lis non censerı, quum inde omne artificium inuenien-
di, ceu ẽ fonte fluat, & *κατηγορίαι* nō sint nisi *μέθοδος*
quedam simplicium. Et hic argutantur: Num singula
genera generalis. realiter (ut uocant) discrepent, atq;
de eo nondum inter Scotistas ipsos conuenit, multo mi-
nus cū factionis diuersę nominibus. Analytica poste-
riora, cum sint disponendi series, ac ut Simplicius Peri-
pateticus ait, canon ac amussis artificiosę disputationis
inter Metaphysica nostri retulerunt, Nempe quo rem
per se non admodum difficilem, ac mire utilem studijs
honeste tractandis, & difficilem & inutilem redderent.
Hoc cene est illud docere quod iactant? Hęc cene sunt si-
ne quibus pensum arti cuiq; suum reddi nequit? Hęc ci-
ne sunt, quę tam splendidis Philosophię titulis auctio-
nantur? At quanto minoris didicissent recte sapere, q̃
desipere. Sed cohibeo animum, ne quem uel bonorum
nimia libertas offendar. Vos à me adulescentes hoc
unum agi putetis, utilius quàm quod olim tractabant,
studium uideri renascentium literarum. Equidem ali-
quot noui recti iudicij uiros, quibus cum sæpe rem ean-
dem contuli, prorsum nostrę sententię, omnibus cal-
culis adstipulantes. Amicus mihi quispiam est non uul-
garis, sub quo primum puer præceptore in Sueuis Tubin-
gę, Dialecticis merui annum unum aut alterum, hacte-
nus ut fratre semper familiaris: usus, Franciscus Stadia-
nus, eruditione acuitę genere tali, ut à bonis ac doctis
omnibus certatim diligi mereatur: Is Analytica poste-
riora Sueuicę iuuentuti anno superiore prelecturus, à no-
bis Themistij libellos, quos Latine reddidit Hermo-
laus, accepit. Addidi quedam ẽ Philopono transcripta,

neque enim Græca omnia satis mihi probantur. Admonui insuper illic ab Aristotele Rhetorica doceri. Legit, re legit, & quod est iudicio, protinus ad scopum aduocit animum, ibi repenitus cognita, & pro felicitate ingenij sui audita illustrataque, tot notabilibus, acceptionibus, distinctionibus exauctoratis, causam integram, ueluti recuperatorio iudicio restituit, scholæ simpliciter ac candide summam rei τὸ ἀληθὲς ἡγώ traditurus. Ad hæc male precatus nugis, obnixè à me contendit, Aristotelem purgando socias manus adijcerem: Conaturum omnia se te pro uiribus, uti autum elementa uindicta Barbarorum liberarentur. Primi hominis studia, à sordibus recipi non posse, nisi purgatis adulescentie rudimentis. Id fere quæque in summis posse, quod in infimis assueuerit. In summa, omnia sibi de grandioribus polliceri, si exerceat de ineunte ratio melior iniretur. Placuit amico consiliū, & negotium unā literarium suscepimus. Dij reliqua secundem. Nunc quæso uos quanti facitis huius uiri iudicium, cum in alijs disciplinis οὐδὲν ἴσως, tum in hoc genere summa cum laude annos opinor decem uersati. Hoc egero uobiscum teste, atque eo sanè iurato, non esse in his uulgaris stromatis, quod probari cuiquam præter personatos quosdam professores, γὰρ οὐκ ἔστιν ἡμῶν ἢ φίλος ὅς τις, quæat, Iratas habeam Musas, ni hæc ita damnem, ut pro eis meliora felicioresque uos amplecti uelim. Alio qui liberum per me cuique fuerit, quorsum uel usus uocatur, uel ingenium trahit sequi. Satis scio nullum fuisse scelerum, neque Græcorum neque Latinorum, quod non sic egregie nugaturum philosophando, ueteres aliquanto quæ noui felicius. Quare afferas ad ea studia, oportet, animi munus aciem & curam, deinde Magistrum adhibeas boni iudicij

Ibi uero quanto agas negocio, quibus auditorem persuasus trahas, dum sententię Doctoris inter se conueniant, nimirum ut candida nigeis: at nil refert, cadat, an recto stet fabula talo, modo clamarum sit fortiter. Quanto satius erat hic uel τὸ ἐπ' ἔχου nouæ Academię amplecti. Vereor ne molestū sit uobis audire tam inconditas nugę, alioquin exemplis hec comprobarem non paucis. Interim partium studijs disceditur, aluntur odia, friget humanitas, & cum à literis nihil abesse debeat longius rancore, nam communia erant Musis & Gratijs quondam sacra, horum studia, quęcunq; sunt, uel sola nutrit inuidia. Sic imbuti, quum ad sublimia, Theologiam, Iuris scientiam, aut rem medicam, effœtis iam annis pedem mouent, quid aliud defectis ingenij uiribus, quàm quod in ludo consueuerunt, agant? Nugantur ergo bis pueri senes, quanquam si cui paulo foelicior est genius lusisse pudet, sed nō incidere ludum. Porro uobis Adulescentibus uestram gratulor foelicitatē, quibus benignitate optimi ac sapientissimi Principis nostri Friderici, Ducis Saxonię, Electoris, contigit longe saluberrimis erudiri: fontes ipsos artium ex optimis authoribus hauritis. Hic natiuum ac syncerum Aristotelem, ille Quintilianum Rhetorem, hic Plinium tantum non ditissimū pædę, ac ueluti quoddam copię cornu, ille argutias, sed arte temperatas docet. Accedunt sine quibus nemo potest eruditus censerī, Mathematica, item Poemata, Oratores, professoribus non proletarijs. Hęc si cognoueritis quo ordine tractanda sint, certo scio, & facilia, & admirandi profectus uidebuntur. Puerilia studia quę appellant *προγυμνάσματα*, Grammatica, Dialectica, Rhetorica eatenus discenda sunt, quę ad dicendū ac iudicandum

dicandum instructus, fastigia studiorum nō temere affectes. Iungendæ Græcæ literæ Latinis, ut Philosophos, Theologos, Historicos, Oratores, Poetas lecturus, quas qua te uortas, rem ipsam adsequare, non umbram rerū, uelut Ixion cum Iunone cōgressurus, in nubem incidit. Hoc quasi uiatico comparato, per cōpendia ἡ ἐν τῇ τῶς, ut Plato ait, Philosophiam accede. Nam in ea sum plane sententia, ut qui uelit insigne aliquid, uel in sacris, uel foro conari, parum effecturum, ni animum antea humanis disciplinis (sic enim Philosophiam uoco) prouiderent, & quantum satis est, exercuerit. Nolo autem philosophando quenquam nugari, ita enim fit, ut communis etiam sensus tandem obliuiscare. Sed ex optimis optima selige, eaq; cum ad scientiam naturæ, tum ad mores formandos attinentia. In primis hic eruditione Græca opus est, quæ naturæ scientiam uniuersam complectitur, ut de moribus apposite ac copiose dicere queas. Plurimum ualent Aristotelis Moralia, Leges Platonis, Poetæ, atque ij sane, qui & optimi sunt, & in hoc legi possunt, ut animos erudiant. Homerus Græcis fons omnium disciplinarum, Vergilius ac Horatius Latinis. Neccessaria est omnino ad hanc rem historia, cui si ausim, me hercle non inuitus uni contulero, quidquid emeretur laudum uniuersus artium orbis. Hæc quid sit pulchrum, quid turpe, quid utile, quid non, plenius ac melius Chrysippo & Crantore dicit. Hac nulla uitæ pars, neq; publica, neq; priuata uacare potest. Huic administrationi rerum urbanarum domesticarumq; deber. Ac nescio an minore incommodo mundus hic noster sole, animo uidelicet suo cariturus sit, quàm historia, ciuiliū negotiorum ratio. Consensu maiorum nostrorum

N rum

rum celebratum est, Musas ex memoria natas esse. Eo, ni fallor, significatum, ex historia omne artium genus manare. Complector ergo Philosophiæ nomine scientiam naturæ, morum rationes, & exempla. Quibus qui recte imbutus fuerit, ille etiam sibi ad summa munijt. Causas acturus habebit unde dignam rerum ac amplam orationem condar: Civitatem administraturus, unde æqui, boni, iusti formulas perat. Nimirum hæc Philosophiæ commoda Demostheni clarissimo Oratori uisa sunt, quæ tam accurate eam adulescenti cuiusdam commendavit: νόμιζε δὲ ἄλλα, reliqua ipsi in Erotico legite. M. Cicero nusquam non dedit Philosophiæ primas, & audistis opinor, quid ille in comparatione Seruij Sulpicij, & Q. Sæuolæ Iuriconsul. quendam σοφὸν Ῥωμαῖν cognominarunt, admirati ubere in eo Philosophicarum rerum scientiā. Verum quod ad sacra attinet, plurimum refert quomodo animū cōparēs. Nam si quod studiorum genus, sacra profecto potissimum ingenio, usu & cura opus habent. Est enim odor unguentorum domini super humanarum disciplinarum aromata: Duce Spiritu, comite artium nostrarum cultu, ad sacra uenire licet. Sicut ad Herculianum Synesius scribit: ἐξ ἑωμελὸς εὐθυμῶς διαβιώσας φιλοσοφία χρωμένος ἐς τὸ θεοῦ πολλὰς ἴσους ἀφίστασε. Id si cui non uidetur, cogitet præter cætera & ore chalcum à Tyrijs in templi Solymi fabricam collatum esse. Itaque cum Theologia partim Hebraica, partim Græca sit, nam Latini riuos illorum bibimus, linguæ externæ discendæ sunt, ne ueluti κωφὰ πρόσωπα, cum Theologis agamus. Ibi se splendor uerborum ac proprietas aperiet, & patefcet uelut intra meridiana cubilia uerus ille ægenuinus literæ sensus. Proxime cum literam percepimus, sequemur

quemur elenchum rerū. Faceffent iam tot frigide glosſulae, concordantiae, diſcordantiae, & ſi quæ ſunt aliae ingenij retmore. Atq; cum animos ad fontes cōtulerimus, Chriſtum ſapere incipiemus, mandatum eius lucidum nobis fiet, & neſtare illo beato diuinæ ſapientię perſundemur. At cum in uineis Engaddi cyperum legerimus, occurreret ſponſus ſaliens ſuper montes, & transiliens ſuper colles, ductos in palatia Eden דרור ורמון ſucco liquido, fragante, impios animos diſfluente inunger, ac morte oſculi dignabitur. Illius membris inſerti uiuemus, ſpirabimus, uegetabimur, Sion contemplantes, & ſilentio κρυφίως Salem adorantes. Hic cœli artis ſapientię fructus eſt. Eam igitur q̄ puriſſime non interpolatam noſtris argutijs colamus. Id quod cum aliquoties inculcat Paulus, tum in Epistoſa ad Titum ſedulo à Chriſtiani hominis doctrina exigit, ἀδιαφθορίαν integritatem, hoc eſt, ne lubrica ſit fides. Deinde σεμνότητα mundiciem, hoc eſt, ne alienis literis improbe ſacra contaminemus. Opinor quod futurum ſciebat, ſi ſacris prophana miſcerentur, fore, ut ſimul prophani affectus, odia, ſtudia factionum, ſciſmata, iurgia, conſerim ſuccederent. Proinde qui diuinis initiari uolet, Adam illum ueterem exuat oportet, ut incorruptibilem Adam induat, hoc eſt, humanos affectus, ipſumq; callidi ſerpentis iugum ſupera uirtute frangat, excutiat, ut in gloria Domini transformetur in abyſſum abyſſus. Hoc ſanè in cauſa erat, cur dicerem uſu literarum deſtitutam Eccleſiam, ueram ac germanam pietatem traditionibus humanis alicubi mutaffe. Poſtquam hominum commenta placere coeperūt, & amore operum noſtrorum uicti, pro mauna Beelphegor guſtauimus, homines nō χυσι

N ij eſſe

esse coepimus. Hæc uelim ita dicere uidear, ut sentio. Sentio autem omnino aliud nihil, q̄ quod Euangelicæ ueritati Ecclesię decretis probatur, eritq̄ mihi quod Hebræi dicunt צוה וסדרה אמיתי. Iam ne obscure intelligitis, quantum sit in renascentibus studijs momenti, quantum ad excolendas bonas mentes conducant. Quem non miserefcatur superioris ætatis, quæ tam clara luce studiorum deserta, in orci tenebras, & nescio quas faeces literarum incidit. Quem non tangat ingens nostri seculi calamitas, quod & uetustis authoribus nostratum incuria orbatum est, deinde quod hi quoque lucrī fecissent ex bonis, ni perijissent illi desiderati. Superest igitur, Iuuenes, ut audiatis, quanquā ita serēs habeat, & difficilia sint, quæ pulchra sunt, tamen ita uincet industria difficultatem, ut longe minore impendio bona q̄ mala uos sperem affecuturos. Delignant uobis præceptores uestri quæ ex usu est scire, friuola fecerunt, atq̄ ij Latina quidem, simul cum Latinis Græca disci, & debent, & facile possunt. Modo succisuias aliquot horas Græcis date, ego saxo studio a labore meo, ne opera uos uestra frustretur. Statim enim ab initio difficultatem rei Grammaticæ optimorum authorum lectione temperabo, ut quod illic regula, hic exempla doceant. Accedet obiter in authoribus interim quod ad mores, uel rerum secretarum scientiam pertinet: omnia si contuleritis, pulcherrime absoluent orbem studiorū. Erit enim curæ mihi, ut pro re quæ uidentur diligenter admoneam. Homerū habemus in manibus, habemus & Pauli Epistolam ad Titum. Hic spectare uobis licebit, quantum sermonis proprietas, ad intelligenda sacrorū mysteria, conferat: quid item intersit inter interpretes Græce

Græce doctos, & indoctos. In alijs notamala pro bonis ducantur, in hoc negocio diutius citra iacturam ineptire non licet. Capeſſite ergo ſana ſtudia, & quod à Poeta dictū eſt, animo uoluite: Dimidium facti qui cœpit, habet. Sapere audere, ueteres Latinos colite, Græca amplexamini, ſine quibus Latina tractari recte nequeunt. Ea pro omnium literarum uſu, ingenium alent mitius, ac elegantius unde quaq; reddent. Paucis annis prodire in lucem, qui uobis & exemplo & ſtimulo ſint: Videor enim uidere mihi tacitus aliquot locis reſſoreſcere Germaniam, planeq; moribus & communi hominum ſenſu miteſcere, & quaſi cicurari, quæ Barbaris olim diſciplinis efferat, neſcio quid immane ſolita eſt ſpirare. Proinde locabitis operam, non modo commodo uoſtro, eoq; ad poſteros propagando, ſed omnino gloriæ non inter morituræ Principis omnium conſenſu optimi, qui nihil adſerēdis bonis literis habet potius. Equidem quod ad me attinet, nihil nō conſitar, ne deſuiſſe uel pientiffimi Principis uoluntati, uel ſtudijs ueſtris optimi Auditores uidear. Atq; hoc me nomine uobis Clariffimi uiri, Academia Saxonica Principes, addico ac deuoueo, ueſtrum erit ad uleſcentiam meam bonis literis conſecratam, minime malis artibus imbutam, deniq; in fidem ueſtram ſedulo commendatam, benigne officioſeq; tueri ac conſeruare.

Dixi.



N iij

Necceſſa

NECESSARIAS ESSE AD OMNE STV
diorum genus Artes Dicendi, Phil.
Mel. Declamatio.

SIMONI GRYNEO SVO PHILIPPVS
Melanchthon S. D.



Su comperimus, eam esse optimarum rerum conditionem, ut uulgo ferè fastidiantur. Nam cum literis nihil neq; melius, neque pulchrius habeant humana, tamen uix paucos, diuino haud dubie beneficio nuper restituta, admiratione sui cepere. Etenim quod Pindarus optimam rerum aquam, & pulcherrimam possessionem aurum esse cecinit, ut ille, nisi multitudinis auribus inuenerit, rebus omnibus literas antepulisset. Neque enim quidquam est cuius uel usus latius pateat, uel dignitas harum amplitudinem superet. At ea est uulgi amentia, ut non aliud perinde contemnat, atq; elegantiorum literaturam: eamq; cum uiderem hoc potissimum tempore nostris sordere, breui declamatione laudauim. Institueram equidem pro eo acres merebatur *ἔτιδ' ἔφυ* copiosiore. Sed cum immorari non liceret, malui qualicunq; oratione reuocare in uiam studiosos, q; causam literarum, ut Græce dicam, *διὰ γὰρ φει* planeq; accidit, ut cum amphora, iuxta Poetam, institui cœpisset, currente rota urceus exierit. Verum quid quid hoc est operis, tibi, mi Simon, propter incredibile amorē tuum erga meliores disciplinas, dedicare uisum est, ut uel tuo exemplo nonnullos ad literarū studium inuitem. Vale. Vitemberge.

Quem



Venadmodum Hesiodo dolet, nescire
mortales, quantum & Malta & Albucum
adferre cōmodi rebus humanis queant,
tamen si uiles herbæ, ita nos quoque non
nunc primū querimus ignorare adulescen

πρόδο
ἀσμί.

tes, quantum momenti habeant ad solidam eruditio-
nem parandum dicendi artes, quæ in speciem nihil pro-
fitentur eiusmodi, cui uulgius adplaudat, ceterum utili-
tate facile res humanas omnes uicerint. Neque enim usq[ue]
quidquam est in tota rerum uniuersitate, unde ad mor-
tales ampliora commoda, quàm ex hoc artium genere
redeant. Sed cum earum precium iuuentus ignoret, sit,
ut plerisq[ue] sordcant, minimeq[ue] dignè iudicentur, quibus
discendis operam nauent. Preclarum est Philosophum
dici: magnificum, Iurisconsultum audire: Theologico
nomine, nihil hoc tempore ad uulgius plausibilis est:
dicendi artium, tanquam Megarensium, nulla ratio ha-
betur. Propterea uisum est hoc loco ostendere, quæ res
maxime nobis earum studium commendare debeant.
Atq[ue] hic mihi uel Pericleam uim optarim, dum stultam
iuuentutem in uiam reuocare contendo, quæ elegantio-
rem literaturam partim errore contemnit, quod ad reli-
quas disciplinas comparandas inutilem esse censet, par-
tim inertia fugit. Est enim & literarum, perinde atq[ue] alia-
rum bonarum rerum ea natura, ut sine summo labore
nemini contingant. Notū enim illud est, Difficilia esse,
quæ pulchra sunt. Quanquam qui rationem subduxe-
rit, quantulo negotio, quantū lucri faciat, qui commo-
dorum magnitudinem ob oculos posuerit, hunc nullæ
res quantum uis dure, ab harum artium studio deterre-
unt, quas, nisi cognoris, ne dici quidem potest, q[ui] infœli-
citer

**Propositi-
tio.**

**Argumen-
tum à defi-
nitione.**

citer reliquas disciplinas tractaturus sis. Proinde æquis animis audite, quæ me rationes adduxerint, cur elegantiore literaturam rebus humanis plane necessariam esse indicem. Primum, nemo tam uecors est, qui non uideat nobis certa quadam loquendi ratione opus esse, quâ dilucide explicemus animorum nostrorum sensa, quacumq; de re uel publice uel priuatim agendum est. Fortasse ridiculum fuerit hic disputare, quod necessarius homini sermo sit. Nam qui literas contemnunt, neutiquam uideri uolunt homini sermonem adimere, sed orationis cultum adspernantur. Proinde quantum referat, certam loquendi rationem teneri, paucis indicabimus. Nam qui recte rem æstimare uolet, is intelliget, non ita multum interesse, mutus sis plane, an artem ad dicendum non adhibeas. Neque enim fieri potest, ut quæ sentis, sic exponas ut intelligi queant, nisi arte loquendi facultatem & partes & confirmes. Vsu enim compererunt prudentes uiri, nihil esse difficilius, quam dilucide ac perspicue de re quam dicere. Primum enim nisi uim pondusque uerborum dicendo tueare, orationem tuam qui adsequetur auditor. Nam cum usu, uelut numi, uocabula probentur, receptis utendum est, quæ, quia eloquentes homines, quasi per manus posteris tradidere, obscuritate uas cant. Superiore seculo, cum sua quisque uerba cuderet, & peregrina Latinis misceretur, eiusmodi conflata est oratio, quæ ne ab illius quidē ætatis hominibus intelligi potuit. Tantum abest, ut posteritas adsequatur. Quis enim Scutum, aut huius farinæ alium scriptorē hoc tempore intelligat? Deinde uix exercitatissimi præstiterint, nec ubi structuram orationis ac phrasin uiolent: quæ si uitiata fuerit, necesse est orationem obscuriorem reddi. At hic quæ multa

multa efferunt improprie etiam eruditi: Quoties absurdis ac ineptis metaphoris sermonem obscurant: Quis enim Apuleium, & huius simias ferat: Sed recte Apuleius, qui cum asinum representaret, rudere quàm loqui maluit. Postremo, ut uerba phrasinque satis noris, difficilimum tamen est, suo quaque loco distribuere, alia deprimere, alia attollere, quædam breuiter adstringere, alias euagari liberius, quædam dissimulare ac tegere, alia promerere, ut tanquam inter umbras lumina extent ac emineant. Est enim eloquentia omnino amplius quiddam, quam tumultuaria uerborum congeries. Verum uideo errore labi iuuentutem, quæ cū nesciat eloquentiæ cum nimium naturam, nō arbitratur precium aliquod operæ fore, cur eam sibi maiore studio contentioneque parer, & laudari à nobis professorculis putat uulgari more, quemadmodum sua ungenta solent Pharmacopolæ: nec optimorum prudentissimorumque hominū auctoritate commouetur, qui ad illius studium una uoce adulescentes & communi classico inuitant. Miseram hominum conditionem, quando, ut queque res optima est, ita longissime à conspectu nostro recessit, minimeque agnoscitur. Nec dubitarim ego, quin si oculis cerni posset eloquentiæ dignitas, mirabiles, ut ille ait, amores sui exciteret. Sed cum casu iuuentus, non ratione uiuat, temerario quodam impetu ad ea delabitur, quæ uulgo maxime celebrantur. Quare si quis est non imprudens rerū æstimator, is apud se expendat, primum nihil esse, cuius usus latius pateat, quàm sermonis commoda. Omnis hominum societas, ratio uitæ instituendæ publice ac priuatim, conquirendorumque omnium quibus uitā tuemur, denique commercia omnia sermone continentur. Deinde

O

persuas

Excursus.

Oculi
patio

persuadeat sibi neminem adposite ac dilucide de ulla re dicturū esse, nisi qui arte quadam, imitationeq; optimorum & magna cura orationem ea lingua qua publice utimur, formarit. Quod ubi animaduuerit, haud dubie nihil prius, nihil antiquius habebit discendis loquendi artibus. Siue enim consilio alij iuuandi sunt, siue docendi, siue tuendum est dogma aliquod, siue de iure, æquo ac bono differendum est, nihilo plus efficias, q̃ in scænis mutæ personæ solent, nisi arte elaboratam orationem attuleris, quæ res obscuras tanquam in lumine collocet. Non ignoro esse, qui elegantiam à recte loquendi ratione separant, nec referre putant, modo rem indicent, qualicunq; oratione utantur. Qui si rem proprius inspexissent, neutiquam ad sciticismum & superuacaneum ab eloquentiæ professoribus fucum requiri iudicarent. Ipsa orationis puritas, natiuaq; facies elegantia est, quam nisi tueare, non modo non uenuste aut inquitate, sed improprie, obscure, ac inepte dixeris. Et quem admodum in fingendis corporibus ea demum elegantia est, ubi iusta proportionem membra omnia inter se cōsentiunt, si quid secus facias, monstrosus erit, ita cū germanam orationis speciem noua compositione deformaueris, monstrosam plane ac ineptam facies. Picus in Epistola qua barbaris Philosophiæ scriptoribus patrocinator, ludens, credo in *à Nōf* argumento, & elegantiam à recte dicendi ratione separat, & explicari res qualicunq; oratione posse censet. Huic equidem nihil succenseo, qui barbariem non magis ex animi sententia tuetur, q̃ febrim Fauorinus laudabat. Hoc miror, esse quibus tam friuolæ argutiæ serio persuaferint, nihil referre, quomodo loquamur. An uero recte corpus imitatur

bitur pictor, si nulla ratione penicillum regat, si temere feratur manus, nec ducantur arte lineæ: Ad eum modum nec animi tui sententiā alijs ob oculos posueris, ni proprijs & illustribus uerbis apta uocum compositione, iusto sententiarum ordine utare. Nam perinde atq; corpora coloribus, animi sententiā oratione representamus. Quare necesse est dicendo certam aliquam imaginem arte concipi, quæ discernat inter se tanquam uultus sententiarum. Flagitium est, si quis uia ignaro deniam semitam monstret: At qui recte dicendi cura uacant, quoties lectorem à uia abducunt: quoties unius uerbi abusu ludificantur: Non semel imposuere in Philosophia, in sacris literis solæcismi nostris interpretibus. Quis enim omnium Pauli sententiā in Corinthijs adsecutus est, ubi Grilli isti elegantiae contemptores, uerterunt: Ex multis facierum personis &c. Quæ Augustinum tempestas aufert, quo minus propositum teneat, in enarrando eo quod est apud Ioannem τὴν ἀρχὴν ὁ καὶ λαλῶ ὑμῖν: Hoc genus extant innumera passim, ubi mediocriter etiam eruditos barbarismi fefellerunt. Adeo non quouis orationis genere lectori satisfeceris, sed cura studioq; paranda facultas est, qua animi tui sententiā perspicue aliorum oculis subijcere possis, omniaq; commode quæ res poscit, eloqui: id est enim eleganter dicere. Quin igitur helleborum propinamus ijs, qui uenustatē orationis fastidiunt, adeo à communi hominum sensu alienis, ut ne quidem, quid loqui sit, intelligant. Peperit elegantiam necessitas, quod & barbara omnia incerta sunt, & quæ oratorijs ornamentis illustrata sunt percipiuntur. Nam in hūc usum adhiberi schemata Fabius scripsit, neq; unquam ueram speciem ab utilitate recte

O ij diuidi

diuidi sentit. In sacris libris, ut interim prophanos omit-
tam, quid queso desideras Rhetoricorum schematum?
At his opinor non usuri erant Prophetæ, si nihil ad rem
facere iudicassent. Videtis qua ratione uobis eloquen-
tiæ studia commendem, quod nec exponere, quæ uolu-
mus ipsi, nec quæ à maioribus recte scripta extant, intel-
ligere possimus, nisi certam dicendi normam perdidis-
cerimus. Equidem non uideo quomodo alijs hominũ
uice futuri sint, qui nec quæ sentiunt, explicare, nec quod
recte dicitur, adsequi queunt. Quare ut nulla sit elo-
quentiæ dignitas, nulla gratia, tamen ea uis est, ut non
igni, non aere, ut aiunt, non aqua pluribus in locis uta-
mur. Quomodo enim consistant res humane, si legum
sacrarum & prophanarum patrocinium eloquentia de-
ferat, si nec publicis, nec priuatis consilijs oratio quæ in-
telligi possit, adhibeatur, si res gestæ nullis literis ad po-
steros transmitti queant? Ecquod uestigium humanita-
tis in tali Republica reliquũ fuerit? Porro ab hac quan-
tulum distabat ætas superior, quum sacrorum librorũ
sermonem prope nemo iam intelligeret, quotidieq; stul-
torum Sophistarũ arbitrio fingerentur, ac refingerentur
sacræ leges. Res gestæ illorum temporum æternis obrute
tenebris iacent, nemo enim erat, qui eis literarũ lumen
adhibere posset. Disciplinæ omnes dicendi genere sic
obscurate sunt, ut ne Doctores quidem ipsi, quid profite-
rentur satis compertum haberent. Digladiabantur in-
ter se de figuris sermonis Philosophi, tanquam in tene-
bris Andabate, nec quisquam à domesticis suis plane in-
telligebatur. Recte ille ἀνάχαρσις παρ' ἀθηναίοις σολοί-
κισιν, ἀθηνάεσσ, παρὰ σκίθαις. At isti domi suæ ἰσολοίκι-
ζον, suamq; singuli dialecton mira libertate cōminisce-
bantur

bantur. Iures eis uoluptati fuisse, non aliter atq; Heraclito illi, cæteris mortalibus tenebras offundere. Iam cū minime obscurū sit, quanti nobis eloquentiæ contemptus constiterit, cur barbariem non abominamur tanq; nocentissimam pestem? cur nō magno consensu escholīs exhibamus? cur ipsi nobis tantisper inuidemus eloquentiam, qua nihil melius, nihil amplius in terris hic sol uidit? Hactenus docuimus, quæ cogat necessitas certam dicendi rationem sectari ac tueri, quæ si quem parū mouet, ei uero multo iustius asini auriculas Dī addiderint, q̄ Midæ. Accedit huc non contemnendus studiorum eloquentiæ fructus, q̄ earū artium usu, quibus eloquentia continetur, excitantur, erudiunturq; ingenia, ut res humanas omnes prudentius dispiciāt, neq; propius umbra corpus adsectatur, quā eloquentiam comitatur prudentia. De rebus humanis adhuc loquor, de sacris postea. Videbant inter se maiores nostri hæc duo: bene dicendi scientiam, & animi iudicium natura coherere: quare & non inepti quidam orationem esse dixerunt, explicatam animi rationem. Et Homerus Poeta iisdem eloquentiam ac prudentiam tribuit. Mitto iam alios, Vlyssi, cuius orationem hybernis niuib; comparat, utrunq; uno uersiculo adscribit, cum inquit:

σοὶ δ' ἐνὶ μέρει μορφὴν ἐπέωρ', ἐνὶ δὲ φρένες ἐδλάει.

Nec tempero mihi, quo minus recenseam & Latine ab erudito quodam expressum:

Mente uales, iuncta est facundis gratia dictis.

O diuinam sententiam, multoq; digniorē, quæ inueni libus pectoribus solícite inseratur, q̄ Delphica aliquot scita. Quid enim spectabat aliud optimus senex, quā sic inter se copulatas esse prudentiam ac eloquentiam,

O iij ut diuelli

Argumentum à fructu.

ut diuelli nulla ratione possint. Atque utinam sibi omnes adulescentes hunc uersiculum propositū putent, quorsum tanquam ad scopum omnia studia sua, rationesque dirigant, sentiantque sibi omnem operam, curam, industriam, cogitationem, mentem denique omnem in his artibus parandis figendam esse: quatum Homerus haud dubie ob eam causam mentionem fecit, quod uideri omnium rerū humanarū, ut sunt, & pulcherrimas & maxime utiles uolgit. Quid in consilio fuisse censeris ueteribus Latinis, cur dicendi artes humanitatem adpellarent? Iudicabant illi nimirum harum disciplinarum studio non linguam tantum expoliri, sed & feritatem, barbariemque ingeniorū corrigi. Nam cultu perinde ac plerique sylvestrem indolem exuunt, mansuescunt ingenia, cicuranturque.

Lectio.

Duae sunt autem causae, cur recte dicendi studio animi iudicium acuatur. Prior est, quod qui ijs artibus operam dant, ad eiusmodi scriptorum exempla se comparant, necesse est, qui in maximis rebus gerendis, ac tractandis uersati, summam prudentiam usu consecuti sunt, quorū commercio sit, ut non nihil iudicii contrahant lectores, & tanquam qui in sole ambulant, colorantur. Solet enim iuuenilibus ingenijs exemplar aliquod recte dicendi, sentiendique proponi, unde & uerborum uim, & orationis structuram, & explicandi figuras discant. Nam & dicendi rationem, perinde ac ceteras artes imitatio adiuvat. Neque enim uerisimile est pinxerit tantum ab Apelle uenustatis, gratiaque adijci potuisse, nisi fingendorum lineamentorum rationem multo ante ostendissent ij, qui primum, *μονοχρόματα*, deinde *κατὰ γέγραφα* pinxerunt. Sic & ex optimis scriptoribus

ribus concipienda est certa quædam & dicendi & iudicandi ratio *non idola*, quam sequaris, quacumq; de re differendum fuerit. Proinde qui disertos scriptores in manibus habent, secum expendant, quid in quouis potissimum mirari, laudare, imitariq; deceat. Primi omnium sunt, ad quos cognoscendos inuitatur iuuentus, Poetæ ac Historici: quos qui uoluptatis tantum causa, perinde atq; in conuiuijs Cytharistras, accersunt, ne illi summorum hominum æstimationem grauitè ledunt. Nam & prodesse illi uoluere, & bonas mentes optima potissimū delectant. Est ita ab illis & dicendi forma petenda, & obseruandum quid de cōmunibus rebus ferè iudicauerint. Sæpe ridere soleo Græcorū Grammaticorum uulgus, qui ad Physiologian totum Homeri carmē referunt, mireq; sibi placent, cum noua metamorphosi belli nugatores ex Ioue æthera, ex Iunone aerem faciūt, quæ ne per febrim quidem, unquam somniaturus erat Homerus. Quanto satius fuerat ea ostendi, quæ ille lectoribus proprie admirationi esse uoluit: proprietatem ac lucem in explicando, carminis *δινονομα*, cū uaria consilia, uarios casus miro ordine recenser, cū aptas occasiones nouis euentibus accommodat, quanta decori seruādi cura, quāta sit item uerborū ac figurarū copia, uarietasq; ijs locis, in quibus detineri lectorē uolebat. Vides q; minime frigida sit aut ieiuna seditionis descriptio, in secundo Iliados. Nā & morus eius occasionē, & ipsum uulgi furorē, seditiosas quorundā conciones, qui multitudini frigidam, quod aiunt, suffundebant, & Therstē mores, morumq; argumentū, formā, duas itē grauissimas eorū orationes, qui multitudinis animos sedabant, in quibus uehemētior est Vlyssæa, lenior Nestorea. Bone Deus, q; perspicue

De Ho
mero.

Stamartum
physion

perspicue, quàm grauitèr tastat: nec rectè dicendi archetypum facile usquam reperias hoc loco absolutiorem; cuius elegantiam uirtutesq; omnes is demum propius cerneret, qui imitari & exprimere stylo conabatur. Caue enim putes Homerum temere à M. Cicerone planè Oratorem uocari, aut inconsulte scripsisse Fabium, excellere hunc Poetam Oratoris omnibus uirtutibus. Iam quæ scena res humanas uerius representauit, quàm Homeri carmen, ut fieri nequeat, quin obiter & rerum admiratione tangamur, quò dictionem consideramus. Offerrunt sese ultro spectanda morum exempla, Principum uulgiq; adfectus, uaria rerum gestarum consilia: quibus nisi erudiri animos Arcesilaus sensisset, nunquam amatum suum Homerum uocasset. Mihi quidem omnium quæ hominum ingenia peperere, nullum prudentius Homericò scriptum extare uidetur. Nec dubitarem adfirmare, quod Horatius censuit, Homerum, quid rectum, quid utile sit, melius Chrysippo & Crantore docere. Quæso qui potuit Regum temeritas festinius notari, quàm cum fingit somnio commotum Agamemnonem, uniuersum exercitum Græcum in discrimen adducere? Constat enim quàm ob friuolas causas nonnunquàm omnia misceant Principes. Quid in Achillis clypeo? nonne rerum elementa, & clarissima sydera, præterea horum positus etià ac meatus graphice descripsit, unde postea & Philosophi dimetiendi cœli ratione acceperunt? Nam & eodem loco circumagi Arcton inquit, nec unquam occidere, & eregione illi oppositum esse Orionem: quæ sententia bonam Astronomiæ partem complexus est. Quid, quod ibidem & pacis cōmoda & belli ærumnas inter se confert, cum duas urbes, alteram pace florentem, alteram

Syderum
nomenclatura apud
Homerum

alteram bello uastatam depingit: quo magis inuisum, opinor, bellum rem perniciosissimam, optimo cuiq; faceret. In pacata urbe nuptijs locus est, exercentur iudicia, aguntur causę, admirationi sunt Oratores. In altera iugulantur liberi, silent leges, mutum est forum, postremo miseranda est omnium ciuiliū rerū uastitas. Quid cedo potuit hoc cōmento excogitari prudentius? Neq; enim plures Homeri locos hic attingere uisum est. Tantum hos indicaui, ut studiosis adulescentibus fidem facerem, bonorum scriptorum cognitione nō os tantum ac linguam, sed pectus etiam formari. Id opinor in consilio quondam Gręcis fuit, cur Homerum familiariss. notum esse suis hominibus uoluerint. Solon enim & Pisistratus lege constituerunt, ut illius carmen ordine digereretur. Nam aureo illo seculo adhuc suarū partium Principes esse sentiebant, pręstare, ne quod utile scriptum intercideret. Nunc regium nihil est, nisi idem sit ῥῆσος. Mox institutum est, ut à Rhapsodis seu Homeristis, publice in theatris decantaretur Homericum poema, ut diuino carmine iuuenum aures adsiduo personarent, essetq; semper in promptu recte dicendi, iudicandiq; regula. Fœlicissime cum Homero cęrauit ex Latinis Vergilius, planeq; par, nisi fallor, utriq; laus, siue dictionem spectes, siue sententiarum grauitatem, debetur. Quid Tragici, quàm multis exemplis tyrannorum mores & fata proposuere? Quid comędia, nisi priuę uitę speculum? In uniuersum quid pręstare studiosis poetica possit, indicaui Fabius. Ego figurarum copiam pręcipue nostrę orationi suppeditare uideo, uarietateq; rerum animos tum erudire, tum delectare.

Historia iudicium formari, dicendiq; facultatem au-

P

geri

De Historia.

geri Demosthenes censuit, cū Thucydidem adeo fami-
liarem sibi fecit, ut osties etiam descripserit. Amavit &
Xenophontem Cicero. Et cū uniuersa historia πολιτεία
quedam sit, uarias constituendarū rerum publicarū for-
mas adumbrat. Nam ut hic nihil aliud dicam, quid adeo
mirabilius est τῶν πολιτειῶν collatione apud Herodo-
tum, ubi Persarum Satrapę alij δυναστῶν, alij ἀλιζαρχῶν,
alij μοναρχῶν probant? Quo loco uidēs grauissimum
scriptorem morbos omnes, uitiaq; ciuitatum, ues-
lut in tabula depinxisse. Verum nemo tam imprudens
est, qui nō hoc consilio animaduuerit conscriptas esse
historias, ut omnium humanarum officiorum exem-
pla tanquam in illustri posita loco cernerentur. Quæ si
nihil ad erudiendos excitandosq; mortalium animos
conducunt, quid fuit, cur Scipio senserit se clarorum ui-
rorum imagines intuentem, ad uirtutem accendi? Ora-
tores cum Respublicas administrarint, & in iudicijs uer-
sati, de iure, æquo ac bono tam multa differuerint, con-
sentaneum est, pleraq; utiliter monere. Quis enim Phi-
losophiæ moralis locus est, quē nō attigerint Demosthe-
nes ac Cicero? Optimā πολιτείαν, nemo Philosopho-
rum sic ἐξηγήσατο, ac illi in actionibus suis, cum in im-
probos ac seditiosos ciues, tanquā ferrum, stylum strin-
gunt, cum aduersus hostilem uim Respublicas consilio
muniant. Quid de pace popularius ueriusq; excogitari
potuit, quā quod in ea oratione qua legem agrariam
dissuadet, Cicero dixit? Quid ciuilius ea legum prædica-
tione, quā ex Demosthenica oratione κατὰ ἀριστοτέ-
λον? Iurisconsulti in suos commentarios transulere?
Sed quorsum attinet hic prolixius scriptorum ἐγκώμιον
texere? Quin ipsi periculū facite, quid ex classicis quilibet
præstet

ELOQVENTIAE.

119

præstet, quanta perspicuitate gratiaq; omnia explicet,
q; prudenter omnia colligat, quæ ad institutū pertinent.
Nisi enim ad horum imitationem te componas, pror-
sus desperanda est recte dicendi iudicandiq; facultas.
Superest, ut iudicemus & alteram causam, cur eloquen-
tiæ studijs iudicium acui statuerimus. Id uero fit, quod
bene dicendi cura per sese uegetiorem animum reddit,
ut quid in qua; re maxime cōueniat, aut prosit, rectius
perspiciat. Nam ut corporum robur exercitio confirma-
ri uidemus, ita fieri nequit, quin hebescant eorū animi,
qui nullo ingenioso labore excitantur. Nemini dubiū
est, quin multum conducat bonorū scriptorum lectio:
Verum nisi ad illam scribendi dicendiq; cōsuetudo ac-
cesserit, neq; perspicere satis acute poteris illorū senten-
tias ac uirtutes, neq; animo certam iudicandi commen-
tandiq; regulam concipere. Propterea ad cōparandam
tum loquendi, tum iudicandi facultatem, nihil perin-
de necessariū est, atq; styli exercitium. Quid enim aliud
uolebat Afranius, cū fingeret usu patre sapientiam pro-
gnatam esse, quā assiduo dicendi cōmentandiq; stu-
dio animū expergesceri ac erudiri? Reliquit in eam sen-
tentiam, dignam memoriam posteritatis uocem Ana-
xagoras, τὴν χάρα, σοφίας αἰτίαν εἶναι, quod uidebat ar-
tes omnes usu comparari, ocioq; ingenia ferè sterile sce-
re. Nam ut mechanicas artes experiundo discimus, neq;
quisquam tam demens est, qui se mox Apellen fore con-
fidat, ubi penicillum primū in manus acceperit, ita mul-
to usu assuefacienda mens est, ut sese acrius in omnia in-
tendat. Itaq; tantum stylo tribuit Marcus Cicero, ut opti-
mum & præstantissimum dicendi effectorem ac magi-
strum esse scripserit, solitusq; sit per ocium, aliàs è Græcis

Exerci-
tium styli.

Stylus opti-
mus dicendū
effector.

P ij Latina

Obiurgatio.

Latina facere, aliàs noua cudere, aliàs declamare, quā in
dustria & ingenij uim ac uigorem tuebatur & locuple-
tabat facundiam. Sic enim de seipſe in Bruto, ne quid
temere comminisci uidear: Nos autem non desiste-
mus, cum omni genere exercitationis, tum maxime sty-
lo, nostrum illud quod erat, augere quantum cūq; erat.
Demosthenes aliquandiu meditandæ orationis causa
se in specum quendam abdidit, feruntq; pertinacissime
fraudato genio lucubrare solitum. Estq; Plutarchus au-
thor, lucernis noctu usum esse adſiduis, donec quinq̃
gesimum annum attingit. Didicerunt enim usu pruden-
tissimi homines, quā non uulgaris artificis sit, diluci-
de apteq; dicere. At ex nostris iuuenibus quotusquisq;
uel perpetuo decennio unum aliquem uersiculum scri-
bere instituit: Pleriq; compendiariam uiam ad conse-
quendam eruditionem esse censent, si q̃ plurima audie-
rint aut legerint. Itaq; alij totos dies sursum ac deorsum
currunt, scholas omnes perreptant, præceptores passim
audiunt, miranturq; non intellectos, dictata excipiunt,
uncialibus literis elenchos commentariorum notant,
minio illustant. In precio sunt interpretes, qui q̃ pluri-
ma dictando tempus extrahunt, nec quisquam semisse
præceptorem emerit, qui ab hac consuetudine uel trans-
uersum unguem disceſſerit. Rursum alij domo nusquā
pedem proferunt, librisq; se tanquam pistrino cuidam
addicunt, chartas uoluunt ac reuoluunt, beatos se pu-
tant, ubi quotidie magnum numerum chartarum per-
currerint. An non utriq; miseri uidentur, cum tanto la-
bore, tantaq; ualitudinis iactura desipere tantū discant.
Primum enim nisi stylo exciteretur animus, per sese hebe-
ſcit: deinde cum immodica se uel auscultatione, uel le-
ctione

atione obruunt, ingeniorum aciem, si qua contigit, ob-
tundunt. Iam & iudicij inopia fit, ut ferè pessima quæq;
cupidissime audiant, ac legant, ne non multa peruagen-
tur. Quos si quis ceu domû reuocatos interroget, quid
hac discendi ratione sequantur, quis finis, quæ meta ani-
mo proposita sit, intelliget non aliter ac mente captos,
quid agant nescire. Nec enim uel sententias, uel sermo-
nem scriptorum obseruant, cum imitandi cura uacent.
Tantum oculis auribusq; negotium faciunt, animus in-
terim Epimenideum quendam somnû dormit: & cû
nullum certum exemplar exprimere studeant, fit, ut &
dicendi & iudicandi ratio deprauetur. Gratulatur sibi
Demosthenes apud Athenienses dicturus, q; ipsi per se
se quæ optima sint cernant. At nos styli exercitium præ-
dicamus his, qui nunquam periculum rei fecerunt, nec
commodorum, quæ secum hæc exercitatio adfert, uim
amplitudinemq; uel per transfennam uiderunt, quo ma-
gis metuo, ne parum fidei habeat oratio nostra, cum sty-
lo tantum tribuimus. Verû si quis est nō plane iniquus
Musis, is apud se expendat, quæ ueteribus docēdi, discen-
diq; ratio fuerit, qua disciplinæ omnes nō tantû illustra-
re, sed etiā auctæ sunt. Pauci in ludis literarijs authores,
sed hi optimi proponebātur, quos imitaretur iuuentus.
Et quemadmodum de re rustica præceptû est, ne maior
fundus sit, q; qui coli probe possit, ait enim Vergilius:

Laudato ingentia rura,

Exiguum colito. sic illi cum uiderent nec per
disci, nec exprimi posse multos foeliciter, turbaq; scripto-
rum confundi potius, q; erudiri iuuenilia ingenia, pau-
ciores admittebāt, quos sibi studiosi q; familiarissimos
facerent. Declamabatur item adsiduo, scribebant alij

P iij uersus,

uersus, alij solutam orationem. Et quia inter se bene dicendi studio certabant, cura sollicitudoq; iudicium acuebat. Quo instituto, cum nullum iucundius erat spectaculum, tum nihil priuatim aut publice utilius fieri potuit. Nam ex huiusmodi ludis prodire clarissimi superioribus seculis homines, Græci ac Latini, pleriq; etiam Christiani: quos si imitari studerent nostri, bone Deus, quanto res humanæ magis florerent, & sacræ literę socius tractarentur. Porro cum ueteres tantum operæ in exercendo stylo posuerint, cū nec eruditio, nec eloquentia mediocris citra hoc studium parari queat, cum intelligi non possint, quę ab alijs prudenter scripta sunt, nisi ipsi styli usu ingenia excitemus: Sinite quæso à uobis impetrari, ut stylo nonnunquam uestras uires experiamini. Rem postulo non perinde difficilem, atq; salutarē, neq; enim aliunde studijs uestris amplior accessio fiet. Ludes autem & uersiculos, & solutam orationem: uideo enim putidiuscule dicere, quotquot poetæceni nō attigerunt, planeq; humi reperē, nec uerborū pondus, aut ullam figurarum uim tenere. Iam cum asperas confragosasq; compositiones multo sit facillimum in uersibus deprehendere, sit, ut qui carmen condunt, de solute orationis numeris rectius iudicent. Et haud scio an deliteris omnibus actum sit, ubi poetice fastidiri cœperit. Fit enim ut ornatus splendorq; uerborum nullo in precio sit, minore cura scribatur, oscitantius legantur omnia, rerum inquirendarum studium frigeat. Quare & Romanis temporibus poeticae contemptum incredibilis inscitia rerum omnium, infantiaq; secuta est. Et nuper adeo cum nostri homines uersiculos facere cœpissent, cum literis melioribus in gratiam rediere. Nec uideo ego conseruari

seruari posse quicquid illud est elegantiae, quod hoc se-
culo refloruit, nisi exercendo stylo carmen iuuentus me-
ditetur. Sensit & M. Cicero facundiam uersibus scriben-
dis ali, eamq; ob causam & saepe scripsisse carmen, & Po-
etarum perstudiosum fuisse constat. Vidit posteritas ple-
raq; eius epigrammata, extantq; hodie loci aliquot illu-
strum Poetarum ab ipso Latinis uersibus luculentissime
expositi. Plinius Orator aditis etiam poematis testatur
hoc studio, dicendi uim adiuuari. Proinde qui discendo
bonas horas bene collocare uolent, ueterum exemplum
imitentur, styloq; ut Quintilianus ait, fideli & facundia
parent, & iudicium acuant. Vehementer enim fallun-
tur, si quid sine hac exercitatione promoturos se in lite-
ris sperant. Mare uitem citius ferat, quam eruditionem,
aut dicendi facultatem consequatur is, qui tanq; Man-
dragora sopitus, nunquam incalcescit ut ingenium com-
mentando expergeficiat. Exposui quæ mer rationes ad
artium dicendi studium inuitent, nempe, quod & certa
dicendi ratio obseruanda sit, & harum artium usu stu-
diosis nonnihil iudicij accedat. Quæ si quis ad se nihil
pertinere sentit, is haud dubie ab omni humanitate lon-
gissime abest. Contra boni, ubi comodorum uim, quæ ad
nos à sermone redeunt, cõttemplati fuerint, animaduer-
terintq; & certa ratione dicendi opus esse, & his artibus
ingenia cultiora reddi, uelis, ut aiunt, ac remis ad hæc stu-
dia properabunt. Verum sunt non parum multi presertim hoc
tempore, qui bonorum cursum morantur, hi ad Theolo-
gicarum literarum tractationem negant dicendi artium scien-
tiam conducere: cœpitq; hic error, ceu cõtagine quadã
late uagatus, plurimos, qui ne non ualde theologicari
uideantur, humaniores disciplinas omnes cõtemnunt.

Ego

Epilogus.

Confutatio.

Ego uero serio illos theologicari oprarim, easq; prestare, quæ Christianam mentem decent. Nunc uideo Theologicum nomen ignauia tantum prætexi, cæterum nihil minus esse, quàm quod profitentur. Nam dum piget elegantiam discere, seq; difficilimis scriptoribus euoluendis, exercendoq; stylo macerare, neq; enim ullarum literarum cognitio sine acri studio contingit, si quando domum bene poti rediere, conciunculam aliquam legunt, inde ubi decerpserint, quæ ad stomachum faciunt, passim in conuiujs, nam ibi potissimum sapient, declamant: & quia uulgius adplaudit, iam uero sibi tantum non absolute Theologi uidentur, cum de grauissimis rebus obscœni homines, impuro ore, nulla religione disputent. Et cum ueter Paulus *καπηλεύει λόγον θεοῦ*, nemo impudentius cauponatur uerbū Dei, quàm hi, qui cum nec moribus, nec eruditione bonis se probare possint, uulgi fauorem, impia sacrarum literarum tractatione emerentur. Quid multa: uideas eos adspernari literas nostras, quibus res bonæ honestæq; omnes, quibus pietas, quibus mores publici, imò quibus Christus ipse fabula est. In quos, si bene constitutā haberemus Rempublicam, nō nos oratione, sed ui Magistratus animaduerneret. Quam enim crucem non merentur hi, qui ut præterea nihil peccent, exemplo suo iuuentutem à literis auocant: Quæ nisi discantur, posteritatem sumus habituri nihilo saniores superioribus seculis, cum literarū imperitia res omnes humanas ac diuinas labefactasset. Quin igitur sic cogitamus, olim cum grauissime succenseret Ecclesiæ Deus, ereptas esse literas, secuta est & sacrarum inscitia. Nam cum nostris uerbis loqui Deus uoluerit, de sermone diuino inepte iudicauerint imperitium

cium dicendi. Porro quæ illis temporibus cæcitas men-
 tes hominum tenebat: Christum quotusquisq; norat:
 Imò chartæ iam obsoleuerant, quibus continebantur sa-
 cra. Articulus Parisij condebant, quos interim mun-
 dus, tanquam diuinas leges adorabat: piū nihil erat,
 nisi quod illi somniaſſent. Et belli homines, cum literas
 nullas tenerent unde ſapere diſcerent, fatuam illam ſo-
 phiſticen pepererunt, cœperuntq; rixari de commentis
 cius uerborum compoſitionibus, ne non rhetoricaren-
 tur, quid interſit inter hæc, Papam uidi, & uidi Papam.
 Extatq; hodie articulus Pariſienſis, Ego currit, male La-
 tine dici, hæreticum eſſe, quiſquis diſſenſerit. Satin' ui-
 dentur ultra contumeliam literæ neglectæ: Quis enim
 credat cerebrum fuiſſe talium nugarum auſtoribus:
 Hæc uero calamitas magna ex parte literarum inſcitie
 imputanda eſt, non enim patebant ſacra, tanquam in-
 tercluſa uirgultis ac frondibus, unde mentis recte eru-
 diendę ratio peteretur, negligebantur & diſerti ſcripto-
 res, qui monerent humana. Quanto tolerabilius fuerat
 peſtilitate aut annonę caritate pleſti Eccleſiam, q̃ tanta
 amentia: Planeq; mihi perſuadeo, certum eſſe diuinæ
 iræ exemplum, ſi quando mundo literæ eripiuntur.
 Nam reliquis pœnis p̃j quoq; non raro mulſtantur. At
 literarum inſcitiam publica comitatur impietas. Nuper
 uero cum reſpicere affliſſos iterum cœpiſſet optimus
 Pater, eſſetq; redditurus nobis Euangelium, pro ſua li-
 beralitate & literas reſtituit, quibus Euangelij traſſatio
 adiunaretur. Nec magis nouum uideri debet donum
 linguarum Apoſtoliſ collatum, quàm quod hæ à tanto
 ſqualore receptæ, ex tenebris plus quàm tarrareis in lu-
 cem reuocatę ſunt. Nec in obſcuro eſt, bonis quibuſdam
 Q uiris

uitis auxilio fuisse literarum scientiam, in Theologia re-
stituenda. Primum itaq; ingratitude fuerit, coeleste do-
num adspernari, deinde cum beneficio literarum resti-
tuta sint sacra, impij simus, si nullam harum ratione ha-
beamus, sine quibus stare res Theologica non potest.
Et ut paucis exponam, quid iudicem ad sacram liter-
rarum tractationem conferre linguarum scientiam, nō
sum in eo errore, ut humani ingenij industria sacra pe-
netrari statuam. Sunt in sacris, quę nisi monstrante Deo
nemo unquam cernat: nec innotescit nobis Christus,
nisi doceat Spiritus sanctus. Sic enim Christus ipse in-
quit, a spiritu se *discenda*. Verum pręter prophetiam,
uis uerborum cognoscenda est, in quibus tanquam in
sacrario quodam, diuina mysteria recōdita sunt. Quid
enim si non intellecta uerba magico more pronūcies?
nonne surdo fabulam? At de sermone iudicare nemo
recte poterit, nisi qui recte discendi rationem perdidit-
cerit. Quid enim magis proclive est, quā uerbo ali-
quo aut schemate falli? Nuper quidam ex Magistris no-
stris, cū enarraret ea quę de Melchisedec in Genesi pro-
dita sunt: Rex Salem panem ac uinum obtulit, non
animaduertens, Salem loci nomen esse, multa de con-
dimentis ac natura differuit: imposuit enim bono ui-
ro uocum affinitas. Nam oscitantius omnia legunt, qui
ingenium dicendi artibus non exercuere. Deceperunt
& eruditos figure, adeo nulla exercitatio dicendi ac scri-
bendi satis cautos facit. Interrogabat me pridem do-
ctus quispiam homo, ecquid sibi uellet Paulus cum in-
quit in Epistola ad Timotheum: Saluatur mulier per fi-
liorum generationem, si in fide permanserint. (nam
Græci plurali numero uerbum extulere) Ego cum non
haberem

habere sit quod apte responderi uideretur, commentarios consulo. Ecce uobis Chrysostomum quàm belle nugatur cum uerbum *μενους* ad sobolem refert. Quod quàm non conueniat sententiæ Paulinæ, facile est iudicare. Nec uidet senex ille Synthesin esse Grammaticam, cum uniuersum sexum plurali uerbo complectitur. Similia horum exempla non rata suppeditabit quotidianus scriptorum usus. Postremo quàm aliam ob causam Sophistæ sacris libris ablegatis, nouum Theologiæ genus repetere, quàm quod illorum sermonem, & dissendi rationem non adsequebantur. Quorum exemplum, si quem à barbarie non deret, is fustuario, non oratione castigandus est: nam si perrexerit iuuentus bonas literas contemnere, haud dubie futurum est, optimis neglectis, ut rursus sacræ bonæq; res omnes pessum eant. Fallit enim quisquis uerbis tantum, non etiam mente barbaros fuisse Theologastros istos censet. Iam si quando Ecclesiasticum dogma tuendum fuerit, quid quæso præstabit is, qui quid sentiat, explicare non potest. An confusam aliquam ac Stoicam orationem adferet, in qua de uerborum interpunctione rixetur. Ab hoc auditor cum expectarit perspicuam sacri dogmatis translationem, perinde ac hians coruus discedet, diu frustra molestis distinctionibus fatigatus. Itaq; quos pietas tenet studium, ij uel Christo, uel publicæ necessitati Ecclesiæ hoc præstent officij, ut recte loqui discant. Vocat huc etiam Paulus, cum in Corinthijs linguarum studium probat, cuius autoritas merito apud uos ualere debet, quibus in ore tam multus est. Indicaui paucis quid ad literarum, prophetarum ac sacrarum translationem conducat recte disendi scientia. Nunc nostrum est cum

Peroratio.

Q ij elegans

elegantiore literatura in gratiam redire, eamque cupide amplecti. Video plerosque intempestive properare ad grauiiores, ut uocant, disciplinas, quosdam ad Iura discenda, ad Medicinam spes questus rapit, alij ad Theologiam contendunt, priusquam robur aliquod fecerint in studio artium dicendi. Qui si suo quaque ordine adgrederentur, bone Deus, quanto rem foelicius gererent? Nunc male tentato compendio ipsi sese morantur.

Fuit apud nos Morio quispiam, qui in heri culinam ex more lingua ferebat: Is solitus est ex infima strue, ea reuellere, quae moueri sine magno negotio non poterant. Interrogatusque cur id fieret, respondit, se difficilissimam laboris partem primum confecturum, summa illa facilius moueri: nec uidit quantum referret, singula ordine tollere. Huius mihi per similes uidentur, qui fastiditis his artibus ad sublimia prouolant. Nam & augeatur discendi labor, & incommodius omnia tractantur, cum nondum sint perpoliti primis rudimentis. Deum immortalem, quam infeliciter cessit maioribus nostris haec praecipitantia. Nullum genus artium superioribus seculis non foede conspurcatum est ab his, qui cum elegantiores literas non attigissent, in optimas quasque & grauissimas disciplinas tanquam in rosas porci irruerunt. Theologia stultis & impijs quaestionibus prorsus obruta est. Qui Philosophiam professi sunt, ne nomen quidem artis satis intellexerunt. De iure, aequo ac bono fieri non potuit, ut quidquam sani comminiscerentur hi, qui elegantioris literaturae rudes erant: quod & ipsum disciplinae genus ex medijs humanitatis artibus derivatum sit, & ueterum Iurisperitorum literae plene sint praescae, ueraque eruditionis. Neque nunc ego sermonis spurciciem

spurciciem tantum in artium professoribus accuso, sed imprudentiam, à quo se uitio adserere nō possunt, quorum ingenia dicendi artibus non sunt exculsa. Quare non cesso uos adhortari, ad elegantiae earumq; artium studium, sine quibus disciplinae reliquae non possunt non infœlicissime tractari, quod à uobis par est, ut uel publica necessitas impetret. Nam ubi disciplinas grauiiores uitiauit barbaries, periclitari solent & hominum

mores. Est enim multo uerius hoc, comparari

mores ex doctrina, quàm quod

Plato scripsit, ex Musico

rum cantibus.

Dixi.



ORATIO CASPARIS CRVCIGERI,
de ordine discendi, habita in promotione
Magistrorum, Anno

1531.



Vm ex hoc loco saepe dictum sit de uniuer-
sa Philosophia, deq; harū artium omnium
dignitate, quæ in scholis ideo traduntur,
quia ad bene, beateq; uiuendum iudican-
tur esse necessariæ, Ego pro ingenij mei me-
diocritate, omisis illis præconijs superiorum disciplina-
rum, quas arbitror propter manifestam utilitatem com-
mendatissimas esse omnibus, pauca quædam dicere in-
stitui de hoc genere disciplinarum, quod nos profiteor

Q. iij mur

mur, & quo prima ætas ad percipiendas maiores artes preparatur. Quanquam enim & harum utilitates quotidie uobis in scholis decantant præceptores, tamen hic aliquid de eare dicendū est, ut publico mori seruiamus.

Et quia à me publico nomine habetur oratio, tantum ei tribuetis authoritatis. Adolescentes, quantum existimatis esse in hoc collegio uirorum optimorum & doctissimorum, præceptorum uestrorum, qui mihi hanc personam imposuerunt. Nam horum omnium sententia, mea uoce ad uos perfertur: qui cū uobis optime consultum uelint, non desinunt uos hoc in loco ad hortari ad hæc studia colenda, quæ tum uobis priuatim honesta atq; utilia, tum Reipub. retinendæ necessaria esse iudicant. Si quis autem huius ordinis authoritatem aspernatur, & iudicia contemnit hominum, non solum peritorum, sed etiam toti Reipublicæ optime cupientium, in hoc iure desideranda erit humanitas.

Duxi autē uos ad hortandos esse, ne studia inferiorū artium negligatis, quæ etsi ad populū parū habent ostentationis, tamē ad cognoscendas superiores artes, quæ continent administrationē Reipub. uiam sternūt. Itaq; etiā de ordine discendi pauca addemus, qui in omnibus rebus ualet plurimum, ut suauissime dixit Xenophon;

Et ut inde sumam initium, societatem quandam artium inter se esse scitis. Quare etiam si quedam in uita excellere atq; eminere uidentur, tamen aliarum ope indigent. Quare imprudenter faciunt, qui dū ambitione, aut spe quæstus incitati, properant ad illas superiores, quarū fructus uersantur ob oculos etiā imperitis, reliquas disciplinas negligūt & cōtemnunt, quasi ad uitā inutiles.

Ac mihi

atam arum
pholm

Ac mihi cogitanti interdum uidetur huius societatis quædam in ipsis elementis literarum similitudo esse, ubi & si dignitate præstant uocales, tamen sine consonantibus sermo nequit existere. Et quoniam ex literis omnes artes procreantur, uestigia quædam in ipsis elementis animaduerrere possumus, ut in seminibus, artium dissimilitudinis. Longe antecellunt omnibus uocales, quæ per se uitam & spiritum habent, quia perfectum sonum ædunt, non adiutæ ab alijs. Reliquæ quasi tibiæ ab his inflatæ sonum accipiunt.

Significat igitur uocales principem omnium artium, doctrinam religionis, quæ longe supra alias artes collocata, gubernat omnia uitæ consilia, negocia, & studia. Nec uero ciuili disciplina sine religione retineri potest. Et iuris scientia plurimum à doctrina religionis mutuatur. Ideo sicut semiuocales & si habent obscuram quandam uocem, tamen suum munus tueri non possunt sine uocalibus. Ita in disciplina politica, religio ciuilibus institutis uocem addit, tueretur authoritate sua ius humanum, & emendat eum opus est.

Mutæ literæ quasi priuatam uitam significant, quæ uere muta est, hoc est agrestis, & fera, sine religione & ciuili consuetudine. Ut igitur sermo ex dissimilibus literis contextitur, ita diuersa genera artium atque actionum in uita necessaria sunt.

Quamquam autem iam dudum uereor, ut uiri docti in hoc confessa has ineptias æquo animo ferant, tamen quoniam habetur oratio ad iuuentutem, spero eos boni consulturos esse hunc ludum, in quo & societate & gradus artium pingere uoluimus. Et uisum est in ipsis elementis literarum pingere, ut quoniam hæc quotidie ob oculos uersantur, sæpe ueniant ista in mentem scholasticis, quorum cogitatione nobis

nobis quidem uidetur acui & formari iudicium de utilitate artium. Et ego in hac schola professor Grammaticus, libenter sumpsi orationem ex hoc artificio, quod exerceo.

Cogitate autem, Adolescentes, quid futurum sit, si quis consonantibus omissis, tantum uocalibus uti uelit in loquendo: Is profecto cum tota rerum natura pugnat. Ideo enim literæ uocantur elementa, quod sicut in natura necessaria sunt elementa, ex quibus corpora constant, ita literæ necessariae sunt ad sermonem componendum. Quare sicut illa diuina series in uniuersitate rerum perturbaretur exempto uno elemento, ita abiectis consonantibus, nulla articulata uox existere posset. Itaque sicut dissimilium literarum naturalis inter se societas est, ita dissimiles artes inter se copulatæ atque deiunctæ sunt. At hunc chorum artium perturbant isti, qui sentiunt inferiores disciplinas ad uitam inutiles esse, quia earum fructus imperitis non ita in conspectu est.

Si quis admirator cœli ac stellarum (quid enim his corporibus pulchrius cogitari potest?) uelit aquâ ex rerum natura tolli, quod impar sit stellarum claritati, nonne hunc insanire diceremus? Si quis propter admirationem doctrinæ religionis, iubeat e uitâ tollere omnia iura atque instituta ciuitatû, omnia uincula domesticæ uitæ, nonne hunc omnes sani homines ui atque armis coercendum esse iudicarent?

Et uidimus his annis quosdam ἀνοήτους θεολογούντας dementatos huiusmodi fanaticis opinionibus, erroris sui poenas dare. Meministis enim Monetarium & Anabaptistas, & hoc genus alia portentâ. Ad hunc modum iudicate insanire eos, qui chorum & concentum artium

artium perturbant, neglectis et contemptis inferioribus artibus. Quare sicut de literarum elementis cogitantes, totum *αλφα και βητα* necessarium esse ad sermonem ducitis, ita disciplinas omnes quæ in scholis traduntur, existimabitis ad uitam esse necessarias.

Nam is demum recte sentiet de artibus, qui cum gradus earum animaduenerit, intelliget singulas certæ utilitatis causa repertas esse.

Hec dixi ad commonefaciendos adolescentes, quorum multos uidemus magno non tantum suo, sed Reipub. incommodo, intempestiue properare ad superiores disciplinas. Nam studia uestra non tantum ad uos, sed ad Rempub. pertinent.

Et hunc finem studiorum uestrorum uobis proponere debebatis, ut ea ad dandum consilium Reipub. & ad docendas Ecclesias, & retinendam doctrinam religionis conferenda esse statueretis, quorum nihil præstare poteritis sine perfecta doctrina. At perfecta doctrina nulli contingeret sine disciplinis inferioribus.

Cum hac cogitatione animus conformatus est, proxima de ordine discendi deliberatio esse debet. Neque ego hoc loco dicā, quanta sit uis ordinis in genere, quæ res & nota est, & latius patet, quæ ut hic explicari possit. Si agricola prius serere uelit, postea arare, aut si uelit sub Canicula sementem facere, sub bruma arare, labor atque impensa perierit: Ita si in percipiendis disciplinis non seruetur iustus ordo, profectus omnis desperandus erit.

Bonum malum sit, aiunt, non datum in tempore: Proinde etiam optimarum & maximarum rerum studia nocent, si nō apto tempore suscipiantur. Quare maiores nostri, ut ordinem discendi constituerent, certos

R gradus

gradus quasi classes excogitauerunt, per quos ordine ab inferioribus artibus traduceretur iuuentus ad superiores. Nunc quasi perfractis illis repagulis, nullo ordine res geritur. Subito sicut fungi nascuntur nobis Theologi, Iurisperiti, & Medici, sine Grammatica sine Dialectica, sine ratione dicendi, sine incunabilis Philosophiæ naturalis ac moralis. Quorū cognitio, non solum quia perliberalis est, olim tradebatur cōmuniter omnibus, priusquam admitteretur ad superiores disciplinas, Sed etiam quia iudicium acuit, & præparat ad res maiores percipiendas. Modo autem satis est afferre ad illas disciplinas grauissimas, magnum pileum, & insignem contemptum omnis doctrinæ humanioris.

Hanc temeritatem nisi leges ac Magistratus cohercebunt, breui nullæ erunt in Repub. literæ, nulla doctrina ullius rei. Nam isti Theologi, Iurisperiti, ac Medici, subito nascentes, nulla præditi liberali doctrina, non solum alias artes interire sinent, sed nec suas professiones tueri poterunt. Nec nihil pertinet hæc cura conseruandarum literarum ad Magistratus: Ideo enim appellantur Dii à Spiritu sancto, ut diuina dona in terris, religionem, ciuilem statum, & omnes honestas artes tueantur ac retineant. Propter hanc procuracionem diuinarum rerū gerunt augustum titulum, quo nullum habet Magistratus ornamentum maius aut uenerabilius.

Quare conuenit eos prospicere, ne perturbato discendi ordine, honestæ disciplinæ intercidant. Plato inquit, Respub. mutari, si contingat Musicam mutari. Neq̃ id abs re dictum est. Sed hoc multo uerius est, Mutatione studiorum mutari Respub. Omnes autem mutationes Rerumpub. ad Magistratum curam pertinent. Et per
uersa

stiam utrum
philosophum

uersa ratio discendi, maximarum atq; optimarum rerum ruinam trahit. Inprimis igitur in hac re uigilantes esse Magistratus oportet. Neq; dubito quin olim de his rebus nouas leges condituri sint, cum præsentes turbæ atq; motus Rerumpub. consulescent. Quibus utinam contingat Dei beneficio, facilis & mollis κατὰ ποσὴν.

Interim tamen quantum nos autoritate, studio, ac diligentia consequi possumus, dabimus operam, ut ordine discati uuentus.

Sed hoc magna ex parte in uobis quoq; positum est: Nos enim & diligenter hac de re adhortamur uos, & lectiones optimas in omnibus disciplinis proponimus. Summa fide traduntur artes, quæ continent rationem discendi: Elementa Philosophiæ & Mathematicum planissime proponuntur. In qua schola secundus liber Plinij tam perspicue enarratus est, ut hic enarratur. Reliquum igitur est, ne uobis ipsi deesse uelit, sed presentibus commodis fruamini.

Quod quidem ut faciatis, adducere uos debet cum ipsa cognitionis suauitas, tum etiam utilitas. Nam incredibilem uoluptatē parit eloquentia: Mire delectat homines historia rerum gestarum, quæ & ipsa traditur, cū dicendi exempla proponuntur. Et nihil dulcius est, q̄ intueri animo eas res, quæ in Philosophia nobis traduntur, de magnitudine cœlestium corporum ac terræ, de uarijs motibus syderum, quomodo lumina cœlestia uarie mixta inter se ac temperata, diuersos effectus pariunt in hac inferiori natura, sicut aliter atq; aliter mixtæ uoces diuersas cantiones efficiunt. Inuat etiam uidere causas officiorum ciuiliū in natura diuinitus scriptas, & mirabili prudentia à doctis hominibus animaduersas.

R. ij. Iam

Iam utilitas maxime percipitur ex his studijs: sunt enim, ut Græci dicunt, $\pi\rho\omicron\ \delta\delta\epsilon$ in superioribus artibus, quæ certe dicendi scientiâ requirunt. Quid enim promoueat aliquis, si sermonis genus nō queat iudicare? Et multa ubiq; sumunt ex Philosophia naturali ac morali: quorū qui nō uident fontes, turpiter interdū hallucinantur.

Et quoniam Reipub. interest, bonas artes conseruare, omnes sentiat is hoc à uobis Rempub. petere, ut detis operam, ne uestra negligentia artes intercitant. Cum autem maiora beneficia omnes à Repub. quàm à priuatis ullis, siue parentibus, siue amicis accipiamus, equum est nos uicissim hanc illi gratiam reddere, & nostro labore artes retinere ac defendere.

Quare uos adhortor, Adolescentes, ut ita inducatis animum, prius uobis cognoscenda esse elementa Philosophiæ, quàm ad superiores disciplinas accedatis, & in ea diligenter collocetis studium atq; operam.

$\alpha\gamma\chi$, inquit, $\eta\mu\iota\sigma\upsilon\ \pi\alpha\nu\tau\omicron\varsigma$, Dimidium facti, qui bene cœpit, habet. Faciliora igitur omnia erunt istis in alijs disciplinis, qui recte cœperunt, qui ad alias afferunt earum artium scientiam, sine quibus illæ neq; percipi, neq; tractari, neq; intelligi possunt.

Et hanc orationem existimate me publica autoritate habuisse, quam si quis contemnit, is sciat Deum ultorem huius contumeliæ fore. Ac Respub. ornauit etiam priuilegijs hæc nostra studia & honoribus, quos nunc his iuuenibus libenter decernemus, quia singularem laudem hoc tempore in tanta peruersitate iudiciorum merentur isti, qui hæc communia Philosophiæ studia attrigerunt.

Dixi.

Deutis

DE UTILITATE STUDIORVM ELO-
quentiæ, Oratio Georgij Sabini, habita
in Gymnasio Francofor-
diensi, Anno
1538.

CLARISSIMO VIRO, CVM GENERIS
nobilitate, tum uirtute præstanti, D. Eustachio
à Schlieben, patrono suo, Geor-
gius Sabinus
S. D.



Agis studijs quorundam amicorū, quā-
meo iudicio factum est, ut ederetur oratio,
quam de eloquentiæ exercitijs ac laudibus
more scholastico habui. Videbam enim
multo esse tenuiorem, quā ut responde-
ret argumenti magnitudini. Quæ enim ars alia tantas
ad uitam utilitates adfert, quæ res maiores gubernat, quæ
eloquentia: Explicat religiones, regit uniuersam toga-
tam administrationem, dominatur in iudicijs, in curia,
in Principum consilijs, & infinita negotiorū uarietate.
Sepe etiam bella, & stantes in procinctu acies dirimit.
Itaq; præclare Ouidius cum ad Mercurium inquit: Pacis
& armorum Deus arbiter. significat eloquentiam, & in
pace res maximas regere, & sæpe bella ac populorum
tumultus sedare. Tantam facultatem pro dignitate lau-
dare, non est mediocrium uirium. Ego autem de me
illud multo uerius prædicare possum, quod de seipso
inquit Ouidius:

R iij Inuida

Inuida me spacijs natura coercuit artis,
Ingenij vires exiguasq; dedit.

Quare mihi ueniam dari peto, quod suscepto gra-
uissimo argumento, tam tenuem Oratiunculam sine
motibus, sine splendore aliquo composui. Nam si qua
est in ædificatione culpa, amicorum est, quibus tamen eo
minus repugnaui, quia arbitror omnes in hoc genere
exhortationes prodesse iuuenibus, præsertim hoc tem-
pore, cum languescant hæc studia, non solum fatalibus
causis, sed etiam hominum ignauia. Et ut Homerus in-
quit, *Ἰππεὺς μοῖρα*. Quare omnes boni uiri, maximeq; il-
li, qui tenent Respub. & qui studijs iuuentutis præstant,
excitare debent adolescentiam ad has artes colendas
atq; amandas, quibus carere Respub. nullo modo po-
test. Quales tenebræ in religione, qualis barbaries in
iudicijs & negocijs ciuilibus futura est, amisso literarum
elegantiorum & eloquentiæ lumine. Facile igitur pa-
tior extare hanc meam qualemcunq; exhortationem.
Cum autem usitato more patronum aliquem huic scri-
pto quærerem, multæ concurrebant iustæ causæ, ut tui
nominis auspicio ederem, quem scio maxime & studijs
& laudibus eloquentiæ fauere. Etsi enim abundas inge-
nij & fortunæ ornamentis, tamen his ingens decus ad-
dit eloquentia tua, & cetera illustriora efficit. Nam cum
natura te ad hanc artē omniū reginam finxerit, cumq;
doctrina excultus sis, magnam tibi laudem, magnam
admirationem, dicendi facultas parit, non solum in pa-
trii lingua, sed etiam Latina. Eaq; in re illud in primis
gloriosum est, quod tua eloquentia patriæ præsidio est.
Deinde hanc nostrā Academiam autoritate tua apud
Illustrissimum & Clementissimū Principem Marchio-
nem

nem Electorem precipue tueri soles: Me quoq; singulari comitate adiuuas. Quare hanc ad te Epistolam publice scripsi, primum ut omnes intelligerent te à nobis, & propter admirationem tuarum uirtutum, & propter egregiam erga literas uoluntatem, diligi, coli, & obseruari: Deinde, ut hæc ipsa studia nostra tibi commendarem. Itaque si officio meo delectaberis, preclare me hoc munus collocasse arbitrabor. Peto igitur, ut pro tua excellenti humanitate, & hoc meum officium specimen esse grati erga te animi statuas, & me tuo favore atque auctoritate, in hac publica functione defendas. Est enim iustissimum, eloquentiæ studia ac professores ab ijs defendi atque ornari, quibus eloquentia summam dignitatem atque auctoritatem in Republica parit.

Bene ac foeliciter uale. Francofordiæ

ad Oderam, Calendis

Nouemb. Anno

1538.



Non



On ignoro quantum onus suscipiat is, qui eloquentium scriptorum enarrationem instituit. Etenim non solum genus sermonis ei notum esse oportet, sed etiam exponenda sunt authorum consilia, multa ex historijs omnium temporum reperenda. denique ut accommodet ad usum, interpres non rudis esse debet Reipub. Hæc cum per sese ardua sint, mihi nouitas ipsa & negotij & loci, multo reddit ea difficiliora. Nam antea nunquam in publico cœtu docui, & fieri nequit, quin recens hospes huius Academię, magis metuam iudicia uestra. Omnium oculi in nouos hospites intenti sunt, multoque iudicant de eis morosius, quàm de notis & familiaribus. Itaque magna in sollicitudine esse cœpi, postquam hæc provincia mihi ab Illustrissimo Principe nostro Electore mandata est, uosque magnopere oro, ne fiducia ingenij aut doctrinæ singularis à me expetitam esse existimetis: sed quodam amore patrię hic potissimum uiuere malui, & si quid contigit ingenij aut industriæ, conferre potissimum ad patriæ utilitatem. Quare non arrogantia, sed quodam probabili consilio, seu studio potius à me expetitam esse hunc locum putetis. Vobisque initio polliceor, mihi non defuturam esse diligentiam in ullo officio, quod à modesto & tranquillo hospite requiri potest. Academiæ authoritatem maximi faciam, professorum beneuolentiam, quibus potero officijs, tuebor, perficiam etiam, ne ciues in me humanitatem desiderent. Hanc meam uoluntatem si probabitis, spero uos de ingenio meo, & de his operis scholasticis minus acerbè iudicaturos esse. Ac uero in primis decet uiros doctos candor, in prouehendis & iuuandis tyronibus, qui

qui Reipub. operam nauare student. Quare rogo, ut his auspicijs meis faueatis, mihiq̃, ut ille ait, crescendi co-
piam detis: quod si facietis, melius de publicis studijs mereri potero.

Cum autem hæc prælectio instituta sit præcipue, ut ad eloquentiæ seu recte dicendi studium iuuentus assue fiat, dicam aliquid de eloquentiæ laudibus ac utilitate. Et quoniam iuuentutis excitandæ causa, hæc oratio habetur, dicam de ijs utilitatibus, quæ nunc in hac forma Reipub. bonis ingenijs experenda sunt. Eximia quædã uirtus est eloquentia, quæ est facultas sapienter & ornate dicendi, de religione, de Republica, deq̃ alijs artibus, regens Imperia, summorum Principum consilia, uoluntates inclinans populorum ac gentium, & uel incendens languentes, uel reuocans ac sedans incitatas, qualem describit Vergilius eloquentiam cum ait:

Ac ueluti magno in populo cum sepe coorta est

Seditio, facitq̃ animis ignobile uulgus,

Iamq̃ facies & saxa uolant, furor arma ministrat:

Tum pietate grauem ac meritis si forte uirũ quem

Conspexere, silent, arrestisq̃ auribus astant,

Ille regit dictis animos, & pectora mulcet.

Porro de hac excellenti ui, & perfecta eloquentia, nõ sum dicturus, sed de his nostris studijs, hoc est, de diligentia recte dicendi, seu componendæ Latinæ orationis, quæ tamen pars aliqua est eloquentiæ, & uelut inchoatio. Hæc quantum sit ornamentum, q̃ multiplices utilitates afferat, exponam. Primum enim commemorabo, quid conducatur studium recte dicendi ad cæteras artes uel intelligendas, uel tractandas. Magna est dignitas scientiæ iuris, magnus usus. Cum autem leges sint

S erudi-

eruditissime scripte, & multa in eis compareant uestigia
ueteris Reipub. non dubium est, quin multum lucis eis
accedat, recte intellecto genere sermonis, & cognitis hi-
storijis. Iudicium autem de genere sermonis, confirmat
hæc exercitatio dicendi. Sed non tantum in foro, in iu-
dicijs inter illiteratos uersabitur is, qui Iuris scientiam
profiteretur, uerum adhibebitur ad maiora negocia, ac ue-
re oratoria, ubi magnæ ac difficiles causæ Latinam ora-
tionem flagitabunt. Hoc loco quis nō uidet, quantum
decus sit homini docto, posse diserte, perspicue, non sor-
dide, res magnas explicare?

Memini in conuentu Augustano, Liburnos ad Prin-
cipum concilium uenire, petitum auxilia cōtra Turcas,
& deplorare calamitates patriæ suæ graui oratione: ibi
cæteri Principes omnes detulerunt munus responden-
di ad Illustrissimū Principem Electorem Marchionem
Ioachimum I. Non erat nouum, Germanicas ei causas
committi, sciebant enim à nemine splendidius ac or-
natius agi: Sed cū laudem eloquentiæ præcipuam uni
Marchioni tribuerent, & aliàs Latine dicentē audissent,
hanc causam etiam ei commendabant. Hoc iudicium
cæterorum Principum, nostro ꝑ fuerit honorificum,
omnes intelligitis. Itaq; cum audiretur cum summa at-
tentione, honestissimis laudibus ornauit Liburnos, pro-
pter fidem & fortitudinem, quam in sustinendis & de-
pellendis Turcarum irruptionibus, tot iam annos præ-
stiterunt, ac bene sperare eos de uoluntate Imperatoris
iussit, cuius omnes cogitationes iam in parando bello
aduersus Turcas consumerentur. Hanc eius orationem
grauitatē, eruditē etiam propter genus uerborū, magna
cum

cum admiratione audiebant: Tantum laudis Principi
pariebat Latine dicendi facultas. Quare & reliquæ no-
bilitati, & cæteris qui ad Rempub. accessuri sunt, omni
studio eloquentia expetenda est, præsertim hac ætate.
Videris enim quantæ res in hac natione motæ sint, quan-
tum sit negotij nostris Principibus, cum omnibus Regi-
bus Christiani nominis, ubi pleraq; omnia Latine agen-
da sunt. Qua in re & illud considerandum est, nunquā
cæteros Reges adeo studiosos fuisse eloquentiæ, ut nūc
sunt. Etenim non modo Itali & Galli, sed etiam Poloni
& Pannonēs, explosa ueteri barbarie, nunc cum scribūt
ad externos, elegans, nitidum, ac uere Latinum orationis
genus adhibent. Nec alia ars apud pleraq; nationes
plus habet dignitatis, q̃ Latine dicendi facultas. Iam
cogitate quā multa incommoda sint expectanda, si
mittantur ad externos legati infantes: Primum ridetur
gentis ignauia, detrahitur authoritas nostris, non inter-
sunt consilijs, accipiunt dictata ab alijs, nec raro turpiter
falluntur, & tanquam naribus trahuntur, ut non intelle-
cta probent. Cum igitur sit perspicua utilitas, cum inui-
tent maximorum Regum & Principū exterorum exem-
pla, cur soli Germani huic studio iam luxum, apparatus
conuiuiorum, & nescio quas uoluptates anteferimus,
qui quidem paulo ante etiam hac laude cæteris nationi-
bus antecellebamus: Sed breui mira est facta huius na-
tionis mutatio, negligitur res militaris, literę non solum
spernuntur, sed etiam sunt in odio. Et honestissimis stu-
dijs successerunt multa uicia, luxus, ambitio, perfidia, &
pleraq; alię pestes, quæ intestinas discordias & alias ca-
lamitates pariunt. Quare & Principes, & reliqui qui au-
thoritate cæteros præcedunt, omni contentione iuuen-

S ij tutem

tutem reuocare ad recta studia debeant, ac præcipue ad eloquentiam, quæ in Repub. maximum habet usum.

Porro si quis hoc studium eo minus curat, quia putat tantum prodesse ad genus sermonis, is longe errat. Et si enim nō est exigua utilitas, instructum esse copia sermonis, tamen exercitatio dicendi etiam de multis rebus format iudicia, & certe animos ad diligentiam assuefacit. Legendi sunt de optimis rebus sapientissimi scriptores, qui non intelliguntur, nisi consilia ac uoluntates eorum ita consideremus, quasi unā cū illis uiuentes, iisdem intersimus deliberationibus ac negocijs, in quibus ipsi uersabantur. Tota Respub. uetus animo intuenda, & ad præsentem formam conferenda est. Hæ cogitationes aliquid ad prudentiam cōducunt, ac de multis magnis rebus nos admonent, de moribus, de iure, de actionum ac iudiciorum uarietate, de natura rerum. Demosthenes dicitur oſties descripsisse Thucydiden, ut sibi authorem eloquentem ꝑ familiarissimum faceret. Nec uero aucupatus est præcipue uerba aut genus sermonis. Nam Thucydidis oratio admodū dissimilis est forensi. Sed uarias Reipub. mutationes ac momenta considerabat in historia, excerpebat Principū consilia, quorum cognitio ipsi quoque in publicis deliberationibus proderat. Aliquid etiam grauitatis addidit Demosthenis orationibus, imitatio Thucydidis: Multas enim refert Demosthenes sententias Thucydidis. Citant leges multis in locis Homerum, citant Cicéronem, non uerborum causa, sed tanquam sententias in foro dictas, quarum auctoritatem in iudicijs ualere uolunt. Quoties Medici citant Poetas in natura rerum describenda? Quis enim non uidet Poetas uel præcipue hoc studuisse, ut pleraq;
naturæ

naturæ partes illustrarent: Itaq; complexi sunt summa cum uenustate ortus & occasus syderum, ac totam doctrinam quæ in uulgaribus libellis de Sphæra traditur, descriptiones fulminum, iridis, & reliqua meteora, herbarum plurimarum & multorum remediorum naturas. Cicero uero & moralem Philosophiam totam complexus est, & quosdam locos qui ad Philosophiam naturalem pertinent, quorum lectio non modo copiam sermonis, sed etiam rerum scientiam alere potest. Quid est enim illa disputatione, de immortalitate animæ, in prima Tusculana eruditius ac iucundius: Multo etiam eruditior est libellus de natura Deorum: Ac in utroque multa sumuntur argumenta ex ea doctrina, quam profitentur hi, qui proprie dicuntur Physici. Fateamur ergo eloquentium scriptorum lectionem, non modo ad copiam sermonis, & phrasin comparandam prodesse, sed etiam ad augendam rerum cognitionem, & iudicia formanda de multis maximis rebus. Deinde diligentia in exercitio styli, illa uero in primis acuit ingenia. Nam in inueniendis res quæ ad causam pertinent, prudenter omnes inuestigandæ & cogitandæ sunt. Ad hæc deliberandum de rerum ordine & æconomia. Nec minor est cura perspicere quid deceat, quid locis ac temporibus congruat. Postremo compositio & cura elocutionis non leuiter exercet scribentem. Huius exercitij consuetudo parit immensas utilitates, prohibet præcipitantiam, & quasi frenum ingenij inijcit, ne temere sine delectu, sine ordine, sine cura effundant omnia, quæ sese offerunt. adfert diligentiam, ut ea quæ gignimus, formemus etiã, & arte meliora efficiamus. Id si facerent scriptores uel sacrarum rerum, uel alij, quanto foeliciores esset status re-

rum humanarum. Quorum plerique si ad curam in dicendo assuefacti essent, multo essent in deligendis utilibus argumentis, & in cauendis publicis periculis, diligentiores.

Pericles ascensurus in concionem, ac præmetiens animo, quantum periculi inconsiderate dicta afferrent, solitus est precari à Dijs, ne quod sibi uerbum excideret, quod officeret Reipub. Et Demosthenes, cum ei obijceretur, quod meditatus ad dicendum ueniret, respondit, sibi nō modo impudentem, sed etiam improbum ciuem uideri illum, qui de rebus summis, uniuersæ ciuitati consilium daturus, auderet dicere, re non ante diu multumq; cogitata: Quare si possit, non solum scripta, sed sculpta se dicturum affirmauit. Adfert ergo inter cæteras utilitates consuetudo exercendi styli, multiplicem diligentiam, causa tota maiore cura expendenda & cogitanda, cum ipsi nobiscum deliberamus, quomodo eam dicturi aut acturi simus: prospicitur etiam quid in actione periculi sit, deliberatur, quomodo pericula in agendo cauenda sint. Denique si nihil est fatili garrulitate turpius & perniciosius, plurimū ad uirtutem in uno quoq; & ad publicam tranquillitatē prodest hæc assuefactio, ad exercendum stylum, ad formandam & componendam orationē, ne omnia sine delectu effundantur. Multa etiam ingenij uitia corrigit stylus, & cohibet affectus, ne contra decorum concitatius ferantur.

Dixi hætenus, q̃ sit utile hoc studium recte scribendi his, qui ad Rempub. accessuri sunt. Togata administratio præcipue gubernatur eloquentia, & multa Latine agenda erunt. Quare ad hanc tantam rem, ut se inueniatur præpararet, adhortanda atq; incitanda est acriter.

Iam

Iam in controuersijs religionis explicandis, quis non uideret magna doctrina, & magna ubertate sermonis, & dicendi facultate opus esse? Sunt enim res obscuræ, & scriptorum dissimilibus disputationibus inuolutæ. Ut igitur ex tanta caligine euoluantur, ut uere, proprie, dilucide explicentur, ea uero res requirit non mediocres artifices. Est autem bonæ & piæ mentis, etiam ob hanc causam expetere eloquentiam, ut ornare gloriam Dei, ut conferre aliquid ad utilitatem Ecclesiæ possit. Ad hunc finem præcipue referri nostra studia debebant, quod & Plato uidit, qui ait eam eloquentiam expetendam esse, quæ non futilia dicat, sed Deo grata. Vetus Ecclesia quæ habuit eloquentes scriptores, Basilium et alios, qui cum haberent studium recte dicendi, curabant: Primum, ut res ipsas recte intelligerent, postea ut proprie & perspicue alijs traderent. Ideo sincerior apud eos doctrina est, quæ in posterioribus, qui nullam in dicendo curam adhibuerunt. Quid quod ipse sermo in sacris literis intelligi & iudicari non satis potest, nisi ratio dicendi & figurarum intelligatur. Dicam aliquid etiâ de meo artificio, uidelicet, de Poetica. Psalmi magna ex parte prorsus Poeticis picturis ornati sunt, quæ profecto non possunt agnosci ab his, qui sunt ignari Poetices. Nec difficile est plurima exempla monstrare. In Psalmo de concordia: Ecce quàm bonum. comparat concordiam balsamo, quo Pontifex ungitur: significâs suauissimam esse, quia in Repub. in omnibus periculis utilissima est. Vide autem quàm uenuste pingat in Pontifice balsamum, in barbam & in totam pallam defluens. Cur hac utitur pictura? non solum quia illud Pontificium balsamum erat præstantissimum, sed etiam ut significet in Repub. præcipuum

puum concordie autorē esse debere Pontificem. Huius munus est, efficere actueri doctrinæ consensum. Sed nolo esse prolixior in re manifesta, nam Theologis opus esse hac cultura, & his literis, quæ rationem dicendi tradunt, minime obscurum est. Nescio quæ res magis inflammare generosas mentes possit, quæ publica utilitas, seu necessitas potius. Ostendi autem Reipub. magno pere opus esse, præsertim hoc tempore, eloquentiæ studio: quod si cogitabunt adolescentes præditi bonis & rectis ingenijs, accendet eos, ut spero, ad hoc studium Reipub. amor. Hæc causa in bonis præcipue ualere debet.

Dicerem de præmijs etiam, nam his quoque mouentur homines, sed in uita sæpe accidit, ut maiora sint præmia malis artibus. Menandri uersiculi citantur, quos hoc modo, ut potui, Latinos feci:

Hæc uita gaudet improbis potissimum,
Sed assentator omnium primas tenet,
Vivitque longe iucundissime omnium.
Deinde sycophantæ proximus est honos,
Audire enim calumnias dulce ad modum.
At tertius conceditur locus inuido,
Artes nocendi qui scit astutissime.

Fruantur ergo maioribus commodis assentatores, sycophantæ, & alij instructi malis artibus. Sed tamen ea quæ uere dicitur dignitas, nō potest nisi illis competere, qui bene merentur de Republica, uidelicet, bonorum iudicij probari. Hæc est uera gloria, quæ semper in Reipub. in ciuitatibus, in Imperio maxime flourant boni uiri, eloquentia instructi, quales Romæ fuerunt Lelius, Crassus, Cicero, & cæteri Oratores, qui, ut Cornelius Tacitus uenustissime dicit, ne priuati quidem sine dignitate erant, cum &

tum & populum Romanum, & Senatum consilio atq;
authoritate regerent. Videtis & hodie in Germania ma-
gnam esse dignitatem Oratorū in aulis & ciuitatibus.
Quare si huius fastigij splendore mouētur aliqui, ut de-
cet, cogitēt nō exigua prēmia huic studio proposita esse.
Sed de hac Latine dicēdi facultate iam loquor. Et si sunt
alię artes quęstuosiores, tamē hęc quoq; parit nō medio-
cria cōmoda. Est autē moderati animi etiam, mediocrē
fortunā boni consulere. Et Deo curę est, ne egeant boni,
qui de Repub. benemereri studēt, ut significauit Theo-
critus in fabula Comatę, quā Adolescentibus recitabo:

Fuit quispiam locuples & auarus pastor, apud quem
seruiuit Comata, qui fuit Musarū cultor, qui & propter
pietatem, & ut grex seruaretur diuinitus, singulis mensi-
bus ouem Musis sacrificabat. Hac pietate impetrabat,
ut grex aduersus morbos & lupos tutus esset, & multo
fieret fœcundior. Sed dominus auarus resciscēs singulis
mēsibus ouem mactari, seruū furti accusat. Ille excusans
religionē, cōmemorat etiā beneficia diuina, gregis inco-
lunitatē, & fœcunditatem. Sed hęc oratio nō flexit ani-
mum impiū domini. Ridens igitur cœleste numen: Ex-
periat, inquit, an Musę, quibus te curę esse affirmas, sine
tibi famem depulsurę, si te in hanc cauam arborē incluse-
ro, nec dederō tibi cibū. Statim igitur inclusit miserū in
arborē, ibi fame eum necaturus. Quid accidit? Post pau-
tos dies grex scabie & pestilentia moritur. Hic cœpit pa-
storē sœuitię suę pœnitere, cū agnosceret se diuinitus pu-
niri. Rediens igitur ad arborē, seruū inuenit adhuc uiuū,
incolumē, & bene ualentem. Cūq; interrogaret, unde
interim alitus esset, respōdet seruus, Musas in eam arbo-
rem examen apū misisse, quę mella ibi conficerent, hoc

T melle

melle se interea sustentatū esse. Petīt ergo herus ueniam sceleris, & agnoscit pios Deo curā esse, eisq; si non magnas opes, at mediocria cōmoda suppeditari. Hac nos ipse confirmemus, & recta ac utilia studia amplectamur. Fortassis etiam Ecclesia erit aliquando tranquillior, cū ad iudicandū adhibebuntur uiri boni & docti, qui con- trouersias planē & simpliciter explicare poterunt, & cū mitiora studia homines colere cōeperint.

Quare inuitent adolēscētes, magnitudo publicē utilitatis, dignitas eloquentiē, deniq; etiā cetera prēmia, ut se dedant his literis atq; artibus, quę ad eloquentiā conducunt, seq; in hoc genere exerceant, & ad res maximas preparant, presertim cū hic labor homini ingenioso uoluptates etiā dulcissimas pariat. Primū enim lectio grauissimorū autorū de maximis in Repub. motibus iucundissima est quęrentibus exēpla uirtutis, & honesta consilia uitę priuatę aut publicę. Deinde delectat & ipsa orationis harmonia, ceu Musica quedā: nulla est enim cantilena dulcior, q̃ oratio de rebus bonis cōcinna & bene cōposita. Postremo ut canenti, sic scribenti, hęc ipsa exercitatio uoluptati est. Inuat enim inuenire & quasi gignere honesta argumēta, eaq; distribuere, disponere, ornare, cū alijs cōferre, & inquirere meliora. Hęc naturaliter delectāt sana ingenia, & quedā ad uirtutē uia est, assuefacere animū ad has honestas uoluptates intelligēdas et expetēdas. Est & illa magna cōmoditas, q̃ hę elegantiōres literę in omni fortuna usui sunt. Ad minicula sunt in negotijs, in ocio ornāt nos, & sunt uoluptati. In rebus aduersis leuāt mœsticiā, leniunt curas ac dolores. Adiuuāt etiā bonos, ut religionis doctrinā melius intelligere possint, quę utilitas magno existimari à bonis debet. Dixi.

Oratio

ORATIO VITI THEODORI NORI
bergenſis, de Studio Linguarum, habita in pro
motione Magiſtrorum, Anno

1533.



Rincipio uobis gratias ago, Doctiſſimi Vi
ri, quod huc & honoris noſtri cauſa, & ut
hæc primarũ artium ſtudia ornaretis, con
ueniſtis. Cum autem exiſtimem id ueſtrũ
officiũ ad ſtudiorum honorem pertine
re, ſpero uos ita induxiſſe animum, hoc etiam benefi
cium nobis dandum eſſe, ut nos nõ grauatiſſe audiat. Neq; enim huc prodimus, ut dignum aliquid ueſtra ſa
pientia atq; auctoritate afferamus, quod in huius noſtre
ætatis imbecillitate ne quidem requirendum eſt. Tota
hæc fabula agitur adoleſcentium cauſa, ad quam uos
acceditis ſpectatores, ut intelligat inuentus, uobis hæc
prima ſtudia probari. Quanquam igitur in omni gene
re humanitas ueſtra nobis cognita & perſpecta eſt, ta
men id quoq; noſtri eſt officiũ, uerecunde petere, ut nos
æquo animo audiat. Quare rogo, & ut hanc meam in
uenilem orationem boni conſulatis, & ut ueſtra mihi
auctoritas adſit in hac cauſa quam agendam ſuſcepi, quã
ſpero uobis eſſe probatiſſimam.

Inſtitui enim de ſtudio linguarum, ut uocant, dicere.
Eſt enim plerunq; hic de Philoſophia dici ſolet, tamen
neq; hic locus de linguis, ſi quis recte aſſimet, à Philoſo
phia ualde alienus eſt. Mihi quidem ea Philoſophiæ
pars, quæ eſt ſuauiſſima, præcipue ex cognitione lingua
rum pendere uidetur. Neq; uero hoc argumentum ſtu
dio nouitatis delegi: Neq; enim ſtatui me nouo argu
mento

T ij

mento in hac infantia satisfacere posse. Sed publica necessitas hortatur, non solum me, uerum omnes bonos uiros quantū pro se quisq; potest, adolescentiam ad studia linguarum exuscitare atq; accendere. Maxime uero conueniebat ad linguarum causam agendam adhiberi non elinguem, sed eloquentem patronum, qui ornare eas pro dignitate, & magnitudinem utilitatū, quas parit earum cognitio, illustrare posset. Quod & si intelligebam à me non posse fieri, tamen arbitrabar me non debere publicæ causæ deesse, præsertim in hoc loco, quocum mihi dicendi necessitatem scholasticus Magistratus imponeret, sperabam tantum autoritatis in hac oratione futurum esse, quantum tribuitis uniuersò collegio doctissimorum hominum, qui & has mihi partes mandarunt, & suam sententiam mea qualicunq; oratione uobis exponi uoluerunt. Qui cum doctrina, iudicio, rerum usu excellant, deniq; cum fide summa & uestris studijs & uniuersæ Reipub. consultum uelint, honestissimū uobis est, monitis eorum libenter & studiose parere.

Sed uenio ad causam, de qua quia etiā propter temporis angustiam non satis dici potest, breuiter utilitates præcipuas colligam, quæ nos omnes ad linguarum studium hortantur: loquor autem de Latina, Græca & Hebraica.

Cum autem aliud alij propositū in studijs habeant, nec idem doctrine genus sequantur omnes, de singulis, ut uocant, professionibus ordine dicendum est. Ac primum nō opinor longa mihi disputatione opus esse de Theologia: Constat enim fontes Theologiæ Ebraicis & Græcis literis contineri. Nec possunt ita transfundi linguæ, ut nihil opus sit fontibus, si uelimus iudicare de
locis

namque
plurimum

locis obscuris, quod in multis grauissimis controuersijs fieri necesse est. Toties commendat nobis ipsa scriptura ministerium uerbi, admonet nusquam uoluntatem Dei cerni, nisi in his scriptis: Facile igitur intelligi potest, quantum referat perfecte intelligere naturam sermonis, quod sine linguarum cognitione, & sine eloquentiae exercitationibus, nemo consequi potest.

Itaque cum suae quisque salutis causa, tum etiam propter publicam Ecclesiae necessitatem perfectam sacri sermonis cognitionem expetere debet. Primum enim priuatim quoque experimur mirifice confirmare animos, cum in tanta uarietate opinionum quasi in rem presentem deducimur, inspicientes genuinum scripturae sermonem. Deinde de magnis ac difficilibus controuersijs publice in Ecclesia pronuntiare bona conscientia uix possunt Doctores, si genus sermonis in testimonijs, ex quibus tota res iudicanda est, non intelligant. Multas haereses peperit inscitia linguarum & figurarum orationis, id quod facile potest ostendi in ipsis historijs contentionum Ecclesiasticarum. Et quamuis non sunt in hoc omnia, tamen in interpretatione sacrarum literarum hoc primum est, ut sermonis genus intelligatur, quo intellecto, multa iudicari possunt, quorum pleraque etiam hoc tempore controuentur. Quare non dubium est, quin ad Theologiam necessaria sit linguarum cognitio.

Neque uos ab hac scientia deterreant indocti homines, qui ut soli sapere uideantur, non solum haec linguarum studia damnant, sed omnes bonas artes infensissime oderunt. Ac si res testibus iudicanda est, opponite illis Hieronymi, Augustini, & multorum tum exempla, tum sententias, qui censuerunt ad enarrandas sacras li-

T iij teras,

terras, necessariam esse linguarum cognitionem. Quid quod ita Deus ipse indicat, quicum Evangelio linguarum donum largiens, testatur Ecclesiae linguarum cognitionem necessariam esse. Profecto enim contumeliose de diuino munere sentit, si quis existimat nullum eius in Ecclesia usum esse. Et si istos nihil haec testimonia mouent, Canones saltem audiant, quorum auctoritas eis sacrosancta est. Extant decreta de linguis, extant & constitutiones in Synodis factae, quae celeberrimis Academicis de docendis linguis praecipiant. Cur haec magna auctoritate constituit Synodus, si id studium Ecclesiae non est utile?

Audui Gregorium Tifernatem ante annos sexaginta genisse Parisios, & a Senatu Academiae stipendium postulasse, quod ibi Graecas literas docere constituisset. Cumq; nonnullis inciuiliter facere uideretur, quod stipendium flagitare ausus esset, cum Senatus Academiae neq; accersisset eum, neque significasset se ipsius usum opera, neque omnino lectorem Graecum haberet ulum. Erant enim adhuc in Gallia, ut apud nos, Graecae litterae ignotissimae. Quare cum interrogaretur, quod hoc regnum esset, Senatui Academiae quasi imperare stipendium, hic homo paratus citauit constitutionem de linguarum studiis, in qua nominatim mentio fit scholae Parisiensis. Senatum adeo non offendit haec libertas, ut etiam magnopere collaudauerint hominis consiliu & studium: stipendium magno consensu decretum est. Neque uero id facturus erat Senatus Parisiensis, si constitutionem illam Pontificiam non probasset, aut hoc studium iudicasset Ecclesiae inutile esse. Sed desino hac de re longius disputare, cum Erasmus iustis uoluminibus ostendat

ostendat, linguarum cognitionem ad sacrarum literarum interpretationem necessariam esse. Et meminitis, hoc ipso in loco non solum hortari uos, sed etiam saeuere castigare inertiam atq; ignauiam nostram D. Doctorem Martinum. Si tantum huius iudicio tribueretis, quantum ipsius & excellens doctrina & usus postulat, profecto multo auidijs & peregrinas linguas disceretis, & multo plus operæ collocaretis in hæc eloquentiæ studia. Sed quia Theologia nunc in odio est, inuentus ubique cum sacris literis abiicit linguarum & eloquentiæ studium, & eas artes amplectitur, quæ uulgo uendibiliores & magis quæstuosæ sunt.

Neq; uero uitupero alias artes: Nam Respub. habet opus magna uarietate artium, quemadmodum uere dictum est. Nō fit ciuitas ex Medico & Medico, sed ex Medico & Agricola. Sed illi reprehendendi sunt, qui aut abducunt omnes à sacris literis, aut cum se dediderunt alijs artibus, nullam studij partem in sacris literis collocandam esse censent, & ut uideo, nos irident omnes, atq; etiam insanire putant, qui nō in totum abstinemus à sacris literis.

Sed de his nihil hoc loco dicemus, qui cum aduersus Deum impij sunt, tum in Ecclesiam crudeles, qui quantum in ipsis est, uniuersam religionem abolent: Cum alijs moderatioribus disputabo.

Primum ita cogitare uelim bonos adolescentes, religionis doctrinam ad omnes pertinere. Et quemadmodum ille dixit, Homines nō solum sibi, sed etiam patriæ nasci. ita ego multo uerius dicere possim, omnes bonos ita sentire oportere, præcipue natos se esse Ecclesiæ. Itaq; etiā si quæ rationes probabiles uocant nos ad alias artes, non

non enim uitupero eas, tamen doctrina Christiana non est negligenda. Aliquid temporis ac studij huic quoque tribui oportet, tum ad animos nostros confirmandos, tum uero ut præparemus nos ad publicam Ecclesie utilitatem. Fuit in foro, in iudicijs Ambrosius, interim tamen & sacras literas legebat, & Græcos Theologos cum Latinis coniungebat.

Deinde linguarum cognitio non tantum Theologis prodest, habet egregias utilitates etiam in alijs artibus, quod quomodo uelim intelligi, quæso attendite, ne quis putet me detrahere aliquid de aliarum professionum dignitate. Sic enim statuo, hos, qui ad Medicinam aut Iuris doctrinam accessuri sunt, præformandos esse quadam liberali doctrina, quæ & Philosophiam, & antiquitatis noticiam continet. Adhibenda est etiam discendi exercitatio, quibus rebus ingenia & ad suauitatem atque humanitatem formantur, & acuuntur, atque instruantur, ut percipere & tractare artes alias scilicet possint.

Si quis autem existimat Philosophiam perfecte cognosci posse sine Græcis literis, hunc sanè patiar sua opinione beatum esse. Sed res loquitur ipsa, quantum interstitit inter Aristotelis interpretes Græce doctos, & illos ineptos, qui cum res grauissimas ab ipsis autoribus traditas explicare non possent, nouum quoddam doctrinæ genus pepererunt, plenū prodigiosis somnijs, quod nullum in uita aut communibus negocijs usum habebat. Deinde iniuriam Philosophiæ facit, quisquis eam tam angustis finibus circumscribit, ut nihil ei tribuat, nisi illa uulgaria præcepta, quæ in scholis ex Aristotele traduntur. Ego uero ut iam non dicam de Mathematicis

stamatum
philosophi

ricis disciplinis, cognitionem antiquitatis, poematum, & historiarum, uel præcipuam partem Philosophiæ esse statuo. Hæc enim continet humanitatis doctrinam, cum proponat omnium officiorum præcepta atq; exempla.

Nihil accidere potest in uita priuata, aut in Repub. cuius non extet imago aliqua in historijs sapientissime scriptis. Plurimum autem, meo iudicio, prodest accessu ro ad res magnas gerendas, intueri in illas imagines uelut in speculum, & uidere consilia, ac bonorum & malorum consiliorum euentus. Præterea multa sunt in ipsis negocijs tum prophanis, tum Ecclesiasticis, quæ sine antiquitatis cognitione neque intelligi, neque iudicari possunt. Quoties de Imperiorum mutationibus dicendum est: quoties in Ecclesia requirendæ sunt ueterum contentiones de rebus maximis: Hæc sine Græcis & Latinis literis nullo modo cognosci possunt. Et quidem Ecclesiasticæ res tantum Græce scriptæ sunt. Cæterum uarietate & copia rerum atq; exemplorum longe uincunt Latinos tum Poetæ, tum Historici Græci. Nam Romani domesticas res tantum ornare studuerunt: at Græci omnium gentium atque Imperiorum historias complexi sunt, easq; ita descripserunt, ut uerius philosophentur in ipsorum negociorum atq; consiliorum expositione, quàm illi qui in scholis nuda præcepta tradunt, ac uere Philosophiam ex umbra in solem ac puluerem educunt, hoc est, usum eius in uita atq; negocijs ostendunt.

Hæc doctrina etiamsi tantum propter suauitatem expetenda esset, tamen satis magna causa esset, cur Græce disceremus. Quæ enim potest esse uoluptas magis digna præstare

præstantibus ingenijs, quàm ea quæ percipitur ex illa ipsa cognitione maximarum rerum: Et quoniam uoluptates ipsæ aliquo modo ad mores pertinent, traduci ad humanitatem & suauitatem hac delectatione animos arbitror.

At uero nos non tantum de uoluptate disputamus, de fructu ac necessitate loquimur, quia sine hac liberali doctrina, quæ præcipue Græcis literis continetur, nemo satis idoneus est uel ad cæteras artes tractandas, uel ad res magnas gerendas. Non sunt in hoc omnia. Sed tamen si quid omnino doctrina uel ad excitanda ad uirtutem, uel ad conformanda ingenia proficit, non dubito affirmare, eam ad rem plurimum conducere hoc doctrinæ genus, de quo loquor. Illud certe negari non potest, ad cæteras artes tractandas requiri hanc doctrinam. Nam & Medicina magna ex parte Græca est, & sine Philosophia percipi non potest. Et si hi qui se dediderunt Iurisconsultis, non tantum illam forenses Rhetoricam auferre student, ut eam ad quæstum conferant, sed doctrinam experunt futuram usui Reipub. & ut ipsi loquuntur, non simulatam Philosophiam: His ut possint cum decore tueri personam suam, profecto etiam alia quædam doctrina opus erit, uidelicet, religionum scientia, noticia antiquitatis, eloquentia, & illis literis, quæ cum fontes legum contineant, non minus in consilium adhiberi solent de communibus officijs, quàm ipsæ leges.

Sed sunt quidam iuuenes, qui cum propter ignauiam fugiant discendi laborē, subito irrumpunt ad summas professiones, quarum titulos prætexunt suæ ignauie. Hi ut iudicio uideantur has artes aspernari, hæc nostra studia uita

stamartion
philosophi

dia nituperant. Quisquidē ita libet, fiant sane Solones meri sine Grammatica, sine Dialectica, sine cognitione religionum, sine eloquentia, sine Philosophia, denique sine humanitate ulla. Verum hoc miror, quo isti ore aspicere legum libros audeant, quarum autores appareret præclare instructos fuisse his ipsis artibus, de quibus dicimus. Quàm multa ex Græcis & Latinis historijs repetunt? Quàm reuerenter assurgunt Homero, quoties eius sententias uelut oracula citant? Alicubi pronunciant ex uerbis Demosthenis, alicubi ad uerbū transcribunt Platonis dicta. Et quidem recentiores Doctores disputant, ualere in causis Philosophorum ac Poetarum autoritatem, quia maiorum instituta, moresq̃, & grauissimas rationes honestorum officiorum, deniq̃ uim omnem iuris naturalis sapientissime describunt. Quæ tandem impudentia est, eas literas contemnere, de quibus ipsi legum conditores honorificentissime sentiunt?

Proinde modesta & bona ingenia adhortor, ut cum professionis magnitudinem, ad quam se contulerunt, considerabunt, exemplo suorum autorum cogitent aliquid studij his nostris artibus ac literis impertiendum esse. Cum cæteris nolo pugnare, qui non solum nostra iudicia, sed etiam suorum autorum exempla aspernantur. Alia enim alij bona ducunt, ut uere inquit ille: Ἀνδραγαθὸς καὶ ἀδυνατοὶς σοφοὶ κίε, ἀδυνατοὶ δὲ καὶ σκίους. Nihil isti afficiuntur suauitate earū artiū, quas nos miramur, nec nos ab optimarum rerum studijs istorum iudicia abstrahent.

Atq̃ ita cogitate Adolescentes, cum in studijs uersemini, constantiam ac fortitudinem uobis etiam adhi-

V ij bendam

bendam esse. Neq[ue] enim sine fortitudine coli aut retine-
ri uirtus ulla potest. Quare non patiamini uobis harum
nostrarum artium & linguarum studia præposteris uul-
gi atque indoctorum iudicijs excuti: Durate, & uos mer-
rebus seruate secundis: Cur enim non utar fortissimi ui-
ri uerbis apud Poetam, præsertim in causa multo maio-
re: Nam ille sedes sibi ac socijs quærebat. Vestra studia
ad uniuersam Ecclesiam, & ad omnem posteritatē per-
tinent. Quæ autem causa existere maior ulla potest, q[uam]
quæ salutem Ecclesiæ continet:

Sæpe audiui Capnionem, cū Romam à Principe Pa-
latino certi negocij causa missus esset, uenisse in Argyro-
pyli auditorium, qui tunc Romæ magnā cum laude
Græce docebat. Cūq[ue] Capnio reuerenter salutato Ar-
gyropylo in confessu multorum doctissimorum homi-
num exposuisset ei, se hominem Germanum incensum
studio Græcarum literarum, gratulari sibi eam fortunā,
quod occasio audiendi ipsius contigisset, quo illis qui-
dem temporibus nemo in Philosophia & Græca lingua
doctior predicaretur, orassetq[ue], ut sibi audiendi potestas
tem faceret: delectatus Argyropylus oratione Capnio-
nis, cum operam suam benigne pollicitus esset, interro-
gat, an attigerit antea Græcas literas. Capnio ait, se Basi-
legē in Germania audisse lingue elementa. Enartabat au-
tem forte Argyropylus Thycididem, hunc exhibet illi,
aciubet legere, deinde etiam interpretari. Cum autem
& suauiter pronunciaret Capnio (audio enim perstu-
diosum fuisse recte pronunciationis) & sententiam sic
satis Latine redderet, ibi uero Græcus ille admirans, con-
uertit se ad auditores, & exclamans: Ecce, inquit, Græ-
cia nostro exilio transuolauit alpes. Quod quanq[ue] ille
uere

uere dixit, nam exules Græci accenderunt hæc studia apud Latinos, Tamen uos ita existimare debetis, diuinitus accidisse, ne infusis in Græciam Turcis, ac deleta natione Græcorum, lingua etiam intercideret Ecclesiæ imprimis necessaria: Itaq; in has nationes singulari Dei beneficio propagata est. Neque uero negari potest, plurimum lucis eam attulisse, cum alijs artibus omnibus, tum etiam sacris literis. Eloquentiæ studia mirifice adiuuit: Nam sine Græcis autoribus intelligi Latini scriptores non poterant. Aditum fecit ad Germanam Philosophiam. Neq; tantum ad Aristotelem & Græcos Medicos, sed etiã ad optimos autores Mathematices. Quantum enim debemus his qui Eucliden & Ptolemeum Latine uerterunt? In his expoliendis, & hoc toto genere artium illustrando, uidemus postea Ioannem Regiomontanum ciuem meum, Græcis literis ualde adiutum esse. Et nonnulli nunc quoque in Germania, qui excellent Græcæ linguæ cognitione, studium conferunt ad ornandos eius generis autores. Boni uiri sacras literas & amare magis & tractare purius cœperunt, patefactis fontibus.

Has artes, quas recensui, obruere ac delere tristius fuerit, quàm solem è mundo tollere. Neq; uero sine cognitione peregrinarum linguarum retineri earum possessio potest. Qua ex re facile iudicari potest, linguarum noticiam non esse leue aut uulgare Dei donum. Quæ autem impietas, quod scelus est, tale donum, cuius usus tam late pater, aspernari, & diuinitus illatum in has nationes rursus explodere atq; eijcere? Leges publice atrociter puniunt sacrilegia: At maius sacrilegium est, Ecclesiam spoliare linguarum cognitione, quàm aurea aut

argentea supellectile. Hæc enim cœlestia dona Euangelio lucem afferunt, & uerius sunt Ecclesię supellex, quàm ulla ornamenta aurea. Neq; enim dubium est, quin ad hanc utilitatem Deus Euangelio addiderit donum linguarum, ut uocant, ut & sacras literas explicandas conducant. Itaq; sacrilegos istos linguarum contemptores putate in ipsas aras ac templa imperiũ tanti furoris olim facere, & uastitatem atq; exitium religioni & omnibus honestis artibus minari, nec dubitate quin Deo pœnas daturi sint. Nos uero si & Deo grati, & erga Ecclesiam pijs esse studemus, agnoscamus Dei beneficium, & propter Ecclesię utilitatem tueamur & conseruemus. Si quem ab his studijs hoc deterret, quod non uidentur labori respondere pręmia, is nõ satis religiose de Deo sentit. Cum enim pietati toties ingentia pręmia Deus polliceatur, non est de eius fide dubitandum. Alicubi promittit amplissimos frugum proventus, si populus liberaliter conferat ad usus necessarios templi. Quare nec nobis pręmia defutura sunt, si studia nostra ad Ecclesię utilitatem conferemus. Et est pietas, expectantem hæc promissa, Ecclesię utilitatibus consulere.

Dixi.



ORATIO DE CONCORDIA ET COMMUNICATIONE STUDIORUM atq; OPERARUM, in promotione Magistrorum dicta à Decano Magistro Ambrosio Iutrobocensi, Anno

1537.



Vm Agesilaum Regem Spartarum, domi suæ cum paruis liberis in baculo equitantiem deprehendisset quidam ex Ducibus, casu interueniens, atq; admirans, Regem, & quidem talem, quo illa ætate nullus uir præstantior in tota Græcia esse iudicabatur, hoc modo cum pueris colludere, petit Agesilaus ueniam ab isto, si quidem hic ludus uideretur alienus Regia grauitate. Deinde addit, se non tantum oneris ipsi imponere, ut perpetuo hanc rem taceri postulet, sed rogat, ut tantisper taceret, donec ipse liberos haberet: significans eum qui liberos non haberet, non intelligere, quid habeant hi ludi nō dico uoluptatis, sed utilitatis. Quamuis enim per se ridiculæ res sunt, tamen ad disciplinam, ad mores formandos pertinet. Et prudens pater intelligit, magnam uim assuefactionis esse in tenera ætate, etiā in his leuissimis exercitijs. Ut autem ille Spartanus miratur patrem colludentem cum paruis filijs, ita multi nunc quadam inusitatæ sapientiæ persuasione derident, cum alios multos ueteres & honestos mores, tum etiam hos scholasticos gradus, & spectacula promotionum: Quos uelim hanc Agesilai responsionem considerare, nec prius uituperare uetera instituta, quàm ipsi habeant liberos: hoc est, non prius quàm perspexerint quanta sit infirmitas in tenera ætate, quas ob causas, hi ludi, gradus, tituli propositi

positi sint, quantum referat puerilia ingenia his ritibus certo quodā ordine assuefacere, ac prouehere in discendo, quantum conducat exemplum, ut assuefiant ad publicos mores amandos. Incredibilis infirmitas est animorum puerilium, quare ad eos excitandos, regendos, aut deprauandos, paruæ res sæpe magnum adferunt momentum. Hanc infirmitatem quo magis perspicimus nos, quos iam usus, ætas, mutationes Reipub. graues erudierunt, eo magis amamus hos scholasticos mores institutos, ut studijs profit ordo, ut discant adolescentes ordinum discrimina intelligere. Itaque non recusamus quanquā senescentes, in hanc scenam prodire, & amanter petimus à prudentioribus, ut & ipsi faueant his spectaculis, propter iuuentutis utilitatem. Neq; enim tantum ad hunc cœtum, qui in hoc theatrum confluit, sed ad nostros liberos, & ad posteritatē pertinent. Non fastidiamus hos ludos, tanquam res indignas nobis, sed exemplum nostrū prodesse adolescentibus ad honestos mores amandos & conseruandos existimemus. Hęc præfatus sum, ut imperiti intelligant nos bono consilio hos scholasticos ritus conseruare. Quod cum ita sit, æquum est, uos orationem meam patienter audire, quam hoc loco habere me cogit officij ratio. Etsi autem quedam erant causę, cur de artium studijs & utilitate, hoc tempore dicendum uidebatur, tamen cum alij sepe uobis commonstrent usum, in multis uitę partibus, & uituperatoribus grauitè respondeant, relinquam modo id argumentum, & dicam de concordia, deq; communicatione studiorum atq; operarum, sine qua retineri & consistere Respub. non potest. Extat autem apud Græcos uenustum Epigrāma, in quo pingitur optimus Reipub.

stamatum
philosophi

Reipub. status. Ac eo libentius argumentum Epigram-
matis illius recitabo, ut exemplum illustre adolescentes
infigant animis, quod eos & in schola, & deinceps in
omni uita admoneat, qua arte retinenda sit publica tran-
quillitas. Ea uero magna est ars, seu sapientia potius, pre-
cipue requirenda in ijs, qui uiri boni perhiberi uolunt,
quæ cuiusmodi sit, in hac imagine conspici potest:

Fortè in uia conueniunt cæcus & claudus, ubi cum si-
ne duce progredi cæcus non posset, claudus etiam uehi-
culo opus esset, retinebatur uterq; suo malo. Vidit autē
claudus cæcum ualidos lacertos, firmos pedes, deniq;
robur integrum corporis habere, nec quicquam morbi
in eo herere, nisi quod oculis captus erat. Quare pruden-
ter inijt rationem, ut inter se communicarent operas, &
alter sarciret id, quod deerat alteri, ut cæcus tolleret in
humeros claudum, claudus isti monstrator uiaæ esset. Ex-
ponit suum consilium cæco, & suam operam pollicetur.
Etsi sarcina imponebatur non leuis cæco, tamen cum
humanitate socij caperetur, non detrectat hanc condi-
tionem, ac sublato in humeros claudus, pergit, & guber-
nat eum claudus. Ita amanter cōmunicatis operis iter
susceptum conficiunt. Hæc est imago optimi status in
Repub. Primum enim in tanta mole ac uarietate nego-
ciorū, nemo unus par esse omnibus rebus administran-
dis potest. Deinde tanta est infirmitas ingeniorum, ut
etiam qui unum aliquod munus sustinent, tamen in-
terdum non satis sint intenti, interdum fallantur. De-
niq; nihil est in rebus humanis ab omni parte perfectū.
Itaque opus est primum in Repub. ea inter ciues bene-
uolentia, ut non grauatim, quod quisq; potest, ad usum
communem conferat, deinde quædam ut uitia in alijs

X

dissimul-

diffimulemus, postremo ut nostra diligentia, dexteritate, & uirtute sanemus, ut sicubi cessatum est ab alijs, arte ab alijs sarciantur iactura. Talis status optandus est ex animo, & decet bonos omnes, consilia omnia sua, & omnes actiones ad hunc statum efficiendum dirigere. Sic in schola liberaliter conferant singuli suas artes ad communem usum. Nemo alterius generis artifices premere conetur, quædam etiam incommoda in alijs tegenda sunt, & uel comiter emendanda, uel arte quædam sarcienda. At nos quidem in scholis præcipue amemus hunc statum, quia Aristoteles; quem sequimur Magistrum in Philosophia, Aristocratiam maxime probat, & hanc antefert omnibus formis politiarum. Sequamur igitur Aristotelem, & in scholis, quantum fieri potest, Aristocratiam efficiamus. Hæc autem non sunt Aristocratica, sed partim Timonica, partim *ὀλιγαρχικὰ*, grauatim operas in commune conferre, uel impedire aliorum cursum, qui & ipsi bene merentur de Repub. aliorum aucupari errata, aut etiam calumniari studia, seu odio, seu ambitione, seu aliqua alia cupiditate. Quanta inter se modestia certarunt septem illi summi uiri, qui Sapientes nominantur, qui eodem tempore floruerunt in diuersis ciuitatibus. Nam cum Mileti, inuentam auream mensam Apollo iussisset sapientissimo dari, ciuitas Thaleti dandam esse decreuit: is magnitudinem huius laudis non agnoscens, & libenter alteri, uel impertiens, uel cedens, misit Soloni, Solon ad eundem modum Bianiti. Cum per omnes septem uagata mensa ad Thaletem rediisset, ait Thales, nunc demum se oraculi sententiam intelligere: iussitque mensam offerri Apollini, quod Deus significasset hoc in uolucro, neminem mortalium, sed solum

solum Deum sapientem esse. O uere Aristocraticos uir-
ros, quorum nemo de alterius laude quidquam decer-
psit: deinde qui uiderint, nihil esse furiosius, quàm ho-
mines sibi sapientiæ laudem arrogare. Itaq; comiter in-
ter se uixerunt. Et quidem Solonem accipimus à Thale-
te didicisse motus astrorum. Nunc uero quoties illud
fit, quod ait Martialis:

Qui uelit ingenio cedere, rarus erit.

Et uidimus aliquoties hoc accidere, ut ortę dissentientiũcu-
læ ex leuissimis initijs excitarent ingentes tumultus, quo-
rum exitus ne nunc quidem prospici potest. Cur hic nõ
uenit in mentem cæci & claudi, ut mutuis officijs cogi-
taremus iuuandam esse Rempub. non acerbitate ani-
morum dilacerandam? Rome Scipionem optime me-
ritum de patria, inuidi ciues aliqui allatarunt, quibus
ille ex urbe cedere maluit, quàm excitare maiores tumul-
tus uehementius concertando. Ita cum non abduceret
eum ambitio à moderatione, communi saluti ac trans-
quillitati optime consuluit. Contra flagitiose Marius,
qui cum ureretur gloria Syllæ, conatus est eum uispolia-
re exercitu & prouincia, patriam implicuit crudelissimo
lusuossissimoq; bello. Sed omnium seculorum atque
ætatum historiæ plenæ sunt exemplorum, in quibus
conspici potest, sæpe certamina accensa, seu quadam
morositate ingeniorum, seu odijs aut inuidia, magnis
Imperijs ac ciuitatibus exitio fuisse: Rursus etiam com-
moditate moderatorum ciuium, qui impetus aliorum,
ratione lenierunt, seruatas esse Respublicas. Hæc exem-
pla cum legimus atque audimus, nos quoque ad mode-
rationem, & regendos animorum impetus horrentur.
Decet enim præcipue literatos homines doctrinam uir-

X ij tutis,

tutis, ad mores atque usum transferre. Deinde nequæ
 quam committendum est, ut quemadmodum nauis,
 excusso gubernatore, sine uelo, sine gubernaculo uentis
 iactatur, ita nos extincta ratione, rapiamur affectibus,
 nec consideremus quid expediat Ecclesiæ, quid Reipub-
 licæ exempla noceant iuuentuti, quid publicis studiis
 proffit aut obsit, sed qua impellunt turbidi affectus, cæco
 impetu ruamus. Tale uitæ genus nec Philosopho, nec
 Christiano conuenit: Nam uel maxime Christianus
 omnia sua consilia, ad gloriam Dei, ad Ecclesiæ ædifica-
 tionem, & ad iuuentutis salutem referre debet. Nec ue-
 ro fieri potest in tanta infirmitate hominum, quin inci-
 dant errores atq; offensiones: Et diabolus sæpe igneis
 telis, ut uocat Paulus, fauciat animos, & inflamat
 odijs, ut Ecclesiam aut Rempub. dissipet. Has dissidio-
 rum causas intelligere Christianos decet, ut singulari di-
 ligentia, & muniant pectora aduersas illa tela, & affecti-
 bus frenum iniiciant. Si quid in alio desideras, cogita
 qua ratione mederi possis, nō ut exulceres. Plutarchus
 πρὸς φιλαδέλφους scribit morem fuisse Græcæ gentis,
 cum duo fratres unà incedebant, & ad lapidem aliquē
 excitatum ueniebant, ne seiuncti cederent medium lo-
 cum lapidi, sed ut ambo simul ad idem latus circuirent
 lapidem. Huiusmodi ritus uarios singulæ gentes habēt,
 qui & recepti & conseruati sunt, quia aliquid de mori-
 bus significabant. Accommodat igitur Plutarchus hunc
 ritum ad fratrum concordiam, ac moneri eos hoc exem-
 plo ait, ut caueant, ne quis lapis, hoc est, ne ulla offensio
 diuellat eorum animos: Et si qua inciderit offensio, ut il-
 lam coniuncti circumeant, hoc est, dissimulent, deleant
 ex animo & extinguant. Hæc uirtus non solum priuatis
 familijs

Stammarum
Philosophi

familij, sed Reipub. & Ecclesiæ necessaria est. Itaque extant in scriptis sapientissimorum hominum grauissimæ conciones, quæ hortantur, ut concordiam tueamur, ut placari nos sinamus, ut redeamus in gratiam cum ijs, quorum animi sunt sanabiles. Cum autem de his rebus, loci scripturarum uobis noti sint, nolui esse prolixior. Tantum illud moneo, quod apud Homerum est, qui fingit Aten ualidissimo corpore discurrere, & dissidia excitare, sequi uero Litas diuinitus missas, quæ hortantur, ut redeant homines in mutuam gratiam. Et addit Poeta, Litas magna beneficia impertire obtemperantibus, & uicissim eos exaudiri, si quid à Deo petant: Alijs uero qui non obtemperant, imprecari, ut Ate de eis poenasumat. Nec uero putate hanc Homeri concionem fabulosam esse. Sententiam haud dubie à uetustissimis illis parentibus, quibus uera religio nota fuit, acceptam recensuit, & Poeticam addidit picturam. Quid enim uult aliud, quàm quod toties præcipiunt sacræ literæ, ut simus placabiles, ut obliuiscamur iniurias: hoc officio ita delectari Deum, ut uicissim nobis rogantibus det errorum ueniam, & multa largiatur beneficia: Rursus autem implacabilibus placari nolle, & eorū pertinaciam asperitatemque animorum punire: Hæc sententia nequaquam prophana est, manauitque haud dubie à pijs maioribus ad posteros. Scitis enim à Christo nobis sauerissimè commendatum esse hoc officij genus: Remittite, et remitteretur uobis. Hæc præcepta, si magnificimus Deū autorem, si amamus publicam Ecclesiæ tranquillitatē, si Reipub. salus nobis curæ est, toto pectore accipiamus, & communem concordiam tueamur. Si qua sunt in amicis incōmoda, aut prudenter sanemus, aut comitate

nostra regamus, cogitemusq; sepe in uita locum habere illud quod ait Plinius: Qui uitia odit, homines odit. Certe in schola sic uiuere, ut uiuunt in arena gladiatores, turpe ac miserum est. Ferarum enim est talis congressus, nisi quod he cognatarum morsu abstinere, gladiatores uero mutuis cedibus in sese ruunt. Itaq; & horror & oro omnes studiosos, ut omni genere officij iuuare Remp. & tueri communem concordiam annitantur, id dignum est bonis uiris & Deo gratum, & ut Psalmus inquit, hoc agentibus Deus dabit benedictionem. Postremo quia non tam mea oratione, quam autoritate & sententia optimorum, & praestantissimorum autorum uos ad horror, libuit in fine adijcere memorabile dictum Senecæ, qui sic in postremo libro de ira ait: Dum inter homines sumus, colamus humanitatem, non timori cuiquam, non periculo simus, detrimenta, iniurias, conuitia, uel lationes contemnamus, & magno animo, breuia feramus incommoda, dum respiciamus, quod aiunt, uersamusq; nos, immortalitas aderit.

Dixi.

Oratio

stamatum
phylax

ORATIO DE INGRATITVDINE CV
culi, habita in promotione Magistrorum, à Des
cano Magistro Ambrosio Inter
bocensi, Anno

1537.



Citis Adolescentes, hos cœtus, disciplinæ
causa institutos esse, ut conueniant huc illi
qui præsunt Academiae, ad inspicienda in
uenturis studia, & reliqua multitudo suo
officio declarer, se delectari his congressi
bus, in quibus & doctissimi homines conueniunt, et ha
bentur orationes, sumptis materijs, ex magna quadam
optimarum artium uarietate, quæ sunt utiles uitæ ac mo
ribus. Ac uero iuuenes eo decet libentius interesse his
pompis, quia bonæ menti nullum est iucundius specta
culum, quàm uidere tales cœtus uiroꝝ, excellentium in
genijs, doctrina, uirtute. Nam & ipsa uirtutis pulchritu
do in præstantibus uiris, oculos atq; animos hominum
mirifice capit. Et inuat eos uiros intueri, qui sunt præci
pua ornamenta Reipub. An existimatis exercitum Græ
cum ad Troiam quidquam spectasse libentius, quàm unâ
incedentes heroas, Achillem & Aiace? Intelligebant
enim horum uirtutem præsidio esse uniuerso exercitui.
Quare & his, qui præsunt Academiæ, gratias ago, quod
ut ueterem honestissimumq; morem conseruarent, nō
grauatim huc accesserunt: Et reliquorū laudo officium,
qui sua frequentia, uoluntatem & studium suum erga
præceptores ostendunt. Et quoniam nihil magis decet
in congressu eruditorum, quàm commentari aut disse
rere de rebus bonis, & hæc dicendi partes mihi datæ sunt,
magno

magnopere optarim, me posse adferre orationem dignam hoc honestissimo cœtu. Sed est humanitatis uestra, fauere etiam mediocribus ingenijs, preferim cum exercitationis causa hæc consuetudo dicendi instituta sit. Vt autem alij hoc loco interdum de artium dignitate, interdum de uirtute aliqua dicunt, ita sumam & ipse aliquid ex Philosophia. Ac uero pars est Physices non infima, cognitio naturæ animantium. Nam inquisitio naturæ eorum multa monstrauit remedia, deinde morum uarietas indita animantibus, monet nos, hūc mundum non temere aut casu extitisse, sed à mente aliqua æterna ortum esse, quæ impressit imagines morū etiam brutis animantibus, ut exemplis illis admoniti homines, discerent amare recte facta, & odisse uitia. Quàm uenusta imago est Ecclesiæ, halcyonum parrus, quæ cū in scopulis in mari nidificent, solent incubare ouis, & excludere pullos in media bruma, cum quidem mare tanquam inferuens illis incubantibus per illud tempus mirefcit & placidum est. Me quidem hæc imago sæpe admonet Ecclesiæ, quæ perinde ut halcyones in mari, hoc est, in summis periculis uersatur. Deinde parit eo tempore, cum tempestates solent esse sequissime. Fortasse autem hoc sunt foeliciores halcyones, illis mirefcit mare: Ecclesiæ non tantam rationem habent Tyranni, ut placati aliquantisper concedant ocium parienti. Sed tamen, id quoque fit, diuinitus aliquantisper tegit Deus Doctores, dum propagata doctrina soboles adolefcit. Conueniunt Ecclesiæ & mores halcyonū, nesciunt adulteria, & extincto coniuge, alter manet cœlebs, & paulo post luctu moritur. Mulier etiam senem, maritum Cerylum, ut apud Græcos legitur, gestat humeris suis aquarem.

Itaque

amatorum
philosophorum

Itaque ueteres scripserunt honesti coniugij exempla esse, quod quidem non displicet, sed tamen ad Ecclesiam non male quadrat exemplum, quae gestare & fouere omnibus officijs benemeritos doctores debet. Possem alia multa exempla commemorare, in quibus apparet, diuinitus has imagines propositas esse, ut de multis magnis rebus in uita nos admoneant. Ac praecipue eo me delectat istarum rerum cogitatio, quod uideor mihi uidere testimonia diuinitus impressa naturae, quae ostendunt mundum non extitisse casu, quae quidem ita sunt illustria, ut ueteres etiam Philosophos mouerint. Ideo enim praclare inquit Aristoteles, in primo de partibus animalium, Cum in omnibus partibus naturae insit admirandum quiddam, satis appareat, naturam non extitisse casu. Stoici etiam hoc consilio naturam definiunt, uim arte progredientem ad generandum: & profitetur se in definitione addere artem, ut significent naturam mente quadam regi in omnibus actionibus, quae uelut artifex est omnium generationum & motuum in natura. Libenter igitur ex huiusmodi materijs sumpsi hoc loco argumentum, ut iuuenes admoniti, & ipsi haec uestigia Dei in natura considerent. Sed uideo me in exordio longius euagatum esse quam uolebam, & si arbitror uobis quidem, qui & Philosophiae & religionis amanti mihi estis, non fuisse ingrati hanc commemorationem. Nunc uenio ad argumentum, quod huc afferre praecipue constitui. De ingratitude, impietate, & scelere Cuculi dicturus sum: qui quale hominum genus representet, postea explicabo, prius enim narranda est historia. Aristoteles in nono libro de natura animalium, scribit cuculum propter timiditatem, quam in ipso insignem esse coeptum est, non facere proprium nidum, nec suos pullos

Yexcludere

excludere, sed deponere oñum in alieno giddo, aple-
 runq; curruce. Hæc cū repetit odum inter sua, simul huius
 etiam incubat. Deinde pullis exclusis, quia cuculus ma-
 gnitudine & viribus superat reliquos, quidquid sedula
 mater cibi adfert, suppositicius iste præripit. Ita fit, ut cæ-
 teri pulli fame moriantur. Putant etiam matrem eo ma-
 iore cura hunc fovete, quia magis eum miratur. & amat
 propter magnitudinem corporis. Interdum ipse cucu-
 lus factus robustior, ceteros pullos deuorat, interdum
 senior cuculus exorbet oga curruce. Ad eum multiplex est
 in hoc genere crudelitas. Postremo ubi adoleuit scele-
 ratus & impius pullus, addit nefariam & plusquam iu-
 gicam catastrophem. Nam curruceam, quæ incubante ma-
 tus est, à qua magna assiduitate nutritus est, crudeliter la-
 ceratam deuorat. Hanc pro maternis beneficijs, & pro
 nutritione vicem, iste *ἀσπυ* & rependit, dignus qui
 perpetua scabie notatus sit, & quem oderint ac fugiant
 reliquæ aues ceu diuinum portentum. Ita enim natura fer-
 tur illum damnasse impietatis, ut uere eret sicut polluta-
 ti, sine nido, & sine gilla societate, sicut apud Homerum
 de poena impiorum dicitur *ἀνὴρ ὅς τις ἄγε ἀφ' αἵματος*. Solus
 enim sine ulla societate sui generis aut aliarum auium
 uagatur. Non igitur obscura est significatio: imago pro-
 posita est in tetra uoluce, ut uideamus, turpissimæ natu-
 ræ similitudinem habere ingratos. Sicut in alijs scedis
 animalibus aliorum uitiarum similitudo proposita est,
 ut cognita turpitudine bestiar, homines magis abhor-
 reant à similibus uitijs: ut in lupo inest rapacitas & cru-
 delitas, in polypo tanta libido, ut extinguatur in con-
 cubitu. Noctua piscis tam uorax est, ut non desinat se
 onerare cibo, donec rumpatur.

Sed

Sed longum esset exempla persequi. Ad institutum argumentum redeo. Adfectat cuculus etiam Musicae laudem, quare ubi lusciniam audiuit, eo aduolat, & excitatus canit illius, cum ea certare studet. Hinc intelligi magis potest, in quo genere hominum, ingratos signis fiet, nempe inter eos, qui obstrepunt melioribus inditenda sententia, in studijs Ecclesiasticis, aut alijs, quæ uitæ conducunt. Hic quanta cuculorum agmina numerari possunt, non modo si ueteres historias repetamus, sed etiam si præsentia negocia consideremus. Homero obtestabatur Zoilus, cecum lusciniæ cuculus, Ciceroni Clodius, & alijs multis. Habuerunt suos cuculos & herculei uiri. Scipioni obtestabatur Carbo, Alcibiadi Hyperbolus. Quanquam quid opus est exempla colligere, plena est horum, quotidiana uita, sed maxime in Ecclesijs. Et ad hanc, totum hoc symbolum, maxime conuenit. Curuca Græcis est Hypolais, quæ nomen inde habet, quod humi ad saxa nidificet, talis est uera Ecclesia, spreta & abiecta in mundo. Hæc dum omnes sonere, & inuare conatur, etiam si ppositicios foetus nunt, qui cum propter hypocrisis ueniant in admirationem, facile beneficio Ecclesiæ, auctoritatem & potentiam consequuntur. Hanc adepti, deinde grassantur in ipsam matrem, eamque dilacerant, & crudeli tyrannide opprimunt. Deinde illum feralem & infaustum sonum addunt in Ecclesia, sonant impia & perniciose dogmata. Atque euexit ad honores Ecclesia Alexandrina, qui cum esset suppositicius foetus, postea Ecclesiam orbis terrarum horribiliter dissipauit. Quid in scholis accidit, quæ cum sunt bene constituta, pars sunt Ecclesiæ uel præcipua. Primum enim ingentia certamina,

Y ij

pericula

clamarum
phylus

pericula, difficultates, publice sustinent boni Doctores, propagandæ rectæ doctrinæ causa: deinde priuatim, ut nutrices fouent infantulos, ita summa cura, diligentia, sedulitate, prouehunt ingenia discipulorum. Et tamen sæpe fit, ut educatus atq; institutus magna fide, postea oblitus omnium beneficiorum, & incitatus ambitione, aut nature maleuolentia, aut inuidia, impetum faciat in præceptores, nec nocere tantū ipsis, sed odio ipsorum bonas artes opprimere & delere conetur. An hoc cuculorum genus nō uidetur odio dignum? Non enim iam uitupero homines hebetes, aut tardos, sed ingratos, & nocendi cupidos. Tales cuculos odisse, omnes à natura bene instituti debent. Et tales hic pingere uolui, ut admoniti adolēcentes, procul eos fugiant & execrentur. Student enim hi cuculi alijs affricare suam scabiem, & inueniunt, uel stolidos, uel malos, qui illo horrido cantu teneantur. Magnum per sese scelus est ingratitudo in qualibet re, sed tūc est uere cuculi scelus, & parricidiū, quando ad eam accedit odium piæ doctrinæ, aut aliarū artium, quando ingrati, hominum odio, & animi morbo, postea rebus bonis bellum inferunt, labefaciunt dogmata, detrahunt de artium dignitate. Nec rara sunt exempla. Et sæpe accidit, ut cum semel in præceptores incurrerint, postea rabies augeatur, & crescat discordia, uelut incendium: Deinde Respub. propter horum scelus & ingratitudinem plectitur. Quidam Atheniensis Orator, cum significare uellet, quibus modis fastiosa & Tyrannica ingenia potentiam cōsequantur, inquit: Serpens nisi deuoret serpentes, non fit draco. Ita ingrati illi incensi odio, aut ambitione, persuadent sibi, hanc esse uiam ad gloriam, formidabilem fieri alijs, opprimere

dissent

clamantem
philosophum

differentes, ut autem arte. Quanquam minus flagitium est, in pates, quam in bene meritos sœuire, ut facit cunctis. Cum igitur ingratitude non solum priuatim sit turpis & indigna homine, sed etiam sæpe Reipub. noceat, adhortor uos Adolēcentes, ut animos uestros ad gratitudinem assuefaciatis, ad quam uos non modo inuitant natura, & homines doctissimi, qui quasi explicantes naturæ iudicium, de gratitudine copiosissime præcipiunt, sed etiam cœlestia oracula uocant, quæ quidem horrendas etiam pœnas minantur ingratis. Sic enim scriptura inquit: Non recedet malum à domo ingrati. Hoc dictum quæso affigite animis, & expendite, quàm graues, quàm durabiles pœnas minetur Deus, cum ait; semper hæsurā mala in domo, in liberis ingratorum. Quid dici tristius poterat? Iam cogitate, quale sit genus beneficiorum, quod in schola bene constituta accipitis. Nihil homini cōtingere melius potest, quam recta doctrina, primum de religione, deinde de honestis uitæ officijs, de rerum natura, deniq; de omnibus artibus, quæ sunt uitæ utiles. Traditur autem uobis, De beneficio, doctrina Christiana, pure & simpliciter. Proponuntur & ceteræ honestæ discipline, nec ulla pars Philosophiæ negligitur. Enarrantur optimi autores Græci & Latini, qui aut fontes philosophiæ continent, aut profunt ad formandam orationem. De præceptoribus ipsis non dicam, sed tamen dexteritas & prudentia in doctore duplicat beneficium. Nam qui in docendo nō adhibet rerum delectum aut nō uidet, quid cui libet ætati conueniat, is sæpe ita distribuit ea quæ tradit, ut si cani paleas, asino daret ossa, ut in prouerbio dicitur. Spero autem uobis cognitam esse fidē & prudētiā in ijs qui

Y iij

docent

docent. Cum igitur tanta sit magnitudo beneficiorum, non est obscurum quod sit uestrum officium. Certe Deo gratiā deberis, qui his pulcherrimis muneribus uitam humanam ornat. Is uult dona sua intelligi, uult ea magis pendere a nobis, uult gratiam reddi his, per quos impertit ea humano generi. Quare cogitate quid Deo debeatis, et memoretē ingratos poenas Deo duros esse. Philippus Macedo habebat militem qui ei propter fortitudinē in primis charus erat, hic naufragus ad nullam cuiusdam agricolae agere enatauit. Agricola cum audisset militis clamorem, accurrit, eumque rigentem frigore & penē exanimem ducit in uillam, & quibus potest officiis recreat, post triduum cupientem abire etiam uiaticum instruit. Discadens miles prolixē pollicetur se gratiam relaturum esse. Vide quid acciderit. Nam & hic miles cuculi scelus imitatus est. Narrat Philippo naufragium, beneficium hospitis tacet, & petit sibi donari illud praedium, facile impetratā Rege liberali, praesertim cum Rex bene meritū esse iudicaret, iubet igitur induci eum in bona quae petiuerat miles. Non tulit iniuriam agricola expulsus bonis, ab eo quem seruauerat, sed uenit ad Philippum & commemorat suum beneficium erga militem. Hic adeo exarsit ira Philippus, ut Pausania mandaret, ut priori domino praedium restitueret, militi uero exanturato, stigmata inureret, inscriberetque fronti, haec uerba: Hospes ingratus. Tanta natura uis est, ut nemo tam ferreo animo sit, qui audiens hanc historiam, non ualde probe iustissimam Philippi sententiam. Quanta tamen autem prodesse Reipublice, hoc modo notatos esse scholasticos ingratos, eos uidelicet, qui ad ingratitudinem etiam addunt impietatem, qui nocere praecipuos

captoribus, & ipsis studiis cupiant. Hos oportuit stigmatibus notatos esse, quia si agnoscerentur, minus nocere possent. Ego vero optarim illis etiam insculpi cuculum in fronte, deus tantem suam nutricem. Sed quamquam hic cessant leges, tamen Deus tandem eis stigma tantum, quae restantur quales fuerint. Cogitare igitur quantum Deo displiceat ingratitude, quam sit indigna homine, quam inimica toti naturae, quam turpis, quod diuinitus etiam puniatur: denique quod Reipublice noceat, cum ingrati odio hominum, artes etiam odisse & premere incipiunt. Haec si vobis saepe subieceris, excitabis animos ad gratitudinem, & ad colendam communem tranquillitatem. Ad haec officia assuefaciendi sunt animi. Ideo in scholis, & in his optimis studiis uersamini, ut mores uestri fiant meliores, ut artes profuturas ad illustrandam gloriam Dei, & ad tuendam communem societatem vobis pareatis, non ut discatis sycophanticam nocitatem bonis viris & Reipub. Quam tetra imago est ciuis apud Demosthenem, cum pingit Aristogitonem, circumuehente in foro & uibrantem speculum seu exertam caudam, seu scorpionem insidiari ciuibus, & circumspicere quem feriat, quem aliqua calumnia opprimat, deinde qui cum nullo ciue ullius officij societatem habeat, sed cum illis uiuat, quos apud inferos aiunt assidere impijs, uidelicet cum inuidia, furis, et alijs pestibus. Ita describit Demosthenes Aristogitonem. Quid autem alienius esse debet praesertim ab homine docto, instituto ad humanitatem, & cuius mores & eruditio debet prodesse Reipub. cuius tota uita debet esse *uirtutis* & plena officij, q̄ isto Aristogitonis more uiuere: qui quidem proprius est sycophantarum, qui irruunt in bene meritos.

Cum

Cum autem mihi quidem impossibile sit, magnitudinem huius causæ æquare dicendo, non uolui esse prolixior. Et tamen hæc præcepta interdū inculcanda sunt adolescentibus, & ostendendum, quanta sit uitiorum turpitudine. Ideo hæc pauca de Ingratitudine, hoc tempore collegi, quæ ut boni cōsulatis oro. Est enim etiam grati animi, qualem cūq; operam honestam, publicæ utilitatis causa susce-

ptam, probare.

Dixi.



ORATIO DE GRATITVDINE, M.
Alexandri Alesij Scoti, Decani, in promotione
Magistrorum, Anno

1534.



Tsi aliorum consilium qui hoc loco de uniuerſa Philosophia deq; omni ratione studiorum grauissime dicere solent magno opere probo, tamen quoniam in hac ingenij mei infirmitate intelligebam, me non posse tantarum rerum uarietatem oratione illustrare, constitui de una quadam uirtute dicere, digna cum bonis uiris omnibus, tum uero præcipue harum nostrarum artium ac literarum studiosis, uidelicet de gratitudine: quam ut deligerem, non solum publica causa adductus sum, etsi magno opere opto eam, cum uere sit maximarum

clamantem
philosophum

marum uirtutum nutritrix, ab omnibus summo studio coli, uerum etiam quædam me priuati ratio commouit. Etenim cum per iniuriâ me patria pulsum, uenientem huc ex alio orbe summa humanitate hospitio exceperitis, & annos iam aliquot amanter regatis, ualde laborandum mihi putauit, ut extaret aliqua gratitudinis meæ significatio. Caius Cæsar insignem hospitalitatis laudem tribuit Germanis, hanc ego in his meis erroribus & exilio meo comperi, uos et ueteri instituto retinere, & in hac urbe præcipue exerceri pio quodam Christianæ religionis studio, quæ inter cæteras uirtutes hospitalitatem coli præcipit, & amplissime laudibus ornat. Quare gratiam hoc nomine habeo huic publicæ dicendi consuetudini, quod aditum mihi ad uniuersos uos patefacit, & occasionem præbet diu optatam, uicissim meę uoluntatis declarandæ. Aptissimum igitur hoc argumentum meę personę esse iudicaui. Deinde non solum orationem meam, sed etiam exemplum arbitrabar profuturum esse, exuscitandi aliquos ad gratitudinē maiori diligentia præstandam. Agnosco autem me neq; de uirtute ipsa, neque de uestris meritis pro dignitate dicere posse, sed spero uos pro candore uestro officium hac in rem meam probaturos esse, etiam si eloquentia desideretur. Quare uos etiam atq; etiam oro, ut hominis peregrini orationem bona cum uenia audiat, id beneficium etiā inter cætera quæ mihi à uobis liberalissime tribuntur, grato animo recensebo. Scitis autem Adolēscētes, nullum officium iustius ac magis necessariū esse, quā habere gratiam benemeritis. Hæc enim una uox est nō solum eruditorū omnium, sed ipsius etiam nature, quæ mutuis officijs homines inter se deuinctos esse uoluit.

Z Quare

Quare ingrati cum hæc naturalia uincula societatis humana dissoluant, ipsi naturæ bellum inferre iudicandi sunt. Et si autem hæc ipsa naturæ lex diuina quedam uox est mentibus hominum inscripta, tamen & in sacris literis exant clara præcepta, quæ nos ad colendam, gratitudinem hortantur, et quidem gratis præmia, ingratis uero poenas diuinitus proponi docent. Sic enim scriptum est: Non recedet malum a domo ingrati. Quare non solum natura ingratos, tanquam immania monstra odit & execratur, sed etiâ urget eos Deus iustissimis poenis. Proinde si naturam aspiciemus, & quasi euoluemus animos ipsi nostros, si sacras literas consulemus, non solum uidebimus quantû habeat ingratitudo sceleris, sed etiâ constituemus, non esse dubitandum, quin Deo poenas ingrati daturi sint. Hæc si considerabitis, ut uos præsertim decet, qui ad studia uirtutum adhiberi estis, statuetis uos, & ut Deo & naturæ pareatis, cum erga alios, tum maxime erga præceptores uestros, & hanc Academiam gratos esse debere. Etenim cum nullum sit maius beneficium in terris, quàm ueritatis, & rectæ doctrine communicatio, profecto nullis plus debemus quàm his, quorum labore, fide, ac liberalitate res tante tanquam in uita necessaria nobis contingunt. Neque enim ignoratis, uitam sine literis, sine religionis scientia, sine antiquitatis notitia, sine aliqua naturæ atque honestorum officiorum cognitione non solum incultam, sed planè miserimam fuisse. Denique etiam pecudum uita optabilior fuerit quàm hominum, quamlibet affluentiâ omnium rerum copia, si cum illis tenebris coniuncta est, impijssimis illis erroribus & uitijs ageret. Itaque facile iudicari potest, plurimum nos debere illis uita dantibus, qui nos in lucem ex-

obscurissima caligine educunt, & bene beateq; uiuendi rationem monstrantes maximis erroribus animos nostros liberant. Vetusitas diuinos honores decreuit illis, qui fruges & meliorem uisum hominibus ostenderunt. Sed si recte aestimamus uera bona, multo melius de nobis merentur, qui optimarum rerum doctrinam nobis patefaciunt ac tradunt. Esi ego quidem ueterum historias ita interpretor, non uisum, sed uiuendi leges & disciplinam à summis quibusdā uiris tradita esse, qui postea frugum inueniores uocati sunt, ut significaretur, non minus ad tuendam uitam necessarias esse literas atq; artes, quam fruges ipsas. Nec fieri potest, si nimis ac dignitate illi literarum intelligimus, quin pariter & artes et Doctores artium aueamus, per quos hæc ecclesia munera diuinitus ad homines propagantur. Nam illud etiam nobis considerandum est, non solum debere nos prestantibus Doctoribus propter assiduitatem, diligentiam, fidem, & ceteras uirtutes quæ in Doctore fidei requiruntur, sed quoniam nulli sunt artifices, nisi diuino quodam afflatu bonos Doctores, uelut uimina cælo demissa, & ut Plato uocat, tanquam Dei interpretes generari debeamus. Erratis enim, si artes repertas esse, nisi Deo monstrante, aut conseruari posse creditis, nisi Deus artificum ingenia exulceret. Quod si in paruis artibus, in Musicis ac Poetis opus est diuino motu, ut Poeta inquit, *Est Deus in nobis, agitante calefactus illo,* quanto magis opus est diuino afflatu in illis summis artibus, in explicatione religionum, in eruenendis causis naturæ alibus, in inquisitione motuum cœlestium, in legibus & uitæ officijs tradendis, in formanda oratione, in agendis ceteris sacris, ita & boni doctores singulari ho-

nore efficiendi sunt. Et si in his ad industriam accedunt
ceteræ uirtutes, dexteritas in docendo, fides, assiduitas,
qualis debet esse nutritionis, his uero par gratia reddi
nulla potest. Nam si qui tales sunt, uitam discipulis im-
pendunt, propterea quod non sine maximis curis ac la-
boribus assiduitas illa præstari potest. Quid quod interim
negligenda est rei familiaris procuratio, perpetienda
odia improborum, qui literas, qui religionis doctrinam,
qui ceteras artes hostiliter oderunt. Videmus enim quæ
sit uulgi natura, quod fastigium sapientiæ in eo collocat
uno, quod ait Horatius:

Virtus, fama, decus, diuina humanaque pulchris
Diuitijs parent. Præterea Tyranni natura Phi-
losophos oderunt. Neg. uero tot difficultates, tot labo-
res, tantaque pericula boni uiri, qui possessionem literarum
in scholis tueretur susciperent, nisi eos ut id facerent, quæ
dam uis amoris & erga uos, & erga Rempub. hortaretur.
Necesse est autem plus quam ferreis animis prædi-
tos esse eos, qui & beneficijs affecti summis, & amore
uere patrio inuitati, non redamant præceptores. Cum
igitur uobis hoc quidem tempore, adolescentes, magna
fide ac dexteritate tradantur in hac schola diuinæ atque
humanæ literæ, primum dabitur operam, ut beneficij ma-
gnitudinem intelligatis, deinde ut præceptoribus grati-
sitis. Dei beneficio hæc schola multis doctrinæ Christianæ
in locis magnam lucem attulit, ac uix alibi usquam pur-
rius ac simplicius, explicatur doctrina Christiana. Ad
hec omnes Philosophiæ partes proponuntur, & cum
Physicæ, quæ sic uocant, habetis, tum etiā ostenduntur
causæ cœlestium motuum, quæ est omnium partium Phi-
losophiæ longe præstantissima, & ut Aristoteles inquit,
maxime

maxime cognata diuinitati. Atq; hæ Philosophiæ partes eo magis amandæ sunt, quod plurima monstrant & clarissima uestigia diuinitatis in natura, quorum animaduersio maximam profecto uim habet ad excitandos animos ad religionem, & ad omnia uirtutis officia. Ne desunt artes, quæ formant iudicium de ratione dicendi: & ad has adhibentur optimi authores Græci & Latini, non solum, ut genus sermonis illorū imitemur, sed etiam ut inde rerum cognitionem, philosophiam, antiquitatem, historias petamus. Nec uero uideo quid adolescentiæ proponi melius atq; utilius ad solidā eruditionem comparandam & ad formanda iudicia possit. Satiū est enim profecto uersari in Mathematicis, in Aristotele, Plinio, Alberto, Pontano, Demosthenē, Homero, Sophocle, Vergilio, Luid & similibus authoribus, quam in Tartareo & huius formæ ceteris, qui & præstantissimæ Philosophiæ partem non attigerunt, et illam quam proficentur, ut nihil aliud dicam, inutilibus disputationibus obruant. Habetis & disputationes, in quibus iam apud aliquot uidimus explicatas res ad uitam utilissimas. Non enim proponuntur inanes λόγες, in quibus tantum de uocibus rixandum sit, sicut inter se corui contendunt, libet enim uti Galeni uerbis, sed agitantur controuersiæ, quæ forment iudicium de religione, de Philosophorum lectis, de fato, de finibus bonorum, de causis cœlestibus & similibus locis. Vt nam uero diligentia præceptorum in disputationibus uestra sedulitas responderet. Nam in hac parte præcipue deesse uobis adolescentes ipsi uidemini, eaq; causa est, ut & præceptorum studia fiant ad disputandum lauidiora. Magna uirtus, egregia doctrina atq; huma-

nitas est, & in aliarum professionum Doctoribus, iure
consultis & Medicis. Deinde non solum doctrina prae
ceptorum fruimur, sed multis etiam alijs officijs singuli
utimur. Quare, ut aliquando finiam, adhortor uos ut,
quod est iustissimum & humanissimum, deis operamini,
ut praeceptorum erga uos beneuolentiae meritis, labo
ribus, assiduitati gratitudo uestra respondeat. Aristote
les scribit Graecos templa gratiarum in medijs urbibus
condere solitos, ut ciues mutuae beneficentiae atq; gra
titudinis admonerentur. Ita & uos in medijs scholis col
locata gratiarum templa existimate, cum de gratitudi
ne auditis concionantes & sacros libros & auctores qui
uobis enarrantur. Scholas enim decet esse officinas, ut
ceterarum uirtutum, ita maxime gratitudinis. Nullum
enim uirtuti magis pugnat cum natura & societate hu
mani generis quam ingratitude. Nec de nihilo est,
quod dixerunt ueteres. Dixeris maledicta omnia, cum
ingratum dixeris. Quid quod etiam immanissimis be
llis indigant gratitudinis simulachra. Meministis le
onem in circo reddidisse gratias spargiuo, a quo uulnus
ipsius curatum fuerat. Terpissimum autem est nobis uinci
iustitia & pietate a beluis. Laudantur & ciconiae in qui
bus pulli adultis, quae per aetatem nequeunt pabulum
exire, cibos afferunt. Ita uos quoque memineritis, quod
Aegyptio hoc est tutius pietate colendos atq; sobri
dos esse praeceptores benemeritos. Postremo gratitudi
ne impetrabitis, ut Deus magis faueat studijs uestris,
ea quae ad salutem uestram & totius Reipub. gubernatu
rus sit. Ut enim ingratos habet dubie punit, ita gratos
amat ac tuetur. Videris quam ingens praeuium addide
rit quarto precepto: Honora patrem & matrem, ut sis
longa,

longeuus super terrā hoc est, ut totius uitę curis faustis
ac felix sit. Idē locus concionatur de officio erga pręce-
ptores, qui cū succedāt in parentū munus & curas, loco
parentū habendi sunt. Et si recte estimamus, maiora be-
neficia à bonis doctoribus, quā ab ipsis parentibus ac-
cipimus. Nā doctrina religionis & aliarū honestarū re-
rum longe pręferēda est ipsi uitę. Recte igitur Iulienalis
audi. Qui maiorū umbris tenemur & sine puluere terram,
Spirantesq; crocos & intena perpetuum uer,
Qui pręceptorem sancti uoluere parentis
Esse loco &c. Quare nō minus crudeles sunt
ingrati aduersus pręceptores, q; qui parentibus ingrati
sunt. Hęc autē impietās pręcipue à Christianis abesse de-
bet, in quibus uel maxime eminere gratitudinē oportet,
ut intelligātur etiam Christo grati esse pro ijs beneficijs,
quę ab eo infinita quotidie accipimus. Hęc sepe mul-
tumq; uobis cogitanda sunt adolescentes, ut animum
ad gratitudinem excitetis, quod si feceritis, simul illud
assequemini, ut literarum atq; artium uim magis intelli-
gatis. Cum uidelicet expenditis beneficiorum magnitu-
dinē. Deinde gratitudo flectet animos etiam ad ceteras
uirtutes. Est enim fons iusticię. Libentius etiam ac
faciliter parebitis pręceptoribus, si & uos ab ipsis amari
intelligetis & uicissim eos redamabitis. Talem autem
Academiam qualem uos habetis, ubi tanta discendi fa-
cilitas est studiosis, ubi uere sunt fores, ut dicitur, & profunda
profarum, non amare, animi est & à literis & ab huma-
nitate abhorrentis. Vos autem parentum auctoritate,
hoc est, diuina auctoritate huc missi estis, ut & literas
perdiscipariis, & animos ad uirtutem & humanitatis offi-
ciā assuefaciatis. Eaque re non solum uestra saluti con-
suletis,

suletis, sed etiam à Repub. uos in hac statione collocatos putate, ut olim ex studijs uestris aliqua redeat utilitas. Et ad Ecclesiam & ceteras Reipub. partes otium putatis esse scholam, sed mihi credite, ingens negotium sustinetis, & quod ad uniuersam Rempub. attinet. Quare uos hortor, ut propter gloriam Dei & salutem uestram, officium uestrum studiose diligenterq; faciatis. Inuitabit uestra gratitudo præceptorum studia, ut & instructiores ad docendum accedant, & magis sint assidui. Reliquum est ut & ego gratias agam amplissimis & doctissimis uiris pro beneficijs in me priuatum collatis. Quamq; autem hac commemoratio leue officium uideatur, tamen quoniam significationem aliquam habet gratæ mentis, præsertim cum fiat in loco publico, non duxi eam esse prætermittendam. Cogor autem nê recundius de uestris meritis dicere propter modestiam uestram. Tantum illud dicam, me libenter profiteri, non minus me uobis debere, quam meis parentibus. Itaq; uobis & habeo gratiam et polliceor me, si ubi potero re ipsa declarare animi gratitudinem, summa fide daturum operam, ut intelligatis me officio meo non defuisse. Scitis Deo grata esse hæc officia quæ in hospites conferuntur. Nam cum in mundo uniuersa ipsius Ecclesia exulet, postulat, ut communes exilij geminas mutuis officijs, mutua beneuolentia leuemus ac mitigemus. Orabo itaq;

Christum, ut uos quoq; defendat ac
gubernet in his communibus periculis.

Dixi.



De le

clamarum
philosophi

DE LEGIBVS ORATIO
Phil. Mel.



Considerant in me plusculum fortasse pudor
ris aliqui, cum assiduis declamationibus,
& infantiam meam uulgo traduco, & hu-
manissimis in hac schola, patientissimisq;
auditoribus toties odiose obstrepo. Ego
uero agnosco mearum uitium imbecillitatem, meoq;
me pede merior: & cum de me ipso censuram ago, sen-
tio q̄ non satisfaciam politissimis quorundā auribus.
Verum cū prouehendę rei literarię causa, hoc, quicquid
est opera, à me sumatur, studium meum quæso boni
consulite. Nam cum pars quædam publici muneris
in hac schola mihi delegata sit, parum meminisse ui-
derer, quam sustineam personam, nisi de adulescen-
tium officio nonnunquam dicerem. Quod cum pro-
uirili faciam, easq; disciplinas iuuentuti commendem,
quibus neglectis, cum religionem, tum res bonas alias
labefieri necesse est, facile, ut spero, impetrabo, ne mea
mihi sedulitas fraudi sit. Sunt enim fauore, studijsq;
omnium, iuandiorum conatus, qui literis non pesti-
me consultum uolunt. Neq; aliam ob causam modo di-
cere institui, q̄ ut ijs qui hic ex more declamare so-
lent, si qui forsitan imbecilliores sunt, meo exemplo non
nihil animi addam, & tanquam classicum eam. De-
inde, ut eruditos omnes publica uoce rogem, ut in hac
arenam & ipsi aliquando descendant, cum pueris col-
lufuri. Socratem nihil puduit natu grandem, cū parujs
filiolis equitare, ut ille ait, in arundine longa; quanto
minus uobis uitio poterit uerti honestissimus conatus,
a si cum

hom. p. p. p.
cau. se. decla.
mandi

Socratem. cū
pueris imp.
tize no p. p. p.

*adhortatio
ad studium
declamanda*

expositio

*non solum
indicia in
probandis*

si cum hoc grege de literis non nunquam commentemini, quarum causa quicquid susceperis, quando mortalia nihil diuinius habent, laudem meretur. Quaslo itaq, ut scholæ operâ suam ea in re candide impertiantur, quicunque literis bene cupiunt. Sic enim statuo, præclare de rebus humanis mereri, qui puerilia studia honestis exemplis accendunt. Iam & meam facilitatem ita demum probari vobis iudicabo, si imitari coeperitis, quæ si silentio uestro damnata fuerit, bone Deus, quam ipsi nobis displicebimus.

Sumus autem de legibus dicturi, deq, eo iure, quod in scholis hoc tempore, & in iudicijs, in bona Europæ parte regnat. Nam ea literæ non nuper male audire coeperunt, cum alijs prophetiarum legum patrum pia professio, indignaq, Christianis uideretur, alij satius ducunt, ut iudicia nō improbent prorsus: nam id nec Scythæ solent, res ex æquo & bono sine scriptis legibus iudicare. Horum calumnias pro nostri ingenij mediocritate, repellere conabimur, ut eos qui ad gerendam Rempub. olim accessari sunt, ad huius disciplinæ studium inviteamus. Prægrauant autem hanc causam mirifice hoc tempore Doctoruli quidam, qui cum ferè sint Athei, tamen Euangelij prætextu tyrannidem gerunt, & pro libidine cum humanas, tum diuinas leges figunt ac resigunt. A quibus si impetrari poterit, ut nobis dicendi potestatem faciant, sunt enim perquam morosi, docebo breuiter, sacris literis, non modo non improbari ciuiles leges, sed præcipi etiam, ut religiose sancteq, colantur, quæ laude nulla potest amplior legibus tribui. Vbi fidem fecero, ciuilem urbium statum nihil pugnare cum religione, exponam quàm prudenter à maioribus factum sit, quod

quod Romanas leges potissimum delegerant, quas in constituendis ciuitatibus tanquam filum sequerentur, easq; summa cura à nobis studioq; conseruandas esse ostendam.

Quæ malum dementia tandem est, quis furor, falso Christiani nominis prætextu, ciuiliū rerum statum lahesacere & conuellere: Quæ barbaries, qui Scythæ iudicia, equi & iniqui discrimen è medio tollunt: Et audent hoc Christo quidam, si superis placet, Christiani Doctores tribuere? Quid est, si hæc non est contumelia: Qui ex Gentilibus Philosophis in Christum stylo debacchanti sunt: Vnum hoc ferè causificantur, quod quædam leges parum uideantur aptæ ad ciuilem consuetudinem, societatemq; hominum tuendam: Neque censent ullo probro Christi dignitatem grauius ladi posse. Horum hincunt amentiam nostri, qui in ipso contemptu publicorum morum, & in euertendo uniuerso ciuili statu, pietatem collocant. Adeo de Christi nomine superstitio, peius, quàm qui ex professo insectantur, meretur. Nam cum uim pietatis ignoret, & pro suo arbitrio sibi Deos somniet, non modo nihilo rectius de Christo sentit, quàm Ethnicici, sed pietatis etiam titulum ferè priuatis uitij prætexit, quo sacrilegio nihil abominabilius fingi potest. Et quia ueruit Deus humano artificio imaginè sui fingi, sequè suo sermone cognosci uoluit, ubi se nobis uelut in tabula deliniauit, petemus & nos è sacris literis, quid de ciuilibus legibus diuinus spiritus decreuerit: quas cum cœlesti uoce probari audietis, par fuerit, & cognoscere diligentius, & obseruare sanctius. Sese enim contemni Deus iudicabit, si ciuiles leges tantopere nobis cōmendatas uolauerimus. Sed recenseo locos qui

a ij legibus

nam arum
philosophi

Qui leges
habet
contemnit

legibus patrocinantur, docentq; in rebus publicis iudicia esse constituenda, legesq; rationi consentaneas de rebus herciscondis, de fontium pœnis, & alijs hoc genus ferri posse.

Primum ius faciendi nobis sacrae literæ, vel Gentilibus vel Mosaitis legibus in prophanis rebus iudicandis uti. Et cum iudicia amplissimo testimonio ornant, tum veteris Mosaicam, & Gentilem iuxta probant. Cum Baptistam milites, haud dubie de genere vitæ consulta, rogarent, quid à se fieri ueller, nihil hic exegit, nisi ut suis contenti stipendijs, neminem calumniarentur, aut concuterent. Porro cum stipendijs iuber esse cōrentos, publicum munus, quod illis mandatum erat, planè adprobat. Quis nescit autem Magistratum arma, leges et iudicia esse, quæ domi uim ac iniuriam à ciuib; prohibent. Quare non dubium est, quin tanti leges faciendæ sint, quanti Magistratum Baptista facit. Paulus Magistratum auctoritatem prædicat, cum gladij usum ordinatio nem Dei uocat, & Magistratum Dei ministrum. A quo oraculo ex diametro dissident hi, qui leges impietatis accusant. Est enim hostis Dei, non minister, quisquis ea suscipit, quæ diuinæ leges uetant. Qui alterius uxori uitium offert, qui res aliorum fraude interuertit, qui perurio fallit, qui bellum cum superis gerit, non minister est, deniq; hostis est, cuiuscuq; factio propria impia est. Quare cū Paulus Magistratum Dei ministrū uocat, non hostem, negare eius prouinciam cum religione pugnare. Contra, qui Magistratus damnant, semel uno nomine omnes latrones & Dei hostes esse pronunciant: quod q̄ non quadret ad Paulinā sententiam, perspicuum est. Quid enim tam dissimile uoluit ille esse latrocinio, q̄ Magi

*Joannis responsio
ad milites rogantes
ut leges*

*Leges sunt armæ
magistratus*

*Gladij usus
auctoritas dei
ipse paulo*

Magistratum: Hunc tranquillitatis publicæ custodem, nuncupat Paulus, cum gerere gladium scribit, ut bonos honores adficiat. Quod si latrocinium Magistratus est, custodem bonorum qui cedo adpellabit: Iubet item Paulus piorum uotis Magistratus Deo commendari, ut salui publicam tranquillitatem tueantur. Idemq; exulaturis Iudæis Hieremias præcipit. At incolumitatem latrocinio precari, nihilo magis fas est, quàm bene precari lupanaribus. Tam clare discernit à latrocinio Magistratum scriptura: inter quæ si nihil interest, sceleratus erat Ioseph, cum in Aegypto imperaret, scelerati Cornelius & Centurio, cuius fidem Christus unice prædicat, pleriq; item alij qui Respublicas & Gentilium legibus administrarunt. De Iudaicis Regibus nondū dico, quos putant minus posse ad nostra comparari, sed hos quos recensui, quæso patiamini melioris notæ Christianos fuisse, quàm hi sunt, de quorum moribus posteaquàm publicas leges contemnere coeperunt, passim male audit Euangelium. Sed unde tandem honorifica appellatio: Ecquid præcepit Deus de gladio: Primum minister Dei is est, qui eius iussum facit, quiq; ex eius se mandato comparat, cui qui auscultat, is nō modo nihil peccat, sed, quemadmodum sacrae literæ docent, sanctum etiam officium facit. Præcipit autem Deus morte mulctari eum qui hominem occiderit, quæ lex citra controversiam totam *πολιτείαν* complectitur. Etenim ut publice tranquillitatis causa fas est de capite hominis iudicare, ita & ad rerum diuisionē, ad leuiora negotia transigenda, quando aliter publicæ paci consuli nō potest, constituere iudicia licuit. Extat lex in Genesi ad Noe, uniuerso mortalium generi lata, estq; confirmata Mosaicis

*Lexis Moysi
probat
morem legu
nostrarum*

*finit
legum*

*maxima
legum*

*confutatio
pulsoria*

edictis, quæ tamen si solis Hebreis proposita sunt, tamen arguunt Deum probare morem, cum indicandi res, tum plectendorum fontium. Nota enim Pauli vox est, Legem iniustis latam esse, quæ monet, ut qui spiritu Christi non frenantur, cum Hebræi, tum reliqui mortales, legibus coerceantur, & tanquam carcere sepi teneantur, ne quædam, ne cuius rebus damnum dent. Eosdem impios omnes numero cum Gentes, tum Iudæos habet, gladioq; seu legi ad unum omnes subdit. Suum autem quoddam Christi regnum est, qui cum non in hoc se nobis ostenderit, ut humanam *πολιτείαν* concederet, mundi regnum non labefacit, immo in id extrudic eos, quos a turpitudine non dehortatur pietas, ut iis remoretur. Prodit Christus, ut coelestibus muneribus, ut immortalitate paucos quosdam, tanquam in alium eductos mundum, donaret, non ut ciuitates constitueret. Regibus hanc provinciam reliquit, tenendam conservandamq; obtinendi causa. Ipse in piorum pectora spiritum suum transfundit, ut diuinitatem cum iis communicet. Ipse verbo renouat piorum mentes *κατασκευάζει*. Nihil hæc ad mundi regnum, quod in componendis tantum moribus, in arcenda uolentia versatur. Id quod non facile tantum fert Christus, sed probat etiam, cum & suos parere iubet, et ministerium Dei esse fatetur. Quare qui ad Respub. accessuri sunt, hos nō modo non retrahit religio, sed monet etiam piū officium facturos, si publica munera recte gesserint, si ius candide dixerint. Qui secus docent, cum de prophanis legibus, tum de Christi nomine male merentur.

At litigare uetat Christus. Quis negat? Iudicare uero non uetat. Quantum autem interlit inter iudicare et litigas

litigare, nemo non uidet. Nam ut uiatorem pulsare Deus uetat, non uetat obligare quisque, si quod is forte acciperit, ita quanquam odia mortalium inter se execretur, mederi tamen tam perniciosus morbis patitur. Quare uitia daminari patiar, remedium par est, ut grato animo complectamur. Fuit hic uindictæ cupiditate. Ille res alterius fraude occupat. Quos cum in uitam non reuocet pietas, iudicium auctoritate furor comprimitur. Nihil David, Moses, Solomo peccarunt, quantumuis improbis nebulonibus alicubi ius dixerint. Proinde Christus, ut litigantem ac uindictæ amore ardentem damnet, tamen suas iudicibus partes reliquit, siue ex Gentilibus legibus, siue ex Mosaicis ius dicat. Gentium res publicas administrarunt, Ioseph, Daniel, Naaman, Ceterio, qui, si flagitium est Rempub. gerere, uel Gentilibus legibus uti, ordine mouendi sunt. Verum nolo hic longius immorari. Nam & alias accurate hæc excussimus, & prius mentibus non loci quos produximus satisfecerunt. Tantum reuelantur hi, qui nec sacras nec prophanas leges pensi habent. Christus optima fide censum Magistratui numerat, ut exemplum colendarum publicarum legum praderet. Id adeo imitari oportebat eos, qui Christianam libertatem ubique forrifer iactant. Et cum diuino suffragio ius publicum comprobatum sit, pietas exigit, ut & diligenter cognoscatur, et religiose colatur et tractetur. Legumlatores ueteres omnes, quo plus auctoritatis suis legibus adderent, Deorum oraculis probatas adseuerabant. Minos singebatur nouem annorum spacio Iouis ius familiari consuetudine, ab eo constituende Reip. rationem didicisse. Lycurgum ferunt et ab Apolline Deum appellatum esse, et sua edicta prius uocasse, & oracula uideri uellet. Numam

Comparatio

*qui res pub
licas ad
ministrabat*

*Legislatoribus
hoc erat
confirmabat*

Minos

Lycurgus

Numam

Huma
Numam aiunt simulasse nocturnos cum Egeria cōgressus. Fingebantur hæc, ut cum diuino iudicio ad probatæ leges uiderentur, pluris fierent. Quanto sanctius à nobis ius publicum coli debet, cum id non commenticia oracula, sed certissimæ uoces diuinæ nobis grauissime commendarint:

furor qui leges fastidit
Communibus moribus obsecundandum est
varij motus
Porro cum constet, nihil pugnare cum Ciuilibus legibus religionem, & in rebus prophanis iudicandis fas esse, uel Gentilibus uel Mosaicis legibus uti, ex postulabimus aliquanto liberius cum ijs qui publico iuri præter meritum iniquiores sunt. Non satis, ita me bene ament Musæ, constituere possum, morosi hi mihi uideantur tantum, an proflus furere: nam ut illiberalem cōuiuam esse censemus, qui apud amicum præsentem copiam nauseat, ita qui præsentis mores, instituta ac leges temere fastidit, opicus mihi & parum urbanus uidetur. Et cū in omni uita sapientissimi homines præceperint, communibus moribus tanquam scenæ obsecundandum esse, ualde iniusti sunt, qui tanquam cum rebus humanis bellum gesturi, præter sua, nihil probant. Sordidos ac plebeios animos ferè presentium poenitet, qui, cum libidine sua, non ratione omnia metiantur, miro quodam nouandi studio tenentur. Neq; ullus Euripus, ullum fretum tam uarios habet æstus, ac fluctus, quàm uarij uulgi motus sunt. Quæcunq; cōmouerit tempestas, subito furit, miscetq; omnia. Contra, generosæ mentes communibus se moribus attemperant, solentq; utcunq; & ubicunq; opus fuerit, obsequi, quemadmodū ille Terentianus pater monet. Iam non simplex rusticitas, sed furor est plane, patrios mores, ac patria instituta odisse. Etenim cum patriæ sanctum quendam amorem omnibus

bus indiderit natura, prorsus obliui sui uidentur, qui patrias leges tantopere auersantur. Sapientissimus Poeta fingit Vlysses optare, ut uel sumum de patrijs exorientem focus uideat: hi leges contemnunt, ornamentū patriæ pulcherrimum, quarum beneficio ipsi & aluntur, & seruantur, ut ne naturæ quidem plus q̃ his debeant. Mirum ni Vulturio plus est humani, q̃ huic generi. Ego profecto, quoties defatigatum animū remittere, recreareq̃ libet, nulla in resuauius, atq̃ in patriæ recordatione acquiesco. Id quod fieri non posset, nisi mirum quendā eius amorem inieisset natura. Videor mihi iam agros peruagari, iam in hortis reptare, iam ad flumen deambulare. Hic naturæ opes, industriam colonorum, meorum ciuium tacitus contemplor, admiror, maiorū prudentiam, qui agros, qui oppidum ipsum diligentissime ornauerunt & munierunt. Hæc cum animo considero, & propemodum intueor, mediocri ne me uoluptate perfrui censeris? Me uero cum loci amœnitas per sese delectat, tum quia patriæ nomen accedit, ualde adficior. Nec minus tali patria capior, quā ille Ithaca, qui quamuis sterilem, & in asperrimis saxis tanquam nidulum adfixam, pluris immortalitate fecit. Et cum tantopere solum ipsum ametur, non possum non fanere & legibus, quibus ciuium inter se studia uoluntatesq̃ conciliantur, & deuinciuntur, quæ domesticam disciplinam, bonos mores, popularium libertatem tuentur, quæ profecto non minus nos q̃ lares nostri, delectant. Proinde cum inflammer nos natura, & adsuefecerit consuetudo ad amandam colendamq̃ patriam, & ingrati erga benemerentem, & in penates suos impij, & alieni prorsus ab humanitate sunt, quibus domestica leges sordent.

b

Capitale

nam autem
phylus

pater amor
animus a
natura induit

ornamentum
pater pulchritudo
vultus

Capitale est Magistratum pulsare, hi cum prorsus ex Re-
pub. Magistratus, iura omnia exterminant, quod non
supplicium merentur? Nolo hic causari, frustra eos niti,
recepta non posse ferè priuato cuiusquam arbitrio con-
uelli. Finge rem succedere. Quid erit ciuitatibus nostris
calamitosius? Quas, Deum immortalem, hæc nouitas
dabiturbas? Nam ut sine ualitudinis iactura nemo ui-
tus rationem mutat, ita nec leges sine publica perturba-
tione mutantur. Nec ad ciuitatum ocium, & ad concor-
diam stabiliendam quidquam perinde conducit, argu-
ueretur legum morumq; conseruatio: quod cum ura-
bium exempla passim testantur, tum mouet aureus ue-
teris Poetæ uersiculus:

Moribus antiquis res stat Romana uirisq;
Valeant igitur, qui uel adeo inciuiles sunt, ut attempera-
re se communibus moribus nolint, uel adeo arrogan-
tes, ut rectius se rebus publicis consulturos confidant, qm
maiores, uel adeo ferrei, ut nullus rerum patriarū amor
tangat. Etsi ita uidetur in *veφελονοκρυια* cōmigrare,
Senatui populoq; cuculorum imperaturi. Quanquam
autem hæc abunde magna ratio bono uiro sit, cur præ-
sentes leges amplectatur, quod usq; receptæ sint, et in mo-
res penèq; in naturam nostram uerterint. Stultum est
enim cū publicis moribus dimicare, tamen excutiamus
rem paulo accuratius, temere ne an consulto maiores
nostri ex scriptis legibus iudicari res maluerint. Non nū-
per in scholis hac de re altercantur, utrū satius sit ex scrip-
pto iure, an ex Magistratum arbitrio res iudicare. Verū
nos nō quod ociosi in scholis literatores somniant, sed
quod prudentissimi quiq; probarūt, qui Respub. tene-
runt, sequemur. Nam cum humanæ prudentiæ ciuilita-
officia

*Leges ad concor-
diam ualentes*

*Communes
mores si quis
docet bono
uero*

officia religio commiserit, & prudentum exemplis, & communi sensu hanc causam metiemur. Quæ fuit autem usquam Respub. mediocris sine certis legibus constituta? Scripto iure usi sunt Aegyptij, Cretenses, Athenienses, Romani, addam etiam Iudeos. Et Lycurgus, tametsi nullas scripserit leges, certas tamen quasdam prodidit, non tabulis, sed ut vulgo notiores essent, memoriæ cuiusvis inculpendas. Quare ut nihil hīs patrocineretur, qui hoc tempore scriptū ius tuentur, defendere eos tot gentium iudicia facile queant, quibus quo ore cedo, qua fronte reclamare audebitis? Et haud scio an hæc ueretur illis legum latoribus consilij ratio. Quam libertatis ac tranquillitatis publicæ causa condita sint ciuitates, et constituta iudicia, ut in tuto sint suæ cuiusque res & uita, & sub iuris auctoritate, tanquam sub umbra lateant. Idque præsidium non maiorum industria, non hominum conspiratio compararit, sed Deus ostenderit, præstandum est, ne ius sit obscurum, incertum, aut ambiguum. Quæ est enim iuris uis aut auctoritas futura, si subinde Veritumini in maiorem uariet? Nemo formas suas uitamque non satis exploratis aut insidis custodibus tuto committi putat. Potro ubi Magistratum arbitrio sine certis legibus res iudicantur, cum in imperitorum, sæpe etiam improborum potestate ius sit, sit ut per imperitiam sæpe Magistratus æqui & iniqui discrimen non perspiciat. Quoties recti species decipit? quoties iudicio gratia aut maleuolentia officit? Neque enim obscurum est, quam leui momento ab æquitate mediocrium hominum animi sepe abstrahantur. Quid quod ea imperitorum peritinaia est, ut ad æquitatem flecti non possint, ubi non cogunt leges. Cedo quid arbitrare sumpturos sibi Ger

b ij

manicos

clamarum
phylipin scripto
iure usi suntDeus auctor
iurispericulum
inducendi
ex arbitrio

manicos regulos, nisi leges prohiberent? Qui, si quando iuris species suffragaretur, citius omnia miscerent quàm de sententia, de possessione decederent. Nunc cum reclamant leges, deterret à flagitio nonnunquam pudor. Quotus enim quisque tam corneę fibre est, ut publicę legum uocem, omnium de se iudiciũ prorsus contemnat? At si nullę obstrepant leges, cū licetia fere deteriores reddat, uideas aperta tyrannide grassaturos, non aliter atque solebant Athenis triginta illi, qui cū pessimo exemplo iudicia sustulissent, perinde quasi publicę carnificinam exercerent, optimũ quęquē iugulabant. Itaque quemadmodũ in periculosis tempestatibus nõ solet uentis temere committi nauis, sed gubernator præscitur, qui arte regat, ita fluctuantes Principum animi certa lege frenandi, regendi sunt, ne priuata cupiditates à iure, uelut à portu reijciant. Et cū in cognoscendis causis sæpe non pessimis Magistratibus iuris species imponat, sæpe transversos rapiat ambitio, ne periclitaretur libertas, equi & iniqui formulas præscribi oportuit, quas in consilium adhiberent ius dicturi. Nam si Magistratui potestatem feceris quidquid libet statuendi, uide in quã nos seruitutē coniicias? Iure possessiones adsignauit, si aliud uidebitur, ius erit eripere, quod dictum est, indictũ fuerit, quod modo erat ratum, irritũ fuerit. Quidquid decreuerit, in uento & rapida scribere oportet aqua, usque adeo nõ constabit sibi, & iure subinde mutato in aliam se formam ἀποτρέψας moueuerit. Non domus, non liberi, non coniunx, quibus ne nostra quidem uita nobis carior est, in tuto erunt. Res bonę omnes, pieras, humanitas, doctrina, artesque uniuersę, quę ocium, pacemque amant, exulabunt. At cū his uitis leges medeantur, nec libertatis ullus prætereā fidelior sit

*Leges arcul
petulancia
ingratorum*

*officia lo
almi garuifi
oma motu*

*fines sunt
usque scripta
legis*

*ad ista lega
oma bona
prohibent*

hior sit custos, quid uerat legum beneficio uti? Quæ Magistratibus fiduciariam tantum nostri potestatem faciunt, ut ius nostrum, quoties periclitamur repetere liceat. Aristoteles in ea demum Repub. quæ scripto iure regitur, Deos imperare adfirmat, quod libertatem leges tueantur, qua haud scio an hæc uita nihil dulcius habeat. Quid enim foelicius, quàm iniuriæ metu uacare, societateq; hominũ tuto frui? Proinde ille ne bono quidem uiro sine legibus Rempub. mandari patitur: Sed recitauerba.

Verum dicet aliquis maligne me de hominum ingenijs sentire, cum nullius adeo exploratam fidem, ac uitæ tutem esse ducō, cui tuto ciuitas committi possit. Ego uero optarim passim imperare Nestoras, uerum uideamus quanta sit optimorum Principum paucitas. Nec obscurum est uetus illud dictum, Omnium bonorum Principum imagines in uno annulo sculpi posse. Quare facile patior, in mediocribus, ut sunt fere, certo iure uim regi, & officij sui, si qui sunt imprudentes Magistratus, admoneri. Hæc mea est ratio: nec foeliciorem mihi Rempub. somnio, quàm qualem existere res humanæ sinunt. Finge autem rerum summam ad Stoicos delatam esse, qui nec gratia, nec odio adficiantur, qui falli nequeant, quid ijs facies, qui, ut est uulgi improbitas, malunt legibus, q̃ uel sanctissimis Magistratibus credere: Est enim quorundam tanta rabies, tantaq; pertinacia, ut æquitate fideq; iudicium satisfieri sibi non patiantur, sed cum summo iure contendant, extremaq; omnia experiantur, sæpe insensius cum iudicibus, quàm cum aduersario concerrent. Hic uero Magistratum auctoritas periclitabitur, nisi publice receptæ leges defendant.

lib. de bono
moral. est in
uultu huius
est

clamarum
phylip

Aristoteles
lib. de
scripto

paucitas
bonorum
principum

Stoici uti falli
huc uti odio
sume

Adeo non modo aduersus tyrannidem, in legibus innocentiae praesidium est, sed & Magistratibus aduersus uulgi importunitatem. Hic tanquam aeneus quidam murus est, denique commune uinculum inter se Principum ac multitudinis est, ius scriptum, ad pacem tuendam comparatum. Iam & improbi ciues facilius in fortunas aliorum impetum facient, cum uel nullae poenae ceterae absterrebunt, uel ius erit incertum. Contra, ut ii qui iter faciunt, cum uiam indicant Mercuriales statuæ, nihil metuunt, nec ubi errent, Ita boni ciues cum certum ius propositum est, securi degunt, cum docent leges, & quid pro se quisque praestare debeat, et quid cuiusque sit proprium, & improbis certum exitum minantur. Cum autem libertas nihil nisi inane uocabulum sit, si bonis securitatem demas, crudele fuerit ius scriptum e medio tollere, si quid ad securitatem in bonorum animis alendam confertur. Accedit huc, quod ut modestissimi homines imperet, tamen futurum sit, ut de iure saepe dissentiant, nisi ex certis legibus res iudicentur. Quae est autem pestis ciuitatibus peritiosior intestina discordia. Quas haec urbes non funditus euerit. Quare nulla tam parua res est, quae modo ad concordiam conseruandam conducere uideatur, quae negligenda sit. Saepem autem ex leuissimis iniurijs, non secus atque ex minutissima scriptilla, grauissimum incendiū oritur. Non raro & res grauissime, in disceptationem ueniunt, ubi Magistratibus de iure male conuenerit, studijs factique uerbis publica tranquillitas turbabitur, dum sua quaeque pars sententiae suffragatores, addo etiam uires, publicae salutis oblita, comparat. Quam autem non solitudinem malis, quam intestinis flagrantem odij urbem colere. Proinde, cum Hebraeos Deus inter

inter se quàm coniunctissimos esse, rectissimeq; consenti-
re uellet, certas leges tulit, ut ex præscripto res iudicaret,
ne quando ius controuersum dissidium pareret. Plerisq;
item alijs ciuitatibus uel principum tyrannis, uel ciuiles
discordiæ imposuere legum condendarum necessitas
tem. Nam cum inter se Athenis, de iure publico, perpe-
tuo conflictarentur, tres per id tempus factiones, homi-
nes, opinor, non pessimi, sed male inter se, ut fit, in im-
perio coherentes, eaq; dissensio, morbo ciuitatis ingra-
uescente, & gliscentibus odijs uniuersis exitium minare-
tur, Respub. Soloni mandata est: is leges tulit, quibus li-
bertatem, & otium urbi restituit. Et cum cerneret has uni-
cum esse concordiam uallum, constituit, ut qui ius dice-
rent, conceptis uerbis iusiurandum darent, se ex legibus
res iudicatuos esse. Qui Magistratuum arbitrio simpli-
titer omnia committunt, cum Solone, si libet, expositu-
lent, non mecum, qui ad consociandos inter se ciuium
animos tantum facere momentum scriptas leges existi-
mauit, ut ex suo arbitrio Magistratus ius dicere ueruerit.
Sed recita iusiurandū *ἑλίας κού*, sic enim Demosthenes
uocat. Fuerunt & he ferè causæ cur Romani scripto iure
uti maluerint. Nimium sibi principes sumebant. Plebs
non satis tuto creditam optimatibus libertatem existi-
mans, sæpe imperium auctoritatemq; detreabat, de iu-
re sæpe dissentiebant inter se etiam boni uiri. Hæc coe-
gerunt tum plebis temeritatem, tum Magistratuum uim
certis legibus moderari: suntq; duodecim illæ tabulæ,
fons iuris nostri, prudentissimorum hominum iudicio
propositæ. Id iugum cupide uniuersa ciuitas accepit, cu-
sentiret urbem non diu futuram incolumem, nisi legi-
bus muniretur.

Porro

clamatum
philosophi

*Deo leges dantur
ut iudici iuramentum
et diffinitum sunt.*

unde leges sunt

*Diffensio in
imperio leges
exterminantur*

*Cur 12 tabulæ
apud Romanos
scriptæ*

Porro cum ciuitates orbis terrarum Principes, coegerit necessitas penè Diomedeas leges condere, quis furor est, apud nos iam usu receptas uelle abrogare, ac inducere: Magna cōsuetudinis uis est, quæ mores omnes, quibus assuefacti sumus, sine perturbatione publica mutari non sinit. Quare leges uel hoc nomine, quod consuetudini mos gerendus est, oportuit conseruari. At cum de rebus humanis etiam bene mereantur, publicam tranquillitatem & libertatem tuentur, obsecro non insaniunt, qui refigere iubent: Actum fuerit de religione, de humanitate, de rebus bonis omnibus, nisi cœtus hominum iure cogantur ac defendantur. Neq; uero inter cætera legum beneficia hoc prætereundum est, quod de expetendis, fugiendisq; rebus, rectas ciuibus opiniones inserunt. Id adeo ad formandos mores, magnum habet momentum. Errant enim mortalium ingenia, nisi certis præceptis regantur, & ut quidq; maxime commodū in præsentia uidetur, ita maxime licere putant, oculos mentemq; libido præstringit, ut quod maxime cupimus, scæpe, nisi dehortetur legum auctoritas, optimum esse ducamus. Auarus nihil esse uitij in fœnore faciendo existimat, At si ualerent leges, quæ fœneratoribus maiorem multam constituerunt, quàm furibus, quis non execraretur fœnus: Sunt quos parum pudet mentiri, At cum ex lege duodecim tabularum è saxo Tarpeio deijciatur, qui falsum testimonium dixisse cōuictus erat, ca ne peius & angue mendaciū oderat multitudo. Perpetuum otium nunc in lauta uitæ parte ponunt, At cum Atticis legibus capitalis esset desidia, grauius audiebat. Furem abominamur, quod in eū grauiissime animaduertatur, angetq; crimen pœnæ atrocitas. Prædonis loco

habes

*Lex de form
rationibus
Lex de h/abg
falsis m.*

habes enim, qui debitoris rem aut pecuniā usurpat, nisi sponte daram. Peperit hanc opinionem lex, quę pronūciat, uim esse, quoties quis id quod deberi existimat, per iudicem reposcit. Nihil autem cum opinionibus, tū moribus nostris instabilius esset, nisi ex certis legibus cōpararentur. Nam ut naturę cursum ad ea sydera, quę eodem semper loco circumaguntur, dirigunt, ita par est, ut ad leges, quę à sapientissimis hominibus latę, & uirtutis uiam rectissime indicant, & sui nunquam dissimiles sunt, opiniones nostras exigamus. Sed ut nulla ratio sit, cur scripto iure utamur, certe Romanę leges merebatur, quas huc importaremus. Quare maiorum nostrorum prudentiam laudo, quod Romanas potissimum leges delegerunt, quas in iure dicendo sequerentur. Et quando hactenus benigne mihi audiendo, operam nauastis, fauete quęso & reliquę orationi. Exponam enim breuiter, cur tanto p̄re iuuat, à Romanis leges mutuari. Vetus hic mos est, ab optime constitutis urbibus, exempla petere. Nihil p̄dixit Atticos, Aegyptias quasdam leges usu capere, ut Herodotus testatur. Nemo Romanis uitio uertit, quod cum cogeret publica necessitas leges conscribere, in Gręciam legatos misere, qui inde legum formulas adferrent, & de Repub. instituenda summos in Gręcia homines cōsulerent. Id et cū maiores nostri fecerint, cū Romę Reip. instituta ad nos attulerint, quid quęso peccarūt? Quę tandē ars ex liberalioribus illis domi nobis nata est? Literas, temporū discrimina, syderū ortus & occasus, architectonicā, Musicam exteri docuerunt, sine quarum cognitione, uita plane manca est: in quibus si nihil offendit peregrinitas, quid uetat externis legibus uti? Quis dubitat nostrā cultiora esse, & literis &

c legibus

nam dicitur
philosophi

Callato.

locus atheni
homis

leges Romanas

legibus Romanis aduersis; & fuere pristino illo barbaro
 seculo; cum nec ingenuis artibus animi nostrorum pri-
 uatim fingerentur, nec publico iure, aut certa disciplina
 mansuescerent. Adeo ne presentium poeniter, ut mira-
 re cum ueterum barbarie libeat: quæ cuiusmodi fuerit,
 uel ex eo potest aestimari; quod humanis hostijs apud
 hos litatum est. Eant quos tanto pere uerussas delectat;
 & glandibus etiam uelcantur. Iam cum Romanis literas
 nos artes aliasque docuerint, quid fuit eum non illorum le-
 ges etiam imitaremur, cum nulla fuerit Respub. quæ aut
 plura nobis, aut illustriora uitæ humanitatisque exem-
 pla, aut humaniores leges proponere potuisset. Fuit il-
 lud omnino unicam uitæ atque humanitatis in terris
 domicilium. Longum fuerit recensere, qui ibi iuxta &
 intra & foris, omnium belli pacisque partium periti, clari
 fuerunt. Noti sunt Camilli, Curtij, Fabricij, Fabij, Claudij,
 Scipiones, Crassi, Iulij, Cicerones, Sceuolæ. Didicerant
 hi Respub. regere, non in umbra, & in ocio, ut Greci, sed
 in sole ac puluere, ut in magistro, uim, inconstantiam, ua-
 riasque uoluntates uulgi, domi forisque, toties experti, no-
 rant quibus artibus in officio retinenda tractandaque sit
 multitudo, norant quæ pharimaca ciuitatû morbis con-
 uenirent. Itaque Vergilius cû alias artes alijs gentibus con-
 cedat, Romanis scientiam gerendæ Reipub. tribuit:
 Tu regere impetio populos Romane memento
 Parcere subiectis, & debellare superbos.
 Porro cum hi qui Musicæ operam daturi sunt, ad no-
 bilissimos se magistros conferant, cum pictores optima
 sibi exempla proponant, cum nō & in gerenda Reipub.
 optime constitutæ urbis tum exempla, tum leges usurpa-
 remus. Milesias credo aut Sibariticæ leges, ut sunt,
 impuri,

impuri, nobis ferent, qui Romanas tanroperederunt. M. Cicero, cū de optimo ciuitatis statu disputat, nō alias nisi Romanas leges ferre, easq; naturā maxime omnium consentaneas esse censet: cui si quid credimus, à natura discedunt, qui à Romanis legibus dissident. Vernaculo quodam iuri Saxones adhuc alicubi utuntur, in quo q̃ multa ex Romanis legibus emendata sunt. Quid fuit minus humanum, q̃ quod uetere Saxones, ne nepotibus amisso patre, auita hereditas ueniret. Correcta lex est in comitijs populorū Germanie, latumq; ut deinceps Romanū ius ea parte Saxones sequeretur. Et municipalia passim statuta, quoties æquitas poscit, sunt enim ferē barbara, Romanis legibus emendantur. Adeoq; magno consensu ius Romanum tanquā oraculum, nationes omnes de equitate consulunt, sentiuntq; leges & placita omnia ad hanc regulam exigi debere, & in hoc extare uolunt, ut in iudicandis pensandisq; omnibus quæ in publicis consilijs decernuntur, gnomonis uices sit. Tam sanctam plurimarum gentium conspirationem reprehendere, quid aliud est nisi insanire. Et meo iudicio sanē q̃ multum interfuerit Reipub. ut maxime in foro apud nos non uersarentur Romane leges, in Bibliothecis eas adseruari, ut inde gerendę Reipub. rationem æqui & iniqui iustum discrimen peterent, quicūq; ad publica munera tractanda animū adiecerunt. Quid enim furiosius est, q̃, quod ferē euenit, accedere ad Rempub. nullis instructos literis, nulla præditos, neq; humanitatis, neq; equitatis scientia? In scenam nemo prodit, nisi histrioniam probe meditatus: nemo fidibus ludit, nisi Musicā teneat. Quanto magis oportet eos, qui Respub. capeffunt, qui consilium, qui opem innocentibus

c ij

pollis

nam autem
phylipps

Romanis legibus
Cicero in
dum populi

alio legro
regum ad
norma Rom
nam.

furiosum est
ad Rempub.
accedere m
ho instructos
lro

pollicentur, honestis artibus dedolari antea, & in scho-
 la bonarum rerum studio, grauioribus negocijs prae-
 dere? Sunt enim hebetiores ferè in discernendis rebus
 communibus, quorum iudicium nullæ literæ acuerunt,
 aut confirmarunt, & feri magis impotentioresq;, quorū
 pectora mansuetior disciplina nō mollit. Belluam aliā
 quam immani sequitia ex cauea in mediam multitudinē
 iures emissam esse, nō imperare hominem, sicubi in in-
 culti imperitiq; Magistratus potestate Rempub. esse uis-
 deris. Quare à doctissimis hominibus de regendis ciui-
 tatibus, de iure, æquo ac bono multa conscripta sunt, ut
 uim uirtutis & iusticiæ Principū oculis subijcerent. Ex-
 tant Platonis politici libri non pauci, extant eodem ar-
 gumento & Aristotelici, depinxit graphice Principem
 Xenophon, quem Scipio sic amasse fertur, ut nunquam
 de manu poneret. Fateor de rebus humanis istos bene
 meritos esse, & multa utiliter monuisse, dignosq; daco
 esse, qui in manibus, in sinu gestentur ab omnibus,
 apud quos in precio uirtus est: uerum nescio quo mo-
 do mihi adumbrasse magis, quàm uiuis coloribus ex-
 pressisse Respub. uidentur, dum à communi consuetu-
 dine, & ciuilibus moribus longius recedunt, & pro suo
 quisq; stomacho ciuitatem sibi somniat. Plato, ut cetera
 omitram, mulieres etiam militare iubet. Aristoteles du-
 bitat, an oppida moenibus cingenda sint. Ad hæc frigi-
 dis argutijs fere immodice delectantur. Socrates apud
 Platonem ex iusticia κληρικὸν facit. Aristoteles par-
 tim in Geometricis proportionibus, partim in Arith-
 meticis consistere iusticiam scribit. Laus ingenij peti-
 tur his parergis, ad rem non ita multum faciunt. Abso-
 lutam uero ciuitatis effigiem est cernere in his legibus,
 quæ

que non in scholis natę sunt, sed in curia, in foro, ut bonis profugium, & portus, & aduersum improbos teli uice essent. Vt offendunt Mimi nisi proxime representent quos imitari instituere, ita & leges parum probamus, à communi captu remotiores. Quare hoc mihi planè persuasi, utiliore esse Romanarum legum cognitionē hīs qui Respub. gerunt, q̃ Philosophicarum in hoc genere disputationū. Grauit̃er, ciuilit̃er, & humanitus omnia constituta sunt à legum auctoribus, idq̃ res cogebar. Erant enim ad ciuilem hominum consuetudinem leges accommodandę, non aliter atq̃ pharmacum attemperari oportet ægri corporis naturę ac uiribus. Philosophi sibi in scholis quędam libere permiscere, quę in gerendis rebus publicis nō fuerit consultum sequi. Sunt quędam in Europa gentes, quę non iudicant res ex Romanis legibus, sed uernaculis. Et tamen qui ibi Respub. gesturi sunt, ferē Romanas leges apud exteros discūt, qui, ut accipio, interrogati, quid, cum nostrarum legum nō sit apud eos usus, in eis cognoscendis tantum opere possunt, respondere solent, Animam se spiritumq̃ legum, sic enim loquuntur, excipere. hoc est, æquitatis uim ac naturam hinc decerpere, ut de patrijs legibus rectius iudicent. Laudo prudentissimam uocem, qua significāt omnia rectius perspexisse summos illos uiros nostri iuris auctores, & neminem satis instructum esse ad ciuitatem regendam, qui non in his cognoscendis tyrociniū fecerit. Quid quod in his iureconsultorum literis bona pars antiquitatis reliqua est: Veteres mores, sermonis Romani pleręq̃ figurę, quas nisi hi explicarent, in alijs scriptoribus nonnunq̃ nō aliter atq̃ in luto hereremus, nec intelligi optimorum auctorum pleriq̃ insignes loci c in possent.

*leges romane
utrobis ipse
ut et fere
et exphanta
scriptorem*

*thamaron
philosophi*

possent. Quod si historia, si alia ueterum litera nobis, ut debent, curae sunt, cum his passim lucem adferant, ut reconsulti, uel à Grammaticis & Rhetoribus eorum commentarios adseruari oporteret. Itaque nisi simul omnibus literis bellum indicemus, & plane in beluas degenerare iuuabit, non permittendum est, ut situ ac senio Romanae leges emoriantur. Quosdam nobilium urbium picturas, quosdam marmora, quosdam statuae delectant, easque summa cura conseruant. Quae, malum, barbaries est, leges, plusque aureum pulcherrimae urbis monumentum, & germanam *et uera* obliterare. Quidam clarorum hominum sententiae unice capiuntur, parietibus inscribunt, annulis inculpunt, illinunt omnibus chartis, siqua insigniter placuit. In his uoluminibus tot extant gnoma, quot leges eritae ex intimis sapientiae peneralibus, ex doctissimorum Poetarum, Oratorum, & Philosophorum monumentis, & recitant doctissimos rerum humanarum omnium imperatores & Iurisperitos, non fratrum fabularum dissimiliores, quam sunt Chiorum in talis Cori, sed instructi literis, usu Reipublicae, domi, forisque gerenda exercitari: uel tantorum uirorum memoria hic honos debetur, ut tanquam exuias, eorum scripta conseruemus. Quod cum summa cura Maiores nostri praestiterint, aequius est illorum nos exemplum imitari, quam ijs obsequi, qui non modo legibus male propiti sunt, sed prorsus neque ius, neque bonum, atque aequum sciunt, melius peius, pro sit, ob sit, nihil uident, nisi quod liber.

Poscit hic locus, posteaque sententiam de legibus nostram exposuimus, aduersariorum calumnias refutare: quae quia leuiusculae, & penè ridiculae sunt, paucis à me perstringentur. Mutillae, inquit, legum Rhapsodiae sunt.

sunt. Publica ea calamitas est, quā infectari minime conuenit, miserescere erat humanius. Oportent autē boni omnes, siquid uotis proficitur, integra ueterum Iureconsultorum uolumina extare. Verum cum hec tantum fragmenta, fortuna nobis reliqua fecerit, impium fuerit, uelut ex naufragio receptis hospitibus, uitam inuidere, praesertim non malis. Nam qui hec consarcinarunt, integras tamen sententias nobis, & legum capita, quantum satis erat, tradiderunt. De singulis casibus anxie superstitionesq; constituere nihil refert, satis est genera rerum & communes quasdam formulas, quemadmodū in alijs scriptis, cōcipere, quibus similia inter se facta metiamur, ne, si res in immensum crescat, nemo cōsequi possit. Deinde in legibus omnibus res cogit breuitatē adfectare, ut animis facilius insigi possint tanq̃ breuia & non obliuiscenda.

Sed ogganniunt aduersarij, obruta esse omnia & cōspurcata sordidis interpretum commentarijs. Ego uero Romanis legibus patrocinator, non neotericis interpretibus: quorum, si prodesse uoluere, laudandus est conatus, & tamen quicquid istucuitq; est, id uniuersum semel impuro inscitiae humanitatis & elegantium literarum: quibus qui non sunt perpoliti, hi nihilo ad tractandas grauiorē disciplinas, magis adpositi sunt q̃ ad lyras asinus. Primum enim cum Romano sermone conscriptae sint leges, quomodo in eis uersabitur, qui linguae figurarum ac uim non tenet? Iam, etsi Septicus legum sermo esset, tamen pinguis iudicant, docent obscurius, et imprudentius, quacūq; de dicere institunt, dant sine mente sonum, quotquot dicendae res non attigere. Magna uis est in humaniorum literarum studio, quam animo rectius cernere, q̃ oratione depingere possumus.

Et exen

thamaron
phulmon

quod legum
pobu mactata
sunt in p...
no in p...

magna uis
in humaniorum
litterarum

Et exempla superioris ætatis commonent, quid sapiant, quotam mentis unciam reliquam habeant, ij qui ab istis artibus alieni sunt. Vides quod inepte tradiderint suas artes Philosophi, quanto conatu, quantas nugas docuerint. Nihilo saniores Iureconsulti fuere qui disputarunt de Lazaro, ualuerit ne testamentum, postea quod is reuixit, & hoc genus innumera. Solebat apud nos doctus quispiam homo, istorum ineptias festiua comento ridere. Non procul oppido quodam, aiebat, ad flumen pistrinum, ex quo cum non ita multo ante aquatum asinus descendisset, cum in extrema ripa seu lutulenta seu tenuior aqua flueret, quod ut os imbueret posset, in proximam cymbam forte pergit, unde uberius iusti amnis aquam hauriret. Porro cum inscendisset nauiculam, impetu detorquet a ripa in medium flumen, quo cum esset excepta, secundis uentis in scopulum defertur. Hic postquam impexit, fracta est, & imperitus ille Nauclerus in undis perijt. Doluit molitori, ubi rem rescuit, iactura, & piscatore in ius uocat, damnum dedisse accusat, quod eius nauigio iumentum auctum sit. Contra ille factam ab asino pauperiem, seque damnum accepisse exclamat, quod nauigiū amiserit, in flumen ab asino impulsus. Vtrinque acerrime a conductitijs rabulis certatum est. Iudici causa uisa est intricatior, quod ut liceret, non consultis iuris professoribus, pronunciare. Deferunt ad leguleios. His uero negotium mirum factum est, dum pro se quisque uindicare asinum contendit, disputationes uarias instruunt, rixantur de asino in scholis & conciliabulis pertinacius, opinor, quod Grecus ille de asini umbra, & haud scio, an nondum etiam de summa rei decreuerint. Obsecro non insanire tibi uideatur, si qui se in tam ridicula causa diu torqueant? Verum, mihi crede, istorum disputa-

disputationes futiliores sunt hac molitoris contentio-
ne. Quotus enim quisq; de cōmunibus rebus ciuilitate,
& ex communi sensu iudicat? Ingenia in stultis formu-
lariorū literis obbrutuerunt, hasq; in scholis & foro non
aliter atq; suas epodas Magi non intellectas recensent.
Nihil hic de Grammaticis et puerilibus erratis, de barba-
rie sermonis queror, quā præscriptione tuentur, iudicij
inopiam accuso, quā fit, ut nec ius nec fas in plerisq; cau-
sis cernant. Aduersus eam pestem, dicendi artium studio
mens prēmunienda est, perinde atq; aduersus Circes ue-
nena, Vlyssenti moly herba Mercurius prēmuniit. Si
quid iuris interpretes inscitia literarū peccarūt, uestrum
est, uestrū, inquā, honestissimā provinciā repurgare, &
explosis indoctis cōmentarijs à situ & squalore leges ad-
ferere, & germano nitore restituere. Id humanius est, q̃
leges ipsas neutiquā male meritis de nobis, obliterare.

Sed audio etiam de professorū moribus nonnullos
queri. Primū optarim hos censores in suis uitjs emen-
dandis, nolo enim nunc quidquā acerbius dicere, tam
esse acres, q̃ sunt in reprehendendis alienis oculati. De-
inde cū sint in hoc ordine pleriq; boni uiri, iniquum est
legibus imputare, si quid adferunt uitij professores. Iam
ego ob hanc causam doctissimos & optimos quosq; cu-
pio legibus discendis operam dare, ut extrusis ueterato-
ribus & lycophantis illis, iudicia, forumq; redeant ali-
quando in bonorum ac doctorum uirorū potestatem.
Modo res iudicant indocti ferè, qui ne nihil sapiant,
unum aliquem ex uulgaribus pragmaticis in consilium
adhibent, in quibus ut quisq; est indoctissimus, ita est au-
dacissimus & nequissimus. Huius uident oculis, huius
audiunt auribus reliqui omnes, quod hic somniarit, re-

d liqui

clamarum
phylip

In rabula
mucis
liqui decernunt: Ait, aiunt: Negat, negant. Capita sunt sine linguis, ius ipsi & uim equitatis ignorant. Leguleius ille naribus omnes tanquam bubulos trahit. In tanto iudicium ueterno, irrepunt in forum & uanissime rabule causas acturi, qui, quando is quaestus est uberrimus, ex libris lites ferunt, clientes deglubunt. Respub. depeculantur, indoctum iudicem nouis subinde technis ludificantur. Non possum adduci ut credam, Athenis unquam Lycophantias, qui sic dicebantur, ullos nostris impudentiores, nequiores uel fuisse. Ausim & haec uitia inscitiae elegantium literarum imputare, quarum qui sunt impetiti, nescio quibus artibus ad honestatem flecti possint, quando uim uirtutis, nullae alię literę perinde oculis nostris subiecere, atq; he, quę humaniores rectissime uocantur. Et cū ne leges quidem ipsas attingant isti, tantū ex uersutorum quorundam formulis sapiant, ne possunt quidē contagione pestilentissimarū literarū non infici.

Solon mori
multatando
per uisum h
q. d. dicitur
Proinde cū nulla meliore disciplina animi ad uirtutē assuefacti sint, nihil pudet in quaestu ius habere, uitiares leges, detorquere malitiosis interpretationibus, in quā uolunt partem. Solonem refert Demosthenes, cū reum ageret quendam perniciosę legis autorem, dixisse, Cum capitale sit nomisma adulterare, morte multandos esse etiam eos, qui leges uitiant. Propterea q̄ ut in priuatis cōmercijs ac contractibus nomismate utimur, ita publicis commercijs & negocijs leges esse nomismatis uice. Recte Solon. Atq; utinam eō redeat res, ut & in nostris iudicijs petulantia, impudentiaq; rabularū coherceatur, mulctetur dolus. Id adeo fiet, ubi ad Rempub. boni uiri adcedent, literis & cognitione iuris instructi, quibus isti imponere nec ausint, nec possint. Itaq; Reipub. interest, ut optimi

ut optimi quique et uirtutis amantissimi ius perdiscant, ut si quando publicum munus tractandum est, recte gerendæ provincie artes teneant. Videmus enim quos ludos Rebus publicis ubique Magistratus imperiti & indocti reddant, quos, ut boni sint, necesse est multa incautos peccare, & tamē ferē ita sit, ut deteriores sint, quo sunt indoctiores.

Dixi de legibus, longius fortasse, quā ferebat tem-
pus, sed omnino parcius, quā & res poscit, & ego uolebam. Reliquum est, ut eos qui in legibus uersantur, adhorter, ut strenue pergant, nec ē medio cursu reuocari se indoctorum uocibus patiantur. Nam cum iudicia adprobet religio, non modo nō impium, sed sanctū etiam officium faciunt, qui rite de iure respondent, aut res iudicant. Plerique posteaquam hanc induere persuasionē, uersari se in re prophana, & quam Deus nihil moretur, minore fide curaque munus suū obeunt. Hos meminisse uolo, Deum & iuris autorem esse, et iudicem futurum. *Deus autor et iudex iuris*
Libra & pondus, inquit Salomon, iudicia Dei sunt. Quate si quid iniquum statueris, nō hominum tantum mores uiolari credas, sed Deum, à quo iudicia constituta sunt, offendi sentias. Non hominis, ait optimus Princeps Iosaphat, exercetis iudicium, sed Dei: adest spectatōr & arbiter consiliorum uestrorum Deus: Sit timor Domini uobiscū, accurate rem gerite. Hoc uero diuinus spiritus oraculum nō illi tantū seculo, sed omnibus qui ubique ius dicūt, prodidit. Nulla sanctior in terris functio est, quā *diuina* Ecclesiastica. Huic proxima est, ius dicere, quam si recte gesseris, nemo Monachus, nemo Heremita superiore est apud Deum loco. Prophanū munus est, sed quod nō minus religiose tractari oportet, quā ad aram accedendum est sacrum facturis: imō hic uere

d ij sacrum

ORATIO DE LEGIBVS.

sacrum facis, cum publicę tranquillitati ac paci operam
 nauas. Quo pluris autem hoc officij Deus facit, eo sunt
 execrabiliores, qui publicā in foro sycophanticam exer-
 cent, bonorum extorres, legum contorres, qui uel
 ob hanc causam ferendi non erant, q̃ à ciuitatibus horū
 flagitia Deum non raro abalienent, grauiter succensens
 tem constupratis iudicijs. Porro cum non dissideant cū
 pietate leges, & usu receptę sint, nihil moremur eos, qui
 se insectandis ciuilibus moribus ad uulgus uenditant.
 Nam sine publica calamitate receptas leges mutari non
 posse, & res docet, & sapientissimi quiq; monuerunt.
 Exabat apud Locros in bene constituta ciuitate, ea de
 re lex, ut quisquis aduersus receptas leges rogationem
 ferret, is eam inserto in laqueum collo suaderet: quasi
 uidebatur è Repub. esse, salutis euadebat autor: strangu-
 labatur autē constricto laqueo, ubi oratio displicuisset.
 Neq; dubium est, quin id ita constitutum sit, ne temere
 inducerentur usu confirmatę, probatęq; maiorum iudi-
 cio leges. Et Athenis νομοφύλακες erant, qui apud præ-
 fectos in omnibus publicis concilijs, candidis fascijs co-
 ronati adsidebant, ut prohiberent, ne quid contra rece-
 ptas leges decerneretur: Deniq; ut quęq; ciuitas optime
 constituta fuit, ita minime passa est leges antiquari. Pro-
 inde nos quoq; publicum ius diligenter tueamur, præ-
 sertim cum Romę natum sit, in principe orbis terrarum
 Repub. in prudentissimorū & doctissimorū hominum
 concilijs, quorum non modo literę nos æqui & iniqui
 discrimen docent, sed exempla etiam & res præ-
 clare gestę, ad uirtutis studium
 adhortantur.

Dixi.

Oratio

*Lex apud
 Locros de
 rogatione
 legum*

*Nullus leges
 apud Athenas
 mutare*

ORATIO IN PROMOTIONE CIVIS
dam Iurisperiti habita à Doctore Sebaldo Munstero,
Res non iudicandas secundum arbitrium
Iudicis, sed secundum scriptum
ius, Anno

1532.



Vm ante paucos dies uir clarissimus Do-
ctor Hieronymus præceptor noster optime
meritus, & de magnitudine professionis
nostre sapientissime dixerit, & grauissima
oratione negligentiam discipulorum casti-
gauerit, spero uos propter auctoritatem uiri summi li-
benter meminisse eius orationis, eaq; ita affici, ut genus
ipsum doctrinæ suæ magnitudine merentes, statuatis
uobis & solidam eruditionem expetendam, et ad eam
consequendam, studium acerrimum conferendū esse.
Me quidem ipsum ualde mouit, & curam mihi sollicitu-
tudinēq; maiorem accedenti ad forum & Rempub.
circūdedit. Itaq; de his ipsis rebus nihil arbitrabar à me
dicendum esse. Nam neq; auctoritatem maiorem ad
uos adhortandos afferre quisquam potest, quàm ille
affert, propter summam doctrinam, & maximum rerū
usum. Neq; uideo quid dici grauius in ea causa possit.
Quoniam autem hæc scena me quoq; dicere aliquid co-
git, peto à uobis, quia in hunc locum ascendi non priua-
to consilio, sed auctoritate amplissimi ordinis nostri,
ut me pro uestra erga hunc ordinem beneuolentia di-
centem benigne audiat. Institui autem disputare de
quadam uulgari persuasione hominum siue imperito-
rum siue inuidorum, qui ius scriptum ex foro & iudicijs

d iij ejci

ejci uolunt & iudicari res sine certis legibus arbitrio eorum, qui iudicia exercent. Nam hac opinione refutata, facile intelligi potest, hoc doctrinae genus, in quo uersamur, Reipub. necessarium esse. Nonnulli egreferunt sibi in iudicijs nihil loqui licere, nisi dictata à Iureconsultis: Et quia puer uelut mutas personas assidere in iudicijs, non de publica utilitate, sed de sua existimatione dimicant, iubent auferri hoc scriptum ius, ut ipsi quoque sapere aliquid putentur. Et adplaudunt his indocti atque imperiti multi, sed reclamant exempla tot Rerum publicarum & sapientissimorum uiro- rum, qui leges scripserunt, & usu compererunt, non posse teneri tranquillitatem Rerum publicarum sine scripto iure. Atque ego interdum de his rebus cogitans, conferre soleo Medicinam, & hanc scientiam rerum iudicandarum. Plane ridicula res esset, si quis litetas omnes & doctrinam, quae Medicinam continet, aboleri uellet, & ex quadam communi prudentia potius consuli egrotis. Obsecro, quale futurum esset hoc medendi genus, siue doctrina, siue experientia, siue obseruatione ulla? Profecto nihil aliud nisi catinificina esset. Ita iudicia in domesticum latrocinium conuerterentur, si sine legibus pronuciare liceret, quidquid aut stulto, aut imperito, aut irato iudici in mentem ueniret. Et ut maxime iudicia prudentes & boni tenerent, infinite inter hos dissensiones orirentur. Multa enim incidunt ubi aliud alijs uidetur, Et qui uelit ingenio cedere rarus erit. Deinde ut maxime conueniat inter hos, qui pronunciant, quomodo poterit persuaderi contentiosis litigatoribus, rectissimum esse quod illi pronunciant, nisi scriptum ius extet, quod cum sit commune foedus ciuitatis, ut ille ait, litigatori non licet eius

author

*Collatio pul-
chra medicinae
ad iurispru-
dentiam*

authoritatem detrectare. Nam his legibus quasi pactus
est cum Magistratu, cumq; tota Repub. nequid moueat
contra eas. Itaq; scriptæ leges muniant iudicum auctori-
tatem aduersus improbos & contentiosos litigatores.
Neq; ego ignoro quæ contra dicantur, semper enim fa-
cilimum est presentem Rerum pub. statû reprehendere.
Sed quid futurum esset, sublati legibus. Si eius status
incommoda uidere possemus, presentem formam ma-
gnopere nobis defendendâ esse statueremus. Exempla
uideamus. Etenim nō ferenda arrogātia est, de re omni-
um maxima dissentire à sapientissimis uiris, qui maxi-
mas Respub. constituerunt. Nullum certum ius habea-
bant Athenæ, itaq; ex iudiciorum confusione maxime se-
ditio nes extiterūt. Nec poterat restitui ciuitatis tranquil-
litas, nisi certe leges essent, quibus prepositis nemo pos-
set fidem iudiciū in dubium uocare. Idem Romæ accidit.
Et quidē Populus Romanus. Grecas leges describi, ut
optime atq; humanissime eligi possent, curauit. Quid,
q̃ ita Deus ipse iudicauit, qui cum Rempub. Ebrææ gen-
tis cōstitueret, certas leges tulit, & ex scripto iudicari ius-
sit. Quanquam si recte estimare uolumus, non hęc tantū
Ebraicæ leges diuinitus traditæ sunt, sed sentiendum est
uere diuinitus Respub. etiam apud Gentes constitutas
et gubernatas esse, sicut Paulus testatur, Omnes Respub.
omnia imperia à Deo ordinata esse. Quare Deus non
solum Iudaicarum legum, sed etiam harum nostrarum
author est, quas sapientissimæ nationes, et optime cōsti-
tutæ ciuitates tenuerūt. Extrat hęc disputatio et apud Ari-
stotelē, Vtrum satius sit res ex scripto iure iudicare, an ex
arbitrio iudicum: sed Aristoteles longe prefert ius scrip-
tum. Et quidem ita dicit: Qui legem præficit, Deum
& le-

& leges uult præesse, sed qui hominem præficir, addit ei
 belluam, uidelicet cupiditatem & iracundiam, quæ sunt
 belluina, & peruertunt animos etiam in uiris optimis.
 At lex est mens sine cupiditate. Sed quid isti Centauri iu-
 dicium Aristotelis morarentur, qui neq; maximorum
 uirorum, qui Respub. constituerunt neq; sapientissima-
 rum cigratum, deniq; neq; Dei iudicio mouentur. Scia-
 licet plus uident homines ebrij, stulti, imperiti, quàm
 Solon, quam Senatus Atheniensis ac Romanus, quam
 Moses, deniq; quam Deus ipse conditor Rerum pub. &
 legum autor. Sed quid in rem manifesta opus est longa
 disputatione? Hec dixi tantum ad præmuniendos ado-
 lescentes, ne perniciosi illis opinionibus indoctorum
 adsentiantur. Demosthenes in quadã grauissima causa,
 dicit legem fuisse apud Locros, ut si quis suafurus esset
 nouam legem, proponeret suam sententiam uniuersæ
 ciuitati, collo inserto in laqueum, ut si res displicuisset
 statim strangularetur, sin autem placuisset noua lex,
 dimittebatur author incolumis, exempto collo ex la-
 queo. Et quia nemo facile iudicium uniuersæ ciuitatis
 subire ausus est, annis amplius ducentis, nulla noua lex
 lata est. Hæc Demosthenes recitat, ut doceat in bene cõ-
 stituta Repub. præcipue hoc caueri, ne temere leges mu-
 tentur. Proinde sciatis uobis, adolescentes, nullo modo
 cum ineptis illis sentiendum esse, qui ius scriptũ, & hanc
 doctrinam quam profitemur, ex foro explodi uolunt.
 Quin ita cogitate, inter cetera honesta officia hoc quoq;
 requiri, ut de iure ac legibus reuerenter sentiatis. Vos ue-
 ro scholastici Iuris, memineritis hanc doctrinam non so-
 lum ad hoc tradi, ut causidicos efficiat callidiores, sed
 multo magis, ut uiros iustos ac bonos efficiat. Hoc pu-
 tetis

apud Locros
 lex de eo q
 uoluit deo
 quæ lex

In quem fi
 in tradit
 in no prudentia

teris in hac doctrina præcipi, quod est apud præstantissimum Poetam:

Discite iusticiam moniti, & non spernere diuos.

Dabitur igitur operam, ut cum ipsa doctrina studium iusticiæ & omnium uirtutum coniungatis. Quod quis deum facietis, si ad perfectam doctrinam aspiratis. Nemo enim perfectam doctrinam consequi potest, nisi dignitatem & magnitudinem harum rerum intelligat. Id autem fieri non potest, nisi uim uirtutis intelligat. Et cum perfectam doctrinam expetitis, ordo etiam adhibendus erit, & sumenda ex alijs artibus instrumenta necessaria ad hanc professionem. Quare si quis est, qui contemptis omnibus literis, irruit ad ius, is sciat se ipsi doctrinæ iuris iniuriam facere, quæ neque uult contemni alias bonas artes, neque percipi sine

magna scientia multarum aliarum artium potest.

Dixi.

Dixi.



e

Oratio

clamarum
phylax

ORATIO PVBLICE HABITA VVI
tenbergæ in promotione Doctoris Iuris, de Scri-
pto iure, & dignitate veterum inter-
pretum iuris.



Vtiliter institutum est, ut in quadam fre-
quentia omnium ordinum, & totius Scho-
lastici cœtus decernantur gradus et doctri-
næ testimonia. Primum ut publica suffra-
giorum nostrorum renunciatio plus auto-
ritatis haberet. Deinde ut in hac frequentia iuventus de
studiorum dignitate atq; utilitate admoneretur. Itaque
alii summa cum gravitate hic sepe de legum dignitate,
& de hoc toto genere doctrinæ dixerunt, ac ostenderunt
hæc nostra studia præcipue ad Reipub. pertinere, secu-
ritatemq; ingentem confusionem ac barbariem vitæ ho-
minum, si hæc etuditior doctrina Iureconsultorum de-
leretur. Nec vero quicquam honestius est, & omnibus
bonis viris, ac præcipue nostro ordine dignius, q̃ pro-
pugnare leges adversus furorem vel populi, vel Tyran-
norum. Nullæ victoriæ, nulli triumphi plus vere laudis
merentur, q̃ hæc defensio, propugnatioq; iuris & doctri-
næ, quæ est Reipub. necessaria. Quanquam autem hæc
causa summis eloquentis viribus ornanda erat, tamen
omniū laudanda est voluntas, qui etiam si non possunt
parem eloquentiam tantæ causæ adferre, mediocriter de-
clarant suum studium & iudicium. Alij plus adferunt
vel authoritatis vel facultatis, sed tamē quia mihi nunc
hæ partes dicendi à viro clarissimo Decano Collegij no-
stri, domino Doctore Hieronymo, præceptore nostro
summa observantia, fideq; colendo, mandatæ sunt,
æquum

requum est, uos quoque propter auctoritatem Collegij, me bona cum uenia audire, etiamsi non possum pro dignitate hanc nostram doctrinam ornare.

Suetonius scribit Caligulam, qui uerius fuit immanis quædam belua quam Imperator, si uixisset, aboleretur fuisse omnia scripta Iureconsultorum. Sunt autem non pauci hoc tempore, qui similiter oderunt ius scriptum, sed precipue tamen Iureconsultorum doctrinam, ac mallent res iudicari arbitrij potentum, non scripto iure, quemadmodum hodie dicuntur Scythæ aut aliæ barbaræ nationes regere suas ciuitates, & iudicia exercere sine scripto iure. Horum errorem breuiter refutabo.

Quæ sunt autem causæ quare potentes oderunt ius scriptum? Prior est, quia nolunt legum uinculis coerceri, nolunt suas cupiditates frenari auctoritate certi iuris, sed experunt Tyrannicam licentiam, & faciendi & devertendi quicquid liber. Altera causa est, quod nonnulli fremunt, se suis Iureconsultis in Repub. tanquam multas personas esse, quod uelut in aliena tutela esse, & ad alienum præscriptum decernere cogantur. Hanc seruitutem, ut ipsis esse uideretur, ægreferunt, præsertim si qui sunt ferocioribus ingenijs præditi. Nam ut naturâ alij temperantiores, facilius patiuntur iustas leges, alij in temperantes minus eis sunt morigeri. Ita in genere sit: Aliæ naturæ magis contumaces sunt, & minus patientes freni. Hij sunt odij fontes quos dixi. Quod cum sit iniustum, & noceat Reipub. repugnare bonos & prudentes omni studio decet, ne abolita doctrina Iureconsultorum, infinita tyrannis ac barbaries sequatur.

Vetus est autem disputatio, utrum magis expediat, regi ciuitates arbitrij gubernatorum, an scripto iure,

c ij Sed

*Caligula si
uixisset aboleretur
fuisse omnia scripta
Iureconsultorum*

*Causæ cur
odij possint
dubio ius
scriptum*

*Quæstio an ex
iudicet magis
ex arbitrio
gubernatorum
aut legi scriptum
iustitiam*

Sed cum oporteat ius esse certum, uoluntates autem gubernatorum sint incertæ, sæpe etiam prauæ, necesse est extare certam regulam, quæ dominetur in iudicijs & gubernatione. Ideo præstantissimæ Respub. etiam si primum tantum consilijs Principum administratæ sint, tamen postea scriptû ius expetierunt, id est, Attica & Romana, ut certi iuris autoritate tuta esset libertas. Quam pauci sint boni Principes, dictum Claudij cuiusdam indicat, qui ait, Omnium bonorû Principum imagines in uno annulo sculpi posse. Deinde & boni facile deprauantur inter tot corruptelas. Nec de nihilo est, quod ille in Tragœdia ait: Vt nemo doceat fraudes, & sceleris uias, regnum docebit. Sæpe uero optimis & uigilantibus, tamen falsa recti species imponit. Ideo consensus prudentum testatur, melius esse uti scripto iure: Atq; ita pronunciat Aristoteles, cuius uerba tanquam oraculum inculcari, præsertim nostræ ætatis hominibus oportuit, sic enim ait: Qui legem uult dominari, uult præesse Deum & leges: qui autem hominis arbitrio uult regi ciuitatem, sæuissimam beluam addit. Nam cupiditates & ira gubernatores deprauant, etiam si fuerint optimi uiri, quare lex est mens sine cupiditate. Nec disputabo de re manifesta prolixius, nemo enim sanus nō uidet melius esse uti certo iure, quantum fieri potest, quàm incerto.

Quanquam autem illi, qui nostræ doctrinæ iniqui sunt, non prædicant se hoc uelle, ut nullæ extent scriptæ leges, sed illas longas doctorum disputationes, & molem commentariorum improbare se dicunt. Scio hac in re multos errare, etiam ex Scholasticis, qui imaginantur iuris scripti possessionem sine disputatione interpretum retineri posse, sed longe falluntur. Tollere doctrinam, est in

*Claudij dictum
de paucitate
bonorum principum
in uno annulo
sculpi posse.*

*Aristoteles
uerba de iure
scripto.*

*Commentarij
sunt in locum
datus.*

est in uniuersum abolere ius scriptum: nec enim leges si-
ne illis lumen habere possunt, neque natura patitur, ut ul-
lum usquam ius exerceatur sine disputationibus, sicut graui-
sime dictum est à Pomponio indigestis legibus lais na-
tura licet euenire, ut interpretatio desideret prudenti-
um auctoritatem, & necessariam disputationem. Hæc sen-
tentia, cum sit uerissima, gratia potius habenda est peri-
tis, qui illustrauerunt leges suis lucubrationibus, quam
reprehendenda industria. Semper omnibus seculis, in
ciuitatibus bene moratis, disputationes de legibus exte-
rerunt: scribuntur enim leges de moribus & hominum
actionibus, quibus nihil est flexibilius & magis uariū.
Non proponuntur, ut in Geometria, sententiæ de men-
sura aliqua immutabili figurarum, & tamē opus est rex-
gula & arte, quæ negocia ad fontes reuocet, ut id quod
naturæ propius est decernatur. Videtis in Theologicis
præceptis, tametsi pauca & tantum uniuersalia sint, ta-
men adhibendam esse explicationem. Nam dicta de fa-
cultatum desertione, de non uiuendo, quantū pare-
rent absurditatis, si non accederet erudita interpreta-
tio: Quanto magis opus est interpretatione in hac uar-
rietate forensium sententiarum, quæ colligunt multa
particularia. Fuerunt igitur statim initio post natas le-
ges, qui adderent interpretationes: & Athenis à certis
Magistratibus interpretatio petebatur. Laudanda est
igitur prudentia summorum uirorum, qui postquam
Imperatoris Lotharij tempore rursus ex bibliothecis
prolatæ sunt humanæ leges, & in forum, ac curiam re-
uocatæ, statim addere commentarios cœperunt. Ut au-
tem singulari beneficio Dei arbitror tunc restitutum esse
ius Romanum, ita non potuit fieri nisi diuinitus, ut sit

e iij

mul

nam autem
philosophum

pomponij sen-
tentia admittit
disputationem

Lothary imper-
toris tempore le-
ges rursus pro-
latae sunt.

multot preclara ingenia exorirentur, quæ operam con-
tulerunt, ad illam ueterem doctrinam illustrandam.
Qua in re si quis cogitat quanta fuerit difficultas initio,
non poterit non uituperare stulticiam, atq; ingratitudi-
nem eorum, qui hos Herculanos labores, non magna
pendunt. Vetus consuetudo fori ac iudiciorum Roma-
norum fuerat antiquata, erant ignora: historiae ueteres,
quæ & ipsa lumen sæpe afferunt legibus, lingua uetus
corrupta erat. In his tantis impedimentis, tamen ingen-
ti animo Iuuerius, & deinde alij coeperunt conferre tex-
tus, quæerere sententiam ex ipsis legibus, ideam toti-
us ueteris Reipublicæ animo informare, & quasi ima-
ginem quandam imperij restituere: ita coepit lingua ue-
tus fieri notior.

Magna gloria est Solonis & aliorum, qui ciuitati-
bus leges scripserunt, & Respublicas sapientes constitue-
runt, nec dubiū est eiusmodi opus inter humana omni-
um longe difficillimum & utilissimum, diuinitus regi.
Sed non minor gloria debetur magno iudicio Iuuerio, &
cæteris qui illius gloriosi laboris socij fuerunt. Necesse
est enim scriptores illos, non solum ingenijs, sed etiam
usu & peritia administrandæ Reipublicæ excelluisse.
Nec sine acerrimo studio ars integra comprehendendi ani-
mis potuit. Multa monebat illos peritos uiros usus, quæ
habuerant in administratione: Nam Iuuerius longo tē-
pore fere totam Italiam rexit. Sed tamen usus sine dili-
gentia, sine studio, nō sufficiebat. Tanto labore patefas-
citas & illustratas leges rursus obruent æternis tenebris,
isti qui interpretes aboleri uolunt.

Vsitata querela est non intelligere homines præsen-
tia bona, ita est profecto. Si deessent ueterum commen-
tarij,

*Iuuerius p
capit quære
re sententias li
gub*

*praesentia bo
na non intelli
guntur*

tarij, quis nunc intelligere artem posset. Quare dum sit opus scripto iure & conseruari has Romanas leges omnes prudentes optent, necesse est etiam his interpretes adhibere, ac sequi tanquam artifices & monstratores viæ. Sapientissime inquit Constantinus in Codice de iudicijs, lege placuit. Acquitatem scriptam antefereendam esse stricto iuri. Cum enim multi habeant in ore nomen æquitatis, & hanc uelint anteferi legibus, Imperator illa iudicia laxat, ac reuocat nos ad scriptum, id quod pronuntiat æquissimum esse, quod scriptum est. Fortassis autem hanc uocem Constantini reprehendunt alii qui, qui dicunt æquitatem esse moderationem scripti, ut uult Aristoteles, non ipsum scriptum. Sed hæc cauillatio facile dilui potest. Regulariter ea quæ lege constituta sunt in eo casu, de quo principaliter lex loquitur, sunt æquissima. Vt cum lex recens furem capitali supplicio puniri iubet, loquitur principaliter de eo, qui atroci consilio furatus est, non de eo, qui uel ætate lapsus est, uel fame impulsus. Iudex igitur in casu, de quo lex principaliter loquitur, non discedat à lege. Nam cum legitimis imperijs obedire nos iusserit Deus, necesse est etiam, parere uoci legum. Deinde quorsum attineret proponi ius scriptum, si liceret Iudici privato arbitrio discedere à scripto quoties uellet. Hæc licentia quid esset, nisi legum dissolutio & abrogatio. Sed cum incidit casus, de quo lex non principaliter loquitur, propter aliquas circumstantias, ibi locus est illi moderationi, de qua Aristoteles loquitur.

Lex de Sabbato, præcipiebat uacationem, uidelicet ut populus audire doctrinam cœlestem posset. Arcum Antiochus in Sabbato cessantes Iudæos adorabat, neciam

æquitas est in iure scripto

æquitas non est moderatio scripti sed ipsum scriptum æquissimum

*nam autem
philosophi*

neciam populus audire conciones posset, sed defendere armis ueram religionem deberet, ne funditus interiret, recte fecerunt ductores populi qui non obseruata uacatione Sabbati, hostes depulerunt ac profligauerunt. Nam lex de Sabbato non compleditur hunc casum necessitatis. Regula est igitur: Scripta æquitas semper in ijs casibus, de quibus scriptum loquitur, nec ab ea regula discedendum est. Sed omitto hanc disputationem, illud tantum moneo adolescentes, ut insigant animis hanc uocem Constantini de scripta æquitate, sciantq; hunc esse interpretum scopum, ut illam scriptam æquitatē collatis textibus ac rationibus colligant.

Extant in præceptis politicis multæ grauissimæ sententiæ, quæ prohibent non necessariam legum mutationem. Sed recitare plura testimonia longum esset, tantū commemorabo unum quoddam exemplum, quod extat apud Demosthenē. Locris ait legem fuisse, ne aut præsentēs leges abrogarentur, aut nouæ ferrentur, Sed si quis esset aut abrogaturus aliquam, aut nouam laturus, proponeret suam sententiam publice, stans collo inferto in laqueum, ut si lex placuisset populo, dimitteretur author laxato laqueo: sin autē displicuisset, laqueo constricto mox strangularetur author. Nihil est incertius populi iudicijs, ideo annis ducentis, nemo ausus est subire huius iudicij periculum, nec ulla noua lex propofita est, præter unam, Vt ambo oculi effoderentur isti, qui unoculo effodisset unum illum oculū. Videte quanta seueritate ueteres legumlatores cedere temerariis legum mutationes uoluerunt. Prouidit idem callide Lycurgus, qui cum exponeret ciuib; se consulturum oraculum de legibus promulgatis, ac peteret ut iusiurandū darent

*Locris lex de
abroganda
lege*

*Si unoculo ali
quis effodiat
illum oculum
ambo ei effodi
endi sunt*

darent, se interim dum abesset, non immutatu-
 leges. Discedens igitur, nō est reuersus, ut perpetuo obli-
 gatus religione iuramenti teneret. Ita durauerunt leges
 illæ annos quingentos. Hæc atq; alia multa à doctis
 proponuntur, ne iura uero consilio recepta, temere mu-
 tentur. Præcipue uero Christianos decet cauere, non ne-
 cessarias disputationes, cum propter Deum legibus &
 uniuersæ politiæ reuerentiam debeant. Nec dubiū, quin
 si amitteretur hæc erudita iuris doctrina, magna confu-
 sio & barbaries in iudicijs & moribus secutura

esset: quam ut prohibeat Deus, qui est

autor boni status po-

litici, opto.

Dixi.



DE DIGNITATE LEGVM

Oratio:



Nihil in uita utilius est, quàm inferere atque
 instillare animis bonam & honorificam
 opinionem de Legibus. Nec ulla maior est
 uitæ ac morti perniciēs, quàm assuefacere
 animos ad leges contemnendas aut cauil-
 landas. Hæc sæpe inculcari adolescentiæ cum sit utilissi-
 mum, recte fieri iudico, quod in his promotionum spe-
 ctaculis sæpe idem argumentum de dignitate legum re-
 petitur. Quid & honestius est, quàm predicare & orna-
 te dona Dei, & ad earum rerum intellectum & reueren-
 tiam

tiam exuscitare imperitam adolescentiam, quæ sunt in
uita utilissima? Aut quarum rerum commemorazione
potius personare doctorum coetus debent, quam his ser-
monibus, qui profunt ad ornandam gloriam Dei, &
ad disciplinam iuuentutis, præsertim cum indoctorum
& malorum congressus abundent conuictis legum. Ac
mihi sæpe in mentem venit, hæc conuicta non tantum
ex quadam hominum iusticia aut imprudentia oriri, sed
spargi à Diabolo tanquam spicula ad sanciantes rudes
mentes, ut legum reuerentia extinguatur, & sequatur dissi-
patis disciplina, quæ & religioni & tranquillitati com-
muni noceat. Est autem nostri loci atque officii, reuellete
illa spicula, hoc est, falsas persuasiones ex animis homi-
num, & cum oratione, tum exemplis illustrare atque or-
nare legum ac iuris dignitatem, ac retinere disciplinam
quantum possumus. Cum igitur in hoc loco alius iur
clarissimus D. Doctor Hieronymus, quem non solum
propter beneficia quæ in me priuatim contulit plurima,
sed etiam propter excellentem uirtutem & doctrinam
ueneror, & tanquam patrem colo, grauissime nos ad-
hortatus sit omnes ad reuerentiam legum, deinde etiam
auditores nostros ad diligentiam in discendo, Ego hoc
tempore aliud argumentum, & si uicinum, sumam. Tra-
ctabo enim scholasticam disputationem utilem studiosis,
Quod Christianis non sit necessarium uti legibus Mo-
saicis, sed quod liceat uti legibus, quæ iuri nature consen-
taneæ sunt, etiam si ab Ethnicis Magistratibus conditæ
sunt. Deinde ostendam, Romanum ius antecellere legi-
bus aliarum Gentium, & uere quandam Philosophiam
esse. Scio enim ante aliquot annos, quendam Iudaico
ingenio præditum, contendisse hic etiam publice, non
licere

dimisso

licere Christianis Ethnico iure uti, quia Christianos oporteat uerbo Dei gubernari. Postea in publicis con-
 tionibus damnabant eius sectatores poenam usitatam
 furti, & pleraque alia instituta ciuilia Imperij horum tem-
 porum. Porro hæc tribuni legum abrogationes & in-
 iustæ sunt, & concutiunt Respub. ut euentus in illo terri-
 bili motu uulgiante annos tredecim ostendit. Sunt &
 hodie in administratione ciuitatum nō pauci, quorum
 conscientia supersticiosæ opinionibus cruciantur, quia
 non recte institutæ sunt de rerum politicarum usu. Nec
 hi errores nunc primum nascuntur, uetera Monachorū
 deliramenta sunt, quæ Diabolus nunc uelut sopitum
 ignem rursus exuscitat, ut solet easdem hæreses subinde
 renouare. Quare prodest iuuenes admonere, & ut de
 hac questione rectius iudicent, & ut in dogmatibus ius-
 dicandis ueræ Ecclesiæ sententias consulant. Ac primū
 diluam argumentum quod opponitur, Christianos gu-
 bernari debere uerbo Dei: quare contendunt, opus esse
 scripturæ in iudicijs ciuilibus. Expedita & plana respon-
 sio est de corporali uita, ut de cibis, medicina, architecto-
 nica. Christianos etiam gubernari uerbo Dei, sed gene-
 rali, quod sinit usum harum rerum approbatū esse à Deo,
 imò has ipsas res Dei dona esse, cōdita ad usum nostrū.
 Cæterum ut Medicus seu Architectus non sumunt præ-
 cepta suarum artium ex scripturis, ita nec Legislatorem
 de rebus politicis opus est, præter generalem regulam,
 sumere ipsam artem ex scriptura. Nam Euangelium cū
 propriè concionetur de æterna & spiritali uita, non mu-
 tat, non labefacit œconomiam, aut politicam uitam,
 quæ collata ad interiores cordis motus, persimilis est
 domui. Verum domus est singulari arte extructa, apte
 f ij contignatis

*Polihra ysa
 p. m. h. n.
 Domini*

contignatis omnibus partibus, ac regit hospitem aduersus tempestatum iniurias, interea tamē hospitis animus non intra hos parietes cohercetur, sed tacitus de Dei uoluntate & de aeternitate cogitans, procul tanquam in coelum subleuat: considerat enim omnium etatum mutationes, religionum ortus ac discrimina, Imperiorum uices, tristes casus quibus hæc humana natura obnoxia est; & eregione beneficia Christi: Deniq; & de hac ipsa domo cogitans, miratur opificium, & agnoscit etiam corporali uitæ præsidia diuinitus donata esse: Ita uniuersa politia seu domus quædam est, mira arte diuinitus fabricata, legibus Magistratuum, ordine, contractibus, iudicijs, disciplina, præsidijs armata, poenis &c. His septi ac uallati muris, tamē Deum agnoscere possumus, ac statuere, hanc ipsam politiam, qua hæc uita defenditur, esse uelut domum diuinitus nobis conditam: nec interest uite spirituali ac æternæ, utrum hæc domus, id est, politia, sit à Moise, an ab alijs Legumlatoribus, ut ita dicam, fabricata, modo ut sit cōsentanea iuri naturæ. Id primum hoc argumēto confirmo: Apostoli in Actis capite 15. pronuntiant perspicue, non esse onerandas Gentes lege Moisi: Imò Petrus sauerè obiurgat diuersum sentientes, ac inquit, eos tentare Deum, quo durius nihil dici poterat. Nam tentare Deum, est illudere ei, ordinando aliquid prætextu diuinæ autoritatis. Quare Petrus eos, qui Ecclesiam ad legem Moisi adigebant, non leuiter peccare ostendit. Quia enim falso prætexunt diuinam autoritatem, horribiliter illudunt Deo. Ac loquitur Petrus pariter de ceremonijs, & de politicis legibus, sicut disputatio integra testatur, ubi allegant testimonium Spiritus sancti, quod Gentes proflus alienas à politia

politia Moisi Deus uocauit & tandem diserte iubent nihil imponi Gentibus, preter ea quę in illo decreto continentur: & allegant Apostoli scripturam Gentes saluas fore. Proprie autem nuncupantur Gentes quę non habent politiam Moisi: Quare non necesse fuit Gentibus legem Moisi imponi. Addo & aliud testimonium: Ad Ebreos scriptum est, Legem Moisi institutam esse usque ad tempus aduentus Christi: Ergo politia illa post id tempus non est necessaria. Discernit & Christus suum regnum à corporali, cum ait: Regnum meum nō est de hoc mundo. Imo ut milites Christum spinis coronant & configunt & in purpura traducūt, Sic illi Christum per contumeliam coronant, qui falso pretextu auctoritatis ipsius, dilacerāt & euertunt politias, et nouā constituere conantur. Qui eo etiā peccant quod obscurant & obruunt spiritualia beneficia & fidei exercitia, cum hominibus offundunt hanc speciem, quod Christus nihil nisi illa ciuilia officia Moisi requirat. Ne tenebre protus delent Euangelium. Postremo mandat Euāgelium ut Magistratibus ethnicis obtemperemus: Quare necesse est legibus eorū obedire: Nam lex est uox ipsa Magistratus. Nec aliud est obedire Magistratui, nisi eius legibus & decretis obtemperare. Possem alia multa argumenta addere, sed cum hæc perspicua & firma sint, non addam plura, præsertim cū sacrę literę etiam exempla multa proponant piorum extra politiam Mosaicam. Vt enim non dicam de Partibus ante legem, postea etiam multi pij fuerunt inter Gentes & quidem gubernatores magnorum regnorum, Naaman, Nabugodonosor, Darius, Cyrus. Nec Danieli apud Persas licuit hereditates diuidere Iudeorum legibus, quod Romani

Centuriones ac milites in historia Evangelica laudantur. Quare nihil dubitemus placere Deo, etiam ceteras politias, si tantum, ut dixi, non pugnent cum iure naturali, quod est, ut Paulus inquit, Ius Dei diuinitus inscriptum humanis mentibus, ut a Deo haberent regulam quæ leges gubernaret & dijudicaret. Postquam igitur ostendimus placere Deo etiam ceteras politias, bonæ mentes hoc diligenter considerent, illas quoque esse Dei opificium seu fabricationem, ut ita dicam. Nam & Daniel expressit Deum constituere regna, & Paulus inquit Imperia esse ordinationes Dei. Magnū igitur scelus est, legum violatione, quasi telam diuinitus textam dilacerare, id quod Diabolus multis modis conatur. Quid enim pulchrius, quid amabilius esset imperijs, si harmonia societatis humanæ non interturbaretur? Si principes veram religionem propagari curarent, ac defenderent, si mores etiam diligenter regerent, si controuersias cognoscerent, & bonos tuerentur, ac probos haberent, improbos vero coercerent ac punirent. Si cives essent concordēs & modeste parerent, si Ecclesie essent tranquillæ & recte gubernarentur, si in scholis artes miles traderentur et disciplina seuerè retineretur. An non talis status esset illa aurea ætas, quam Poeta describit? Hic ordo est imperiorum diuinitus institutus & quem Deus conseruat, quatenus bona manent. Sed Diabolus rabiose hunc chorum interturbat, incitat Tyrannos, ut tanquam Gygantes illaturi bellum cælo, abolere religiones conentur, iniuriis cædibus grassentur in ciues, polluant flagitijs libidinibus amicitiam, rerum naturam, licentiam scelerum confirmant, deleant honesta studia, dilacerent Ecclesias. Talis status Romæ fuit, Neronis & similium Tyrannorum.

*Deus opifex
legum*

Nero

Tyrannorum tempore. Sic Diabolus corrumpebat
harmoniam diuinæ ordinationis, & tamē interea Deus
non patiebatur eam prorsus deleri, ac paulo post eam
restituēbat extincto Tyranno. Vt autem Tyrannus ille
erat Diaboli organum, dissipantis diuinam ordinationem,
sic sciant omnes legum contemptores, se Diaboli
organa esse, & daturos Deo pœnas, sicut toties Deus
minatur, & restantur exempla omnium ætatum. Cel-
nit Deus omnium uindex, & uel Magistratum senten-
tijs prebet puniendos improbos, uel ipse alijs horren-
dis pœnis eos excruciat. Non Magistratus coercere
Clodium poterant, Milo tandem coercuit. Non An-
tonium leges, non Senatus auctoritas, non fœdera san-
ctissima retinere potuerunt, quo minus bella ciuilia mo-
ueret, Itaq; Tyrannus tandem non impetrata uita à ui-
ctore, cum miser uidisset Reginā Cleopatram sibi mor-
tem consciscentem, ingenti dolore & ipse sese iugular.
Non hæc casu fieri, Adolescentes, existimemus, sed ordi-
natione Dei, qui sic ulciscitur hominum furorem, qui le-
ges contemnunt, & harmoniam societatis humanæ ab
ipso institutam conturbant. Quare non tantum ex histo-
rijs exempla querenda sunt, sed præsens uita suppeditat
innumera. Quare uerè leges et amare uerèq; discipli-
nam discamus, & sciamus eos qui non obtemperant,
non tantum cum hominibus, sed cum Deo pugnare, &
concurrere, quasi domum diuinitus fabricatam, hanc po-
licitiam qua continemur. Sed dicam nunc de altera par-
te, uidelicet de Romano iure, quare id potissimum am-
plexa sit Respub. Iudaicæ leges non nisi illi nationi con-
ditæ sunt, nec possunt conuenire pluribus Gentibus. As-
signant enim certas sedes certis familijs, & has uetæ-
mutant:

mutari: Hoc nec non potest nisi in angusto loco obtine-
 ri. Spartanæ leges non diuidunt agros, sed iubent com-
 munitè coli, & postea fructus diuidi: Ne hoc quidem
 nisi inter paucos obtineri potest. Habent & alia uiriosa
 instituta de connubijs. Atticæ leges, propius ad Ro-
 manam formam accedunt, sed Romanæ plus grauita-
 tis habent in plerisque delictis puniendis: melius etiam
 describunt iura testamentorum, discernunt hereditates,
 fidei commissa legata: Denique uberior est doctrina Ro-
 manis. Sæpe enim miror insolentiam quorundam, qui
 existimant iusta & æqua, sine arte & sine doctrina per-
 spici naturali quodam sensu, sicut apes architectonicam
 norunt sine doctrina, sed hi tota uia errant. Etenim ut in
 alijs artibus initia quedam monstrat natura, ut in men-
 suris admirandis, deinde arti doctrina proficit, Ita in
 hac iuris & morum gubernatione initia à natura esse fa-
 teor. Necesse est enim esse certa principia, sed ex his foris
 bus duci regulæ sine doctrina non possunt. Quoties as-
 finitas decipit homines? Vt hoc tẽpore quam turpiter
 pretextitur interesse, immanibus usutis, interdum falso
 pretextu societatis, interdum simulatis emptioibus uo-
 ragines usurarum teguntur. Hęc deprehendi & emen-
 dari sine eruditione, doctrina, non possunt. Quę tenebrę
 essent iudiciorum, quę confusio, si non essent arte tradi-
 ta discrimina actionũ? Quis sine doctrina uideret, cur
 à rei uindicatione publicanum distingui oporteat? et
 hoc genus alia multa? Resigitur cogit fateri, necessariã
 esse artem & eruditioẽ doctrinam, ad dijudicanda
 iusta & æqua, eamq; præcipuam esse partem moralis
 Philosophię. Nihil est indignius homine docto, quàm
 artis suę laudem augere aliarum artium uituperatione:
 sunt

*In uoluntate
 qui æquum et
 bonum pro se
 probz substat*

sunt enim omnes excellentia Dei dona, quare omnes uenerari & amare debemus. Sed cum sit admirabile opus Dei in animis hominum, nosse numeros & ordinem, unde existunt multę artes, Arithmetica & Dialectica, cur non etiam admiramur illas noticias, quę discernunt iusta & iniusta, ac pariunt doctrinam iuris? Hęc noticię sunt quędam imago Dei, & magis regunt uitam, quę alię noticię seu ideę artium. Ex hac admiranda luce & Dei imagine, orta doctrina Iurisperitorum, nō minus est ars, quę ceterę disciplinę. Itaq; cum sit arte aliqua opus, ad intelligenda & discernenda iusta & iniusta, quos alios artifices, nisi doctissimos, peritissimos homines, qui in sapientissimis consilijs summi imperij hoc disputauerunt, sequeremur? Recte igitur Romano iure utimur. Quantum fuerit studium doctrinę inde usq; ab Augusto ad Iustinianũ, multa sunt perspicua signa, sed cętera omittam: Augustus cum quidem excelleret ciuili sapientia in quęstionibus iuris, quę multa de Trebatij, Tuberonis, Labeonis, & Capitonis sententijs cōstituit. Labeoni etiam libere aduersanti saepe cessit. Sed, ut sunt morosi interdum etiam leni & moderati Principes, Augustus & si non læsit Labeonem, tamen offendi se eius libertate significauit, eoq; Capitoni minori natu confusum latum dedit. Retinuerunt Augusti morem & post eum Principes, nec sine Iurisconsultis ultra decreta in ciuilibus quęstionibus faciebant. Nerva & Cassius adfuerunt Tyberio, Cassius Vespasiano, Traiano & Adriano Celsus, & pleriq; alij. Neq; tamen in consilium admissi sunt ulli, nisi iudicio Senatus Romani essent Principibus cōmendati. Postea Antonini Pius & Marcus multo etiam frequentius consilium Iurisperitorum habuerunt.

g Alexander

Alexander Severus, cuius plurimæ extant in Codice leges, nullum decretum, nisi viginthi Iuriconsultis adhibitis, addidit. Hunc morem cum cogito, non possum non reprehendere negligentiam & barbariem nostræ ætatis, qua tam multi summi Reges & Principes respondent, aut sine doctis uiris, aut certe sine frequentia & disputatione doctorum. Ideo absurda multa & dissidentia à iure aduntur, quæ existimationi Principum non leuiter officiant. Cum igitur illi clarissimi uiri artem effecerint, & omnia exquisitè complexi sint, quæ ad tuendam societatem humanam pertinent, personarum gradus, rerum diuisiones, acquirendi modos, contractus, successiones, hereditates, obligationes, actiones, poenas delictorum. Conuenit agere gratias Deo, quod tale ius Imperio reddiderit. Neque enim sine Dei consilio accidit, quod cum post inclinationem Romani Imperij etiam amissus esset usus harum legum, & successissent barbarici ritus iudiciorum, tamen annis post Iustinianum quingentis, reuocatae sunt in forum & in scholas Romanæ leges. Hæc restitutio multos mores barbaricos correxit, non modo in iudicijs, sed etiam in reliqua uita. Profuit etiam studijs: quare hoc tantum bonum propter communem utilitatem tot gentium tueamur. Nam scriptum ius est firmum præsidium aduersus Tyrannidem, & quo eruditus est, eo plus continet æquitatis. Hoc muro septa est libertas populi aduersus potentum cupiditates. Si tolleretur hoc ius, quæ sequutura esset Tyrannis, cum pro legibus essent potentum affectus: Facile est enim fingere pretextus, & specie aliqua affectum tegere. Recte inquit Cicero: Vbi discessum est à iure, omnia sunt incerta. Multo maior esset incertitudo, si prorsus nullum extaret

extaret ius scriptum. Natura autem ita fert, ut incertitudo illa ac Tyrannides rursus praeberent occasionem non ut iuris scribendi: quod si fieret, scriberentur agrestia & inerudita, ut nunc sit in aliquibus locis, & dissimilia in singulis oppidis. Nunc non modo equitas nostri iuris prodest ad tranquillitatem, sed illud etiam conducit, quod multae gentes iuris similitudine cōsociantur. Quare hoc ius, quod a sapientissimis viris in Repub. praestantissima scriptum est, quod magno consilio summorum virorum restitutum est, quod est æquissimum & maxime consentaneum rationi, quod munit nos aduersus Tyrannidem, quod prodest ad bonos mores, retineamus, & omni studio propugnemus. Tanta est enim æquitas, ut etiam si in forum & curiam non esset receptum, tamen in scholis legi oporteret, ad discendam naturam iusticiæ & equitatis. Nusquam enim extat perfectior & illustrior imago iusticiæ, quam in his legibus.

Quare etiam a Deo optare debemus, ut hanc doctrinam ad Reipublicæ tranquillitatem conseruet.

Dixi.



g 11

Oratio

ORATIO IN LAVDEM ARTIS

Medicæ, Vitenbergæ
habita.



Ereor, Viri amplissimi, ne qui de Medicinæ dignitate male existiment, cum eam subinde laudibus ornari, & encomijs celebrari à nostri ordinis hominibus audiant.

Omnibus enim in ore est, rebus per se parum honestis ac pulchris, alieno ornatu, & orationis fuco opus esse, quibus commendentur, quando nihil in se habent, quo sibi gratiam aut decus parent. Sicut fœminæ inhonestæ ac deformes, quia ipsæ pulchritudine carent, à cerussa formæ adiumentum petunt, quo se alijs uenditent. His (si qui sunt) nostri consilij rationem reddendam duxi, ne re aliter atq; est intellecta, & falsa persuasione adducti, de disciplina præclara inique iudicent, aut de honestis factis inhoneste pronuncient. Nos non prædicamus laudes Medicinæ, ut ei gratiam & uenustatem conciliemus, quando tanta eius nativa elegantia & innatum est decus, ut nullum nō modo lenocinium requirat, sed etiam nec ulla arte magis exornari possit, quàm nativo pulcherrimo fūco, Sed quo adolescentibus adhuc rerum imperitis, eius splendorem ac maiestatem ostendamus, ne ignorent, quantum hæc ars in se boni habeat, & imprudentes rem singularem prætereant, ut est ea ætas infirmi consilij, & præceps, neq; iudicio, sed libidine fertur, si ei dux, quem admonentem sequatur, defuerit. Verum admodum paucis de re amplissima dicam, quod intelligo mihi eam sermonis copiam, & benedicendi facultatem deesse, quàm eius artis uirtutes

quis p. si pul
cyra no lau
da mla

Simile

tutes deposcunt, si hominum oculis exhibere uelis. Neque eo consilio hanc prouinciam suscepi, quod hoc me præstiturum considerem, sed ne in pulcherrimam nostri Gymnasij consuetudinem peccarem, quæ tanti bonis uiris est, ut nō dubitent difficilia & ardua, & prorsus quæ supra suas uires sunt moliri, modo illam seruet. Quare dum publicæ utilitati inseruire conor, & pie quidem, licet parum fœliciter, me quæso benigne & patienter audire. In disciplinis quæ excellentibus illustrium hominum ingenijs inuentæ sunt, & incredibili grauiū uiuorum cura, & industria perfectæ & expolitæ, ea princeps ac regina existimari sine controuersia debet, quæ honestatis splendore, utilitatis magnitudine, iucunditatis illecebris reliquas omnes uincit, tum rebus humanis in primis necessaria est, quam esse Medicinam, ut uere, ita & libere pronunciare nihil ueremur, quæ honestam rerum naturalium scientiam, & elegantem humanæ naturæ cognitionem complectitur, eaq; tradit, quibus uel bonam ualitudinem tueamur, & sustentemus, uel malam corrigamus ac emendemus, ad hæc, quid commodi aut incommodi quæq; res nobis adferant. Quid autem bono uiro, & excellentis ingenij homini honestius, quid melius, quid dignius, quam uersari in earum rerum inquisitione & indagatione, quarum scientia & splendoris, & magnificentia plurimum habet: usum uero ac fructum immensum, maximeq; naturam rerum omnium parentem attingit? Iamq; animum attollere humo, & sublimia petere, ut aeris naturam & cœli uim inspicias, & uigilantibus oculis in ijs obserues, quæ cura & admiratione digna sunt, quæq; commodi aut detrimenti aliquid hominum naturæ portendant, g iiij ut pos

*exemplum
nostri Gymnasij*

ut possis & commoditates ex omnibus decerpere, & damna cauere. Iam uero infinitis herbarum generibus contemplandis te dedere, ibiq; diu morari, & propius cognoscere admirabiles illas, & plane diuinas earum uirtutes atq; opes, quæ tam uarie, tam præstantes, tamq; incredibiles sunt, ut nihil profecto in ipsa natura sit, aut dignius, quod suspiciamus, aut pulchrius quod inuestigemus, aut iucundius quod cognoscamus. Videretur enim ipsi nature studio fuisse, rara quæ suæ benignitatis munera, & non mediocrem boni uim, in intimis herbarum medullis recondere & occultare, quo bonos & alacres citos ad inquirendum acueret, & eorum studia & industria liberalibus præmijs remuneraret. Quemadmodum uiri principes, eorum uirtuti qui in certaminibus præstiterunt, exquisitos honores habere solent. Cuius rei locuples testis Hesiodus est, antiquæ fidei uates, qui deplorat homines ignorare, quantum bonum in malua et albo reconditum sit. Et Mercurius ille Deorum apparitor, Vlyssimoly herbam comonstrans, inquit hominibus difficile esse, eam inuenire, Dijs autem non item. Hec igitur procul ab omnium oculis in extremis rerum latebris absconsa peruestigare, & magnum inde humanæ societati fructum, & sibi sapientiam colligere, est præclari & magni uiri. Quid uero de gemmarum naturis & uirtutibus dicam, quas uiri Medici singulari ingenij acrimonia, & incredibili industria perpendentes inuestigauerunt: quibus tam splendida uis, tamq; incomparabilis uirtus inest, ut nihil sit in rebus humanis, quod cum his comparari possit. Et ne longior æquo sim, reliquas naturalium rerum partes placet silentio præterire, si prius de homine, de quo tacere phas esse non puto, dixerim, quo

vinus Græcorum

*Albua
alburus*

Lapid, uirub

rim, quo à natura non aliud animal melius aut prestantius, aut diuinius conditum est. Ad quem contemplandum, Medicina, que hoc in cognoscendo accuratior & diligentior est, quo quid excellentius & melius omnè ingenij quàm, & animi robur conquirit, omnes eius partes perlustrat, singula membra seorsum proprias intuetur, & acri iudicio examinat, singulosq; eius angulos perrepat & cognoscit, & in admirabili illa & uirga corporis humani compositione, omnia singulatim, uelut luculentum & illustre nobilis architecti aedificium perquirat, & inspicit, ibiq; apte & eleganter disposita admiratur, si quæritum fecerunt, notat, totumq; hoc animal adeo perplexum & sinuosum, ut non iniuria Momus ei fenestras addendas censuerit, quo ea quæ intus sunt, cognosci possent, lynceis oculis perspicit. Si igitur quis, quod pulcherrimum & honestissimum est, semetipsum intus et in cute cognoscere cupit, uelut labyrinthum ingressurus, Medicinam ducem, ceu Thesei filum, sequatur, si errore implicari, & à uero deduci non uelit, & minimo negotio rem, qua nihil cognitione splendidius, & inquisitione melius, & oblectatione suauius consequi. De qua quàm honorifice ueteres illi, ueri, sancti & sapientes homines iudicauerunt, luce clarius est. Homerus enim uates sine dubio rerum humanarum peritissimus, unum Medicum, multis alijs hominibus præstare censuit: quod Poeta acerrimi iudicij nunquam dixisset, si non uidisset tantum oportere, tribui tam eleganti rerum naturæ cognitioni. Quid quod Homero non tantum uetustiores, sed etiam grauiores uiri, Medicis diuinos honores habuerunt, eosq; beneficentia & studio in numerum Deorum sustulerunt. Quod

homus p. 16

*Monus f. m. p. 16
h. m. c. d. n. d. b.
r. p. 16*

*Hom. vi. de p.
r. p. 16*

Quod grauitèr quidem illi, & constanter fecerunt (ut eorum ferebat religio) iudicabant enim illi hanc sapientiam, non humanam, sed cœlestem esse, quæ tam arcanas rerum uirtutes, in ipsis naturæ uenis reconditas & abstrusas euoluere, & in lucem proferre posset, neq; hominibus, sed Dei esse, tanta hominibus cōmoda adferre. Quare merito apud eos in diuino honore erant, à quibus diuina beneficia percipiebant. Eos uero, qui de iure respondebant, plurimum admirabantur, & merito quidem, quis enim tam sanctos iustitiæ custodes non magnificeret? Sed tamen nemo ullum Iurisperitū cœlo dignatus est, uerum ijs quorum magna & celebris iustitiæ & equitatis opinio fuit, hanc prouinciā detulerunt, ut apud inferos inter umbras, causas cognoscerent. De Mathematicis ueterum iudiciū etiā fabulis testatum est, qui Promethea nobilem sane Mathematicum Caucaſo alligarunt, ei pro honestissima disciplina tradita, solitudinem & miseriam reponentes. Neq; his maior honor Philosophis habitus. Hinc nimirum palam est, inter honestissimas disciplinas, principem locum ueteres Medicinæ dedisse, ut interim taceam Græciam, cum omni genere disciplinarum maxime floreret, Hippocrati eos honores habuisse, quos prius Herculi monstra tollenti detulerat. Ex quo Medicinæ dignitas & splendor estimari debet, cum ea regio, quæ sic uiris sapientibus præstabat, sic optimarum rerum iudicio pollebat, Medicinam tam exquisitis honoribus exornarit, ut dignitate etiā Herculem minorum gentium Deum adæquaret. Et ut honestate, ita & utilitate & dulcedine reliquis disciplinis præstat. Quemadmodum enim in Platone & Demosthene, & eiusdem monere bonis scriptoribus, non

non tantum magna maiestas, & ingens sermonis splendor, sed etiam pulcherrimus fructus, & insignis utilitas. Sic etiam Medicinæ non minus uoluptatis & bonæ frugis, quàm dignitatis inest, nisi quis putat aliquid melius & optabilius esse bona ualitudine, quæ Medicinæ beneficio conseruatur, & eiusdem opera labefactata curatur: Quæ ex uarijs herbis succos quantius precij exugit in ualutudinis subsidium, sicut apes ex uarijs floribus materiam colligunt, unde mel conflent, quibus nobis à morbis circumuentis & oppressis opem ferat, qui nobis à fronte, tergo, lateribus, insidias tendunt, ut ne lanus quidem ab his tutus esse queat, si non Medicina adsit, quæ ab omni parte morbos tanquam è specula obseruet, & nos qui eos effugiamus, moneat, uel ab his oppressos, ceu è mortis faucibus eripiat. Cuius rei testis est grauissimus ille, non dicendi modo, sed etiam intelligendi præceptor & magister Cicero, inquiens: Valetudo sustentatur noticia sui corporis, & obseruatione earum rerum, quæ res aut prodesse soleant, aut obesse. At sola Medicina obseruat, quibus nostra natura uehementer oblectetur, & reficiatur, quibus uè grauitè lædatur, quare idem Autor addit, Valetudinem sustentari arte eorum, quorum ad scientiam hæc pertinent: & tamen sunt, qui hæc monentem non audiunt, qui tum demum sua consilia, imò temeritatem contemnunt, cum iam aut febre concutiuntur, aut morbo contabescunt. Veluti Athenienses, qui de pace non nisi pullati consultabant, sicut Demades inquit. Et discunt isti lati magno suo malo, recte sapere, & res uere utiles non temere negligendas esse. Medicina uero, si ulla res alia, nobis in primis necessaria est, cuius opera incolumes &

h salui

salui uiuimus. Sole, igne, aqua, & aere denique citius carebimus, quàm Medicina. Nam præstat semel mori, & magnis miseris defungi, quàm in longis morbis, quibus liberari nequeas, miserum ducere spiritum, atq; inæfoelicem uiuere uitam: à quibus multi sic premuntur, à Medicinæ auxilio destituti, ut sibi manus adferre non dubitent. Quare Romani Cæsares uideri possunt intellexisse, quàm salutare & necessarij essent boni Medici Rebus pub. qui eis in singulos annos amplissimum stipendium ducenta & quinquaginta sestertia pendebar, sicut Plinius autor est, cum tamen reliquarum disciplinarum professoribus centena sestertia modo in annum numerarint. Cuius pecuniæ si rationem more nostro iniueris, comperies Rhetoribus & Poetis tria millia aureum, & trecentos triginta quatuor numeratos, Medicis uero octo millia aureum, & amplius trecentis in singulos annos stipendium fuisse: nam illi probe maiestatem & operam Medicinæ perspectam habuerunt, & melius & candidius de honestis rebus iudicauerunt. Quidam liberalibus præmijs bonos Medicos honestauerunt, tantoq; illum ordinem honore affecerunt. At nunc edeuentum est, ut ex libidine, non ex uero iudicio: ex gratia, non ex merito tribuamus: fiuntq; paulatim deteriora omnia, & in peius delabuntur. Neq; defunt, quibus nunc Medicina sordet, quæ olim magnis & sapientibus uiranti fiebat. Sed quid mirum? Ut enim scarabei preciosi unguenti odore offenduntur, & lues amaracini fragrantia, sic hi nostri scarabei & lues, præclaras & honestas res non ferunt. Sed quis istos non contemnat? nisi quis leuem & impurum seruum Caryonem apud Aristophanem audiendum putat, qui uirum Medicum

trecentis m
m a p
no r
m

dicum scatophagum, id est, stercoreis uoratorem uocat, cum nemini hominum obscurum sit, quod lingua est, uelle inquit, pars pessima serui. Neque isti ueteratores, quibus mala mens, malus animus est, aliter faciunt, à quibus uituperari, laudi ducitur: prudentes uiri recte iudicant. Istos etiam contemnendos duco, qui ebrj inter pocula eructant & crepant: Qui medicè uiuit, miserè time uiuit, uidentes aliquem continentiae & frugalitatis, quàm crapulae amantiores. Sed quàm miserè ista hominum larua delirant, qui existimant istum miserè uiuere, qui medicè uiuit: nam isti ignorant, quid mederi, aut Medicinam, aut Medicus sit: qui si intelligerent uerba, iuuandi & auxiliandi uim habere, certe aliter indicaret. Sed quid morantur hos, quibus nemo sanus respondendum putat, sed helleborum porrigendum, ut purgato cerebro, desinant delirare? Neque Medicorum ordini fraudi esse debet: quorundam temeritas & inscitia, qui eius artis titulo seuenditantes, multis fucum faciunt, quibus si quis titulum detraheret, idem sanè eis accideret, quod Cumanò leoni, qui pelle nudatus, asinus fiebat. Tales non magis Medicinam officere debent, quàm honestissimo Theologorum ordini, triobolares isti Theologiatri, qui, ceu sœdæ Harpye, & sacra, & sanctissimum Theologici nominis ordinem defœdant atque conspurcant. Vt enim inter pulcherrimas segetes, triticum & siliqum, zizania & lolium sibi esse uolunt locum, ita & perdit quidam homines in honoratis uirorum ordinibus quoquo modo esse uolunt, qui digni sunt, ut in coruos deportentur, non quibus cum boni uiri litigent. Vos quibus melior mens, & honestior animus est, qui dignitate, splendore, & maiestate naturalium rerum mor-

uerur, amplectimini Medicinā, qua nihil melius; neq;
pulchrius, neq; maius rebus humanis diuinitus conti-
git: quæ & rei amplificandæ compendiaria uia est, &
tantum oblectationis subministrat, quantū humanus
animus capere potest. Nō enim hic, ut in pictura, inanes
umbræ, & uanæ corporum imagines nos oblectant, sed
res solidæ, & uiuum naturæ opus, & incredibile, & ua-
rium eius decus, cum summa uoluptate spectatur: tum
facit, ut his bonis floreamus, quibus ut abundare foeli-
cissimum, ita & carere miserrimum est. Quare qui beati
quā̃m miseri esse malunt, hi putent sibi Medi-
cinam omnibus modis am-
plexandam.

Dixi.



ALIA ORATIO, LAUDEM MEDI-
cinę continens.



E ipsa comperio uerissimum esse, quod
scripsit quidam Poeta:

Oīa sunt ingrata, nihil fecisse benigne est.

Nam cum nō alia ars de nobis uberius me-
reatur, q̃ Medicina, tamen uel in primis
huic pessima gratia à plerisq; mortalium redditur, qui
tantum abest, ut agnoscant huius beneficia, ut nullo nō
genere conuictiorum, cum artem ipsam, tum nos, qui in
perquirendis his rebus, quæ uitam prorogant, quæ ua-
letudinem conseruant, ac morbos arcant, operam col-
locant

*in q̃ Grupo
ingratis*

locant, conscindant. Idq̃ faciunt hi, qui quoties pituita molesta est, tota domo myropolia coemunt, omnes undiq; Medicos conducunt, ueterinarios etiam: & cum Medicinæ ope conualuerint, animi morbum exerceant, in accusanda incertitia Medici, in uituperandis exoticis remedijs. Ea est insania, ut ne quidem experti artis beneficia, placari possint. Cum hisce rixemur ne modo, postquam ex more de Medicinæ laudibus aliquid dicendum est: Ego uero satis scio non esse tantam dicendi facultatem mihi, ut illos mea oratione ad sanitatem reuocare me posse confidam.

Pythagoram aiunt adulescentes quosdam, cum honeste cuidam foeminae in conuiuio libidine inflammari, uim afferre conarentur, mutato cantu tibiae (qui in conuiuijs ex more adhibebatur) spondæis tardiusculis flexisse, ut compressa libidine ab incepto desisterent. At hi non tantum non oratione ulla placari possunt, sed multis hellebori iugeribus ad medicandam stulticiam opus habent: Quare cum his in presentia non est uisum digladiari. Sed bonis ac studiosis liberalium artium adulescentibus, cupimus fidem facere: Non aliam artem ex prophanis, aut plures utilitates ad uitam afferre, aut digniorem esse, in qua cognoscenda, quicumq; liberalibus ingenijs præditi sunt, operam sumant. Et quamquam in hoc argumento optarem mihi esse eam facultatem, quæ pro dignitate exponere, & ornare res dignissimas laude posset: tamen ita extant ob oculos, ita uersantur inter manus Medicinæ commoda, ut ad eam prædicandam non admodum uberiore eloquentia opus sit. Et si usquam uerum est quod aiunt, probe mereri non esse præcone opus, minime omnium Medicina postulat

lamarum
gulgari

Pythagoras ad
libidine
infirmis

latuulgaria preconia, cuius utilitas posita in conspectu nostro, omnium mortalium studia fauoremq; meretur.

Quæ enim alia ars, aut plura, aut gratiora uitæ felicitate degendæ adminicula nobis promittit? Quod cum animaduertent ueteres, tantopere præstare eam alijs artibus omnibus, cum quidem omnium aliarum disciplinarum inuentionem, immo & literarum, & legum primordia in homines auctores referrent, in una Medicina senserunt tantam esse vim, ut neminem mortalium dignum ducerent, cui tantum beneficium acceptum ferrent, sed magno consensu iudicarunt à Deo repperitam, exhibitamq; nobis esse. Et est tanta scientiæ uarietas, quam Medicina complectitur, ut humano ingenio deprehendi nō potuerit. Etenim in tam fugaci uita, quam uis multi non poterant tot morborum genera cognoscere, tam uaria remedia, herbarum dissimillimas naturas experiri, hæc cogitabant, opinor hi, qui optime artis inuentionem Deo ascripserunt. Et mihi libet credere diuinitus ostensam esse mortalibus hanc artem, & à primis illis authoribus generis humani, traditam esse per manus posteris.

Nec mihi ullus mortalis labor suffecturus fuisse uidetur tam uarijs corporum naturis, tot causis, tamq; abditis ac latentibus morborum, tot ualitudinis conseruandæ aut restituendæ rationibus, syderum uiribus, quas in commutanda corporis humani constitutione exercet, tot pharmacis inquirendis. Itaq; statuamus nos etiam Medicinam Dei munus esse, missum in terras, quo infirmitatem uicium nostrarū aliquantisper sustentaremus. Et cum ulus poscit, ita utamur, ut agnoscamus non humano consilio, sed diuino beneficio proposita esse remedia

*Deus minor
indignus*

media uite proroganda. Nam & sacre literę palam doceant, Deum & remedia proposuisse, & Medicos condidisse, & regere gubernareq; Medicorum industriam.

Est hæc uel in primis magna Medicinę laus, diuinitus repertam esse, quam laudem, cum huic uni attribuant sacre literę, non dubitemus eam longe, cum dignitate, cum utilitate præstare omnibus alijs.

Stultitiam esse sentimus contemnere reliquas artes, quas humanum ingenium excogitauit. At Medicinam aspernari, non stultitia, sed impietas est. Nam cœlestia dona contemnere, aut parum religiose colere, conscelerata mentis furor & sacrilegium est.

Nunc, si liber utilitate mentium Medicinam, quæ ætas est, quæ uite pars, quæ huius ope non indigeat? Quod enim in fabulis est, primos hominũ glande uictitasse, postea monstratas esse fruges à nescio quibus, id eõ pertinere mihi uidetur, certam quandam uictus rationem inuentam esse, magno bono publico, cum ad id tempus, discrimen nescissent homines noxiarum in uida & salubrium. Proinde, hac in parte latissime patent Medicinę beneficia, præscribentis suam cuiq; uictus rationem. Nam si tollas e culina uictus rationem seu dieteticam, quid aliud erit iam culina, nisi carnificina quedam? Aut quid est aliud, quàm sese iugulare, nullam tenere uictus certam rationem?

Sed est Medicinę manifestior usus in restituenda, quæ conseruanda ualitudine. Ibi mihi expendat aliquis, ab illis uitæ iniurijs, quàm uarij morbi nos infestent nondũ etiam natos, ut quidam non iniuria dubitarint parentem ne an nouerim potius humani generis naturam esse censerent. Quam multũ casus uterum ferenti impendent,

dent, sæpe exitium allaturi, tum nondum nato foetui, tum ipsi matri, ni Medicus opem ferat. Quàm multa lætis uitia emendat Medicina, ne fame pereat infans. Iam si mihi, ut Poeta inquit, centum linguæ sint, oraq; centū, non possem percensere omnes mortalium morbos, in quibus depellendis Medicinæ uim quotidie est experiri. O quoties fugienti uitæ manū uincit Medicus, quoties uelut ab orco morientem animam retrahit. Quoties necessitatem fati arte differt, quæ quidem palam est diuino beneficio fieri. Sed iam ante diximus Medici industria diuina quadam uigubernati. Atqui si usquam fidem habet tritum prouerbium, Hominem homini Deum esse, hac in parte id profecto rectissime usurpatur: quia diuina ui Medicus ægroti salutem tuetur. Neq; uero tantum in tollendis corporum malis uim suam declarat Medicina, sed animos etiam contagione corporum uitiatos sanat. Deniq; uniuersum uitæ cursum faciliorem reddit, dum uitare morbos docet, et si qui acciderint, mitigat. Proinde, uehementer ingrati sunt, qui Medicinam uitæ tutricem ac seruatricem non suspiciunt, non admirantur. Quod si parentibus debemus gratiam, quod uitam semel dederint, cur non item Medicis, qui sæpe amissam prope uitam reddunt? Sed diceret aliquis, Sepe frustra tentari remedia, & Medicinā sæpe in curando parum foelicem esse:

Verum est grati hominis agnoscere beneficium quoties ars iuuerit, improbi est erratum meminisse, non meminisse benefacta: quæ si colligas & expendas, multos incolumitatem uidebis Medicis debere. Ita sunt mortalia, ut sæpe uis morbi superet Medicinam. Est & cum Medici falluntur, sed multo sapius ægro-
tantis

tantum initio accidit, cur parum succedat in medendo.

Fuit apud Antigonum Regem non ignobilis Medicus Epirotes Philippus, is suscepit quendam Regis amicum hydropico morbo implicitum, curandum, & cum pollicitaretur, confirmaretq; haud dubie illum se sanaturum esse, negavit eum posse sanari alter quidam Medicus, Chrylippi discipulus, qui ægroti intemperantiam norat. Qua de re cū inuicem altercarentur, & Philippus contenderet esse sibi exploratam remediorum vim, respondit alter, Philippum ad morbum respicere, se vero ad animum ægroti. Neque illum res fefellit, nam cum ægrotus summa diligentia non Medici tantummodo, sed etiam Regis custodiretur, tamen malagmata sua deuorando, bibendoq; suam urinam, in exitium se precipitauit. Ita non Medici inscitia aut negligentia, sed sua ipse intemperantia, ægrotus extinctus est.

Quoties putas accidit, præsertim in ijs nostris moribus, ut ægrotus tanquam suo se gladio iugulet, cum detrectat Medico parere, cū noxijs cupiditatibus alienissimo tempore frenum laxat, & obsecundat. Est autē indignissimum alienæ culpe Medicum reum agere. At tamē ita fit, ut quicquid peccarit ægrotus, Medico imputetur. Sed nolo commorari in diluendo hoc conuictorum genere, quæ cum uino madent, bene poti, in conuictijs barbari, quidam in Medicinam euomunt. Nam & illi ipsi hæc recantant, paulo post, ubi crapula contraxerint alij alias pestes. Et quanquam sero malo coacti, fatentur id quod res est, optime de genere humano hanc artem mereri.

Neque uero utilitate tantū ducimur ad medicinæ cognoscendæ studiū, sed ex ipsa naturæ cōtemplatione, in
i qua

qua perficitur tota Medicina, incredibilem uoluptatem, eamq; honestissimam animus bene liberaliterq; institutus capit. Quod enim spectaculum, qui ludi magis delectare nos possunt, q̃ naturæ uarietas, si propius intuearis? Neg; tantū in magnis corporibus structuram, ordinem ac uires partium omnium spectare inuat. Sed minutissimæ res uel maximam admirationem pariunt, cū animaduerto nullam esse totius naturæ partem, tam humilem, tam contemptam, quæ non magnam uim mendendi habeat. Et non modo in malua & asphodelo (sicut Hesiodus dixit) sed in stercore etiā suillo, aut si quid hoc uilius est, magnas inesse commoditates. Ego profecto mirabiliter afficior, cum has rerum naturas considero, & cum ipsam architecturam mundi admiro, tum quid deorū mihi tanquam manu prendere Deum, qui sese infundit in omnes res, uegerat & alit omnia, & quas cuiq; rei uires tanq̃ œconomus distribuit & uoluit. Opinor in tanta rerum uarietate cerni sese: atq; hoc studium contemplandę naturę ita multos tenuit, ut quanc̃q; Medicinam non exercerent, tamen toti fuerint in ea perdiscenda. Verum mihi humanius uidetur, quod didiceris, id etiam expromere in usus hominū, & maiorem laudem meritos esse eos, qui morbos curant, q̃ qui domi inclusam artem tenuerunt, contenti uoluptate, quam ex cognitione capiebant: Est enim hoc in primis homine dignum, hominum salutē quantum possis opitulari, atq; prospicere. Sumus enim profecto nati homines hominum causa, ut quam quisq; utilitatem ad uitam præstare posset, eam citra inuidiam in publicum conferret. Et cū nihil sit melius, aut honestius, aut splendidius, q̃ uitam seruare ac tueri, præclare faciunt, qui artis huius fructus

alijs

alijs impartire student, atq; eam ob causam mihi Home-
rus dixisse uiderur, Medicum uirū multis alijs præstare.
Nam cum arbitraretur, homini dignissimum esse bene-
mereri de alijs, tamen illum eximia mereri sentiebat, ac
præferendum esse reliquis mortalibus, qui uitam serua-
re soleret, aut certe in re tanta operam sumeret. Est enim
in magnis sæpe etiam uoluisse, laudabile.

Neq; ulli arti omnium seculorum memoria ampliora præ-
mia fuere: Qui gentium cōsensus fidem facere poterat,
hanc artem & maxime salutarem hominibus, & hone-
rissimā semper esse iudicatam. Nam & Romanici Gre-
cis tota Italia interdixerūt, diserte Medicos excepērunt,
& in Italia retinendos esse publice salutis causa duxerūt:
Qua in re summum honorem arti habitū esse cernitis.

Quate uos adhortor, optimi Adolescentes, primum,
ut ametis & religiose colatis Medicinam, & quia ualete
dum uestra prospicere solet, & quia diuinis laudibus in
sacris literis ornata est, uobisq; commendata: Deinde
ut quantum quisq; potest in ea opera ponat. Siquidem
nō alia res, q̃ nature peruestigatio quę liberale ingeniu,
aut magis decet, aut ampliore uoluptate perfundere po-
test. Non aurei montes, qui in fabulis esse dicuntur, tan-
tum ualent honestam mentem oblectare, quantum eā-
rum rerum tractatio cognitioq;, quas continet Medici-
na. Postremo cum iuuare homines sit & sanctissimum
officiū, & homine dignissimum, date operam, ut hoc
instrumentum amplissime merendi de alijs, uobis com-
paretis. Nam ille demum recte instituit uitam,

qui ad publicam utilitatem sua studia

& uitæ cursum refert.

Dixi.

i ij

Oratio

ORATIO DE VITA GALENI, IN
promotione Doctorum Medicinæ à
Doctore Milichio
récitata.

*Exordium a
ipso Hesiodo*



Vre Hesiodus ignauiam & stuporem hu-
manigenis taxat, inquiens, stultos mor-
tales ne quidem maluæ & asphodeli uti-
litates nosse. Quid est enim indignius ac
turpius, quàm quod conditi ad aspicien-

dam hanc rerum naturam, & quasi collocati diuinitus
in hoc theatrum homines, ut intuentes mirificam coele-
stium motuum & nascentium rerum uarietatem, agnos-
camus Deum opificem, & quæramus salutaria uitæ præ-
sidia, obliti huius muneris, & quasi cæci in theatro, non
nos ipsos, non alias res uulgares quæ sunt in manibus,
aspicimus atque consideramus? Ac huic pulcherrimo spe-
taculo uulgius antefert beluinas & obscenas uolupta-
tes, aut sordissimas stultissimasque curas, quibus occupati
animi non admittunt honestiores cogitationes. Et si au-
tem hæc fœcundia uel amentia potius hominum, uitæ pe-
ratione digna est, tamen magis illi qui destinati doctri-
næ ac Philosophiæ, contemnunt naturæ inquisitionem,
reprehendendi sunt. Quanquam enim non postulan-
dum est, ut uni studio omnes dediti sint, nam uitæ opus
est multis ac dissimilibus artibus, et suus cuique locus, suus
honor tribuendus est, tamen est humani animi, primū
hanc doctrinam, quæ naturam quasi euolutam nobis
spectandam proponit, amare, & magnificere, decerpe-
re etiam inde aliquid, nec prorsus expertem esse uelle
huius dulcedinis, quæ hæc cognitio parit, deinde fauere
aliorum

*reprehendendi
sunt qui uolunt
sordidius studere
aranea naturæ
reprehendendi*

aliorum studijs, et adolescentes Philosophiæ destina-
tos hortati, ut meminerit se diuinitus ad naturæ conside-
rationem, atq; contemplationē uocatos esse. Quid ho-
mini conuenientius est, quàm meminisse solum hoc ge-
nus collocatum esse in mundum, ut hoc admirandum
opificiū contempletur? Deinde quid dulcius est quàm
lustrantem singula, uidere ordinem atq; harmoniam
corporū ac motuum? considerare nascentium uarieta-
tem, et uidere singula ad certos gigni usus, ut ratio cinari
possimus, hæc omnia à quadam æterna mente mirabi-
li consilio atq; œconomia ita distributa esse. Et quidem
ad hanc considerationem acres stimulos natura omni-
um mentibus indidit, et uoluptates adfert longe uber-
rimas cognitio. Quare si qui hoc studium uituperant,
aut secum ipsi pugnant, aut à natura hominum de gene-
rarunt; tamen si certas herbas norunt ac meminerunt ple-
ręq; bestię ac uolucres, cerui dictamum, muli asplenū,
elephantes oleastrum, mustelæ rutam, apri hederam,
ciconiæ origanum, hirundines chœlidoniā, corui aron,
cygni uiticen, quę uulgo uocatur agnus, expetunt: quod
ab ea in partu adiuuantur, serpentes feniculum norunt,
& nobis usum monstrarunt, ut Nicander scribit:

Exuias postq; siccas, pigramq; senectam
Deposuit serpens in uere, & tardus ab antro
Caligansq; oculis querit medicamina nota,
Et cum feniculi se germine pauerit, ipsi
Clara acies oculis redit inde uigorq; iuuentæ.

Deniq; exempla sunt innumera bestiarum, quę uincunt
plerosq; homines, ut ita dicā, solertia in inquirēdis et ex-
plorandis naturę miraculis. Turpe est autem homini-
bus non modo uinci diligentia atq; industria à bestijs,
i iij sed tan-

sed tantum addere furorem ut contemnunt etiam hæc studia. Quare studiosos quantum possum adhorror, ut debent facere omnes boni viri, ut hanc doctrinam & ardentius expectant & colant, cuius cognitio non modo iucunda est, sed etiam infinitas utilitates adfert vitæ. Imo & mores naturæ inspectio consideratioq; flectit ad moderationem, & ad pietatem, ac mentes ad Dei admirationem excitat. Cum enim Deus nos in hoc spectaculo collocarit, nosq; iusserit opificium suum intueri & considerare, non existimemus hoc studium inutile esse nec sine culpa contemni. Hic quid dicam de Cyclopibus illis, qui non solum inquisitionem aspernantur, sed etiam usum & remedia: cum sanctiam exerceant in sua corpora immani ingluvie, immoderatis uirginijs & alijs modis, postea, sicut Stoici, fato aiunt regi ualerudinem & uitam, nec accersi morbos nostris uirginijs, nec depelli diligentia ac remedijs, sed fato. Hæc uoces cum manifestum sit, uterem significent, indigne sunt respiratione, sed tamen interdum exempla nocent impensis. Ideo adolescentes admotheo, ut hæc barbarica conuitia artis detestentur, quæ contumelia afficiunt Deum, qui & leges tradidit quibus regi uita debet, & præsidia ac remedia addidit, quibus admirabilem & uere arcantiam uim indidit fluandi corpora, monstrauit et artem ut his beneficijs apte uteremur. Itaq; Dei ordinationem, ac Dei beneficia aspernantur Cyclopes illi, si putant nihil esse uirum, in rebus diuinitus cõditis ad hominum salutem: Ut ceruicibus ac potus humano corpori propositi sunt, qui cur in sanguinem uertantur ut alant corpora, dicere non possumus, sed mirabilis indita uis est talibus rebus, & cognatio & συγγένεια cum humano corpore, ut misce-

ri &

Cyclopes

5/1011 a uult
fate regi uale
tudini.

ri et in unam naturam confluere possint. Ita in reme-
dijs inest *οὐρανοειδὴς* arcana in certis mēbris aut hu-
moribus, quorum efficacia manifesta & certa est. Tanta est
efficacia therebinthine in uulnere simplicium curati-
one ut res fateri cogat arcanam uim illi remedio inesse,
ac diuinitus donatam esse generi humano ad uulneri
curationē. Quam efficacem & gratum usum fuisse balsa-
mi arbitramini. Ac mihi sepe in mētem uenit, ideo bal-
samū & myrrham Ebraeis donatā fuisse, ut cum ad per-
petuam militiam gens destinata esset, nec res peregre-
nas inueheret, domi haberent efficax & presens reme-
dium uulnerum. Compertum est scorpiones subito extin-
gui imposito raphano. Longum esset dicere de singulo-
rum membrorum remedijs, sed quotidiana beneficia
medicinetantum considerate, hec testantur remedia ef-
ficacissima esse. In destillatione uehementiori exhauri-
ri ex pulmonibus lenta, acris & tenax pituita nō potest
sine medica ope. Ad hunc usum res peculiare destinate
sunt, nec licet sine discrimine quibuscumque pharmacis uti.
Quātus usus est cicorij & absinthij in epate medicādo
quoties mulieribus certum exitum depellunt absinthi-
um & arthemisia. Sed omitto hanc cōmemorationē.
Quęstia sunt remedia contra uenena, estq; in hoc gene-
re manifesta uisruta, quare ad arcendam pestilentiam
magnam uim habet. Et scribit Athenęus Ponticū tyran-
num solitum uenenis necare inuitatos ad conuiuia ci-
ues, id cum animaduertū esset, postea accessuri ad ipsius
conuiuia, premuniuerunt se ruta, atq; ita siue incommo-
do uenena hauserunt. Magis mirum est quod narrat de
citrino pomo, & allegat testem qui fuit spectator eius
euentus. In Aegypto cum duceretur quidam fontes ad
aspidas

*therebinthina**Balsamum**raphanus**cicorea**absinthium**ruta**citrinum**poma**lamarium*
bulgarum

aspidas ut eorum moribus interficerentur, forte mulier
 cula quæ erat apud custodem carceris quadam miseri-
 cordia mota, illis tremantibus ac sitientibus dat pomū
 citrinum, ut vires reficerent, quo gustato ducuntur ad
 aspidas, quarum morsu cum essent sauciari, vis ueneni
 non fuit efficax, nec extinguuntur uulnerari: nouitate
 rei obstupescit Magistratus diligenter inquirat cau-
 sas, cumq; inter cetera interrogasset quid eo die comes-
 dissent, sit mentio pomi citrini. Itaq; uim pomi experi-
 tur: Ducuntur alio die rursus ad aspidas, sed iubetur al-
 ter premādere citrinum, alter prohibetur, ibi utroq; sa-
 ciato, extinguitur is qui abstinerat à citrino, alter ma-
 net incolumis, qui gustauerat. Ac non modo historiae,
 sed quotidiana experiētia suppeditat innumerabilia ex-
 empla, quæ satis testantur certam uim remediorū esse.
 Quare Deum contumelia afficiunt qui beneficia ipsius
 quadam immanitate morum aspernantur. Hæc initio
 in summa præfari uolui & de doctrinæ ac Philosophiæ
 huius dignitate, & de utilitate remediorum, ut cum ar-
 tem cogitaueritis amandam & magnificandā esse, de
 ipsis etiam artis scriptoribus, qui suum studium in illu-
 stranda natura & in iuuanda hominum uita consum-
 pserunt, honorificentius sentiretis. Cum enim aliquid
 pro more dicendum esset, collegi quedam de Galeni
 uita & laudibus recitanda, quem scitis nos habere copi-
 osissimum Medicæ artis authorem. Arbitror autem na-
 tu maioribus ac prudentibus gratam esse commemo-
 rationem de uiri summi studijs, prudentia & diligen-
 tia, in arte cum tradenda tum exercenda. In medicādo,
 iuuenibus profecto utilissimum est, tenere optima exem-
 pla, quæ imitentur & in discendo & in iudicando. Est au-
 tem Ga-

rem Galenus Pergami natus, patre architecto ciuitatis eruditissimo, ut Galenus prædicat, in Grammaticis, Dialecticis, & Mathematicis: ac narrat ipse, magnopere sibi hoc profuisse, quod tali natus sit patre, qui non solum amarit disciplinas, ut filium ad eas in tempore adhibuerit, sed etiam ipse domi docuerit. Ab hoc ait elementa artium didicisse, quibus perceptis, cum iam natus esset annos quindecim, ad professores Philosophicos deductus est: ubi cum exerceretur in Dialecticis & reliqua Philosophia, nam pater eum non Medicinæ, sed tantum professioni Philosophicæ, ut tum uocabatur, destinarat, adolescens cum biennium audiuiſſet Philosophum, somnio, ut ipse inquit, maxime illustri monitus est, ut medendi artem disceret. Nec uero dubito, quin diuinitus ei species illa oblata sit, & additus impetus diuinitus ad hoc studium. Erat illis temporibus dissipata ars, & ut ex Plinio intelligi potest, exorti erant impostores plurimi, qui deperauabant artem, non modo in exercenda Medicina, quod omnibus ætatibus accidit, sed multo magis in docendo, nouas præstigias ostentabant, immittebant in aquas feruentes ægrotos, quocunque genere morbi laborantes. Deus igitur, cum & retinere artem, & conseruare ad posteros uellet, daturus orbi terrarum excellentem artificem, excitauit Galeni ingenium ad hæc studia. Deus enim conseruat ueras artes in uita, quod ex eo apparet, quia nulli existunt excellentes artifices sine diuino afflatu. Itaque cum esset iam puerili doctrina præparatus in Dialecticis & elementis Philosophiæ, & ingenio ualeret, & flagraret animus discendi cupiditate, & quodam entusiasmo, magno studio pariter in Philosophiam & Medicinam incumbere cœpit. Primum

k audiuit

lamarum
bulgarum

pe Galeni
S. 157

omnia
Galeni

*propterea
Galenum in
indura ar*

exlopo

*for horlas
Galenum in
indura ar*

audiuit Medicū, cui nomen fuit Satyro, qui fuerat Quin-
ti auditor, celeberrimi inter professores, qui scholas ha-
buerunt ante Galeni ætatem, ac studiose uersati in enar-
rando Hippocrate. Postea audiuit Pelopem Medicū,
cuius & si reprehendit quædam errata anatomica, tas-
men apud hunc in anatomicis diligenter se exercuit.
Magna frequentia tunc erat hominum doctissimorum
in urbe Aegypti Alexandria, quare eò profectus, studia
illorū ac iudicia explorauit. Deniq; ipse inquit accessisse
se atq; audisse omnes suæ ætatis Medicos doctissimos
ac celeberrimos. Et quanquam ingenio admodum ex-
celluit, tamen granissime obiurgat eos, qui sine præce-
ptoribus arbitrantur se futuros artifices. Romæ bis pro-
fectus est, primum suo consilio, & ut Medicos ibi audir-
et, & ut ingenij specimen præberet in tanta luce ac fre-
quentia Doctorum qui erant Romæ. Sed dissentiens in-
terdum à cæteris, animaduertit se odia eorum incurrere,
eamq; ob causam disputationes omisisse se inquit, præ-
sertim cum in concionibus plus gratiæ & opinionis col-
ligere posset: ait enim sibi singulatē adfuisse foelicitā-
tē in artis usu & curationibus, ut credibile est: erat enim
diuino & heroico impetu ad Medicinam incitatus, quē
comitari singularis foelicitas solet. Venit Romam natus
annos quatuor & triginta, ac plurima ibi scripsit, & in
his quædam Philosophica de demonstrationibus, ut re-
futaret amentiam quorundam præstigiatorum, qui eo
tempore, ut artes euertent, contendebant nihil esse cer-
ti, & omnium artium præcepta Sophisticis disputatio-
nibus labefactabant. Magna illis impostoribus ingenij
laus uidebatur, non explicare uera, sed receptas opinio-
nes petulanter euertere. Itaq; adeo exercuerunt Galeni
ingenium

lamarum
bulgarum

Ingenium, ut fateatur se quoque illam Pyrrhoniorem dubitationem fuisse secutum, nisi fuisset puer ad Geometriam, & ad demonstrationes affuectus: qua disciplina non tantum hoc affecutus est, ut certa ab incertis discernere posset, sed etiam illud, quod multo maius est, veritatis ut esset amantior, & freno quodam regeret ingenium animaduersis demonstrationibus. Euripides litigum petulantiam vocat turpissimum morbum, Sed nullis turpius est illa cauillandi licentia, & ut veteri Græcorum vocabulo utar *το σπινθηριον* & studium evertendi veras & utiles sententias, quæ Philosophis, qui veritatis amorem ac defensionem profiteantur. Iure igitur laudanda est voluntas Galeni, quod illas prestigias Pyrrhoniorem acriter infestatus est. Scripsit autem eo tempore plurima, quæ Romæ in incendio perierunt, cum ignis late tragatus, etiam templum pacis, ubi scripta reponerantur, absumpsisset. Roma discedens, anno septimo & tricesimo ætatis suæ, rediit in Asiam, in quo itinere arbitror eum nauigasse in Lemnū, ut naturam terræ Lemniæ uere inquireret, qua in te diligentiam eius considerare licet: Nam cum Dioscorides scripsisset, hircinum sanguinem misceri Lemniæ terræ, cuius magnus in temedij usus fuit, ipse ea loca unde eruitur, adijt, ut certe exploraret quomodo appareretur, comperitque naturam esse metallicam, sine mixtura sanguinis hircini. Est autē hodie in tanto usu, tantaque admiratione apud Thraces & Græcos, ut Turcicus Tyrannus Legati terrā Lemniā inter peculiarium dona dare soleat: uidimus enim anno superioris aliquot *αργυρίδας* tales donatas Cornelio Scepero. Sed non multo post reditum in patriam, reuocatus est in Italiam literis Imperatorum Veri & Marci Antoni

petulanta
lingua

Galeni phisica
scripta exusta

terra Lemni
maximo usus

k ij ni, cum

ni, cum quibus ei magna fuit familiaritas, ut ex aliquot
 ipsius narrationibus apparet. Et iudicium Imperatoris
 de eo hac in re maxime apparet, quod filij Commodi
 Cæsaris ualitudinem precipue Galeno commendauit,
 proficiscens in Germaniam ad bellum Marcomanni-
 cum. Hoc tempore inquit se scripsisse diuinos illos li-
 bros Anatomicos qui extant, qui quidem non solum
 Medicinæ studiosis, sed omnibus Philosophiæ amanti-
 bus in manibus esse debent: profecto enim præcipua
 pars est Philosophiæ, doctrina de partibus humani cor-
 poris, & eorū officijs. Cumq; sit plena suauitatis, ingen-
 tes etiā utilitates adfert, magnopere cōducit singulis ad
 tuendam ualitudinem: mores etiam regit, cū monet
 quid cuiusq; partis natura postulet. Deniq; cū hanc ad-
 mirandam texturam humanorum membrorum pro-
 ponit, docet hanc naturam non casu extitisse, sed ab æter-
 na quadam mente conditam esse, quæ non frustra uo-
 luit esse adeo occupatā in formando humine, sed signifi-
 ficare, sibi genus humanum curæ esse. Itaque sapientissi-
 me Galenus inquit, doctrinam anatomicam initium
 esse Theologiæ, & aditum ad agnitionem Dei, suntq;
 eo magis amandi hi libri studiosis Philosophiæ, quia
 ea quæ desiderantur in Aristotelica anatomia, adiecit
 Galenus, quædam etiam erudite correxit, multis etiam
 locis Aristotelis lumen addidit. Cum autem in bono
 Doctore non minus fides quàm eruditio atq; industria
 requiratur, magnopere amandus est Galenus, qui, ut
 res ostendit, nō solum industria & dexteritate excelluit,
 sed etiam fide. Quis est enim eo in docendo diligen-
 tior ac uberior? Ac de fide sua ipse inquit in tertio de lo-
 cis affect. Deum igitur testem facio, me dicturum esse,
 quod

Libri anatomici Galeni

fides Galeni in docendo

quod post longam inquisitionem in ipso artis exerci-
tio, & in disputationibus cum doctissimis uiris compe-
ri & uerissimum esse statuo. Quis talem animum tam &
ueritatis amantem, & uiuandi generis humani cupi-
dum non perpetua laude dignū esse iudicet? Post in-
teritum Antonini Philosophi, qui in expeditione illa
mortuus est, cumq; adolescens Imperator Cōmodus
magis delectaretur gladiatorum consuetudine quā
Philosophorum, redijt Galenus in Asiam & in patria
ætatem consumpsit in docendo, in exercenda arte & in
scribendo, seq; diligentia produxisse uitam ait usq; ad
ultimam senectam. Præclare igitur non solum de suæ
ætatis hominibus, sed de omni posteritate meritis est,
& erudiendis alijs & scribendo, totam enim comple-
xus artem, ingens uitæ præsidium posteris reliquit. Etsi
enim postea medicinam magna cum laude exercuerūt
et Arabes, & Græci nonnulli, tamē fontes esse apud Gale-
num constat utriusq; generis, disputationum artis seu
dogmatici generis, & remediorum. Ac ut multa omit-
tam, quantum illud beneficium est, quod ea doctrina
quæ uocatur Physica, nusq; extat aut eruditius aut uberi-
us tradita, quā in plerisq; Galeni libris, & tamen scri-
psit multo plura, quæ partim propter barbariæ quæ in Asi-
am & Græciam perualit, partim propter alias causas in-
terciderūt. Recitarem etiam quasdam ipsius diuinatio-
nes, & curationes admirandas, si temporis breuitas id
pateretur. Læsis nervis in corpore humano & motus
amittitur & membra contabescūt; Primus autem Gale-
nus rationem inuenit faucios nervos curandi. Quam sa-
gax fuerit in inueniendis remedijs, obseruatis rerū qua-
litatibus inde estimari potest, cum in Alexandria in pa-

lamarum
bulgarum

in libro de
multa prople
Galenus

etiam rediret, diderit in itinere in quoddam rusticum
predium; ubi forte egrotabat dominus ac penè suffoca-
batur uulsa & glandium tumore. Cum autè deessent
alia remedia, & iam maturefcerent nuces, considerata
corticum natura acri & astringente, ex illis corticibus
expressit succum, cui mel addidit, hoc remedio subito li-
beravit egrotum, quo quidè postea se semper felicissi-
me usum esse narrat, ita in re uili, magnam utilitatem re-
perit. In presentia non adijciam plura exempla.

Porto cum de uita hominum optime meritis sit hic
scriptor, cum rerum naturam copiosissime descripserit,
cum remedijs plurimis nos instruxerit, cum ueterum
medicorum incerta collegerit & noua adiecerit, sciant
studiosi auiuersam posteritatem plurimum ei debere.
Eumq; sic ament ut cognoscere etiam cupiant, sic enim
sentio, eos qui in Philosophia uersantur nequaquàm sine
Galenotueri suum munus posse, nam & Aristotelis ple-
raq; sine Galeni enarrationibus intelligi non possum.
Deniq; si quis alius, Galenus certe propter utilissima mo-
numenta quæ reliquit de natura & de remedijs, hoc pre-
conio dignissimus est, quo Homerus celebravit

Aesculapij filium, uir Medicus multis

alijs præstantior unus.

Dixim

Oratio

*corticibus nucum
expressit succum
uulsa et glandium*

lamarum
bulgar

ORATIO DE PLATONE HABITA

à Cunrado Lago, cum decerneret titulum Magisterij quibuscum studiosis, Anno

1538.

IN deliberatione grauiſſima apud Thucyden inquit rex Spartanus Archidamus, hæc eſſe patriæ diſciplinũ, ut ciues non ſtudeant calliditate leges, aut uincere aut labefactare, ſed ſine tergiverſatione obtemperent. Exiſtimo autem non tantum Lacedæmonijs, ſed omnibus ciuitatibus ubiq; terrarum, legum reuerentiam ſalutari eſſe. Quod cum ita ſit, & mihi & uobis, honeſtum eſt tueri gradus in ſcholis conſtitutos, ut legibus, quæ non ſine graui cauſa nobis à maioribus traditæ ſunt, pareamus. Quare & ueſtrum officium laudo, quod publici moris conſeruandi cauſa huc conueniſtis & peto, ut meam orationem æquo animo audiat, præſertim cum non ſumpſerim mihi has partes ingenij fiducia, ſed neceſſitatem dicendi hoc loco nobis imponat officij ratio. Nescio quomodo alij ſint affecti, ſed de meo animo hoc prædicare poſſum, hos cœtus ſcholæſticos & congreſſus noſtros mihi multis de cauſis iucundiſſimos eſſe. Iuuat enim uidere hæc quaſi præſidia Reipub. uidelicet cum maiores natu, qui iam conſilio & autoritate ſua regunt Rempub. tum hunc florem iuuentutis, quæ potèſtatem gubernaturæ eſt: cui in his congreſſibus bene præcari debemus, ac nota facere, ut Deus hæc ornamenta uitæ, literas, leges, religionem conſeruet. Venit etiam in mentem, cum omnium diſciplinarum profefores

lores intueor, quantum uitæ decus sit, integer artium
chorus. Quare hos coetus ita celebrandos esse memine
rimus, ut nos de coelestibus donis, de Repub. de nostro
officio admoneant. Quid autem magis decet in frequen
tia doctorum, quam de bonis rebus dicere ac audire ali
quid: quia in re, quia mei muneris ratio postulat ut hic
orationem habeam, ualde optarim me posse uobis sa
tisfacere. Sed æquum est, uos dare ueniam dicentibus,
sitamen dent operam ut probeatur uobis ipsorum studi
um, & ut argumenta adferant honesta ac scholasticis
utilia. Porro magnò opere prodest doctorum & excellen
tium uiuorum historias tenere, nam & exempla eorū,
ac pericula & uarij euentus multa nos movent, de uita
& moribus, & opiniones eorum formant iudicia discen
tium. Probo igitur cōsiliū illorum, qui antea hic do
ctissimorum hominum historias recitarunt. Et ut hos
imitarer, orationē de Platōe institui, cuius studia, pere
grinationes, cōsilia in Repub. nosse & aliquo modo ui
dere, quale sit genus Philosophiæ quod tractat, & quid
utilitatis adferat discantibus, profecto multum prodest.
Omittam autem illa uulgaria encomia, quæ à generis
nobilitate, aut à patriæ charitate sumuntur. Nam cum
hec oratio habeatur ad utilitatem discantium, de doctri
næ genere prolixius dicendum erit. Sed uitam antea
breuiter exponam: Natus est Plato Athenis, mense Mar
tio eo anno, quo uir eloquentissimus Pericles mortuus
est, ac fuit is annus tertius funestissimi belli, quod inter se
Græcæ ciuitates gerebāt, quod Peloponnesiacum dicitur.
Materno genere à Solone ortus est. Patrimoniū habuit
ampulum, quare liberaliter institutus est, ac literas, Arith
meticen, & Geometriam adolescens didicit: Nam hæ
artes

antes Athenis tradebantur initio pueris. Et quia ingenio ualebat, scripsit Poemata & Tragœdias, Euripidis admiratione excitatus, cui erat familiaris: Incidit enim adolescentia Platonis in tempus ciuitatis, non quidem tranquillum, sed tamen non triste. Quanquam enim initia belli fuerant inauspicata, & magnæ clades erant acceptæ, tamen postea annos circiter uiginti multæ res secundæ consecutæ iterum erexerunt ciuitatem. Postea cum ætas Platonis penè matura esset, uel militiæ, uel ciuilibus muneribus, fortuna ciuitatis mutata obstitit, quo minus ad Rempublicam accederet: Erant enim domi ortæ inter ciues perniciosæ dissensiones. Has secuta est clades foris, ubi à Lysandro uicti sunt Athenienses: Deinde capta ciuitas, quo anno Plato fuit natus annos uiginti tres. Tunc patria tristi seruitute oppressa à Lacedæmonijs, & à triginta Tyrannis, Plato cū haberet ingenium abhorrens à ciuilibus discordijs, & ab armis, & doctrinæ amans, secedendum sibi esse duxit, quia neq; opem adferre ruenti & desolanti patriæ poterat, neq; in tam immani seuitia triginta Tyrannorū & assidujs tumultibus, futurus erat in tuto. Dicitur tamen ante patriæ excidium, & ante ciuiles discordias militasse: sed quia breue tyrocinium fuit, commemorare nihil opus est. In secessu audiuit Euclidem Megaris, eū opinor, cuius Geometria extat. Deinde cum eo tempore in Italia floreret doctrina Pythagoreorum, & magna in admiratione esset Architas Tarentinus, nauigauit in Italiam, ubi Architam & Timæum audiuit, de naturæ initijs, & opificio, & alia quædam Physica disputantes: quæ qualia fuerint, ex libro quem inscripsit Timæum, æstimari potest: Sunt enim quædam Physices initia, de

ortu mundi, de duplici motu coelesti, qui efficit, ut ipse inquit, literam X. de ordine Planetarum, de serie elementorum, de hominis generatione, de natura humorum, de humani corporis membris, de anima, de Deo opifice naturæ. Hæc breuiter in Timæo complexus est, ubi & si sunt quædam ænigmata Arithmetica, tamen reliqua Physica iudicat Galenus ab Hippocrate sumpta esse, & hæc disputationes apud Platonem inchoatæ magis sunt quàm absolute: Nam nec moruum coelestium ratio explicatur, nec Anatomia est integra. Sed initia tamè laudo, et hoc genus Physices utile esse censeo, quod humorum naturas, & membra humani corporis describit. Itaque sepe Galenus Platonicas descriptiones mutatur. In Italia uero tantisper hæsit, donec patriam recuperat Thrasybulus, & Conon afflictam rursus erexit, concussa potentia Lacedæmoniorum. Reuersus igitur Plato, audire Socratem cœpit, captus, ut uideretur, eius sermonibus politicis. Viderat enim Socrates horribiles mutationes Atticæ ciuitatis, quæ hominem ingeniosum & cogitantem de hominum moribus, & de mirabilibus uitæ casibus, multa movent. Vixit autem Socrates post restitutam patriæ libertatem, ac Thrasybuli uictoriam, annos circiter triginta, ac de futura Platonis magnitudine non obscure uaticinatus est Socrates, qui ait, Se pridie quæ ad ipsum uenisset Plato, somniasse, cygnū se in gremio tenere, qui deinde euolans in altum, dulcissimos cantus adiderit. Hunc cygnū ait Græcis Platonem futurum esse. Cum igitur Socratem aliquandiu audisset, nec contentus esset illis popularibus disputationibus de uita & moribus, sed adiungendam esse censeret doctrinam de rerum natura, petiit Aegyptum, habuitque

Quintus seculum

habuitq; comites peregrinationis Eudoxum, & Poetam Euripidem. Nec uero dubito, quin diuinitus hæc acciderint, ut hoc modo latius propagaretur uetus & erudita Philosophia de motibus cœlestibus. Et si enim Thales antea particulam quandam eius doctrine Græcis tradiderat, tamē hæc rursus extincta erat. Quare optime meriti sunt Plato & Eudoxus, qui eam non modo ex Aegypto in Græciam rursus aduexerunt, sed etiam ut propagarent, auditoribus tradiderunt. Eudoxus uero reliquit etiam tabulas motuum, & anni ordinationem. Ita excitata hæc doctrina, diu Græcorum studijs conseruata est, cuius dignitatem atq; utilitatē, si, ut debemus, magnifacimus, his primis autoribus profecto habenda est gratia. Digna est etiam admiratione eorum uirtus, quod non dubitauerunt tam longinquas peregrinationes magno cū labore & periculo suscipere, ueritatis quærendę causa. Quām acres in illorum animis stimuli, qualis enthusiasmus fuit ad inuestigandas res cognitione dignas. Nos contra pudeat nostrę ignauię, qui diuinitus donatas, & magno labore repertas artes negligimus, & interire sinimus. Excitemur ergo Platonis exemplo, primū, ut artes honestas uere amemus, & pericula laboresq; ad eas comparandas suscipere non recusemus: deinde consilium imitemur. Adiungamus, ut ipse fecit, ad morales disputationes, illam arcanam de motibus cœlestibus doctrinam. Ac uidete ad quem finem has artes expetiuerit. Vtilitates publicas ipse colligit alicubi, Opus esse in hac ciuili uita temporum serie, & anni descriptione, sed proprium discenti finem hunc constituit, ut inuestigatio naturę ducat nos ad agnitionem Dei, & ostendat humanis mentibus inditum esse

lumen quoddam diuinitus, quo uita regatur, ut Deo obediat, & eorū animos, qui Deum agnoscentes, ei obtemperant, postquā ex hac uita discefferint, in luce admiranda atque aeterna apud Deum uicturos esse. Hæc sunt Platonis uerba in Epinomide. Hæc, Adolescentes, an non grauissime dicuntur? Nec ego tamen has sententias Euangelio misceri uolo, sed teneant suum locū. Doctrina rationis est, quæ cum recte philosophatur, cum uestigia diuinitatis in rebus quærit, cum considerat humanæ mentis naturam, peruenit ad has metas, diuinitus propositas. Nam Epicuri deliramenta procul à uia deerrant, & tollunt principia Physica, & obruunt noticiam de Deo impressam humanis mentibus: Sed redeo ad historiam. Ex Aegypto reuersus Plato, adfuit Socrati in iudicio: cumq; publice pro eo dicere cœpisset, clamore factionis aduersariorum impeditus est: quare cū non audiretur, desinere coactus, præstitit in cæteris officijs Socrati fidem & constantiam dignam uiro bono. Et quanta cum grauitate Socratem defensurus fuerit, si licuisset, indicat Apologia, quæ adhuc extat, in qua multa sapientissime dicuntur, contra arrogantiam hominum, qui Deum cōtemnunt, qui negant prouidentiam esse. Deinde addit multa de immortalitate: sapienti gratissimum esse, discedere ex hac uita, ad illos uiros, ubi de summis rebus certius doceri possit. Interfecto Socrate, cum accusatores ipsius insidiarentur amicis illius, Plato rursus secedendum sibi esse censuit. Profectus igitur in Siciliam, uenit ad Dionysium Tyrannū, patrem iunioris Dionysij, pulsū aliquanto post ex regno: Nam Siculis erant crebra cū Atheniensibus commertia, horum leges, studia, Siculi imitabātur. Et Tyrannus ipse ingenio pollebat

pollebat, & Græcis studijs delectabatur. Sed erat ciuis Siracusanus summæ autoritatis Dion: Is Platonē hospitio excepit, ut eū differentem de natura, et de Rep. audiret, sed sicut naturale diffidium est multarum rerum, atq; animantium inter se, uini & cicuræ, cygni et aquilæ, Ita natiuum & implacabile odium est inter se tyrannicarum naturarum & philosophicarum. Ideo cum Plato liberius reprehendisset in quibusdam rebus Dionysij uolentiam, Tyrannus eum interfecturus erat. Sed exoratus à Dione, uitam ei concessit, sed ita, ut in seruitutem addiceret cuidam Lacedæmonio, iuberetq; eum uendi. Auctus igitur Plato in Aegina, redemptus est à Dione minis triginta, hoc est, recētis coronatis, ut nunc loquimur. Mortuo patre cum succederet adolescens Dionysius, & præcipue consilio Dionis regeretur, ac Dion iuuenile ingenium Dionisij ad uirtutem, iusticiam, & moderationem flectere doctrina & autoritate sapientis uiri uellet, censuit uocandum esse Platonem. Etsi priore exemplo erat admonitus Plato, non posse coire amicitiam inter Philosophos & tyrannos, uictus tamen adhortatione Dionis, in Siciliam redit. Erant auspicia aulicæ consuetudinis lata, ciues omnes aureum quoddam scæculum sibi promittebāt, postquam gubernari adolescēs à Platone cœpit. Audiebat enim Philosophum magno studio de Deo, deq; immortalitate differentem, ut epistolæ testantur quæ adhuc extant. Porro hæc fundamenta sunt ueræ uirtutis, tenere rectam de Deo & de immortalitate animorum sententiam: Hæc philosophia regibus digna est. Tantū igitur promouit Plato, ut illa atrox tyrannidis species prorsus tolleret, prodibat in publicū, uersabatur cum ciuib; Rex, non tyrannico satellitio stis

patus, sed doctissimis & nobilissimis ciuibus. Domestica uita adolescentis non modo sine turpitudine erat, sed etiam in optimis studijs agebatur. In imperio nihil crudeliter, nihil iniuste, nihil sine cōsilio bonorum uirotum Dionis & Heraclidæ fiebat. Hactanta bona non tam Dionysij natura, quàm uulgaris aularum pestis inuidia corrumpit, improbi quidam, qui ut licentiam haberent scelerum, desiderabant statum tyrannicum, & ad se rerū habenas trahere conabantur, excusso Dione. Quantum autem ualeant calumniæ, non modo in aulis, sed etiam apud priuatos, non est obscurum. Et quia sororē Dionysij Dion habebat, instillabatur regi, non esse concedendam nimiam potentiam affini, ne regnum aliquādo concupisceret. Cum igitur tandem uincerent syco-phantiæ, pellitur ex regno Dion, frustra Platone omnibus modis annitente, ne quid in talem ciuem summa uirtute & autoritate præditum, iniuste constitueretur. Eiecto Dione, paulatim improborum potentia creuit, & deprauari regis animus cœpit. Fortè eo tempore Plato prædixit eclipsin futuram. Ibi Aristippus, qui unā aderat, ait se de significatione diuinaturum, ac iocās, inquit, portendi inimiciā inter regem & Platonem. Hoc ioco facete aulæ mutationem Aristippus reprehendit, sed illud fuit addendum, Dionysium propter mutatos mores, regnum amissurum fuisse. Etsi autem tyrannus retinere Platonem arte conatur, tamen suspicans Plato, id quod erat, sibi propter Dionem nonnihil esse periculi, auellit se à Dionysio quibus potest modis: dimittitur ergo non sine munere: Scribunt enim octoginta talenta ei donata esse, hoc est, octo & quinquaginta millia coronatorum. Redit igitur Athenas atq; ibi scholas habet,

uersa

uerfatur unà Dion, & multi nobiles adolefcētes Syracu
fani, in quibus fuit Eudemus Aristotelis amicus. Poſtea
excuffo Platone, tyrannus graſſari omni ſcelere cœpit.
Coniugem Dionis nubere alteri cogit. Hęc fuit cauſa Di
oni mouendi belli, in quo egregie adiutus eſt à nobiliſ
bus ciuibus, Platonis auditoribus: Ita Platonis ſchola
de tyranno iuſtas pœnas ſumpſit. Nam, ut futurum Pla
to prædixerat, Tyrannus regnum amiſit. Conſenuit de
inde Plato non in ocio, ſed quod eſt honeſtiſſimum do
cendo ac ſcribendo excitauit optimarum artium ſtudia,
Habetis hiftoriam philoſophi, quæ continet uere philo
ſophicum uitæ curriculum. Cupiditate diſcēdi adiit mul
tas regiones longinquas, inuexit in patriam optimas ar
tes, excitauit ſtudia, conflictatus eſt cum tyrannis: Nam
id quoq; ad philoſophum pertinet. Reliquit non ſolum
ſcripta, ſed etiam diſcipulos, qui poſteritatem erudierūt
& conſeruarunt artes uitæ utiles. Quod uitæ genus huic
anteferendum eſt: aut quod munus in uita utilius eſt ſo
cietati hominum, quam munus docendi: Itaq; recte in
quit, philoſophos, eſſi non gerant Magiſtratus, & abſti
neant à forenſibus occupationibus, tamē eo iuſtos eſſe,
quia artes uitæ utiles inquirant & tradant. Non profe
cto melius meretur de Repub. ædilis qui molem aliquā
ædificat, quā uir doctus, qui regit religiones, qui oſten
dit, quid ſit iuſtum, qui naturam rerum patefacit, ac re
media neceſſaria hominibus monſtrat. Quare eſſi Pla
to ſuo quodam conſilio non geſſit Magiſtratus in pa
tria, tamen de ciuibus, imo de tota poſteritate, genere of
ficij præſtantiore optime meritus eſt. Ac commemorat
iple cauſam, cur abſtinuerit ab adminiſtratione ciuita
tis, quia præſentem ſtatum non probaret, & tamen to
lerandum

erandum esse sentiret, quia ut parentum, ita patriæ mores etiam parum commodi ferendi sint. Sed arbitror, primum cladem patriæ & seruitutē in causa fuisse, quominus accederet ad Rempub. deinde studia doctrinæ animum eius à ceteris occupationibus abduxerunt, quatinus in re multo meliorem operam Reipub. ac uniuersæ posteritati nauauit. Nunc aliquid addendū est de eius scriptis: Primum eloquentia tanta est, ut longe antecedit omnes Græcos & Latinos oratores, quorum extant literæ. Nullius est oratio uberior ac splendidior. In alijs laudamus precipue proprietatem, in alijs nitorem, ac figurarum delicias, Plato quæ uult proprie efferre, ita signate dicit, ut nihil aptius cogitari possit. Rursus quibus uult addere splendorem & ornamenta, in his lōge uincit uarietate amplificationū, & uenustate figurarum, omnes oratores. Itaq; nonnulli dixerunt, Ionem, si Græce locuturus esset, Platonis usum oratione. Fuerunt paulo superiores Platone Rhetores, Gorgias, Thrasymachus & alij quidam, qui adolescentes exercebant in dicendo: Nam ea disciplina precipue tunc existimabatur iuuenes ad Rempub. preparandi esse. Hos quia nihil tradebant nisi Rhetoricos libellos, & affuefaciebant iuentutem ad inanem garrulitatem sine rerum doctrina, passim Plato false exagitat. Nam cum nihil sit Reipub. perniciosius, quàm affuefieri tenera ingenia ad Sophisticen, Plato iure exarsit aduersus eius gratias Rhetores, quorum palestre tantum alebant Sophisticen. Repressis igitur horum studijs, etiā eos qui Rhetoricen profitebantur postea, acuit & excitauit, primum ut fugiētes Sophisticen, locos causarum uera quadam ratione cōstituerēt & argumenta ex negotiorum fontibus sumerent, non peregris

peregrina aut Poetica, sed apta & consentanea rebus, de quibus dicendum erat. Hi sunt orationis nervi, sine quibus etiam si bella & uarie picta dicuntur, tamen oratio & inanis & inepta est. Ac hos nervos secure sunt etiam in elocutione, multae egregiae uirtutes, grauitas, & splendor: itaque Demosthenis oratio cum rebus tum elocutione longe praestat ueterum scriptis. Habent quaedam lenocinia & flosculos Gorgiae oratiunculae sine ueris argumentis, sine splendore, sine compositione: Lysiae uero argumenta etiam si sunt apta, tamen sunt exanguia, & sine nitore. Et si autem compositio & ratio ornandi uideatur ab Isocrate primum mutuata, qui paulo fuit maior natus quam Plato, tamen non nihil et Platonis elocutionem profuisse posterioribus apparet. Consilia uero in inueniendo, nervi & amplificationes in Demosthene haud dubie Platonis doctrinam redolent. Nam Demosthenes non procul accersit argumenta aliena ab instituto, ut faciunt Sophistae, sed ex negotiorum fontibus sumit proprias rationes, ut decet hominem eruditum, & has Dialectice, penè ut fit in schola, magna arte contextit, ac plerumque pugnans sententias non populares, sed, ut ita dicam, scholasticas, id est, ex doctrina quadam grauissima erutas profert. Quid dubitemus igitur Demosthenem, non tantum Rhetoricis libellis, sed hac eruditione doctrina expolitum fuisse: Ac significat ipse se Platonis auditorè fuisse, de cuius Philosophia sic scribit ad amicum quendam: Video te disciplinam colere, & quidem Platonis, quae uere detestatur turpia lucra, & imposturas, & iuber finem omnium actionum constituere, uirtutem ipsam ac iusticiam: qua doctrina institutos, nefas est fraudes struere alijs, & non erga omnes esse iustos.

m Hæc

Hæc sunt Demosthenis uerba, in quibus honorificum Platonem testimonium tribuit. Nec uero uulgaris prudentie fuit, uidere quid illa prior Sophistica Gorgie & similia, haberet uitij, & cursum studiorum totius sui seculi commutare. Magni ea res ingenij & heroici significatio fuit: Vidit arma dari iuuenibus ad mouendas Respublicas, cum non frenarentur ingenia grauiore doctrina, sed una laus esset, dicendo conturbare, & concutere leges, et alias causas. Quare hortator Grecis fuit ad aliud doctrinæ genus colendum, utile moribus & paci. Hanc suam sententiam non obscure ostendit in interpretatione Delij oraculi. Fesse enim Græcæ ciuitates diuturno et luctuoso bello, quod inter se gerebant, consuluerunt oraculum in Delo, quibus modis Deus placandus esset, ut Græciam præsentibus malis liberaret. Hic cum Deus respondisset, Aram in Delo totam, quæ erat figuræ cubicæ, duplicandam esse, Græci addunt aliam molem pari magnitudine, & efficiunt τετραγωνον, in quo longitudo uincebat latitudinem. Postea interrogat, an rite oraculo paruerint: Apollo negat. Quare percussi, suspicantur aliquid arcani hoc in uolucro significatum esse, ac interpretem oraculi excellentem ingenio & doctrina querendum esse censent. Deferunt igitur oraculum ad Platonem, qui ostendit eis erratum in duplicanda ara, quod pro cubica fecissent τετραγωνον, & docet, quomodo cubus duplicandus sit, quesito diametro cubi. Monet autem Græcos, non molem aræ magnopere Deo curæ esse, nec placari Deum lapidum strue, sed recte significari alia meliora studia Grecis colenda esse, uidelicet, Philosophiam, profuturam ad flectendos animos, ad modestiam, iusticiam, & amorem publicæ tranquillitatis. His studiis excitandis nunc Platonis opera desunt, & ut

Et ut iuvenes eloquentie cupidos moneret, nō ad populares tumultus exercendā esse facundiam, sed ad alium honestiorem usum, inquit, Eloquentie finem esse, nō ut homines delectet, sed ut Deo grata dicat. Hoc preceptū utinam insigant animis adolescentes, ut cū cogitabunt, hunc tantū finem horum studiorū sibi propositum esse, ut oratione gloriam Dei illustrent, multo diligentius se ad tam præclarū opus præparent, deinde uideant etiā, q̃ turpe sit cōferre eloquentiam ad parasiticā, ad scurrilem maledicentiā, ad calūniandas honestas artes, ad inflammanda odia aduersus Christū. Hęc qui faciunt, ut re ipsa morē diabolicū imitantur, ita nō eloquentes, sed diabolice uocādi sunt. Nec uero pauci sunt tales in his publicis discordijs: Est enim plusq̃ uerū quod ait Menander:

*ἔσσις μάλιστα τοῖς πονηροῖς ἡλέται,
πρᾶξι δ' ὁ νόταξ ἀείσα πάντων, δ' εὐτερος
ὁ συκοφάντης, ὁ δὲ νακοήθης βίταξ.*

Et alunt has pestes illi, qui cohercere maxime debebant. Verūm hæc querela fortassis non est huius loci: Redeo igitur ad institutū: Vt Horatius Pindarū laudās, inquit:

Multa Ditceum leuat aura cygnum,

Tendit Antoni quoties in altos

Nubium tractus.

Ita profecto hic cygnus, Plato uidelicet, diuinū quiddam canens, omnes Oratores eloquentia uicit. Passim in Cicerone, nō modo in Philosophicis scriptis, sed etiam in forensibus actionibus cōparent ornamenta ex Platone decerpta plurima. Er qui dem Cicero prædicat se in Academia Oratorem factum esse: poterimus igitur & nos ab eo multa ornāmēta mutuari. Sed desino de eloquentia dicere, quę summorum Oratorū testimonijs satis celebrata est. Ingens autē de-

m ij cus est

cus est in homine eloquentia. De rebus ipsis & genere Philosophiæ magnæ sunt controuersie inter doctos. Primum illud constat, Platonem non scripsisse ordine integras artes, sed liberioribus disputationibus aliàs de alio loco quid probaret, aut quid non probaret, ostendisse. Multæ etiam sunt ut hominis ingeniosi & eloquentis, qui quidē & natura fuit *σκαπτικός*, ironicæ & figuratæ disputationes, qualis est, cū ludens differit omnes magnos viros bene meritos de Repub. iuste plekti à suis ciuibus, quia beneficijs suis, vulgi cupiditates et licentiam auxerint. Est & *πολιτεία*, in qua fingit cōmunem rerum usum, prorsus ironica uoluit enim falsæ et figuratæ infinitam rapacitatē potentū taxare. De ideis quæ deliramenta sinxerūt indocti, cū genus sermonis grandius in Platone non essent affecuti, nec uidissent ideas ab ipso dici imagines ac noticias eruditorū, quas in mentibus concipiunt, hoc est, ipsas definitiones, aut demonstrationes. Cum igitur eā, quam toties prædicat, methodū non sepe adhibeat, & euagetur aliquando liberius in disputando, quædā etiam figuris innouat, ac uolens occultet, denique cū raro pronunciet quid sit sentiendū, assentior adolescentibus potius proponendū esse Aristotele, qui artes, quas tradit, explicat integras, & methodū simpliciorē, seu solum, ad regendū lectorem adhibet, et quid sit sentiendum, plerumque pronunciat. Hæc in docentibus, ut requirantur multæ graues causæ sunt. Ut enim satis dentibus draconis à Cadmo, seges exorta est armatorū, qui inter se ipsi dimicarūt, ita si quis serat ambiguas opiniones, exoriuntur inde uariæ ac perniciosæ dissensiones. Paulo ante hanc ætatem Bessation & Trapezontius hostiliter inter se dissenserunt, cum hic Aristotelem, ille Platonem

tonem anteferreret. Id certamen diremit Theodorus Gaza, inquiens suum cuiq; locum tribuendū esse: Ita lectio nem Platonis multum profuturam esse, si quis in Aristotele recte institutus, postea Platonē legat. Nam cum afferet lector Aristotelicam methodum, facile quasi intra certas metas includer eas res, quę apud Platonem late dissipatę sunt. Et hanc fuisse Aristoteli causam arbitror, cur methodum adeo exiliter consecraretur, ut ea quę à Platone acceperat, collecta, & quadam œconomia atq; ordine distributa, posteris integre traderet. Etsi quędā limare etiam corrigere uoluit, rerum tamen in summa non magna est dissimilitudo. Nec difficile est prudentibus uidere, ūter in qua parte præster. Quanquam enim dicar ineptus, qui uelut Midas de Apolline & Neptune sibi iudicium sumpsit, ita ego de duobus præstantissimis Philosophis iudicare ausim, tamē ostendere adulescentibus utile est, quid autores, qui proponi solent, profiteantur. Vberiora sunt ea, quę de ciuitatū administratione Plato scribit, et sunt ornata mirifico splendore orationis. Et cum dissimiles libros scripserit, politician, & librū de legibus, in altero liberius luserit, sed in libro de legibus simpliciter et sine enigmatibus suam sententiā exposuit & præcepta collegit utilia ad gubernationē ciuitatū, ex quibus tanq̃ ex fōribus multa Iuriscōsulti Romani hauserunt. Apparet enim in multis legibus autores penē uerba Platonis describere. De stupro ui facto, sanxit Plato, ut stupratorē interfici liceat, non solū ab illis quibus uis infertur, sed etiam à patre, fratribus aut filijs. Id lex imitata de raptoribus, non tantū patri, sed etiā ceteris propinquis potestātē facit interficiendi raptoris. Sed exemplum cōmemoratio longior est, quā ut cōueniat huic

tempori. Imò Iurisperiti tantū huius scriptoris auctori-
tati tribuerunt, ut eius uerba etiam legibus inferuerint,
ut in titulo, de mundinis recitatur sententia quæ ad pro-
bat honestā negotiationem quantū καπιλευτικῇ. Cæ-
terum plurimas sententias Cicero ex omnibus Platonis
disputationibus de imperiorū uicibus et gubernatione
recitat. Multa ornamenta & Aristoteles ex Platone decer-
psit, quæ adhibita methodo explicat. Nam diuisiones iu-
sticiæ, quæ sunt admodū utiles, sumpsit à Platone, easq;
magis inclusit dialecticis metis. Platonis etiam inuentū
est, discrimin specierū iusticiæ, iuxta proportionem, Arith-
meticam & Geometricam. Verū in Aristotele dialecti-
ca integra est. Et Physica sunt eruditius inchoata ab ipsis
laribus, ut ita dicā, hoc est à primis initijs & perducta ad
descriptionē naturæ animalium. Ethica etiam simplicius
eraduntur. Amemus igitur utrumq; & cū in Aristotele
mediocriter uersati fuerimus, alterū etiā propter politi-
cas materias, & propter eloquentiam legamus. Habet
suos quosdam locos, propter quos eruditos delectare
potest. Disputat enim satis graniter de immortalitate
animorū humanorū, & Philosophiæ finem ubiq; con-
stituit agnitionem Dei, sicut inquit in quadam epistola:
Ita recte philosophabimur, si Deū agnosceremus uniuersæ
naturæ patrem, causam & gubernatorem esse, eiq; iu-
ste uiuentes obtemperabimus. Hanc unā ait, non θεω-
ροῦσαν esse, et ueram philosophiam. Et quia uide-
bat hæc deideri ab atheis, confirmat lectores, inquit
non satis esse, sic sentire, sed etiam animos ita confirmā-
dos & corroborandos esse, ut contemnere eos possi-
mus, qui nos ita sentientes derident. Vidit enim Philo-
sopho hac consuetudine opus esse, ne se improborum iu-
dicijs

dicij à recta sententia depelli sinat. Erri autem has Platonis cogitationes & ipse amo ac suspicio, tamen error illorū acerrime reprehendendus est, qui propterea confundunt Platonica Philosophiam & Euangelium. Hæc cōfusio generū doctrinæ eruditis cauenda & detestanda est, ac uidendum, quis locus Philosophiæ tribuendus sit. Dei dona sunt omnes bonæ artes, sed suum singule locū teneant. Vera Philosophia, hoc est, nō deerrans à ratione, & à demonstrationibus, est quædam noticia legis diuine, agnoscit esse Deū, & iudicat de moribus ciuilibus, uidet hoc discrimen honestatum & turpium diuinitus nobis insitum esse, iudicat puniri atrociora scelera à Deo, habet etiā quasi prælagium aliquod de immortalitate. Neq; rament illa uidet aut docet, quæ propria sunt Euangelij, uidelicet, remissionem peccatorū gratis donandā propter filium Dei. Hæc noticia nō est orta ab humanis mentibus, imō procul extra conspectum rationis humane posita est, sed Filius Dei qui est in sinu Patris, eam patefecit, ut aliās copiose dicitur. Quare prudentia adhibenda est in discernendis doctrinarum generibus, et explorandi sunt inepti illi, qui offundunt caliginē Euangelio, imō obruunt ac delent Euangelium, cū transformant in Platonica Philosophiam. Magis etiā taxandi sunt, qui ne Platonem quidem intelligentes, eius figuris deprauatis, monstrosas opiniones genuerūt, easq; in Ecclesiā sparserunt, ut Origenes, et post eū alij multi fecerūt. Flagitiose enim cōtaminata est doctrina Christiana ueteribus illis tēporibus, ineptè admixta Platonica Philosophia. Hæc breuiter adieci: Vt enim collatio doctrinarū aliquid lucis adfert studiosis, ita Ecclesiæ plurimū refert, cauere, ne doctrinarū genera cōfundantur. Dixi.

Oratio

ORATIO DE VITA ARISTOTELIS,
dicta in promotione Magistrorum à Phi-
lippo Melanchthone.

1537.

*a. p. p. d. an
dilecti exp. d. m.*



Requentia uestra in hac pompa promo-
tionis mihi periuicunda est, & cum officio
uestro delector, tū uero probo iudicium,
quod significatis uos bene sentire de hoc
publico more, in quo, etsi hæc pompa ha-
bet ludos quosdam pueriles, tamen scitis grauissimo cō-
silio gradus ipsos institutos esse, ut ordo in discendo
præscriberetur, & adolēcentes ad certam studiorum ra-
tionem inuitarentur. Certe nobis in hac Schola usu ue-
nit, ut hi qui gradum petunt, diligentius se Philosophiæ
studijs dedant: Eam ob causam gradus libenter conser-
uamus. Deinde animi est non abhorrentis ab humani-
tate, hanc harmoniam ordinum, quæ quidem Reipub.
etiam maximas utilitates affert, magnificere & amare.
Postremo quid hac ipsa horum confessuum celebritate
pulchrius est, in quibus homines ingenijs, doctrina &
uirtute præstantes conueniunt, ut audiant in quibus stu-
dijs uersetur iuuentus, quos faciat processus, iuuentus
admonetur de multis magnis rebus, quarum cognitio
ad uitam utilissima est. Si ludi gladiatorij fierent aut si
peregrinæ merces, aut belluæ exhiberentur spectandæ,
qui cōcursus hominum tota urbe fierent? At re uera nul-
lum est pulchrius spectaculum, quam bonorum & do-
ctorum uiuorum cœtus: Nullum enim habet Respubli-
ca maius ornamentum. Et cum uirtute nihil sit admira-
bilius, magna uoluptas est bonæ menti, tales intueri ui-
ros, in

*Gradus qui
pro sunt*

*ad ludicra ro-
fluit ad p.
ria meo*

tos, in quibus lucet egregia uirtus. Itaq; honestum est uobis à Cynicis illis opinionibus dissentire, quæ hos mores insulsiſſime reprehendunt. Nihil autem in cōgrefſu eruditorum magis decet, quàm de rebus bonis dicere aut diſputare aliquid.

Proinde cum hoc tempore publici offici j ratio mihi has partes dicendi impoſuerit, & ſi agnoſco, quàm multa in me iure deſiderentur, quæ ad eloquentiæ laudem pertinent, tamen cū & me & ceteros hunc morem conſeruare deceat, nolui meam operam de eſſe Reipublice. Viciffim erit ueſtræ humanitatis, orationem meam uobis conſulere: quod ut faciatis, uos etiam atq; etiam oro. Cumq; in hoc loco de artium ac certarū uirtutum dignitate ſæpe dictum ſit, ego hiftoriam commemorandam eſſe putauī, uitę ſcilicet Ariſtotelis. Non ſolum quia plus uoluptatis ex hiftoria percipitur, delectat enim animos uarietas negotiorum & euentuum, ſed etiam quia multis de cauſis prodeſt noſſe magnorum uiuorum conſilia, dicta, facta.

Accenditur enim animus ad uirtutem, intuens in illorum exempla. Deinde de multis rebus admonemur. Multa imitari Scipionis aut Cæſaris conſilia Imperator poteſt, ita nos in his ſtudijs noſtris, cum conſideramus doctiſſimorum hominum in inquirendis & tradendis artibus prudentiam ac rationem, multa rectius iudicare poſſumus. Multum collatio præſtantium artificum ad acuenda formandaq; iudicia conducit. Dicam igitur de Ariſtotele, non ut ſit in Panegyricis, ſed breuiter ea, quæ de uita eius comperimus, recenſebo: Deinde de genere Philoſophiæ, & de ſcriptis eius aliquid adiſciam, ut ad moneam adoleſcentes, quod Philoſophiæ genus

n maxime

*et vixit multo
in optimis
Aristoteles*

maxime probandum atq; experendū sit, & ostendam, quantum profuit ad Aristotelicam rationem ac methodum assuefactum esse. Ita enim statuo sine hoc neminē unquam fore artificem methodi ullo in genere. Nec uero fieri potest, quin multa falsa sophisticē misceant hi, quibus ignota est uia illa docendi, quam monstrat Aristoteles. Porro hæc Sophistica quantum parit errorum ac tumultuū in Ecclesia & in Repub. In fabulis est, Ixion cum appetisset Iunonem, obiectam esse nubem, Iunonis specie, ex qua nati dicuntur Centauri. Ita indocti ex falsis opinionibus ac Sophisticis, gignunt factiones Ecclesiæ exitiosas. Sed hæc postea erunt dicenda: prius enim uita percurrenda est.

Natus est Aristoteles in Macedonia, patre Medico Regis Amyntæ. Constat multorum testimonijs genus eius ab Hippocrate ortum esse: Nam posteritas Hippocratis degit in Thessalia, ac diu possessionem Medicæ artis retinuit, cum parentes artem liberis ordine quasi per manus traderent. Ita & Aristoteles à teneris domestica consuetudine, optima & purissima Hippocratis doctrina imbutus est, quam quidem eius scripta multis in locis redolent. Interdum etiam non solum sententias, sed uerba quoq; ab Hippocrate mutuatur. Egoq; ita statuo, uniuersam Aristotelis doctrinam eo esse simpliciorē, & magis methodicā, quia puer ad Hippocratis Philosophiam assuefactus est. Erant enim eo tempore & alij Physici, Democritum autorem sequentes, quorum doctrina plena fuit prodigiosarum opinionum, & perplexarum disputationum. Hos si Aristoteles imitatus esset, nequaquam hoc elegantissimum methodi filium, & hanc proprietatem tenuisset. Quanta autem cura ac

solertia

solertia in illa domestica institutione nisi sint Hippocratis posteris, ex eo licet conijcere, quod Galenus ait, Ideo primum non esse scriptas anatomias, quia domestica institutione notae fuerint: Solitos enim Hippocratis posteros domi secare corpora animantium atque hominum, & singula membra liberis inde usque à teneris spectanda proponere. Itaque cum esset Aristoteles ab ipsis cunabulis assuefactus non ad inanes & perplexas λογιστικας, sed ad rerum agnitionem, & ad quarendas causas, ex hac puerili consuetudine duas egregias virtutes, et in primis dignas viro docto consecutus est, videlicet, diligentiam in quaerenda methodo, & amorem veritatis: Abeunt enim studia in mores. Quare diligentia euoluendi res obscuras ordine ac proprie, studium quoddam & amore veritatis in omni vita parit. Postea natus annos 17. missus est Athenas ad Platonem audiendum, qui tunc summa ingenij & doctrine laude florebat. Cum natura contigisset Aristoteli omnium disciplinarum capax, magna haec felicitas fuit, quod primum domestica institutione ingenium excitatum & praeparatum est, deinde quod accessit ille praestantissimus Magister, qui naturam felicitissimam perpoliret. Haec, ut ego quidem arbitror, ita gubernauit Deus, ut perfectum artificem haberemus eius partis Philosophiae, in qua elaborauit Aristoteles. Audiuit autem Platonem annos uiginti, hoc est, serè ad quadagesimum usque aetatis suae annum. Nec interim scholas habuit, sed ipse sese exercuit in omnibus disciplinis. Inquisiuit, legit, excussit omnes autores, adeo, ut propter uarietatem lectionis ac doctrine, appellaretur à Platone Lector. Hoc in loco subit admirari prudentiam Aristotelis, qui tam diu haeserit apud Magistrum, nec pu-

rarit subito eius doctrinam exhaustiri posse. Est & gra-
uitas digna laude, q̄ sero admodū docere cœpit: Nam
Platone uiuo non habuit scholas. Multa autem extant
honorifica testimonia Platonis, de huius ingenio. Voca-
bat enim Aristotelem Philosophum ueritatis, & com-
parans eum cū Xenocrate, ait Aristoteli freno opus esse,
Xenocrati calcaribus. Vicissim de Magistro nisi preclare
sensisset Aristoteles, tam diu nō putasset audiendū esse.
Dicitur etiā Platoni arā posuisse, et Epigrāma addidisse,
quod extat, in quo amplissimis laudibus ornat Platonē.
Nā uel hic unus uersus indicat quantū ei tribuerit, cū ait:

Nulla ferent talem secla futura uirum.

Quod uero homines imperiti similitatem quandam in-
ter eos intercessisse putant, eo quod Aristoteles interdū
à Magistro dissentit, inepta opinio est. Nam ut in Sena-
tu in dicenda sententia saepe amicissimi sine offensione
animorum dissentiant, ita boni & docti uiri sine acerbi-
tate animorum dissimiles habent opiniones. Sed de
hac opinionū dissimilitudine paulo post dicam. Post
Platonis mortem, cum iam celebraretur domus Aristo-
telis à nobilissimis hominibus, incensus discendi cupidi-
tate, accersit eum Philippus Rex Macedonum, & tradit
ei filium in disciplinam. Porro nisi & doctrinam & mo-
res Aristotelis Rex Philippus, qui acutissime de inge-
nijs iudicare poterat, probasset, nequaquam ei filium
tantæ spei & generosissimæ indolis cōmendasset. Itaq̄
hoc testimonium Philippi de Aristotele grauissimum
est iudicandum. Ne ipse quidem alumnus, cum esset he-
roico & excelso ingenio, tantopere amasset Magistrū,
nisi ille ad doctrinam adiunxisset morum sanctitatem,
& suauitatem. Sape autem prædicauit Alexander, se

non secus amare Aristotelem ac patrem. Mansit autem Aristoteles apud Alexandrum annos circiter octo, quod tempore cum alias Philosophiæ partes ei tradidit, tum vero etiam medendi artem. Atque hac in re non tam foelicitatem Aristotelis admirandam puto, quod ei contigerit erudire Regem, unum omnium longe ingeniosissimum, & quem fata ad imperium orbis terrarum uocabant, quàm prudentiam laudandam esse iudico, quod ea tradidit adolescenti, quæ uehementem naturam flexerunt ad suauitatem, quæque ipse sensit regnanti magno usui & magno ornamento esse. Sicenim ait Alexander, Malle se doctrina, quàm imperij magnitudine excellere. Postque uero Alexander in Asiam traiecit, Aristoteles rediit Athenas, ac scholas habere coepit. Cumque uideret cum rerum scientia eloquentiam coniungendam esse, matutina studia, seu, ut ipse nominabat *ἑωθινὰ*, tribuebat Philosophiæ, uespertina seu *δελτινὰ* Rhetoricis exercitijs. Vnus omnium maxime uidit cognationem artium. Nam Physicam instituit & inchoat à Geometricis demonstrationibus. Ideo omnes artes tractabat, scribebat de natura rerum, de moribus, de immortalitate animarum & rebus cœlestibus. Multa componebat ad Alexandrum, ut uictor Respub. legibus, iure, iudicijs, disciplina muniret. Hic scripsit aureos illos libros de historia animalium, qua in re non solum Aristotelis diligentia mirifica, sed etiam Alexandri liberalitas laudanda est. Nam id quoque regium est, Rempub. artibus & literis ornare. Cum enim priuatis sumptibus explorari naturæ animalium non possent, misit Alexander Aristoteli octingenta talenta, hoc est, quadringenta & octoginta milia coronatorum ad conducendos uenatores & alen-

n iij das be

das bestias, ut eorum naturæ considerari possent. Esti autem quædam præclara scripta eius perierunt, tamen existimo ea quæ reliqua sunt, quæ quidem scholis maxime apta sunt, diuinitus seruata esse, ut posteritas rectius doceri posset. Postq̃ enim in Græcia, ut sit, recentiores Philosophi, Stoici, Epicurei, & Academici cœperunt in admiratione esse, cum quidem pleni sint ineptiarum ac Sophisticæ, doctrina ueteri ac eruditore neglecta, scripta Aristotelis excutiebantur studiosis de manibus, & libri in bibliothecis paucorum, uetustate & carie consumebantur: Actantus thesaurus prorsus periisset, nisi Syllæ scælicitas nobis hæc quæ habemus, reliqua fecisset. Is enim bibliotheca in bello parata (nam olim Imperatores hanc prædam, ut bona scripta seruarent, maxime caprabant) cum essent ibi multa Aristotelis uolumina, sed pene oblitterata, curauit undiq̃ in Græcia eius autoris libros conquiri & emendatos ab Andronico publicari. Ita quemadmodum uiuo, Aristoteli amicus fuit Regum summus, ita pene extinctum renouauit in lucem summus & scælicissimus Imperator Sylla. Extant tamen adhuc uestigia huius calamitatis, in his libris qui reliqui sunt, in quibus apparet alicubi mutilatas esse sententias. Porro renouato Aristotele, paulatim recentiores scæcæ frigere cœperunt, cum se hi qui plurimum ingenijs pollebant, ueteri doctrinæ dederent. Sed redeo ad historiam uitæ.

Docuit Athenis annos tredecim, nec solum doctrinæ laude urbem celebriorem reddidit, sed etiam ciuibus magna beneficia impetrauit ab Antipatro, qui Macedonia gubernabat, et unice Aristotelem præceptorē diligebat. Cū autem certamina Atheniensium cum Antipatro postea

postea crescerent, ne ipse quidē tutus fuit Athenis. Nam cum homines inuidi sperarent eum facile posse opprimi, inuisum iam propter Antipatri amicitiam, sinxerunt aduersus eum impietatis crimen, quod fabulosam Deorum multitudinem reprehendebat, & unam aliquam æternam atq; infinitam mentem, causam omnium rerū esse affirmabat, illud etiam Homericum citans:

ὁκ ἀγαθὸν πολυκοιρανίη, εἰς κοίραν ὅς ἐστι.

Formidans igitur iniqua iudicia, cōcessit in Chalcidem, quæ erat in fide Antipatri. Neq; hæc calūnnia, neq; hæc fuga, uiri Philosophi gloriā obscurant. Sed hoc genus periculorum, quod cōmune est omnibus bene merentibus de genere humano, potius magnū addit cumulum ad eius laudes. Primum enim ipsa ueritatis professio honestissima est: Hanc autem in periculis retinere, nec ullis minis aut cruciatu ullo deterri ac depelli à recta sententia, hæc grauitas constantiaq; proprie digna est uiro Philosopho. Gloriosum est igitur Aristoteli, numerari inter summos uiros, qui propter honestas opiniones & recta consilia à Sycophantis uexati aut oppressi sunt. Et quoniam omnibus ætatibus Sycophantē bellum gerūt cum ueritate ἀπὸνδρον, erigamus animos exemplis præstantium illorum uirorum, nec iniquitate hominum sinamus nos ab officio abduci. In secessu illo aliquanto post mortuus est anno, ut ferunt, climacterico, sexagesimo tertio ætatis suæ. Mores eius & si in oratione ipsius perlerent, tamen iudicari possunt ex tot Regum ac Principum uirorum beneuolentia erga eum, quam, nisi fuisset in eo singularis grauitas, tueri non potuisset. Testamentum eius etiam declarat, quā fuerit φιλόσοφος: diligentissime enim commendat uxorem & liberos Antipatro.

Antipatro. Sunt & alia humanitatis plena in testamen-
to, quæ ne sim prolixior omitto. Nunc quæ sit egregia ima-
go nobis proposita uiri Philosophi, seu hominis uer-
fantis in studijs, eaquæ referentis ad communem utilitatē,
ita intelligere poteritis, si animo totam historiam intue-
bimini, & considerabitis uim atque impetus ingenij, pri-
mam eius institutionem, studiorum gradus, infinitam
discendi aueritatem, fidem ac dexteritatē in docendo,
laborem scribendi tot egregia monumenta, morum
grauitatem & humanitatem, Postremo etiam iniurias
quas à Sycophantis accepit. Quem non delectet uidere
& considerare in uno uiro, tam multas heroicās uirtu-
tes: Cum enim in hoc genere perfectus artifex fuerit, sa-
tis apparet diuinitus eum heroica natura præditū fuisse.

Hactenus de uita dixi, multo breuius quàm res posce-
bat: Nunc de eius Philosophia dicam. Erat autem hæc
pars orationis multo longior futura, nisi angustia tem-
poris ueraret. Conferendæ enim erant sectæ, quædam
etiam de Platone dicenda erant, Sed hæc breuiter per-
stringam. Tanta est eloquentia Platonis, ut haud dubie
longe antecellat omnibus quorum extant literæ. Multæ
etiam sapientissimæ cogitationes sparsæ sunt in eius mo-
numentis, sed nullam artem integre, neque ordine tradi-
dit. Deinde maxima pars operum ironica est, quæ figu-
ra ad deridendum accommodatior est, quàm ad docen-
dum. Atheneus scribit quendam Platonis auditorem
Cheronem consecutum tyrannidem in patria, imitatū
esse absurdas illas disputationes de communi usu rerū
& mulierum: Tulisse enim legem, ut domini & serui cō-
muniter omnibus fortunis & uxoribus uterētur. Ita ma-
le intellectæ Platonis ironiæ, ineptum hominem pror-
sus in-

sus infatuarunt. Aristoteles contra discipulorum utilitati
consulere, & scholas iuuare uoluit. Hæc uoluntas etiam
in Philosopho magnam laudem meretur. Integre com-
plexus est artes Dialecticam, Physicam, & Ethicam, & du-
as res adhibet, quæ lumen afferunt in docendo, metho-
dum, & proprietatem sermonis. Utile est igitur adole-
scentes ad Aristotelicam consuetudinem assuefieri. Pla-
tonica illa licentia in disputando parit incertas & ambi-
guas opiniones, non secus ac pictores ludentes pingunt
chimeras aut centauros. Quantum autem & rebus ipsis
Aristoteles uincat alias sectas, ex eo intelligi potest, q-
Dialectica nulla alia digna uisa est, quæ perueniret ad
posteror, nisi Aristotelica, quod Physicam ex Geometri-
cis initijs prudentissime ducit. Quam uenustum est, quod
unus uidit naturam uirtutis, esse affectuum mediocrita-
tem: Quo consilio grauissime significat animos assuefa-
ciendos esse in omni uita ad mediocritatem. Sed repre-
henditur in Aristotele obscuritas, quam quidem ipse
affectasse dicitur, quia dixerit libros suos æditos esse, &
non æditos. Meo iudicio longe alio consilio hoc dictum
est: Videbat prudentissimus uir hanc methodi rationem
non animaduerti posse, nisi à liberaliter institutis. Ideo
inquit, non esse æditos, uidelicet, ineptis, qui non præ-
parati alijs artibus, ista attingebant. Magna est elegan-
tia & perspicuitas orationis in multis libris. Alicubi pro-
pter rerum exilitatem, quam ille propter methodum
consecratur, disputatio fit obscurior: sed animaduersa
methodo, tenebre illæ discutuntur. Callimachus rogat
Charites, ut manus delibatas fragrantibus succis lauent
in suis elegis, ut possint esse perpetui propter gratiam &
uenustatem. Tanta est autem suauitas rerum atq; orationis in
o Aristotele

Aristotelem in plerisque scriptis, ut in libro de animalibus, in Politicis, in Ethicis, in Epistolis & alijs multis locis, ut iure existimari possit, Charites aliquid succi aspersisse de manibus, ut Callimachi uerbis utar. Quid quod eius libri probibliothecis esse possunt? Plurima enim ex ueteribus monumentis que interciderunt, citat, ac propter huiusmodi flosculos arbitror, Aristotelem à Cicerone flumen aureum uocari. Quàm multa interpretatur Platonis dicta, ut in quinto Ethicorum, cum quidem sumptu collationem de proportionibus à Platone, tam eam accommodat uenustius: Sed desino, nam omnia persequi nimis longum fuerit. Hec eo dicenda putavi, non solum ut magis ametis Aristotelem, sed etiam urcogiteris, cur sit amandus, & in manibus habendus: Placet igitur sentio, magnam doctrinarum confusionem secuturam esse, si Aristoteles neglectus fuerit, qui unus ac solus est methodi artifex. Nec alia ratione ad methodum assuescieri quisque potest, nisi in hoc genere Philosophiæ Aristotelice mediocriter exerceatur. Quare uos horror, non solum uestra causa, sed etiam propter uniuersam posteritatem, ut hoc optimum doctrinæ genus diligenter colatis & conserueris. Plato ait, igniculum illum à Prometheus de cœlo allatum, methodum esse. At hoc igniculo amisso, rursus homines transformarēt in beluas: profecto enim sublata uera docēdi ratione, nihil distant homines à beluis. Ut igitur hunc igniculum retineamus, hoc doctrinæ genus, quod tradidit Ari-

storeles summo studio conseruandum est.

Dixi.

Oratio

ORATIO DE VITA DIVI AVGVSTI
ni, mense Septembri habita à Ioanne Saxone Holla-
tienti, cum iterum decerneret quibusdam honestis &
eruditissimisque Magisterij titulum, in
Academia Viteber-
genſi.



Ideo morem esse scholæ, ut mihi quidem
uideretur, laude dignum, ut in his congressi-
bus alias de artium aut uirtutum dignitate
dicatur, alias historiæ clarorum uirorum
recitentur, quæ multa monentiuuentutem
uel de studijs uel de moribus. Cum autem de artibus alijs
sæpe luculenter dixerint, quorum cum sit oratio subtilis
& arguta, magis idonea est illis materijs, quàm mea. Rursus
delegi historiã, non eo tantum, quod exempla prodesse
iuuentuti statuo, sed etiam ob hanc causam, quod hoc
genus narrationum mihi quidem texere facilius est, quàm
illas argutas de artibus disputationes. Ac me nuper dies
Augustino dicatus, cogitantem de ipsius ingenio, pieta-
te, scriptis, admonuit, de ipso ut maxime dicendum pu-
tarem. Opinor omnes pios ubique terrarum huius uiri re-
cordatione delectari. Sed in hac schola præcipue gra-
tam eius mentionem esse decet, in qua Augustinus qua-
si reuocatus est, & eius doctrina, quæ iacuit obruta den-
sissimis tenebris, non solum restituta est, sed etiam lumẽ
accepit, quæ cum sit necessaria Ecclesiæ, merito Augusti-
num amare debemus, qui cœlestem illum thesaurum
præcipue conseruauit. Et non nihil historie cognitio mo-
menti adfert, ad intelligendas controuersias, quæ ab eo
tractantur. Si in talibus spectaculis cum quadam appro-
o ij batione

batione audita sunt historiae Platonis, & Aristotelis, quanto magis conuenit fauere adferentibus pia exempla gubernatorum Ecclesiae: Quae cum ostendunt qualia fuerint doctrinae certamina, formant studiosorum iudicia, nosque de Ecclesiae periculis admonent, & discendi curam exsuscitant. Ac praecipue Augustini contentiones exemplo esse possunt, quanta doctrinae uarietate & copia, quanta uigilantia opus sit ijs, qui in hoc munere uno omnium in terris maximo & difficilimo uersantur, uidelicet in diiudicatione & gubernatione doctrinae Ecclesiasticae. Lucent in illis certaminibus exempla harum communium artium, quae iuuentuti proponuntur, quare non est intempestiuum, cum de nostris artibus dici solet, decerpere aliquid ex Ecclesiasticis materijs, praesertim cum omnia studia nostra praecipue debeant eo spectare, ut nos instruamus, ut Ecclesiae usui esse possimus. Hic finis, hic scopus omnibus bonis mentibus propositus esse debet. Quare spero uos non improbare hoc genus argumentorum. Quanquam autem uideo prolixior rem esse Augustini historiam, quam ut hic recitari tota possit, etiam si uelim eam nudam & sine ullis ornamentis proponere. Verum in hac materia quoquo modo elaborare pium esse duco: quod si uos quoque sentitis, ut arbitror, peto mihi ueniam dari, quod orationis sonum ac splendorem non adhibeo, quem uarietas argumenti postulat. Non solum pulcherrimae uirtutes boni Doctoris & gubernatoris Ecclesiae hic monstrandae erant, & oratione illustrandae, sed etiam magno motu animi deploranda Ecclesiae calamitas, quod diu iam pro Augustinis regnant Pontifices, Caligulae, & Neronis, & extincta uereri doctrina, ac luce Euangelij, horrendae tenebrae Ecclesiam

*amator
Julianus*

Ecclesiam oppreſſerunt. Doctrina de fide & uera inno-
tatione Chriſti deleta eſt, idolatria manifeſta recepta, et
in ſcholas & conciones inueſtę ſunt impię perſuaſiones
plurimę, & nugaciſſimę rixę. Hęc querelę addendę
erant his narrationibus de Auguſtino, quę cum propter
temporis breuitatem omittendę ſint, initio orationis
breuiter admonui adoleſcentes, ut cum audient hiſto-
riam, ipſi conferant exemplum apud ſeſe ad alia tempo-
ra. Audio ante annos duos & uiginti habitam eſſe ora-
tionem de Auguſtino, à reuerendo D. Doctore Marti-
no Luthero, inſtauratore purioris doctrinę Euangelij,
pręceptore noſtro ſumma pietate & obſeruantia colen-
do, in qua hiſtoriam Auguſtini contulit ad Pſalmum;
Beatus uir qui non abiit in conſilio impiorum &c. In quo
Pſalmo pius Doctor deſcribitur, qui uerę Eccleſię ſen-
tentiam contra impios Doctores propugnat. Eam ora-
tionem non dubito cõplexam eſſe et Auguſtini laudes,
& uniuerſam Eccleſię cauſam, quę ſi extaret, iure uitupe-
rari poſſem, ſi idem argumentum retexere auſus eſſem.
Sed quia deſideratur, ſpero uos mihi æquiores fore.
Amo ſtudia ſacrarum literarum, & propter hęc Auguſti-
num admiro. Quare de eo potiſſimum libuit dicere,
cum dies ei dicatus me nuper, ut de eius uita & certami-
nibus cogitarem diligētius, admonuiſſet. Venio igitur
ad hiſtoriam.

Natus eſt Auguſtinus honeſto loco in municipio
Africano, quod ipſe Tagaſtam uocat: Opinor autem
Thebeſtam à Ptolemęo uocari, non procul diſtantiem à
Madauro. Parentes fuerunt Patricius & Monica, Chri-
ſtianę religioni additi, & ſi pater ſero matris pietate ad
Chriſti agnitionem pertractus eſt, uir alioqui grauis, ho-

nestus, & in primis liberalis in fouendis filij studijs, ut Augustinus ipse prædicat. Matris uero magna pietas, & excellens in omni matronæ officio uirtus fuit. Omitto hic, quæ de suæ puericiæ moribus recitat ipse, quæ sunt communia omnibus etiam bonis ingenijs, & si uoluit his exemplis imbecillitatem humani generis depingere: Sed humani generis corruptio habet alios maiores morbos, quàm ibi recensentur. Dicam igitur, ut coepi, de eius studijs.

Postquam domi percepit Grammaticen, missus est ad Rhetoricos professores in oppidum Madaurum, quod à Thebessa distat miliaribus nostris opinor septem. Præcipua tunc in scholis cura erat ad suæ facere adolecentes ad declamandum, & ad extemporalem facundiam. In eo genere cum aliquandiu exercitatus esset, & foeliter promouisset, Carthaginem mittitur, quæ à Madauro abest circiter decem nostra miliaria. Ibi cum & eloquentiæ & Philosophiæ operam daret, magnæ opulentiæ, & ociosæ urbis illecebris, ac licentia narrat, & suos mores corruptos esse, ac nominatim queritur sibi speâcula, & praua sodalicia nonuisse, quæ sunt communies corruptelæ iuuentutis: Nondum enim Baptismo initiatus erat, & si Christianam religionem amplexus erat. Fuit enim uitiosa consuetudo hjs, qui liberius uiuere cupiebant, differre Baptismum usq; ad senectam, ut postea semel deleteret Baptismus omnes priores lapsus. Quanquam autem non nihil laxauit frenum cupiditatibus, tamen mores erant placidi, & non pugnant cū legibus ciuitatis, nec pro illis abductus est animus à studijs. Ibi cum in Ciceronis Hortensium incidit, cum à natura impetus ad uirtutem, & decus, ardentes haberet, commotus

commotus Ciceronis scripto, reuocat ipse sese, & maiore seueritate regere mores incipit, licentiam priorem coercet, seq; ad continentiam, ac ad pietatis studiū exuſtat & componit. Præua ingenia, præsertim si absit metus, non facile emendantur literis & doctrina: Quare cum illius Ciceroniani scripti lectione potuerit in uiam reuocari Augustinus, satis apparet indolem bonā fuisse, nec defuisse ei illa uirtutum semina atq; initia, quæ uocat Aristoteles *quædam ægræ*. Esi autem Ciceronis Hortensius non exstat, tamen quod fuerit argumentum libri, Cicerone alicubi commemorat: Defensio est Philosophiæ aduersus eos, qui, ut nunc sunt iudicia aulica, contendebant nihil opus esse illa subtili eruditione. Hic Cicero ostendit, quæ sit uera Philosophia, ac ad eam colendam bona ingenia hortatur, declarat quas utilitates ad uitā adferat, in hac esse legum & omnium honestorum officiorum fontes, hac uocari & ingitari homines ad agnitionem Dei, ac æterni metum numinis: Ex hac doctrina descriptionem anni certam sumptam esse, qua remota, quæ præ essent in uita tenebræ: Deniq; complecti Philosophiam multas artes uitæ utiles. Hanc fuisse summam illius scripti Ciceroniani, & ex alijs locis Ciceronis, & ex Lactantio apparet, qui inde sententias quasdam excerptit. Harum iucundissimarū disputationum lectio ne ita motus uidetur Augustinus, ut qui natura Musica sunt, etiam si adhuc rudes sunt artis, & aliud agunt, tamen dulci cantu mirabiliter ad Musices amorem ac studium excitulantur. Nondum autem legerat sacras literas, nec, ut uidetur, conciones magnificerat, nec de doctrina pia multum disputauerat cum pijs & eruditis, ut iudicare posset, quid præcipue profiteretur Euangelium, & quæ

& quæ esset pura & incorrupta doctrina. Fatetur etiam
 sibi lectionem sacrarum literarum insuauem fuisse, pro-
 pter genus sermonis, alienum à Latina consuetudine:
 Habebant enim uersiones admodum ineruditas. Verū
 ut mihi uidetur, omnes qui à sacris literis abhorrent, nul-
 la enim gratia non habet prophanos homines, offendun-
 tur non tam genere sermonis, quàm inscitia rerū. Non
 uident genus doctrinæ dissimile esse Philosophiæ, non
 intelligunt disputationum consilia & seriem. Hæc in-
 scitia reddit insuauem lectionem, ut dici solet: Ignorantia
 nulla cupido. Cum igitur ignarus doctrinæ Christianæ
 nō posset iudicio eligere Doctores, fecit quod solet uul-
 gus facere: Vt statuas, ita Doctores aestimant ex uestitu,
 tortu frontis, barba. Erat enim Africa plena Ma-
 nicheorum, qui magnam uitæ puritatem simulabant.
 Abstinebant à carnibus, improbabant coniugia, damna-
 bant imperia, & alios mores politicos, ut ab ambitione
 longissime abesse uiderentur. Prædicabant se habere ad-
 flatus diuinos, & enthousiasmos. Hæ præstigiæ offusæ ocu-
 lis hominū, mirifice capiunt animos: Suscipimus enim
 eos, qui cum Deo putantur habere commercia, ut Or-
 pheum, aut Numam homines admirati sunt: Denique
 naturaliter homines ad superstitionem propensi sunt.
 Significat etiam Augustinus se admiratione ac studio
 prodigiosarum disputationum inuitatum esse, potissi-
 mum ut Manicheis se adiungeret. Nam ardentia inge-
 nia facile capiuntur nouis & inuolutis disputationibus.
 Talium plena erat secta Manichæa, quæ erat quædā con-
 fusio ex Stoicis deliramentis, & ex ueteribus hæresibus
 ac superstitionibus conflata. A Stoicis sumebant duos
 Deos, Lucem, & Hylen: defendebant fatum Stoicum,
 ineptias

ineptias de astris contra artem de moribus cœlestibus docebant, prorsus tollebant libertatem humane uoluntatis. Reliqua ex hæresibus erant addita. Nec de Christo, nec de Spiritu sancto recte sentiebant, scelerate fingeant, autorem suæ sectæ Manichæum, fuisse illum ipsum Paracletum, quem Christus promissit: iactabant se suis ritibus consequi enthuſiasmus. Hæc pestis late uagata est, præsertim in Aphrica. Tanta est Diaboli potentia, ut omnibus ætatibus horribiliter dilaceret Ecclesiam. Cū igitur Augustinus errore ætatis, tanquam uentis in has syrtis Manichæorū delatus esset, paulatim, ut erat amans ueritatis, attentius considerare dogmata cœpit. Deprehendit igitur uanitatem sectę in materijs Philosophicis, ut ipse inquit, quia Manichæi sine Arithmetica tradebant motus & congressus syderum commenticios & fabulosos, ac pugnantes cum uera computatione. Quare cum annos nouem in ea secta uersatus esset, & exercuisset Doctores, ac nominatim Faustum, errores refutans, nō ille quidem tunc eluctatus est, sed tamen probare & amare sectam desijt. Mater interea assiduus lachrymis à Deo petebat filij emendationem. Et ostendit Deus se pios gemitus & uera uota exaudire. Diuinitus enim accidit, ut Augustinus cum Romam traiecisset, mitteretur à Præfecto Romano Mediolanum, ut exerceret ibi adolescentes in dicendo. Quanquam autem animo iam erat alieniore à Manichæis, tamen portum tenere nullum adhuc poterat. Et ex dubitatione illa, ut fit, in Academicas opinioniones incidit, diu nihil affirmans de religione. Quam multi nunc quoq; cum se euoluere ex disputationibus non possunt, prorsus fiunt & cetera. Sed diuinitus ex hoc naufragio Augustinus ereptus est, q̃ & matris lachryme

pro eo interpellabant, & ipse, quanquā in dubitatione uersabatur, audire tamen bonos Doctores, ac legere sacras literas non destitit. Narrat se tunc in Plotini libros incidisse, in quibus fuerint quedam de natura Dei, & de uerbo aeterno, quæ imitati sunt Philosophi, & astute transfulerunt ad sese, ut Christianæ doctrinæ autoritas extenuaretur. Sed tamen Augustinus ait se deprehensa fraude, eos libros abieciisse. Mirum certamen in hac historia conspicitur animi inquieti, omnia exquirentis & explorantis, ut ueritatem inueniat. Multa moñet hoc exemplū, uidelicet, doctrina & meditatione opus esse, & ad agnoscendā, & ad retinendam ueritatē. Audiens igitur Ambrosium attente ac diu, cū unā esset etiam mater, tandem Manichæam sectam aperte relinquit, & sententiam Euangelij amplectitur. Cogitat etiam de du-cenda uxore, ablegata concubina. Aliquanto post reli-cta artis professione, totum se dedit sacrarum literarum studijs, & ueris lachrymis deplorat priores suas tenebras. Tam diu mater unā manet, donec Baptismo initiari filium uidit. Postea cum redire in patriam cuperet, nō uoluit ipse ab ea diuelli. Cumq; mater in itinere mortua esset, multa prius cum filio de immortalitate, de doctrina Christiana, de Ecclesiæ arumnis collocuta, ipse susceptum iter non omisit, rediensq; in Africam cū suis sodalibus, in patria aliquandiu tanquā in secessu uixit. Inde propter doctrinæ famam euocatus est ab Episcopo Hipponensi Valerio, ad munus præbyterij: in qua functione cum scholæ eius Ecclesiæ præesset, dicitur sodalio illam regulam morū & exercitiorum præscripsisse, quæ extat. Nec aliud tunc fuit illud Collegium, nisi cœtus scholasticus, ex quo liberū erat discedere omnibus, qui aliud

qualiud ultra genus appetebant. Etsi autem soli Episcopi concionabantur cum aderant, tamen Valerius iussit Augustinum, se presente, concionari: quod quamquam grauatum faciebat Augustinus, ne Episcopi existimationem minueret, tamen postquam uidit serio hoc petere Episcopum, obtemperat. Ibi cum Manicheos & Donatistas ita refutasset, ut plerique redirent ad sanitatem, reliqui uero oppido excederent, constituta tranquillitate eius Ecclesie, Valerius se uiuo curat hunc eligi Episcopum, ut prospiceret huius Ecclesie incolumitati etiam in posterum. Id munus administravit circiter quadraginta annos, quo tempore uaria ei cum multis hæreticis certamina fuerunt. Magnam multitudinem ex Ethnicis, etiam ad Euangelium pertraxit, quos facilius flexit, cum uiderent eius doctrinam diuinitus comprobari miraculis. Deleuit reliquias Arrianorum in tota uicinia, publice reuincens Foelicem Arrianum coram Magistratu. Profligauit & Manichæos: Sed omnium durissimum certamen ei fuit cum Donatistis, qui non tantum concionibus & scriptis turbabant Ecclesias, sed manifesta uigraffabantur. Erat factio Circumcellionum, qui per illam oram Africæ passim seditiose uagabantur, & à se dissentientes alios interficiebant, aut male mulstabant. Hi tumultus edictis & saueritate Imperatorum, uix tandem sedati sunt. Maxime autem Augustino infesti erant Donatistæ, & quia ab ipso acerrime refutabantur, & quia eius diligentia perfectum erat, ut Imperator sauitiam eorum coherceret, & facultates quas Ecclesiæ ipsorum tenebant, transferrentur ad pias Ecclesias, ne impij Doctores et eorum satellites, qui in prouincia grassabantur, illis fruerentur. Cum autem sæpe cum illis congressus sit Augu-

p ij stinus,

stinus, disputando in publicis Synodis, & coram Magistratibus, cum sæpe insidijs uita eius petita sit, hæc negocia & pericula duriter eum exercuerunt. Quare non existimemus fuisse ociosum Episcopum, aut tantum ceteris monijs suis occupatum. Longe aliter de eo uiro sentientum est, qui tunc ferè solus in excubijs fuit pro Ecclesia Christi, qui puritatem doctrinæ contra tot impias factiones, quæ multitudine & potentia instructæ erant, & cū pijs assiduam & ἀσπονδον bellum gerebant, defendit, qui consilia Ducum & Imperatorum in multis rebus, quæ ad publicam pacem pertinebant, gubernauit. Exstant enim multæ eius ad præsides epistolæ grauiter scriptæ: Cuius iudicium & Italicos Episcopos reueritos esse uidemus. Vt igitur Homerus boni Principis officia complexus est hoc uersiculo:

Ἀμφότερου βασιλεὺς τε ἀγαθὸς καὶ εὖρος τε αἰχμῆτης.
Sic de bono Episcopo dici potest:

Ἀμφότερου συνετὸς κοσμήτωρ ἢ δὲ ἀγορευτὴς.
Vtraque arte opus est ei uiro, qui præest Ecclesiæ, ut sit ad docendum idoneus, ac prudens in iudicandis negocijs, in cauendis insidijs aduersariorum, in tuenda tranquillitate Ecclesiæ. Hæc cum præstiterit Augustinus, fateri necesse est, bene meritum esse de Ecclesia Christi: Lucent enim eius fides, constantia, prudentia, uigilantia, in illis turbulentis negocijs omnibus, eius temporis.

Sed incidit tunc quedam causa, in qua maxime eminet eius eruditio spiritualis, & ad quam reliqua certamina uidentur quasi quedam rudimenta fuisse. In hac peculiare beneficium Dei conspicitur, quod per Augustinum Deus Ecclesiæ præstitit. Fuit quispiam Pelagius, Philosophiæ, ut arbitror, studiosus, qui dum accommo-
dare

dare Christianam doctrinam ad Philosophiam conatur, astute corrumpit piam doctrinam. Docuit legem Dei posse impleri: gratiam Euangelij, tantum esse legis cognitionem: naturam hominis integram esse ac sine peccato: homines iustos & beatos esse legis implerione, & hac mereri remissionem peccatorum. Hec, quia uidebatur Euangelium pulchre cōgruere cum Philosophia & iudicio rationis, magno cum plausu excipiebantur in Italia, Gallia, & Africa. Possidonius narrat, Innocentium Romanum Episcopum initio etiam nō iniquum fuisse Pelagio. Sunt enim ex eo genere, quæ uocat Paulus *πιδανὰ*, quæ blandiuntur rationi. Sed unus Augustinus non solum uidit quid esset mali, sed etiam magno studio refutare errorem cœpit. Coegit Synodos, & didit plurima scripta, in quibus penè sepultam doctrinam de gratia Christi renouauit, ac restituit illam peculiarem Ecclesiæ sapientiam, de iusticia fidei, ignotam mundo. De peccato originis clarius scripsit, quàm ante ipsum scriptores omnes. Origenes inuexerat perniciosas interpretationes in Ecclesiam de lege: Ex lege non iustificabitur omnis caro, id est, ex ceremonijs. Item litera, id est, historica interpretatio, occidit: Spiritus, id est, allegoria de moribus uiuificat. Hos lapsus Origenis tunc quoque magnum periculum erat reprehendere: Erant enim hæ interpretationes passim receptæ, & mordicus tenebantur. Quare plane Prophetici spiritus fuit, unum uicium & uidere hos errores, & Paulo reddere genuinam sententiam, & audere à iudicijs superiorum dissentire: Sicut plurimi ei obiecerunt, cur unus auderet refragari superiorum sententijs, magno consensu confirmatis.

Ornatus est Augustinus miraculis quibusdam, expu-

p ij lit Dæ

lit Dæmones, & quosdam egrotos sanauit. Sed hæc sunt
 longe præstantiora miracula, successus in gubernatione,
 & hæc iudicij rectitudo, & fidei constantia, quod uidit
 Pauli sententiam de lege, de peccato, de iusticia fidei, &
 magno animi robore contra receptas persuasiones de-
 fendit. Tanta fuerat caligo, ut nec sermonis genus in sa-
 cris literis intelligeretur. Hæc ipsa uocabula, quæ sunt
 præcipua in Ecclesia, quas res proprie significarent, igno-
 rabatur, Lex, Euangelium, peccatū, gratia, fides, litera,
 spiritus. Hæ tantæ tenebræ depulsæ sunt Augustini ope-
 ra, qui quidem illas tantas res perspicere & iudicare nō
 potuisset, nisi exercitia peculiaria spiritus degustasset.
 Cum autem maxime opus sit Ecclesiæ, uera illorum lo-
 corum explicatione, decet nos omnes agnoscere Dei be-
 neficium, cuius donum erat, doctrinæ renouatio. Debe-
 tur & ipsi Augustino gratia, qui literis mandauit ueram
 interpretationem ut posteritatem admoneret. Dixi de
 præcipuo Augustini merito, sed breuius quam magni-
 tudo rei postulabat. Quod autem in tam difficilibus di-
 sputationibus interdum improprie aut incommode lo-
 quitur, uenia ei danda est. Temporum ista erant. Nam
 ætas illa magis ad declamatoriam rationem dicendi,
 quam ad accuratas disputationes assuefacta erat, Et dif-
 ficile erat ex tantis tenebris, materias illas euoluere. Re-
 bus uero haud dubie prorsus congruit, cum sententia,
 quæ Dei beneficio rursus illuxit in hac schola, & quidē
 ipso monstrante. Omitto quā multa prudenter &
 dextre responderit de uarijs negocijs: Reprehendit su-
 perstitiosas opiniones de traditionibus humanis, mo-
 net non esse cultus Dei, & sine peccato omitti posse.
 Apparet tunc quoq; dubitasse multos, quid de militia
 & ciui

& civilibus officijs sentiendum esset: Interrogatus igitur Augustinus recte & dextere respondit.

Hactenus tantum ut Doctorem laudavi, etsi hæc quidem præcipua Episcopi laus est, Non de cæteris virtutibus dixi, quæ in gubernatione necessariae sunt, nondum de privatis moribus: De utrisque brevissime dicam. In gubernatione præcipua laus est iusticiæ, quæ vel severitate utitur cum causa postulat, vel lenitate, cum hæc est utilior. Etsi autem nihil fuit in Augustini natura tyranni cum, tamen ita lenis fuit, ut non nimis esset indulgens aut lentus, ut satis declaravit in multis causis. Calamensis seditiose impetum fecerant in Ecclesiam, non remittit omnino poenam, etiamsi pro eis deprecabatur Nestarius. Et quidem inquit loquens de Ethnicis, se nolle ab ijs rogari, à quibus Christus non rogetur. Bonifacium Comitem sequere obiurgat, quod duxit Ethnicam coniugem. Rursus multa leniter fecit. Non vult interfici militem, qui templum violaverat, sed iubet eum admoneri & ad poenitentiam invitari. Quidam donauerat certum fundum Ecclesiæ, post annum mutata voluntate, repetit tabulas: Augustinus ne cum homine perfidioso litigaret, tabulas reddit. Fuit & privata vita plena optimorum exemplorum, pudicitia & temperantia. Odit maledicos, ut eius versiculi testantur. Fuisse amantem veritatis, indicant libri retractationum, quod suos errores ingenue fateretur & recantat. Egressus septuagesimum annum ætatis sue, mortuus est, cum præfuisset Ecclesiæ annos quadraginta foeliciter. Accessit illa calamitas in ultima senectâ: Vidit à Vandalis vastari Africam, qui cum passim omnia populati essent, cinxerunt obsidione urbem Hipponensem, in qua erat Augustinus, qui

qui tunc luculentum illud opus scribebat, cui titulum fecit, contra Iulianum. Rogauit autem Deum, ut uel de pelleret hostes, uel se ex his miserijs euocaret ad immortalitatem, quia nō posset esse spectator expugnationis. Decessit igitur Augustinus Anno Domini quadringentesimo tertio durante obsidione, ante captam urbem. Nec excussit ei fidē illa calamitas publica. Cū enim confuluisset eum uicinus Episcopus de fuga, an querendæ essent latebræ, iussit eum Augustinus non deserere Ecclesiam: Etsi enim ruebat imperium, tamen Deo Ecclesiam curę futuram esse. Atq; ita accidit. Nam preces Augustini & aliorum piorum non erant irritę. Quanquam enim urbs Hipponensis capta est, tamen paulo post, hoc bellum sedatum est, cum Vandalis datę essent sedes in Africa, ac durarunt ibi Ecclesię annos ferē ducentos post Augustinum. Alij solent addere comparationes in epilogis laudationum, quorum consilium non admodum probo, nisi docendi causa fiat collatio. Prodest considerari, quid cuiusq; scripta nobis conducant. Augustini lectio prodest in illis materijs, quas tractauit, nec uero quisquam tractauit plures materias. Scripsit diligenter de Trinitate, refutauit Manichęos, & Arrianos. Docet nos de gratia, & de iusticia fidei in refutatione Pelagij. Docet de Ecclesia in refutatione Donatistarum. Tantum de dogmatibus, & tam utilia, nec Hieronymus nec quisquam alius scripsit. Ceterum alij sancti uiri alijs uirtutibus excelluerunt. Sed tamen anteferendi sunt illi, qui in administratione, in periculis, in acie uersati sunt, cum ceteri essent ociosi. Recitauit historiam Augustini propter adolescentes. Quod enim exemplum magis hortari nos ad discendi curam potest, quam hæc ipsa historia?

Vide

Videmus qui fluctus excipiant eos, qui Ecclesijs præfusi sunt, nec posse gubernatores tantam molem sustinere, sine magna doctrinæ copia & uarietate. Tot ac tam uarias cōtrouersias tractauit Augustinus, quibus nullo modo par esse potuisset, nisi & multiplici eruditione instructus fuisset, & assiduum studium adhibuisset, ut promoveret. Docet pia pectora Spiritus sanctus, sed dona Dei discendo excitāda & cumulanda sunt, sicut Paulus hortatur Timotheum, ut sit assiduus in lectione, & addit: Non negligas donum Dei. Ignauis dona Dei effluunt, sicut ostendit parabola de talento. Tempora etiam nos moueant, ut in omnes bonas disciplinas, quæ sunt Ecclesiæ necessariae, maiore impetu incumbamus: Videtis enim non posse sine acerrimis dimicationibus puritatē doctrinæ retineri. Conantur eam aduersarij multiplici Sophistica obruere. Nec desinit diabolus subinde falsas opiniones serere, ut offundat incautis aliquid erroris, ut fecit in Paradiso. Quare subinde exoriuntur nouæ discorde, ac planè sit, ut in ueteri Comoedia dicitur:

ἄτιμος πρὸς ἀτιμὸν ἀλίσφεται χῆρε τε ὑπκονίη.

Estigitur opus Ecclesiæ bonis & doctis uiris, quorū uoce & scriptis propugnari gloria Dei possit. Ad hæc certamina uos præparate, nec uos iudicia indoctorum deterreant. Midæ, Centauri, & uulgus partim contemnunt, partim oderunt literas: Verum eo maiore diligentia ab omnibus pijs & amantibus Ecclesiam, tuendæ & ornandæ sunt. Quare intueamur in exempla piorū, Pauli, Augustini, Ambrosij, & aliorum, qui cū fuerint studiosissimi, excitemus nos quoq; ad discendicuram, quam quidem præcipit Spiritus sanctus, inquiens: Verbum Dei inter uos abundet.

Dixi.

q Oratio

ORATIO DE VITA RODOLPHI
Agricultor Frisij, mense Iulio habita à Ioanne Saxone Hol-
satiensi, cum decerneret titulum Magisterij quib-
usdam honestis & eradicis iuueni-
bus, in Academia Vite-
bergensi.



urimum refert nos ipsos recte intelligere
genus uitæ in quo uersamur, & hoc mu-
nus quod diuinitus nobis attributum est,
uidelicet, conseruationem ac propagatio-
nem rectę doctrinę de religione, & de alijs
rebus honestis. Et si enim splendoris plus habent alij ui-
tę gradus atq; ordines, tamen si uere uolumus æstima-
re, summa dignitas est scholarum. His præcipue seruire
Imperia & omnes politicę debebant. Cum enim ad hũc
finem homines conditi sint, ut luceat in hoc mundo no-
ticia Dei, & propter hanc causam societas ciuilis diuini-
tus instituta sit, ut cœtus sint docentium ac discipulorum,
ut accendi & late spargi noticia Dei possit, satis apparet
summum esse officium omnium gubernatorum, Eccle-
sias ac scholas tueri. Cogitate quęlo quā augusti & ue-
nerandi cœtus sint Angelici. Horum imagines in terris
Scholastici cōuentus esse debent, munus certe idem est
& officium. Prostantur idem quod canūt Angeli: Glo-
ria in excelsis Deo, & in terra pax, & hominibus læticia.
Sic scholę celebrate Deum, doctrinam paci & concor-
dię Ecclesiarũ utilem, & quę cœlestem læticiam pariat
hominibus, propagare debent. Hanc tantā dignitatem
nostri muneris, si cogitabimus, & animo metiemur, &
studia & scholas magis amabimus, & his ritibus & con-
gressibus

Am ditionem
pulsam

gressibus scholasticis magno pere delectabimur. Si quis est autem qui tam graui causa nō mouetur ad amandas scholas, hunc uere

genuit duris ē cautibus horrens

Caucasus, Hyrcanæq; admorunt ubera Tygres.

Decet igitur nos hunc promotionum morem, quem prodesse ad ordinem discendi cōperimus, conseruare.

Cum autem hic de studijs oratio haberi soleat, & alij in quibus plus est autoritatis, sæpe uel monstrent quod iter ingrediendum sit, uel uos ad expetendam optimam artem doctrinam adhortentur, ego uitam Rodolphi Agricola, quantum explorare eam potui, recitare decreui. Exemplorum enim magna uis est, & bonæ naturæ cogitatione atq; admiratione uirtutis in uiris præstantibus maxime exuscitantur ac incenduntur. Deinde historie eruditorum, de multis rebus iudicia iuuentutis formant. Cumq; Rodolphus ptimum in Germania emendauerit genus sermonis & Dialecticam, ac meliorem discendi rationem monstrauerit, consentaneū est plerisq; eius dictis ac disputationibus utiliter commune fieri studiosos. Etsi autem nemo non amat Rodolphi nomen, propter eius eruditionem ac merita, tamen priuata me quædam officij ratio inuitauit, ut de eo dicere maluerim. Nam cum mea patria non solum Frisijs uicina sit, sed etiam Frisiorū colonia, quæ etiam hodie nomen retinet Frisig minoris in Holsatia, & in gubernatione Reipub. uetustam iuris æquabilitatem non sine laude tuetur, iudico Rodolphi laudes aliqua ex parte ad meos etiam ciues pertinere, quod cum ita sit, spero uos meum cōsiliū de recitanda historia Rodolphi probatuos esse. Tamen si & ipse optarim colligi eam uberius

q ij ab alijs

ab alijs, qui apud eos uixerunt, qui Rodolphi uitam & studia melius norunt. Nos pauca collegimus, sumpta partim ex ipsius scriptis, partim ab ijs qui meminerunt sermones sentim, quibus in Academia Heydelbergenſi cum Rodolpho familiaritas fuit. Nec inſtitui encomiū: Nam cū ingentem gloriam eloquentia ſua conſecutus ſit, quæ ex ſcriptis eius iudicari poteſt, nil ei opus eſt laudatione, præſertim hominis indiſerti. Tantū historicam narrationem texo, in qua ea quæ ſciſcitatus ſum de uita, moribus, et opinionibus eius, uere recenſeo, et teſtes grauiſſimos citabo. Porro hæc commemoratio ſtudioſum atq; opinionum, non minus conducit ſtudioſis, q̃ bella toribus ſtratagemata & conſilia ueterum Ducum noſſe: Accedo igitur ad hiftoriam.

Natus eſt Rodolphus Agricola in Friſſia, in ture quodam nō procul ab urbe Groninga, honeſtis parentibus, quorum facultates, ut ſunt ibi, mediocres fuerunt, & unde liberis ad ſtudia ſumptus liberaliter ſuppeditare poterant. De primæ pueritię ſtudijs cum nihil audierim, non putaui aliquid fingendum eſſe. Nemo autem excel lentem uirtutē conſequi poteſt ſine magna ui ingenij, & ſine enthuſiaſmo aliquo, qui cum ſit acerrimus ſtimulus in bonis naturis, haud dubie Rodolphus celeriter primas artes arripuit, ut ille inquit de Heroica natura:

Ante annos animumq; gerens curamq; uirilem.
Nam & ex ſcriptis ipſius & conſilijs apparet ingenij uis & imperus.

Cum Germania corruptiſſimo genere ſermonis uteretur, tantaq; literarū inſcitia eſſet, ut quid eſſet recte loqui, ne quidem ſuſpicari noſtri homines poſſent, imō etiā inſulſitas admirationem haberet, unus Rodolphus primum

primum auribus atq; animo sentire illa uitia, & desiderare meliorem orationis formam coepit. Hæc fuit singularis prudentiæ significatio: Illa uirum ingenij & doctrinæ, quod genus orationis effinxit purum, splendidum, sonans, sine ineptijs, rerum etiam pondere & grauitate probandum. Nec tantum prudentia fuit, sed etiam quædam animi celsitudo & mira discendi auditas, quod in Italiâ cum patrimonium haberet mediocri, profectus est, ut melius doctrinæ genus quæreret. Ac si de ingenij laudibus multa dicturus essem, amplificare eas etiâ patriæ prædicatione possem. Nam Frisia, ut olim magnitudinem rerum gestarum floruit, ita nunc quoq; gignit ingenia nequaquam uulgaria, sed cum ad literas, tum ad gubernationem magnarum rerum idonea, & ut mihi uideatur, non solum sagacia & sana, sed etiam ingenuitate & animi celsitudine singulari prædita: Sed, ut dixi, Rodolphi ingenium ex scriptis æstimari potest. Louanij audio eum tyrocinium primum deposuisse, ubi cum Gallo-
rum appeteret familiaritatem, seu uitans nostrorum commestationes, seu quod illi essent eruditiores, statim inter illos simul Gallicam linguam didicit. In dialecticis & philosophia cum percepisset celeriter illa, quæ in scholis tradebantur, ipse animo meliora requirere solebat, seque in bibliothecas abdens, suo consilio bonos scriptores legebat, Multa interim cum prudentioribus disputans de eruditore philosophia. Audierat autem renouari tunc Græcæ & Latinæ linguæ studia in Italia. Nam post captum Byzantium, Græci pulsi patria, in Italiam multi uenerunt, qui philosophiam & eloquentiam ibi renouarunt, cuius studia post collapsum imperium, prorsus in Italia conticuerant. Intelligebat autem sine Græcis

literis Philosophiam percipi non posse. Cœpit igitur impetū proficiscendi in Italiam, ut et disertorū consuetudine ac exemplis genus orationis emendaret, & Philosophiæ fontes cognosceret. Venit Ferrariam, ubi tunc quidem magis florebat studia Philosophiæ ac eloquentiæ, quàm in ceteris Academijs Italicis. Nam Hercules Dux Ferrarię sentiebat ad boni Principis officium pertinere curam iuuandę rei literarię, ac delectabatur ipse eruditorum scriptis. Erat Ferrarię Theodorus Gaza, qui eruditione & eloquentia facile antecelluit Græcis omnibus qui tunc in Italia erant. Ibi Guarinus Græce & Latine docebat, vir in primis diligens. Aderant & Strozæ Poetę, cum quibus apparet magnam fuisse familiaritatem Rodolpho. Exant & Mathematicorum scripta, qui apud Herculem tunc iuxerunt. Deniq; omnes artes ibi felicissimè tradebantur. Quid potest autem homini ingenioso, incēso uerę doctrinę amore, auido discendi, qualis erat Rodolphus, contingere optatius, quàm ut in tali cœtu Doctorum uiuat. Hic soluta oratione certabat cum Guarino, uersu cum Strozis, de Philosophia differebat cum Theodoro Gaza, & ceteris summis uiris. Audiebat professores omnium artium. Cumq; pariter excoleret ingenium doctrinę uarietate, & in eloquentia elaboraret, totius in se Italię ora oculosq; conuertit. Magna cum laude disputauit, enarrauit autores utriusq; lingue in illa ipsa Academia, habuit orationes magna cum approbatione eruditorum. Porro magna laus fuit homini Germano, non solum eruditione & genere sermonis, sed etiam uenustate actionis satis facere Italię, morose ac fastidiose iudicanti. Nec opinor ulli Germanorum præter hunc, Italos tribuisse tantum, ut publice docen-

tem cum

rem cum admiratione audirent, ac pariter eruditio-
nem, genus sermonis, & actionem probarent. Audio
sæpe rogatum esse Erasmum in Italia, ut specimen suæ
eruditionis ac facundiæ publica prælectione præberet.
Sed ut hac in re amicis morem gereret, adduci nunquā
potuit, metuens ne ab Italis, pronuntiatio hominis Ger-
mani derideretur. Ac sæpe prædicauit Rodolphi natu-
ram, quem imitari Italianam venustatem sine ineptijs po-
tuisse ferebat. Verum Musicæ naturæ ad pronuntiatio-
nem & actionem, aptiores sunt cæteris. Constat autem
Rodolphum ita excelluisse in Musicis, multas ut can-
tilenas composuerit: Imò ut Italis fuerit incundior, pro-
pterea quod interdum cythara luderet in conuiuijs eru-
ditorum. Quanta fuerit eius sedulitas, inde æstimari po-
test, quod Quintilianum sua manu integrū descripsit.
Ipse significat se in Italia naturalem historiam Plinij di-
ligenter legisse, forassis occasione inuitatus, quod in eo
loco facilius inquirere plantas potuit, & haud dubie uti-
dit Aristotelem & Theophrastum, conuersos à Gaza,
quos cum legeret, Plinium adiungendum esse duxit,
ut unde Gaza Latinas adpellationes sumpsisset, obser-
uaret. Hæc collatio plurimum ei profuit, ad augendam
& rerum cognitionem, & uerborum copiam. Porro
cum se diligenter expoliasset inter doctissimos homi-
nes, tandem in patriam rediit, ubi non diu hæsit: Nam
aliquanto post reditum, accersitus est Heydelbergam
à Dalburgio Episcopo Vangionum, & Pleningero,
quem ipse Plinium nominat: Cum his enim in Ita-
lia Rodolpho familiaritas summa fuerat, qui postea
ambo peruenerant in aulam Principis Palatini Phi-
lippi, qui ut erat splendidus, & non rudis literarum, &
magna

magna comitate præditus, uolebat aulam habere ornatam literatis hominibus. Dalburgius Cancellarius, dein de factus est Vangionū Episcopus. Is Heidelbergam uocauit Rodolphum, seu ut eius consuetudine se ipse ad res scribendum assuefaceret, seu ut iuuentus haberet styli formatorē. Huius Dalburgij contubernio usus est quo ad uixit. Et quanquam licuit esse ocioso, tamen propter utilitatem iuuentutis, in Academia publice docuit Græce & Latine. Nec duxit sibi parum honorificum esse, quanquam aulico, scholas habere. Ut scholasticas operas nunc multi leuiter tincti literis fastidiunt, ut est huius peruersissimi seculi superbia. Adijt crebro disputationes omnium disciplinarū. In philosophia emendabat inceptas persuasiones scholæ. Ibi etiam scripsit libros dialecticos, ut artem repurgaret, eamq; è tenebris in lucem & in aciem educeret, usum uidelicet monstrans. Senes Heidelbergæ narrant mores eius honestos & castos fuisse, & à liuore, maleuolētia, ac petulantia alienissimos. Non est solitus irritare morosos, intempestiuis reprehensionibus, ne quid fereret certaminum in schola, sepe recitans, hospiti multa dissimulanda esse, ut Græcus uersus inquit:

Ξενον δὲ σιγᾶν κερὶ τῶν ἢ κεραιέναι.

Consulebatur sæpe ab eruditionibus & in philosophia & in alijs artibus. Multa ex Aristotele uerbebat & interpretabatur ijs qui eius sentētijs sciscitabātur. Nemo tūc uiderat libros Aristotelis de animalibus. Itaq; pergratū erat eius officium doctioribus, si quando aliquem insignem locum inde proferebat, ut cum de immortalitate humanæ animæ disputaretur, quid sensisset Aristoteles, magna cum admiratione excepta est illa sententia, prolata

prolata ex libro de generatione animalium: Mens ex
trinfecus accedit, non nascitur ex materia corporum. In
terdum aliquid ex Arato de syderum positu, ortu & oc
casu studiosis impertiebat.

Nec deerat eius officium professoribus aliarum disci
plinarum. Fortè inciderat disputatio inter Theologos
et Iurisperitos de hoc dicto: Frustra seruat Euangeliū,
qui non seruat canones Synodorum. Hoc cum alij ad
confirmandam superstitionē in ceremonijs detorque
rent, alij τὸ πρῶτον esse durius quererentur, & mitigan
dum aliqua interpretatione dicerent, Rodolphus in
quit: In uniuersum in Iuris interpretatione multū pro
desse cognitionem historiarum & antiquitatis: Ac præ
sertim Ecclesiæ historias & ueteres contentiones debe
re notas esse omnibus, ex quibus sæpe peti possit inter
pretatio ueterum dictorum. Synodi ueteres, inquit, uo
cabant Canones tantum articulos doctrine dijudicatos
in Synodis, non traditiones de ceremonijs: Nec dubiū
esse, quin hæc primum fuerit sententia huius dicti, sed
postea errore deprauatum esse. Verum est, Euangelium
non seruari ab ijs, qui aspernantur decreta contra Samo
satenum, aut Arrium, aut Macedonium facta: Nam ue
rustissimæ Synodi propter controuersias dogmatum
conuocabantur, nō de ceremonijs cumulandis. Quām
indigna uox esset, dicere, Christi fidem inutilem & ina
nem esse, sine obseruatione omnium rituum humano
rum? Lucem et uitam eternam in mentibus inchoatam
extingui, si aliqua ridicula ceremonia negligeretur: Ad
debat, tales ritus sæpe sine ullo peccato omitti posse.
Hac tam dextra interpretatione facile satisfecit omni
bus. Sepe & in Iure civili ea quæ ab historijs petēda sunt,
explicabat

explicabat interrogantibus, ut locum de usuris centesimis: Item quid sit *egrum solum*, denique qui fuissent gradus veterum Romanorum iudiciorum. In Theologia quid desiderauerit, memini hac scribere Iosquinum Groningensem senem, pietate & grauitate excellentem, se adulescentem interfuisse sermonibus Rodolphi et Vuesfeli, in quibus deplorarint Ecclesie tenebras, & reprehenderint prophanationem in Missis, & coelibatuum: Item disputauerint de iusticia fidei, quid sit quod Paulus toties inculcat homines fide iustos esse, non operibus: Scribebat Iosquinus, aperte reiecisse eos Monachorum opinionem, que fingit homines operibus iustos esse: Item sensisse eos de humanis traditionibus, errare eos, qui affingunt illis opinionem cultus, & non posse violari indicant. Nihil fingo, nam hec ferè ad uerbum huc scripsit Iosquinus. Ac satis credibile est, eum diligenter disputasse de doctrina Christiana, præsertim cum esset familiaris Vuesfelo, cuius fuit summum ingenium: Ad quod amplissimam eruditionem in omnibus disciplinis adiunxit, & Græcæ & Ebraicæ lingue cognitionem. Ad hæc exercitatus fuit in certaminibus religionis. Lutetia pulsus propter taxatas superstitiones, uenit Basileam: ibi pro Vuesfelo dixerunt Basilium Groningum: Narrabatque Capnion eum Theologiam, Græcas & Ebraicas literas eodem tempore tradidisse studiosis, si qui eum audire cupierant. Inde cum in Belgicum redisset, sæpe adiit senem Rodolphus natu minor, sed in literis Latinis & Græcis eruditior, & flagrans studio Christianæ doctrine. Idque ipse sæpe de se predicat, se quod reliquum esset ætatis, collocatum esse in sacras literas: qui si uiuisset, haud dubie egregiam operam Ecclesie nauasset. Quanquam & illa studia Ecclesie profuerunt,

fuerunt, quod nostros homines ad meliorem discendi rationem reuocauit. Id meritum non est leue ducendum. Sed redeo ad historiam.

Cum ita uideret Heydelberge, ut eruditus & bonis omnibus charissimus esset, non solum in noticiam uenit Ducis Palatini Philippi, sed etiam familiaritate eius Principis delectatus est, ac saepe eum ad graues deliberationes adhibuit. Cumque, ut fit, mentio interdum incideret ueterum Imperiorum, ac Rodolphus commemoraret uel Graecas historias, uel Romanas, Princeps & uerti sibi multa non solum ex historiis, sed etiam ex Poetis iussit, & petiuit sibi contexti integram seriem quatuor monarchiarum, ut ordinem rerum melius uidere, & incrementa atque inclinationes, & horum causas considerare posset: Nam haec exempla praesertim Principes monere de plurimis rebus possunt. Contextuit igitur Rodolphus eruditissimam epitomen ex Biblijs & Herodoto, de Assyriorum & Persarum Imperio, de ciuilibus discordijs Graecarum ciuitatum ex Thucydide & Xenophonte, de Philippo & Alexandro & successoribus ex Diodoro & Polybio. Deinde lectissima, quaeque excerpfit ex historiis Romanis. Postremo & Germanici regni res praecipuas collegit. Ac in eo scripto non solum laborauit, ut res tantas perspicue narraret, sed etiam ut obiter legentem Principem plerumque moneret: qua in re apparuit eum non modo literis, sed etiam ciuili prudentia excellere. Sed cum iam aetas maturuisset, cum iam lucubrationes Theologicas inchoasset, non multum supra quadragessimum annum egressus, rebus humanis exemplus est. Spero enim immortali laticia donatum esse, cum legamus eum pie sensisse de Christo, ac studia ad gloriam Dei destinasse, & mores fuisse pios &

honestos audiamus. Habetis historiã uitę Rodolphi.

Nunc reliquum est, ut talis uiri memoriam grati conseruetis, Cogitetis quantum fuerit ornamentum Germanię, quã bene de literis meritis sit. Primus enim in Germania emendare genus sermonis cœpit, & accendit Latinę & Gręcę linguę studia: Quare ei plurimum omnes debemus. Adolescentes etiam eius admoniti tũ exemplis tum dictis, prudentius de studijs iudicare discant & ipsius imitentur diligentiam & sedulitatem qua infirmioribus ingenijs multo magis opus est, quẽ illis Heroicis naturis, quibus, ut ita dicam, multa proueniunt *ἀνύγορα*. Consilium etiam ipsius in studijs considerate, quod uidelicet non diuulsit artes natura copulatas, rerum doctrinam & eloquentiam, sed in utroq; genere summa animi atq; ingenij cõtentione elaborauit, quod ut uos quoq; faciatis, quantũ possum, omnes adhortor. Et in hoc instituta sunt hæc scholastica exercitia, ut in utroq; genere elaboremus, quod quidem eo facientum est, ut Ecclesię ac Reipub. usui esse possimus. Nam nec rerũ cognitio recte comparari potest sine exercitatione dicendi, nec destituti rebus, idonei sunt ad seria negotia explicanda. Porro, si officium nostrum diligenter fecerimus, Deus etiã ornabit nos præmijs: Vt Ecclesias, ita scholas, quę sunt præcipua pars Ecclesię, conseruabit, etiam si negliguntur ab ijs, qui præsunt, qui quidem longe errant. Propter Ecclesias & scholas, ipsi, & politię seruantur. Quare uicissim nobis gratiam referre debent: quod si non facient, Deus illos puniet, & tamen aliquem portum Ecclesię, scholis, et nostro ordini ostendet, sicut promissit, Se nõ defuturum ijs, qui doctrinam Ecclesię utilem propagare & ornare student. Dixi.

Epicedion

EPICEDION ERASMI
Roterodami.

APOTHEOSIS QVOQVE
eiusdem.

Autore Melchiore Acontio.

PHILIPPVS ME-
lanchthon.

Quamuis ingrata est hominum natura, nec unquam
Reddere pro meritis premia iusta solet,
Nulla tamen laudes ætas abolebit Erasmi,
Non omnino mori gloria uera potest.
Scriptorum utilitas ingens fastidia uincet,
Et mixtæ Charites, & nitor, atq; lepos.
Non aliena augent igitur præconia famam,
Aeternum peperit nam decus ipse sibi.
Sed tamen est pietas meritis hunc reddere honorem,
Et grata munus uoce referre datum.
Hoc animo carmen facundus Acontius ædit,
Quo celebrat laudes Roterodame tuas.
Non uena indigna est, quæ magnum cantet Erasmus,
Officij laudem sed magis ille petit.

r iij

Illustri

ILLVSTRI ET GENEROSO

Comiti, D. Ludouico Comiti à Konigsteyn

& Stolberg, Melchior

Acontius

S. D.



Vra gerendarū dū te Comes inclyte rerū,
Iuraq; dicendi grande fatigat onus,
Me tellus Boreg, Septeq; propinqua trioni,
Et locus immitti frigore plenus habet.

Hicubi Pierides ductore Melanchthone seſſor,
Et ſtudijs mores ingeniumq; colo,
Sape quidem patriæ mihi dulcis imago recurrit,
Et ſubeunt, puero qui placere, lares.
Forſitan & cuperem, ſi qua ratione liceret,
Nuſſe quoq; natali proximus eſſe plagæ.
Sed teneor blando quorūdam carmine uatum,
Quos admirari ſaxa uel ipſa queant.
Namq; ſuos etiam tulit hic Amphionas orbis,
Et multi noſtro tempore numen habent.
Hi mihi ſeu captam retinent cum corpore mentem,
Hos ego non homines ſed reor eſſe Deos.
Quorum dum cupidas accommo uocibus aures,
Vix patriæ poſſum, uix memor eſſe mei.
Inſuper æquales ſtudioꝝ ſœdere iuſtos
Hic mihi non paucos conciliauit amor.
Cum quibus interdum ſoleo iuueniliter audax
Ardua Muſarum per iuga ferre pedem,
Et luſtrare ſacrum, quem fecerat ungula, ſontem,
Atq; nonem precibus ſollicitare Deas.

Nec

DEDIC. CARMEN.

319

Nec raro uacua meditamur carmina mente,
 Hæc mihi non unum surripuere diem.
 Et nunc læticiam testantes pangere uersus,
 Nunc hilares mœstis posthabuisse iuuat.
 Sic etiam nuper defuncto tristis Erasmo,
 Funereos iussi carmen habere modos.
 Complexusq; uiri non fictas ordine laudes,
 Manibus inferias triste poema dedi.
 Hoc igitur, quoniam placuit committere luci,
 Ipse uelis studiij pignus habere mei.
 Olim, difficilis si non prohibebit Apollo,
 Digna tuis factis nominibusq; canam,
 Cum faustis auib; patrias reuocatus in oras,
 Illa, quam dederint numina, sorte fruatur.
 Vrselidesq; ferent reduci nona munera nymphæ,
 Quem precor & spero non procul esse diem.
 Interea primos non aspernare labores,
 Quos potes haud nullo dicere iure tuos.
 Utq; diu Musis, merito quas semper amasti,
 Ceu debes, possis consuluisse, Vale.

Epicedion



Lebile nūc elegi tennes mihi fundire carmē
 Mœstaq; non fausto nectite uerba die.
 Plena grauis luctus sint oīa, plena doloris,
 Triste sonet quicquid triste sonare potest.

Si pia res unquam lachrymæ fletusq; fuerunt,
 Nunc oculus, merito quod fleat, omnis habet.

En iacet Aonidum nitidus flos, si tamen ille
 Cuius adhuc superest fama, iacere potest.
 Sustulit heu nobis mors impia corpus Erasmi,
 Etiam terra p̄ij contegit ossa senis.

Ah nimium Fatis licuit, nimiumq; Deabus,
 Arbitrio quarum uita stat atq; cadit.

Quis furor hic etenim, uel quæ dementia Parcæ
 Dicite, uos audas iussit habere manus?
 Perdere cum multos soleatis, parcere nulli,
 Gloria quæ uobis inde uenire potest?

Vestra quot heroas manus ire coegit ad orcum,
 Fortia quot stygijs corpora merlit aquis?
 Vos neq; forma capit, neq; commouet ullius ætas,
 Abripitis pueros, abripitisq; senes.

Forſan & hoc ideo Parcarum nomen habetis,
 Parcere quod ueſtræ non didicere manus.
 Sed toleranda fuit tamen illa potentia, ſi non
 Sæpe bonis etiam pernicioſa foret.

Si liber, & uobis eſt tanta nocere uoluptas,
 Lædite quos rectum lædere iusq; ſinunt.

Cur hominum peſtes, infauſtaq; pondera terræ,
 Quàm decuit, ſinitis longius eſſe ſuper?

Nam quid uiuus adhuc cœleſtes inquinat auras,
 Cuius tam ſœde ſcripta, Doletus, olent?

Cur tot

Curtor flagrantēs odijs & cædē tyranni,
Qui bene non inquam sed male semper agunt:
Cur alij, quorum iam nomina quilibet odit,
Quosq; piget numeris inseruisse meis:
Hos auferre procul, ne cladibus omnia turbent,
Hæc date (non debent uiuere) monstra neci.
Esse bonis tutos liceat, quid perditis illos,
Quorum uita decens & sine labe manet:
Vestra minabuntur posthac quoq; stamina diuis,
Nec poterunt leges fata tenere suas.
Limina tartarei fumantia Regis adibit
Iuppiter, & manes, iussus obire, petet.
Totaq; nī fallor, rerum natura timebit,
Ne redeat uastum, quod fuit ante chaos.
Desinite ò tandem, uiresq; remittite uestras,
Iam satis absumptum sanguinis esse puto.
Ista dolens casus indignaq; fata piorum
Tristitia pleno carmine questus eram.
Ecce superuenit Patcarum maxima Clotho
Vtq; colum dextra fortè tenebat, ait:
Quid iuuat iniustas toties iterare querelas?
Non semel hæc aures perculit aura meas.
Multi sæpe mihi dixerunt talia Vates,
Et rea non ueri criminis acta fui.
Quod pereunt mortis subiecti legibus omnes,
Nemoq; ius illud ne moriatur habet:
Hæc Iouis in manibus sunt omnia. Iuppiter author
Perpetua ferri singula lege iubet.
Nos nihil audemus, nisi quæ mandauerit ille,
Exequimur famula quod iubet alter, opus.

s Ah quod

Ah quoties lacrymis fletuq; rigauimus ora,
 Flectere cum nulla fata liceret ope?
 Rupimus inuiso pro flamine saepe capillos,
 Et tamen immites dicimur esse Deæ.
 Plura uidebatur dictura, sed altera uenit,
 Cœpta iubens propere ducere fila soror.
 Ad solitos igitur rediens inuita labores,
 Fugit, ut ex oculis fumus abire solet.
 Tunc, operat casu præsens, ita uoce profatus
 Melpomene studij fax & amica mei,
 Inq; uiri laudes sic Pieris ora resoluens,
 Insequitur Parca talibus orla sonis.
 Quam ppter as felix Germania nuper haberi
 Cum tuus optato sydere creuit honor,
 Tam potes infelix hac tempestate uocari,
 Qua tuus in uentos penè recessit honor.
 Et tamen est aliquis mortem patienter Erasmi
 Qui ferat, & cupiat non etiam ipse mori:
 Ingratum genus est hominum, mentisq; ferinæ,
 Publica quod sicco lumine damna uidet,
 Nec patriæ casu uel iniqua forte mouetur,
 Sed mala, quæ patitur, more furentis, amat.
 Ah ne tam rigido quisquam mihi pectore uiuat,
 Indomitos feritas uix decet ista Getas.
 Tu potius, quoniam clademq; miserrima sentis,
 Qualibus & donis sis spoliata uides.
 Flebilis inferias Germania mitte sepulto,
 Et dic: Has mitto Rogerodame tibi.
 Nam cur non doleas, cur non solennia mittas,
 Cuius ob interitum cuncta dolere uides?
 Quo

Quo moriente, uagos qui ducit in aethere currus,
Nubibus ipse suum texit Apollo caput.
Et testata noui causam Natura doloris,
Protinus amisso signa colore dedit.
Nos quoque mors hominis, iacturaque publica mouit,
Et nihil in toto latum Helicone fuit.
Vidimus & Charitum stillantes nectar ocellos,
Vidimus agrestes collachrymare feras.
Maxime sic etiam, memini, celuximus Orpheu,
Attonitis Orphen dilacerare choris.
Aut te, qui residens Dyrceon monte solebas
Dulcibus in muros saxa uocare sonis.
Nec minus hoc nobis fuerat moriente dolendum,
Ultima quam ueniens cum tulit hora Linum.
Qui genitore licet se iaceret Apolline natum,
Vix tamen huic dici parsimilis ue potest.
Traxerit & duris alius (sino) montibus ornos,
Vocalique truces mouerit arte feras,
Iusserit inceptos conuerrere flumina cursus,
Fecerit ingenium cuncta nouare suum.
Dum nobis artes renouasse feratur Erasmus,
Atque suum studiis restituisse decus,
Dum procul ablato ueteri squalore situque
Fecerit insolitis cuncta niteri modis.
Vnius & studio nobis operaque repente
Fulserit è media candida nocte dies.
Dum fera Barbaries procul hinc excedere iussa
Exuler, ad duros transferitque Geras.
Maximus Alcides passim fera monstra subegit,
E quibus artem nomina laudis habet.

s ij Contudit

Contudit immanem generosis uiribus Hydram,
 Nectimuit fortem fortior ipse Leam.
 Nil potuit Caci rabies, nil tergeminus rex,
 Herculeg sensit robur uterq; manus.
 Et geminos una superauit nocte dracones,
 Atq; sui generis pignora certa dedit.
 Quamuis paruus adhuc gremio nutricis inhærens
 Infans exigua lactis egebat ope.
 Necdum se dubijs audebat credere plantis,
 Aeditus ut fuerat mensibus ante decem.
 Grandius his monstrum longeque nocentius orbi,
 Sustulit hic, quamuis uix bene natus erat.
 Nam simul ac pulchræ ueniens genitricis ab aluo
 Exierat, primam contigeratq; diem,
 Venerunt Charites uultu cultuq; decoræ,
 Estq; magis solito uisa nitere domus.
 Protinus infantem sparsere recentibus undis,
 Vnaq; tu noster, dixit alumnus eris.
 Propter & ornatos in amico pectore mores,
 Nomina tam pulchris dotibus apta geres.
 Te Desiderium præsens mirabitur ætas,
 Te Desiderium secla futura canent.
 Ista locuta dedit foelicem nectaris haustum,
 Quo solet in cœlis Iuppiter ipse frui.
 At fera Barbaries stabilis non inscia fati,
 Tempus ut excidij sensit adesse sui,
 Fatalis pueri cunabula tristia quærens,
 Mouit inornatos horrida Diua pedes.
 Trux facies, stantes oculi, sine lege capillus,
 Et decor in gressu nullus euntis erat.

Ut tetigit

Ut tetigit limen, puerumq; uidere iacentem
Contigit, incultis murmurat ista sonis:
Quis Deus, aut quodnam puer immitissime numen
Authorem cladis te iubet esse mee?
Tu ne meis coges iterum me cedere regnis,
Et noua mutato quærere sceptrâ loco?
Cur tibi præ reliquis hanc spondent sydera laudem?
Qui sit, ut astrorum te chorus omnis amet?
Non equidem paterer, si talia sponte moueres,
Nec tua cœpta deum prouherentur ope.
Nunc superis cedo, quamuis inuita, tibiq;
Do puer, alterius numine uicta, locum.
Certa mei fugiens tamen hic monumenta relinquam,
Nec sine uindictibus sola, uidebis, ero.
Progenies ueniet, quæ semper iniqua Camœnis,
Et tibi quàm speras durior hostis erit.
Dixit, & in Scythiam squallenti turbida uultu,
Adq; suos populos plena doloris abit.
I nunc, Herculeâ domitos uirtute dracones,
Tristiaq; in cunis monstra subacta refer.
Strangulat Alcides sinuosos fortiter angues,
Barbariem fugat hic, magnus uterq; puer.
Sed tamen ille minor tanto debebit haberi,
Quanto Barbaries tristius angue malum est.
Talis erat pueri natalis. At aurea postquam
Proueniens cœpit barba notare uirum,
Eloquij tantum superauit honoribus omnes,
Anseribus quantum carmine præstat olor.
Maxima lux olim Romanæ Tullius urbis,
Ipse probaturus uerba loquentis erat.

Audisset populis circumstante corona
 Conspicuum Latio digna sonare foro,
 Forsan & admirans hominem, dixisset, hic ille est,
 Quem propria socium laudis habere uelim.
 Quinetiam Græco tantum sermone ualebat,
 Siue quid audebat scribere, siue loqui,
 Natus ut Argolica potuisset in urbe uideri,
 Tantus erat cultus, tantus in ore nitor.
 Utq; simul breuibus connectam plurima uerbis,
 Maximus ingenio, corpore paruius erat.
 Scilicet hoc multo prauiderat ante Rodolphus,
 Excellens Phrysi lumen honoris solus.
 Qui puerum, quodam miratus tempore dixit,
 Tu, nisi me fallant omnia, magis eris.
 Ergo quodd' Ausonias Germania suscipis artes,
 Et tua Cætopios percipit ora sonos,
 Incipiunt ueterum quodd' scripta placere legentis,
 Nec, quod eras nuper, barbaræ terra manes,
 Principio debes illis, quibus omnia debes,
 Vnde, boni quicquid pronenit, omne uenit.
 At si mortalem superis adiungere fas est,
 Post superos partem laudis Erasmus habet.
 Qui sibi non tantum noluit sudare tot annos,
 Adq; uoluptatem cuncta referre suam,
 Sed procul ingenij riuos manare per orbem
 Siuit, & egressos finibus ire foras.
 Esse nihil quoniam præstantius ipse putabat,
 Quàm bene de patrio promeruisse solo.
 Contulit huc igitur generosi pectoris heros
 Quicquid erat studij, quicquid habebat opum.
 Incum-

Incumbensq; dies operi, noctesq; laborum
Sola mihi dixit patria, finis erit.
Nec mora tot nobis ueterum monumenta reduxit,
Tot super hac proprio condita Marte dedit,
Vt citius stellis & amoeni floribus horti,
Quam numerum libris constituisset queam.
Hoc reuocata nouam ductore tragoedia lucem
Sensit & è tenebris sustulit orta caput.
Exhibuitq; graui spectacula digna cothurno,
Et coepit Latij uersa placere modis.
Vidisti scelus iniusti poenasq; tyranni
Auersata ferum Teatonis ora nefas.
Virgineoq; truces placari sanguine uentos,
Iudicio res est impia uisa tuo.
Hac etiam populus quondam spectauit Athenis,
Dum status incolumis forsq; benigna fuit.
Non tamen huic penitus studio se dedit unquam,
Grandius inuicto corde mouebat opus.
Carmine nec uoluit mansurum quaerere nomen,
Quamuis nunc etiam carmine nomen habet:
Tædia sed duricipiens uitare laboris,
Ad uatum nitidas saepe redibar opes.
Inq; poetarum solitus requiescere syluis,
Gaudebat teneris uerba ligare modis.
Multo plura quidem numerorum lege soluta,
Omnia sed multo splendidiore dedit.
Hac Charites, Charitumq; nitor germanus, et Horæ
Floribus ornarunt delictisq; suis.
At sale Mercurius niueo, molliq; lepore
Condidit, & Genium munera rara dedit,

Neuel

Ne nel eis liuor, uel secula longa nocerent,
 Clara sed ac tempus chara per omne forent.
 Ausus es infœlix tamen hæc quoq; carpere liuor,
 Liuor iners mentis degenerantis opus.
 Ausus es inuidiæ stimulis œstroq; subactus,
 Insignem rabido dente notare uirum.
 Quemq; nec ingenio furiose nec artibus æquas,
 Non pudet iniustis dilacerare modis.
 Cum nihil in toto reprehendi corpore possit,
 Nescio quos nœuos non tolerare potes.
 Desine nec frustra male sanos attere dentes,
 Si non uis alijs parcere, parce tibi.
 At nisi cessabunt odiosæ uerbera linguæ,
 Forte p̃ijs aliquis manibus ultor erit.
 Et uel rumperis citius, uel tabe peribis,
 Quàm pereat ueræ nobilitatis honos.
 Vincit ad extremum mala fortiter omnia uirtus,
 Inq; sua pulsus hostibus arce manet.
 Quid queror ingratos mōres, infidæq; corda?
 Sæpe bonis merces nunc solet ista dari.
 At non restituit solas pro uiribus artes,
 Quas tamen est magnus restituisse labor.
 Nec uoluit scriptis ita deditus esse prophanis,
 Nolle ut idcirco consuluisse sacris.
 Non minus hæc etenim quàm cætera luce carebant,
 Plenaq; barbaricæ plurima noctis erant.
 Sacra premebatur tenebris scriptura, situq;
 Orba suo cultu, lumine cassa suo.
 Squallidus huc etiam subiens irreperas horror,
 Regnabasq; adeo tristis ubiq; lues.

Non tulit

Non tulit immensi rex hoc & conditor orbis,
Pressa satis miserè iam sua scripta putans.
Ergo repurgari cœlestia dogmata mandat,
Hoc placet, hoc animo nocte dieq; sedet.
Deligitur sanctæ pietatis amator Erasmus,
Ipse nec immensum ferre recusat onus:
Sponte sed haud una uitiatæ parte medetur,
Omnia candori restituitq; suo.
Sicut in excidio Solymorum præstitit Esdras,
Ne caderet patriæ religionis honor,
Vndiq; collectis dum sacra uolumina libris
Non finit hostili tota perire manu.
Sic cauet hic etiam, calamoq; fideliter usus
Non finit immundo cuncta perire situ.
Cumq; tot extiterint de religione tumultus,
Secula quot constat nulla tulisse prius,
Sic se perpetuo moderatum gessit, ut author
Nullius aut rixæ diffidij ue foret.
Ponite sæuitiam (dicebat) ponite Reges
Bella, quid inuito sumitis arma Deo?
Prælia discordes quid tanta paratis utrinq;
Non ita res debet religionis agi.
Pace opus est, ualeant crudi certamina Martis,
Bella nihil profunt, pax bona cuncta dabit.
Exiguo magnas damno componite lites,
Ne proprias odijs dilaceretis opes.
Seu bellare iuuat, celebresq; parare triumphos,
Non procul à uobis Turcicus hostis abest.
Finibus hunc patrijs arcete, sed aurea leges
Pax alat, & uobis præsit amica domi.

Talia dicentem laudarunt sæpe tyranni,
Adq; pñ uoces obstupere senis.
Nec semel his monitis ferrum posuere monarche,
Sæua quibus cordi prælia nuper erant.
Sic etiam Grañ scripserunt Nestora uates
Facundo solitum regibus ore loqui.
Omnia cum dubio feruerent castra tumultu,
Et fremerent mori bella nefanda duces.
Nec fortuna pijs conatibus absuit unquam,
AEqua sed ac facilis perstitit usq; comes.
Tempora nec uetuit contingere longa senectæ,
Atq; sua canos prosperitate frui.
Sed satis utinam protracta uolentibus esset
Vita recessuro nuper ad astra seni,
Donec principibus toto semel orbe coactis,
Concilio fieret consilioq; locus.
Foran ibi potuisset res fulcire ruentes,
Tollere consilijs & mala multa suis.
Verum Dijs aliter uisum est, qui totius orbis
Fluctibus è medijs eripuerit senem,
Fœlicemq; suis manibus super astra locarunt,
Conspicuum terris, conspicuumq; polis,
Nunc ubi cœlicolas inter turbamq; piorum
Ocia cœlesti cum patre latus agit.
Talia, si fas est mihi uerba referre deorum,
Dicta uerecundo Pieris ore dabat.
Cuius nos cupide numeros uocemq; secuti
Hæc damus in mortem Roterodame tuam,
Ut uirtutis adhuc, quam uis sublatus abisti,
Atq; tui memores nominis esse scias.

Nunc,

Nunc, quo signetur tumulus, breue carmen habeto,
 Mortuus Aonium si modo carmen amas.
 Hoc Desiderio Charies statnere sepulchrum,
 Texeruntq; sua corporis ossa manu.
 Gloria per totum celeberrima spargitur orbem,
 Nec uoluit clauso marmore fama tegi.
 Maior eris Latio Germania, maior Athenis,
 Si fueris talem turis adeptus uirum.

APOTHEOSIS D. ERASMI
 Roterodami.



Ecceter autatos cū nuper in æthere currus,
 Ingētemq; sua lustraret lampade mundū,
 Sydereā radijs frontē præcinctus Apollo
 Vidit, & ut uidit miserabile funus alumni,
 Palluit, obducta uultūq; nigredine pressit.

Et, quis finis, ait, quæ tandem meta laborum,
 Quis ue dolens erit mihi terminus: usq; uidebo
 Quos amo, quos foveo, quos post me lumina mundi
 Dicere iure queas, rigida succumbere morti:
 Mallem equidem caruisse oculis, quibus omnia cerno,
 Funera quàm toties indigna uidere meorum.
 Fata Mosellani referam: quid durius illis:
 Aut tua Corde decus medicorum, & gloria uatum:
 Corpora qui succo releuabas, carmine mentes,
 Occidis, & subito natos tua pignora linquis,
 Nectibi, quàm noras, medicinæ profuit usus,
 Nec tua te potuit diuina iuuare poesis.
 Non obscura Faber nostri quoq; gloria seclī,
 Intima qui sophiæ penetralia mente subibat,

Gallia iam dudum quo seiactabat alumno,
 Hoc nimium fatis properantibus occidit anno.
 His alijsq; meo ne desit causa dolori,
 Te quoq; iam uita functum, iam lumine cassum,
 Orbis Erasme decus, studiorumq; unice uindex
 Addidit, ac diris mors strauit iniqua sagittis.
 O facinus, nulloq; tenenda iniuria seculo.
 Debueras uenerande senex super æthera uiqus
 Excedens terris in regna uenire deorum,
 Et poteras alia forsan ratione uenire,
 At tu pallida mors, nigra sata nocte Ereboq;
 Corporeæ finis uitæ, melioris origo,
 Quæ minimos summis, humiles illustribus æquas,
 Et, uelut æstiuus nutantia gramina messor,
 Omnia falce metis, quando liber, omnia perdis,
 Inuisum terris, inuisum nomen Olympo,
 Sed mihi præcipue, ne non tibi iusta rependam
 Accipe quæ debes, pro tali præmia facto.
 Namq; dies ueniet, nec me mea tempora fallunt,
 Quo cum dæmonibus cœlesti sede fugatis
 Ante triumphantis currum religata traheris.
 Desuper applaudent, insultabuntq; iacenti,
 Quos dedit immitti quondam tua dextera leto.
 Mox etiam præceps longo per inania lapsu,
 Sulfureasq; domos Stygiamq; redibis in aulam,
 Huc ubi sæda situ tenebroso Acherontis ad undam
 Debita iam dudum tibi regna tuisq; parantur.
 Ne tamen interea benefactis præmia desint,
 Quod doleas aliud nunc accipe: Namq; uidebis
 Viuere crudelis quem tu uixisse putabas,
 Vitaq; iam duplex una pro morte redibit,
 Et felix

Et felix terra pariter cœloq̃ fruetur,
Hac tellure frui cui uix satis ante dabatur.
Proq̃ tot eximijs ac tam præstantibus actis,
Gloria per terras, per cœlum spiritus ibit.
Nomen humi remanere uolet, mens astra tenebit,
Quàm bene cui demum fas est ita uiuere, uiuit.
Sic inimica nocet, sic aufers improba uitam,
Vt subeat melior, longeq̃ beatior illi.
Sic sine fine potens, sic sis metuenda licebit,
Sic nulli poteris metuenda potensq̃ uideri.
Hæc fatus Maia genitum uocat, ille uocanti
Astitit, & iussus properanter adire Camœnas,
Aethereum pede carpit iter, cœlumq̃ relinquens
Fertur, & Aonijs petit alta cacumina montis.
Quæ postquam tetigit, certantes ludere Musas,
Ac de more uidet celeres agitare choreas,
Dulciaq̃ alterno recitare poemata uersu.
Quas procul inclamans, desistite lusibus, inquit,
Flete Cytheriades, Germanicus occidit Orpheus,
Vester honos periit, uestras renouate querelas,
Vnanimisq̃ uiro persoluite iusta Camœne,
Quos meruit uiuus, morienti dentur honores.
Dixit, & alarum sublatu in æthera motu,
Deseruit terras, & sese reddidit astris.
Illæ autem tristes coeunt, plenæq̃ doloris,
Luctibus indulgent omnes. Lugentibus astat
Iam non læta satis demisso Gratia uultu.
Astat & ipsa Venus, Venerem comitantur amores,
Demittuntq̃ alas humeris, nec, ut ante, pharetris
Instructi quarunt uer faces, telo uer minantur.
Ipsi etiam dominans inter, luctumq̃ Dearum

t in Incedunt

Incedunt, unaq; p̄i tristantur olores,
 Ac moestum tenui meditantur gutture carmen,
 Non aliter quā si iam fata suprema uocarent
 Dilectas ripas dilectaq; prata relinquant,
 Nec uel quante suis pariter merguntur in undis.
 Hæ quoq; turbato iam scilicet amne feruntur
 Per gelidas ualles, resonant lugubria ualles,
 Et quasi sentirent prætendunt singula luctum,
 Non animata licet, stat ubiq; doloris imago.
 Tum Dea, quæ cœli motus arcanaq; nouit,
 Cui genus & nomen cœlo deducitur alto,
 Forte leuans oculos, aciem direxit Olympo,
 Et subito mentem pariter uultumq; resumens,
 Quid tamen hî gemitis, aut quid suspiria profunt
 Afflicta tandem satis dî nimiumq; sorores?
 An noua nunc fatis indicere bella paramus?
 Perpetuo nexis inter sese ordine fatis?
 Quæ grauis inculcare dolor, non uincere quisquam
 Vllis temporibus potuit, poterit uel potest ue-
 An nos, quæ miserôs tristî reuocamus ab orco,
 Atq; alijs monstramus opem, solæq; putamur
 Aduersas lepire uices, decorare secundas,
 Non pudet assuetum p̄n hic seruasse tenorem?
 Non pudet hîc non esse Deas, quas scilicet ipse
 Iuppiter agnoscit matas, protemq; farètur?
 Quæ genus è Dijs & ab æthere ducimus ipso?
 Sed res ipsa uetat modolongius ire dolorem,
 Et noua iam nobis spectacula præbet Olympus.
 Aspicite ingentes cœtus, pompamq; Deorum,
 In medioq; uirum, cui plaudit & assonat æther.
 Dux etiam noster, quem nox prius atra tegebat,

Ipse

Ipse reducit equos, & nubila findit Apollo,
Cumq; spo celeres Lux seruat Apolline currus.
Dixerat. Aspiciunt ingens albescere coelum,
Et subito rediisse diem, fugisse tenebras,
Lætantūq; uago mirantur in æthere plausus,
Mirantur sonitum, dulcesq; per aëra cantus,
Et passim toto resonantia carmina cœlo.
Vt uerò tanti causam agnouere triumphī,
Et uidere Dīs heroea potentibus ipsum
Iam mixtum, supra nubes & sidera ferri,
Protinus exangues uertunt in gaudia lusus,
Et procul ire iubent curas, procul ire dolorem,
Certatimq; nouis contendunt uicibus omnes.
Iamq; aliqua ad cytharam foelicia carmina fingit,
Pars inflat calamos, digitisq; foramina tentat,
Pars etiam clara ferit aurea sidera uoce.
Parnassi resonant Musis cantantibus antra,
Oppositūq; procul feriuntur carminae montes.
Fas mihi sit uestros mortalibus ædere cantus
Pierides, liceat totum uulgare per orbem
Carmina ter summo quæ concinuistis Erasmo:
Vt uideant olim post secula longa minores,
Et quæcūq; uenire potest intelligat ætas,
Totāq; norit humus, quanti faciamus Erasmus,
Cuius amor nobis simul & reuerentia crescet,
Cuius erunt laudes & nomina, donèc Olympus
Desuper aspiciet suspensæ climata terræ,
Ipsaq; producet flores & gramina tellus.
Et sic prima quidem Clio cecinisse putatur,
Carmina sic nitidus reliquarum clausit Apollo.

F I N I S.

De Sigis

DE SIGISMUNDO IMPERATORE

Declamatio, recitata à Ioanne Olhafen

Noribergensi.



Tſi laudo ſtudium eorum, qui huc ueteres & peregrinas historias afferunt, nam illæ etiam nos de multis uitæ partibus admonent, tamen cenſeo interdum & res Germanicas recitandas eſſe: Turpe eſt enim domestica ignorare. Et noſtrarum rerum noticia magis conducit ad iudicanda negocia Reipub. & Eccleſiæ horum temporum. Ideo decreui de Sigismundo Imperatore dicere, quem ut potiſſimum eligerem, etiam quædam priuati officiij ratione adducor: Nam Sigismundi eximia fuit erga patriam meam Noribergam beneuolentia. Pater uero, Carolus quartus ciuitatem domestica ſeditione penè funditus perditam, Deo iuuante, conſilio & uirtute ſingulari reſtituit. Deinde Sigismundi nomen eo gratius eſſe ſtudioſis omnibus debet, quia cum eſſet in toga Princeps ſalutaris, & noſtras artes benigne fouit, & Eccleſiæ, quantum tunc quidem providere potuit, recte conſulere conatus eſt. Nam & Synodum inſiſtens in diſcordijs publicis, in qua etiam ſi quædam ſine eius conſilio crudeliter facta ſunt, tamen illud fuit utile decretum, ut decimo quoque anno Synodus generalis haberetur: quod tamen poſtea Pontifices ſuperbè abrogarunt, qui cum uolunt, pacta non ſunt pacta, ut inquit Plautus. Quantum autem prodeſſet hodie ad communem concordiam, illa doctorum colloctio, ſi Synodi, ut fuit conſtitutum, haberentur: qua in reſtamen conſilium Sigismundi & uoluntas laudem merentur. Quamquam

quasi igitur res eius gestas explicare integre non poterim, tamen præcipuas breuiter colligam, uosque rogo, ut meæ orationi ueniam detis.

Sequitur autem usitatum ordinem, primum, ut de genere pauca dicam, quod in magnis uiris libenter consideramus: quia enim semina quædam uirtutum à maioribus in posteros propagari existimamus, incendimur animis, ut cupiamus etiam scire quales illi fuerint, à quibus magni uiri orti sunt. Deinde in illis quos patria nostra genuit, inhumanum esset generis mentionem prætermittere: Nam multis de causis laudes magnorum uirorum, ad patriam aliqua ex parte pertinent, quæ aliquos addit ingenijs impetus, quæ certa disciplina ciues assuefacit. Sed ne sim prolixior, natus est Sigismundus patre Carolo quarto Imperatore, proauo Henrico Lucelbergenſi Imperatore, cuius tanta fuit uirtus & sapientia, ut in diuturno interregno omnium Principum suffragijs expetitus sit ad gubernationem, & sedandos ingentes Italiae ac Germaniae motus.

Forres creantur fortibus & bonis, inquit ille. Ab his uiris igitur ortus Sigismundus, indole fuit ad uirtutem & ad decus incitatus. Adoleſcens consilio patris diligenter in literis institutus est, quarum cognitio postea ei in gubernatione maximarum rerum magno usui fuit. Pater ei Marchiam Brandenburgensem & Morauiam reliquit, in quibus regendis cum eius prudentia, dexteritas ac iusticia ubique celebrarentur, Hungari eum accersuerunt, ac Regem sibi præfecerunt. Hic uero magna enim fortunæ uarietas excepit. Initio domesticas Hungarorum discordias diremit, & pacem restituit æquitate & moderatione Imperij, sine armis. Nam cum eo tempore Baia-

*locus attendi
omnes et do
cuius*

zetes cinxisset obsidione Constantinopolin, & Imperator Byzantius in Galliam nauigasset, ut auxilium à Christianis Regibus peteret, nequaquam deesse uicino Imperio uoluit, suasque uires ac opes omnes ad societate belli collaturum se esse ostendit. Ideo domesticas dissensiones non irritandas, sed quoquo modo dirimendas esse duxit. Statim igitur in Mysiam duxit exercitus, & multas res prospere gessit: occupauit Muldauiam, & aliquot praelijs fudit ac profligauit Turcicas copias. Sed posteaquam Gallici exercitus in Hungariam uenerunt, seque cum Hungaris coniunxerunt, ibi Baiazetes, cui propter celeritatem à fulgure nomen fuit, maiore uigilantia, & maioribus copijs rem gerere coepit. Erant initia belli Sigismundo satis lata, cepit enim Nicopolin sitam in aditu Macedoniæ. Postea uero cum Galli audius in pugnam ruerent, magna clade accepta, captis Gallorum Principibus, Sigismundus uix euasit, una cimba cum Magistro Rhodio Danubium traiciens inspectantibus hostibus, qui cum sequi eos non possent, sagittis petebant. Etsi autem euentus praelij, ut dixi, funestus fuit, tamen laudanda est uirtus Sigismundi, & aliorum, qui deesse Reipublicæ noluerunt, qui non sua segnitie hostes inuitare solebant, qui, quantum potuerunt, reprimere Turcicam barbariem conati sunt: Et profuit horum uirtus ad retardandos hostium impetus. Quare magna laus etiam his fortibus uiris debetur, qui quam infeliciter dimicarunt, tamen Reipublicæ suum officium præstiterunt. Sicut Demosthenes ait: Laude dignos esse ciues, qui patriam fortiter defendunt, etiam si eorum uirtuti non respondeat fortuna. Non enim euentu metienda sunt honesta consilia, sed uera ratio-
ne &

*Laudanda for
tis etiam for
tuna non uero
deinde ibi*

ne & officio. Ideo & in Epitaphio ciuium inscripti sunt
hi uersus:

Nulla aduersa pati, nunquam peccare Deorū est.

Nemo hominum fati uim superare potest.

Porro hæc clades ad Nicopolin accepta, accidit no-
stris, circiter annum post Christi natalem, millesimum,
trecentessimum, nonagesimum quintum.

Vt autem secundæ res authoritatem addunt Duci-
bus, ita aduersæ minuunt, interdum etiam odia accen-
dunt. Quare cum redisset in Vngariam, amissis multis
fortissimis ciuibus, proceres quidam contra eum con-
spirauerunt, quorum animos quorundam supplicij in
auspicijs regni offenderat. Captus igitur à coniuratis,
in quadam arce diu custoditus est, unde tandem domi-
na, miserata indignam fortunam boni Principis, clam
eum dimisit. Elapsus redijt in regnum, instructus Ger-
manicis auxilijs, & triginta Regulos capitali supplicio
affecit. Hæc sæueritas ei profuit ad ceteros coercendos,
& recuperandam pristinam authoritatem. Etsi enim
nusquam discedebat à iusticia in negocijs dijudican-
dis, tamen semper aliàs in pœnis iusticiam clementia &
lenitate temperare solebat. In hoc uno facto necessitas
coegit eum sæueritate maiore uti. Verissimum enim est
illud dictum Aeschinis, quod Demosthenes citat: Nihil
ualer imperiū, quod non habet neruos aduersus scelera-
tos & insanabiles. Laudanda est igitur in hoc casu ipsius
grauitas ac sæueritas.

Cum autem iam in tanta fortunæ & negociorum ua-
rietate perspecta esset eius uirtus, & dissidia Italica flagi-
tarent Imperatorem non segnem, neq; ignauum, sed
qui consilio & autoritate excelleret, Germanici Princi-

pes Sigismundum creant Imperatorē, anno millesimo
quadringētesimo et duodecimo. Nec fefellit eos iudiciū
de ipsius uoluntate ac fide. Cū enim iudicaret nihil esse
dignius Imperatore, quā legitimis modis Ecclesiasti-
ca diffidia tollere, primum omnium curare cōepit, ut Sy-
nodus indiceretur. Verus dictum est, nescio cuius Ponti-
ficis, Plures consequi Pontificatū more Romulī, quā
Petri. Fuerunt enim saepe ingentia certamina in electio-
ne Pontificū, quæ quidem ante Sigismundum ita exar-
serant, ut annos amplius triginta non conuenire potue-
rit inter Cardinales de electione: Alij ab alijs eligeban-
tur, & edebant mutuas condemnationes & execratio-
nes, magnoq; nouorum, ut inquit Lucanus,

*diffidium
pontificum*

Prouentu scelerum, quærunt uter imperet orbi.
Habebant aliæ factiones aliorum Regum studia. Italia
dilacerabatur intestinis bellis, quæ accendebant discor-
diæ Pontificum.

Cumq; Sigismundus accersitus esset ad imperium,
erant tres Romani Pontifices, Ioannes Bononiæ, Gre-
gorius Arimini, Benedictus in Hispania. Hoc diffidium
non armis, non uolentis modis tollere Sigismundus
decreuit: Extant enim diuinæ leges, quæ docent, quo
ordine controuersię Ecclesiasticę cognoscendę sint. Has
Sigismundus, quantū in ipso fuit, non uoluit præterire.
Et quia sine consensu cæterorum Regum frustra Syno-
dum indicturus erat, ipse totam Europam peruagatus
est: Adijt Galliam & Hispaniam, egit & cum Rege An-
glico, ostendit quantū interfit Reipub. Christianę, ut
Synodus indicatur. Rogat ut assentiantur, & piam cō-
siliū ac necessarium Reipub. adiunent, ut Reges quis-
bus præcipue Ecclesiæ custodia commissā sit, decet.
Persuadet

Per-suadet tandem, ut consilium Sigismundi approbét, ac promittant se nō defuturos cōmuni saluti. Postea uenit in Italiam, & cū Ioanne colloquitur, ne desideraretur in Synodo nomē Pontificium. Hunc quoq; adducit in suam sententiam, & persuadet, ut uenturū se in Germaniam polliceatur. Synodus indicitur Constantiæ.

Nec minus negotij fuit postea, durabant enim ceramina inter tres, nec quisquam æquo animo cessurus erat alteri de nomine Pontificio. Meministis dictum in Tragœdia:

Siniolandum est ius, regnandi gratia

Violandum est, in alijs pietatem colas.

Id dictum ualet apud Pontifices nō minus, quàm apud Geometras illæ sententiæ, quæ uel *νομαὶ ἐννοίας*, uel *ἐξισόματα* uocantur. Itaq; singularis sapientiæ & diligentia fuit: primum redigere omnes in ordinem: deinde consentientibus suffragijs unum surrogare: postremo cauere, ne tales discordiæ repullularent. Hæ deliberationes in quadriennium usq; extractæ sunt, quo tempore ipse plurimum sustinuit laboris, dum retinet & confirmat Regum uoluntates.

Synodo aliquoties ipse interfuit, ac primum cum eò uenit in nocte Natalis Domini, cecinit lectionem Euangelij in liturgia: Exijt edictum à Cæsare Augusto, ut totus orbis describeretur. quod cum legeret ipse, uisus est non solum de suo officio hoc significare curam Ecclesiæ orbis terrarum Imperatori commissam esse, sed etiam alios admonere, ut Imperatori cupienti consulere saluti omnium gentium, æquo animo parent.

Præcipua autem & utilissima constitutio eius Synodi hæc est; Decretum fuit, ut deinceps decimo quoque

u iij anno

anno post prioris Synodi exitum, alia Synodus indiceretur: Ideoq; Basiliensis Synodus statim secuta est. Sed hanc Pontifex Eugenius, cum autoritate non posset, armis dissipauit, misit in Germaniam Delphinum cum ingentibus copijs: quæ cum inauditam crudelitatem in Alsatia exercuissent, Basileam petierunt. Ibi exiguæ copię Heluetiorum cum eis dimicarunt, propemodum ut Lacedæmonij ad Thermopylas cum Persis. Itaq; Gallicus exercitus dissipatus ac profligatus est. Sed tamen paulatim in illis tumultibus dilapfi sunt & Regum Legati, qui ad Synodum conuenerant.

Postea facile cauerūt, ne Synodi coirent, quia uiderūt utrang; Synodum aliquid de autoritate Pontificia decerpisse: Decreuerant enim Synodi autoritatem maiorem esse quàm Pontificiam: Posse Synodorum iudicijs, Pontifices remoueri à gubernaculis: Tribuerūt suffragia non solis Episcopis, sed etiam cæteris doctis & pijs. De quo articulo cum fuisset acerrime disputatum Basileæ, tamen hæc sententia uicit, propter locum in Actis Apostolicis, ubi dicuntur adhibiti in dijudicanda controuersia de Circumcisione, non soli Apostoli, sed etiam cæteri seniores.

Et si autem hi articuli leuiore sunt, quàm ut labefacta re Pontificum potentiam queant, tamē ipsi, ut astuti gubernatores, meminerunt precepti politici, *μη πρὸς αὐτὸ τὸ ἀπὸ μισοῦ.* Nulla in re, quamuis leui ac minuta, exemplum uiolande autoritatis concedendum esse. An nō uidetis hoc tempore ipsos mordicus tenere hoc preceptum: Nihil officeret Pontifici correctio abusuū, sed meminerunt illud *ἀξίωμα, μη πρὸς αὐτὸ τὸ ἀπὸ μισοῦ.* Cum igitur metuerent paulatim Synodos plus liberatis

*nulla in re
plum uiolande
autoritatis
concedendum
esse*

tatis sibi sumpturas esse, arte postea cauerunt, ut dixi, ne Synodus ulla ita coiret, ut libertas esset pijs dicendæ sententiæ.

Sed redeo ad Sigismundum, qui quod uetus exemplum indicendæ Synodi renouauit, quod ad emendationem Ecclesiæ excitare Principes uoluit, perpetua laude dignus est. Quod autem uel postea expectationem eius eluserunt Pontifices, uel in ipsa Synodo Constantie nouo exemplo, non tantum sententijs damnati sunt duo uiri pijs ac docti Boemi, Iohannes & Hieronymus, sed etiam crudeliter interfecti, hæc non sunt ab Imperatore orta: & si is quidem non omnino uacat culpa, sed tamen absente Imperatore illi duo condemnati sunt, & affecti supplicijs. Et certum est, Cancellarium Imperatoris, uirum excellenti ingenio & uirtute præditum, Casparum Slik, cum illæ crudeles sententiæ dicerentur, surrexisse, ac palam testatum esse, se ab illis iniustis suffragijs dissentire, atq; ita ex confesso abijisse. Hæc tota actio quid habuit simile iudiciorum Ecclesiasticorum: aut que unquam Synodus tale ædidi exemplum, simul ut sententijs iugularer reū & interficeret? Nec iam de dogmatibus loquor, ordinem iudicij & nouum exemplum reprehendo. Hæc non erat permissurus Imperator, si adfuisset, nisi fortassis & ipse superstitione fascinatus fuisset, quæ maximam uim habet in animis hominum. Hastenus de Synodo dixi, quæ est Sigismundi præcipua actio in toga.

Interea Baiazetes à Tamerlano uictus et captus fuerat. Quare Sigismundus occasione utendum duxit, ac rursus ingentem exercitum contraxit, & ingressus Mysiam, cum Turcis nihilo foelicius conflixit, quàm antea ad Nicopolin,

In synodo constantie duo boemi Iohannes & Hieronymus interfecti sunt.

copolin, ac rursus fugiens, ægre defendit nitam. In eo itinere cum mœstus uenisset Posonium, ac seriæ essent Ascensionis, cum uesperilachrymans & deplorans calamitates Reipub. Christianæ, magno animi motu Deum inuocasset, ac rogasset, ut reprimeret impietatem Turcicam, & sanaret Ecclesiæ uulnera, ibi noctu dormienti oblata est quædam species Episcopi, qui eum longa oratione consolatus est, ac primum narrauit, has clades Christianorum, esse pœnas scelorum omnis generis, quibus polluta sit Ecclesia, ac præsertim impietatis in his qui præsumunt. Deinde commemorauit, qualis post ipsum futurus esset status regni Hungarici & Ecclesiæ. Narrat futura ciuilia inter Hungaros bella, plures de regno dimicaturus esse, uexaturos Pannoniam Turcos, sed non retenturos. In Ecclesia uero magnas discordias secuturas esse, multis in locis sacerdotes potentiam & opes suas amissuros, futuram doctrinæ & rituum mutationem, & multorum uitiorum emendationem. Post hos motus, ait, Principes quosdam de constituenda Ecclesiæ tranquillitate cogitatos esse.

Hæc tota narratio in monumentis bonæ fidei reperitur, quæ an significauerit res præsentēs, an motus Bohemicos tantum, qui statim secuti sunt, ignoro. Ipse in Synodo Basiliensi rem eò deducere conatus est, ut Ecclesiæ essent tranquillæ, ac Boemis concederetur uti integro Sacramento. Idem uisum est multis doctis uiris in ea Synodo. Sed Iulianus Cardinalis horator erat, ut totis Germanicis uiribus Boemos inuaderet, ac cessantem, sæpe obiurgabat. Tandem ita perpellit. Exorti erant in Boemia tumultus scelere cuiusdā Abbatis, qui puellam nobilem rapuerat: Hanc cum frater & cognati tumultuosius

tuosius reposcerent, questus est Iulianus seditiones esse
motas. Ad has opprimendas hortatur Imperatorem,
quas quidem ille moderatione multo facilius, quàm ar
mis sedare poterat, uere enim inquit Menelaus apud
Euripidem:

~~Si uela tendas nimium, nanis mergitur.~~

~~Sed si relaxes rursus, uehitur tutius.~~

~~Odit Deus nimis uehementes impetus,~~

~~Odere ciues: gratiores moderatio.~~

*inimij motus
mahi sunt*

Sed uicit Iuliani sententia seu fato, seu quia senem Prin
cipem superstitione terrebat. Mouer igitur funestum bel
lum, in quo uictores Bohemi postea eruperunt in Ger
maniam, & late uiciniam populati sunt. Accessit ad cæ
tera mala hoc quoque, quod Imperator rursus de pace
agens, in illis ipsis deliberationibus, grauis annis, & con
fectus laboribus, moritur.

~~Fuit felicior in toga quàm in armis,~~ & si aliquoties
Turcicas copias fudit ac profligauit. Sed ingenium fuit
aptius civilibus negocijs, in quibus singularis eius dexte
ritas fuit, ac mihi comparanti eum cum ueteribus Princi
pibus, uidetur non admodum dissimilis fuisse Antonio
no Pio, aut Marco. Legum & Iuris disputationibus ar
gutoribus in primis delectabatur, multa in ciuitatibus
emendauit, duas familias Electorū amplificauit digni
tate & potentia, Duces Saxonie, & Marchiones, & utile
Reipub. iudicauit, Principum Electorum opes augeri:
quos quidem ut fratres amauit, & consilijs omnibus ad
hibuit, non exclusit à deliberationibus suis, more tyran
nico. Religionis cura magnopere adficiebatur. In Boe
mia direptis bonis Ecclesiarum, rursus de suo attribuit
parochijs annuos redditus.

Hæc de uita & rebus gestis Sigismundi collegi, quæ
satis indicant, eum fuisse Principem excellenti ingenio,
uirtute, iusticia, clementia præditum, ac conatum esse
de Repub. benemereri. Propter has uirtutes decet, no-
bis gratam esse ipsius memoriam. Deinde negocia in
quibus uersatus est, de multis rebus admonere & Prin-
cipes & priuatos homines possunt. Prodest enim omni-
bus tenere causas & certamina Synodorum, & Principi-
bus prodest cauere, ne artificijs tyrannicorum Pontifi-
cum incendi se ad impia bella mouenda patiantur, sed
ut Ecclesie causas ordine cognoscant, ut leges

Ecclesiastica in Euangelio na-
ditæ postulant.

Dixi.

DECLAMATIO SCRIPTA A VITO
Vuinsemio, in qua recitatur historia, quomodo Guelfus
Dux Bavarie liberatus sit periculo, in obsidione Vuins-
bergenſi, coniugis suæ honestissimo, &
tamen uastro consilio.

*non in more s. Gor
ordio promittit
daturum quo
retri
ex abunda
cautione*



Vod facere solent hi, qui uel apud eos di-
cunt, quorum de uoluntate incerti sunt,
uel causam dubiam & parū firmam agūt,
uel nulla officij necessitate coacti, tantum
in ~~ad~~ ociose ludunt, ut auditorum
beneuolentiam initio dicendi sibi sollicitè & accurate,
ad id elaborato exordio uenientur, id ego in præsentia
penitus

penitus pretermittere, & iuxta Atticas leges ἀνευ παύσης
 & προοιμίου protinus ab ipsa re incipere constitui, quod
 ut faciam, duplici ratione adducor. Primum quod mihi
 hiperuadeo, uos Adolescentes, tam fauere his scholas
 sticis exercitijs, quàm ea scitis ad publicam scholam, ac ne-
 cessariam utilitatem, non minus saluari, quàm fideli consilia
 instituta esse. Deinde quia eiusmodi argumentum
 afferro, quod ipsum per se delectare auditores potest,
 etiam si sine Oratorio splendore recitetur. Nihil enim
 efficacius est ad mouendos animos bonorum, ipsa uir-
 tute. Commemorabo autem, quoddam factum Impera-
 toris Chusradi Sueni, quod utinam ego tam dicen-
 do ornare possem, quàm exemplum memorabile est,
 & plenum humanitatis, summaq; laude dignum. Plus-
 rimum uero moribus, hac moderationis, & clementiæ
 exempla conducunt, quia in eis ὁ ἀδικοῦ, quod ut sua-
 uissimum, ita in primis amabile est, præcipue lucet. Et
 nescio an unquam magis opus fuerit, proponi talia, &
 hoc nostro uere calamitoso & turbulentiſſimo seculo,
 quo tanta est hominum atq; ingeniorum feritas, & uiolen-
 tia, quantam uix credi potest ullis retro temporibus
 fuisse. Merito uero nos magis nostra, quàm externa mo-
 uent: nam ingratitude quædam est, tantum peregrina
 & procul adscita admirari, sua ac domestica negligere.
 Quemadmodum enim quidam homines hoc uitio oculo-
 rum laborant, ut tantum quæ procul posita sunt, uide-
 ant, proxima uero, quæq; ante pedes sunt sita, non
 animaduertant: ita quidam hoc animi morbo affecti
 sunt, ut nihil ament nisi peregrinum, & procul petunt:
 fastidiant, atq; adspernentur, quidquid uernaculum, &
 domi natum est. Qui uero rectius mente ualent, hi sua

x ij primum

*huc causa eue
 notat ubi exordio*

exposho

*imagine sine
 exempli laud
 atq; ut sit ab
 75*

*exempla do:
 mstua pra:
 penunda ex:
 tranis*

primum bona agnoscunt, & amplectuntur. Nam cum oraculo iubemur nos ipsos nosse, id eam opinor uim habere, ut tum uicia, si qua in nobis hærent, tum etiam bona nostra noscamus, illa ut corrigamus ac uitemus, hæc ut excitemus, & augeamus, iuxta ueteris prouerbij sententiam: Sparram, quam nactus es, eam ornes. Est uero operæ precium uidere, quanta fuerit simplicitas, probitas, & humanitas maiorum nostrorum ueterum Germanorum, quorum facta, si literis prodita, si ab historia lucem accepissent, ut quæ à Romanis & Græcis gesta sunt, cum utrisq; haud dubie, essent omni genere præstantissimarum uirtutum certatura. Sed fuit illa ætas literarum & eloquentiæ rudis, quæ nec describere com mode, multo minus ornare tot insignia facta, & res præclare gestas potuit: Principes uero ipsi magis effectores magnarum rerum, quàm ostentatores esse studebant. Hinc factum est, ut multa illustrissima, & admirabilia uirtutis opera, diuturnitas temporis & obliuio aboleuerit: quædam tamen, uelut ex incendio aut ruina erepta, ad nostræ usq; ætatis memoriam permanarunt. Ex quibus facile adparet, quàm multa præclara, & immortalis fama atque admiratione digna, interierint, & uel hinc æstimari potest, quantum sit in rebus humanis literarum beneficium, quibus debemus, quod aliquid, quidquid est, adhuc eorum restat, quodq; non ad unum omnia, unâ cum corporibus, eodem puluere obruta ac sepulta sunt. Nos uero ijs, quæ exant, perfrui decet. Quapropter historiam quandam rei, à Chunrado Sueuo Imperatore gestæ, hoc in loco, ut potero, commemorare decreui, in qua uidere est insigne exemplum pietatis, humanitatis, ac summæ moderationis. Eam dum breuiter ex-

quod germa
norum egyptia
facta no
descripta
attulit ma:
ho imperibq

Liberarum
summa ubi
hab

Expositio
locus

ter expono, uos benigne spero, pro uestra facilitate atq;
 æquanimitate auscultaturos esse. Gessit hic, quæ dico,
 Imperator Chunradus Sueuus, cū alia multa bella, pro
 pter legum & iusticię defensionem, & cōponendam ac
 stabiliendā in Imperio pacem, tum uero cōtra Guelfum
 diuturnum, uarioq; euentu bellum gessit. De cuius belli
 causis, non dicam in præsentia, ne mihi, dum singula
 persequor, accrescat oratio, quam ego, ut breuis sit, in
 pauca redigere studeo, sed tamen satis graues ac **necessa**
rias fuisse constat: Nam nostri homines nō temere, nec
 leuibus de causis, bella suscipere, aut arma mouere con
 suerunt. Erat autem ille Guelfus Bauarorum Prin
 ceps, & nonnulla Sueuię oppida tenebat. Atq; ab ea fa
 milia Comites à Zollern, deinde originem duxisse, ar
 gumento est, catulus insigne gentilitium eius familię,
 quem & Marchiones Brandenburgenses, qui eosdem
 sui generis ac sanguinis authores ferunt, ut uetustę origi
 nis monumentum in galeis gestant. Inter hunc igitur
 Guelfum & Chunradum Sueuum, cū per aliquot an
 nos, uariante fortuna euentum, belligeratū esset, & anci
 piti sæpe Marte pugnatum, uulnera multa nuncillata,
 nunc uicissim accepta, tandem cōstitit id bellum ad op
 pidum Vuinsberg. Quem in locum Guelfus omnes ui
 res suas contulerat, eumq; communierat, ut, cum armis
 tutare impar esset, uallo ac mœnibus sese tutaretur. Ob
 sessus est igitur à Chunrado, & post multas ac difficiles
 oppugnationes, quas sustinuit fortiter, tandem armis,
 & extremo humanorum malorum, fame expugnatus,
 coactus est irato uictori, quibuscunq; conditionibus, se
 & suos dedere. Ibi Imperator præcepit, ut Guelfus, cære
 tiq; qui cum eo obfessi fuerant, Barones & equestris or
 dinis

*attornom
atq; dotip
1013*

*finc
brub*

*no arren
ulngpi*

dinis viri vincti in custodiam traderentur, ut in eos iure
 belli propter rebellionem animadverteret, oppidum a
 militibus diriperetur, ciues vitam ac libertatem retine-
 rent. Tunc Guelfi, ceterorumq; nobilium uxores, antes
 quam portæ aperirentur, petiuerunt, ut sibi saluis abire
 liceret, portantibus de suis rebus, quantum unaquæque
 posset. Quod cum a clementi victore & optimo Princi-
 pe facile impetrarent, capiunt mulieres cōsiliū, pium
 ac memorabile: nam cū hostes, eas aurum & gemmas,
 mandumq; muliebrem, aut pecunię aliquid secum ela-
 turas putarent, illæ omnibus his rebus militum præde
 relictis, maritos suos in humeros sublatos, & paruos li-
 beros in sinu atq; amplexu tenentes, urbe exportabant.
 Vidisses agmen mulierum, cuius agminis Dux erat Prin-
 cipis Guelfi uxor, per media hostium castra & tela in-
 cedere, gestantium dulcissima pignora sua, & lachry-
 mis profluentibus, atq; hoc ipso facto suam pietatem re-
 stantium. Fiebat concursus ex totis castris, ad hoc mirū
 nouumq; spectaculum, effundebatur certatim omnes,
 quāti interim sermones ferebantur, ita ut fieri solet, alijs
 humanam sortem, tristemq; casum miserantibus, alijs
 pietatem & nequiquam muliebrem inceptum matronarū
 pleno ore prædicantibus, nonnullis & indignan-
 tibus, ac leges deditiōis isto dolo violari frementibus:
 Prodierat & Imperator, militum per tota castra concur-
 satione motus. Qui, ut ingeniosam **philostorgiam** mu-
 lierem uidit, subito ad hoc spectaculum ira, etiamsi nō
 iniusta, optimi Principis resedit, ampleditur toto ani-
 mo illam pietatem, miseretur afflictorum, memoria sue
 quoq; conditionis, hoc est, mortalitatis, & fragilitatis
 humanarum rerum animo eius subit, non potest am-
 plius

exemplum
 pietatis non
 inuicem

plius irasci, non potest odisse eos diutius, quos tanta uirtute ac pietate praeditos uidebat: Foelices quidem, quibus à tali uictori uinci contigit, at multo foelicior ipse, qui antea hostem, nunc seipsum, quod non paulo difficilius erat, multo generosiore, ac praeclariore uictoria superauit. Oportabile est, inquit Euripides, in hoste sapientem, nec stolidum incidere, cum hic superior factus tantum scire soleat: apud illum nerecondire, iusticia, ueniamque locus sit. Hoc, ut in rebus aduersis, neutiquam aduersum contigit Guelfo, ab eo enim hoste uictus est, à quo illi etiam oportabile erat uinci. Falsci, cū se ultro dederent Senatui Romano, nō quidem armis eorum, sed iusticia & humanitate Camilli superari: Victi sumus, inquit, P. C. à uobis uestroque Imperatore uictoria, cui nec Deus, nec homo quisquam inuidebit. At nunquid hæc quoque Chuntadi uictoria talis fuit, quæ haud dubie Deo summe placuit, & cui liuor ipse nihil detrahere potuit, nec eius ullam partem sibi fortuna uendicare: Et tamen non deerant ex aulicis, qui id graditer acciperent, quiq; Imperatori sauiendi authores essent, ut sunt Principum domus secundæ crudelibus consultoribus. Et saepe fit, ut Principe nihil melius sit in aula. Circumsonabant iam aures eius impijs atq; inhumanis uocibus, iubentium eum suo iure in uictos uti, & collo mulierum detrahare maritos, amplexu matrum liberos auellere, non enim corpora illis uiro- rum & liberorum donata, sed quantum de ornatu aut rebus alijs quelibet auferre posset, leges pacis per fraudem uiolari. At tua, inquit, Imperator existimatio, & imperij dignitas ac maiestas agitur, ne his impune sit, arma contra te mouisse: quos si ita aperte tibi illudere, & incolumes hinc abire paueris, non du-

*oportabile est in
sapientem hostem
incidere*

*optima est uic-
toria quæ fit
iusticia et hu-
manitate*

*Consultorum
primum cum
Principis sum-
ma omnia.*

non dubium est, quin importuna hæc clementia plures ad rebellionem sit inuitatura. Magnifice hæc, nec prius falso iactabantur, & poterant mentem etiam per se placabilem irritare, præsertim cum callida hæc & speciosa conditionum ac iuris interpretatio crudelitati prætexeretur. Sed erat Chunrado pectus non penetrabile te-
lo calumniæ, aures non admittentes, nec ad animum perferentes istos sermones: & quemadmodum de Latino Virgilius ait:

Ille uelut pelagi rupes immota resistit,
Ut pelagi rupes magno ueniente fragore,
Quæ sese multis circumlatrantibus undis
Mole tenet, scopuli nequicquam & spumea circum
Saxa fremunt, lateriq; illisa refunditur alga.

Utq; sagittæ à duro firmoq; scuto resiliunt, ita isti sermones in pectore uirtute roborato non hærebant, sed animus tantum in huius pietatis admiratione defixus erat, & ut oculos suauiter uirens color, aut aures dulcis concentus, ita animum generosum totum ceperat, occupaueratq; conspectus uirtutis: Ego ne igitur, inquit, tantæ uirtuti ac pietati iram meam non condonem, qui sæpe multo leuioribus causis condonauerim: plusq; apud me ualebit offensio prior ad perniciem horum, quam præsens admiratio uirtutis ad salutem: Scio quàm dulce sit ulcisci inimicos, præsertim eos, quibus iuste irascearis, sed hoc quoq; scio præclarum & laudabile esse, illum impetum cohibere ac refrenare. Scio decere Regem sapientiam, sed idem non ignoro, quàm non deceat eundem saua, & inexorabilis ira, mihi uero horum tacita pietas supplicat. Grauius illi in me deliquerunt, commiserunt poenam, esto, sed Rex debet se talem præbere ciuibus,

*Locus coris
constans
ac inuitabi-
liss*

*regem deat
quid suuissimab
at inexorabilis
ira inimi*

tibus, qualem sibi Deum uelit : ego autem quàm sàpe,
et quàm multo grauius contra Deum pecco & cui si quo-
 ties causa est puniendi, toties & uoluntas esset, quæ illi
 fulmina, quæ tormenta inferorum in meas unius poe-
 nas sufficerent : Nam quod conditiones pacis quasdā
 durius atq; inclementius interpretari audio, quanto ho-
 nestius est nos audire uocem nostrarū legum, quæ odia
 restringere, fauorem uero ampliare iubent : Quanto
 equius conditiones pacis flectere ad laudem, nō ad frau-
 dem : quantoq; Principe dignius, magis ad clementiā
 quàm sequitiam ingeniosum esse : Cum his atq; alijs hoc
 genus sermonibus eos refutasset, qui illius crudelis sen-
 tentiæ authores fuerant, iubet mulieribus nunciari, bo-
 num animum haberent, nec à se quidquam triste me-
 tuerent, daturum se operam, ut premium pietatis apud
 se positum sentirent : imperat deinde ad se acciri uictos,
 & ut res etiam suas saluas retinerent, pronunciat, Deq;
 fœdere ac pace cum eis æquissimis conditionibus egit.
 Et cepit uberrimum fructum illius clementæ suæ, nemi-
 nem enim deinde fidelio rem aut amantiorem sui in im-
 perio habuit Chunradus, q̃ Guelfum, & qui cum eo ca-
 pti, uitam ac res suas beneficio Imperatoris retinuerant.
 Et dignus erat, quem omnes mortales benignissimi ac
 mitissimi parentis loco amarent, omniq; genere obser-
 uantiæ ac pietatis colerent, qui iram & ius suum in ui-
 ctos remisit, condonauitq; uirtuti ac pietati, quem non
 offensæ priores, non præsens dolor & ira, quæ clemen-
 tiæ, aquirati, moderatis consilijs inimicissima est, eaq;
 neuiquam iniusta, non ipsa uictoria, quæ natura inso-
 lens & superba esse solet, non multipliciter circumso-
 nantes auribus crudeles instigantium uoces perpellere
 y potuerunt

Exaggeratio

potuerunt, non speciosus ille conditionum prætextus
 inuitare, ut sequeretur, retinuit eum, non ut Achillem, apud
 Homerum Pallas, sed pietas, ad eius conspectum statim
 ira conquieuit cessitq; subiit in locum illius mitis ac plas-
 cida animi affectio, induitq; eum ipsum habitum, quæ
 in uictis perspexerat: tanta uis est uirtutis, ut etiam in ho-
ste habeat ingentes stimulos admirationis & amoris.
 Præstitit igitur animam plane paternam erga hostes, in-
 dicauit pro peccato magno paululū supplicij satis esse,
 ostendit iram & sæueritatem in abditio, clementiam uero
 in promptu se habere, ad uindictam non nisi coactū,
 ad clementiam sponte currere. Et declarauit re ipsa uerū
 esse, quod dicitur ἐσθλῶν φρενὲς ἐναρέσαι. Nam hoc
 certissimum argumentum est bonæ mentis non esse,
μὴ κακῶν, non tenacem offensus, hæc proprie diui-
 na uirtus est, & qua homines quàm proxime ad similitu-
 dinem Dei accedunt. In magnis igitur & heroicis ani-
 mis ea præcipue lucet, sicut contra pusilli animi & indo-
 mitæ ite laxare frenos, eaq; pro duce, non pro milite uti,
 & uindictæ nimis cupidi esse, muliebri, neutiquam uiri-
 le, multo minus heroicum est. Pallas apud Sophoclem
 ostendit Vlyssi Aiace inuicem, in media strage pecu-
 dum, quas pro Principibus Græciæ per furorem mactas-
 uerat, discursantem, & duos è grege grandiores arietes,
 cui alterum Vlysses, alterum Agamemnonem putaret
 flagris cedentem, & interrogat ipsum, ecquam uolupta-
 tem capiat, cum inimicum suum ita in furorem actum,
 miserumq; ac calamitosum uideat. Cui Vlysses respon-
 det, sibi neutiquam lætum, sed triste magis id spectacu-
 lum uideri: Primum, quod cum commiseratione spe-
 cter huius uiri, & si inimicus sit, tamen tanta uirtute præ-
 diti,

*declamatio
 uim uirtutis
 summam*

*bona mens non
 est tenax offen-
 sarum*

*Locus cl:
 inuictus*

arietis furor

diti, miserandam sortem: deinde quod suæ quoque con-
 ditionis hoc exemplo admoneatur, & uideat, quanta
 sit humanarum rerum fragilitas, & quàm homines, qui
 uiuant, nihil aliud sint, quàm uelut inania fumolachra,
 & leuis fumus. Laudat hunc sermonem Minerva: Et tu
 si hoc, inquit, animo fueris, superis charus eris, & uitam
 foeliciter exiges tuam. Nam Deus insolentes & uindictæ
 cupidos odit, mites uero, & moderate agentes, diligit.
 His uocibus Vlyssi clementiam modestiamque Minerva
 commendat, quæ uirtus non ab re tantopere prædica-
 tur, quàm enim diuina ac præclarissima est, tã rara, & id
 quod dicitur reuera heroica uirtus est, utpote quæ pau-
 cis, & non nisi heroibus contingit. Magna enim nis est
ira, imperiosa cupiditas uindictæ, præsertim si cum no-
rendi facultate coniuncta est. Has igitur pestes, hæc mon-
 stra in nobis ipsis grassantia uincere, nonne id Herculeū
 est opus? Quàm impotenter ira sua utitur Sylla, qui tot
 inermium ac deditorum ciuium millia crudeliter post
 uictoriam occidit, tantum sanguinis in urbe fudit, luctu
 ac terrore omnia compleuit? Is cum in uicino ad ædem
 Bellonæ sedens, senatum haberet, & miserabilis clamor
 ac comploratio, tot millium sub gladio gementium
 exauditus consternasset Senatum, hoc agamus, inquit,
 P. C. pauculi seditiosi foris meo iussu interficiuntur. Ad-
 dit crudelitati mendacium, nisi forte pauci uisi sunt Ty-
 tanno, cui quenquã bonū adhuc uiuere dolebat. Theo-
 dosius Imperator, ob unius equitis, nec omnino iniuste
 interfecti necem, septem hominū millia in urbe Thessa-
 lonica contrucidari iussit. Quem cum ob id factum di-
 nus Ambrosius excommunicasset, tandem ad corpus
 Ecclesiæ iterum recepto, hanc pœnam imposuit, ut

y ij quoties

*Minerva laudat
 clementiam
 vlyssis*

*Ex roga uirtutis
 modestia, sine
 clementia*

*Crudelitas ac
 insolentia
 Syllæ in pœnam*

*Theodosius impe-
 rator ob necem uni-
 us equitis septem
 milia hominum
 crudari iussit*

*corona munus
Theodosius a du
Ambrosio ad
intelligendam
iram*

*pulchrum est
super sum uincere*

*philippus capta
olynto in laet
iam effusus
esset a se per
vincens quod
cum eo esset*

*probranda sunt
ea que et doli
et accipimus
bona sunt.*

quotiescunq; se iratum sentiret, nullum uerbum prius q̃
alphabetum Græcum ordine recensuisset, proloqueretur,
futurum ratus, ut hac mora interposita, prima rabio
si affectus uolentia nonnihil deferuisceret, & memoria
admissi per iram crudelis facinoris, per iram patrati
delicti, animo subiens, ad sanio rem mentem eum, &
placabilitatem reuocaret. Hoc remedio usus est diuus
Ambrosius ad sanandum morbu Theodosij. At Chun
rado Sueuo nihil talibus ad iram frenandam remedijs
opus fuit, quem naturæ suæ bonitas, & conspecta in ho
ste uirtus statim placauit: uicit non minus fortiter se
ipsum q̃ antea hostem uicerat, & ex illa, q̃ ex hac uictoria,
multo nobiliorem ac gloriosorem triumphum res
portauit. Philippus Macedo, pater Alexandri Magni,
cum Olynthum, quam diu magno conatu & periculo
obsederat, tandem expugnasset. Poritus difficili uictoria,
dicitur ludos festi ac læticiæ causa fecisse, quorum lu
dorum die cum sacrificasset, & conuiuio amicos suos
ac Duces accepisset, in uinum & hilaritatē effusus, iussit
unumquēq; conuiuarū aliquid à se petere, quod cuiq;
commodum, & dignum esset à Rege peti. Alijs igitur
aliud perentibus ac impetrantibus, prout cuiq; usus erat,
solus iam restabat Satyrus Comædus, qui propter artē
& ingenij dexteritatem præcipua apud Regem gratia
erat. Eum cum nihil adhuc petuisset, inuitant cæteri pri
mum, deinde ipse Philippus, ut quemadmodum alijs se
cissent, ipse quoq; aliquid peteret, nec donum aut bene
uolentiam Regis adspernaretur. At ille: Quando à te iu
beor, inquit, Rex, petam id, quod & mihi petere, & tibi
largiri maxime honestum iudico. Fuit mihi uetus amicitia
& hospitium cum Apollopheane Pydnenfi, qui cū
ex insidijs

ex insidijs interijsser, metuentes cognati iram Regiam;
 filias eius paruas adhuc Olynthum, ut ibi tutior uita illis
 esset, transmiserunt: Hæ nunc capta urbe captivæ tene-
 tur, nobiles iam, atq; ea ætate existentes, quæ præcipue
 est opportuna iniuriæ. Has igitur à te Rex pèto, ut eas mea
 pecunia elocem, ne quid turpe aut indignum nobis atq;
 illo parente suo per fortunæ iniquitatem patiantur. Alij
 quod sibi lucro arbitrati sunt fore, id à te optarunt, &
 optatum abstulerunt: ego si impetraverò dotem, insu-
 per de meo addidero, hanc fidem memoriæ extincti ami-
 ci, & relictis ab eo filiabus, debere me existimans. Ad
 hunc sermonem à toto conuiuiο plausus cum approba-
 tione excitatus est, Victusq; Philippus iussit puellas Sa-
 tyro adduci, atq; in manus tradi, admiratus hominis fi-
 dem & in colenda amicitia constantiam, & insuper do-
 tem Rege dignam adiecit. Etsi Apolophani ac toti fa-
 milia ipsius non immerito irascebatur, is enim ex con-
 iuratis unus fuerat, à quibus Alexander Philippi frater
 per insidias interfectus fuerat, condonauit tamen iram,
 ac ius suum in captas pietati Satyri, atque eum deinde
 magis charum habuit. Digni laude uterq; ille, quod si-
 dem amicitie propria utilitate potiore duxit, maluitq;
 cum periculo amicis, q̃ tuto sibi consulere: hic quod di-
 gnâ tali Principe placabilitatem, atq; clementiam er-
 ga inimici filias præstitit, nec iram apud se plus ualere, q̃
 uirtutis admirationem passus est. Sed non paulo maio-
 rem laudem meruerunt Germanicæ matronæ q̃ Saty-
 rus: Hic enim aliquid commodi amici causa proiecit,
 uenit in periculum ne excideret beneuolentia Regis: ille
 in humeris maritos liberosq; per medios hostes extules-
 runt, in quibus indolem longe maiorem illo sexu, ac uē-

y iij terum

*exemplum pul-
 cherrum et aui-
 cum intelligentiæ
 et moderatiōis
 sine clamore*

*Collatio germa-
 nicæ mulieris
 cum Satyro*

terum heroinarū similem fuisse adparet, quas non tot armatae manus, tot gladij, accircumstantia tela retinebant, quin una cum suis, si quid periculi esset, subirent, & potius semel unaque perirent, quam solae in orbitate ac luctu, quod reliquum esset uitae, exigerent. Laudantur in historijs Romanis praescae Sabinae, quod precibus & intercessu suo praelium inter maritos ac parentes diremerunt. At quanto iustius laudantur nostrae, quae longe pulchriore facinore pacem confecerunt. Illustri & ad omnem posteritatis memoriam celebri facto pietatem suam erga coniuges declararunt Minyarum uxores, cum enim uiri ex ea familia omnes, numero circiter xxx. propter affectu suspicionem regni à Spartanis publicae custodiae inclusi, & supplicio capitali iam destinati essent, quod cum uerere instituto Lacedaemoniorum nocturno tempore passuri essent, coniuges eorum ex nobilissimis familijs natae, cum uelut postremum allocuturæ perituros uiros à custodibus aditum impetrassent, carcerem ingressae, commutataeque cum maritis ueste, per simulationem doloris uelatis capitibus eos abire passae sunt, sua corpora pro illorum salute, supplicio & praesenti periculo offerentes, digne quidem, quae in eam familiam Principum haberetur, quae uetustate, nobilitate, & uirtutis fama olim clarissima fuit. Nec minus periculoso, ac non paulo generosiore consilio suos maritos Quelfi & Germanorum coniuges liberarunt. Haec enim non nocturno dolo fallentes, sed aperta & plane Germanica uirtute, media luce palam, inspectante toto exercitu, tantum facinus tantoque cum periculo ausae sunt. Varias occasiones declarandae uirtutis ac pietatis saepe casus & fortuna, saepius huius miseræ uitae multiplex uicissitudo ac necessitas offert.

Quaedam

*Sabinae deueniunt
ad praelium
inter maritos
ac parentes*

*exemplum pietatis
Minyarum uxores
in maritos
uiciorum illi
mariti.*

Quædam suos parentes, ne famē perirent, cum alia uitæ subsidia deessent, suis uberibus lactasse dicuntur. Quem admodum de Cimone quodā memorant, qui uir iam magnus natus, cum capitis damnatus, atq; in custodiam ut ibi fame necaretur, traditus esset, filia, impetrato à custodibus aditu, quotidie patrem inuisere solebat, sed nō nisi prius excussa, ne quid ei quod elui esset, afferret. At illi tandem admirati senem tam diu absq; cibo uitam sustentare, cū mulierculam curiosius obseruarent, animaduertunt eam exerta mamilla patrem lacte suo alere, percussiq; tam mirabilis spectaculi nouitate, rem iudicibus ac Magistratibus indicant, qui tantæ pietati eum honorem habuerunt, ut patrem filię condonarent. Quem non commoueat ista omnem laudem ac prædicationē exuperans *ἀντιπαλάγουσις*. At nostræ, quæ maritos & liberos per media hostium arma extulerunt, si quod tale tempus incidisset, haud dubie nullum, quod ab humana mente cogitari potuit, amoris aut pietatis officiū pro redimenda suorum salute recusassent. Nam si quis ipsam pietatem pingere uellet, quam aliam eius imaginem apud animum concipere posset aptiorem, q̃ si matronam, liberos & coniugem per media hostium arma ex capta urbe efferentem pingeret. Ita Aeneam suum Virgilius confectum senio parentem ex incensa urbe in humeris exportantem fingit, cū hunc haud dubie summum pietatis gradum ei tribuere uellet. Prædicat etiam Tacitus uirtutem ac constantiam scæminarum Germanicarum, atq; ex hoc facto satis apparet, quæ fuerit grauitas, pietas, uitæq; ac morū sanctitas in hoc sexu, apud maiores nostros. Caterum omnem laudem exuperat incredibilis, ac plus q̃ heroica placabilitas & clementia Chunradi

*exemptu p...
cuis filie quæ p...
hem. suum lacte
aluit*

*p... d...
in p...m*

Chunradi, quem cum consiliarij, commemoratis haud
quaquam uulgaribus offensis, ad sœuendū inuitarent,
respondit, non sibi placere odio, & ira, sed potius piete
te ac benignitate cum hostibus certare, quemadmodū
apud Sophoclem Antigone humanissime ait, ὃ πρὸς τὸ
συνέχεσθαι ἀλλὰ πρὸς τὸ συμφιλεῖν se natū esse, Ita Chun
radus proposuerat sibi inimicitias mortales, amicitias
uero immortales esse debere. Merito prædicatur mode
ratio Thrasibuli in uictoria, qui urbem Athenarum à tri
ginta tyrannis liberauit, quod multum de iure suo, quo
sine reprehensione ut uictor uti potuisset, multum de iu
stissimo dolore remiserit. Sed magis etiam laudatur, q̃
præclaram illam ἀμνηστίαν sanxerit, qua concussam ac la
bentem ciuitatis statum in pristinum habitū nonnihil
restituit. Sed multo stabiliorem ἀμνηστίαν sanxit Imper
ator Chunradus clementia sua, & parcendo ignoscens
doq̃ arctius sibi animos hominum deuinxit, q̃ ullis legi
bus, uiribus, aut ulla seueritate potuisset. Hoc fuit frimissi
mum atq̃ immortale sœdus, quod ortum à pietate & à
clementia firmavit iusticia, ad probauit ipse Deus. Sed
hæc quoq̃ laus non dissimulanda est, plane digna Ger
mano Principe, q̃ nō passus est illa callida conditionū
interpretatione, & specioso iuris prætextu sibi imponi.
Ex quo facile adparet, quāto pere nostri maiores ueteres
Germani delectati sint simplicitate et probitate, quamq̃
longe abfuerint ab huius calamitosi, & tragici seculi uer
suta & perplexa sapientia: placebat illis nuda & Germa
na ueritas, callida, insidiosa, fucataq̃ omnia peius odes
rant q̃ mortem & infernum. Et cū uera uirtute niteren
tur, hoc studio habebant, ut non ui, sed clementia, non
metu, sed fide, amore, ac beneuolentia ciuium stabilirēt
imperium,

*Moderatio Thra
sibuli in uictoria*

*Symphorast
Lano*

imperium, sapientia illis erat omnia in meliorem partem interpretari, non calumniose & uasie inuerrere. At hæc unica hoc tempore ingenij laus est, si quis quod simpliciter ac recte factum dictum ue est, arte contorquere, & malitiose uersuteque interpretando deprauare nouit, idque eo indignius est fieri, ac prope iam pro uirtute haberi, in ea gente, quæ semper candoris, probitatis, ac simplicis ueritatis amica fuerit, eamque laudem præ omnibus totius orbis nationibus, inde usque, ab antiquis temporibus obtinuerit, unde et hoc nomen sortiti putantur Germani, quæ natura simplices, aperti, candoris, ac libertatis amantes essent, nunc uero ueneno peregrinarum ac pessimiarum gentium, nostrorum hominum ingenia inficiuntur, & Deum immortalem, quæ longe degenerant à maiorum uirtute. Quos si ueteres illi Germanici Heroes, Caroli, Henrici, Othones, Friderici, atque hic ipse, de quo nobis in præsentia sermo est, Chunradus, ita moribus & ingenijs mutatos corruptosque uideant, quæ eos miseraturos putemus Germanie sue statum, quam illi omni genere ornamentorum belli ac pacis decoratam munitamque reliquerunt? Non

z bus

*Tunc futurum in
uersuta ingratia*

*Unde dicunt
Germani*

*olim Turci no tulu
fuerunt q germanos
at nunc in pace
in uisibulo Ger
manie grassant*

*psylli dicunt
a natura uim
insitam habere
contra uenena*

bus mortalibus dignatus à natura uim insitam contra uenena habere, ita ut impune in medijs serpētibus & atrocissimis uenenis habitare possint, eam uim in sanguine retinent, ac inter se propagant, nec cū alijs hominibus miscent, ne communicant, sedulo tamen conferunt ad salutem hominum, ut Lucanus ait:

*psylli illam uim
ob communem*

Nec tantum gens illa sua contenta salute,
Excubat hospitibus, contraq; nocentia monstra
Psyllus adest populis.

*psylli quomodo
septima pro
una ipse probat*

*quales intutu
dum in sal
prolem hyst
na probant*

Cumq; puer apud illos in lucē aditus est, statim eum abreptum à matre in medio aspidum collocant. Ita uenena generis & sanguinis explorantes, à quo uenena fugere uident, eum agnoscunt et amplectuntur pro suo. Quemadmodum & aquila marina suos fetus contra aduersos solis radios sistere dicuntur, quiq; per diem eos recto obtutu ferunt, pro suis fouent ac nutriunt, quos uero ad lumen solis cōtinere uident, ut adulterinos & nothos in mare abijciunt. Ita Germani nostrum natium candorem, naturam apertam ueri rectiq; ac lucis amantem, uelut sanguini nostro generiq; ueri ac conseruare debebamus, & si quē inter nos ingenio recto, obscuro, perplexo, ambagum ac tenebrarum amanti esse uideremus, eum ut degenerē ac nothum odisse atq; detestari.

Ita in hoc exemplo quod recensui, trium præclarissimarum uirtutum imaginem expressam uidemus, nempe, pietatis, clementiæ, & candoris. Quibus cū hic mundus nihil pulchrius aut prestantius habeat, nec homine dignius, nos quoq; eas amplecti & colere decet, præsertim cum à maioribus nostris ueteribus Germanis tam sancte cultas uideamus.

Dixi.

De Imo

no dicitur
ultrius

DE IMPERATORE FRIDERICO
Barbarossa Declamatio.



Is studium atq; consilium eorū magno-
pere probo, qui huc clarorum uirorū, qui
floruerant apud Græcos aut Latinos, histo-
rias afferunt, plurimum enim refert nos q̃
maxime instructos esse cognitione histo-
riarum, tamen ut mihi quidem uideatur, aliquantū uti-
lius est sumere operam in illustrandis ac recitandis do-
mesticis ac patrijs rebus, quā peregrinis. Prīmū enim
efficacius mouent animos domestica exempla, quia tur-
pissimum est, degeneres uideri. Deinde pleraq; negocia
præsentia magis ex maiorum nostrorum rebus gestis in-
dicanda sunt, quā ex historijs illorum, qui in alia Re-
pub. in alia forma imperij floruerunt. Quare cū in hac
forma Reipub. in rebus gerendis multa à patrijs histo-
rijs sumenda sint, conuenit nos non tantum in peregrin-
is rebus curiosos esse, & ut dicitur, foris sapere, sed res
nostræ inquirendę atq; cognoscendę sunt, & sciendum,
ut moneat Homericus uersiculus:
Ὅτ' ἴ' πῶδ' ἐν περὶ πόλιν ἀγαθὴν κἀκαὴν κέρνυται.
Quid quod etiam pietas quædam est, sumere operā in
ornandis atq; illustrandis patrię rebus, ut Poeta inquit:
Et pius est patriæ facta referre labor.
Postremo ad hanc styli exercitationem plus cōducunt
hæ materię, quia peregrinæ res extrant ab eloquentissi-
mis scriptoribus tractatæ, à quibus facile est nō solū cau-
sas, sed etiam ornamenta mutuari. Sed Germanicæ res
literarum lumine carent, & cum undiq; ex uarijs autori-
bus res

*Domestica Hist
ria præferenda
sunt peregrinis*

*pū est patrię
Illustrare res*

bus res colligende sunt, tum nos ipsos addere ornamenta oportet, quorum utrumque & iudicium in inueniendis ac distribuendo, & ingenij uim in eloquendo uarie exercet. Atque eo ceteros etiam studiosos optarim in Germanicis rebus ornandis elaborare, quia uideo Principes nostros laudatissimis Regibus atque Imperatoribus, Gracis & Romanis, omni uirtutum genere pares esse. Quare institui orationem de Friderico Aenobarbo, cuius & si res gestas commemorare omnes non possum, tamen quaedam eligemus, ex quibus eius magnitudo animi atque consilij, fides, constantia, pietas existimari poterunt, ut intelligatis nullam ei uirtutem dignam uiro magno & bono Principe defuisse. Peto autem à uobis ut equo animo hanc meam declamationem audiat, qua in re uos quoque pietatis laudem auferetis, si eorum studium, qui sumunt operam in patria ornanda, probare uos significabit. Et si autem solet initio multis encomijs de generis nobilitate dici, quia semina uirtutis propagari à bonis parentibus in posteros existimantur, tamen ego hic breuior ero, quia nō potest esse obscura nobilitas eius uiri, qui in familia Imperatoria natus est: Conradus enim patruus Friderici fuit Imperator. Illa uero maior laus est, quod non solum non degenerauit à maioribus, sed etiam ingenio & uirtute eos longe superauit. Est & illud indicium praeclaræ & generosæ indolis, quod cum imperiū multi potentissimi Principes ambirent, tamē Electores hunc iuuenem omnibus prætulerunt, quod nō accidisset, nisi eluxisset in eo singularis indoles, quæ spem faciebat futurum parem maximis rebus gubernandis & gerendis. Neque uero fefellit hanc spem Electorum, statim enim initio Imperij moderatione ac uirtute perfecit, ne quinquam

exposicio

attentio uobis
locus

Magna laus
est me Regem
uicari a ma
ioribus.

non fallenda
spes

quenquam huius iudicii poeniteret. Nam cū accepisset imperium, nihil prius habuit, quā ut domi pacem sine publico motu & consilio potius quā armis constitueret: Dissentiebant enim inter se Bauarus & Austriacus, potentissimi, ut nunc quoq; Germanię Principes. Erat autē cōtentio de finibus, & bellum parabat uterq;. Quod si non esset oppressum diligentia Friderici Imperatoris, exitiale fuisset uniuersę Germanię. Et si autem Fridericus utriq; cognatus erat, tamen Austriacum proprius attingebat. Itaq; hic specimen egregium moderationis atq; æquitatis suę præbuit. Non enim hunc prætulit Bauaro, non magis cognati partes tuendas sibi putauit, quā in commune paci consulendum. Imō cum propter cognitionem plus ualeret apud Austriacum, persuasit ei, ut de suo iure potius concedere ac regredi, quā progredi uellet, daret hoc publicę paci Germanię, daret auspicijs sui imperij. Et ut hanc iacturam facilius ferret, auxit honore familiam Austriacā. Cum enim antea Marchiones essent, tunc ab Imperatore Ducali titulo ornati sunt. Ita & Bauaro equitate Imperatoris amplificati sunt fines, & causa ingentis belli sublata est. Quantum autem laudis hæc moderatio in principe mereatur non est obscurum. Nulla enim uirtus gratior est in Principibus, & Reipub. magis necessaria, quā priuatis affectibus & commodis publicam salutem suę patrię anteferre. Nulla est uictoria gloriosior, quā cohibere animum, & de proprio iure aliquid propter communem tranquillitatem remittere. Quā multas legimus ciuitates euerfas esse Principum ambitione, & pertinacia, qui maluerūt omnia potius miscere, ac in casum dare, q̄ uideri uel tantillum alijs ciuib; cedere. Hęc

z iij una

*Melius est consilio
quam armis pa-
cem consistere*

*publicam salutem
priuatis commodis
preferri est optatum*

*ambitio principum
multas ciuitates
destruit*

*Unumq. roma
novu principu*

*ex term homis us
proo improbatos
vocant barbaros*

*in p. et modera
tum improbatos
inibus preferre*

*ex improbatos
alij cunctatos
alij ceteros*

una fuit causa civilium tumultuum Romę Marij, Syllę,
Rompei. Sed nihil opus est vetera recitare: tota uita
exemplorum huius generis plena est. Iure igitur Frideri
ci consilium laudandum est, qui cum ipse moderatio
ne summa usus est, tū uero cognato Principi autor fuit,
ut pacis publicę causa non nihil de iure suo concederet.
Exteri homines ac nimium *φιλατοι* nostros Impera
tores appellant barbaros, & impetu magis animi q̃ ra
tione gessisse omnia iudicant. Sed cum alia infinita no
strorum Principum sapienter moderateq̃ facta, testan
tur eis iniuste barbariem obijci, tum uero hæc Friderici
pacificatio declarat, ei nec prudentiam in conciliandis
uoluntatibus Principum, nec gratitatem defuisse, dum
publicam tranquillitatem priuatis affectibus prætulit.
Hæc auspicia imperij ipsius, & ipsi autoritatem beneuo
lentiamq̃ conciliant, & spem omnibus gentibus iusti
& moderati imperij præbuerunt, quo neq̃ optabilius
quidquam accidere prudentibus, neq̃ pulchrior res &
admirabilior existere ulla potest. Et si autem æquitatem
animi ne armatus quidem deposuit, tamen magis lūcer
eius uirtus in his rebus quas bello gessit, quàm in toga.
Cumque uarię sint ingeniorum in Imperatoribus species,
in alijs cunctatio laudatur, in Alexandro, in Iulio celeritas,
hic noster Imperator, Alexandri aliquanto similior
fuit dimicandi cupidus, nusquam detrectauit pugnam
etiam locis iniquis, obsidiones nix unquam soluit, neq̃
tamē otiosus assedit in castris, sed continuo oppugnans
urbes, instabat hostibus, ut cum interualla ad quiescen
dum nō satis commoda haberent, tolerare obsidionē
diu non possent, ipse in acie interantesignanos pugnan
te, in oppugnationibus primus ascendere muros, deniq̃
præstan

præstantissimi Ducis & fortissimi militis opera omnia
 obire solebat. Itaque semper maxima celeritate ingentia
 bella confecit. Primum bellum cum Danis gessit, cuius
 gentis olim quoque summam fortitudinem fuisse, histo-
 riæ Cimbrorum testantur, qui quàm formidabiles fue-
 rint ubi Rome, quoties trucidaverint Romanos exer-
 citus, non ignoratis. Hodie etiam tanta Danicæ gentis
 fortitudo, tantus usus militiæ est, ut nihil degenerasse à
 Cimbris illis veteribus videantur. Occupaverunt Dani
 Lubecam, & exercitus toto illo littore habebant firmissi-
 mos. Sed Fridericus cum iudicaret utilissimum esse, pri-
 mum utriusque eripere hostibus belli, arcem ac receptam
 Lubecam obsidione cinxit, sperans fore, ut hostes libera-
 turi urbem periculo, pugnandi copiam facerent. Nec se-
 sellit Fridericum hoc consilium. Itaque cum aliquot præ-
 lijs, quæ interea dum urbem obsider commissa erant,
 superior fuisset, recepta Lubeca, cum noller implicari diu-
 turno bello, præsertim in illis locis, & gentem fortissi-
 mam sibi conciliare, & adiungere certis conditionibus
 mallet, facile obtinuit auctoritate sua, ut Rex Danicus ad
 se in castra ueniret, de pace collocuturus. Ibi exponit Im-
 perator se bellum suscepisse, non ut aliena appetere, sed
 ut fines suos tueretur: Idem si Dani facerent, ac suo regno
 contenti essent, se non solum pacem cum eis facturum
 esse, sed eorum amicitiam etiam expetere, quia inuitus
 bellum gereret cum eanatione, quam iudicaret cognatam
 Germanicæ. Dani non tam fracti armis (& si Impe-
 rator non solum prudentia & fortitudine singulari, sed
 etiam magna foelicitate bellum illud gesserat) quàm ca-
 pti iusticia & humanitate Imperatoris, pacis conditio-
 nes accipiunt. Ita bellum ingens & periculosum non
 solum

solum armis, sed etiam æquitatis opinione confecit, &
 Regem uicinum sibi deuinxit. Hęc Regum societas atq;
 amicitia diuturnam & certam pacem illis locis peperit.
 Postea ingressus Italiam, Romę de more coronatus est.
 In eo itinere Mediolanenses nō tam armis q̃ autoritate
 compescuit, qui cupiditate dominationis uicinas quas-
 dam ciuitates iniuste occupauerant. Sed hęc lenitas po-
 stea occasio fuit ingentis belli: Postquam Imperator in
 Germaniam redijt, Mediolanenses Imperatoris lenita-
 tem interpretantur esse metum aut animi molli-
 tem. Quare iam despondent sibi imperium Longobardię,
 sollicitant ad bellum potentissimas quasq; Italię ciuita-
 tes. Queruntur sibi ius quarundam ciuitatum ademprū
 esse. Horruntur ut communibus copijs Italię libertas de-
 fendatur. Hęc fuerunt asperrimi & diuturni belli initia.
 Cum autem Fridericus intelligeret Italiam totam in ar-
 mis esse, summa celeritate exercitum in Italiam ducit.
 Historia est longior, q̃ ut in declamatione recenseri to-
 ta possit. Sed excerpam quædam facta, quę ostendunt
 & quanta animi magnitudine fuerit ipse Fridericus, &
 quantos motus quanta celeritate oppresserit. Itali exer-
 citum in ulteriore ripa Abduę habebant, Germanus in
 citiore. Cumq; arbitrentur Itali se tutos esse propter
 flumen, ferociter prouocant Germanos: In ipsum etiam
 Imperatorem conuitia superbissime dicunt. Et si flu-
 men intumuerat, ut trañci exercitus sine periculo non
 posset, tamen Fridericus impatiens contumelię, tradu-
 cere exercitum asseruit, & flumini se primus committit.
 Exemplum Imperatoris sequuntur primum equites, de
 inde & legiones: Non munierunt Itali castra, non in-
 struxerunt aciem, quia loco se tutos fore putauerant. Ita
 in impa-

In imparatos subito facit imperum Fridericus, & totum
 Italicum exercitum fudit & fugat. Hæc una uictoria pro
 pmodum totius Italię possessionem Imperatori resti-
 tuit: Nam hostibus repressis, multas deinde ciuitates
 occupauit, socios confirmauit, & præsidia certis oppidis
 imposuit. Erat iam debellatum, nisi Ecclesiasticum schis-
 ma rursus inflammasset hoc bellum. Romæ duo Ponti-
 fices creati erant, quorū alter Alexander, Imperatorem
 anathemate execratur, propterea quod Imperator uide-
 retur alteri magis fauere. Incendit Alexander uniuersam
 Italiam, ac præcipue Venetos, aduersus Fridericum.
 Semper ambitio pontificum & ordinum Ecclesiasticorum
 ingentēs tumultus peperit. Non leuiter autē initio
 perturbatus est Fridericus mentione anathematis, scri-
 bit ad collegium Cardinalium, ut res dī iudicentur. Sed
 Alexander uetat cognitionem, propterea quod haberet
 in partibus maiore Italię partem, & Gallos: Et ne quid
 à Cæsare periculi esset, recepit se in Galliam. Mouit hæc
 contumelia animum hominis Sueni, quare iratus, bel-
 lum acerrime gerit, multos hostium exercitus delet. Et
 quia Mediolanensium præcipuæ fuerant in ea coniura-
 tione partes, Mediolanum uic capturn diripit, diruit,
 ac solo equat: Reliqua Longobardia recepta, in Germa-
 niam reducit exercitum, quia Italia pacata, cæteras ini-
 urias persequi noluit. Sed belli autor Pontifex Alexan-
 der à Gallijs redit in Italiam, cum iam tranquillam esse
 uideret. Inflamat Venetos, ut bellum instaurent. Desi-
 ciunt ad eos multæ aliæ ciuitates. Hæc coniuratio res
 uocauit Imperatorem in Italiam, ubi rursus recuperata
 Italia, cum Pontifex uideret se Romę non satis tutū esse,
 habitu nautico fugit, ac se Venetias contulit. Ad extre-

*Rome rursus
 duo pontifices
 rō*

mum cum alter Imperatoris filius in acie cecidisset ad
 Bononiam, alter natu minimus à Venera classe interce-
 ptus esset, oblitus iniuriarū, de cōmuni pace agi passus
 est, quod ut faceret, mouerunt eam præcipue causæ pu-
 blicæ. Tanti enim tunc erant in Asia Saladini foelicissimi
 Principis successus, ut nisi Imperatori occurreret, uide-
 rentur breui non in Syria tantum, sed in tota Asia regna-
 turi Mahometistæ: Et Italia fessa ubiq; pacem petebat.
 Credibile est autem præter has publicas causas multū
 ualuisse etiam paternum dolorem. Nam cum domesti-
 ca uita Friderici plena fuerit humanitatis ac pietatis,
 haud dubie etiam ualde fuit *philosophus*, ut nunc quoq;
 in Germanis uehementiorem uidemus esse liberorum
 amorem, & in ceterarum nationum hōminibus. Mouit
 igitur Fridericum, extincto altero filio, capto altero, pa-
 tris dolor, ut animum ad pacem constituendam ad-
 iiceret, præsertim cum ipse semper à bello abhorruisset,
 & coactus scelere Pontificis sumpsisset arma. Itaq; tan-
 dem conuenit ita, ut Fridericus Venetias ueniret, & ibi
 se ad pedes Pontificis abijceret, & absolutionē peteret.
 Deinde constituta pace in Italia, duceret exercitum in
 Asiam. Has condiciones Fridericus, & si armis adhuc fue-
 rat superior, accepit, tamen Venetijs abiecit se ad Ponti-
 ficis pedes, petiuit ueniam. Nec fuit contentus Pontifex
 hac Imperatoris modestia, qui erat factus supplex, sed
 addidit contumelias insignes: Pedem collo Imperatoris
 imposuit, & iussit acclamari: Super aspidem & basi-
 liscum ambulabis. O inauditam superbiam & tyranni-
 dem. Ethnici Reges ac Duces reuerentia regij nominis
 etiam ui captos Reges sepe honorifice tractant. Certe
 simili superbia aduersus Regem in pacificatione nemo
 unquam

*pontifex in
 uenit ad pedes
 eius, pedibus
 illum in
 calceis*

inquam usus est. Itaque generosus animus in hoc ipso
spectaculo ostendit se indignitate rei moueri. Fridericus
enim palam interpellauit Pontificē: Non tibi, inquiēs,
sed Petro. Significabat enim se factū esse supplicem nō
huic Tyranno, sed Apostolicæ autoritati. Reclamat Pa-
pa tyrannicē: Et mihi & Petro. Sic impetrata absolutio
ne, Fridericus priusquā traiecit exercitum in Asiam, sum-
psit sibi aliquantulum temporis ad pacem legibus mu-
niendam, Mediolanum instaurari curat, & fert leges,
quas uocant de pace constantie, quarum beneficio ho-
die quoq; melius reguntur Respublice: Extant enim in
iure, & earum autoritas in primis ualet. Multa sunt in
hac historia memorata digna exempla. Monet enim,
quanta sit pestis Rerumpub. ambitio in Principibus Ec-
clesiasticis: quanta sit uirtus, obliuisci iniurias, & condo-
nare eas Reipub. præterea qualibus exemplis Pontificia
tyrannis creuerit. Sed nolo hæc omnia persequi. Illud
miretur aliquis, quōmodo ita frangi ingens animus Fri-
derici potuerit, ut & supplex fieret in causa meliore, &
in super supplicem se affici tanta contumelia sineret. Cer-
te non abiiecit animum metu aut desperatione uictoris.
Vicerat enim hætenus, & præcipuam Italiæ partem tea-
nebat. Nec tantæ Venetorum opes tunc erant, ut sunt
hodie: At ne nunc quidem pares sunt nostris Imperato-
ribus. Præterea Fridericus & si uno atq; altero prelio eius
legati uicti erant, tamen ipse cum esset Imperator usu pe-
ritus & felix, & dimicandi cupidus, non propterea de
summa rerum desperauit. Meo iudicio eū publicæ causæ
hortarentur eum ad pacem, & uellet concordiam in Eu-
ropa firmam constitui, reuerentia loci Apostolici & reli-
gione motus est, ut non recusauerit fieri supplex. Audiez

rat & Theodosium antea ab Ambrosio ueniam errati petijſſe. Magna autem uis eſt religionis, cum in omnibus bonis uiris ubiq; tum præcipue in Germanis, quos multa exempla teſtantur, magna conſtantia religionē non ſolum uitæ ac fortunis, ſed etiam dignitati antepo-
nere ſolere. Ceſſit igitur de ſuo iure non metu, non imbecillitate animi fractus, ſed quadā religionis opinio-
nē, quæ in animis bene inſtitutis ualere plurimū debet, adductus. Et ceſſit utilitatis publicæ cauſa, ut conſtituta firma concordia in Europa, latrocinium Mahomericū in Aſia reprimi poſſet. Quod ſi Ennianum illud iure lau-
datur, quod de Fabio dictum eſt:

Non ponebat enim rumores ante ſalutem.
dignus etiam laude Fridericus erit, qui dignitatis iacturam æquo animo tulit propter communem ſalutē. Præterea arbitror eum, etiam ſi petendæ abſolutionis cauſa, non dubitauit ſe ad pedes Pontificis abſcendere, tamen reliquas ei contumelias accidiſſe præter opinionem. Homo Germanus, minimeq; ſuſpicax, nō præuidebat Pontificem tanta uſurū eſſe ſuperbia & crudelitate erga Regem ſupplicem, cuius conſilia omnia ſpectabāt iam ad deſenſionem totius Chriſtiani nominis, non arbitratur fore, ut inſultaretur atq; illuderetur ſibi uelut Iugurthæ in triumpho. Illa immanitas credo homini Germano non uenit in mentem, unquam fore, ut ſacerdos, qui debet modeſtiæ exemplum eſſe, ceruici Imperatoris pedes imponeret, & adderet acclamationes contumelioſiſſimas. Hæc ſi præuidiſſet, ut ego quidem ratiocinor, petrahi in illud ſpectaculum non potuiſſet: aut ſi præuidit, haud dubie nulla res alia, niſi honeſta de religio-
ne opinio, animum uere Achilleum inflexit. Sed quid
ego

ego Fridericum excuso? qui etiam si uideretur dignitatem non satis uehementer defendisse, tamē culpa est potius Pontificis, à quo orta est iniuria: Quare potius accusanda est Pontificis superbia & crudelitas. Quantum enim fit in hoc facto sceleris & turpitudinis, ex eo existimari potest, q̄ nullum simile exemplum usq̄ in ulla historia ullius gentis, nedum Episcoporum, reperitur. Primum causa excommunicationis iniusta fuit: Sed finge fuisse probabilem, oportuit tamen Pontificē petenti ueniam dare: Deinde Pontifex non debuit afficere contumelia dominū. Sed omitto hanc subtilem de Christiana modestia disputationē, quæ iam olim Romæ explosa atq̄ exhibitata est, nec putatur magis conuenire Principibus, q̄ illæ ridiculæ Stoicorum sententiæ, in quibus dicitur, Solos sapientes esse formosos diuites. Cōmune ius gentium uideamus, quod omnes Reges, nisi malunt esse tyranni, seruare solent. Violari creditur ius gentium, si ueniens Rex ad pacem petendam, contumelia afficiatur: At Fridericus cum quidem esset uictor, uenit non ad pacem petendam, sed absolutionem, in qua maior etiam religio inest. Hic Pontifex uictorem uenientem in colloquium ac deliberationem de communi salute orbis terrarum, non aliter tractat, q̄ Vlyssē Polyphemus in antro conclusum. Addit absolutioni contra diuina & humana iura Cyclopicam immanitatē. Sed his exemplis immoderatam potentiam ac tyrannidem suam confitē mare Pontifices conati sunt, quæ cū diu iam fuerit Ecclesiæ pernicies, optandum est, ut tandem aliquando Synodorum autoritas liberet iniusta & impia seruitute Ecclesiam. Reges decebat dignitatis suæ causa impatienter hanc seruitutem ferre, & ulcisci iniurias Regibus factas.

in d. 10. m.
Lug. 1.

*Ex approbat
factum pa.*

Sed si hæc causa nihil mouet eos, debebant tamen consolare Ecclesie salutem, & cohercere immoderatam potentiam: Nulla enim res magis inimica atque infesta est Ecclesie, quam tyrannis. Verum hanc disputationem rejiciamus ad futuram Synodum, si quid tamen ibi loci erit ueris deliberationibus. Nunc ad Fridericum redeo, qui postquam ea quæ ad pacem, se absente, retinendam in Germania & Italia necessaria erant, summo consilio prouidit atque constituit, legibus etiam optimis latis, contraxit ingentes copias, easque magna celeritate Bizantium duxit, ut inde in Asiam transiret. Hanc expeditionem non ambigunt aliqui aut superstitione susceptam putare: Nam Saladinus capta Hierosolyma, & occupata fere tota Syria, iam Ciliciam & Armenias, quas ad id tempus tenuerant Imperatores Constantinopolitani, inuaserat, Emanuelen etiam Constantinopolitanum Imperatorem ceperat. Nullius Mahometici Ducis antea uictus ac foeli citas tanta fuerat, multos exercitus Christianos diuersis locis cõciderat. Quare nisi reprimeretur, facile tota Asia potiturus uidebatur. Hoc tantum periculum, & ut ego existimo, etiam quædam heroica indignatio excitauit ingentem animum Friderici. Intelligebat sui officij esse, ut tam crudele latrocinium à Christianorum sinibus ubique posset, depelleret. Existimabat etiam sibi turpe fore rebellatorem tanto, si domi ociosus spectaret grassantem uictoris hostem Christiani nominis itaque iustum et pium bellum ingenti animo mouit. Perfecit etiam, ut Richardus Rex Angliæ duceret exercitum in Asiam, ad recuperaanda maritima loca. Fridericus cum suis copiis in mediam Asiam ingressus est: Ne defuit Deus honestis consilijs. Tanta enim subito omnium rerum mutatio in Asia

& Syria

*Saladinus dux
mahometitarum
vastat totam
asiam.*

& Syria facta est, ut Saladinus, qui antea deleuerat multos Christianorum exercitus, lateq; uagatus erat in bona parte Asiae, nunc tueri ea quae tenebat, non posset, Fridericus ei Ciliciam eripuit, fuis & deleris Saladini exercitibus: Alibi ad litus Rex Anglię multas ei urbes ademit. Ita cum in ipso uictoriarum cursu Saladinus repressus esset, Asia seruitutis metu liberata est. Quantum autem uere laudis mereatur hic Fridericus, non possum pro dignitate explicare. Primum uoluntas fuit optima, quod occurrendum esse Saladino censuit, ne in seruitutem uenirent Christiani, & ne Mahometistę auctis uiribus latius propagarent suam impietatem. Deinde quantum decus est magnitudo animi, q̄ ausus est procul in Asia quærere hostem, & sumere difficillimam belli partem, quod non deterruit eum foelicitas Saladini. Quare Fridericum nō existimabitis mediocrem aliquem Ducem fuisse. Excellens ipsius uirtus, & in armis foelicitas, satis ostendunt, fuisse Achilleam naturam. Ita enim Saladinu uirtutem & foelicitatem conterruit Fridericus, ut non solum languescere statim Saladini animus coeperit, sed etiam postea diuites Christianorum in Syria fuerint superiores. Potuissentq; tum penitus deleri, aut certe ex Syria & Aegypto pelli Mahometistę ac Turci, quorum nomen tunc primum auditum est, si Fridericus diutius superstes fuisset. Sed fata, ut ego quidem interpretor, urgebant Asiam, & Deus poenam differre aliquandiu, nō prorsus remittere uoluit. Cum igitur recuperata Cilicia Fridericus progressus, Saladini exercitus ex Armenia minori expulisset, cum fortē defatigatus labore atq; estu quem Germani non satis ferre norant, descendit in flumen, lauandi studio. Ibi alij ferunt eum abreptū uortice in flumine

more fride
ri

in flumine perijſſe: Alij ferunt redeunti ex aqua epas
 male affectum eſſe, ut ſit: Meminiſtis enim in Cilicia la-
 uantem in flumine, incidiſſe in letalem morbum. Dici-
 tur itaq; Fridericus epatis morbo intra paucos dies ex-
 tinctus eſſe. Hic fuit interitus Friderici imprimis Iugen-
 dus Reipub. Quo in loco ſubit recordari fata multoru
 praſtantium bellatorum, qui cum uirtute ſumma pra-
 diti eſſent, tamen leuiſſimis caſibus afflicti, perierunt.
 Achilles dum apparat nuptias, per inſidias ab homine
 ignauo interficitur. Deniq; Aeandeceteri, Ajax, Pyrrhus,
 poſtremo Alexander ſubita & indigna morte perierunt.
 Quid dicam Samſonem ipſum, & alios multos, quoru
 exitus indigni tanta uirtute fuerunt. Quare propter ge-
 nus mortis, nihil de laude uirtutis Friderici detrahendu
 erit. Sed ſit id quoq; exemplum, quod nos admoneat
 humanae miſerie, quod heroici & fortiſſimi uiri, ſaepe le-
 uibus momentis oppreſſi, indigna morte pereunt. Illa
 nero ſcelicitati eius tribuamus, quod non ante extinctus
 eſt, quam fractus eſſet Saladinus, & Aſia liberata pericu-
 lo. Domi etiam Reſpub. tranquilla fuit, designauerat
 enim ſucceſſorem filium, ne quid electio tumultum pa-
 reret ipſo amiſſo. Itaq; cum fuerit in Friderico fortitudo
 & ſcientia rei militaris eximia, & quanquam ipſe uarijs
 iactatus eſt caſibus, tamen cum in armis ſcelix etiam fue-
 rit, & proſtigatis bellis, diuturne pacis & optimi ſtatus
 autor in Germania & Italia fuerit, deniq; cum repreſſe-
 rit Saladinum, iure bonis Imperatoribus, & heroica uir-
 tute praſtantibus Fridericum annumeremus. Poſtula-
 bat hic locus, ut etiam de domeſtica eius uita & mori-
 bus diceremus, quos egregie praedicat Ligurinus. Et ma-
 gnitudo rerum teſtatur eum non fuiſſe deditum luxui,
 aut uo-

fata multorum
 praestantium
 bellatorum

aut uoluptatibus: Fuisse in eo precipuum studium religionis, ostendunt monumenta plurima. Multa enim collegia Regularium, ut uocant, condidit, ut in illis colerentur studia doctrinae Christianae, quae tunc uidebat negligi in illis ueteribus & opulentioribus collegijs & monasterijs. Tria memini collegia ab ipso condita, Adelsburgense, Hagonense, & Gelhusanum, caetera non memini. Curam legum & disciplinae publicae summam in eo fuisse & leges eius testantur, & quaedam exempla. Palatinum principem, propterea quod se absente quendam occuparat in Vuormacensi Episcopatu, saeuere puniuit, & ueteri more coegit per totam Vuormatiam canem in humeris gestare, prioribus apprehensum pedibus. Literas Latinas sic satis calluit, ac amasse ac prouexisse eum testantur Otho Frisingensis & Ligurinus. Nam Otho Episcopus Frisingensis, cum quidem fuerit eius cognatus, ait eum a se petiuisse, ut historiam scriberet. Et Ligurinus Poeta significat Fridericum non solum fouisse literas & ingenia, sed etiam curasse, ut filio probe traderentur literae, Sic enim inquit:

O bene quod talem diuina potentia Regem
Instituit, qui sic studijs imbutus honestis,
Nouit ab insipido doctum secernere uulgo,
Iamq; diu mutas, solitasq; silere Camoenas
Excirat, ad ueterem digna mercede laborem.

Dixi.

Bb Historia

HISTORIA DE HENRICO III.

Imperatore, ac Rodolpho Duce

Saxonie.



Vemadmodum in omnibus alijs artibus tradendis magna vis est exemplorum, ita præceptis recte viuendi res gestæ, & exitus bene aut secus factorum, magnum lumen addunt: Et haud scio, an magis etiâ quàm

ipsa præcepta animos hominû ad uirtutem colendam excitent. Nam & Euander cum filio domi tradere omnia de regijs officijs præcepta posset, maluit ei uirgû exemplar proponere, in quod tota mente, totoq; animo intueretur, quodq; exprimere summis uiribus studeret. Sic enim commendat eum Aeneas:

tua cernere facta

Adiuescat, primis & remiretur ab annis.

Itaq; prudenter facere iudicandi sunt, qui in hunc locû memorabilia exempla afferunt, uel ipsi instructiores ad uitam recte agendam translatione illorum euadant, intuemur enim propius quæ ipsi scribimus, uel etiam ut aliorum utilitati consulant. Ego igitur non dubitavi historiam quandam huc afferre, non perinde omnibus notam, Sumpta est enim ex rebus gestis Germanicorû Imperatorum, quæ nullam, ut scitis, literarum lumen habet. Quanquam autem uidebam non esse mediocris artificis, eiusmodi res è tenebris erutas illustrare ac ornare, tamè in patria aliqua historia malui operam sumere, q̃ in peregrina. Turpe est enim nobis, cû in aliarum gentium rebus gestis inquirendis tam curiosi simas, domesticas ignorare, nec maiorum nostrorum salutem, omnes

*exemplum
et in archib
et in uita ma
quod est usus*

*Euander filio
suo Aeneam in
tandem proponit*

*Domestica potius
exornanda p̃
quam aliena*

omnes vires, omneq; studium contulerint, iure poterimus ingratitudinis accusari, si memoriam eorum qui de nobis optime meriti sunt, conseruare nō conemur. Quare tamen si sentiebam me non posse pro dignitate hanc causam quam suscepi exponere, tamen arbitrabar uos facile mihi uentam daturos esse, quia pietate erga patriam adductus in tali argumento vires ingenij experiri non ostantare uoluissim. Ac principio uobis historiam recitabo q̄ potero breuissime, postea exponā quæ inde utilitas excerpri possit. Qui enim ita legit historias, ut nihil ad suum usum inde transferat, non satis perspicit, quid consilij habuerint sapientissimi homines, qui primi monumenta rerum gestarum ad posteros relinquerent. Ante annos fere quingentos Romani Pontifices diuturnum bellum & calamitosissimum incredibili pertinacia cū nostris Imperatoribus gesserunt, dum ad se rapiunt ius Episcoporum creandorum in Germania: Nam ante id tempus Principes ipsi Episcopos suis prouincijs dederunt, nec passi sunt equo animo sibi ius suū exorqueri. Neq; enim uile putabant esse patriæ infinitum Pontificis imperium. Econtra Pontifices summa ui decertabant, non ut religionem defenderent, sed ut imperium atq; opes amplificarent. Nec cum uno Imperatore dimicauerunt, sed aliquot seculis bellum perpetuum fuit, non perinde celebratū, ut Punica bella populi Romani, defuerunt enim & in Italia & in hac natione scriptores, sed non minus lucuosum ac funestum Germaniæ atq; Italiæ, atque Punica bella Romanis & Carthaginensibus fuere. Sed acerrima ea de re contentio cum Henrico III. fuit. Incidit enim ille tanquam in epithasin fabulæ, in medium certamen. Mouerāt enim

Bb ij Episcopi

*homo causa
motus ad de
clamael*

*quoniam legum
Sylvarum*

*bellum inter
pontifices et
maiores et im
peratores
Germanie, pro
ut erant
episcoporum*

Episcopi bellum aduersus patrem, & quosdam Germaniæ populos ad suas partes prætextu religionis pertraxerant. Cum autem Pontifex uirtutē Henrici sustinere diutius non posset, ac sentiret uictoriam inclinare ad Cæsarem, consilium cepit non minus impium quàm callidum, intestinum in Germania bellum excitat, ut Cæsar domi occupatus, ab Italia retraheretur, simul ut cum suis ciuibus maiore cum periculo pugnaret. Nam cum haberet obnoxios Saxonum Episcopos, Pontifex egit per illos, ut Saxonie Ducem Imperatorem designarent. Accessit & Pontificis Romani autoritas, qui hunc de more Cæsarem salutauit. Nihil tale Princeps optimus ambierat, delatum etiam honorem fortiter recusabat suscipere: Nouum enim & inauditum ad id tempus in Germania exemplum erat, Cæsari redacto in ordinem successorem dari. Nec religione prorsus liber animus erat, quia alienum à boniciuiis officio uidebatur, Principis, cui fidem dedisset, maiestatem lādere. Sed ad extremum superstitione, qua nihil in Imperatorum animis potentius est, victus atque expugnatus est, ut Cæsaris titulum susciperet. Nam Episcopi persuadent fidem Henrico datam non esse seruandam, postquàm is à Pontifice proscriptus esset, quia nulla ullius iuris aut officij societas cum excommunicatis esse debeat, docent contra religionem facturum esse, nisi obtemperet Romano Pontifici uocanti eū ad suę dignitatis ac libertatis defensionem. Magna erat autoritas Episcoporum propter opinionem uel doctrinæ uel pietatis. Itaque Princeps Saxonie assentitur eorū orationi, quę in speciem plena pietatis erat. Bellum summa ui molitur, quod uaria fortuna plus annis octo gestū est. Quam grauitè afflixerit Germaniam tam longū bellū, quantum

quantum civium absumpserit, pro uestra prudentia estimare facile potestis. Sæpenumero iusta acie dimicatum est, sed ad extremum ad Picam flumen in agro Lipsensi opinor summis viribus prælium commissum est, in quo Saxonum exercitus cæsus & fugatus est, & Imperatori Saxonum cum fortissime pugnasset, manus precisa est. Princeps Saxonum æger ex vulnere in oppidum Mersburg illatus est, ubi cum decumbenti manus quam amiserat, allata atque offensa esset, coepit, ut sit in rebus adversis, ex eventu consilium æstimare: Et quia manus præcisa erat, interpretatur fatalem fuisse casum, & manum ei datæ fidei poenas dare. Conuersus igitur ad Episcopos, quorum auctoritatem atque consilium secutus erat, inquit: Videre Domini, hæc est manus, qua fidem dedi Domino meo Henrico Imperatori: Nunc cogitate, an iustam causam defectionis habuerimus. Nec post eam uocem diu superstes fuit, sed ex vulnere mortuus est. Quid autem querela illa acerbius cogitari potest? Est aliquid, magnis crimen abesse malis, ut ille inquit, et plenissima consolatio est in rebus aduersis, mens sibi bene conscia. Ariste deplorans hoc modo suum fatum, profecto significauit se sentire, suo scelere, suaque culpa contractam esse calamitatem. Nullum autem supplicium, nulli cruciatus, quis horribiles, ad huius doloris acerbitatem, quæ turpitudinis conscientia facit, conferendi sunt. Exposui uobis historiam non ut debebam, sed ut potui. Nam tanta causa, tamque uaria, in qua tot controuersie insunt, de religionibus, de colendis Magistratibus: præterea tam uaria consilia, & exitus mirabiles, non potest mediocri aliqua facultate ingenij explicari. Nos uero etiam breuiiores iusto fuimus, propter angustias temporis, quod nobis ad dicendum præscriptum est.

Nunc venio ad alteram orationis mee partem: promisi enim me posteaq; recitarem historiam, dicturum esse, quid iudicē eam ad nostros mores utilitatis afferre posse. Etenim si res tanta diuino consilio accidit, quem admodum sentire Christianos decet, profecto statuerē debemus, ad nos id exemplum pertinere. Quemadmodum enim fabulę, quę in theatris aguntur, non propter eas personas quę representantur, sed spectatorum causa sp̄cipi solent, ut quid in uita deceat, admoneantur. Ita nobis ostendit Deus uariā exempla maximarum rerū, ut officij nostri nos commonefaciat. Nec putare ea tantum exempla diuinitus nobis monstrata esse, quę in sacris literis perscripta sunt, totus hic mundus uelut profectum quoddam est Dei, in quo omnium officiorū exempla quotidie exhibet. Proinde diligenter consideranda est historia quam recitauī, ut quid admoneat nos intelligamus. Sed ut alios locos multos quos complecti non possumus, omittamus, uox illa extrema miserabilis indicat, quid in exitu talis uiri nobis spectandum sit. Significauit enim Principem superstitione adductum esse ad bellum mouendum aduersus Imperatorem. Nihil superstitione pestilentius est, sed hæc tum maxime nocet, quando armat homines aduersus legitimos Magistratus. Nulla ferē gens est, quę non olim humanas hostias manerit, atque alij sequebantur in liberos, alij suis dentibus senes parentes per sacrificij speciem laniant, huiusmodi portenta superstitio parit, sed hæc paucorum cæde contenta est, in bellis sauit atrocius, ubi multa hominum millia simul trucidantur, ubi parentes in liberos, filij in parentes, cognati in cognatos ferrum aliquando stringunt. Nulla prope modū ætas ab hac peste fuit immunis.

Collatio

*Superstitione
miserabilis
lentius*

*Hostis humani
ex superstitione
mactabantur*

munis. Sed ut vetera exempla omittamus, ab hinc triennio quàm horribilis motus, quantum incendium subitò exarserat, cum vulgus arma aduersus Magistratus cepit, cuius tumultus quæ fuerit uictuofus exitus, non ignoratis: Sic enim accepimus, caesa esse supra centum millia hominū. Quæ res aut alia simplices homines initio decipit: quæ res alia inducat atque imperite multitudinē, nisi superstitio, seu quædam peruersa de religione persuasio. Scitis enim sparsos fuisse libellos, quibus tanquam ad pileum uocabantur, in quibus de publicandis syluis, fluminibus, de donatione creditorū, & hoc genus alia multa scripta erant, & male de terroris scripturis, nebulae erant offusæ oculis multitudinis. Hi libelli seditionis classicum maximæ parti fuerunt. Cum igitur tam pestilens res sit superstitio, diligenter aduersus eam animos nostros munire debemus, cum sacrarum literarū scientia, tum etiam historiarum cognitione, in quibus est uideri, quæ varie occupet animos hominū. Neque enim semper eadem facies est, eademque forma superstitutionis. Nullus Protheus tam uariis est, quæ uarias formas illa solet induere. Videris quæ callide obrepserit isti Principi, de quo hec oratio instituta est. Magna erat in Germania dissensio Ecclesiarum: Nam Ecclesie Saxonum iudicabant reliquos Germanos, qui in fide Cæsaris manserant, nullas ceremonias recte posse tractare, propter Pontificium interdictum. Diripiebantur eorum templa uelut prophana loca, ad ipsas aras trucidabantur miseri sacerdotes. Quis autem non moueretur tantorum malorum contemplatione? Quis non cuperet has tantas calamitates sanare, si quid opis afferre posset? Sic affecto Principi insinuat se superstitio, ac persuadet id fore remedium publicorum

*de illam uisum
uulgum et
magistratus*

corum malorum, si oppressio Imperatore dissension-
 nes Ecclesiasticas tollat. Sed uide quantum in isto con-
 silio turpitudinis fuerit. Primum diuina ac huma-
 na iura uiolat, cum aduersus suum magistratum, quem
 & doctrina religionis, & omnium gentium leges bona-
 fide coli præcipiunt, arma capit. Et cum talia fuerint aus-
 spicia noui imperij, nihil est quod miremur exitum tra-
 gicum esse. Quid enim accidit inito regno? Num resti-
 tuit pacem? Num sustulit Ecclesiarum dissensiones? Ne-
 quaquam. sed morbum intempestiue medicando mul-
 to magis exacerbauit: Nam suscepto bello, nihil usquã
 tranquillum erat. Hic primum mutuis accensa odijs,
 utraq; pars crudelius sœuire coepit, q̃ antea unq̃. Postre-
 mo præterq̃ quod exitus Principis fuit miserrimus, tota
 etiam ditio amisso Principe uictoribus præde fuit. Hunc
 exitum superstitiosi consilij diligenter considerate, & sæ-
 pe uobis manum illam Principis præcisam ob oculos
 ponite, ne ipsi. unquam superstitione adducti, Magi-
 stratum auctoritatem lædatis. Illa manus admoneat,
 neminem quantumuis magnis uiribus munitum, con-
 temptum Magistratum impune ferre. Pinguntur in qui-
 busdam urbibus brachia in foro, quæ significant, capita-
 le esse, ferrum aduersus alterum stringere. Ita uos manum
 illam Principis pingite uobis in animo, ut intueri eam,
 quoties opus est, possitis, ac meminisse, qualis sit
 exitus eorum, qui Magistratus con-
 tumelia afficiunt.

Dixi.



Præfatio

PRAEFATIO IN HOMERVM
Viri Vuinsemij.



Um interpretationem Homericæ poematis paucos post dies auspicaturus essem, uisum est hoc in loco eam prælectionem, atque hæc ipsa studia, adolescentibus, ut possem, oratione commendare: idque ego tam commode me facere posse optarim, quàm, ut res commendatione dignissima est, ita hoc præsertim tempore, atque in tam corruptis hominum iudicijs ea uehementer opus habet. Cum enim hæc admiranda dona Dei literarum uidelicet & humanitatis studia animo considero, quibus post Christi Euangelium hic orbis nihil præclariùs habet, nec diuinius, & contra quanta cæcitate, quæ prodigiosis, & plusquam Cimmerijs tenebris inuolutæ sint hominum mentes, quæ hæc uera & maxima bona adspernantur, atque ingenti contentione non modo deteriora, sed etiam perniciosa & exitialia sibi ipsis, cupiditatum suarum & uoluptatum instrumenta sectantur: Hec, inquam, cum apud animū expendo, uehementer commoueor, uenit enim mihi in mentem, quàm densa caligine, ac uelut atra nocte circumfusa sint hominum corda. Nec amplius miror, si in rebus diuinis & supra caput humanum positis cæcutiunt homines, cum hæc sua & quidem propria bona, ad quæ diuinitus conditi sunt, quæ agnoscere & amplecti poterant, ita pedibus proculcare uideo. Proijcimus hæc studia humanitatis, proque nugis ea ducimus, quibus illa pars nostri, quæ sola hominis adpellationem meretur, quæ ad imaginem Dei ad immortalitatis & ueræ æternæque felicitatis possessio-

Cc nem

nem condita est, excoli atq; excitari debebat, proq; his, nescio quas praestigias obiectas à Satana & inanes umbras infano cecoq; impetu conlectamur, & hunc solem adhuc intueri non reueremur. Abducit ille perennis humani generis hostis animos nostros quibuscunq; potest dolis, ab admiratione & amore peri boni, specieq; falsa prestringit oculos, atq; ita occaecat, ut quiduis potius uideamus & amplectamur, quàm quæ precipue uidere & amplecti debebamus.

NB

Acciditq; Musis & his studijs hoc tempore in mundo, quod Strabo cuida Cytharædo olim apud Iassum accidisse memorat. Qui cum in theatro eius loci erudite ac suauiter caneret, audirentq; eum Iassij, statim ut in crepuit tintinabulum, quod signum illis erat ueniam expositorum piscium, illico omnes cytharædo relicto, ad pisces emendos dilapsi sunt, præter unum surdastrum, qui cum sonum tintinabuli auditu non percepisset, solus remanserat. Ad eum igitur conuersus cytharædus: O Homo, inquit, gratias tibi ingentes habeo, cum propter Musicæ studium, tum propter honorem erga me, quod non sicut ceteri statim ad crepitum tintinabuli foras proiecisti te, ut pisces emereres. At ille: Quid ais? num iam tintinabulum sonuit? Qui cum affirmaret: At tibi bene sit, inquit, ac surgens protinus ipse quoq; foras ad emptionem piscium procurrit, estq; cytharædus solus destitutus, nec in tanta urbe repertus est quisquam, qui pluris Musicam, quàm putridos pisces faceret.

Ita his temporibus hæc studia quoq; & literæ negliguntur. Proruit se quisq; ad sordidas & quæstuosas artes, diris cupiditatibus & uentri seruiunt, præter illum nullum Deum norunt. Ut ingenium, ut partem meliorem ac

rem ac diuiniorē sui excolant ornent'ue, per pauci curant. Vtq; in turbulento & ebrioso conuiuio, homines nugantur, rident, uociferantur, perstreunt, ludente ali quo insigni Musico, nec aduertūt, nec auribus animis 'ue accipiunt illam suauitatem Musices, aut perfruntur ea, ita hoc seculum suis cupiditatibus uelut ebrīū & amens nō exaudit uoces Musarum, nec attendit animum. Qui uero sua autoritate & opibus præcipue hæc studia pro uehere atq; ornare debebant, hi cum pleriq; ipsi Barbari sint & inculti, impendit magis ea oppressa & deleta cupiunt. Vtq; Herodes Rex Iudaicę gentis cum ex humili & obscuro loco ad Regios honores enectus esset, infert omnes libros, in quibus genealogię continebantur, incendi atq; aboleri, ut ita discrimine nobilitatis & ignobilitatis sublato, sui quoque generis obscuritas minus infamis esset: Ita homines ineruditī literas & oderunt, & abolitas cupiunt, sperantes hoc modo suam quoque insciam facilius posse latere. Sic fit, ut ab alijs infestentur, ab alijs destituantur literę: alios aliō abripit, cæca cupiditas, & quiduis potius quā uera bona admiramur, imō ea ne agnoscimus quidem. Ita Satanas mentes humanas suis compedibus constrictas tenet, & quoquō ipse uult, transuersas abripit, ac reuera nunc minima de malis inscitie turpitudine ducitur, qua nisi uecordes, & uelut mente capti essemus, nihil tristius, aut magis fugiendum iudicaretur. Interim ali j honores, ali j foedissimas uoluptates, pleriq; opes & pecuniam sectantur. Hec sola bona ingenti mercede licentur, uitam atq; animā, ut ille ait, lucro uendentes. His foelicitatem metiuntur miseri, qui non expendunt, q̄ saepe leui momento infœlix illa foelicitas nō interpellari modo, uerū & prosum

euerti solear: Docuit hoc multos experientia stultorum
magistra. Sed quid nos interim dicere oportet? uide-
mus hoc cōmuniter accidere rebus optimis, ut eādem
sint contemptissime, & cōtra pessimis, ut maximi fiant.
Ergo si idem literis & huic doctrinæ humanitatis acci-
dit, nō nouum aut mirum nimis id nobis uideri debet,
neq; nos corruptissimo uulgi iudicio & errore ab his stu-
dijs amandis colendisq; abduci decet. Hæc ut præfater
cum de Homero & his nostris studijs dicturus essem,
res ipsa & indignitas memouit. Quis enim non com-
moueatur, qui hunc tam insignem contemptum rerum
optimatum uideat? Vos pro uestra humanitate hanc
nostram querelam, quam mihi expressit dolor meus &
indignitas rei, boni consulitis.

Atq; ut ad id, de quo in præsentia instituta est, se refe-
rat oratio, Homeri poema, ut dixi, Dijs bene fauentibus,
interpretari decreuit: De eo in præsentia breuiter præfari
constitui. Atq; utinam ego illud tam possem adolescen-
tibus oratione commendare, ac dignis laudibus orna-
re, quā nunquam satis potest pro dignitate celebrari,
exuperatq; Homeri splendor omnem orationem. Sed
tamen ut magna numina nonnunquam farre & sale co-
li solent, ita nos si quid pro nostra tenuitate poterimus,
ad tanti scriptoris præconium conferemus. Nec uero
hic de natalibus, patria, & uita Homeri nobis oratio
erit, hæc enim ab alijs satis accurate & fusc explicata, qui
uolent requirere poterunt: de Poemate ipso, & utilita-
te, quam studiosi inde capere possint, breuiter, atque ut
patietur hæc temporis angustia, agemus. Nam qui ita
euoluunt Homerum, ut nihil hinc nisi uoluptatem ue-
nentur, & sententiolas quasdam ceu flosculos hinc in-
de col-

de collectas, hi perinde faciunt, ut si quis fertilissimum agum tantum animi causa colat, ut floribus in eo natis aliquando se coronet, fructuum, quos inde uberrimos percipere poterat, curam planè negligat, hunc aliquis recte, opinor, œconomum parum prudentem dixerit. Et si enim uoluptatē ex lectione Homeri tantā, quantam uix ullo alio ex autore, capere licet, quod natura ferè ita comparatum est, ut cum summa utilitate, summa ac uera uoluptas coniuncta sit, non tamen ea præcipua cura esse debet, sed est alia maior & potior, nempe, ut quemadmodū in sua re familiari cauti patresfamilias solent, ita initio statim nobiscum rationem ineamus, ecquod operæ precium facturi simus euoluendo hoc uel illo scriptore. Quod idem si in Homero discendo faciemus, tū nobis statim se offeret infinitus utilitatum cumulus, & uelut *μυγμανία ἀγαθῶν*, quæ affatim, & pleno, quod aiunt, sinu ex hoc scripto petere possimus. Quæ si quis singula oratione cōprehendere aut enumerare conetur,

Lybici uelit æquoris idem (ut Virgilius ait)

Dicere, quàm multæ Zephyro turbentur arene,

Aut ubi nauigijs uiolentior incidit Eurus,

Nosse, quot Ionij ueniant ad littora fluctus.

Ego igitur, ut uerum fatear, & si nō ita oblitus sum mei, ut hoc mihi sumere ausim, me illas ingentes & innumera- biles Homerici poematis diuitias omnes cernere aut cognoscere posse, cum haud dubie uix minima pars earum nota est, tamen hoc planè mihi accidere sentio, ut, quemadmodum ille ait, inopem me copia faciat. Multiplicia enim me hoc scriptum intuentem ab omni parte uelut diuina miracula occurrentia, attonitum, suspensumq; tenent, ut difficile sit, unde exordiar, aut in quo

Cc iij desinam,

desinam statuere. Veneror enim, ne mihi accidat, quod
 ijs, qui re multum ac diu deliberata ex ingenti rerū pre-
 ciosarum aceruo certa quedam *κεφάλαια* eligere debent,
 hi prae nimia cura & dubitatione nonnunquam deer-
 rantes, optimis relictis, minus preciosa fecernūt. Ita ego
 quoque vereor, ne melioribus, & quae alij fortasse ma-
 gis admirentur, praeteritis, deteriora legam: verum ut
 ut hoc animaduersum erit, non equidem in magno po-
 no discrimine. Non enim me fugit, ut radijs solaribus
 oculorum acies sensusque vincitur, ita fulgore Homerici
 carminis ingeniorum aciem praestringi solere. Nos ra-
 men uolet mare angustis fistulis includentes, pauca que-
 dam de re infinita colligemus, & quae nobis praecipue
 admiranda in hoc poemate uisa sunt, strictim ac breui-
 ter recenserebimus.

Ac primum quidem sic statuo, nullam unquam scri-
 ptum, inde usque a primum condito orbe, ulla in lingua
 aut natione, ab ullo humano ingenio editum esse, sa-
 era ubique excipio, in quo uel doctrina tantum sit, uel ele-
 gantia & suauitas. Audacem hunc esse sermonem, ple-
 numque inuidie non ignoro. Sed idem non dubito, quin
 liberaliter instuta ingenia, & quibus modo leuiter, ac
 primoribus, quod aiunt, labijs est degustatus Home-
 rus, uehementer in hoc mihi assentiatur. Nam ut nunc
 non dicam de ea doctrina, quae rerum naturam contine-
 ret, quae coelestium orbium syderumque uices, ortus &
 obitus tradit, quae temperatura humani corporis har-
 moniam, membrorum *συνεξία*, uariasque affectiones
 ostendit, non dicam de reconditis illis literis, quibus
 ubique plenum & confertum est Homericum poema, non
 enim hac tēporis breuitas singula nos recensere patitur,
 Ad hac

Ad hæc nostra & notiora ueniamus? Quod enim dabit
 tis mihi præceptum ad mores, ad uitam bene ac felici-
 ter instituendam, unquam à uiris sapientibus proditum,
 cuius non sit in Homero aliquod speciosum & illustre
 exemplum? Quod in uita officium, aut quod omnino
 negotium, cuius non in eodẽ expressa sit imago? Sunt quæ
 de omnibus rebus & negotijs cogitationes, quæ quid-
 dem ab ulla humana mente concipi possunt, humanissi-
 simæ, dulcissimæ, & simul sapientissimæ. Quid enim sua-
 uius, aut magis *ἀδύνατον* cogitari, quid grauius moneri po-
 test, quàm quod ipse aliquot locis in suo poemate, ihs,
 qui nec iniusta de causâ irascitur, decantat, *ἀμείνω δ' ἄϊον*
μα πάντα. hoc est, moderatione, placabilitate, & cle-
 mentia omnibus in rebus nihil melius esse? Quid iusti-
 us aut humanius illa uoce Diomedis in 9. Iliados, In
 concilio illam primam legem sanciti, ut sit libertas dis-
 cendi, & patientia audiendi? Non uidemus quod hoc se-
 culum nulla re magis laborat, quàm quod potentiorum
 aures non modo linguam liberam, sed ne cogitationem
 quidem libertatis memorẽ ferre possunt? Quid magis
 heroicum, quàm quod Hector ait:

εἰς δ' αὖτ' ὁπλὸς ἀγέμενος ἀμύνασθαι πόλιν πατρίαν
 unum auspiciũ felicissimum, fortiter depugnare, &
 honeste cadere pro patria? Quam sententiam si ob ocu-
 los & in animis scriptam hoc tempore Principes habe-
 rent, non uidissemus Turcas toties iam Germaniæ & Chri-
 stiano orbi ita impune insultantes, nec eorum aduentum
 adeo perhorresceremus. Quid diuinius, quod quod præma-
 tura morte, & inter primos cadere eum scribit, qui nutri-
 tionis gratiam parentibus non persoluerat? Item:

ὅτι ἀγέρτῃ κακὰ ἔργα νύχθη δ' ἄν γὰρ βραδύς ἐν νύκτι
 id est,

id est, non peruenire ad frugem, nec foelicem successum
fortiri malefacta, & uirum improbum, quantum uis ce-
lerem, & ad fallendum instructum, deprehendi tamen
& quidem à claudio. Neq; dubium est, quin hoc genus
sententiæ primum à sanctis patribus prodita, & ad po-
steros propagata sint: deinde ab alijs ad alios successu
temporum, uelut per manus tradite, ad tales tandem ui-
ros permanuerint, à quibus his monumentis insertæ
sunt, ut uelut in illustri & perspicuo posita loco, ad o-
mnem posteritatis memoriam retineri, & cum admi-
ratione spectari possent. Plenum est poema Homeri tali-
bus sententijs, quæ uelut pondus & auctoritatem legum
habent, quæq; merito ut oracula aut diuina responsa sin-
gulari cum religione obseruari, memoriæq; mandari, et
semper ob oculos haberi debebant. Quodq; de Euripide
de Cicero dixit, Se singulos eius uersus, singula testimo-
nia putare, id multo uerius de Homero dici posse uide-
tur, cum Euripides, reliquiq; Poetæ, uelut riuuli ex Ho-
mero, ceu perenni fonte scaturiant.

Traduntur in unaqualibet arte principia quædam, &
& communes noticiæ, ad quas, qui in ijs uersantur artis
bus, uelut ad Lesbiam regulam cogitationes suas diris-
gunt. Meministis, Adolescentes, maximas in Dialectica
uocari à Boetio, id genus communes *προληψεις*: Tali-
bus, inquam, maximis constat totum poema Homeri,
hoc est, communibus & utilissimis regulis ac præceptis
morum, uitæq; & ciuiliū officiorum, quarū in omni
uita & actionibus usus latissime patet, multa docet, mul-
ta sapienter monet, instillat tenere ætati honestissimas
& suauissimas noticias, modestiæ, uerecundiæ, ac reli-
quarum uirtutum: Suauitatis & humanitatis morum
nullus

Nullus eo melior Magister: præstat ac efficit quandam
quasi experientiam rerû in iuuenibus, quæ laus alioqui
ut summa est, ita soli senectuti tribuitur. Nota enim est
sententia Latini Poetæ:

non omnia tardior ætas

Quæ fugiamus habet, seris uenit usus ab annis.

Hoc uero diuinum beneficium præstat lectio Homeri,
nempe, quod ingenium iuuenile, senili prudentia im-
buit, ea enim, quæ senes per longi temporis usum depre-
hendere solent, quæ illos docet numerosa series anno-
rum, & uarij rerum ac uitæ humanæ casus, ex hoc poema-
te per compendium tanquam ex thesauro aut fonte pe-
tere atq; haurire licet. Non paulo enim foelicius hic tra-
ditur doctrina recte & beate uiuendi, quàm in ullis Phi-
losophorum monumentis, ut uere de Homero dixerit
Horatius, Quod ille,

Quid sit turpe, quid pulchrû, quid utile, quid non
Plenius et melius Chrisippo et Crantore docuerit.

Innoluit uero hæc grauiissima ac sanctissima dogmata
dulcissimis & iucundissimis iconibus Poeticis, ut inge-
nia liberalia & *ὀυζυτικὰ*, cum quadam, ut ait Plutar-
chus, *εὐμουσίᾳ* erudirentur.

Neq; τὸ *ἰδὲκόν*, hoc est, uenustas & suauitas morum,
ingenijq; moderatio ac humanitas ullo in scripto ita ex-
pressa est, ut in Homeri poemate. Quapropter, si uerum
est quod dici solet, studia abire in mores, ita ut uerû est,
fieri non potest, quin humanissimi & dulcissimi Poetæ
tractatione, ingenia quoq; mitescât, fiantq; humaniora
& magis placida. Hoc credo uiri magni & præstantibus
ingenijs prædicti animaduertentes, alij poema Homeri
humanitatis officinam, alij fontem omnis suauitatis &

De uenustatis

uenustatis adpellarunt. Plinius primum liberalioris doctrine & antiquitatis parentem Homerum vocat, Plato optimum uicem magistrum. Atque ut intelligamus istos magnificos titulos uere Homero tribui, intueamur poema eius, totum nobis corpus proponamus, ne ut in dissecta statua ex mutilatis partibus & membris, facienda sit coniectura.

Duplex est poematis Homericæ argumentum: Alterum Ilias, alterum Odyssea inscribitur. In Iliade Plotarchus robur corporis, in Odyssea uices ingenij celebrari ab Homero existimat. Describitur autem in Iliade bellum, ut fama nobilissimum, ita honestum accipiam, quod Græci contra Barbaros pro defensione pudicitiae conjugalis, ut ulciscerentur adulterium, & uiolatam hospitij fidem gesserunt. Odyssea continet errores Vlyssis, sub cuius imagine Poeta uirum sapientem ac politicum, uarijsq; fortunæ procellis iactatum, & qui fortunam consilio regere ac moderari sciret, describere uoluit.

De qua parte, cum eam prius interpretari decreuerimus, pauca in præsentia mihi dicenda esse duxi. Ac primum hoc non est dubium, quin in Iliade militiæ bellicę artes, in Odyssea togę & pacis describere, atque ita in toto poemate utroq; genere artium tale ingenium, quod Rem publicam, aliquando gubernare deberet, informare, erudire, ac preparare uoluerit. Pingit in Iliade in Vlysse imaginem quandam ciuilem & togatę uite, in Iliade uero militaria exēpla proponit: His enim artibus Respublicę ac regnū parantur, tenentur, regunturq; & his artibus instructū esse oportet, quicumq; Remp. est aliquando tractaturus. Notus est enim eiusmodi Homeri uersus, quo Alexandrū Magnū ira delectatū ferūt, ut eū semper in ore habuerit:

ἀμφοτέρω

in ditione
Luppi

ἀνθρώπων βασιλεὺς τ' ἀγαθὸς καὶ εὖρος τ' ἀχρηστὸς.
Sed age uideamus, quid illi uiro tribuat, quem politicū,
quem Principem in Repub. quem ijs ingenij dotibus,
ijsq; artibus ac uirtutibus præditum fingit, quibus ciuita-
tes in pace florere ac gubernari solent, id enim argumen-
tum nostro instituto propius esse uidetur. Primum tri-
buit ei ingentem amorē erga patriam, cum enim post
Deum primum gradum pietatis, primum iusticiæ esse
scimus. Et Solon apud Crcesum, ut Herodotus refert,
primum sclicitatis gradum adsignat illi, qui pro patria
mortem oppetisset: proximum ei, qui pietatem paren-
tibus præstitisset. Veigitur ille amor patriæ, in hoc uiro
effunderet sese, & illustrior fieret, fingit Poeta multipli-
ces occasiones, & uaria impedimenta, quibus eius in pa-
triam fectus interpellatur, cū quibus omnibus ille con-
silio, ratione, uiribus animi pugnat, & ex omnibus his
tandem eluctatur. At qualem ille patriam tanti facit &
nempe sterilem, angustamq; insulam, & ut Cicero ait,
in aspectu misæis tanquam nidulum affixam. Eius ille
tanto desiderio & amore tenetur, ut sumū inde exenti-
tem, immortalitati præferre non dubitet. Et uidemus
hunc affectum in omnibus magnis ac præstantibus ui-
ris fuisse singularem. Demosthenes cū in Calauria exu-
larer, scribit se quotidie ad culmen eius sacelli ad quod
confugerat, adscendere, atq; inde diu eam regionem,
quam uersus Athenę sitę erant, ingenti desiderio & do-
lore, oculis metiri ac spectare solitum, cui patria & si in-
grata & impia erga ipsum, uita tamen ipsa, & anima
charior fuit. Porro proximus gradus, ut ad institutum
reueriamur, est pietas erga parentes, coniugem, liberos,
& in Principe præcipue erga ciues ac subditos, quam

Dd ij Homerus

Homerus summam Vlyssi tribuit. Quàm sancte enim ille parentes colit ac veneratur? quanto amore natum, quanto coniugem amplectitur, à quo nec consuetudine Dearum immortalium auelli se patitur? quanta uero cura & sollicitudine uitam sociorum, quanquā male merentium, tuetur? quàm pro illis uigilat, et nullum genus molestiæ uel laboris recusat, dum illorū saluti consulat?

Quia uero eum facit uirum prudentissimum & constantissimum, uarias fingit occasiones, quibus ille uirtutes spectantur, uarijs calibus & periculis obijcit ipsum, in quibus & fortitudo eius ostenditur, & uis consilij ex prompta elucescit. Scimus enim aduersam fortunam uelut campum & Gymnasium esse, in quo uis ingenij atq; eximia uirtus exerceri ac spectari solet. Memorabile & hoc est, quod eundem & prudentissimum facit et eloquentissimum, tribuitq; ei orationem similiter fluminibus hibernis niuib; auctis fluentem, & opponit ac confert inter se duo perfectissima genera dicendi, in Menelao & Vlysse. Fingit item eum regi & custodiri à Minerva, ut ostendat magnos uiros Deo curasse, eiusq; auxilio subnixos, res tantas efficere. Porro cum Cyclope & cum procis eum depugnantem facit, hoc est, cum tyrannis, & cum seditiosis prauisq; hominibus, aliorum toro & fortunis insidiantibus, cum his enim duobus generibus hominum semper heroicis & praestantibus uiris lucta accertamen fuit. Et quod in primis est obseruandū, patientissimū eum ac pertinacem propositi fingit, quiq; dum cursum suum teneat, atq; id quod uelit consequatur, nullis molestijs ac laboribus, nullisq; contumelijs uinci frangi ue se patiatur, perfert ille, cum iam perfusus periculis ac malis uideretur, adhuc domi suæ multa intole-

intolerabilia, sustinet esse lacer, mendicus, ludibrio haberi, uapulare, offe peti à procis, irrideri à sua familia, omnia hæc ad tempus dissimulat, expectans occasionē, qua domum recuperare, rebus suis potiꝰ, illosqꝰ ulcisci posset. Est ea uirtus singularis in præstantibus uiris, non tantum magnas & memorabiles res ad salutem patriæ ac multorum hominum, cum uitæ & capitis periculo efficere, sed iniurias, ignominiam, contumelias, infamiam etiam perferre posse ac pati, atqꝰ interim institutū cursum urgere, idqꝰ unum quod honestū & salutare sit, spectare ac sequi. Nota est sententia Ennii de Fabio:

Non ponebat enim rumores ante salutem.
Ea planè est Vlyssæ sapientia, qua res afflictae & profligatae plerumqꝰ fulciri ac sustentari solent. Desino de Vlyssæ, quem Philostratus & *loguæ* Homeri uocat: nam si singula persequi uelim, dies me hic dicentem citius, qꝰ dicendi materia deficiat. Innumerabilia enim sunt in Homero uelut diuinitus meditata atqꝰ inuenta, quæ nō temere ab Horatio miranda sunt dicta, eaqꝰ ubiqꝰ omnia incredibili elegantia & suauitate condita, uarijs affectibus, *ut* tamen præcipue, multis mirabilibus & inuendis casibus uariata, tali uero rerum ordine atqꝰ *diuino* digesta, ut omni humanitatis sensu carere eum, pecudē esse, non hominem existimem, qui non Homeri lectio-
ne permulceatur. Vt enim in hoc scripto est quadam perfecta & absoluta imago sapientiæ humanæ, quanta-
cunqꝰ ea omnino esse aut cogitari potest, ita in omni genere doctrinæ nihil dulcius eo est, nihil luculentius, nihil in quod maior eloquentiæ splendor eluceat, ut res-
te dictū sit à Fabio: Quemadmodū ab oceano omnes
amniū & fontium cursus initia capiant, ita Homerū

D d in omnibus

omnibus eloquentiæ partibus exemplum. & ortum de-
disse. Non enim pluvias ille aquas, ut ait Pindarus, colli-
git, sed vivo flumine exundat, dono quodam providen-
tiæ diuinæ ad hoc genitus, ut in eo totas vires suas elo-
quentia experiretur.

Et si igitur post eius ætatem effloruit satis fecit Poë-
tarum p̄tuentus, ipse tamen semper suum, hoc est, sum-
mum ac principem locū tenuit, & unus omnibus quos
ulla tulit ætas, Poetis palmam præripuit, longissimisq̃
interuallis cunctos post se reliquit, idq̃ effecit, ut ma-
gnū & magni ingenij habitum sit, eius uirtutes non
quidem æmulatione, quod impossibile est, sed saltem
intellectu sequi. Canit de eo, ut magnifice, ita non mi-
nus uere Manilius:

quisq̃ ex ore profuso (inquit)

Omnis posteritas latices in carmina duxit,

Annemq̃ in tenues ausa est deducere riuos,

Vnius fecunda bonis.

Et Theocritus ait, Musarum aues, hoc est, reliquos Poë-
tas, sicut Homero certare ansum, frustra laborare, & ue-
lut coccysum edere ad dulcissimos lasciniæ cantus.
Testatur item Philostratus Homērum nō sicut Euphra-
notem statuarium, qui quibusdam in sua arte uirtuti-
bus ceteris præstitit, sed in omnibus, quæ quidem in
unoquoq̃ maxime laudata sint, eminentissimum esse.
Et refert ille festiuam de Homero fabulam, quam non
alienum duxi breuiter hoc in loco commemorare.

Achillem ait, cū adolescens esset, nullo studio & amo-
re Musicæ ac Poeticæ flagrasse, ita ut quotidie à Musis con-
tenderet precibus, ut eam auxilio in excellentem Mu-
sicum posset euadere. Cumq̃ nullum orandi finem fa-
ceret,

ceret, tandem ex Musis Calliopen illi apparuisse, ac monuisse, ne cum fatiis pugnaret, aliter enim superis visum esse, non uatem eum, sed præstantem bellatoré futurum, & qui tales res gereret, unde Poetæ materiam scribendi sumpturi essent. Post centum uero annos exorturum quendam uatem, nomine Homerum, qui eius res gestas & fortia facta immortali carmine celebraturus esset. Hæc de Homero Philostratus. Per hoc haud dubie significans, diuinitus excitatum fuisse Homerum, & diuina uirtute afflatum hæc cecinisse. Id quod multis in locis uidere licet, eum uelut ex adyto uel cortina altius quiddam & diuinus, quam pro humano capto sonuisse. Inducant hoc nonnulla, quæ in eius poemate sparsa sunt, uaticinia, quæ non absque afflatu numinis ab humana mente concipi potuerunt. Quale hoc est de posteritate Aeneæ, & æternitate futuri Romani imperij, quod à Vergilio hoc uersu redditum est.

Et nati natorum, & qui nascentur ab ipsis.

Quare non ab re Democritus dixit, Homerum sortitum fuisse diuinantem animam. Sed ista persequi, non sunt huius loci aut temporis. Ad nostra igitur, atque ad ea quæ nostris studiis & moribus propiora sunt, reuertamur. Etsi uero mihi in præsentia non uacat colligere, & *φιλοσοφούμενα* illa recondita, de principiis rerum, de motu corporum cœlestium & astorum, de elementis, de mundo, & eo duplici, de constitutione hominis, de anima & eius partibus, de sede potentiarum animæ, de singulis potentijs, de affectibus, ijsque laudatis & uitiosis, de ratione porro atque intellectu, sensuque & appetitu cum eo perenni dimicatione depugnante, de illa diuiniore & item bruta parte hominis.

Hæc

Hec, inquam, cum iam mihi recensere non liceat, tamen sciant studiosi, omnium harum rerum semina, & cetera sonantes in Homero esse. Neque ullus melior aut praestantior pictor illius nobilioris ac diuiniotis partis nostri exitit, quam Homerus.

Quapropter Scipio apud Silium ingenti & non falsa laude uehit Homeri umbram apud inferos conspectam, & magnae felicitatis loco suis temporibus talem uiratem optat, quem locum propter adolescentes non piget hic subijcere, sic enim ait:

Atque hic Elysio tendentem limite cernens
Effigiem iuuenis, caste, cui uirtus ligabat
Purpurea effusus per colla nitentia crinis,
Dic, ait, hic quidnam uirgo, nam lucere fulget
Praecipua, frons sacra uiro, multaque sequuntur
Mirantes animae, & laeto clamore frequentant.
Qui uultus, quem si Stygia non esset in umbra,
Dixissem facile esse Deum. Non falleris, inquit,
Docta comes triuia, meruit Deus esse uideri.
Et fuit in tanto non paruum pectore numen,
Carminibus complexus terram, mare, sidera, maneis,
Et cantu Musas, & Phoebum aequauit honore,
Atque haec cuncta prius quam cerneret, ordine terris
Prodidit, ac nostram tulit usque ad sidera Troiam.
Scipio perscrutans oculis latentibus umbram,
Si nunc fata darent, ut Romula facta per orbem
Hic caneret uates, quanto maiora futuros
Facta eadem intrarent hoc, inquit, teste nepotes.
Felix Aeacide, cui tali contigit ore
Gentibus ostendi, creuit tua carmine uirtus.

Haec de Homeri laudibus Africanus apud Silium.

Sed oc

Sed occurritur nobis & quidem à summo uiro ac doctissimo Platone, qui Homerum uelut iudicio capitis damnatum, sua Repub. excludit, in exilium exigit, ac relegat. Quo in loco dicere possum, id quod Chrysostomus de eadem Platonis contra Homerum accusatione respondit, Difficile esse inter tantos homines disceptare, ut si duo uiri, ambo boni, ambo graues et honesti, ambo amici, de re quapiam seria & graui sententijs discrepent, difficile sit pronunciare, ne alterius sententiam uideatis tua oratione damnare. Sed uideamus tamè quid Platonem mouerit, ut Homerum ciuitate à se constituta eijceret: non enim temere id fecisse putandus est, praefertim quem ipse *ἀριστὸν καὶ δαιμόσιον τῶν ποιητῶν*, optimum & diuinissimum Poetarum uocet. Quid igitur tantum commouit hec inuocentissima lusciniā, ut campis Platonis pelleretur? Obijcitur quod de Dijs immortalibus ac religione ridicula quaedā & absurda prodiderit. Audio, magnum & capitale crimen. Sed dicat mihi uel Plato, uel alius quispiam huius sententiae propugnator, quānam alia de Dijs, aut de religione, ut tū fuit in Græcia, Homerus potuerit tradere, & utrum Plato ipse multo meliora nouerit uel prodiderit. Homerus de religione, de Dijs immortalibus, ea quæ tū usitata fuerunt, ipse quoque secutus est, nec illis quidem temporibus & apud illas gentes, alia fuit religionis forma, quā qualem Homerus describit. Vtrum ea uera an falsa, nō hic disputo. In hoc nempe Homero cū Platone & praestantissimis quibusque uiris cōuenit, quod sit Deus, quod res humanas curet: tot igitur Deorum consilia cogit, ut ostendat res hominum non temere nec casu fluere, sed à Dijs immortalibus dispensari, ac gubernari. Facit

Ee Deum

Deum *φύλακτα των*, unde Iuppiter ab ipso introdu-
 citur, conquerens affici se humanis casibus, & dolo-
 re sibi hominum mala atque miseras: statuit item bo-
 nos defendi, cumulari bonis, diuinitus malos puniri.
 Prædicat Minerva in primo Odyssæ, Vlyssæ primum
 propter virtutem ac honestatem, deinde & propter stu-
 dium pietatis & religionis, seu cultum Deorum. Quid
 humana natura, si suis viribus nitatur de voluntate Dei
 melius aut sublimius cogitare potest, quàm quod pios
 & bonos amet, foueat, iuuat, impios & sceleratos odes-
 rit, poenisq; afficiat, res hominū ceter, gubernet. Quod
 uero præter hæc allegorica quadam admiscuit, facile in-
 telligi potest, aliud ipsum egisse, allatisse ad mores ho-
 minum, ad naturam rerum, inuoluisse his Poeticis ico-
 nibus seria & graua dogmata, ut mos fuit illorum tem-
 porum. Quid quod & Plato nonnunquam ad hunc
 modum ludit de Dijs immortalibus, cum aliud quid-
 dam significet, qui sit amiserus iudex in alios esse uult,
 eodem & ipse crimine damnari potest. Deinde respon-
 deri & hoc potest, quod Chrysostomus ait, Homerum
τὸ μὲν κατὰ φύσιν, τὰ δὲ κατὰ ἀνάγκην posuisse. Atq;
 hæc mihi de prima causa dixisse satis sit. Obijcitur au-
 tem secundo loco, quod magnis ac heroicis uiris lachry-
 mas attribuerit: id aut reprehensionem mereatur, non
 uideo, imò uero præcipue laudandum hoc mihi uidetur
 esse, quod non solum illam & imaginariam Stoicorū
ἐμπόδον soluit, sed tales rerum atq; hominū ima-
 gines proposuit, quales essent in rerum natura & uita,
 non finxit prodigiosas, & à communi humano sensu
 abhorrentes opiniones, sed ea suo carmine expressit,
 quæ quàm maxime essent usitata in uita, & consuetudine
 communi

in ditionem
Lugosi

communi sensui. Voluit autem significare magnos vi-
ros cum grauissimis & tristissimis casibus confictari,
magnoq; animorum motu percelli, ut de suo Aenea Ro-
manus Poeta:

Spem vultu simulat, premit alto corde dolorem.

Et alio loco: Ingentitatum fluctuat aestu.

Descipserunt enim Poetales heroes, quales fuerunt,
nempe qui & humanis casibus obnoxii essent, et his mo-
uerentur. Proposuerunt nobis consiliorum, affectuum,
actionum, & negotiorum in vita, hominum etiam mis-
eratas imagines, non sicut secuti illa *àron brata* *figura*
fa, quibus ex Philosophis nonnulli impendio sunt dea-
lectari. Porro quod inferos sinxerit, id tertium, opinor,
crimen Homero obijciatur à Platone, putatur enim me-
rum mortis incurere hominibus, cum terribilia, & qua-
lia ipse pingit apud inferos, sibi post hanc uitam propo-
niant, atq; ita sectione Homericæ poematis animi robur
theruari videtur. Sed nos ad hoc breuiter respondebi-
mus, Homerum voluisse celebrare illam sententiam de
immortalitate animarum, quam omnium seculorum
cordatiores & honestiores viri tenuerunt. Voluisse si-
gnificare locum ac sedem aliquam esse post hanc uitam,
ubi bonorum & malorum animæ pingerent, bonis ho-
nor quidam haberetur, mali plecterentur. Deniq; secu-
tus est illa inuitatam, quæ tum fuit de inferis, hominū
opinionem. Non noua, aut inaudita, aut à communi iu-
dicio illius seculi abhorrentia, quod Philosophi fece-
runt, commentus est. Atq; hæc sunt illa capitalia crimi-
na, propter quæ à Platone Homerus exilio mulctatur,
relegatur ab urbe Platonica in nescio quas solas terras,
ad Scythas credo aut Garamantes, neq; id temere, nam

Ec ij

Chryso

Chrysoſtomus reſiſt eſt, etiam Barbaros & Græcarum
 disciplinarū rudes, permulſtos Homericī carminis dul-
 cedine, coepiſſe hanc unam ob cauſam Græcas literas
 deguſtare, ut hoc poema perdiſcere poſſent, & apud In-
 dos id etiam decantari ſolitum. Ad quamcunq; igitur
 gentem è Græcia ſua relegauerit Homerum Plato, eam
 uelut Dei alicuius aduentu ſtatim cultiorem huma-
 nioremq; uſu ipſius & conſuetudine fecerit. Sed oppo-
 nere nos etiam poſſumus, Platonis hac in re autoritati,
 conſenſum omnium optimorum & ſapientiſſimorum
 hominum, qui omnibus ſeculis poſt Homeri ætatem,
 ingenij, doctrine, uirtutis, aut ſapientiæ laude floruerūt.
 Ex his enim nemo fuit, qui non pleno ore Homericę poe-
 ma laudaret, non amplecteretur, & uelut diuinum nu-
 men adoraret. Archelaus optimus & ſapientiſſimus
 Spartanorum Rex, nunquam cubitum ire, nunquam
 cum è lecto ſurrexiſſet, prodire, aut aliquid agere ſole-
 bat, quin prius quaſi ſolenniter aliquid ex Homero le-
 citaret, & quoties à negocijs uacuum tempus dabatur,
 ſtatim ad Homerū properabat, ad amasium pullumq;
 ſuum ire ſe dictitans. Neq; ignotum eſt, quanto pere Ale-
 xander Macedo delectatus ſit Homericę poemate. Cui ſi
 ue ſeria, ſeu iocos tractaret, etiam cum armaretur in ho-
 ſtem, carmina Homericę decantari ſolebant: cui cum ex
 ſpolijs Babyloniciſ ingentis precij ſcrinium ex auro &
 gemmis eſſet oblatum, & cæteri alij uſui ad res pre-
 cioſas adſeruandas id deſtinarent, reſpondit Alexan-
 der, Nulli rei magis idoneam eſſe eam arculam, q̃ Ho-
 merico poemati aſſeruando: nobiliſſimo enim theſau-
 ro nō minus nobile uaſculum, in quo reponeretur, con-
 uenire. At nos adoleſcentes, quibus aurea & gemmata
 uafa

uasa non sunt, quod poterimus, tamē Alexandrum Ma-
gnum imitantes, interim in non paulo nobiliore, nem-
pe pectorum nostrorum scrinio, hunc tam preciosum
thesaurum condamus, & illam partem præstantiorem
ac diuiniorem nostri eo pariter ornemus atq; ditemus.

Quos tu mihi thesauros, quas diuitias narras: dicet
hic aliquis, nempe uidemus & Homerum egentissimū
fuisse, cum uiueret, & ex discipulis suis adhuc neminem
ditasse. Verum hoc esse, & his nostris temporibus ni-
mis uerum scimus. Sed meminerimus hoc quoque cer-
tum atque euident argumentum esse publicarum cala-
mitatum, cum ista studia ita contemni uidemus. Nos ue-
ro nihil istæ illiberales cogitationes, & isti sordidissimi
sermones moueant. Non digni sunt, qui his Musarum
sacris iniciantur, aut in hoc humanitatis & uirtutis sac-
cellum admittantur, qui sordidi quæstus gratia hæc
longe præstantiora bona adspernantur. Non distendit
crumenam auro & argento Homerus, nō uentrem pin-
guedine, non cingit digitos gemmatis annulis: At cer-
tè mentem, quæ præstantior, quæ immortalis pars no-
stri est, ingentibus, ac longe nobilioribus, æternisq; diui-
tijs cumulat, ornat, ditatq;. Non nos absterreat, quod
egens, quod contemptus fuit Homerus cum uiueret,
quod egentes sunt, qui hoc genus studiorum colunt.
Communis hæc est conditio rerum optimarum, ut sine
contemptu in hac misera & plena errorum ac cæcitaris
uita. Concionatores uerbi diuini, ministri æternæ salu-
tis, qui liberationem à morte, à peccato, ab æternis infe-
rorum cruciatibus, ab omnibus malis annunciant, quo
illi modo ab impio & ingratiſſimo mundo semper ac-
cepti tractatiq; fuerunt, quo modo hodie tractantur?

Ee iij Non

406 PRAEFATIO IN HOMERVM

Non nobis mirum ualde aut nouum uideri debet, si res
bonae negliguntur, deteriores contra magni fiant, ue-
tus hoc est in mundo, & consuetudine praua iam penè
usitatum esse coepit. Nos contra sic cogitemus, Non
seruit quæstui Homerus, eo melior: dedignatur enim
uirtus, dedignatur Musa proflare, & in quæstu, ut ille
ait, pro meretricibus sedere. Meminerint uero illi, quia ad
utilitatem suam omnia referunt, qui possessione bono-
rum fortunæ felicitatem meriuntur amplecti se fragilla
& inconstantissima bona, atque ipsi etiam possessori sæ-
pe exitalia, uniusq; horulæ momento uniuersam illam
felicitatem, seq; adeo ipsos funditus euertere posse. Nam
si propter inopiam & contemptum excluduntur hæc
studia, excludatur eadem opera humanitas, excluda-
tur uirtus & honestas, quæ sunt alumina Musarum, qua-
rumq; parens ac nutritrix Homerus est, excludatur
quidquid uere bonum, sanctum, piumq; est in mundo,
his omnibus enim uere hoc *ἐν τῷ γενναίῳ* inscribi potest,
quod quidam adiculis suis præfixit:

οἶκος δὲ δὴ μικρὸς τὸ δὲ γὰρ οὐ μέγα δέσποιν

τῆς τοιαύτης οἰκίας, τῆς δὲ ἀγαθῆς οἰκίας.

Nō est magna domus, quid tūc sub paupere testō.

Sæpe etiam uirtus ingeniosa latet.

Dixi.

Oratio

ORATIO JACOBI MILLICHII DIE 1
Dialectica, habita in promotione Ma
gistrorum, Anno



Um scholę consuetudo nobis nota sit, non
arbitrabar mihi opus esse longa defensione
ne, cur hac ad dicendum accesserim. Im
ponit mihi dicendi necessitatem mos pu
blicus, cui si nolim obsequi, non satis intel
ligere uidear, quid ad boni uiri officium pertineat. Atq
utinam quoniam non suscepi hoc officium privato con
silio, sed legibus & institutis sapientissimorum homi
num, qui nobis per manus hunc morem tradiderunt,
coactus, plus autoritatis ad uos oratio mea habeat, quo
facilius id quod uolo, persuadere uobis possim. Verum
est illud ueteris Poetę, Eadem oratio ab obscuro & no
bili dicta, non idem ualeat. Vos autem iudicabitis hanc
non tam meam, quā totius senatus Academia, imo
legum uocem esse.

Est enim mihi dicendum de ratione ac uia discendi,
ac perniciosus quorundam error castigandus, qui ordi
nem in discendo peruertunt, qua in re profecto & omni
um præceptorum uestrorum, & multorum doctorum
hominum sententia, uel querela potius, mea tanquam
preconis uoce uobis exponenda est. Scitis gradus quos
uocant, a ueteribus institutos esse, ut præceptores de stu
dijs iuuentutis certis temporibus periculum facerent, &
ut iudicio præceptorum hi, quorum profectus probaba
tur, in alias classes traduceretur. Nos itaq; dum hoc tem
pore horum adolescentium, quibus Magisterij titulum
conces

*gradum
uocant*

concedimus, studia cognoscimus, animaduertimus magnam inuentutis partem, sine ratione atq; ordine in literis uersari. Vetus hæc multorum bonorum uirorum querela est, sed quoniam hoc tempore uelut in re præfenti uidi, quàm inutiliter discant quidam, uehementer dolui uicem uestrà, quare duxi hoc in loco uos esse uel admonendos, uel etiam obiurgandos. Nam, mouemus uos hac de re antea sæpe præceptores uestri, sed nescio quo malo fato fiat, ut neq; autoritate illorū, neq; uestre utilitatis respectu moueamini. Quam enim utilitatem aut uos ipsi, aut Respub. ex hoc genere doctrinæ capiet, quod sequi soletis, in quo nulla solida ac firma eruditio inest; & ut de priuata utilitate non dicam, est enim liberalis ingenij, studia sua ad publicam utilitatem conferre, quid expectare uel cōsiliij, uel opis, Respub. ab istis potest, qui cum sine perfecta doctrina titulum doctrinæ tamen habeant, quid aliud quàm purpuratæ simiæ diceant. De maximis rebus, de iure, de religione pronunciat ad iudicium eorum, qui docti uocantur. Quid autem iudicabit de obscurissimis controuersijs is, qui non penitus introspexit bonas artes, sed obiter degustauit eas fugiens, uelut canes à Nilo bibunt. Est igitur discendi ratio talis instituenda, per quam earū artium ad quas contulimus studium, perfectā scientiam consequamur. Id ita fiet, si ordinem quendam in discendo seruabitis. Præclare dixit Xenophon in Oeconomico, nihil ordine neq; honestius, neque utilius esse. Cuius sententiæ uim cum in omnibus alijs rebus experimur, tum maxime in studijs literarum. Vide enim quantum præpostera discendi ratio habeat incommodi: Prius Theologiam aut Ius ciuile discunt quidā, quàm teneant Dialecticam, & alia

*ordini aut
bonis studiis*

& alia Philosophiæ elementa: Hic planè, ut Cicero inquit, claudi more pilam tenent. Tractare eas artes, in quibus uersantur, nullo modo possunt, nusquā artium fontes peruidere, non quæ cohæreant, quæ dissentiant inter se, cernunt. Hi cum prodeunt in publicum, & doctrinæ opinionem magnificam secum adferunt, hic primumprehenduntur, hic incitiam produunt, si quid est definiendum, non uident ubi sit, si quid est partendum, omnia unus pulvis, si quod nesciendum argumentum, quam monstrosa forma syllogismi sit: si quod argumentum dissoluendum est, ibi uero, nisi sola se impudentia tueantur, abiecto clypeo fugiunt. Hic primum pœnitet eos neglectæ Dialecticæ, quæ cum sit ars, ut Platon ait, tradendi & accipiendi sermones, unâ traditiuiam & recte discendi & perspicue docendi, nulla sine hoc instrumento ars penitus cognosci aut percipi potest. Nihil igitur isti, nisi histriones meri sunt, qui attem illam profiteri, nisi Dialecticam tenent, ardent. Plato in Repub. spiritus Philosophos adpellat eos, qui sine Dialectica, satisfacere se alijs artibus existimabant, quare sicut spiritus non licet hereditatem petere, ita procul ab omnium literarum tractatione prætorio aliquo edicto submoueri debebant illi, qui ante irumpunt in alias disciplinas, quam hanc artem perceperint. Quidam per leuissimas præceptis artis, statim se artem tenere putant, qui longissime falluntur. Vfus quidam adhibendos est in quo præcepta experiuntur, ut discant quomodo arte utendum sit. Sicut non statim pictor est qui Durum pingentem uidit, nec cytharædus, qui uidit Adolphum eruditissime tangentem fides: ita non putet se Dialecticam calletereis, qui nihil scripsit, non disputauit, denique qui artem

Consuetudo

non exercuit. Quæ noua est hæc ingenij fiducia, arroga
re sibi scientiam artis, cuius nullum habent usum? Porro
cum in omni genere artium consuetudo dominatur, sic
enim ait Poeta:

Solus & artifices qui facit usus erit.
tum maximam in Dialectica uim habet. Librorum mihi
similes isti uidentur, qui preceptis quæ continent, uti ne
queunt, nam cum causam aliquam acceperunt explicandam,
nihil magis ad illam adhibere præcepta, quam mute
chartæ possunt. Proinde si quis utiliter uersari in alijs di
sciplinis uolet, is patiatu se prius in his primis artibus
exerceri, & ad alias disciplinas præparari, & tantisper
commoretur in hoc genere studiorum, donec ante radi
ces egerint earum artium præcepta, quas tradimus, do
nec earum sibi ^{etiam} fecerit, ut quoties usus poscit sint ad
manum, ac uelut in numerato. Hæc est compendiaris
& recta ad ueram eruditionem uia. Si quis captus splen
dore aliarum artium has præternolat, ut quæ non ma
gnopere ostentari queant, huic planè hoc accidit, quod
cani Aesopico, qui dum umbram carnum, quod ea ma
ior adpareat, captat, ueras amisit carnes: quia nisi artu
lerit ad alias artes hoc quod dixi instrumentum, forassis
aliquam doctrinæ umbram, solidam uero doctrinam
non consequetur.

Dixi hæc de Dialectica, quia omnium maxime
necessariam esse iudico. Porro quid reliqua elementa
Philosophiæ habeant utilitatis, ex eo facile intelligi po
test, cum Medicina & Iurisconsultorum literæ sint quæ
dam uelut absolutio & exadificatio Philosophiæ, quod
gradus ad illas artes per hæc prima elementa faciendus
sit. Hippocrates scribit alicubi, Medicum qui sit Philo
sophus,

sophus, planè diuinum uirum esse. Idem profecto de scientia iuris etiam dici potest, quia fontes illarum artium atq; ortus, & causæ ita demum cerni possunt, si accesserit Philosophiæ scientia: adeo summis illis artibus addit Philosophia non modo lumen, sed etiam dignitatem.

Quamquam autem sacræ literæ non sumant res à Philosophia, tamen quia sermonem à publica consuetudine mutuatur sine Dialectica & cognatis artibus, compositio sermonis cognosci non potest. Adhæc cum neminem neque plura, neque meliora scire oporteat, quàm Theologum, non conuenit eam aliarum artium rudem esse: ab hoc consilium de maximis rebus petitur: hic censuram non modo de priuatis moribus, sed etiam de publicis legibus agit, quas ad res mihi quidam uberior quædam & locupletior doctrina requiritur, quàm uulgo putant: de qua ut in præsentia non dicam, neque enim est instituti nostri omnia persequi, tantum hæc ad commonendos adolescentes dico: Quoties de hominis natura ac partibus Theologo dicendum est? At eam rem clarius explicari poterit is, cui notæ sunt nostræ de rerum natura disputationes.

Quantum lucis adferet sacris literis, qui Philosophorum doctrinam de moribus cum illis conferet: & ostendet, quæ consentiant, quæ non consentiant. Ego uero etiam necessarium esse iudico, ostendere utrumq; doctrinæ genus, & intervalla certa regione describere, & fines eorum regere, ut Iureconsulti loquuntur, ne possit iterum in Christianæ doctrine possessionem Philosophia intruere. Quod si fecissent ueteres, non usque adeo

412 ORATIO DE DIALECTICA.

contaminata esset ante hæc tempora doctrina Ecclesiastica. Quid quod etiam historiarum cognitione opus est Theologo, in qua ut tempora consentiant, iudicium ex motibus syderum, & ex eclypsibus sumitur, quam ad rem quis non intelligit, quarum artium scientia adhibenda sit. Proinde quid aliud est quam id quod *Θεωρητικὴ*, qui cum sacrarum literarum interpretes perhiberi velit, reliquas omnes disciplinas aspernatur. Quare ut finiam, adhortor uos adolescentes, ut iustam operam collocetis in hæc primæ ætatis studia, ut ad reliquas disciplinas instructiores accedatis. Quod si dimidium facti qui bene cepit habet, profecto & uos in superioribus disciplinis plus promouebitis, si recte coeperitis, hoc est, si earum literarum, de quibus dico, scientiam ad eas attuleritis. Hæc quanquam sedulo præceptores uestri movent, tamen & ego, quia ita ferebat

Dixi.



Oratio

ORATIO DE DIGNITATE ASTRO-
logiæ, dicta in promotione Magistrorum,
à Iacobo Milichio, Anno

1535.



Prime institutum est, ut in his spectaculis
de dignitate artium, & de uirtutum laude
dicatur, quod ea oratio cum ad formanda
iudicia iuuentutis, tum ad accendendos
animos ad amorem bonarum rerum, ma-
gnam uim habet. Esi autem præcipue solet ad iuuen-
tutis utilitatem hoc loco accommodari oratio, tamen
ne cæteris quidem ullam acroama est iucundius, quam
artium & uirtutum encomia, quas ut quisq; intelligit,
ita uehementissime admiratur. Quare & si oratio no-
stra apud futura erat iuuentuti, tamē ne uobis quidem
ingratam fore confido, quorum quo maior est eruditio
& prudentia, eo magis delectari uos cogitatione ipsa ar-
tium arbitror. Dicam autem de ea parte Astrologiæ,
quæ de syderum effectibus in natura inferiore disputat.
Idq; argumentum eo sumpsi libentius, quia mihi non
in turba imperitorum, sed apud homines doctos, &
Philosophiæ deditos, dicendum esse intelligebam. Ut
autem Græci Rhetores summa prudentia in definitio-
ne artis dixerunt artem non solum oportere ueram no-
ticiam esse, sed addiderunt etiam oportere utilem ad ui-
tam esse. Ita ego utrunq; disputabo, & ueram esse do-
ctrinam de cœlestibus effectibus, & magnas ad uitam
utilitates afferre. Atq; hic principio à uobis peto, quod
æquissimum est, ne conferatis in artem errata artificum,
quæ de re longius mihi dicendum esset, nisi apud erudi-

Et iij rissimos

tissimos homines haberetur oratio. Sed aliud est crimen, quod etiam apud doctos detrahit fidem arti, quod uidelicet in hac infinita casuum humanorum uarietate, ars ipsa non praevidet omnia. Negant igitur homines acuti artem, hoc est, uniuersalem & perpetuam doctrinam existere posse ex particularibus paucorum euentuum observationibus, quasi uero aut Medicina morbos curet omnes, aut politica sapientia omnes Rerum pub. tempestates prospicere, mederi omnibus incommodis possit. Et tamen concedendū est, multa utriusque artis uera & firma praecepta esse, & ad uitam utilia. Ita sunt huius diuinitatis uerae quaedam & perpetuae significationes, pauciores fortasse, nihil enim dissimulo, quod Medicorum, nam haec ars uersatur in rebus procul positis a nostro conspectu. Et cum hominum temperamenta moresque diiudicet, & uaticinetur de futuris maximam in uita rerum mutationibus, diuinitas quaedam esse uidetur. Quare etiam si non tam multa sunt huius artis demonstrationes, quam ceterarum leuiorum artium, artis hoc magnitudinem tribuatur. Et quidem eo maiore cura quantumcunque est huius artis, quod superi monstrarunt hominibus, conseruari debet, eo maiore studio intendenda mens est in has significationes, quae compositae sunt, nam harum quoque maxima uis est, & multiplex in uita utilitas. Non solum inepti, sed etiam improbiti, qui fallis persuasionibus ornare aut amplificare artes conantur. Ego ingentem profiteor, non omnium euentuum significationes compositas esse, sed idem affirmo multas esse certas minimeque fallaces significationes, quas si quis animaduertit, magnum ad regendam naturam, & plerisque fortunae impetus gubernandos, adminiculum

miniculum habet. Extenuat hanc artem, & Favorinus apud Gellium, & dicit pauca quædam prævideri *πᾶν μὲν ἔστιν*, non solum non repugno, sed etiam plausum do, quod ait *πᾶν μὲν ἔστιν*, amplissimo præconio ornauit artem, siquidem quædam in natura aut moribus præcipua animaduerti posse inquit. At ex his homines sagaces plurima postea iudicant. Videtis in moribus quæ multa coniiciantur ex uno aliquo gestu aut cachinno. Ita cum certæ notæ quarundam præcipuarum rerum sint impressæ nature, multe ex his postea coniecturæ sumuntur. Fortassis autem non esset ars ducenda Astrologia, si tantum constaret coniecturis: Nam ars est eorum quæ non fallunt. Verum & hæc ipsa ars, ut Medicina & politica, primum certis observationibus constat, postea ex his multæ oriuntur coniecturæ. Vidit Astrologus in genesi Catilinæ diros positus atque aspectus Planetarum, qui significabant animi crudelitatem, audaciam, præposterios mores, inquieta & infœlicia consilia. Fac non potuisse certo prædicere, Catilinam Cicerone Consule moturum esse seditionem, deinde futurum, ut in acie in Apennini radicibus interficeretur. At animaduersis illis insauitis significationibus, quæ quidem sunt certæ, conijcere potuit, futurum ciuem turbulentum, seditiosum, & uitæ futurum exitum tragicum. Ita insignia quædam in temperamentis ac moribus *πᾶν μὲν ἔστιν* indicari possunt, quæ non fallunt. Non igitur eo aspernanda est hæc ars, quia non omnia præuidet. Quam pauca certa sunt in cæteris optimis artibus, & ut iam non de Medicina aut de politica dicamus, Num ideo tota doctrina de Meteoris uituperanda est, quia paucas habet demonstrationes, postea plurima conficit coniecturis? In ipsa agricultura

agricultura quàm saepe fallimur, num ideo non sunt colendi agri? Quin potius utamur artium beneficijs, & consideremus quousq; humana mens progredi possit. Me quidem non solum utilitas in his artibus delectat, quam in medendo, & in alijs rebus animaduerto, sed multo magis hoc, quod cum hunc mirificum consensum corporum cœlestium & inferiorum contemplor, ipse me ordo & harmonia admonet, mundum non casu ferri, sed regi diuinitus. Hæc respondere uolui ad uulgare conuitium, priusquam de arte dicerem. Est autem initio ueluti definitio quædam constituenda Astrologia, ut eam à superstitiosis diuinationibus, quas Prolemaeus ἀναττολογήτης uocat, separemus. Astrologia pars est Physices, quæ docet, quos effectus astrorum lumen in elementis & mixtis corporibus habeat, qualia temperamenta, quas alterationes, quas inclinationes pariat. Et quia inclinationibus saepe mores, studia, consilia, casus respondent, ut ille inquit:

Naturæ sequitur semina quisq; sue.

Ideo horum quoque significationes aliquas monstrat. Quod si constabit sydera habere aliquos effectus, planè concedendum erit, hanc artem esse Physices partem, perinde ut prædictiones Medicorum. Nec ego nunc de hac parte prolixè disputabo, sed unum Galeni oraculum in hac causa recitabo, qui non solum reprehendit, sed etiam grauiter obiurgat illos, qui negant inferiora corpora affici à lumine cœlesti, & inquit, Sophisticum esse, negare manifestam experientiam. Ergo & fatetur se experientia uictum, tribuere magnam uim lumen in inferioribus corporibus, & eos qui dissentiant, sæuerissime taxat. An dubiū est uices æstatis atq; hyemis effici

effici Solis accessu & discessu, Solis lumen calefacere & desiccare, Lunam humectare. Hæc si manifesta & perpetua sunt in his duobus clarissimis syderibus, cur cætera putemus frustra condita esse? Iam perpetua experientia testatur, insignes coniunctiones habere insignes effectus, idq; in tempestatibus palam apparet. Vidistis concursum Planetarum in humido signo, anno uicesimo quarto, intumuerunt ubiq; omnes aquæ, humidæ tempestates totius biennij fuerunt. Hac æstate pluias crebriores omnium opinione & insalubres tempestatum variationes attulerunt, Iuppiter in Piscibus, Mars in Tauro. Possem alia multa exempla recitare, si temporis angustia non prohiberet. Nec uero dubium est, ut Solis & Lunæ, ita cæterorum Planetarum lumen uariare tempestates, & aerem, & corpora nostra afficere. Res ipsa loquitur in herbis, in metallis, deniq; in contemptissimis rebus maximam uim esse, & iure laudatur illud ueteris Poetæ:

ὅτι τὸ ἐν μαλακίῃ καὶ ἀσφοδ' ἔλω μέγα ὄνειαρ.

Quod cum ita sit, cur putemus frustra condita esse illa pulcherrima lumina, cum quidem nulla sit natura prestantior aut efficacior lumine? Quin ipse leges motuum nonne significant temperati lumen Solis & Lunæ, cæterorum Planetarum aspectu? Mercurius & Venus nunquam procul à Sole discedunt. Superiores Planetæ ita discedunt, ut tamen in epicyclis ad medium apogeon cum Sole semper congruant. Postremo & Hippocrates testatur tempestates excitari & uariari ui syderum. Et dissimilitudinem non solum regionum, sed etiam ingeniorum ac morum in diuersis regionibus docet oriri à cœlestibus causis. Hæc cū sint certa, constat artis initium

Gg

uerum

uerum ac certum esse, uidelicet, quod lumen cœleste magnam uim habeat in elementis & mixtis temperantibus & alterantibus. Deinde & hoc manifesta temperantia testatur, lumen Planetarum dissimile esse: Saturni melancholicum, Iouis temperatum, Martis cholicum, Solis uisificum, Mercurij siccum, Veneris & Lunæ humidum. Et hæc uarie posita miras mixturas efficiunt, ut cum in medicamentis uariæ herbe miscerentur, in cantu uoces. Hæc dixi breuius, non solum quod habenda fuit ratio temporis, sed etiam quod uobis doctissimis hominibus satis probata esse arbitrabar. Venio igitur ad alteram partem, uidelicet, ut de utilitate dicam. Nec uero existimo quenquam adeo superstitiosum esse, ut neget in medendo conducere observationem syderum. Cumq; de hac re & præcepta extent, & nota sit experientia, non ero longior. Quanto est autem illa maior utilitas, non solum in ægrotis corporibus, sed multo magis in Rebus pub. considerare mutationum maximarum seu causas seu significationes, ut accommodare ad eas nostra consilia possimus, & arte mitigare incommoda. Vere enim inquit Plato, Syderum circuitus efficere uarias uices, non solum animantium corporibus, sed etiam uniuersæ naturæ rerum, uite hominum, imperijs, & Rebus publicis. Ut autem agricolis præcipitur, ut tempestatum signa obseruent, ita magni uiri in Repub. mutationum signa intelligere & considerare debent. Et quidem in scriptis politicis colliguntur signa sumpta à moribus & uoluntatibus, sicut Medici morbos ex intemperantia, aut corruptione humorum prædicunt. Sed magno & sapienti uiro magnopere prodest, etiam hæc cœlestia signa animaduertere, ut regere aliquo modo fortunam, & cauere

canere seuas tempestates, uel certe mitigare possit. Recte enim dictum est:

Qui sapit, ille animum fortunę præparat omni,
Præuisumq; potest arte leuare malum.

Etenim si significationes illæ non sunt considerande, cur diuinitus in coelo scriptæ & pictę sunt. Cum autem Deus has notas impresserit coelo, ut Rebus pub. denunciatet ingentes casus, impietas est, animos ab hac obseruatione prorsus auertere. Eclipses, coniunctiones, prodigia, traiectiones, cometæ, quid sunt nisi Dei oracula, qui minitatur uitæ hominum ingentes calamitates ac mutationes. Hæc si quis contemnit, Dei monitus aspernat. Quatenus autem hæc merui debeant, quantum omnino tribuendum sit cœlestibus signis, discet idem ille uir magnus ex sacris literis, ne obrepat animo impii uel confidentia, uel desperatio. Ut in agricultura, in nauigando, non est irreligiosum obseruare prognostica tempestatum, ita in administratione rerum considerare naturales significationes, quas Deus proposuit, ut nos uigilantes reddat, & curam in nobis actuat, pium & utile est. Sed uideamus priuatos mores. Si quis naturæ suæ inclinationem intelligit, alere bona & confirmare, & uitare uitia diligentia ac ratione potest. Verum est enim quod ait Ptolemæus: Sapiens anima adiuvat cœlestem operationem, quemadmodum optimus agricola arando expurgandoq; adiuvat naturam. Hoc late patet in cura ualeitudinis, in deligendo genere uitæ, studiū, in suscipiendis negocijs uel aptis uel abhorrentibus ab ingenio. Si Curionis aut Antonij parentes satis intellexissent naturam filiorum, flectere singulari arte fera & inquieta ingenia ad moderationem potuissent. Philip-

Gg ij pum

pum Macedonem accepimus Regem in primis callidum, cum animaduertisset in filio Alexandro non sanè prauam, sed tamen asperiores & impatientem imperij naturam esse, uideretq; eum non pati domitorem asperum, cœpit consilium doctrina & Philosophia flectendi eum ad suauitatem & comitatem. Hac ratione adeo excoluit illam naturam, ut in ipso cursu uictoriarum uix quisquam fuerit unquam humanior ac moderatior. Ita prodest uidere, quo quenquam ducat natura, ut disciplina idonea ad uirtutem flectatur, & à uitijs abducatur. Possem & alias utilitates œconomicas colligere, sed has persequi longum fuerit. Vos igitur Candidati, quia iam Philosophiæ uos publice addicistis, ut reliquas partes pro uirili amplecti, excolere, & ornare deberis, ita memineritis, hanc quoque partem amandam esse. Non solum stulticia, sed peruersitas est, aucupari ingenij laudem ex inuestigatione bonarum artium. Nam uis ros bonos decet, præclaras artes & utiles uitæ pro uirili ornare, ut ad earum studia quàm plurimi inuidentur.

Dixi.



In Arith

IN ARITHMETICEN PRAEFA-

tio Georgij Ioachimi
Rhetici.

Vxi uobis initio exponendam esse causam quare publice docere incipiam, ne quis existimet me meo cōsilio impudenter in hoc theatrum prodire. Ego enim cum & natura sim timidior, & has artes maxime colam, quæ amant latebras, nec merentur plausus in uulgo, deinde cum uideam, quanta sit non solum scientiæ copia, sed etiam dexteritate, & fœlicitate ingenij opus, præsertim in his subtilibus artibus tradendis, mihi uero conscius sim meæ imbecillitatis, non ambiui hunc locum, diuq; repugnaui præceptoribus nostris, hortantibus, ut elementa harum artium, in quibus me mediocriter exercui, publice traderem, præsertim hoc tempore, cum altera Mathematica lectio interitu uiri doctissimi Ioannis Volmarij conticuisset. Atque illi quidem petebant, ut hac in re non solum amicitie ipsorum rationem haberem, sed etiam utilitatis adolescentium, quia magno opere prodest hæc elementa in scholis assidue inculcari & exerceri. Vicit igitur cum autoritas præceptorum, tum uero etiam uoluntas eorum optima erga rem literariam. Videbam enim eos non aliquo privato studio deferre mihi hoc munus, sed ut adolescentibus consulerent, & quantum possent, eos ad has artes, quæ sunt uera Philosophiæ initia, inuitarent.

Quare cum meam operam deesse Reipub. & adolescentium utilitati nollem, perpulerunt tandem, ut pollicerer me periculum facturum esse. Quare peto à uobis,

Gg iij

ut me

ut me hac officij ratione, non arrogantia aut ingenij fiducia in publicum prodijisse existimetis. Minus autem poenitebit me facilitatis meae, si cognouero etiam frequentiam uestram & diligentiam respondere optimae uoluntati praeceptorum, qui uestrae utilitatis causa mihi hanc personam imposuerunt. Qua in re, erit etiam prudentiae atq; humanitatis uestrae, meam operam boni consulere. Nam quod ad praecepta ipsa tradenda attinet, spero me uobis satisfacturum esse. Si quid autem uel in oratione mea, uel in actione desiderabitis, ueniam mihi dari peto. Agnosco enim me impediri pudore ac metu, ac ne natura quidem ad scenicam actionem aptum esse. Sed propter haec incommoda fastidire has artes, & studia earum abijcere, ingenij est plus satis delicati & morosi, si tamen professor est sui generis artifex. Ego uero & si mihi nihil arrego, tamen ea fide & diligentia tradam hac praecepta, ut sperem, posse percipi atque intelligi.

Exposui causam, quare in publicum prodierim, quante, ut spero, suspitione arrogantiae apud bonos & studiosos liberabit. Nunc dicam de meo consilio, uel potius de sententia nostrorum praeceptorum. Hi mihi iniunxerunt, ut tradam elementa Arithmetices & Geometriae, & quod natura harum artium postulat, initium faciam ab Arithmetica. Utinam autem & auctoritate & eloquentia tantum ualerem, ut ad harum artium studia adolescentes etiam excitare & accendere possem. Quid enim optabilius esse docenti potest, quam habere auditores incensos & flagrantis discendi cupiditate. Sed quia praeceptores nostri quotidie scholasticos ad has artes discendas horrantur, & manifesta est earum utilitas,

spero

spero plerosq; præditos liberalibus ingenijs satis ad hæc studia colenda incitados esse.

Græci narrant fabulam de Pallade, quæ cum ei tibias recens inuentas Mercurius donasset, ambulans ad flumen, cœpit inflare tibiam. Et si autē demulcebatur sono, tamen cū in aquis uideret faciē ridicule deformari, inflatis genis, statim abiicit tibias. Has Satyri, qui capri nouitate soni accurrerant, abiectas statim excipiunt. Ita tybis sprete à Pallade, cœperūt Satyris in delicijs esse. Ad hūc modum sinamus sanè ingenia illiberalia delectari alijs, agrestibus artibus, aut potius quædā fragmenta artium circūferre, seu questus causa, seu ut popularem opinionē colligāt. Sed honesti ingenij est, nihil amare ardentius q̃ ueritatē, & hac cupiditate incensum, experere solidā doctrinam de uniuersa natura, de religionibus, de moribus & effectibus celestibus, de causis mutationū, nō solū animantiū, sed etiā ciuitatū & imperiorū, de fontibus honestorū officiorū, & hoc genus alijs. Si huius perfectæ doctrinæ admiratione atq; amore tenemur, profecto etiā cōplecti hæc elemēta debemus de numeris & mensuris, quæ aditum patefaciunt ad ceteras Philosophiæ partes, quanq̃ perfecte q̃ multū habēt & dignitatis et utilitatis.

Videre enim q̃ late pateat usus Arithmetices in œconomia, & in Rep. Aristoteles scribit, Thraces quosdam esse, qui numerādo nō possunt progredi ultra quatuor. Quæso te, an talibus putes cōmendandam esse gubernationem, non dico magni mercatus, aut uenarum metallicarū, sed alicuius mediocris œconomie. Existimemus ne à talibus posserationes paululum modo intricatas euolui & explicari? Nequaquā. Sed horum Thracū similes sunt in magnis rationibus & obscuris omnes, qui destituti

defuturi sunt huius artis praesidio. Nec solū in mercatu,
in metallicis, in cudēda moneta, sed in multis alijs publi-
cis et priuatis rebus cōputandis, arte ipsa opus est. Qui
uersantur in Repub. ararij rationes nosse debent. Sape
in iudicijs quæstiones incidunt, quæ requirunt erudi-
tam computationem. Ideo non satis est, nosse numeros
naturæ beneficio, sed ars addenda est, sine qua nullæ
difficiles rationes explicari certo possunt. Quare Socra-
tes apud Platonem in legibus etiam hanc tulit, ut ciues
cogantur discere Arithmeticam. Sed quid attinet de re
nota prolixius dicere? Nemo enim nō uidet in omni ui-
ta maximum usum esse Arithmetices, nisi sit stolidior
Thracensibus illis, qui nō norūt numerare amplius qua-
tuor. Atq; hæ uulgares utilitates inuitare pariter omnes
adolescentes ad hanc artem discendam & exercendam
debent: Multi enim incidere casus possunt, ubi singu-
lis magno usui Arithmetica esse potest. Proinde & Ro-
manis magnæ curæ fuit, ut liberi eorum cum primis li-
teris etiam Arithmeticen perciperent. Meministis enim
uersus Horatij:

Romani pueri longis rationibus affem
Discunt in partes centum diducere, dicat
Filius Albini, si de quincunce remota est
Vncia, quid superat?

Multiplex etiam Geometriæ utilitas est, non solum in
ædificatione, in metiendis uasis, sed etiam uiro politico
in Cosmographia, in locorum interuallis intelligendis.
Sed discedo ab his uulgaribus utilitatibus.

Hi qui in studijs uersantur, & perfectam doctrinam
expetunt, illam sibi utilitatem proponant, quod ad do-
ctrinā de rebus cœlestibus nullus aditus patet, nisi per
Arithmet-

Arithmetica & Geometria. Et quidem tanta uis est Arithmeticæ in doctrina de rebus cœlestibus, ut medio cri Arithmetico penè omnia in doctrina rerū cœlestium sint peruia: Certe magnam partem eius doctrinæ sine ullo negotio assequi potest. Iam uide quā exiguo labore quantum precium operæ possis facere. Nihil facilius est, q̃ has, ut uocant, species in arte numerandi discere. His mediocriter cognitis, propemodum tota Astronomia statim percipi sine ulla difficultate potest.

Plato in Phædro fingit duplices animas, quarum alteras ait alas esse, alteris, inquit, decidisse alas. Porro alas ait uolitare in cœlum, fruētes congressu colloquioq; Dei, & pulcherrimo spectaculo cursuum cœlestium, & considerare causas omnium mutationum in inferiore natura, in aere, in animantium corporibus, in hominum studijs & moribus, in uarijs imperiorum & ciuitatum casibus. Atq; hæ animæ toto uolitantes cœlo capte pulchritudine diuinarum rerū, & illius admirandi ordinis & suauitate doctrine & uirtutis, hac una uoluptate perpetuo frui cupiunt, nec onerant animos obscœnis uoluptatibus, quæ perturbant harmoniam uirtutis in animis, & obijciunt caliginem, ne cœlestia aspicere possint. At illæ animæ, quibus alæ deciderunt, humi uagantur, et querunt uoluptates impuras ex rebus terrenis, nec enim illam pulcherrimam lucem rerū cœlestium aspiciunt. Etsi autem Plato alas intelligit heroicis impetus ingeniorum, tamen ne illi quidem impetus soli animos subuehant, sed opus est etiam artibus, quibus illi ipsi impetus attollantur. Sunt igitur alæ mentis humane, Arithmetica & Geometria. Has si alligauerit sibi aliquis præditus ingenio non sordido, facillime

H h

penetrabit

penetrabit in cœlum, ac libere in cœlestium cœtu vagabitur, & illa luce ac sapientia fruatur.

Quare illi qui sunt ingenijs non monstrosis præditi, & res optimas maximeq; admirandas, & cognitione dignas, aspicere cupiunt, has alas sibi addant, uidelicet, Arithmeticen & Geometriam. Harū ope sublatis, in cœlum, lustrare oculis uniuersam rerum naturam, cernere spacia, metasq; maximorum corporum, uidere syderū fatales congressus, deniq; causas rerum maximarū, quæ in hac hominum uita accidunt, animaduerrere poteritis. Existimo generosas mentes, hac tanta utilitate capi, & incitari posse ad has artes discēdas & amandas. Scio enim uobis quidem satis persuasum esse, magnā dignitatem & utilitatem esse doctrinæ de rebus cœlestibus, uosq; ut decet, auribus atq; animis ab Epicuri deliramentis, qui deridet Astronomiam, & somniat Solem esse uaporem, qui mane accēdatur motu, postea aut deflagret, aut in aqua extingatur: Ita & stellas esse nubeculas casu incensas. Hæc portenta pro ueris affirmare homine indignum est, nedum Philosopho. Nulla tam barbara gens fuit, quæ non sentiret, stellas esse certa & durabilia Dei opera, & certis legibus ferri, magnæ alicuius utilitatis causa. Quare contumelia est aduersus Deum, fingere hanc confusionem rerum, Solem uaporem esse casu inflammatū, & casu ferri, ut Lucretius ait:

Quo cibus uocat atq; inuitat euntem

Flammea per cœlum pascensem corpora passim. Plus ualeat apud nos autoritas cum doctissimorū hominum, qui hæc deliramenta grauissimis argumētis confutauerunt, rū uero etiā diuina oracula in sacris literis, à quibus dissentire impietas est. Hæc clare restantur, Solem, Lunam,

Lunam, & reliqua sydera esse certa & durabilia Dei opera, & addunt sacræ literæ, cuius utilitatis causa, lumina coelestia condita sint: Erunt signa, & discernent tempora & annos. Hæc descriptio, & si brevis est, tamē res magnas complectitur, & Astronomiæ studium approbat. Nam ut reliquas partes omittam, si Sol ideo conditus est, ut annum conficiat & gubernet, necessaria est observatio cursus Solis: Nam sine observatione motus, nulla sunt temporum atq; annorum discrimina. Quare non obscurum est & approbari à Deo, & præcipi observatio nem coelestium motuum. Nec putemus esse leues causas, quare nos ad hanc doctrinam hortetur etiam diuina autoritas. Nam præterquam quod utilitates magnas affert, ad communem uitam, etiam monet nos hic pulcherrimus ordo motuum, hanc naturam non extitisse casu, sed ab æterna mente ortam esse & gubernari. Proinde valde confirmat in animis honestas opiniones de Deo, & de prouidentia. Itaq; ex Philosophis soli Epicurus reiserunt *deca*, quia hæc illustria de Deo testimonia, videlicet, certissimas motuum leges, & mirabilem harmoniam aspicere noluerunt. Decet igitur bona ingenia hanc honestissimam doctrinam amare, & quantum fieri potest, aliquid operæ in tantarum rerū inquisitionem collocare. Ac facile multa percipient hi, qui mediocriter in Arithmetica exercitati sunt.

Redeo igitur ad Arithmeticen, quoniam de ea præcipue dicere coeperam. Postquam autem utilitates commemoravi, quæ quidem minime sunt obscure, breuiter aliquid adijciendum putavi de facilitate. Scio deterriari adolescentes ab his artibus opinione difficultatis. Sed quod attinet ad initia Arithmetices, quæ in scholis tradi

H h ij solent,

solent, & quæ ad quotidianum usum conferuntur, vehementer errant, si hæc putant admodum difficilia esse. Ars oritur ex natura ipsa mentis humanæ, & habet certissimas demonstrationes. Quare initia nec obscura, nec difficilia esse possunt, imò priora præcepta adeo perspicua sunt, ut pueri etiam ea possint assequi, quia tota res à natura oritur. Deinde multiplicationis & diuisionis præcepta aliquanto plus requirunt diligentie, sed tamē causæ cito perspicui possunt ab attentis. Exercitationem & usum requirit hæc ars, ut aliæ omnes. Est enim uerissimum, quod ait Anaxagoras, Manū esse causam sapientie, significans sine exercitatione & experientia nō posse artes recte percipi. Deinde sicubi est aliquid difficultatis, memineritis nullam esse artem, quæ nihil habeat difficultatis. Et erratis profecto, si styli exercitium putatis facilius esse, quàm hæc initia Arithmetices: Nec scholæ sunt eo conditæ atq; constitutæ, ut ignauis ocium ad persfruendas ineptas uoluptates concedatur, sed requirunt studia, curam & acrem animorum contentionem. Nec uero nego multa ab Arithmeticis quesita & animaduersa esse, quæ procul recedunt à captu imperitorum: nam artes omnes agitatione crescunt. Sed ego loquor de his initijs, quæ & uobis tradi solent, & ad usum conferuntur. Quare adolescentes abijciant opinionem difficultatis, & magno animo & quadam cum spe ad hanc artem discendam accedant: quod si facient, deinde & rerum suauitas detinebit eos, & sentient ipsa rerum serie difficultatem minui. Exposui quæ utilitates præcipue petendæ sint ex Arithmetica, Dixi etiam de facultate. Reliquæ sunt aliæ utilitates, sed obscuriores, de quibus non multa dicam. Verissimum est, ceteras artes facilius percipi

percipi, cognita Arithmetica. Est enim Arithmetica inter primas artes, quæ docet diiudicare ac distribuere unū & multa: ostendit ordinem rerum, & monet confusa euoluenda & discernenda esse. Hæc sunt initia ratiocinationis in hominibus. Ideo prima est numerorum intelligentia, id quod sensisse opinor Pythagoram, cum definiuit, mentem esse numerum: significauit enim animam esse ratiocinatricem, quæ discernit res, et ordinē animaduertit. Hæc sunt maxime propria menti, & sunt primæ mentis functiones. Quare apte definiuit, mentem esse numerum, uidelicet, numerantem. Hæc causa est, cur & ueteres Græci post Grammaticen mox tradiderint Arithmeticen, deinde tertio loco proponebant Dialecticen, quarto Geometriam. Videbant enim Dialecticen initia sumere ab Arithmetica, & exercitatio multiplicationis & diuisionis, optime preparat ingenia ad Syllogismos. Item uis demonstrationis melius intelligi potest, cognita Arithmetica; quia hæc habet maxime illustres demonstrationes. Præterea multi loci in autoribus occurrunt, qui sine hac arte non possunt intelligi. Pythagorici figurate usi sunt uocabulis Arithmeticis, eaq; transtulerunt ad Physicam, & ad moralem Philosophiam. Sic enim Pythagoras Deum definiuit: Deus est excessus maximi numerorum supra proximum numerum. Ita uoluit significare, Deum esse unum, & quidem summam naturam. Nam denarium intelligit maximum numerum, huic proximus est nouenarius. Excessus supra nouenarium est unitas: Hoc modo inuoluerūt numeris totam Philosophiam. Etsi autem melius est artes proprie tradere, & non inuoluere totas figuris & ænigmatibus, tamen interdum etiam alij Philosophi, qui perspicue Phi-

philosophiam tradere soluerunt, adhibent exempla Arith-
 metica, quae non intelligere turpe est. Plato cū dicit, mu-
 tari Resp. propter coelestes causas, quae certas uicissitudi-
 nes rerū efficiūt in ciuitatibus & imperijs, inquit: Quem
 admodū resistit natura in uocibus, cum sesquitercius sun-
 dus iungitur quinario, id est, cū *διὰ τεσσαράκων* additur
διὰ πέντε, hoc est, cū cōpleta est harmonia *διὰ πέντε*.
 Ira cum circumacta est imperiorum periodus, riuunt &
 mutantur Respub. Adiecit & causam hanc, quia cū pla-
 ni cubi complentur ad solidos usq; nec enim natura ul-
 terius progreditur, multi dissimiles numeri procrean-
 tur: Ita degeneres ciues, qui tamen potiuntur Respub. ex-
 praestantioribus orri, euerunt Respub. paulatim usq; ad
 periodum. Hic ne uocabula quidē intelliguntur sine
 Arithmetica. Sed he uoluitates leuiore sunt, ille summa
 gnae, quas supra recensui. Quod cum in multis alijs uite
 negotijs hac arte opus sit, tam uero sine ea ad illam pre-
 stantissimam Philosophiae partem de rebus coelestibus
 nullus pateat aditus. Hec magna & grauis causa est, quae
 accendere generosas naturas ad hanc artem debet, quia
 qui expetunt solidam doctrinā, & magnis uiris dignā,
 omnibus ingenij uiribus contendere debent, ut ad cæte-
 ras communes disciplinas illam partem de moribus &
 effectibus coelestibus adiungant. Hunc uirum, qui uni-
 uersam Philosophiam animo complexus, arcanas cau-
 sas plurimarum mutationum in natura, & hominum
 uita, & fontes uirtutis, & honestorum officiorum in-
 telligit, recte beatum dixerimus, sicut & Vergilius sa-
 pientissime dixit:

Fœlix qui potuit rerum cognoscere causas.

Dixi.

Oratio

ORATIO FVNEBRIS DICTA DIVO
Maximiliano Cæsari Vuittenberge, à Philippo
Melanchthone, Anno

1551. 9. mensis Octobris.
LORDANI HERCZHALMER O

Philippus Melanchthone
Saxoniae Fredericus, Vuittenbergæ Maximilianus Cæsari iusta fecit, eadie mensis Fe-

Illustrissimus & pietissimus Princeps Saxoniae Fredericus, Vuittenbergæ Maximilianus Cæsari iusta fecit, eadie mensis Februarij, pro more Christiano, quas infer-

rias, ut scis, oratione extemporanea prorsum dicaui, eam ad te mitto, non quod tam probari uelim tibi illam, quam studium erga te meum, qui comperit habeam, eximiam Maximiliani uirtutem longe alijs celebrandam praconibus. Dignus enim Princeps fuit, excellentium ingeniorum conatu, atque ut Alexandrum nephas erat, nisi à Lyffippo & Apelle fingi, ita in hoc non liceat nisi summis ingenijs periclitari. Quibus quæ mea est oratio, cum accenseri nequeam, nolo uideri Cæsarem laudasse, sed uestris tantum studijs, hoc quicquid est officij dedisse. Nam siue id satis, siue literis deo beo, in omni prope cursu uitæ meæ nihil prius excolendis amicis habeo. Quanquam quid ista nimium sollicitus? qui probare mea nisi candidis & alioqui

amantibus mei, non admodum con-
tendo. Vale. Vuitten-
berge.

Si unquam

*alexander
tantum a
Lyffippo et
apelle fin
gitur*



I unquam Illustrissimi Principes, Magistri, Rectores, præstantissimi uiri, casus aliquis non modo uniuersæ Germaniæ, sed omnino toti Europæ acerbis accidisse uideri potest, hic certe multo maxime, optimi Principis diui Maximiliani interitus publicis omnium lacrymis deplendus est. Nam ereptus est terris unus omnium, qui Germanis imperauerunt Principum, multo sapientissimus & fortissimus, ad hoc eo tempore, quo nondum aliud fuit uel commodius declarandæ uirtuti Cæsariæ, uel magis necessarium, cuius ille ambiguit quos casus sapientia sua temperaret. Quod enim fuit seculum ab ipso Germaniæ regno dedicato, quo uel Ecclesiæ opes periculoso loco fuerint, uel turbidi motus certius exitum uniuersæ Europæ, nedum Germaniæ pertenderint: Horret animus dicere: Crudelissimus nominis Christiani hostis Turca imminet Italiæ: Roma in medijs fluctibus ἀλυσσασα, quæ debebat uniuerso orbi, nobis autem maxime, ueluti quoddam domicilium, & arx trepidantibus salutari. Galliæ quæ in armis annos iam fere quinquaginta à Carolo usq; octauo agit assidue, nunquam neq; maiores animi, nec spes impotentior, neq; occasio amplior, neque fortuna indulgentior fuit. Reguli Germaniæ passim patriæ, ueræq; Germanicæ uirtutis immemores, intestinis bellis sua labefactare coeperunt. Hoc illo tempore sublati sunt ex oculis mediaq; luce Cæsar, orphanis pater, cuius prudentia & incredibili moderatione animi, ut foelicissimo profectu eoq; prope supra fidem, in hunc usq; diem Germaniæ laudes opesq; auctæ sunt: ita nisi illo ipso arbitro & seruatore, stare non temere poterūt, iure igitur dolendum est amisso

est amisso Caesare, & bono Principe, & bono uiro, quo uiuo ut pulcherrime floruerunt Germaniæ commoda, ita mortuo, non possunt non illa emarcescere. O miserabilem Reipub. mortem, o acerba Germaniæ fata: quæ si quando unquam sensimus aduersa, nunc certe maxime sentimus. Atq; ut intelligatis merito lugendum esse & Caesaris interitum, & grauem patriæ casum, obiter uî tam illius uniuersam, & eximia decora percurram.

Diuus Maximilianus Cæsar natus est patre Friderico Austrio, Cæsare, Leonora Lusitana, utroq; parente insigni clementia & pietate: quæ quanquam sint Austrijs ceu gentiliæ dotes, tamen adeo in patre, ut de Leonora interim taceam, excelluerunt, fulseruntq;: ut qui cum ipso hac laude superiorum ætatum principes comparatus sit, uideatur inuidere seculo nostro singulare hoc specimen, cuius uix umbram aliquam habent maiores: tantû abest, ut æquasse putentur. Patrijs uirtutibus adulescens imbutus, per omnia religionis, fidei, sancti, æquiboniq; tenax fuit, sed aliquanto gloriæ militaris cupiditate patrem uicit, qua factum est, ut cum illum summum uirum artibus pacis prædicet Germania, hunc nō possit & bellicis & ciuilibus decoris maximi facere. Tyrocinium egit maximis confectis rebus in Flamingis, Brabantinis, Hollandis, Sucābris, idq; tale, ut in eo utramq; fortunæ uicem sit expertus: sic enim oportebat adulescentem summis natum rebus, summoq; imperio gerendo uelut in stadio, in cursu rerum humanarum erudiri. Etenim cum in priuatis ingenijs ad ciuilitatem erudiendamq; uitam pertinere arbitrentur utriusq; fortunæ periculû, quod hæc atroces ferè, illa abiectos faciat animos, uicissitudo cautos & memores humanæ sortis, in Rege

imbuendo longe primum duci debet ambiguum fortune
 rudimentum, quod neminem tam referat res huma-
 nas omnes compertas, meditatasque tenere, quam Prin-
 cipem. In hoc Vlyssen sapiens Poeta Homerus *πάλῳ*
παρ fecit, atque adeo unicum boni Principis exemplar.
 Atque ut videmus luxuriantes primum segetes ita fru-
 gem maturare: ita quibus immodica primum sese fortu-
 na indulgit, ferè optima uitæ parte solent frustrari. Et ni-
 si me fallit opinio mea, nulla omnino res est adeo effi-
 cax ad munendum tuendumque in exordiis uitæ homi-
 nis animum, ut iniquæ & inconciliatæ fortunæ prælu-
 dium, quum in primo scilicet uitæ vestibulo, imperita
 communium rerum adulescentia, male composui, im-
 pura & insolens eruditur, agitur, & uelut putata in usum
 uitæ fingitur: statimque humana odisse, libatis id genus
 aduersæ fortunæ primitiis, incipit: & hoc salutare car-
 men in istis conditum sedibus pectoris, sic in oculis, sic
 in ore semper, ut uniuersæ uitæ transigendæ scopum ha-
 beret: Domino gloria, mihi autem confusio. Scythia
 eos alunt equos statim ut nati sunt, quia calceari fera-
 ro non solent, in salebras duci, & aspero silice fatigari,
 quo indurescant pullorem adhuc pedes: Ita conducit
 adulescentem hominem statim fortunæ ludibrio. *Βε-
 σσνίσεθι*, uti discat, quatenus illa sit fidendum, quàm
 sint omnia in hoc rerum humanarum theatro incerta,
 uaria, & planè, ut paucis dicam, nihil. In hunc uidelicet
 modum adulescenti Maximiliano contigit fortuna, ui-
 ctorijs aliquot interim lata, interim aduerso casu tristis.
 Etenim occupata Burgundiæ opulentissima ditio, cum
 aliquandiu civilibus flagraret odijs, inuenem Principi-
 pem fortè intercipit, captiuum in uincula coniicit: idque
 non

non modo præter dignitatem regiam, sed omnino contra naturæ sensum, contra fas hominum, contra gentium morem ausa: neque his contenta, addit Morionem, cui captivus Regulus quotidie ludus esset. O quantum flagitium, o inauditum nostris hominibus scelus, adulescentem Regem tot imperijs, tot regnis destinatum, tam turpiter haberi! Sed voluntate superum haud multo post proceribus Germaniæ de poscentibus redditus, poenam de sceleratissimis Flamingorum populis sumpsit: non quantum tale merebatur facinus, sed quæ improbos homines flagitij admoneret: nam & in gratiam postea recepit perfidos, & quæ belli impetu perculsa & conturbata iacebant, magnifice erexit, instantia auxit. Possem commemorare, quæ in eo bello gesta sunt pleraque incredibili moderatione; ut non tam quod Flamingos vicerit, quam quod ipsum sese superarie laudari debeat, nisi satis eadem perspecta essent vobis, quibus eius belli Dux, fortis quidem vir, & minime barbarus, Princeps Saxoniæ Albertus non ignoratur. Jam in ipso Caesare argumentum ingentis & invidi animi perspicuum erat, & immortale clementiæ exemplum, qui sibi à tam insolenti, inhumano, & crudeli hoste, adeo humaniter temperavit. Quod præconium utcumque paucis commune habet (quis est enim qui talem unquam sit perpeffus hostem?) ita prædicari, omnibus bonorum virorum, omnibus celebrari literis debet, ut aliis quæ saltem ex parte tantæ virtutis præmium, gloria in posteris persolvat. Non est ut hoc loco dignemur Antonianos, Trajanos, multis alioqui nominibus laudatos Principes, sed clementiæ laude cum Maximiliano non temere conferendos, quæ vel hoc amplior est, quæ ipsa sit

omnium heroicarum virtutum summa, prora & puppis, ut dicunt. Etenim cū sacre literę Deum Opt. Max. mortali-
 bus potissimum præconio clementię & *φιλανθρωπίας*
 cōmendant; nō potest esse bonus Princeps, qui nō ple-
 rio pectore sacrosanctā illā cœlestis philanthropiæ speciē
 cōplexus est. Nam hac utia iubetur maxime referre supe-
 rum ac cœlestem nūmen in terris. Tandē uero sedatis in-
 testinis motibus, Burgundiam Gallus inuasit, ubi sæpe
 cū hoste congressus est noster, signa sæpe retulit. In sum-
 ma, Gallum Germania exturbauit, atq; hic quidem est
 adulescētię Casarianę cursus, cuius uos tantū admonui,
 nam ut singula explicentur, neq; hoc patitur dicēdi spa-
 cium, neq; ingenium meū. Iam & reliqua percurramus,
 melioribus inde usq; anis cū bellorum pace gesta, quæ
 omnia ingentem & uere heroicū Maximilianī animū
 arguunt. Itaq; is indole tali, usu rerū iam non mediocri,
 spem fuit tantam Germanię proceribus fecit, ut uhum fa-
 scibus Romanis, & corona Germanici regnī dignū cen-
 fuerint. Imperator designatus, apud Aquisgranū Regio
 honore auctus est, idq; parente uiuo, quæ raris scēlitas
 contigit. Primum omnium Germanię statū cōfœdera-
 tiōne Sueuica sancita, confirmauit, utili sane consilio,
 quo Germaniæ opes uel potissimū cōmunitæ sunt: fuit
 enim ea cōfœderatio hætenus in rebus dubijs certissi-
 mum Germanię præsidium: Ostriam deinde ab Hunga-
 ris afferuit. Sub idem tempus impetauit Turcis horæ fe-
 rocie Baiazita rex, qui in Hælespontum grassatus bello,
 Illyrios afflixit: Dalmatas, deinde quę sunt in uicinijs
 regiones, Carinthiam & Croatas inuasit, depredaturæ
 similis: pessimi fuerat exempli res futura, nisi irrupen-
 tem Maximilianus prohibuisset: aliquot Turcarum ma-
 nipuli

nipuli in fuga caesi sunt. Iam tum hoc duce, Germania
 Turcas uinci posse didicit, ex quibus nos paulo ante,
 semper aliàs quoque inuictis, grauissimam cladem sub Si-
 gismundo Caesare accepimus: uerū nihil fuerat periculi
 nostris rebus ex Turcis hoc uiuo, quem scilicet iam olim
 agnatum nō temere in arma uocaturi erant: cetera Baia-
 zira inuictus, huius uim non sustinuit. Regressus deinde
 in Sycambriis bellū gessit, quod essent accolæ à latrocinij
 tuti. Nam ut assidue in armis fuit, ita nō gessit cum alijs
 bella, nisi cū ijs qui publice saluti infestierant. Priuatam
 iniuriam uidetur uisisse minus egre, q̃ soleant uulgo Re-
 gum ingenia. Sed quid non priuatim ferretis qui non si-
 bi sciebat imperiū geris, sed Christiano populo, imō
 Christo: nec aliud esse Regē, q̃ bonū patrem familiās
 qui tam se demū beatū putat, cū beatam uidet sua
 cura, suis consilijs, sua industria familiam. Ita Regis est,
 nō libidine sua modum statuere imperijs, sed cōmodo
 publico. Quo minus bonos agunt Principes, qui sibi
 quid uis licere putant: peiores, quibus quid uis liber, ita
 uidelicet imbutis, ut nullo discrimine honesta ac turpia,
 phas nephas misceant: qui se regnare nō putant, nisi per
 omnia libidinis, ac turpitudinis crudelissima exempla,
 ipsas phas, bonū, æquū, piū, sanctum, fidem, religionē,
 deniq; omnia publica & priuata cōturbeant. Nolo nūc
 meminisse Claudiorum, Neronum, Commodi, Helio-
 gabali, Diocletiani, Maxentij, & similium. Ipsi nos in si-
 nu nostro, Germani, qui assueuimus semper esse liberi,
 tales alimus Regulos: quos si cum maiorum saeuissimis
 & immanissimis flagitijs cōparemus, facile crediderim,
 posse illos hodie in numerum bonorū Principum rela-
 tum iri. Quanto satius erat Principes huius ætatis ē Maxi-

438 O R A T I O I N F V N E R E

miliani ingenio, sua temperare, ut quem à superis acceperant patrem, & servatorem, eundem moribus referrent, vel hoc etiam, quo gratitudinem animi sui coelestibus declararent, si illum sic essent complexi, ut eius & maxime similes se vellent. In hoc cum semper publicae salutis arserit cura, nihil non datum est studio pacis, publice pietati & religioni. Ipse semper in armis fuit, ne unquam subito motu turbaretur Germania. Ipse semper bella gessit, ut ab omni metu bellorum tuta esset Germania: cum Geldris ideo dimicavit, ne viciniam latrocinij infestarent: cum Helvetijs, ut suos à vi affereret: cum Palatinis item, ne in Rhenum plus aequo grassaretur. Quis est enim qui nescit occupatum in Geldris, ad suscipiendum cum Helvetijs bellum grati rerum suarum periculo à Suevis evocatum esse, qui iam ante bellum gerebant, & illius signa & aquilas vidissent? & cum Palatinis Principibus ante multa de iure acta sunt, & arma moverentur, fortasse tum quoque paratus, nisi Palatinum conneret ad alium sensisset. Ipse hoc scio, pars illorum malorum, cum comitijs Augusti habitis multa utrinque iactata essent, Palatinum nihil respondisse, nisi ut sui cum rebo essent, vindicanda armis Bavariam. Videtis quia impulsus necessitate bella Germanica suscepit. Hoc autem memorabile sapientiae suae exemplum dedit, quod ea bella sic gessit, ut fontes tantum puniretur, reliquae nationes quiete essent, interim undique prehas, quod in Regibus volebat Homerus:

ἄνθρωποι πόλιν ἔχουσιν, ἡ δὲ γῆ ἀνέστιος ἔσται.
hoc est, & Rex consilio, & pugnando miles: Nam in utroque bello multa prudenter, multa fortiter fecit. Helvetios gentem aliqui ferocem, bello eo usque fatigavit, ut pacem libenter agnosceret, & per Gallos impetraret.

Palatino

Palatino auxiliatis ex Boemis legio caesa est, idq̄ dimi-
cante Maximiliano ipso fortissime, tamē & ille receptus
est in gratiam, quā satis poenarū dedisset. Fallor, nisi sin-
gularis est sapientia, sic bella gerere, ut solis fontibus de-
trimēto sint. Et incredibilis est magnitudo animi in eo,
qui modum statuit poenae, non quem culpa meretur, sed
quem facit victoris mansuetudo. Ea tūc erat Germani-
ae foelicitas, ut cum omnino esset aliquid Marti dān-
dum, ita enim est gentis nostrae ingenium, tamen id fie-
ret citra publica incommoda. Quando enim unq̄ fuit
Germania pacatior, q̄ sub Maximiliano fuisse vidimus.
Quoties sub Carolis uniuersa cōmota & labefactata est
seditionibus intestinis. Dabimus aliquid Othomū fo-
licitati, & gentilitiae laudi, semper enim Saxonia pacis
amans fuit. Certe Francorū Henricos tragica etiam ma-
la affligerunt, quum aliquandiu pars Germanorū filio,
pars patri studeret, ut reliqua preteream. Ab eo uero tem-
pore quo imperauerunt Sueui, quæso quid fuit in Sigis-
mundum usq̄ lēti in uniuersa Europa, nedū Germania?
Prudēter Fridericus primus, qui belli molō in Italiam,
ac deinde Asiam uertit; Qui hunc secuti sunt omnia in-
foelicitē. Regnū pariter uindicarunt Philippus Sueuus,
Otho Saxo, deinde Adolphus Nassaensis, & Albertus
Austrius; post hos Ludouicus Bavarus, & Fridericus Au-
strius. In hæc, nequid deesset mali, quot Pontificum ur-
bis Romę diffidia, quot item Germanię deuotiones in-
ciderunt, quibus semper aduersa fuit huius regni tran-
quillitas, ne sua in Italia tyrannis imminueretur; nam
preter id quod aliquoties uniuersa Germania diras Pon-
tificias pertulit, non raro priuatim quoq̄ urbes ac ditio-
nes aliquę desecrate sunt. Ita nunquam bellorum semi-
na non

na non ministrabant Pontifices Germanis, quæ hoc imperante nulla fuerunt: nunquam Germania uniuersa commota est, nunquam labefacta, hoc imperante, religio: quæ nisi admirabilis quædam sapientia, & planè cœlestis, integra & salua conseruare nō potuit: & hunc Principem ereptum terris non doleat Germania: Dederat Iulius Pontifex materiem intestini quoq; belli, sed quæ fuit Maximiliani prudentia, cauit ne Italia

Εἰς πολέμοιο τέρας μετὰ χειρὶ ἔχουσα
egrederetur: Nam ultimum operum mortalium gessit bellum Italicum, cuius euentus paulo iniquior fuit, reliqua enim foeliciter contigerunt, perfidia gentis in causa est. Eamq; fortunam cōmunem habet cū Carolis, Othonibus, Fridericis, Ludouico Bauaro, et Sigismundo: adeo semper gentis dubia fides, & Pontificum odia, mala conciliarunt nostris Principibus. Id quod Rodolphus Habsburgus, qui primus è familia Austriorum Romanis fascibus auctus est, bello & pace clarus, intelligens, rogatus quæ Italiam petere noller, per apologum Aesopi

Olim quod uulpes agrotō tanta leoni

Respondit, referam, quia me nescigia terrent

Omnia in aduersum spectantia, nulla retrorsum.

Bellua multorum est caput Roma: Videlicet significaturus nemini ex Germanis Principibus prospere aduentum in Italiam cessisse. Cetera scilicet Maximilianus, hunc casum satis debet, quem tamen communem cum omnibus alijs habuit. Atq; hæc fere sunt, quorū uos obiter tantum admonui, quæ ille memorabilia bella gessit, longe his præstant decora pacis, quibus, ut nondum ullo tempore tam floruit Germania, ita cū eo nemo superiorum Principū conferendus est. Liberalitas in eo summa, cultus

ma, cultus pieratis præcipuus, plurimarum artium & linguarum cognitio, omnium ciuiliū rerum tantus amor, quantum hodie illo ipso autore ciuilis cultus in Germania uidemus, quem omnes eo esse loco scitis, ut cum nostris nulla possit comparari externa natio. Literas fons, decretis in studia stipendijs Viennæ, ubi primum Mathematica & Poetica reffloruerūt: cuius exemplo cū alij Principes ad literas animū adiecerunt, tum maxime optimus Saxonix Princeps Interrex Fridericus, cuius cura restituitur fontibus suis Theologia, hictanto foelicior, quanto omnibus alijs disciplinis sacræ præstant. Digna est omnino Principe uiro cura rei literariæ, & quod illa renata sapere incipiat Germania, & quod sine literis ne mo imperare recte sciat. Id quod dixisse fertur Sigismundus Cæsar ad Ludouicum Comitem Palatinum Rheni, autem eius qui hodie ditionem gubernat, senemq; per-mouisse, ut iam canus Latinas literas disceret, non aliter q̃ Cato Græcas. Mechanica uero quædam à Maximilia no inuenta sunt, quædam aucta: Nam ad illa eum miro ingenio fuisse, dignis fide testibus didici. Sed quid ego singula commemoro: ante oculos ponite Reipub. Germanicæ statū, ut illius auspicijs erexerit caput nuper, hoc emortuo, ò fata, & ò necessitas modo rursus demittat. Videor mihi uidere ante oculos communem parentem omnium nostrum Germaniam pullatā ac sordidatam, miserabili gemitu, reuocare Seruatorem suum: stantes, hac procures militia nostræ, illac effusum gregem eorum, qui studijs pacis hoc Principe stipendia fecerunt. O nos miseros, quibus hunc tam clarum solem inuiderunt superi. O infelicē patriam amisso parente ipso tuo. O infœlicem pacis alumnā fidem, amisso assertore tuo.

Kk Oin

44 ORATIO IN FVNERE MAX.

O inſœlicem rerum publicarum cuſtodem cœcorum,
amiſſo eo qui per omnem uitam concordia iura reli-
gioſiſſime tutatus eſt. O inſœlices Muſas, amiſſo unico
penè præſidio ueſtro. Quaſo uos uiri, erigite animos, &
Germaniam ipſam lapſantem, oculis contemplamini.
Me enim plura dicere non ſinit nunc dolor. Omnes in-
terim tanti Principis memoriam contemplatione uirtu-
tum ſancſam ducamus, quo nondū alius in regno Ger-
manie, neq; priuatim, neq; publice maioribus ornamen-
tis illuſtrauit Europam. Doleamus caſum noſtrum, qui
bus alieniſſimo tempore, atq; adeo eo, cum ſapientiſſi-
mo nobis Principe opus eſſet, Maximiliano carendum
eſt. Vides autem Illuſtriſſime Princeps Friderice, ut in-
te iam res uniuerſe Imperij Romani inſtituta recumbant.
Tu pacis ſtudia, ius, fidemq; publicam, quæ in homeros
iam tuos inciderunt, ſuſtinebis, ſeruabis, ac tueberis. Ma-
gnū uirtutis tuæ documentum haſtenus orbi dediſti.
Iam nunc tibi conſtituendum eſt, ut cum ſalute noſtra ſa-
pientiam & uirtutem tuam coniunxiſſe uidearis. Hoc
ſupereſt, ut ſacris uocis pijsq; inſectis Maximilianiani
mam proſequamini, quod illi, uel ut parenti, Principi
uel ut fratri, homini deberis. Tu quoq; per bonitatem
tuam Chriſte Ieſu Opt. Maxi. te quaſo, da preces te no-
ſtre ſupplices placent, dant ſentiant Maximiliani manes,
proſuiſſe ſibi apud te pijs Ecclēſia preces, cui tu eum gu-
bernato rem ac Principem ſeciſti. Per bonitatem tuam
Chriſte Ieſu Opt. Maxi. te quaſo, interim plebem tuam
aſſere, ſerua, protege, quæ ſanguine tuo im-
buta, non aliam de quā ex te
ſibi ſalutem ſperat.

Dixi.

Oratio

ORATIO DICTA IN FVNERE

Friderici Saxoniae

Ducis: O



Go in hoc publico luctu, acerbissimoq;
omnium dolore, cum erat uel interitus Sa
pientissimi Principis deplorandus, uel ia
ctura Reipub. quam illo amissio fecimus
maximam, defendenda, uel oratione leuan
da mentes procerum, aut etiam popularium, non mo
do non satis praesentem animum ad dicendum adferre
me sentio, Sed haec uox etiam testis officij pietatisq; no
stra, merore lachrymisq; impeditur. Et cum praedicta
uirtutes huius Principis hunc honorem, quo semper
optime constituta ciuitates summis uiris parentantur,
in primis mereantur, grauius crucior, quod pulcherri
ma eius merita, praesertim in recenti luctu, a nobis orna
ri nequeunt. Nam cum Reipub. orbitate, quae in hoc mo
tu, & his tenebris sapientiam huius hoc tempore tanq;
lumen requirebat, uehementer perturbor, tum auge
dolorem priuatus luctus. Etenim cum uiuum non mo
do propter beneficia quae extant erga me ab illo profes
ta innumera, coluerim, sed etiam propter insignem uir
tutem uice admiratus sum & amarim, non potuit fieri,
quin tanti uiri interitu ualde consternerer. Nos igitur &
ingenij inopia, & dolore impediti, non instituimus en
comium laudem illius, tantum hac misera uoce, & his
lachrymis gratitudinem animi nostri declaramus, ut in
telligi possit iucundam nobis illius uirtutem, grata offi
cia fuisse.

Sed ut intelligat rectius haec turba, quantam gratiam
Kk ij manibus

manibus huius Principis debeat, attingam obiter quas-
dam eius laudes, & tanquā procul ostendam. Et quam-
vis non sumo mihi tantum, ut oratione mea leuari mo-
torem illorum posse sperem, qui iactura magnitudinē
intelligunt, quam hoc casu Respub. fecit, tamen spero fo-
re, ut illa ipsa memoria virtutū, illius leniat acerbitatem
Iustus. Cum diuineliter doceant diuinitus praefici Ma-
gistratus Rebuspub. & fato Principes dari, plurimū pro-
fecto superis haec debet natio, postquam talis contigit
Princeps, qui cum esset primū natura factus ad omnes
artes pacis, & ad humanitatem & mansuetudinem, ni-
hil antiquius, aut prius populi salute habuit. Praedicent
alii maiorum imagines & uetera stemmata, qua laude
quanquam abundant Saxoniae Principes, tamen erant
alia in Friderico maiora, scientia gerendi imperij, & ani-
mi magnitudo summa. Fallitur autem, si quis putat ar-
mis tantum & ut teneri Respub. plus ad eam rem mo-
menti adferant pacis artes, iusticia, moderatio animi,
constantia, rangi cura publicae salutis, diligentia in di-
cendo iure, in dirimendis ciuiliū dissensionibus, tole-
rantia in perpetiendis vulgi erratis, saueritas in coher-
cendis improbis, clementia in seruandis his qui corrigi
possunt. Ad vulgus in maiore admiratione sunt, cla-
riusq; cernuntur bellicae uirtutes, & pluri sit miles ali-
quis athletico robore, quam moderatus & placidus ci-
uis. Togatae uirtutes & urbanae, ut aliae res bonae latent,
nec satis notae sunt imperitis. Itaq; leuiter laudari eos pu-
rant, quibus pacis studia artesq; tribuuntur. Ego uero ita
sentio longe praestare, siue quis utilitatem spectet, siue
hominis naturam, castrensi usui pacis studia, nec pariar
preponi Augusto Principi quietis ocijq; amati, Antonium
Imperatorem

Imperatorem magnū illum quidem, sed perniciosum Reipub. Nec Græcis plus contulit Alcibiades, quā Solon: Quorū alter bellum ex bello ferens evertit patriam, alter legibus latis & ciuitate iure constituta non semel tantum seruauit. Finxerat itaq; Deus ad has utiliores & meliores uirtutes Fridericum. Quapropter primum turbulentis Germaniæ temporibus, tamen semper cauit, ne quo bello sue gentes uexarentur.

Quam mihi uictoriam auder aliquis ad hæc conferre, cum tam uarij motus annis iam plus triginta in tota Germania fuerint, cum toties uis pararetur, multi, ut sit in regno, inuiderent ei ocium, multi instigarent ad mouenda arma. Credo mihi, non mediocris illa tum prudentia erat, tum fortitudo, animū atq; iracundiam uincere, parcere populi uirg, & pecunijs, ratione, consilioq; uim hostilem discutere. Periclem ferunt animam iam penè agentem, cum circumstantes amici prædicarent eius tropheæ & uictorias, dixisse illam laudem non tam suam esse, quā militum aut fortune: hanc esse propriam suam, quod nemo ciuis sua causa unquam nigram uestem induisset. uolebat enim docere, priuatæ dignitatis tuendæ causa neminem unquam ciuem interfectum à se esse. At hic noster non modo priuatas iniurias nunquā cum periculo ultus est, sed bella etiam & uim publicam ratione, sine ciuium cæde oppressit. Verius hic de se prædicare possit: Cedant arma togæ, quā Cicero, qui mortuum in Reipub. ciuilem armis crudelius etiam quā res poscebat, uindicauit. Porro quemadmodum periculis tempestatibus sine summa uigilantia, summoq; labore nauem seruare incolumem gubernator non potest, ita tam duro tempore pacatam tenere prouinciam tot

annos, non est vulgaris ingenij opus. Et si uictoria sanguine partæ trophyæ ac triumphis ornatur, quàm grata nobis esse debet harum uictoriarum memoria, ubi solius Principis consilio diligentiaq; bella profligata sunt. Quod si intelligeret vulgus, quantam perniciem ac uastitatem foelicissimum etiam bellum adferat, & uideret propius pacis commoda, profecto statueret nihil à Deo melius, nihil utilius, nihil diuinus his regionibus dari potuisse, quàm talem Principem tam pertinaciter fugitantem bella. Porro non caruerunt honore hæc uirtutes eius, dum enim uident publicis commodis tanta fide eum seruire populares, tanquam patrem ferè amant, nulla crudelitatis aut iniuriæ suspitio hæsit in ullius animo. Eratq; id consecutus, quod scribit Xenophon, Esse difficillimum, & planè diuinum, ut uolentibus imperaret. Neq; uero Principi quidquam contingere potest honorificentius, quàm ut prudentiæ & iustitiæ laudem illi ultro concedant subditi, ut salutem suam tuto illi commissam putent. Sic ille æquitate diligentiaq; domi forisq; Rempub. pacatam annos plus triginta tenuit, legibus, moribus, ædificijs, ditionem undiq; exornauit. Id magis putauit regium esse, excolere, oruareq; bono publico prouinciam, quam maiores tradidissent, q̃ cum multorum iniuria fines regni proferre amplificareq;. Et ut Greci proverbio monuerunt, Spartam nato ornandâ ea esse. Ita hic lumina ui animi incubuit in hoc, ut tanq; domû patrifamilias, redderet ditione omnibus bonis rebus florentiorem. Possem hic etiam côm memorare, q̃ periculosa dissidia exterorum Principum, q̃ multa bella autoritate sua diremerit: Sed neq; tempus longiorem orationem, neq; uires meæ ferunt, & pleraq; res gestas notas

*Sparta quod natus d
Sina*

notas esse uobis atbiror, quas si animo reputabitis, in-
 telligetis summa prudentia, summoq; consilio in Rep-
 uersatum esse, & uere salutarem Principem & patriæ &
 exteris fuisse. Ego profecto summa hanc uerissimamq;
 laudem eius esse duco, quod ita pacem tractatus est, ut ta-
 men à bello prouocatus etiam, abstinerit: Quæ laude
 nihil extoritari Principe illustrius potest. Diuina enim
 præconia etiâ meretur, nam cû mundus imperij posses-
 sionem uel atq; armis defendi debere existimet, Christus
 cõtra, pronunciat beatos esse mites, & à sauitia alienos,
 eisq; possessionem terre pollicetur. Et paulo post, paci-
 fos etiam filios Dei adpellat. Erant tamen in eo priuare
 etiam uirtutes magnæ, præcipuum religionis Christianæ
 studium: Nam sacra per omnem uitam religiose tracta-
 uit, & cum magna uarietas opinionum de religione his
 temporibus fuerit, tamen optima certissimâq; semper
 delegit. Et cum antehac Pontificum constitutiones, &
 quidam humani ritus pro religione soli docerentur in
 templis, præstitit ea quæ in moribus erant diligenter, id
 quod ego specimen bonæ mentis interpretor: & quia
 putabat illos ritus cõducere ad assuefaciendos animos
 uulgi, inuitandosq; ad studium cognoscendæ religionis,
 templa cõdidit, ceremonias inuexit, accersit undecûq;
 qui sacra docerent. Et tamen accipio tum quum animo
 requireret synceriores tractationem Christianæ doctri-
 næ, sepe cum doctis uiris confabulatum esse de diuina
 ratiõ religionis. O altam generosamq; mentem, neq; enim
 plebeios animos incescit hæc cura contemplandæ, per-
 uestigandæq; religionis. Magnam quandâ ingenij uim,
 & heroicam inuolenti animaduero in eo fuisse, cû tan-
 to perire arsisse studio perdiscendorum sacrorum uideo.

Est autem

Est autem profecto hæc cura imprimis digna Principe. Sepe de testatum ferunt, si quis humanas rationes in causa religionis adferret, propterea inquit, quod nihil tam acute colligi posset, quin idem eueri etiam queat arguendo. Dicebatque optare se ut de sacris ex solo Dei uerbo iudicaretur. Hæc tum agitabat animus eius, cum religio tota esset obruta Monachorum somnijs. Postea uero quàm perpurgari cœpit, & tanquam reuiuiscere Christiana doctrina, adplicuit animum ad eam penitus cognoscendam, ne quid temere aut probaret, aut damnarer. Vbi perspexit uim religionis, toto pectore amplexus est ea, quæ ad suam mentem conformandam facerent, & pietatem alerent, ociosis disputationibus, quæ ad ædificationem nihil conducunt, longum ualere dixit, et in ritibus publicis, quia uidebat prophanos quosdam homines contemptis publicis moribus, prætextu libertatis Euangelicæ propemodum in belluas mutari, diligentissime cauit, ne quid mutaret temere, ne suo exemplo imperiti peccarent. Et sentiebat, id quod res est, publicam morum mutationem periculosam esse. Cumque de religione hoc modo, ut dixi, sentiret, & regionibus suis pure doceri sacra pateretur, quanta Deum immortalem constantia, quanto robore animi sustinuit inuidiam, qua in Pontificio regno flagrauit, uicit Pontificum fulmina, & minas summorum Regum, contempsit conuitia uulgi, sacrificulorum sacra in questu habentium. Qua in re satis declarauit se ex animo uereque fauere Christo, cum illius notam sibi inuri pateretur, cum in corpore suo illius stemmata gestaret, hoc est, cum ad Christi exemplum, ipse etiam laceraretur. Quid enim nisi perpetua carnificina animi fuit ille hostiū impetus?

Cuius

Cuius mihi Eremitæ ieiunia & uigilias, cum his afflictio-
nibus audeat quisquam conferre? Non profecto grauius
oppugnatus est Ezechias, quanquam mœnia Solymo-
rum cinxisset hostis. Vidit hic quoque non semel expedi-
ri aduersus se arma, & propemodum iugulo gladium
intentari. Sed quia religionis causam sciebat huma-
nis uiribus sustineri aut defendi non posse, nihil ipse
contra molitus, salutem suam & suarum gentium Deo
committebat, Et quemadmodum uir fortissimus apud
Poetam ait:

Quid quid erit superanda omnis fortuna ferendo est.
Ita patientia, moderationeque animi inimicorum saui-
tiam, quantum fieri potuit, mitigauit. Non uacat hanc
laudem tractare pluribus. Prætereo iam quod schola
constituta senssit, quantum adferat Rebusp. scientia lite-
rarum, quas uulgi Principi odit cane peius & angue.
Omitto qua diligentia fideque amicos adiunxerit, colue-
rit, & quod in regno difficilimum est, retinuerit. Præ-
tereo quæ in adeundis periculis contratio fuerit, quæ con-
stantia in perferendis fuerit. Non dico quanta suauitas
in familiari congressu fuerit, quanta in sermone urba-
nitas, quanta ingenij argutia fuerit. Non commemoro
scientiam rei familiaris gubernandæ, quæ fuit in illo mi-
ra, & qua nuper annonam ingrauescentem laxauit. Hæc
omnia animo repetenda sunt uobis, & memoria omniū
illius uirtutum ac meritorum reuocanda, ut expendatis
primum, quantam Deo pro tali Principe gratiam, deinde
quantam ipsius manibus debeamus, nulla etas ex animis
nostris memoriam tantæ uirtutis ac beneficiorū delere
debet. Amisit enim, miseros nos, patria non tantū Prin-
cipem utilem ac salutarem, & diurnæ pacis custodem,

sed patrem etiam à quo bonis omnibus rebus exornatus
 est. Diuinos honores meruerunt alicubi, qui culturam
 agrorum ostenderunt: Hic agrorum culturam, educa-
 tionem sobolis, atq; institutionem, negociationem con-
 stantissime tutatus est, pace per tot annos conseruata.
 Amiserunt & studia nostra Mœcepatem, nemo enim
 Principū, ingenia aut norat melius aut aluit benignius.
 Amisit uniuersa Germania Senatus imperij Principem.
 In hoc plurimum bonis omnibus praesidiū erat, ad hunc
 proxime in magno Germaniæ discrimine detulerant re-
 rum summam omnes ordines, huius sapientiam & au-
 toritatem iudicabant patrem esse gerendo imperio, hūc
 tanquam oraculum aliquod in ambiguis rebus consu-
 lebant. Et amissus est hoc tempore, cum tota Germa-
 niaci uili bello ardet, & uisile dixit: *maßhoup mung*
 Vicinæ ruptis inter se legibus urbes, *maßhoup mung*
 Arma ferunt, sequit toto Mæis impius orbe. *maßhoup mung*
 cumq; ad restituendam pacem, ad legum, religionisq;
 emendationem, huius autoritate, prudentia, & animi
 magnitudine maxime opus erat. Nolim patriæ male
 ominari, at metuor tanten, ne Deus iratus terris hunc eri-
 puerit, ne quem haberemus idoneum publicæ pacis au-
 torem. Multis iam prodigijs iram suam significauit De-
 us, nata monstra, Soles complures uisi, noctū irides con-
 spectæ, sonitus in aere tympanorum auditus, ut aut re-
 rum omnium finis uideretur impendere, aut singularis
 Germaniæ clades. Accessit ad hec Friderici mors, quem
 unum habuimus Principem, cuius consilio publica ma-
 la sanari poterant. Et mortem tuam Friderice non de-
 fleremus? non doleremus uicem nostram orbat, non
 Domino, sed patre, alienissimo tēpore. Coniecit oculos
 patria

patria in fratrem tuum, illius se fidei tuto quidem com-
 mitti sentit, sed ipse etiam putat se sui aliquam partem
 perdidisse, te exincto, animi tui praesentiam & robur in
 asperis omnibus rebus desiderat. Hic Senatus etiam di-
 tionis dolore molestus, & exanimatus, caput publici con-
 filij, tanquam in Imperatorem exercitus in dubia pugna
 requirit, tua signa, tuam vocem sequi adsuetus. Sed ni-
 mium indulgeo dolori, qui te meo me, & colligo, quae
 luctum aliqua ex parte minuant. Sunt autem a sapienti-
 bus uitis de breuitate uitae mortalium, deque communi
 nascentium conditione disputata ad assuefaciendos ani-
 mos, ut communia mala aequius ferrent. Quae nos hoc
 tempore non attingimus. Nam ego Friderico ipsi, quan-
 quam & ratio & multarum rerum usus addiderat ma-
 gnum quoddam robur ad ferendas res duras, tamen
 aliam puto maiorem, efficaciorēque causam, firmo ani-
 mo ad euenda mortis. Notat enim ex Christiana doctri-
 na, mortem esse generi hominum diuinitus impositā,
 non modo, ut pro peccato poenā luēremus, quod erat
 sanē miserū, sed, quod pijs esse pergratū solet, ut morte
 deponatur peccatum, & ingrediamur immortalitatis
 iter. Porro & ante acta uita, & illa demum animi presen-
 tia, cum iam penē animam ageret, argumento sunt sen-
 sisse suam Deo salutem curę esse. Nam praeterque quod re-
 ligiose munijt sese Eucharistia, & Christianis precibus,
 sic accipio respondisse sub ipsam uitę finem, cum conso-
 laretur quispiam: Deus dedit, Deus abstulit, sit nomen
 Domini benedictū. O praeclaram uocem, & testem be-
 ne sentientis animi de Deo. Nam mihi crede, quisquis
 ita adfectus est, ut sentiat huius lucis usurā diuinitus no-
 bis concessam esse, deinde nos non temere occumbere, sed

Dei arbitrio exuere hoc corpus, præterea non tantum deponi uitam, sed Deo iam committi, postremo etiam Dei nomen in extremo discrimine prædicat. Is procul dubio animaduertit præsto adesse Deum portum & profugium periclitanti. Nam impia mens nescit se diuinitus accepisse uitam, temere existimat se occumbere, nihil in tanta calamitate præsidij habet. Postremo exaceratur etiam diuina omnia cum deferri se sentit. Hic uero implorans opem à Deo ipso, & postulans, ut aliorum precibus inuaretur, non semel professus est, quid speraret, ut se reiecisset totum in Christum, interim etiam uerissimò suauissimòq; præconio ornans Deum. Etenim cum quidam admoneret fauere Deum afflictis, ipse subiecit clara uoce, atque alacri. Id uero mihi constanter de Optimo Deo meo promitto. Multa insuper precatus, condonari sibi si quem læsisset: mentio etiam facta eorum, quibus uidebatur subitatus, ut sentirent depositum odium fuisse. Multa constituit de Repub. deq; priuatis rebus, eodem uigore animi, quo in optima ualitudine fuerat, quædam ipse legit, multa dictauit, uerbis & sententijs ita collocatis, ut pristinam mentis acrimoniam agnosceres, postremo ex sententia constitutis omnibus, lenissimo genere mortis extinctus est, ut satis ad pareretur, & morbis corporis uires diu iam fractas fuisse, & animū satis obsequentem, facilemque ad hunc extremum actum fabulæ suæ accessisse. Magnus quidam uir inter Græcos scripsit, Philosophiam mortis commentationem esse, putatq; in eo summam esse sapientiam, si ad mortem obeundā bene cōparatus assuefactusq; fuerit. Sed eum puta recte assuefactum, qui ad Christi exemplum, Euangelij causa multa tulerit. Hic uero noster quàm uarie quassatus

quassatus ac uexatus est annos iam aliquot religionis
 causa: Quæ mortis & exitij simulachra interea animo
 obuersata sunt: ut sperem uenisse ad extremam hanc pu-
 gnâ paratissimum. Quod cum ita sit, & cum ille com-
 mode hanc calamitosam uitam deposuerit, gratulemur
 ei potius talem uitæ exitum, in quo tam multa signa
 extant, ut immortalitatem adeptus, non amisisse ui-
 tam, merito credi debeat. Et cum ipse æquo animo dis-
 cesserit, e uita, feramus ipsi etiam patienter uoluntatem
 Dei, atq; optemus potius, ut simili mortis genere, cum
 hinc euocabimur, defungamur. Foelicem existimemus
 Fridericum fuisse, in cuius uita tanta fuerit æquabilitas
 fortunæ, quicq; illam animi sui lenitatem moderatio-
 nemq; ad extremum usq; spiritum retinuerit. Pacem des-
 dere superi per omnem uitam, mens contigit quæ & in
 gerenda Repub. quia tuta semper consilia bello præse-
 rebat, nusquam à fortuna destituta est, & in priuatis re-
 bus siquid aduersi fuit, ut sunt humana, moderatione
 animi constantiaq; uicit. Hic illi uitæ cursus fuit securus,
 & foelix, qualem optare sibi alij Principes merito de-
 beant. Agamus itaque gratias Deo, qui illi autor tantæ
 foelicitatis fuit, quicq; regionibus nostris tam salutarem,
 tamq; foelicem Principem donauit. Non de eo prohi-
 bere, ne iacturam publicam hoc amisso factam deplore-
 tis: Verum interea postulo tamen in his querelis, ut offi-
 cij etiam uestri recordemini, ac gratias referatis Deo pro
 illò cumulo beneficiorum, qui tali Principe uobis con-
 tigit, & memoriam uirtutum Principis animis uestris
 insigatis, cogitetisq; quid illius etiam manibus pro sum-
 mo labore & magnis ærumnis, uestra causa susceptis,
 debeatis.

L1 iij Debetis

454. ORATIO IN FVNERE FRID.

Debetis autem hoc primum, ut salutem animam illius
pijs precibus Deo commendetis, deinde ut religiose pa-
teatis optimis Principibus, qui huius uicem subeunt, &
publicæ salutis tranquillitatisq; tuendæ, turbulentissi-
mo statu totius Europæ prouinciam suscipiunt. Hanc
pro pulcherrimis meritis Frederici manes gratiam de-
bitam reposcunt, quam nisi large præstiteritis, suscipie-
tis non simplicem culpam. Non enim ingrati tantum
aduersos benemerentem Fredericum eritis, sed impij
etiam in Deum & autorem beneficiorum, quæ illius im-
perio accepistis, & auspicem noui imperij. Nec erit im-
pune ingratitude Deum offendere. Precor autem
Deum, ut Frederici animam pro sua misericordia seruet
actueatur, deinde, ut nouum hoc imperium Frateris for-
tunet, & his miseris temporibus has regiones prote-
gat, & uobis mentem det, publicæ tranquillitatis amian-
tem, ut Principes uestros, quemadmodum
diuinitus præcepit, summa
fide religioneq;
colatis.

Dixi.

Oratio

ORATIO FVNEBRIS IN MORTEM

Ioannis Ducis Saxonie,

Phil. Mel.



Ostquam Principi optime, de uniuersa
Repub. merito hoc postremum ac debi-
tum officium persoluendum fuit, ut Reip.
parentaremus, non hoc mihi sumo, ut
summam moesticiam procerum, & ame-
plissimi ordinis oratione leuem, qui acerbissime lugēs
interitum Principis, & propter gratam memoriam tira-
tutis & bonitatis eius, & propter Reipub. pericula, quæ
hoc extincto, qui semper pacis autor fuit, impendent
plurima: Nulla enim oratio inueniri aut par magnitudo
dini doloris istius potest, aut que animos à tanta moesti-
tia uideatur reuocatura, qua quidem ego quoq; penē
exanimor. Sed quoniam ad populum oratio habetur, *admonenda*
commonefacienda nobis est multitudo, ut memoriam *et multa hinc*
uirtutis ac beneficiorū extincti Principis conseruet, eaq;
in re pietatem & gratitudinem, quam Deus precipue iu-
bet reddere Principibus, præstet. Quæ enim ingrati-
tudo, quæ impietas dici maior possit, quàm talis uiri inte-
ritu non adfici: cuius extant in uniuersam Remp. mul-
ta ingentia beneficia, quo amisso, quæ tempestates, quæ
mutationes rerum impendeant, horret animus dicere.
Itaq; ut memoriam uirtutum ac meritorum eius confer-
uemus, quædā ex ipsius historia repetam breuiter, im-
pedior enim dolore & lachrymis, quo minus possim
multa dicere. Nihil hic de generis nobilitate dicā, qua
Saxonie Duces abundant: nihil de adolescentie studijs,
quanquam hæc in isto habent eximiam laudem mode-

stia atq;

stia atq; continentia, nihil dicam de reliquo uite cursu, tantum illud tempus attingam, quo rexit hunc Ducatū, fratre Friderico Clarissimo Principe mortuo, Id enim multiplices habuit casus, in quibus perspicui Ducis Ioannis pietas erga Deum, constantia, moderatio, studium pacis, & ceterę uirtutes dignæ bono Principe possunt. Ac primum illud, quæ trophæa, quas gratulationes meretur, quod turbulentissimo tempore præstitit, ut hæc regiones essent tranquillæ & pacatæ, cum quidem perpetuo molirentur non pauci bellum aduersum nos, horū conatus profecto diuinitus repressi sunt. Sed tamen id quoq; Principis officium est, quem Deus propitius rexit. Deinde multa in his ipsis rebus ualuerunt eius autoritas, moderatio, diligentia, quæ extorserunt aliquoties arma de manibus quorundam cupidorum, nihil enim atrocius dicam. Et quàm late pateat hoc beneficium, facile iudicari potest, quia ea causa quam tuebatur, nō ad unam aliquam gentem, sed ad uniuersam Germaniam pertinet. Si quod exarsisset bellum, haud dubie futurum erat, ut inflammaretur tota Germania. Itaque dum pacem domi retinuit, præstitit, ut plurimæ aliæ nationes tranquillæ essent. Ac uero non solum inimici eius autoritate & moderatis consilijs repressi sunt, sed socij etiam ferociore, quos cōtinere & ad moderationem flectere quanti fuit negocij, non potest hoc loco dici. Vidimus arma sumpta, & uictoria erat in manu, ubi tamen æquitate Ducis Saxonie perfectum est, ut quamlibet irati cæteri abijcerent arma, & componi sine cæde paterentur: qua in re uel præcipue enituit in eo magnitudo uere heroica, cum parceret inimicis eo tempore, quo nocere facillime poterat, & quidē talibus, à quibus uarijs iniurijs affectus

affectus erat, & à quibus deinceps plurimum periculi
esset. An non ostendit hac in re animum inuictum ad-
uersus omnes priuatas cupiditates? Nam postquã spes
ostensa est componendę rei, non expetiuit uictoriam,
nō gessit morem iracundię, sed his rebus omnibus præ-
tulit tranquillitatem Reipub. Hęc est uirtus magno ui-
ro ac sapienti præcipue digna, iracundiam uincere, &
priuatis affectibus anteferre publicam utilitatem. Præ-
dicentur in alijs res bello gessę, hostes in acie uicti, para-
tę armis prouincię, illa enim sunt magna, & sæpe ne-
cessaria: sed non minora sunt hęc, ratione & animi mo-
deratione excitatos motus sedare ac mitigare, consilio
prohibere, ne res ad arma deducatur. Itaq; recte liceat
usurpare illud:

Cedant arma togę, concedat laurea linguę.
præsertim si quis etiam consideret, quantum hac mode-
ratio boni attulerit uniuersę Ecclesię Christianę. Quid
enim futurum esset, qualis dissipatio Ecclesiarum ac re-
ligionum secutura, quę sacerdotum in utraq; parte cæ-
des, si bellum oriretur? & cum inter arma sileant leges,
quanto magis disciplina Ecclesiastica, & religionis do-
ctrina consulesceret, tum armis oppressa, tum fanaticis
doctoribus, quibus licentia belli locum præbitura esset.
Itaq; quiduis semper maluit Dux Saxonię, quàm has re-
ligionis controuersias armis diiudicari, quod eius iudi-
cium quanti faciendum sit, uel ex eo existimari potest,
quod in eadem uoluntate adhuc quidem uidetis fuisse
optimum Principem Carolum Cæsarem Augustum,
ut alia mitiora remedia potius tentaret, quàm bellum
moueret. Cum igitur Principis nostri tum foelicitas, tū
autoritas, tum etiam moderatio animi plurimum ua-

M m luerit

luerit haftenus ad retinendam pacem, quantum ei debeant omnes nationes, praecipue uero haec regiones, non est obscurum. Quid autem dicam de eius domestica administratione, quae tota clementiae atque humanitatis plena est? Homerus ait, Vlysses uelut patrem bonum reuoluisse Thracenses, & Xenophon, qui quidem absolutum exemplar boni Principis in Cyro proposuit, inquit, Bonum Principem simillimum esse patris boni. Quis autem unquam ullum durius dictum aut asperius nostri Principis notare potuit? Tantum abest, ut quicquam superbe aut crudeliter unquam fecerit. Ac mihi uere uisus est prorsus paternum animum erga ciues omnes habere. Animaduerti enim significationes suae humanitatis cum in sermone, tum in alijs multis officijs. Vidi ipse quam uere induebat aliorum affectus, si quid suis deberet, & tamen hanc lenitatem iure temperabat: Cohercere improbos uolebat. Ac si fortassis in ea re uisus est hominibus imperitijs cunctantior, laus est bonitatis, quae certe eminere debet in Principe. Vita eius interior modestissima, nullus luxus, nullae deliciae uero indigne, nullae libidines erant, quicquid à negocijs uacui temporis habuit, id totum contulit in lectionem sacrarum literarum, propterea quod religionis Christianae amantissimus erat. In hoc etiam postremo tempore multa legit, & ut ex certissimis testibus cognoui, saepe ceras preces interdum repetiuit: quae pericula quam patienter propter studium Euangelij tulerit, nemo ignorat. Et fauit Deus his uirtutibus, tot annis defendit eum, & uaria pericula discussit, ac saepe eum propemodum non secus atque Ezechiam obsidione cinctum liberauit. Nunc nostra adhuc tranquilla patria, eum ex hac uita euocauit bene praeparatum ad

tum ad mortem, tum alijs casibus, tum etiam morbi sa-
uitia. Iure igitur dolemus, orbatu tali Principe, tot præ-
dito uirtutibus, tanto pacis studio, tanta bonitate erga
suos, ut nō minus uere pater, quā Princeps dici possit.
Nunc quibus in periculis, in quanto discrimine uersa-
mur, non dicam, ne male ominari uobis uidear. Illud
precor Deum Opt. Max. ut foeliciter conquiescat Dux
Ioannes, & ut familiam tueatur, & filio uere successu-
ro in patriam administrationem faueat, eumq; tueatur,
ac defendat, inter hæc pericula quæ impendent, & ut
ipsi ac Reipub. pacem ac tranquillitatem donet, ad uti-
litatem Ecclesiæ, & laudem nominis Christi: Id enim
agnoscimus & prædicamus, non posse Respub. tueri,
nisi Deo conseruante. Quare ab ipso opem implora-
mus, ad ipsum confugimus, qui quidem testatur, se au-
diturum esse preces afflictorum. Idem uos omnes ad si-
due perere à Deo debetis, ut Principem, sub cuius tu-
tela latemus, seruet, & ut pacem & doctri-

nam Euangelij, & aliarum hone-

starum artium studia

retineat,

Dixi.



Mm ij

Laudatio

LAUDATIO FVNEBRIS DOCTORIS

Sebaldi Munsteri, scripta à Vito
Vuinfemio.

Abstulit atra dies nobis mortalia membra
Sebaldi, mergens funere sæua uirum.
Spiritus æterna sanctorum sede receptus,
Perfruitur lætus iam propiore Deo.
Ingenij decus, & uirtus non occidet unquam,
Iuris in hanc solam mors habet atra nihil.
Hic igitur studia & uitam moresq; pudicos
Dicemus simul & tristia fata uiri.



Prætarim equidem, si ita Deo Opt. Max. uisum fuisset, ut uiuo potius Doctori Sebaldō Munsterer, optimo & doctissimo uiro, eam, quam pro ipsius uirtute, atq; ingentibus erga nos & hanc scholam meritis debeamus, obseruantiam & gratitudinem præstare possemus, quàm mortuo hunc qualemcunq; honorem habere. Neque enim parua merita hæc schola fecit, uiri tanti interitu, nec mediocri uulnere omnes boni acciperunt, orbatu hoc tam fideli consiliorum & laborum socio, & amico sincero ac iucundissimo.

Nos quidem hic acerbissimus casus tanto luctu ac mœrore afflixit, ut uix quidquam in uita tristius nobis acciderit. Sed cum Deo uisum sit, hoc tempore animam ipsius ex illius corpusculi sepulchro, & his mortalitatis tenebris euocare in lucem suam cœlestem, nos nostra quidem causa dolere possumus, quibus huius uiri dulcissima

cissima consuetudo adempta est: Illius autem uicem si
doleamus, parū fortasse pie id facere uideamur, in eoq̃
diligendo magis nostrā q̃ illius utilitati seruire: Nam
sacre literę nos prohibent queri de eo, quod Deus de ui-
ta aut rebus nostris uel amicorum statuit, cum constet
eius uoluntatem ut immutabilem, ita clementem ac pa-
ternam erga nos esse. Et adeo præclare cum illis agitur,
qui hoc præsertim tempore uitam cum pia morte per-
mutant, ut qui illorum interitum grauius doleat, magis
sua, quā illorum causa id facere, magisq̃ seipsum q̃ il-
los uehementius diligere uideri possit.

Sed cum in tam tristi casu lachrymas tamen tenere
non possumus, & illa commiseratio à natura animis no-
stris infixata sit, ut dictum est à Poeta:

Sunt lachrymæ rerū, & mentem mortalia tangūt.
ignoscet id nobis Deus, quod subito hominum charos-
rum interitu commouemur, & imbecillitati potius no-
stræ illud quā diffidentia adscribet. Non enim id eō
facimus, quod de benignissima diuini patris uoluntate
erga illos uel nos dubitemus, aut quod male cum illis
agi putemus, qui humanis rebus eximuntur, hoc est, in-
finitis ærumnis ac miserijs liberati, in illam cœlestem
patriam transferuntur: Sed quia uel hunc affectum, ut
dictum est, nobis à natura tributum, non facile exuere
possumus, uel hoc officium amoris & beneuolentiæ il-
lis præstandum ducimus, quorum nobis memoria me-
rito grata & iucunda est, uel eum honorem uirtuti illo-
rum deberi censemus, quibus nullus honor tribui non
debitus potest.

Et si igitur inane hoc nostrum uel studium uel officiū
uideri potest, & ob eam causam in reprehensionem for-
M m iij tasse

tasse quorundam incurreret, nos tamen nō pigebit hanc qualemcumq; benevolentię & gratitudinis significatio- nem prebuisse, in eorum saltem morte utcumq; decoran- da, quibus nullam aliam gratiā referre iam possumus.

Olim adolescentes, ut ingeniorum aut industrię spe- cimen aliquod exhiberent, propinquos in funere pro- rostris laudare solebant, multisq; id laudi fuit, & ille uer- lut primus aditus ad noticiam & famam hominū atq; honorem habitus est. Ego uero mihi non aliquam ex hac re ingenij laudem capto, quōd intelligo, quā in me uel nullum, uel perexiguum sit, uerę eloquentię, quę in id ætatis hominem ne quidem cadere potest, ni- si quis, officij hanc laudem, aut obedientię esse putabit, quam equidem non repudio. Scio enim q̄ nullum sit maius ornamentum adolescentię, quā uerecundię & obedientię laudem. Sed quia mihi hæc uelut fune- bris oratio instituta est, omissa longiore præfatione, ad rem ipsam, ut potero, accingar.

Ac primum de moribus & uita Doctoris Sebal- di nil attingere puto, ut pluribus dicam, cum ea maiori par- ti uestrum nota sit. Scitis enim eum his lenioribus uirtu- tibus, modestia, temperantia, iustitia, uerecundiā & in- nocentia summe ornatum fuisse, his ille ducibus uitam placidissime exegit, utq; uixit nulli mortaliū molestus, ita & mortuus est. Ingenium illi fuit mite ac placidum, dixisses hominem ad humanitatem & mansuetudinē, quasi diuinitus sculptum & factum. Hanc ipse naturę le- nitatem studio quoq; & meditatione tuebatur, summa diligentia cauens, ne quod duriter à se aut asperè non modo fieret diceretur ue, sed ut & in aspectu, incessuq; & omni deniq; animi corporisq; habitu ac motu eandē suauitatem

suauitatem ac lenitatem conseruaret. Et si, ut est, uere-
cundia recte ornatus uirg, & custos omnium uirtutum à
Cicerone dicitur, hanc ille uirtutem uel potius uirtutum
omnium reginam ac moderatricem inde usq; à puero
in omni uita & actione illibatam summa cura retinuit.
Adeo ut nonnullis parum animosus, & ob eam causam
ad id genus doctrinæ, quod tractabat, minus idoneus ui-
deretur, at ille non tanti ducebat ullum ad plausum, ut
propterea uerecundiæ septa transilire uellet, non enim
profanæ multitudinis iudicio, sed recta ratione, quid
deceret metiebatur, atq; si etiam peccandum esset, ma-
lebat iuxta regulam Isocratis in hanc *ἢ* illam partem
peccare: minus enim turpe putabat plusq; conueniret
timidum se *ἢ* impudentem iudicari. In reliqua uero ui-
ta & moribus nihil erat illo pudicum magis, nihil ab
omni turpitudine remotius. Et quod in talibus ingentijs
accidere solet, quæ ad humanitatem & clementiam cū
natura ducuntur, tum uero per omnem uitam ad suefa-
cta sunt, ut sint, *ἡδινότατα* & ad omnes illos leniores mo-
tus, ac præcipue *σοφίας* molliora, ita quoq; Doctore Se-
baldo nihil erat magis *φιλόσοφον*, nihil amore & bene-
uolentia in suos profusius.

Sunt nonnulli, præsertim ex Sattapis illis, qui errore
mentis eam fortitudinis laudem ducunt, si uel erga uxo-
rem & liberos duriores sint, uel saltem esse uideantur,
lædi suam existimationē rentur, si quod erga suos amo-
ris aut beneuolentiæ signum ostendant: Sed ut apud Eu-
ripidem Amphytrio præclare dicit, se paruorum nepo-
tum curam non adspernari, sed illos secum uelut *ἑφολ-
κιδας* manu ducere, seq; hoc officium uiro bono di-
gnum iudicare, Ita Doctor Sebaldus in optimam coniti-
gem &

gem & dignos tali patre liberos clementissimum se ac benignissimum præbebat parentem, ita tamen, ut nihil prius nec antiquius haberet, q̃ ut liberi ad pietatem, uirtutem, ac optimarum rerum studia erudirentur. Et atq̃ tur eius domus, quædam modestiæ ac uerecundiæ, & sanctissimæ disciplinæ schola.

Res familiaris illi, ut scitis, non ampla fuit, imò ne mediocris quidem, sed tenuis, & penè affecta, planèq̃ talis, qualem Salomon à Deo optat, cum ait: De mensum meum da mihi. Atqui scimus non paulo maiorem uirtutem esse, re modica & sua contentum uti uere: fortu-
nam, qualescunq̃ à Deo contigit, bonè consulere, eaq̃ pie ac honestè uti, non inhiare alienis facultatibus, ne-
mini intidere, nullius cursum impedire, quam ingenti-
bus opibus quocunq̃ modo quasitis, splendide ui-
ui. Patrimonium ille hoc pulcherrimum & amplissimum
suis relinquere studebat, nempe, famam paternam probi-
tatis & uitæ, liberorum piam ac rectam institutionem:
alterum quidem plenissime consecutus est, alterum præ-
clare inceptum immatura mors interrupit. Atq̃ utinam
multos tales patres familias iam ciuitates haberent, quo-
rum domus, ut Doctoris Sebaldi fuit, essent uelut paruæ
quædam Ecclesiæ, in quibus Christiana disciplina ac do-
ctrina uigeret, tam procul dubio melius & Respublicæ
essent habituræ, & minus horribilium exemplorum hæc
ætas paritura.

Dixi de moribus & uita huius uiri, ut potui, breuiter
quidem, de studijs & doctrina eadē breuitate expectar.
Prima enim ætas illi acta est in his literis, quæ si ullo in
homine, in illo certe, nomen, uimq̃ suam comproba-
runt: nihil enim illo humanius, nihil suauius, nihil mi-
tius fuit,

tius fuit, aut tractabilius. Atqui ab eo effectu studia humanitatis dicta esse constat, quod, ut Cicero ait, ad percipiendam colendamque uirtutem adiuuent, atque illud *ἡδονή*, hoc est, suauitatem & mansuetudinem, in animis, moribus, & uita hominum efficiant. Ut uero alia terra cultui magis obediens est, alia minus, ita ingenia quoque alia alijs facilius flectuntur, formanturque doctrina. At Doctore Sebaldo inde usque à pueritia ingenium contigit lene ac humanum, quod postquam disciplina & literis excoli coepit, facile omnes uenustate ac suauitate morum superauit.

Deinde progressus ætate, de sententia amicorum ius ciuile discere coepit, in eiusque tractatione non quidem infœliciter, fideliter certe uersatus est. Quumque natura à litibus & strepitu fori abhorreret animus, tranquillitati & quieti natus, quique magis beneuolentiæ, quam litium iura exercere consueuisset, nō ille quidem foro prorsum abstinuit, sed tamen in interpretatione iuris ac docendo potissimum operam consumpsit, in qua re præcipue integritas ipsius, innocentia, & iusticia eluxit: Non enim ad calumniam, non ad acerbiter, non ad cupiditatem, non denique ad quæstum id studium contulit. Non igitur ille magis Iuris consultus quam iusticiæ dici potuit, qui, ut de Seruio Cicero prædicat, quæ à legibus, & à Iure ciuili proficiscebantur, semper ad facilitatem æquitatemque referebat, neque constituere litium actiones malebat, quam controuersias tollere. Hoc uero cum in omni uitam in studijs, & illo doctrinæ genere, in quo uersabatur præcipue sibi propositum habuit, ut se, quantum posset, contraheret, suoque, quod aiunt, pede metiretur, Et quod ille de Mecœnate dicit:

Nn Parcís

Parcis, & in tenues humilem te colligis umbras.
id de Doctore Sebaldo uerissime dici potuit: sua enim
forte, ut ut esset, summe contentus fuit, sublimes & splen-
didas conditiones, ut molestiarum, periculi, atq; inui-
die plenas, fugere solebat, subinde hoc subiiciens, quod
est a Poeta sapienter dictum:

Crede mihi, bene qui latuit, bene uixit, & intra
Fortunam debet quisq; manere suam.
Huius igitur noti sui prolixè compos factus, id consecra-
tus est, quod paucissimis contingit, nempe, ut & in ne-
gocijs sine periculo, & in ocio cum dignitate uiueret.
Planeq; eum uite cursum tenuit, quem cū omnes docti
ac sapientes uiri semper sibi exoptauerint, pauci tamē te-
nere potuerunt, præclare enim ille dixit, quicumq; fuit:

Fœlix ille animi diuisq; simillimus ipsis,
Quem non mendaci resplendens gloria fucq;
Sollicitat, non fastosi mala gaudia luxus,
Sed tacitos finit ire dies, & pau pere cultu.
Exigit innocue tranquilla silentia uitæ.

Cum igitur illi uitæ instituto, quod sibi certo iudicio
delegerat, prælegendi ac docendi munus maxime con-
uenire statuisset, statim ad id cœpit animum adplicare,
multumq; ea in re ingenij dexteritate, multum fide, plu-
rimum uero diligentia & assiduitate discantibus pro-
fuit. Non pauci uelut aditu ianuaq; ab ipso patefacta,
ad intima penetralia eius scientiæ fœliciter introgressi
sunt, quicq; in hac schola non infimo loco sunt inter Iure
consultos, hi se Doctori Sebaldo debere, quidquid in
ea doctrina profecerint, ingenuè satetur, ab ipsius enim
diligenti ac fidei institutione progressos, haud difficili
cursu eò quod uoluerint, peruenisse.

Id si quis

Id si quis in parua laude ponendum censeat, is mihi haudquaquam res eo quo merentur pondere meriri uidetur. Nam qui ingenia præparant, ut Reipub. possint esse usui, quiq; illud seminarium politiæ, nempe, iuuentutem fouent atq; excolunt, ut tempestiuos inde fructus ciuitates possint percipere, hi non paulo melius de rebus humanis mereri existimandi sunt, quàm qui ad ipsa rerum gubernacula sedent. Hi enim, quantum forte in uno Nestore est, Reipub. commodant, at illi decem plures uel Nestoras ex sua schola producant. Regunt hi ac tuentur unam aliquam ciuitatem, illi multis ciuitatibus gubernatores instruunt. Deniq; eorum, qui Rebuspub. utiliter præesse possent, breui uel nullum, uel per paucos habituri essemus, si docentium industria laborq; cesseret.

Etsi igitur uulgus uilem operam Reip. eos nauare putat, qui iuuentutem erudiunt, tamen si quis ista uera ratione, & pro magnitudine utilitatis expendat, intelliget nullum genus hominum non Respublicas modo, sed & Ecclesiam perinde cōtinere ac stabilire, ut eos qui primam illam ætatem sana doctrina & optimis opinionibus imbuunt, præsertim si quis cum reliqua doctrina studium ueræ pietatis ac religionis coniungit, id quod Doctorem Sebaldum enixe scimus fecisse: eam enim doctrinam, qua Christiana religio continetur, cupidissime amplectebatur, ad eamq; & studiorum suorum, & uniuersæ uitæ cursum dirigebat, à librorum sacrorum lectione quotidie sua studia auspicari, in eaq; desinere & conuiescere solebat. Et ut ipse in omni uita pie affectus erat erga Deum ac Christum, ita familiam quoq; suam, liberosq; ac discipulos ad eandem pietatis curâ summo studio nitebatur transferre. Neq; id modo sanctissimis

Nn ij cohorta-

468 LAUDATIO IN FVNERE

exhortationibus, uerum & exemplo suo, moribusq; ac uita efficiebat, quam cū pie, sobrie, casteq; exigeret, uel tacitus suis tamen calcar addebat ad eandem sanctimoniam amplectendam.

Dedit uero illi Deus, ut uitam placidam ac tranquillam, ita animū ad omnem fortunā ferendam exquisitum. Solitus erat subinde, si quid forte tristius uersant humana, accidisset, seipsum hac uoce consolari, ut diceret, se ista, qualiacunq; essent, boni consulere, quod sciret nōmen suum adscriptum esse numero sanctorum, in coelo. O uocem piā, & quam nullū aliud nisi Christo deuotū pectus potest emittere: quicq; sic affectus est, eum nulla quantumuis sæua tempestas conturbet. Et si, ut ille ait, fractus illabatur orbis, ferient impavidū ruina.

Prestitit uero erga quoscuq; potuit benignitatē homine Christiano dignam, summa uoluntate quibus potuit, & re, & consilio, & officio inservuit, omnem sibi diem perijisse ratus, quo non beneficio quoquam aliquē sibi demeruisset. Deniq; in eo ipso beneficentię cursu uitā reliquit. Nam dum eos qui pestiferi morbit contagio infecti erant, in domū suā benigne accipit, dum etiam a mensa non arceat, dum inter eorum, ac saluti consultum cupit, dum morientibus adest, dum famularum eodem morbo correptarū congressus neq; ipse nec uxor uideat, eas benigne sequens curantq; contrahunt sibi eandem luem, quā & intra paucos dies ambo consumpti sunt. Quibus quid aliqd uitam abbasisse dicamus, q̄ ipso rum fidem & benignitatem ratiū habere possunt.

Porro pietatē suā erga Christum, & fidem, Doctor Sebalduſ uel præcipue declarauit, in hoc extremo rerum situ factū, qui qualis cuiusq; antea sua uita fuerit, plerunq;

plerunque solet ostendere. Non enim illum coniugis
 optimæ & dilectissimæ interitus, quæ paucis ante ipsum
 horis elata est, non uolentia morbi ingrauentis, non
 tot paruorum liberorum orbitas, solitudo, egestas, non
 hæc, inquam, tam multa tamq̃ graua uulnera illum ab
 eo, in quo constiterat, gradu, Christianæ constantiæ &
 patientiæ potuerunt deicere: Imò insultabat ille dolo-
 ri, insultabat morbo, insultabat deniq̃ morti. Cū enim
 amici quidam cōsolandi causa ipsam adhūssent, paucis
 ante obitum horis, ostendit illis anthraces & pestifera
 hulcera quæ in manu & brachio eruperant: Et quā
 nobis, inquit, iste armille & præciolæ gemmæ placent,
 quibus me Christus meus exornauit: Cumq̃ illis hoc
 dictum lachrymas excussisset: Atqui, uos hæc, inquit,
 ne utiquam uilia ornamenta indicaueritis, cū hoc enim
 nō optaliq̃ uestitu ad cœleste cōuiuium cū Christo meo in
 perpetuum celebrandum sum iturus. Sic ad illud eternū
 præstantissimarū ac sanctissimarū animarū conciliū mi
 graturus, sic deniq̃ Deo redēptori meo placiturus sum.

Hæc uoces satis declarant, illi iam ante mortē, omnē
 sensum morbi mortisq̃ exemptum fuisse, & ipsum iam
 tum cū hæc diceret, oculis suis in illam æternam sedem
 felicitatis respexisse. Quid quid enim doloris in animo
 hæserat ex optimæ uxoris interitu, quid quid cruciabile
 uel in egrotatione, uel in morte fuerat, quicquid curæ aut
 mœroris illi filiorum orbitas afferre poterat, id uniuersū
 tolerabile sibi reddiderat, planēq̃ superauerat, quia
 se totum traderat diuinæ uoluntati.

Latus igitur ac uelut triumphans ex hac uita emigras-
 uit, imò uero ex tenebris & morte, in lucem, ueramq̃ æt-
 ernam uitam conuigrauit. Atq̃ talem quidem uite

N n iij exitum

exitum soli sancti, Christoq; per fidem uniti sortiuntur, ut de diuo Stephano præclare dictum est:

Ibat ouans animis & spe sua damna leuabat.

Hi enim soli mortem, ad cuius saltem nomen uel mentionem totus orbis contremiscit, contemnere didicerunt. Hi dolori, ægritudini, mœrori, in summis & acerbissimis afflictionibus medium unguem ostendere norunt. Sic Christus in suis cum maxime infirmus uidebatur, fortissimus uictor existit. Sic ille semel morte, peccato, & inferorum portis expugnatis, gloriosissimum egit triumphum: Sic adhuc quotidie per sanctos suos triumphat.

Sed redeo ad Doctorem Sebaldum, cuius interitus, uel potius transitus in meliorem uitam, ipsius quidem causa nobis dolori esse nō debet. Nam eo quidem tempore, eoq; statu rerum uitam reliquit, quo nihil admodum ipsum ad uiuendum potuicinnitare. Ita uero sancte pieq; mortuus est, ut tam nobis certum esse debeat ipsum iam cum Abrahamo, Dauide, diuo Paulo, alijsq; sanctis, cum Christo deniq; frui æterna sapientia, æternōq; splendore ac ueritate Dei. Hoc, inquam, tam certū nobis esse debet, quā certā ea sunt, quæ oculis cernimus, quæq; manibus palparamus. Et ut magna hæc est consolatio Christianis mentibus, cū fratres suos uident, tam felici fato defungi, sibi quoque mortem talem, & eandem æternæ felicitatis hereditatem animo proponentes, ita huic mundo Deus grauissime minatur, cum sanctos suos ad se reuocat, cum per mortem eripit ingentibus malis, quibus impios est puniturus.

Esaias ait, Iustum interire, & homines id minime considerare: sanctos colligi à Deo, nemine id obseruante. Cum

te. Cum ipsi atrocissimis pœnis, quæ sunt oppressuræ impios, morte sua liberentur, & post hanc uitam æterna quiete ac tranquillitate perfruantur, cæteros & in reliqua uita manebant horribiles plagæ, & post eam sempiterni inferorum cruciatus. Ita sub tempus excidij populi Iudaici, Deus Apostolos & sanctos suos, alios alio casu, partim ad se transferebat, partim ex ijs locis abducebat, per quæ illa horrenda tempestas itura erat. Et fuerunt hæc semper haud obscura indicia maximarum calamitatum impendentium, cum boni atq; pii paulatim suo quisq; fato sublatis sunt, ne tantum dolorem caperent ex ruina & uastitate rerû, ne ue in ipsos quoq; aliqua pars eorum fluctuam redûdaret. Non tantum enim per defectiones solis, aut lune, per stellas crinitas, per columnas ignis in aere uolantes, per alia id genus ostenta, mundo exitium Deus prænunciat, sed & per sanctorum suorum interitum, quos cum uelut triticum separat colligitq; in horreum suum, significat se paulo post incendio daturum esse paleas.

Debebant igitur saltem hæc exempla ad pœnitentiã reuocare homines, si non plane excordes, & oblessi à Satana essent. Sed nimirum uere dixit Esaias, ista non curati à mundo, ruunt in exitium suum, & quidem horribile atq; æternum, homines, non secus ac qui rabie conciti ferro ac proprijs dentibus uiscera sua lacerant, & rotas mundi tristissimum spectaculum est ista confideranti. Pii uero his exemplis fidem suam confirmant, ac uelut è propinquo spem suam contemplantur, uident iam portum tranquillitatis atq; æternæ salutis, in quem & ipsi ex hoc turbulento mari scilicet sunt ingressuri. Vident contra horrendas procellas & charybdes, quæ

impios

475 LAUDATIO FVNEBRIS.

impios sint absorptura, illos monent, multisq; cum lacrymis obtestantur, ne ita miserabiliter pereant, prædicant illis exitum, reuocant, seruare conantur. Sed surdoscantunt, neq; id tantum, uerum & pro gratia sequissimū odium, persecutiones, & dira supplicia lucrificiūt, talia & cūq; reddūt homines sanctis, reddiderūt & ante Christo salutis autori. Non igitur mirū, si ira & poenis diuinis inundat hic mundus. Nihil enim tam senū aut horribile cogitari potest, quod nō ista impietas longe exuperet.

Sed desino queri de prauitate mundi, cuius, sicut uerissime dictū est, ea est natura, ut neq; uitia sua, nec remedia ferre possit. Ad Doctorem Sebaldu redeo, de quo mihi hæc instituta est oratio, cuius interitus, & si nobis quidem luctū ac mœrorem attulerit, qui optimo uiro, fidelissimo amico, homine utili in hac schola orbatī sumus, tamē id nos uicissim consolari debet, q̄ ut illum ad eternę felicitatis sedē hinc translātū esse nō dubitamus, ita nos quoq; ubi miseris huius uitæ perfundi erimus, eodē peruenturos esse scimus, ubi cum eo, alijsq; præstantissimis ac sanctissimis uiris de rebus cœlestibus, de infinita bonitate ac sapientia Dei, & præcipue de hoc inenarrabili beneficio ipsius, q̄ Filium suum pro nobis peccatoribus redimēdis tradidit, cōmentabimur, quęq; nunc tenebris huius carnis inuoluti, obscure ac uelut per transennam cernimus, ea tunc clarissima in luce non uidebimus tantū, sed & in eternū ihs in summa leticia & felicitate perfruemur. Præclare diuus Bernardus: Mors, inquit, impiorū pessima est, quorū & natiuitas mala, & uita peior. Sed preciosa mors est sanctorū, planē inquam, preciosa, ut quę & finis laborū est, & uictorię cōsummatio, aditusq; & ianua ad uitā ac eternā securitatē. Dixi.

De laude

DE LAVDE VITAE SCHOLASTICAE

Oratio, dicta à Melchiorre Fendio, in
promotione Magistrorum



Um considero eos, qui in hunc locum ad
dicendum prodeunt, vel argumenti no-
uitate, uel eloquentia placere, animadu-
erto mihi valde opus esse humanitate atque
aquitate uestra. Nam argumentū nouum
quod quidem huic loco conuenire uideretur, nullum
reperiebam, nec per uulgatis addere aliquid splendoris
dicendo possum. Cum autem publici officij ratio in-
ponat mihi dicendi necessitatem, erit humanitatis ue-
strae, ut uos quoque equitate uestra publicum morem con-
serueris, me non grauatim audire, & orationem meam
boni consulere.

Decreui autem dicere de dignitate uitae scholasticae,
deque comparatione uestri ordinis cum ceteris ordini-
bus & uitae generibus. Neque ego non uideo quantum, quod
amplum argumentum susceperim. Sed quancūque per textum
nunc non poterit, tamē utile erit capita rerum attigisse.
Quemadmodum autem Medici in praeceptis ualitudi-
nis, monent, ut aeris qualitatem in quo uersamur, dili-
genter obseruamus; Ita magnopere conducit, genus ui-
tae intelligere, in quo uel nostro, uel alieno iudicio col-
locati sumus. Est quaedam Philosophiae pars, gradus
humanorum officiorum, atque ordines considerare & re-
cte discernere. Deinde nescio quid alijs accidat, mihi
quidem in hac fortunae tenuitate, & in his difficultati-
bus, quibus cōflictor, haec res aliquid solati affert, quod

O o hoc uirg

hoc uitæ genus, & sanctissimum & hominis nature conuenientissimum, & uitæ utilissimum esse cogito. Cum hæc bona colligo, feto æquiore animo incōmoda, quæ comitantur hanc uitam, quæ sunt plurima: Nam ad ipsos studiorum labores, accedit paupertas, quam perferre posse, magnitudo animi est non uulgaris: Adde quod superbissime contemnimur, non solum ab imperitis, à mercatoribus, à centauris, sed etiam ab illis semideis, qui regnant in aulis, propter opinionem doctrinæ aut sapientiæ. Postremo non tantum contemnimur, sed etiam in odio sumus. Hæc incommoda quàm non sint leuia, res ostendit, deterrēt enim plurimos à literis. Ego tamen non dubito ea hic commemorare, ut cogitetis fortitudinem quādam esse, inter has difficultates non abijcere literas: Deinde monebo, ut his malis opponatis uera & non fucata huius uitæ scholasticæ bona.

Initio autem præfari uolo, me nihil de dignitate cuiusquam ordinis detrahere. Non delector illa Cynica Philosophia, quæ uituperat omnes artes, omnia uitæ genera. Melius & humanius, inquit Aristoteles, ciuitatem non ex Medico & Medico, sed ex Medico & Agricola constare, hoc est, ex multis ordinibus: Quare singulis tribuo suum honorem. Sed gradus considerandi sunt, quos plerumque stulti conturbant. Sic igitur statuētis, uitā scholasticam primum necessariam esse Reipub. & maximas ad communem uitam utilitates afferre, deinde & sanctissimam ac Deo gratissimam esse, postremo etiam iucundissimam. Et quidem tantas ad uitam utilitates ex uita scholastica peruenire, tantum in hac esse ueræ dignitatis, ut quamuis titulo præstent Reges & Episcopi, tamen reipsa par sit illis ordo scholasticus.

Hoc cum

Hoc cum animo constitueritis, etiam opera danda erit, ut hanc vitam omni studio ornetis, ut fortiter labores, & omnes difficultates perferatis, quæ comitantur hoc vitæ genus.

Sed quas tandem ob causas usq; adeo laudamus vitam scholasticam? Vulgus iudicat esse ociosam vitam, atq; inde scholasticam appellarunt: Latini nuncuparunt ludos hoc conuentus discipulorum. Quid autem dignitatis in ociosa vita, aut in ludis esse potest? De his appellationibus postea dicam. Prius enim ostendam, minimū esse ocij in hac nostra militia: nec ludum esse hæc studia literarum, sed seriam inquisitionem maximarū rerum.

Dux res sunt, quibus nihil melius ac dignius habet humana natura, videlicet veritas & iusticia. Harum inquisitione & explicatio commendata est scholis. Nec vero obscurum est, veritatis & iusticiæ cognitionem maxime necessariam esse ad bene viuendum, & utilitates ad vitam maximas afferre. Non enim sine doctrina religiones coli, non leges condi aut regneri possunt. Quanto præsidio destituta esset vita, si Medicinam nemo disceret aut doceret? Quantis ornamentis carendum esset, si nemo disceret Mathematica, si nulla temporum discrimina tenerentur, si res ueteres, & historiæ mandata literis ignote essent? Horum commodorum magnitudo uobis quidem, qui in his studiis uersamini, nota est. Quare facile iudicabitis partem Reipub. necessariam esse scholas, & quidem præcipuas utilitates inde ad cōmunem vitam peruenire. Quis enim non uidet religionibus, legibus, & literis, in vita magis opus esse, quàm fabris aut cerdonibus?

Sed illud disputant quidam, Ecclesias, aulam, forum,

O o ij fedes

sedes esse ueritatis & iusticiæ, magis quàm scholas. Vo-
cant scholasticam uitam umbratilem, quod ibi in ocio
ingenia exerceantur, illic aiunt, ueritatem & iusticiam
in acie uersari. Moderati animi est, & bene instituti, reue-
renter sentire de Ecclesijs, de aulis & foro. Ac debent
quidem in illis locis regnare ueritas & iusticia. Sed con-
stat ex scholis in illa loca hæc ornamenta afferri. Qualis
enim esset doctrina in templis, si in scholis res nõ essent
agitata & illustrata? Qualis esset aulicorum consilio-
rum & fori barbaries, si non extaret quædam erudita iu-
ris doctrina? Deinde hoc interest, de omnibus magnis
rebus scholæ consuluntur, scholæ pronunciant, non
Episcopi, aut aulici, aut causidici. Postremo in scholis est
simplex studium rerum inquirendarum & patefacien-
darum. In Ecclesijs multa in popularibus concionibus
dicuntur improprie, multa etiam quia populus non
potest assequi, prætereuntur. Iam in aulis & foro hor-
ribile est dictu, quantum sit Sophistices. Itaq; sæpe mi-
hi uenit in mentem ueteris fabulæ de Astrea, quam fe-
runt pulsam ciuitatibus, postea in rure diu solitam agri-
colis concionari. Ita mihi uidetur propemodum pulsa
ex aulis, ex templis, & alijs hominum cœtibus Astrea,
hoc est, ueritatis & iusticiæ doctrina, adhuc hære in
scholis. Quare cum minus sit Sophistices in scholis q̃
alibi, cum bonis unum hoc sit studium, eruendæ uerita-
tis, summa laus esse debet uitæ scholasticæ, quæ quidẽ
imago quædam est illius beatissimi status, in quo aurea
illa ætate uinebant homines, si qua fuit, aut certe uicturi
erant, si fuisset illa aurea ætas, si natura hominum fuisset
immunis à peccati labe & à morte. Quid enim tunc fu-
isset uita hominum, nisi iucundissima quædam schola,
in qua

in qua seniores & præstantiores de rebus diuinis, de natura rerū, de immortalitate humanorū animorū, de cœlestibus motibus, de omnibus uitę officijs docuissent reliquos. In hac Philosophia, & huiusmodi disputationibus, tēpus omne cōsumpsissent seniores et iuniores. Nec aliam uitā fuisse Adę & similium principum uirorum iudico. Huius beatissimi status imago est uita scholastica.

Dixi breuissime de necessitate, & de utilitatibus, addam etiam de sanctitate huius uitę. Nullum Deo gratius est officium, q̃ ueritatis & iusticię studium & propagatio. Nam hæc sunt præcipua Dei dona, in quibus Dei præsentia maxime cerni potest. Hęc Deus præcipue conseruari postulat, imò ad hunc finem præcipue conditi sunt homines, ut alij alios doceāt de Deo & alijs rebus bonis. Ad hanc utilitatem addita est diuinitus humano generi sermonis communicatio. Quare nō dubium est, quin hoc uitę genus quod in docendo & discendo uerfatur, Deo gratissimum sit, & hoc nomine antecellant scholę templis & anlis, quia maius est studium ueritatis in scholis. Quare si quis sanctum uitę institutum querit, non abdat se in solitudines, nō putet aliud esse sacratius uitę genus, sed in his discentium conuentibus maneat, hic conetur bene mereri de genere humano, doceat alios, & sciat hoc officium prodesse ad conseruationem & propagationem optimarum rerū, erudiat ambigentes conscientias, respondeat de iure, deq̃ omnibus uitę officijs, inquirat rerum naturam, morborum remedia, causas mutationū in natura, motus & effectus cœlestes, preparet iuuentutem ad maiores artes, enarret historias, mandet literis res gestas, illustret artes. Hęc quisquis facit, Deo gratissimū cultum præstat, et de genere humano

præclare meretur: Conseruat enim doctrinam utilissimam uitæ, format mores, iudicia hominum, retinet pacem, mitigat multa mala publica. Tale uitæ genus non solum præstat monastico, sed uere diuinum est.

Cicero reprehendit Platonē, q̄ dixerit Philosophos tamen si abstineant à Reip. administratione, tamē iustos esse, propter hanc ipsam magnarū rerum inquisitionē. Sed Plato rectissime sensit. Est enim iusticia, suū quæque officium facere, & fructū eius officij conferre ad cōmunem salutem generis humani. Id maxime facit Philosophus, qui religiones, rerū naturam, causas omnium honestorum officiorum, leges explicat, & has res diuinas cæteris impertit, artes illustrat aut docet, deniq; qui ueritatis & iusticiæ doctrinā conferre ad aliorū utilitatem studet. Nec putemus melius mereri de genere humano, uel causidicos aliquos qui in foro controuersias, aut exponunt, aut dirimunt, uel ediles qui pontes aliquos faciūt, uel mercatores, qui iusto precio res utiles important. Recte igitur Plato dixit, iustos esse Philosophos, qui doctrinam utilem uitæ tradunt. Non gessit Magistratus Isocrates, sed consilijs suis gubernauit Imperatorem laudatissimum Timotheum, & formauit ingenia multorum, qui postea in Repub. Principes extiterunt. Nec melius de Repub. meritus est Aeschines causidicus, q̄ Aristoteles, qui & si nec Magistratus gessit, nec causas egit, tamē Alexandrum, & multos alios Principes finxit ad iusticiam & beneficentiam. Deinde hodie etiam bene meretur de Repub. reliquit monumēta utilia ad religiones & leges interpretandas, parit Medicos, & iudicia multorum format, qui in foro & negocijs uersantur. Aso Iurisconsultus gubernauit magnā Italię partem. Nec tamen minus de Repub.

de Repub. meretur Barrolus, qui in schola tantum uixit: Philippus Medicus Alexandri exercitum secutus est, ac Regē ipsū in gēti periculo liberauit. Neq; tamē minus de Rep. meretur Galenus, qui nullū exercitū secutus est, sed in schola assedit & scripsit doctrinæ suę monumēta.

Cum igitur non aliud uitę genus utilius sit generi humano, aut magis necessarium, aut sanctius, q̃ uita scholastica, satis intelligi potest, hunc esse præstantissimum uitę gradum. Hac uera laude moueri bona ingenia decet, ut magis ament uitam scholasticam, & adhibeant studium & diligentiam dignam tanta professione, & ornent eam optimis moribus. Quid est enim turpius, q̃ quod multi in scholis ita degunt, primum, ut non intelligant suum officium: deinde, ut hoc ocium literarum collocent in turpissimas uoluptates, & sumant sibi licentiam omnium scelerum, quasi scholę non ueritatis & iusticię, sed petulantię officinę essent. Quo animo homines pij ueniunt in templa ad facienda sacra, eodem animo uos quoq; in scholas accedere oportuit: Hic enim res diuinę tractantur. Et magna cura adhibenda est, ut nostra sacra recte faciamus, ne nostra inscitia, aut aliqua alia culpa artes corrumpantur. Non minus piaculum est, corrumpere artes, quā ceremonias in templis contumelia afficere. Ideo scholis nomen inditum est ab ocio, ut Respub. testetur, se liberare nos à fordidis operis, ut dediti esse rebus diuinis possimus. Adidit etiam premia, sicut militibus. Etsi autem utilitates sunt exiguę, & si indocti non solum contemnunt, sed etiam crudeliter oderunt literas, tanquam uincula cupiditatum suarum, tamen Deus non patitur omni no deesse præmia docentibus literas, & discantibus.

Et quo

Et quo melius quæq; Respub. constituta est, eo est erga studiosos liberalior. Interim nos decet Philosophico animo fortunę iniquitatem ferre, & intelligere causas, quare optime quęq; res maxime sint sprete vulgo. Dein de incommodis etiam opponamus commoda, uidelicet dignitatē professionis, & sanctitatem, postremo etiā iucunditatē. Itaq; de hac etiā pauca adiiciam, uidelicet nullū uitę genus iucundius esse, q̃ uitam scholasticam.

Omnes sanē mentes incredibilem uoluptatem percipiunt ex ueritatis cognitione: Nam ad hanc aspiciendā maxime conditi sunt homines. Hanc uoluptatē in scholis multę causę augent. Primum enim magna ibi artium uarietas est. Omnium disciplinarum professores esse solent, qui consuli possunt, in qualibet arte. Est & frequentia discipulorum, in qua magna dissimilitudo est ingeniorum & iudiciorum. Quare nostras cogitationes cū multis conferre possumus, audire quid alij iudicent, imitari meliora exempla. Hic enim est illa apud Hesiodum laudata contentio, de qua dicit, uicinū à uicino ad diuitias properante, inuitari. Ideoq; apud Euripidem uere dictū est, Communicatione opinionū in magna frequentia repertas esse artes. Et Cicero ait, magnam uim in discendo habere studium conferendi, quod συζησιον uocat ipse. Et Salomon ait: Ferrum ferro acuitur, ita uir excitatur à uiro. Significat enim tum admoneri ingenia collatione consiliorum atq; opinionum, tum exemplis excitari. Propter has tantas utilitates libet in hac frequentia uersari studiosos conuenit. Postremo natura fit, ut similes delectentur similium consuetudine, maximeq; hi, qui similibus artibus dediti sunt. Ipsa etiā celebritas delectat animos, iuuat uidere bene compositos choros docentium,

docentium & discipulorum. Nullum acroama dulcius est
quàm audire de optimis rebus, de quibus omni uarietate naturæ,
de Repub. de religionibus, quid alijs peritiores sentiant.
Vetus est dictum: Extra Vniuersitatem non est uita. quo
significabant iucundissimam esse uitam in scholis. Id di-
ctum opinor ortum esse ab eruditibus & prudentibus, qui
intelligebant, & quantam hæc consuetudo & commu-
nicatio sermonis uim habeat, & quantam pariat uolu-
ptatem. Delectat bonos & uirtus illorum, qui liberaliter
impertunt doctrinam alijs, qui ex animo consulere posse-
ritati conantur. Etsi autem in tanta infirmitate humani
generis nullus est ordo, nullum uite genus prorsus sine
uitio, tamen in scholis minus aliquanto est fuci, odiorum
& aliarum malarum artium, quàm in alijs multis uite generi-
bus. Primum enim doctrina liberalis flectit mediocria
ingenia ad uirtutem. Nec ferè quisquam adeo est ferrea
natura, ut literis & mediocri disciplina non aliquanto
fiat mitior. Est autem multo iucundior consuetudo cum eru-
ditis, qui causas omnium honestorum officiorum intelligunt,
quàm cum indoctis, quorum iudicia multis in rebus dissident
a nostris. Deinde illud affirmare ausim, eum qui in stu-
dijs assuescit ad amandam & inquirendam ueritatem,
amare candorem ac simplicitatem etiam in moribus & in
uita. Sed doctrina Sophistica deprauat uoluntates, trans-
fertur enim calumniandi studium ad mores. Ut autem
quisque est studiosissimus, ita maxime incensus est amore
ueritatis, & Sophisticen odit acerrime. Dulcissimus autem
conuiuius est cum eruditibus & candidis, qui prospiciunt
quid deceat, & certa quadam ratione moderantur omnes
actiones, & animi impetus quasi freno regunt. Itaque nec
dulciores, nec firmiores sunt amicitie, quàm Philosophicæ,

P p hoc est

hoc est, eruditorum amicitie, & societate studiorum contrahere. Jam eregione confer ad hęc scholastica sodalitia, cōsuetudines cū illiteratis, in quibus etiā si qui boni uiri sunt, tamen minus suauitatis habent congressus cū illis, quia de doctrina nobiscū colloqui nō possunt. Ne Leliū quidē & Scipionis amicitia tantū suauitatis habuisset, si fuissent *deuotior*. Sed angustia temporis non finit nos omnia uitæ scholasticæ cōmoda colligere & illustrare.

Hęc autem recensui, primum ut adolescentes intelligant & ament uitæ genus in quo uersantur: Deinde cogitent, quanta uicissim requiratur ab ipsis diligentia, quanta in omni officio moderatio, ut hoc uite genus ornēt. Literati in summo fastigio rerū humanarū collocati sunt. Quare, ut muneri omniū difficilimo satisfacere possimus, adhibenda est acerrima cōtentio animorū in docendo. Est & sanctissimū uitæ genus, & Deo gratissimū, cōseruare & propagare doctrinā uite utilis. Sciamus igitur Deo pœnas daturus illos, qui moribus suis dedecorant scholas, qui nō conferūt aliquid operis, ad doctrinę cōseruationē. Postremo iucundissima est uita scholastica. Quare digni odio sunt, qui uelut Cētauri aut Lapithę tumultuātur in scholis, & tranquillitatē uniuersi cōtus interturbāt, disciplinā soluūt, qua soluta, dissipari societate necesse est. Sunt & boni ad hortādi, ut hęc cōmoda in cōspectu habeant, eaq; opponant incōmodis, quę multos abstrahūt à literis: plus ualeat apud bonos dignitas literarū, & publica utilitas, q̃ iniqua uulgi iudicia, q̃ odia tyrannorū, q̃ paupertas. Sic affectos esse indico hos iuuenes, qui eo gradū petierūt, ut se publice obligarent ad defensionē literarū. Iure igit hūc aim eis gratulamur, eosq; utilitatis honorib; ornādos esse cēsuimus. Dixi.

De Grae

DE GRADIBVS ORATIO

Phil. Melan.



Otus est Ennij uersiculus de ueteribus moribus conseruandis :

Moribus antiquis res stat Romana uirisq;. Idem profecto in re literaria prestitit seruari in faciendis gradibus discentium, qui non mediocri prudentia à maioribus instituti, nunc errore quodam hominum, qui uidentur conspirasse ad abolendos semel omnes ueteres mores, delendamq; uniuersam ciuilem disciplinam, antiquantur. Neq; ego nunc suggestum conscendi digladiaturus cum eo genere, tantum adolescentes commonefacere decreui, quò consilio & olim gradus instituti sint, & quantũ ad communia studia literarum momenti adferret illorum conseruatio. Est autem ad eam causam opus mihi æquitate uestra auditores, plerosq; enim tantum fastidium cepit istius moris, ut tantum nõ totam Anticyram putent destinandam esse his, qui titulos istos graduum decerni sibi postulant. Ab his pro meo iure peto, ne nos ex hac schola exhibilent, ne explodant, priusquam orationem nostram cognouerint. Nam pronunciare, cũ nondum cognoueris causam, id uero est iniusti & barbari iudicis. Et ego me sanis omnibus satisfacturum esse in hoc negotio recipio.

Est quædam in puerilibus ingenijs infantia & imbecillitas, quæ non sufficit pluribus artibus simul discendis, sed sensim per gradus quosdam, ad grauiiores artes traducendi sunt pueri, dum ad fastigium artium perueniunt, hoc est, dum parauerint sibi scientiam non stulte

P p ij de rebus

de rebus humanis iudicandi, & mediocrem quandam sermonis copiam, ad docendos alios, demonstrandamque vim, naturamque uirtutis. Et quemadmodum non statim cibis durioribus ora infantium satis firma sunt, sed lacte diu aluntur, postea præmanso cibo, donec grandescant: Ita pinguißima quæque facillimaque deliguntur, quæ infirmæ primum ætati tradantur, deinde ordine disciplinæ reliquæ. Itaque prudentes uiri in scholis descripserunt classes quasdam puerorum, ut secundum ingenij uires alij alijs disciplinis adhiberentur. Et in sua quisque classe, tanquam intra septa detineretur, ne imparatus, & tanquam sus in rosas irrueret ad obscuriores artes. In hunc modum gradus quidam facti sunt adolescentium, ut primum Grammatica, Dialecticaque traderentur, quæ primæ artes, planissimæque sunt. Vbi uidebantur has perdidicisse, non temere ipsi ad Physicam, aut alias artes irrumpebant. Sed præceptores explorabant uires adolescentium, qui si probarentur, admitterebant ad reliquas disciplinas. Nuper adhuc hoc seruabatur in scholis, ne quis attingeret Physicam, aut Mathematica, nisi antea in Grammaticis & Dialecticis diu multumque uersatus. Postea præceptorum iudicio tradebatur ulterius, & primus ille gradus à Lauri bacca nomen habuit: Erant enim honesto titulo pueri ornandi. Postea Physicam, Mathematica, Ethica percipiebant, nec saluabantur hæc à limine tantum, diu immorabatur iuuentus, dum penitus cognosceret, dum longouso iudicio confirmaretur. In his tanquam præludijs grauiorum disciplinarum cum iam satis uiderentur exercitati, præceptores permittebant, ut sacra, aut Medicinam, aut Ius publicum attingerent, ad quas disciplinas usum puerilium

liam literarum magnum & acerrimum iudicium uolebant adferre. Itaq; prius explorabantur hic etiam uires adulescentium, Magisterium fecerunt Classi titulum. Profecto plurimum refert, quomodo instruantur, præparenturq; ad seueriores disciplinas adulescentes. Non sunt longe petèda exempla, nostri seculi morem uideamus. Statim ubi in publicam scholam missi fuerint adulescentes, putant sordidi ingenij esse, diu hære in Grammaticis, aut similibus nugis, properant alij ad sacra, nulla linguarũ, nulla dicendi scientia antea parta, nulla humaniorum acciuium morum cognitione, discunt inepte rixari de sacris rebus, nec ad uitæ usum comparant. Volo ego quidem omnium atatum, omnium uitæ partium esse religionis studium, sed ea proponantur pueris, quæ assequi possint, quæ pietatem alant, quæ mores forment, non unde petant rixandi materiam.

Quid de alijs professionibus dicam? In iure discendo uideas uersari, qui nullum porsus usum aliarum literarum habent, cum tamen illud ipsum ius ex Philosophorum, ac Rhetorum literis, tanquàm ex fonte ortum sit. Iatricæ uero manus ad mouere, nisi Physicem didiceris, est sine pennis uolare. Nam clinica illa medicina tota ex ea Philosophiæ parte nata est, quæ elementorum cognitionem, motus uarietatem, corporum naturam tradit. Porro dum hoc modo non perpoliti puerili doctrina irruunt ad seueriores artes, infirmo iudicio literæ omnes, artesq; fœde conspurcantur. Et quia ex literis rerum publicarum status comparantur, fit, cum parum sani pro concionibus & in iudicijs regnum gerant, ut uarie quassentur Respub. Profecto satius erat nullas literas attingere, quàm hoc modo tractare. Diu erant pueri

Grammaticis, Dialecticis, ac Rhetoricis alligandi. Multum temporis postea collocandū erat in Mathemata, & reliquā Philosophiam. Vbi maturuisset iudicium, tum erant adhibendi ad eas artes, quibus Resp. gubernatur.

Græci agricolæ, cum viderent maturefcere segetes cito tantum temporis spacio, non colonorum opere, aut soli natura, dixerunt: Annus producit, non ager. Cūq; animaduertissent sæpe immaturas segetes demeti magno dāno, & fructū laboris superioris perire, prouentū uniuersum soli tempori tribuere, & patienter expectari uoluerunt iustū messis tempus. Ita mihi in singulis partibus literarum, temporis habenda ratio uidetur, ut & admoveantur ad eas artes adolescentes, quibus ingenij infirmitas adsequendis par est, & tantisper detineantur in his, donec maturuerit iudicium, nec messem properent facere ante tempus. Et quia facile iuuenilibus animis obrepit satietas presentis studij, ut in eo detineri diu sine magno negotio nō possint, ideo gradibus tanquam caueæ includendi uidentur. Vbi omnibus animi uiribus cogantur in unum aliquod, ac certum negociū, quantum satis est, incumbere. Est omnino, ut de alijs omnibus rebus, utiliter præceptum, *ἑκάστῳ τὸ προσήκον*. Ita in studijs nō aliud perinde refert, q̃ ne intempestiue properemus. Nunc sit, ut cū uarias disciplinas perueniatur sine ordine, sineq; ratione, nullā penitus cognoscant, nullāq; de re prudenter iudicare queant. Et ut erroneos nullos certos lares habent, nusquam domi sunt, & ut inquit Martialis, Quisquis ubiq; habitat, maxime nusq; habitat. Ita illi, cum tamen omnibus disciplinis sint hospites, nullam habent familiariter notam. Neque enim fieri potest, quemadmodum reliquit scriptum Xenophon,

phon, ut qui multa simul facit, omnia rite faciat, nec sufficit animus iuuenilis varijs ac diuersis studijs. Hoc in consilio fuit autoribus graduum in scholis. Neque ego nunquamquam esse puto tam impudentem, qui hanc rationem damnare ausit. Quid enim in studijs conducibilis est ordine: hunc classibus gradibusque factis conseruare conabantur. Vos etiam adolescentes, ut quanta fide potest fieri ac religione, detis operam, ut in discendo, iusto quodam ordine utamini. Nam hac confusanea discen-

di ratione, nisi Deus aliquis opem tulerit acci-

sis rebus, uereor ne res humanæ

funditus euerantur.

Dixi.



ORATIO DE STUDIIS ADOLESCENTUM, habita cum titulus Baccalaureorum decerneretur quibusdam, & scripta à Vito Vuinsenio.



Irabitur fortasse aliquis, quid nobis in mentem uenerit, ut hunc morem publice decernendi istum primum scholasticum gradum, tot iam annorum spacio intermissum, ac uelut exoletum, hoc potissimum tempore in scholam reuocaremus. Et forte non deerunt qui consilium hac in re nostrum ut ociosam peregrinam, uel inanem ostentationem irridebunt, quibus in presentia nihil attinet respondere, cum uiris honestis ac prudentibus

dentibus hoc nostrum institutum probari non dubitemus. Sed tamen ut adolescentes & de gradu ipso honorificentius sentiant, & hec studia magis ament, ac pluris facienda ducant, decreuimus utraq; de re, nempe de hoc gradu & utilitate examinum, atq; de his primis artibus paucis in hoc confesso dicere. Non enim leues aut negligenda fuerunt causa, quæ viros bonos ac doctos monerunt, ut hunc patulum & perdetustum Academiae morem, nec sine grauissimo consilio à maioribus institutum, reuocatum ac reuertendum cuperent. Quemadmodum enim primis illis scholarum parentibus necessarium visum est, hac examina, & discendi ordinem instituere, ita nostri præceptores has suas esse partes iudicauerunt, operam dare, ne quod tale exercitij genus in schola desideraretur, & si quid ex his ad tempus prolapsum aut intermissum foret, ut id rursus instauraretur, & quantum eius fieri posset, conservaretur. Quorum nos auctoritatem secuti, non curiositate quadam, neq; enim ita ocio abundamus, nec propter ostentationem aut ambitionem, cum nostra tenuitas nobis non sit ignota, sed ut utilitati scholæ & discipulorum commodis pro nostra uirili parte consuleremus, hoc officium publice promouendi Baccalareos liberalium artium suscepimus. Quamuis enim hic primus gradus uerius puerilis quidam ludus, q̃ res seria uideri possit, usu tamen compertum est, tantam eius utilitatem esse, ut non parum ad officium & fidem eorum qui præsunt, pertinere uideatur, operam dare, ut in schola non retineatur modo, sed & q̃ maxime uigeat ac frequentetur. Nam primū si spectabimus utilitatem, quam affert consuetudo examinum, præsertim huic ætati, in cuius præcipue gratiam hi primi gradus insti-

us instituti sunt, tantam eam comperiemus, ut nulla amplior nec uberior in schola possit esse.

Quanti enim refert, quod examina discendi curam acuiunt, studium, uigilantiam, ac sollicitudinē augent, & ad omnia quæ traduntur diligentius obseruanda ac perdiscenda alacriores & excitatiores reddunt. Metuit enim pro se quisq; ne quid se fugiat, quod tenere oporteat. Tum ut accuratius perfectiusq; omnia excutiat ac peruestiget, eadem hæc sollicitudo stimulat, cum sciat si bi omnia dictata reddenda in examine, & perspicue explicanda esse. Hic metus acerrimus est *ἡ γοδόντης*, ad discendi laborem, ac uigilantiam animos accendens urgensq;, qui si absit, uidemus quàm frigide ac somnolose studia tractentur: Verum examen cura & sollicitudo apud aliquem excubans, non finit eum obdormiscere, sed expergeficit, ac uelut sedulus & acer patefamiliās instat & urget, ut suū studiorū pensum persoluat. Quapropter hæc ex multis causis una fuit ueteribus instituendi examina & gradus, ut his uelut calcaribus incitarent discentes. Recte monuit Fabius scripta euoluenda esse cum tali sollicitudine, quasi nos ipsi ita scripturi uel dicturi simus, quod ita fiat, ut uigilantioribus oculis omnia lustremus, nihil nobis elabi patiamur, quod obseruatu dignum sit, & ad omnes uirtutes scriptorum expendendas attentiores reddamur. Idem in consilio fuit his, qui examina instituerunt, nempe, ut circumdarent curā discantibus omnia plenius & exactius cognoscendi, ut aliquid integri ac solidi perciperent, nec uagabundi in studijs oberrantes, extremis tantum labris uaria degustarent, hincinde concisas sententiolas, & mutilata membra uenantes, quod nunc à multis fieri uidemus,

Qq qui cum

qui cū excutiantur, ita stupidi atq; ignari, ut turpe sit, deprehendantur. Dum enim in hoc uno studium omne suum consumunt, ut fragmenta quædam ex scriptoribus colligant, sit, ut nullius rei integrā ac perfectam cognitionem consequantur: à quo uago & inutili labore examina discantes uelut in certam uiam reuocant. Nec ad non necessaria & inutilia respectare sinunt, sed in ijs, quæ necessaria sunt, ordine quodam discendis continent. Parit uero istam in discendo diligentiam precipue hæc sollicitudo, cum scimus nobis in examine uelut rationem reddendam esse eorum quæ tradita sunt, & magis se intendunt animi in ea, quæ ipsi tanquam nostra alijs exponere atq; explicare cogimur, & illæ ipsæ imagines magis euidenter in animis lucent, ac firmitus defiguntur, quas ipsi de rebus doctrina perceptis tractatione & oratione effingimus atq; exprimimus. Nam quæ auribus tantum haurimus, aut ex lectione percepimus, ea tanquam umbre per somnium obseruantes incerta hærent, & facile inde fugere atq; excidere solent. Quorum uero ceu uiuas imagines commentando atq; agitando impressimus, ea uelut altius actis radicibus hærent tenacissime, nec euelli se aut excuti facile patiuntur. Est enim commentationis atq; agitationis uis maxima in omni re, plene perfecteq; percipienda ac discenda, sine qua auditionis & lectionis fructus sterilis ac prope nullus est. *ov^utrous* autem, ut uere dictū est, omnia potest, & agitando atq; inquirendo omnes artes inuentæ ac excultæ sunt, estq; ea uel sola omnis doctrine effectrix. Quemadmodum enim leonū fœtus informes ac mortuos ædi memorant, & deinde longis parentum uociferationibus uiuificari, ac spiritum recipere, ita primi fœtus inge-

tus ingeniorum, hoc est primæ imagines quas de rebus
uel auditis uel lectione perceptis, concipimus ac gigni-
mus, mortuæ sunt & informes, quæ deinde dum crebro
de ipsis cum alijs colloquimur ac cōmentamur, ab ipsa
niua uoce & tractatione ceu uitam & perfectam formā
recipiunt. Et uere dictum est ab Aristotele, Id primum
certum signum esse, quod aliquis quidpiam recte sciat,
si de eo ipso loqui & alium docere possit. Eam gratiam
debemus examinibus, quæ uelut uita sunt studiorum, si-
ne quibus lectio omnis & meditatio mortua est. Huc
accedit quod ijs multi errores temere concepti & hæ-
rentes in animis corriguntur, eximuntur opiniones fal-
sæ, quæ uel per atatem, uel ex aliqua fallaci specie, uel
institutione corrupta, uel artium præceptis male intelle-
ctis accommodatis uel in animis hæserunt. Et ob hanc
præcipue causam ea a ueteribus instituta uidentur: non
enim adolescentū studia temere ac sine lege fluere, sed
huic examinum censuræ subiecta esse uoluerunt. Neque
enim eos fugiebat omnes artes peccando disci, & ut fer-
tiles agri multum gignunt spinarum atq; inutilium her-
barum, quibus subinde sunt repurgandi ac sarriendi,
idem etiam ingenijs & quidem fecundis solet accide-
re, sepe enim fit, ut falsas rerum imagines pro ipsis rebus
adprehendant. Et quemadmodum Ixion cum nube
concupiscens, cum putaret se Iunonem amplecti, Cen-
tauros gignit, sic ex falsis umbris, quas pro ipsa ueritate
consecramur & arripimus, prodigiosæ opiniones na-
scuntur, quæ nisi mature, & antequam altius radices ege-
rint, animis euulsæ sint, in perniciosos Ecclesiæ ac Reip.
errores deinde erumpunt. Nam ut lolio, tribulis, lappisq;
& alijs id genus infellicibus herbis succrescentibus, se-

getes opprimuntur, ac præfocantur, & sterilescent agri, ita à falsis opinionibus, si confirmantur, nec mature eximantur, atq; ijs uelut repurgentur mentes, ueritas opprimitur & expugnatur. Ad id uero non est aliud aptius remedium, q̃ examina. His enim explorantur ingenia, si quid adhuc deest, ijs ostenditur, si quid uitij aut erroris hæsit, corrigitur atq; euellitur. Estq; hæc uelut sarritio studiorum, ita necessaria, ut si omittatur, non modo uera ac solida doctrina nulla possit constare, sed ipsius loco infiniti errores succrescant: Ut raceam quod illæ communicationes & colloquia etiam facundiam alunt, & afferunt quandam animis constantiam, ut & accipere ac intelligere ea quæ proponuntur possint, & apte ad quæ sita respondere. Videmus enim nonnullos serio de re quapiam interrogatos ita perturbari, ac uelut attonitos obmutescere, ut uix animi compotes esse uideantur. Eorum deinde, si quid forte discendo etiam consecuti sunt, nullus usus esse potest. In hoc enim omnis studiorum fructus ponitur, ut expromere, in lucemq; proferre, ac replicare id ipsum quod scias possis. Ut enim occultæ Musicæ, ita mutæ atq; infantis doctrinæ nulla gratia est. Examina uero ut iudicium formant ac limant, animos confirmant, acunt ingenia, ita linguam quoq; expeditiorem efficiunt, celeritatē quandā cogitandi, & promptitudinem respondendi afferunt. Magna hæc quidem sunt, sed est & alia non minor utilitas examinum, quod coercent ac cohibent cursum studiorum intra certos limites: adolescentes enim nisi intra certa uelut septa contineantur, ceu naus in medijs fluctibus rectore destituta, ita ipsi incerto cursu fluctuant, & si quid etiam instituant, id nullo ordine tractāt. Vnde operā illis omnē in discendo

discendo consumptam perire necesse est. Et gignunt plerumque hæc tumultuaria ac uaga studia uanam persuasione[m] eruditionis, qua nihil nocentius est, ea deinde inflati tument, cum de rebus omnibus indoctissime ac stolidissime iudicent: Cum ea enim inscitia coniuncta esse solet insignis arrogantia ac pertinacia, unde fit, ut plerunque tales Rebus pub[licis] uel Ecclesijs præfati tumultibus deinde omnia misceant. His malis tantis medentur examina, & quod maximum est, uanam illam persuasionem doctrinæ, atque arrogantiam, animis eximunt, qua non est alia pestis cum rebus omnibus, tum uero præcipue studijs perniciosior. Sæpe enim aliquis cristas tollit ante tempus, & putat se iam uel nouem artium liberalium Magistrum esse, qui cum examine excutitur, si nihil aliud, hoc certe tamen docetur, quod adhuc minus sciat, quam ipse se scire putabat, & isto stulto ac pernicioso errore liberatur. Quanto uero ingenia foecundiora sunt, ac magis præcocia, tanto plus ab hac peste periculi est. Videmus enim *φύλαξις* foelicissima pleraque ingenia in medio studiorum cursu corrumpi, ac uelut in herba enecari, dum sibi iam nimis placere incipiunt, se ipsos & sua impense admirantur, attollunt supercilia, quibusuis iam se preponunt, quosuis præ se contemnunt, fastidiunt iam hæc iam illa, censuram sibi de dogmatis sumunt: nulli amplius præceptores, nulli propemodum libri aut scriptores tam emunctæ naris iudicio satisfaciunt. Admoneri autem se aut doceri, pro indignissimo ducunt, statim coarguti excandescunt, quid nisi non enim labi posse aut errare uideri uolunt. Non Tygrides atrocius, aut infestiore ira, pro catulis depugnant, quam illi pro suis erroribus defendendis. Quid hos facturos

Qq iij putemus

putemus, ubi sic affecti ad Reipub. aut Ecclesiæ gubernacula accesserint, & auctoritatem ac potentiam aliquam cum isto supercilio & inscitia cōiunxerint: Ecquos nos unquam homines audistis perniciosiores Ecclesijs aut Rebuspub. extitisse? Atqui talis arrogantia & alitur & confirmatur in animis, si nulla agatur de studijs censura, ingenia nō explorentur coarguanturq; nec moneantur quid adhuc illis desit, et q̄ longe adhuc absint ab eo gradu doctrinæ, ad quem iam enasisse sibi uidebantur. Quapropter si nihil aliud utilitatis afferrent examina, uel ob hanc unam causam tamen in scholis retinenda erant: Quod duabus maximis pestibus studiōrū, quæq; plerūq; cōiunctæ solent esse, medentur, nempe, ignavia, & arrogantia: ad eximendum enim torporem, excitandam somnolentiam, uix aliud calcar est acutius & efficacius. Deinde ne nobis ipsis immodice placeamus, aut ultra nidum, ut aiunt, pennas extendamus, salutare est uitia atque errata nostra nobis ostendi, & ad suæ fieri nos, ut patienter feramus nos redargui ac corripi, ne proptinus omnia somnia nostra exoseulemur, & pro oraculis adoranda ducamus. Quæ uana persuasio nisi corrigitur, perniciosissimos deinde errores parit. Narcissus in fabulis Poëtarum, dum nimium sese amat, contabescit, peritq; & ipse & illa falsa imago, quam tanto pere deperibat, & nunc mutatus in florem, monet nos, sero florens, ne nimis mature & ante tempus sapere incipiamus, ne ue nos aut nostra nimis amemus atq; admiremur. Quod cum in omni ætate odiosum est, tum uero in adolescentia prorsum intolerabile. Nam ut ab usu rerum solidaq; ac perfecta doctrina & sapientia hæc ætas adhuc longissime abest, ita has res non potest sibi arrogare sine

gate sine summa turpitudine ac uanitate. Vt enim uuæ & poma non in nere, nec in æstate maturescunt, sed in autumno primū, paulo ante hyemem, ita doctrinæ fructus ingrauescente ætate, ac paulo ante hyemem, hoc est, iam senectute instante, primum solent maturescere. Et ut uuæ ac poma ante tempus decerpta, nec esui sunt, nec ulli alij ului idonea, ita ingeniorū immaturi fructus acerbi adhuc sunt, & salutare est adolescentibus ostendi, quā nunc primum florere, aut rubere cœperint illi fructus, necdum maturuerint: & moneri, quo cultu, quibus auris & solibus, & qua benedictione diuina adhuc sit opus, ut læti ac maturi, talesq; fructus proueniant, quibus Respub. & Ecclesia deinde salubriter possit uti. Hoc efficiunt examina, quæ cuiq; quousq; progressus sit, & quid uiæ adhuc restet, ostendunt, ne se iam metam superasse putent, cum uixdum septis excurrerint. Cum igitur quædam modestiæ ac disciplinæ officina sunt, tum uero etiam ad *κοινωνίαν*, hoc est, studiorū communicationem mutuam atq; in cōferendo & disceptando facilitatē, humanitatemq; adsuafaciunt. Quidam enim in his congressibus magis sunt intractabiles ac morosi, q̃ homines doctrinæ studijs exultos decet. Alij porro sublimi arrogantia subnixa suam, si qua est, eruditionē ceu Regum Persarum mysteria celant, & sola maiestate ac tenebris tutam censent, cū nihil promant, nihil quidquam de suo in medium proferant, cum nemine communicent. Hos si excutias, inuenias plerunq; inanes, & hoc est cur examinari atq; excuti tanto pere fugitant, metuunt enim, ne de sua autoritate aut existimatione plusculum amittant, si se aperiant. His permittamus ut aliorum opinione magni doctiq; sint, sua maximi ac doctissimi tu

mi tumeant quàm uelint, & uel ranæ Aesopicae exemplo cum tauris certent, donec ad summum inflati crepent. Qui rectius mente ualebunt, hi non errare magis uolent, quàm uiam doceri, atq; examina & istos congressus ut saluberrimos studijs atq; utilissimos magnificient, quodq; poterunt de suo quoque ad ea tanquam ad aliquod magnum publicum bonum conferent.

Diximus de examinum utilitate & si ea tanta & tam multiplex est, ut nec in hac temporis angustia, neq; à me homine ad dicendum minime instructo satis commemorari possit. Nostris uero temporibus iuuentus his forsitan magis etiam opus habet, quod hæc atas, ut alijs in rebus à legum uinculis libera uult esse, & magis q̃ credo antehac ulla, contumax ac freni impatiens, ordinisq; & discipline contemptrix est, ita artium quoq; præcepta respuit atq; adspernatur. Quorum utrum nocentius sit, haud facile dictu fuerit, cum alterum Rerum pub. alterum artium ac doctrinæ ruinam trahat. Quæ duo, nempe leges & doctrina, ut foedere quodam inter se iuncta sunt, simulq; & florere & intercidere solent, ita cū sunt labefactata immani barbarie ac uastitate, omnia inuolui necesse est. Quo maiore cura & contentione uiros honestos his præsentibus malis, quæq; his haud paulo grauiora impendere uidentur, omni genere remediorum occurrere decet. Nec leuiter hæc examina ad disciplinam conducunt, licentiam temporum nonnihil reprimunt, discendi curam augent, & certa lege atq; ordine studia gubernant, atq; ad ea discenda adigunt, quibus religio moresq; boni, ac uera & solida doctrina continetur. Nam ea quæ ad hunc gradum institui solent examina, non solum Grammaticæ & Dialecticæ exercitia sunt, sed quædam

quædam etiam hæc hæc Ecclesiasticæ doctrinæ. Exiguntur enim rudimenta pietatis ab adolescentibus, & si quæ parum commode opiniones de religione forte perperam hæserant, animis euelluntur, atque aduersus multos noxios errores pectora manant. Quod quam opere precium sit, his præsertim temporibus, non satis dici potest. In hac enim tanta securitate hominū & incursu ac negligentia religionis, necesse est hanc teneram ætatem quoque uelut publica contagione infectam, profanam, ac pietatis contemnentem fieri, quæ cū sit seminatium Ecclesiæ ac Rerum publicarum, & in hoc ueteris huius sæculi tantoque contempe religionis succrescat, satis adparet, quod horribiles tenebre ac tenebras posteris nostris sit exceptura. Cum aliocui, quemadmodum semina ac plantarum singulos annos degenerare solent, fatis quodam omnia successu temporū in peius trahente, ita homines quoque singularem ætatem deteriores hactenus ac semper superis seculi ingenio & moribus longe degeuerare uideamus. Quare ut agricolæ arte ac diligentia, dum quotannis maxima quæque manu legunt, illi seminum mutationi medendi student, ita uiros honestos quosque cum suorum temporum uitis pugnare oportet, quod nisi fiat, omnia breui in præceps totura uideamus. Ad eundem modum nisi totis uiribus resistatur horum temporum negligentia atque inertia, metuendum est, ne ad posterum magna ex parte & religionis doctrina, & ceteræ quoque disciplinæ sint interitura. Nam Ecclesia, non iam dicam de alumnis uel discipulis, Doctores certe non est habitura, & dispensatores mysteriorum Dei, cum ita negligatur uerbi diuini tractatio. Deinde qualem putemus militiam in superioribus disciplinis futuram, cum

R. in his

in his primarum artium rudimentis nullum sit tyrocinium. Non igitur debet prætermitti ulla occasio, qua utcumque rerum tantarum ruina falciri ac prohiberi possit. Examina uero utrumque præstant, foveant studium Ecclesiastica doctrina, & ad elementa pietatis perdiscenda adigunt adolescentes, nec ea prorsum negligi aut intercidere patiuntur, & harum primarum artium Grammatica ac Dialectice rudimenta conservant. Scimus autem quam difficulter ad ea discenda compellantur adolescentes, propterea quod, ut uere Fabius dixit, plus habent operis quam ostentationis. Neque obscurum est, quam harum artium cognitio necessaria sit, ad quodcumque omnino genus doctrinae aspirantibus. Et quam non infeliciter modo, sed & turpiter superiores disciplinas tractent, qui hæc fundamenta neglexerunt. Quid enim in quacumque alia disciplina efficiet, qui sermonis uim ac proprietatem ignorabit? Quomodo ille scripti alicuius sententiam uenabitur, cum uerba & eorum structuram non intelliget? Quam prodigiosa somnia finget, cum ita cecidia lapsus, orationis sensu destitutus, sententiam uelut in tenebris palpanis prehensabit. Rebus quoque eum destitui necesse est, quem oratio & uerba, quibus res sunt inuolutæ ac proditæ, destituunt. Recte igitur Grammatica nutricula dicitur omnium artium ac disciplinarum, & illi cetera laudem, hunc honorem & gratiam nutritionis libenter tribuunt. Sumunt enim ab ea unaquolibet certum ac proprium orationis genus, & arcant ac repellunt à se eos discipulos, qui Grammaticæ ubera prius non suxerunt. Quintilianus requirit uel præcipue nutricis operam in formando pueri ore ac lingua, multoque deligi non indifertam, & fabularum ac historiarum non

rum non ignaram, quæ cum primo lacte simul puram orationis genus, & quædam liberalioris doctrinæ elementa instillare possit. Quæ uero nutricula potest ad hæc efficienda magis idonea esse, quàm Grammatica? Format hæc fingitq; os pueri tenerum, ad suæ facit ad sermoneis genus proprium ac certum, poematum atq; historiæ noticiam tradit, & illo primo lacte eloquentiæ ac grauioris doctrinæ pectora alit, subigit, præparatq; ad capiendam uberiorem ceterarum disciplinarum cultum. Non igitur tenuis aut ieiuna est eius opera, sed uel præcepta & ex omnibus maxime necessaria, et si id in speciem minus adparet. Nam quemadmodum fundamentis nixa sunt & fulciuntur ædificia, quæ si parum firma sunt, perit omnis edificandi labor ac sumptus, & tamen ea neq; conspicua sunt nec magnificentia aut splendore ædificiorum quidquam addunt, ita harum primarum artium cognitioni ceu fundamento inniuntur omnes ceteræ disciplinæ, & si ipsæ per se minus habent splendoris aut ostentationis, hoc tamen iuris ac dignitatis obtinent, ut sine ipsis nullū genus doctrine disci recte possit, uel tractari. Nam quæ monstra gignent in alijs artibus, qui sermonis, quem Grammatica tradit, ignari erunt? Quàm uero prodigiose iudicabunt, & quas Chimeras, quos Hippocentaurus fingent, ad quamcunq; disciplinam prouent sese, qui Dialectice subsidio destituti, neq; rem obscuram desuntendo explicare, nec ambiguam uidere aut distinguere, nec totam in partes suas distribuerent, nec ordinem ullum, aut consequentiam rerum intelligent. Nihil firmi nec ipsi discere, neq; alios docere poterunt, usq; deq; incertis certa, uera falsis misceant necesse est. Commemoratam quàm noxijs tales deinde

non enim
Rr ij homines

homines Rebuspub. ac Ecclesijs soleant esse, & quàm
 saepe ingentium tumultuum atq; cladum autores extia
 terint, nisi id usu atq; nostrorum etiam temporum expe
 rientia nimis notum esse arbitrarer, & angustia tempoz
 ris me id facere prohibet. Quapropter iam finē faciam,
 adolescentes ad horror, ut istum discendi ordinem, quē
 per hos gradus ueteres descriptum uoluerunt, & exami
 na, quorum tam multiplicem utilitatem esse uident, nō
 contemnant, sed statuunt eos qui ista instituerunt, usu
 atq; aetate plus uidisse, & fidelissime doctrinæ studijs ac
 Rebuspub. consultum cupisse. Dissoluti ingenij est, cū
 sanctissimis maiorum institutis ac moribus pugnare, &
 nullas leges, nullum ordinem nosse, temere omnia ci
 traq; rationem administrare, Cyclopicum est. Quē plus
 quàm barbarica uita, quia nostro seculo nimis placet
 hominibus, uidemus quàm multis ingentibus malis la
 borent his temporibus res humane, quantaq; sit omniū
 propè rerum perturbatio ac labefactatio, & q̄ non pau
 lo grauiora, nisi Deus singulari clemētia prohibeat, im
 pendere uideantur. Ut enim in concentu, si uox una ab
 harmonia dissideat, ceteræ omnes dissonare incipiunt,
 totaq; symphonia perturbatur, ita si una aliqua in re a le
 gibus disceditur, consequitur alijs quoq; in rebus infin
 ita perturbatio atq; dissipatio ordinis ac disciplina. Qua
 propterea minima quidem contemnenda sunt, præser
 tim si ad ordinis conseruationem pertinent, et absq; illis
 maiora teneri non possunt. Neq; uero sine his primis ar
 tibus ulla doctrina constare potest, & hi gradus atq; exa
 mina hunc studiorum artiumq; ordinem conseruant,
 prohibentq; confusionē ac perturbationem. Porro qui
 ab his artibus probe instructi, ad superiores disciplinas
 accedunt

accedunt, hi foeliciter in illis deinde uersantur, et fructus studiorum suorum liberrimos percipiunt redduntq;. Est enim hæc prima ac puerilis institutio, uelut flos omnium deinceps prouentuum, quos redditura sunt ingenia,

Si bene floruerint (inqt Ouid.) segetes, erit area diues,

Si bene floruerit uinea, Bacchus erit.

Si bene floruerint oleæ, nitidissimus annus,

Poma quoq; euentum temporis huius habent.

Dixi.



ORATIO CVIVSDAM STUDIOSI DE
capta & direpta urbe Roma, Anno

1527.



Tsi intelligebam eos qui hoc loco promore scholæ fictas fabulas agunt, multo minus oneris sustinere, quàm qui ueras causas tractandas suscipiunt, tamen me, non fiducia ingenij, quod sentio quàm sit exiguum, sed magnitudo doloris perpulit, ut hunc in locum non fictum argumentum ex ueteri aliqua tragœdia, sed historiam adferrem nimis quàm ueram. Sum enim dicturus de crudelissima urbis Romæ direptione, & deploraturus indignissimum casum ciuitatis, omnium reginæ atq; dominæ. Etenim cū nemo tam ferus sit, tamq; prorsus ab hominis sensu alienus, qui non acerbissime ferat indignam patriæ, quæ genuit, quæq; educauit, fortunâ, quo tandem animo nos accipere urbis Romæ interitum

R. iij atq;

atque excidium decet, cum ea urbs una in terris fuerit
 omnium gentium communis patria: Ego profecto nō
 minus illius calamitate commoveor, quā eius ipsius
 oppidi, quod me primum nascentem excepit, aduersis
 rebus perturbaret. Cum igitur esset hoc in loco mihi pro
 more dicendum, non potui, cum esset animus dolore
 occupatus, alia de re orationem instituere. Vbi dolet, in
 quiat, ibi manum habet: Quare cum assiduo uersare-
 tur ob oculos eius urbis direptio atq; incendium, quæ
 nobis leges, quæ religiones, quæ omnes honestas disci-
 plinas tradidit, denique à qua plura beneficia, quā ab
 ipsa patria, in qua quisq; genitus est, omnes accepimus,
 coegit me magnitudo doloris, de fortuna urbis, deq; mi-
 ferrimis temporibus queri, præsertim in hoc coetu, apud
 homines doctissimos, qui intelligunt quantum huic ur-
 bi, ex qua litere, & humanitas huc importata est, omnes
 gentes debeant. Quod autem de capta Troia Virgilius
 præfatur:

Quis cladem illius noctis, quis funera fando
 Explicet, aut possit lachrymis aquare labores? up
 ego multo iustus usurpem: Nulla est enim tanta elo-
 quentia, quæ atrocitatem huius rei pro merito exponere
 possit, quæ uel explicare queat, quantā ruinam omnis
 um optimarum rerum, huius unius urbis euersio secum
 trahat. Quid ullo seculo accidit indignius, quā quod
 ille ipse exercitus, qui à Cesare in Italia, ad salutē omniū
 bonorum, ad custodiendam urbem, Imperij arcem, col-
 locatus erat, illi ipsi urbi nefariam uim, contra optimi
 Principis Caroli uoluntatem, contra disciplinæ milita-
 ris leges, contra auspicia, contra maiorum exempla, in-
 tulit. Est enim liberandus culpa Cesar, qui etiam si iustus
 de causis

decañtis Romano Pontifici irascitur, tamen hoc exitu
 victoriae minime delectatur. Neq; enim obscurum est,
 eum natura ad clementiam moderationemq; duci & a
 crudelitate abhorrere. Et cum maiores suos nomen ac
 titulum Imperij in hanc nationem à servata urbe Ro-
 ma intulisse videat, dubitari non debet, quia in illorū
 intitus exempla, intelligat omnes Imperij opes ac vi-
 res ad huius urbis salutem defensionemq; maxime con-
 ferendas esse, & ab illa vim atq; vastitatem depellen-
 dam. Quam multos numerare potest, cum imagines
 aeternas aspexerint, qui turbulentissimis tempestatibus ur-
 bem Romā maximis terroribus liberaverint, qui quan-
 quam periculosissimis bellis domi implenti, tamen ne-
 lar ad patriam defendendam hac summa uirtute accu-
 rerint, quia in huius unius urbis periculo periclitati o-
 mnium gentium salutem existimabāt. Huc adde, quod
 nullius Regie familiae, si quis omnes numeret, plura cle-
 menter aut pie facta recenseri possunt, q̃ Austriacae. Et
 maiorum suorum adeo non dissimilis est Carolus, ut
 quantum omnes Imperij magnitudine antecedit, tan-
 tum etiam uincat clementia. Quod enim in ulla histo-
 ria factum clementius legitur, q̃ quod inimicissimū Re-
 gem, à quo bellum contra ius gentium motum erat, cap-
 tum in acie, non modo dimisit incolumem, sed etiam
 deuinctum affinitate, in regnū restituit? Tantam cle-
 mentiam ac bonitatem nulla humana uox pro dignita-
 te predicare atq; ornare potest.

Longe igitur fallitur, si quis in tale ingenium tantam
 iracundiam cadere existimat, ut ullas quamuis magnas
 iniurias hoc modo ulcisci uoluisset uideatur. Ille uero
 priuatum dolorem, uel urbi ipsi, à qua Imperij nomen
 habet,

habet, uel tot sanctissimis aris, uel aliarum gentium, quæ suas Respub. sine huius urbis cōsilio tenere nō possunt, utilitati condonasset, quamuis iratus, si licuisset ei præfēnti, rem subitam minimeq; expectatam regere ac gubernare. Quare Cæsar nullo modo in hac oratione accusandus est, qui exercitum in Italia ad custodiam tranquillitatis publicæ habuit, non ad latrocinium exercendum, non ad euertendam urbem Imperij arcem, nō ad prophananda templa, nō ad diripiendas bibliothecas, non ad trucidandos sacerdotes, nō ad uirgines & honefias matronas rapiendas. Hæc cū omnia tegi suis armis, suoq; exercitu Imperator ueller, exercitus, ut sæpe aliàs accidit, contra disciplinā militarem, cōtra fidem Imperatori datam, auaricia, ad diripiendam urbem opulentissimam, quam sine præsidio esse animaduertērat, incitatus, omnia diuina atq; humana iura uiolauit. Hos latrones optimo iure accuso, qui iniussu Imperatoris sine legitimis ducibus, urbem Romam inuaserunt. Finge iustam causam fuisse Romæ inuadendæ, tamen seditio est, sine legitimo Imperio impetum in quenquam facere. Quid autem tam contrarium militiæ est, quàm seditio? quia hanc unam ob causam, iure gentium bella geruntur, ut coerceantur hi qui per seditionem, sine Magistratuum autoritate, arma capiunt. Non igitur milites uocandi sunt, qui iniussu Imperatoris urbem expugnaverunt, sed quoniam ius gentium commune uiolauerunt, hostes non modo Imperij, sed uniuersæ societatis hominum. Romani aliquot Imperatores alij in filios, alij in Principes ciues capitaliter animaduertērant, quia iniussu Imperatorum, cum legitimis hostibus prouocati pugnassent, fuitq; tanta disciplinæ sæueritas, ut hostium

stium loco haberentur, qui preter Imperatoris edictum, gladium strinxissent. Quanto iustius hostium loco duccendi sunt isti Cares, qui inauditam crudelitatem iniussu Imperatoris aduersus inermes exercuerunt? At quam tandem ob causam sauitum est in urbem? Quia pecuniam non numerauit auaro atque crudeli exercitui. Quid aliud causae latro dicat, cur uiatorem occiderit? Olim Gallos propemodum iusta ira pertraxit ad urbem: Nam Legatus Romanus contra ius gentium in acie pugnauerat. Isti latrones nihil causantur aliud, quam pecuniam non esse datam, quam flagitant. Non igitur tentata urbs est, quia Pontifex esset alieno animo erga Caesarem, quia Gallis & Venetis esset æquior. Nihil in gratiam Caroli susceptum est. Auaricia & amplissimæ prædæ spes, perpulserunt, ut transgressi Apenninum, maximis itineribus summa celeritate confectis, ad urbem properarint. Nec dierum aliquot inedia, nec hostis à tergo, et ab lateribus remoratus est iter, sic accenderat omnium animos præde cupiditas. Hec si iusta causa oppugnationis uideri potest, non intelligo. Cur non omnes latrones excuset præde cupiditas? Si hæc iusta bellandi causa in terris est, nihil obstat iam, quo minus in urbibus unusquisque inuadat in ædes locupletiorum, si quidem ex præda ius existimandum erit.

Sed non disputabo subtiliter de causa, nec patrocina-
bor Pontifici, in quem culpa confertur. Nulla ne igitur in uictoria moderatione utendum fuit? Nullum ne discrimen sacrarum ac prophanarum rerum habendum? Quis tam crudelis unquam uictor fuit, etiam apud Ethnicos, qui non abstineret uim à templis? Augustinus scribit Gothos, cum cepissent urbem, non modo à Christianorum
S s . . templis

templis uim abstinuisse, sed etiam his donasse uitam; qui eo profugerant. Tanta nominis Christiani reuerentia apud Barbaros illos fuit, qui doctrine coelestis ignari, nomen tantum Christianorum audierant. At isti sacris legi quas aras, quod sacellum reliquerunt intactum. Et accepimus non tantum omnia fana spoliata esse, monumenta sanctorum uirorum preciosiora, & thesauros ad publicam utilitatem totius Italiae ibi conditos, direptos esse, sed etiam caede & alijs sceleribus prophanata esse, decantatae sunt per ludibrium sacrae cantiones. Ita nulla non contumelia affecta est religio Christiana. Quid Turcae aliud faciunt expugnatiss Christianorum urbibus? Quam uocem Poetae, qui dixit: *Non minus uocem* Nulla fides pietas quibus qui castra sequuntur. Quae uox si unquam alias, nunc maxime usurpari potest. Nunquam enim antea capitis urbibus perinde polluta sunt ac prophanata omnia sacra. Nunquam aure in Germanico milite notata est auaricia, nunquam sacrarum ac diuinarum rerum similis contemptus fuit. Sed cum alijs in rebus continentior ceterarum nationum militibus haecenus fuit, cum singulari religione uim a sacris rebus abstinuit. Nunc autem o Diu immortales, quam dissimilis hic exercitus maiorum nostrorum fuit; quam longe degenerauit a ueterum modestia? Maiores nostri nihil praeter uictoriae laudem cupiebant domum reportare, itaque nec priuatorum fortunas diripiebant, tantum abest, ut attigerint res sacras. Nec procul exempla continentiae requirenda sunt. Quis toto Veneto bello, a Maximiliani exercitu unum oppidum audiuit direptum esse? Nemo profecto. Et Maximilianus ipse cum esset in puniendis delictis lenissimus, tamen in

men in vindicanda auaricia militum acerrimus fuit. Etenim cum in eo bello capta Vincentia, quidam iniussu suo in aliquot ciuium aedes prædandi causa impetum fecissent, statim totam illam cohortem oppressit, & plures ducentis securi percussit, ut eo exemplo ostenderet, non oportere victoribus iniustos licere.

Habes Carole Cæsar autum exemplum, quid de exercitu iudicare te oporteat, qui auaricia corruptus, omnia diuina atq; humana iura violauit. Et haud scio, an doceat nostris hominibus contagio Hispanorum: hos, ut timeor, noue discipline magistros habent. Ab his tanq; lanistis auariciam crudelitatemq; discunt.

Non minus a se sacrilegium est, bibliothecas, q; phana diripere. Non enim inter sacras res aut diuinas recensenda sunt aurea uasa, quibus in ceremoniis nostris utimur: & non recensendi sunt libri, qui coelestia oracula, qui doctrina religionis, alias honestas artes diuinitas ostendit generi humano, continent. Neq; uero usq; bibliothecæ cupletiores sunt illæ, q; fuerunt Romane. Hæc omnis generis scriptores ex toto orbe terrarum, magna cura bonorum Pontificum, conuecti sunt. Huc nuper adeo, quicquid reliquum fuit literariæ suppellectilis in tota Græcia, importatum est. Hæc monumenta cum æterna esse debuerint, tamen furore militum aliqua ex parte corrupta dicuntur. Et haud scio, an impia flamma per urbem uagata, bibliothecas etiã attingerit. Oia autem nullo unq; seculo reparabilem. Quot religionis nostræ interpretes, qui præterea nusq; extant, quot aliarum optimarum artium auctores amissos arbitremur. Quis non uehementer doleat tot seculorum labores, tot nocturnas uigilias à doctis hominibus ad utilitatem posteritatis lucubratas, in hæc fortunam incidisse?

Statuas aut picturas elegantes magnorum uirorum magno cum dolore amittimus, quas uel propter artis bonitatem, uel propter memoriam eorum quos repræsentabant, si fieri posset, æternas esse optamus.

Quanto magis dolere debemus tot ingeniorum interitum? quæ non modo propter scriptorum pulchritudinem miramur, sed etiam propter utilitatē amamus: Neque enim retineri Respublicæ sine honestarum artium cognitione, & sine libris possunt. Cum igitur arma geri debeant, ad regendas omnes pacis artes, uidere quantū scelus isti latrones admiserint. Qui quæ armis defendi in primis oportuit, ea noua & inaudita amentia dissiparunt, atque euerterunt. Hæc cum in urbibus bello captis, non aliter atque templa, sacra symbola, aras, boni Imperatores semper conseruari iusserint, isti odio, credo, religionis Christianæ, non ueriti sunt impijs manibus lacerare ac perdere. Non est autem obscurum, quantū detrimenti acceperit Respub. bibliothecis illis dissipatis, quæ in Ecclesiasticis dissensionibus, tanquam oraculum consuli solebant: ex quibus publici legū libri, præterea omnium bonarum artium, emendabantur. Neque uero studia literarum sine literis ac libris emendatis florere possunt: Quæ si extincta fuerint, quæ barbaries, quæ religionum confusio, quæ ciuitatum perturbatio apud omnes gentes secutura est: Non igitur ad unam urbem hæc calamitas pertinet, sed ad omnes gentes, quæ retinere religiones ac studia bonarum artium sine Romanis bibliothecis non possunt. Neque uero impune erit istis latronibus, tot scelera in unius expugnatione urbis perpetrasse. Videt hæc Deus, inspector atque arbiter omnium humanorum consiliorum atque factorum, Hic ulciscetur contumeliam

hiam templis, libris et similibus monumentis religionis illatam, non aliter atq; de Rege Assyrio supplicium sumpsit, qui sacra uasa Hierosolymis allata prophanauit. Neq; illa uox Baptistæ cuiusdam, quem Romæ aiunt & antea ciuibus hanc cladem, & postea uictoribus minaturū esse, sine numine emissa uidetur. Legistis enim, ut opinor, dixisse Baptistam illum, futurum, ut rapta undique spolia breui reuomant. Neq; enim diu tolerare Deus sui contemptum, superbiam in rebus secundis, crudelitatem in imbecilliores, potest. Non enim possum hic dicere, qualem carnificinam in tota urbe exercuerint. Nec libet commemorare raptas à complexu parentum uirgines, non abstractas à maritis honestas matronas, non mactatos senes ac sacerdotes. Quanta enim fuerit in urbe licentia audacissimorum hominum, inde æstimari potest, quod duodecim diebus, nullos habuit exercitus, militari more, Magistratus. In tot dierum ἀναρχία tranquilla alioqui ciuitas, nihil non mali ab urbana multitudine pertulisset. Quanto atrociora necesse fuit accidere, ab armatis & uictoribus? Est enim uerissimum illud, quod apud Euripidem Rex quispiam dicit, Nullo non incendio sæuiorem ἀναρχίαν exercitus esse. Nusquam audiui mus aut legimus in ulla ciuitate capta, tantā licentiam exercitus uictoris fuisse, ut tot diebus nullis Magistratibus regeretur aut coherceretur.

Accepimus & ante Romam captam esse, primum à Gallis, deinde post multa secula à Gottis. Verum, multo grauius hoc tempore afflictā uidetur. Galli enim tantum in desertas aedes sæuierunt. Ciues partim in capitolum se receperant, partim Veios profugerant, intenti in occasionem rei bene gerendæ. Non arcem urbs, non Im

perium, non Magistratus, non sacra, non cetera ornamenti-
 ta amisit. Postea Gothos quamquam ex longinqua ob-
 sidione irati uehementius essent, legimus ita moderatos
 esse in uictoria iram, ut edictum etiam propositum fuerit,
 ut parceretur his qui in tēpla Christianorū cōfugerant,
 & ut quibus sine eade diriperetur. Atqui hoc tēpore tantū
 absuit, ut à sacris rebus abstinerent uictores, ut nō cupi-
 dius assunde prædati sint. Cades facta tota urbe miler-
 rorum cinis: Bona ciuitatis pars incendio deleta: Stu-
 dia omnium honestarum rerum quæ ibi floruerunt, ar-
 mis conterrita, obmutuerunt. Abolita sunt & hæc, quæ
 si mansissent, instaurare collapsam orbem potuissent,
 reteres Magistratus, leges, forma iudiciorum.
 Iustus igitur hic dies qui fuit pridie nonas Maij, eo
 enim proximo anno urbs capta est, inter actos q̃ Allien-
 sis numeretur. Ac uereor futurū, ut ad posterorū hic dies
 multo uerius Allienus uideatur illi urbi fuisse, q̃ ullas
 alius: Neq̃ enim facile se ex tanta calamitate urbs recrea-
 bit. Ac uide quantum distet ab exēplis ueterū Germanorū,
 huius exercitus facinus. Carolus primus depulsis ab ur-
 be Longobardis, à uastitate urbē atq̃ Italiani prohibuit.
 Otho primus liberauit eam Berengarij tyrannide. Et ut
 multa omittā, fortissimus ac sapientissimus Princeps, auus
 Carole tuus Maximilianus, quanto consilio Gallum du-
 centem maximū ac fortissimū exercitū ad urbē, irritatū
 atq̃ accessum odio Iulij Pontificis, inde usq̃ à Rauenna,
 ubi maxima pugna exercitū Pontificium uicerat atq̃ su-
 gauerat, ad ultimam Galli oram, in Belgicam retraxit,
 nequa clade urbs ab irato uictore afficeretur. Nunc autē
 o temporum labem, ille ipse exercitus, quem Cæsar uni-
 uersa Italia præsidio esse uoluit, inauditam crudelitatem
 in urbe

in urbe principe totius Italiae, in dō totius orbis exetouit;
Non exempla ueterum Germanorū, nō dignitas urbis
nō ingentia beneficia collata in omnes gentes, flexerūt
eos ad misericordiam. Quis non doleat usq; adeo de for
matam esse eam urbem, quae olim rerum, ut inquit Ver
gilius, pulcherrima, Princeps Imperij omnium gentiū
fuit, quae una exempla plura uitae protulit, q̄ omnes
ubiq; aliq; ciuitates, quae nobis legēs, quae licetas, quae reli
giones, quae humanitatem, quae omnes honestas discipli
nas, quae deniq; omnem bene uiuendi rationē nobis tra
didit, ut hanc urbem semper tanq̄ cōmunem patriam
omnium gentium homines coluerint. Nonne tota urbis
meritis, etiam si quid peccasset Pontifex, condonari de
buit. Nunc Pontificis peccatū furiosus exercitus patrici
dio iudicat, dum sceleratas manus ei urbi iniicit, quae
nobis omnibus pro patria esse debet. Longe enim plura
beneficia ab ea unusquisq; nostrū accepit, q̄ ab eo loco,
qui nascentem primū excepit. Ad hanc urbem omnes
controuersiae omnium gentium delatae sunt. Haec tan
quam in excubijs semper fuit ad retinendam religionē.
Hoc semper in terris doctissimorum hominum domici
lium fuit. Haec fugientes omnes honestas artes ex Græ
cia exulantes excepit. Hic nuper omnes bonae discipline
tanquam renatae sunt: Hinc in omnes terras propagate
sunt, non aliter atq; semina frugum in totum terrarum
orbem, à Triptolemo sparsa sunt. Ingratos homines,
qui si hec beneficia intelligunt, nullā putant se sic meren
ti ciuitati gratiam debere. O amentes, si nō intelligunt,
Nonnulli odiose colligunt urbis uitia & incōmoda,
quē inde ad alias gentes peruenērūt. Sed est a sturi hoīs,
quod dolet meminisse, qd̄ placet obliuisci. Hoc erat hu
manius,

manius, commoda agnoscere, & tam multis benefactis incommoda condonare. Quæ, qualiacumq; sunt, talibus certe remedijs corrigi nō poterunt. Nemo dubitet parricidij esse reum, qui patri, leuiter deliranti oculos effodiat, aut præcidat manus. Quid igitur hoc aliud est q̃ parricidium, tam atroces pœnas de patria propter nefcio quæ errata sumere? Itaq; miseret me non modo fortunę urbis, sed etiam aliarum gentium: Magnam enim ruinam bonarum rerum apud omnes nationes, hic urbis casus, ut uereor, trahet. Nisi respexerit nos Deus pro sua summa bonitate, & horum malorum, quę impendent, remedia ostenderit, uos quōq; existimo, cum interitum nobilissimę urbis, dolere, tum impendentium malorum metu, perturbari. Etenim cum coli patrię honoribus ab omnibus debuerit, tamen à nobis maxime, qui lingua ciuitatis utimur, quiq; plura q̃ uulgus, beneficia ab illa accepimus, id fieri debet. Ius nobis cum uulgo commune est, studia optimatum artium, non sunt communia, quę longe antecellunt alijs omnibus humanis rebus. Vos igitur uere Quirites, quoties tam funestam luctuosamq; patrię direptionē recordamini, expendite quę à uobis officia talitēpore requirantur. Bona uulgi pars ridet Sardoniū risum in aliena calamitate, & triumphat, quasi re bene gesta, à quorū opinione longissime uos abesse cōuenit. Neq; enim intelligunt quid illi urbi debuerint, aut quid detrimenti ex eius interitu Resp. acceperit. Deinde cū in hoc misero urbis casu uidentur etiā studia literarū in quoddā discrimen uenisse, uos quod bonos ciues decet, magis in hæc studia incumbite, quę si conseruauerimus, nō desperandū est, quin urbs ipsa rursus in pristinū statū & dignitatē restitui possit. Dixi.

Oratio

ORATIO CONTRA AFFECTA-

tionem nouitatis in
uestitu.

Amet si non dubium est mihi, Auditores
Candidissimi, quin ualde uobis mirum
uideatur, quod hanc cathedram doctissi-
morum hominum cōscendere, tantamq;
prouinciam, ac onus suscipere ausus sum,
tamen, cum scholæ nostræ morem sciatis, non dubito,
quin quæ uestra haecenus erga omnes, qui in hunc locū
dicturi prodierunt, fuit humanitas ac beneuolentia, me
quoq; benigne, placideq; audituri sitis. Ego uero non de
bello Troiano, aut huiusmodi peruulgata fabula dictū-
rus prodij, Sed cum nulla uirtus perinde adolescentes
deceat, atq; modestia, cepi consilium de quadam eius
uirtutis parte dicendi. Idq; argumentū eo suscepi liben-
tius, ut si nō hic propter eloquentiam laudem mererer,
tamē mihi interea caperem, sicut ille Cytharædus dixit,
meq; ad eius uirtutis studium excitarem. Institui autem
orationem contra adfectionem nouitatis, & aliarum
ineptiarum in uestitu, quod uitiū cū sit opinione no-
centius, tamen adeo uulgare est, adeo cepit iuuentutis
animos, ut nullis neq; legibus eorum qui Respub. guber-
nant, nec doctorum sermonibus corrigi possit. Quoties
enim his nostris temporibus de hac re leges scriptæ sunt:
Quā multi graues uiri quotidie hac de re queruntur:
Sed tanta mali uis est, ut reprimi aut sanari non possit.
Quotidie nouæ formæ excogitantur: nunc placet Gal-
licus pileus, nunc Hispanicus cucullus. Alij Sarmaticis
brachis delectantur, & hæc ipsa quā uarie deformante

T t Integra

*Sibi canore
est promittitur*

Integra uestis parum digna uito esse creditur, sed sacra-
ta, & mille uariata coloribus, qualem olim scurrarum
fuisse uestitum picturae ueteres ostendunt, ea demum
plurimum habet admirationis, atq; hæc singuli quoti-
die mutant. Nullus Proteus tam uarias induit figuras,
q̃ nostri iuuenes, subinde habitum mutantes, non aliter
atq; in scena hi qui plures personas sustinent. Quamq;
igitur hoc uitium usq; adeo receptum sit, ut non adole-
scentis oratione, in qua nihil esse autoritatis potest, non
aliqua mediocri eloquentia tolli possit, tamen libuit in
argumento honesto ingenij uires experiri. Quæso autē
uos, ut pro uestro more benigne me patienterq; de ho-
nestissima causa dicentem audiat. Id si multa alia res,
tamē ætas mea à uobis impetrare debebat, quæ propter
imbecillitatem non poterit susceptū onus perferre, nisi
singulari fauore uestro animū meum confirmaueritis.

Est autem cum per se turpissima nouitatis in uestitu
adfectatio, tum hoc etiā nomine magis fugienda, quia
multas ex se alias pestes gignit, & pleraq; animi uitia
prodit atq; alia. Nec procul nobis argumenta senti-
tię nostræ petenda sunt. Etenim cum nuper hic de con-
seruandis ueteribus moribus quidam ex nostro sodali-
tio grauissime dixerit, spero me facilius hanc causam de-
usitato uestitu retinendo nobis probaturū esse. Etenim
ut in alijs publicis institutis odiosa est nouitatis adfecta-
tio, ita etiam in uestitu merito improbari debet.

Semper autem sapientissimi homines senserunt uete-
res mores, ueteraq; instituta ciuitatum ac populorū sum-
ma cura conseruari debere, quod nulla res perinde laxa
dat publicam tranquillitatē, atq; crebra legū morumq;
mutatio, non aliter atq; corporis humani ualitudinem
ratio

*capitulum atten-
tionem*

*ueteris moris
conseruandis*

ratio uictus saepe mutata labefactare solet. Eius mali uetera omittamus, nostra aetas miserabile exemplum uidit. Postquam enim pauci tantum ritus Ecclesiastici, qui iam nescio quomodo degenerasse dicebantur, abrogati sunt, incredibilis omnis diuini atq; humani iuris contemptus secutus est. Et nō modo disciplina in ciuitatibus regēdis, & Magistratū autoritas periclitari cœpit, sed religiones uniuersas, fidē, iusiurandū, & omnia uincula societatis humane laxata esse uulgo existimat. Inde cū quotidiē maximū motus in ciuitatibus existunt, cū uidistis ante bienniu luētiosum inter ciues nostros belum in uniuersa Germania exallisse. Nullū igitur uenēnū nocentius Reip. existimemus, q̄ receptorū morū mutationē, quę in uulgo licentiā, audaciā, contemptū Imperij, deniq; nihil non earū pestium, quę ciuitatibus exitio esse solent, parit. Merito igitur celebratur uersiculus ille: Moribus antiquis res stat Romana uirisq;.

Adhęc cum ueteres Dijs proximos esse credamus, nō dubium est uetustissimos mores optimos esse, quos illi scilicet maiores nostri ciuitatum conditores à Dijs ipsis didicisse uidentur. Proinde ferendi non sunt, qui honesta maiorum instituta fastidiunt, qui ueterem disciplinā soluant, qui nunc hos, nūc illos mores in patriam accersunt, qui scribunt abolerēq; leges ut libitum est. Et constat olim in Rebus pub. clarissimos ciues acerrime uetera instituta defendisse. Nam ut alia maiora omittā, Romę quoties sumptuarię leges perlatę sunt, ut maiorū more uestiret ciuitas: Cato quanta cōtentione legē Oppiam tueretur apud Liuiū, quę modū sumptibus mulierū prescribebat: Augustus cū uideret Romanos peregrino uestitu delectari, sentiens quantum in ea re mali inesset, longa

Tr ij oratione

*mutatio ueteris
morum quid sit
causa*

*uirtus a dijs
didicisse morum*

oratione ciues obiurgauit, & ad togæ usum reuocauit, illum etiam Vergilij uersiculum citans:

Romanos rerum dominos gentemq; togatam.

Si nulla ratio esset alia improbandi hæc uestitus uitia, tamen erat honestum nobis exempla magnorum hominum sequi, à quibus dissentire, quid aliud q̃ insania est? Et quod Cato, quod Augustus senserunt, probari omnibus bonis uiris existimemus, quorum iudicia nihil mortari summa impudencia est.

Sed dicat aliquis, nō magno pere, uel ad priuatos mores, uel ad Remp. pertinere has ineptias uestitus, meq; atroci oratione exagitare rem non perinde uitiolosam. Ego uero utinam dicendo magnitudinem rei æquare possem: tantum enim turpitudinis hac in re est, ut nulla mediocri eloquentia ad eam explicandam satis sit. Etenim cum non minus uestis quàm oratio animi character atq; imago sit, quid dubitemus illos qui tanto pere monstrosa ueste delectantur, animos etiam monstrosos habere? Incedit aliquis pileo rectus Hispanico, eoq; uarie picto: Thorax deinde Gallicus est, cuius manicæ adeo non respondent ad brachij modum, ut laxissimæ sint, qua parte brachium gracilius est. Et cum uestis naturam imitari debeat, istis plane diuersum placet. Quid amplius: plebeius uestitus est, nisi distinctus sit uarijs coloribus uelut panno: adhuc conscissum esse oportet, tanquàm mendici pallium, id demum regium est. Venio ad pallium. Palliorum ac tunicarum tam multæ, tamq; uariæ formæ sunt, ut totus hic dies ad recensendum non sit satis futurus, si singulas enumerare uelim. Atq; hic uenit in mentem mihi fabulæ cuiusdam Germanicæ. Ausisse enim uos de patribus uestris opinor, Regem Turcarum

*ob uita acc
cuius solutio*

*oratio ut res
characteris am*

*variogate uestis
ac fuffa*

carum iussisse sibi omnium gentium habitus pingi. Cū itaque pictor plurimarum gentium uestitam pinxisset, tandem pingit nudum hominem, & iuxta uarios pan-
 nos. Postea artifex à Rege iussus interpretari picturam, cum exposuisset cetera, dixit nudum illum Germanum esse, cui certa forma uestitus pingi non possit, quia quo-
 tidie nouam excogitet. Doleo unam hanc nationem, quæ gratitatis atq; constantiæ laudem alio qui sibi uen-
 dicat, hac parte leuitatis insimulari posse. Cogit enim res ipsa fateri, apud nos incredibilem uarietatem uesti-
 tus esse. Quid de calceis dicam? olim erant rostrati, nūc
 fiant trianguli figura, ceu deltoto. Quid aliud q̃ mon-
 strum putandus est, qui in tam dissimili habitu, tamq̃
 uarietate incedens sese circumspicit, & tanquam lunonis
 auis, admiratur, quem profecto, nisi admiratione con-
 suetudo mali nobis exemisset, monstrū aliquod trans-
 marinum citius q̃ hominem esse multi crederent. Sed si
 sapientissimis hominibus, imo si sacris literis creditis, ta-
 lem habitum non obscuram quandam animi picturam
 esse indicare debetis. Scriptum est enim in Ecclesiastico:
Amictus, risus & incessus, produnt hominis ingenium.
 Similis in animo inconstantia, similis cupiditatum uar-
 rietas, qualem in uestitu cernis: deniq; legum & morū
 patriæ fastidium simile in animo hæret. Quod si res ni-
 hil prætereaturpitudinis haberet, tamen hoc reprehē-
 dendum erat, tantam esse ingratitude in erga patriam
 quæ genuit, quæ educauit, quæ optimis legibus uitam
 defendit, ut nihil nunc nisi peregrinum placeat. Quid
 enim unicuiq; carius iucundiusq̃ patria esse debet? Nūc
 autem cum hæc nouitas mores etiam infamet, quis non
 existimet procul fugiendū esse? Nonne apud Virgilium

T t iij cum

*Salutem in
 que etiam
 nos affendi*

*Calcei
 uarietate
 inced*

*Salutem in
 quæ etiam
 animus sit*

*Qui peregrina
 ubi nescit in
 prius est regni
 patriam*

*Troiam arguunt
matheus ex libro*

- O R A T I O -

cum molliciem obijcit Troianis Turnus, à ueste consiles-
turam facit: ait enim:

*aureo et cauda m
tus am motu m
equis et leonibz
prouocatus*

Et tunicae manicas & habent redimicula mitre.
Anima duerterunt enim docti uiri sermonem, habitum,
incessum, & alios corporis motus, tanquam actionem
esse animi, in qua uelut in speculo cuiusq; natura cerni
potest. Quemadmodum enim in equis & leonibus ani-
morum motus, cauda atq; aures indicant, ita adfectus
hominum, non tantum sermo, sed uestitus, qui quasi ra-
citus quidam animi sermo est, declarat. Itaq; non temere
à Græcis in prouerbio dictum est illud: Vestis uirum
facit. Vt enim honestus habitus dignitatē homini con-
ciliat, & quandam commendationem morum adfert.
Ita monstrosa uestis abhorrensq; ab approbatione oculo-
rum, iudicioq; bonorum uiroꝝ officit existimationi.
Quid enim aliud q̃ monstrosam mentem ista dissimili-
tudo uestitus, partim Gallos, partim Hispanios, partim
Sarmatas imitantis significet? Quæ cōstantia potest exi-
stere in horum mentibus, qui toties sui dissimiles facti
prodeunt: Socrates calceis Sicyonijs contra suam con-
suetudinem uti noluit, tametsi ipsius confessione apti
erant pedibus. Nec ille morosus in re parua uideri de-
bet, pars quædam grauitatis atq; constantiæ fuit, ne qui-
dem in paruis rebus sui dissimilem esse. Proinde & Ho-
merus inquit, honestum habitum ad existimationē au-
gendam conducere, nostis enim uersum:

*Socrates calceis
Sicyonijs, no-
luit uti*

Namq; uiro uestis magnum decus addit honesta.
Neq; id ad uestis precium pertinet: non enim gemmæ,
aut aurū, aut purpura, quarū rerum usu in ciuitatibus be-
ne cōstitutis, etiā interdictū est honestis hominibus, ma-
gno pere ornant uiros, sed quia pro ingenijs ac moribus
uestitum

vestitum ferè quisq[ue] sumit, magnam cōmendationem
 habet honestus habitus, quod eo boni viri delectari iu-
 dicentur. Quisquis igitur honestā existimationē apud
 bonos viros colligere studet, is ad illorum iudicia, ut re-
 liquæ uitæ instituendę consilia, ita etiā vestitum accom-
 moder. Vt enim nostris temporibus Principum familie
 ex forma vestitus discernuntur, ita adolescentium mo-
 res, boni viri ex habitu diiudicant. Nullum autem patri-
 monium, nullas opes hec aras pluris facere quā existi-
 mationem debet. Hanc magna ex parte consequi pote-
 rit hac diligentia, si sequatur illorum iudicia in vestitu.
 Si qui uero ita depuduerunt, ut existimationis nullam
 rationem habeant, ut bonorum de se iudicia nihil mo-
 rantur, hos non tam homines esse, quā humana spe-
 cie belluinos animos gerere existimare debemus. No-
 stra oratio ad sanabilia ingenia pertinet, alios publicis
 pœnis ad sanitatem reuocare, & coercere oportuit.

Hactenus dixi vestitus ineptias quasdam animi esse
 corrupti notas. Sed ut nemo uolens styuata, quæ de-
 prehensis in aliquo flagitio inuri solent, quantumuis in-
 nocens sibi accersit, ita has notas turpitudinis uitandas
 esse, ne famæ noceant, censeo. Sed hec ineptiæ nō tantū
 nocent existimationi, aliud maius malum secū trahunt:
 nam inter corruptelas Rerū pub. merito adfectatio, si
 ue nouitatis, siue peregrinitatis in vestitu numerari de-
 bet. Hac de re dū dico, quæso diligēter attendite. Intelli-
 getis enī multa ingentiā uitia ab hīs principijs oriri:
 ut enim a surē per gradus crescunt, ita à paruis principijs
 paulatim audacia robor colligit, donec penitus ex ani-
 mis pudorē, omnisq[ue] diuini atq[ue] humani iuris metum
 eijciat. Nemo, inquit Poeta, repente fit turpissimus, per
 gradus

*existimatio ma-
 xima esse debet.*

*nomtas vestitus
 estis turpib.*

Collatio

*nemo repente fit
 turpissimus*

*Exemplum edu-
cationis probe au-
temprantibus et
Augustino.*

Comparatio

*Contemptus ho-
rum et in se ipso
loquatur.*

audito

gradus labuntur mores in deterius. Nec libet in re mani-
festa exempla colligere, Sed quoniam inter adolefcētes
studiosos doctrinæ Christianæ dicimus, recitabo uobis
unum quoddam exemplum, quod in libris Confessio-
num scripsit Augustinus de matre. Hanc in puericia in-
quit mira diligentia ad sobrietatem à nutrice adsueta cū
esse, neque enim licuit ei ne aquam quidem, nisi in iusta
cœna, aut iusto prandio, bibere. Nutrix interrogata quo
consilio puellis etiam aquæ potu interdiceret, respon-
dit: Nisi ea ætate sitim perferre discant, postea matro-
nas factas, cum uini copia sit, simili intemperantia uino
se ingurgitare, qua nunc aquam bibant. Est igitur pri-
udentia non exigua, semina uitiorū prauideri, ac in tem-
pore tollere. Vt enim in morbis corporum medicandis
serum est, tum demum quærere remedia, cum morbus
ad summum peruenit, Ita frustra adhibetur medicina
uitijs postquam adoleuerint. Quæ igitur uitia gignit no-
uitas uestitus? Cum alia multa, tum hoc omnium per-
niciosissimum, quod adolecentium animos adsuëfacit
ad contemptum legum. Nam cum in paruis rebus, pri-
mum à cōsuetudine bonorū, & à publicis institutis dis-
cesserint, paulatim ita confirmatur audacia, ut etiam in
maioribus rebus nō modo bonorum uirorum iudicia,
sed omnes leges contemnant. Et is qui nunc uidetur lu-
dere, dum has ineptias in uestitu amat, paulo post or-
mnibus legibus, omnibus Magistratibus audebit oppe-
dere. Tantam ruinam ædit res, quæ quidem in speciem
parua uideri potest: uerum exemplum latissime pater.
Nam cum semel legum repagula effregerint, nihilo de-
inceps firmiores omnes leges, q̃ araneorum telas esse
existimabunt. Et ut scitis ἀρχὴ ἡμῶν παντός. Quod
quanquam

*et in se ipso
loquatur.*

quamquam in priuatis moribus uidere possumus, tamē in ciuitatum inclinatione clarius perspicitur. Quæ enim ciuitas non ita collapsa est: quia cum primū disciplinam in paruis rebus neglexisset, aluit petulantiam uulgi, adeo ut postea in maximis etiam rebus imperium detrectarit. Præterea cum uestis imitetur animi adfectus, ut supra dixi, fit, ut illis ipsis cupiditatibus inclusis in animo, quas premi & coherceri oportebat, frenum laxetur. Sunt qui propter feritatem animi, habitu delectantur, qui terrorem intuentibus incutiat: In his quoniam sibi indulgent, crescit feritas. Sunt qui propter molliciem animi ornent se propemodū mulierū more, quos effeminatiores uestis reddit: Vt enim febris alitur, si quis ei morem gerat, & bibat, quidquid uitriata natura expetit, ita morbi animi crescunt, si quis eis indulgeat, nec remedia opponat. Sed omnium maxime nocent in commune hi, qui gentis alicuius externæ uestitum amant: Vt enim amatores amasiarum colorem imitantur, ita isti se eius gentis mores, luxum, aut alia vitia amare, et patrios ritus ac leges contemnere, hac uestitus imitatione significant. Qui Principes primum Romam aduexerunt diademata & plerasque peregrinas uestes: nonne illi qui uestibus legibus deletis, in urbem obscœna sacra exterorum, ut bacchanalia, præterea exempla scœdissima peregrinæ luxuriæ adferebant? Videmus hoc tempore quosdam Turcico habitu delectari, non credo ob aliam causam, nisi quia nostræ religionis, & legum nostrarum sacietas eos cepit, quos quoniam externa imperia expetere, mores religionisque amare apparet, non dubito eos hostes patriæ appellare. Non enim tantum illi, qui foris arma gerunt aduersus patriam, hostes putandi sunt, sed

Vu multo

multo magis isti, qui disciplinam civilem, qui maiorum instituta nihil ad se pertinere arbitrantur, alios mores foris accersunt. Lacedæmonij hospitem Milesium cum alijs delicijs adfluentem, tum in uestitu sumptuosiorē q̃ pro Spartana consuetudine, iusserunt ciuitate excedere ac domi Milesia exercere. Hæc illi in hospitem constituerunt, quanto minus ciuibus permitti debebat, exempla bonis ac ueteribus moribus offectura, in patriam inuehere? Neq; enim ab hoc sine publicorū morum corruptione, quia ut est uulgus natura φιλόκρινος, statim has nugas imitatur, & legum metu paulatim deposito, amorem externorum uitiorum induit. Estq; in maximarū ciuitatum interitū uidere, ab his principijs cætera uitia orta esse. Iure igitur in autores talium exemplorū tanquam in hostes patriæ sæuerissimę poenæ constitui debebant. Tunc bellum parari aduersus patriam, tunc obsideri eam non foris, sed intra mœnia putetis, cū patrius uestitus exuitur. Hos cum peregrinis clandestina fœdera fecisse, & cum legibus in perniciem patriæ conspirare arbitremini, quos externorum atq; hostium mores magis q̃ patrij delectant. Non enim hic cultus aliud spectat, nisi eod, ut domestica ac publica disciplina corrupta trahat omnium ciuium animos ad externa imperia, peregrinas religiones, & omnia turpitudinis genera recipienda. Sed cum hæc nouitas omnibus hominibus turpissima sit, tum in primis abesse à Christianorū moribus debebat, quos in omnibus uitę partibus præcipuā grauitatem præ se ferre decet. At hoc accipimus, Turcas, & plerosq; barbaros, religiose patrium morem in uestitu retinere. Cum autem Christianæ literæ singularem nobis modestiam, ac uerecundiam, & morum constantiam

tiam præcipiant, turpe est hac parte leuiiores nos perhiberi ijs gentibus, quæ Christiana præcepta ignorant. Videte quæso Dauidem, quæ diligenter putauerit in huiusmodi, quanquam paruis rebus, decorum seruandum esse. Is enim cum legatis suæ gentis à vicino quodam Rege uestes per contumeliam decurtatæ essent, ac barba contra morem rasa esset, iussit ut in extremo regni oppido se tenerent, nec prodirent in publicum, donec barba creuisset. Quid aliud sensisse sanctissimum Regem creditis, quæ ad officium boni uiri pertinere hanc quoque diligentiam cautionemque, ne genere uestitus, aut similibus rebus, cuiusquam oculos offendar. At hanc diligentiam maxime nos scholasticos præstare oportuit. Sed o Deum immortalem, quis ordo, quod genus est hominum, qui has ineptias magis ament quæ scholastici. Militaris plerisque habitus delectat, quem non uno modo deformant, sed quantum quisque potest, monstruosum facit. Actum demum sibi fortes uiri, tum satrapæ, denique planè beati uidentur, cum maxime nouum habitum, maximeque ab horrentem ab oculis bonorum uiuorum excogitarunt. Quasdam formas, quia non possum uerecunde nominare, præmitto. Effet enim oprandum ut abderent ac tegerent diligentius eas partes, quas natura ipsa abdidit, ne in promptu positæ, ambitiose se ostenderent. Non neglexerunt hanc partem sapientissimi legum latorum in Græcis ciuitatibus. Scribit enim Xenophon in institutis Lacedæmoniorum, Licurgum præcepisse, ut pueri in publico, manus intra uestes continerent, ut taciti incederent, ne circumspicerent, nec deijcerent oculos ab his quæ ante pedes essent. Et quidem hæc magnarum uirtutum tyrocinia quædam esse existimant: Ait enim

V u ij

Xenophon

Xenophon ideo hæc instituta esse, ut ad uerecundiam, pudorem ac modestiam à prima statim pueritia adsuefierent. Quanto magis nos qui in scholas missi sumus, ut non modo literas perciperemus, sed ut ad omnia honesta officia instituermur: Hæc incunabula modestiæ, in uestitu atq; in essu seruare oportuit. Verum quid hoc monstri est, aliud oratio scholasticorum, disputantium de honestis officijs, aliud uestis loquitur, quæ summam impudentiâ præ se fert. Planeq; miror quid illis in mentem ueniat, cum cogitant quantum à se ipsi dissentiant, q̃ non conueniat ad orationē suam, ad studia, hic habitus. Si in scena prodiret cū habitu scurræ Agamemnon, nemo non uociferaretur illum Histrionem decori oblitum esse, nescire scenæ, quod aiunt, seruire: Tam morose iudicamus in ludis. Quid putatis graues uiros iudicare in serijs rebus, quantū huic scenæ nos seruire uelint, in quam, quia ludum hunc esse, non modo literarum, sed omnium uirtutum percipiendarū arbitrantur, ideo deducti sumus, ut hinc optima disciplina adsuefacti bonos mores ad Rempub. afferamus. Sed quales mores adferent illi ad Respub. qui tanquam in impudentiæ ludu uersati essent, iudicia bonorum uiroꝝ contemnerē consueuerunt, qui pudorem & uerecundiam penitus ex animis eiecerunt, qui legum metu deposito, licere sibi quidquid libet existimant: Multa enim, ut dixi, uitia alit illa ineptiarum adfectatio. Quam spem de se præbere bonis uiris potest is, qui in prima pueritia legibus se coerceri atq; gubernari non est passus, sed qui tanquā Tyrannidem teneret, suo arbitrio uestire, suo more uiuere uoluit? Nemo profecto illum in ulla uite parte moderatum, aut legum metuentem fore credet. Et hac impudentia

dentia plerique sunt qui ex scholis postea, non tantum ambiunt administrationem ciuitatum, sed multo honestiorem prouinciam docendæ religionis, ad quam adferre singularem modestiam oportebat. Audiui in terra Sueuica Principem fuisse summa prudētia ac pietate præditum Eberardum Barbatum, sic enim uocant, Ad hunc aiunt uenisse iuuenem quendam perentrem sacerdotium, forte huic uentus aperuit uestē, ut uideret Princeps scissas militari more caligas. Id nunc nemo tegere studet, tanta est impudentia, in illo casus retexerat: Ibi Princeps, ut erat acerrimus exactor, custosq; disciplinæ morum, ita commotus est, ut quanq; loqui Latine non soleret, tamen ira ei hæc uerba expresserit: Vade ira. Sic illum, quia ei succenseret ē conspectu suo abire iussit. Ac tantum abfuit, ut sacerdotium conferret, ut etiam uehementer obiurgatū dimiserit, quod in Principis conspectum uenire cum scurræ habitu, quod ambire sacerdotium ausus esset, cū hac significatione impudentiæ, ac leuitatis, à qua longissime abesse sacerdotes decet. O censuram dignam laude, dignamq; memoria uestra cōmitones. Merito enim tanti uiri, cui fama est in hoc toto Germaniæ Imperio, summam sapientiæ laudem tributam esse, cōmoueri iudicio debemus. Huic enim omnes populi, cum omnes ordines in concilijs populorū Germaniæ de maximis rebus sæpe ad sensi sint, adsentiamur & nos hac parte, & statuamus id quod res est, nulli non ordini hominū has ineptias, sed maxime scholasticis indecoras esse. Neq; uero sic ille sensit, & non sentiunt idem omnes boni uiri, omnium honestorum hominū hac de re calculi cōsentiunt. Quis enim uestrum, qui modo liberaliter institutus est, qui nisi sit impudētissimus,

Vu iij ausit

ausit in conspectum sui patris cum inusitata ueste uenire: Quod cum ita sit, putate hec uitia in communi odio bonorum uirorum omnium esse. Quanquam autem merito pro legibus haberi debeat, quidquid omnes boni uiri sentiunt, tamen si minus apud uos alienorum auctoritas ualeat, ualeat apud unumquemque sui patris auctoritas, quam est pietas quedam maximam & grauissimam ducere. Quare si parentum animi ab his ineptijs in uestitu abhorrent, abhorrent autem haud dubie, uoluntatem illorum pro lege habeamus. Neque enim existimare debemus has tantum leges esse, quæ sunt in publicis libris scriptæ. Hæc lex non in æs incisa, non tabulis lapideis insculpta est, sed in animis nostris scripta diuinitus, ut parentum iussa non minoris faciamus, quàm ulla prætorum edicta. Et tamen extant etiam Magistratum leges hac de re: extant & præter hominum doctorum præcepta, in sacris literis grauissime admonitiones, ut ambulemus coram hominibus *ἐν γυμνῶσι*, hoc est, ne quid incesu, sermone, gestu indecorum admittamus. Et Paulus iubet fugere iuueniles cupiditates, significans, ut docti homines interpretantur, delicias illas in uestitu, aut in reliqua corporis actione. Quid est autem, si non est insania, neque bonorum uirorum iudicijs, neque parentum, neque legum, neque sacrarum literarum auctoritate permoueri: Neque leue peccatum sit oportet, quod tanto consensu honesti homines uniuersi damnant, sed uident illi quantam ruinam trahant hec initia, cum in paruis rebus discessum est à maiorum institutis, perspiciuntque quæ disciplinæ perturbatio sequatur. Hæc argumenta uos commoueant, optimi Commilitones, ut longum ualere dicatis illis in uestitu ineptijs, semperque ueniat in mentem

mentem, illas non minus esse turpes notas quam stigmata, quæ damnatis rerum capitalium inurantur, vestitis enim uirum facit: quare si sit indecora, nocet existimationi, non aliter atque illæ, ut uocant, Thraciæ notæ. Porro talibus stigmatibus delectari, ea uero inaudita amentia est. Ad hæc dum his cupiditatibus, ut uidentur, leuioribus nimium indulgeris, interea multa alia uicia uires accipiunt, legum contemptus, audacia, adiunguntur corrupta sodalitia, honesta studia omnia deseruntur, succedit ocium, id ad uoluptates inuitat. Atque harum rerum qui sit exitus, quæ κατὰ σοφίαν, sepe uidemus. Non igitur nihil periculi est, ut quidam existimant, ignoscere sibi in his nugis, ut uocant: Nimis quàm uerum est has nugas seria ducere. Vetus est uersiculus, magna teneri non posse si parua negligenter tueamur:

εἰ μὴ φυλάσσεις μικρὰ ἀπολέῃς τὰ μέγιστα.

Idem hic fieri uidemus: Nam qui parum firmi sunt aduersus has leuioribus cupiditates, hos citius opinione alia maxima mala opprimunt. In primis autem nos qui Christo nomen dedimus, uerecundiam ac modestiam in

omnibus uitæ partibus colere decet, & quia ea uita

tus Deo in primis placet, & ut bonis exem-

plis aliorum mores meliores

reddamus,

Dixi.



Vituperatio

VITVPERATIO EBRIETATIS

scripta à Vito Vuins
semio.



Arcus Cato, cum aliquando ad plebem Romanam importunius de diuisione frumenti atq; alijs suis commodis tumultuaret, orationem, qua placaret eos, habere instituisset, & parum equis auribus se à plebisq; audiri animaduerneret, in hunc modum initio dicendi fertur exclamasse: Quàm difficile est, inquit, ad uentrem uerba facere, qui aures non habet. Sentiebat enim surdo fabulam cantari, si quis, præsertim apud uersanam multitudinem, uentri leges diceret.

Idem ego mihi quoq; accidere uererer, si hæc oratio, quam iussu præceptorum de sobrietate ac temperantia institui, mihi alicubi in cœtu uulgi, ac heluonum, pro nulla re magis quàm pro uentre sollicitorum habenda esset: hi enim ad primam statim mentionem sobrietatis, me risu & clamoribus exploderent, aut indignantes è medio proturbarent: Non enim immitius sequit ira læne, abreptis catulis, quàm furor istorum heluonum, quando uentri suo & gulæ finem modumq; statui audiunt.

Quare si in tali theatro perorandum esset, causam mihi hanc relinquendam, et capite obuoluto, qua possem exeundum putarem.

Cum uero in hoc doctissimorum uirorum & adolescentum confesso, quibus cum honestissimis ingenuarum artium studijs, cum Musis, hoc est, cū humanitate commercium est, quibus plus sanæ mentis inesse & mores ac sententiæ cum studijs congruere debent, contra ebrietatem

*U. Catonem
exclamasse
ad uulgum*

*Collato
palatino*

Expositio

tatem, qua in hac quidem vita nihil foedius esse potest, dicendū sit, nihil dubito, quin satis æquos & benignos auditores sim habiturus. Et me contumelia uos afficeret iudicarem, si uelut dubitans de uestra in hac causa beneuolentia, longa præfatione eam mihi conciliandam putarem. Quapropter hac quidem parte omiſſa, unum uos precabor, ut si minus quàm pro atrocitate ac foeditate huius flagitij dicam, & propter imbecillitatem oneri succumbam, id pro uestra equitate ætati meæ, quam gravibus argumentis tractandis adhuc immaturam esse uideatis, & tenuitati ingenij condonetis. Quod me quidē à uobis non difficile impetraturum spondet summa humanitas uestra mihi non ignota.

Omiſſa igitur longiore præfatione, ad rem potius ipsam accedamus. De temulentia mihi & ebrietate in præſentia oratio erit, Adolescentes, de qua ego, sed alio quodam modo dicere possum, quod de uirtute Plato dixit, incredibiles eam amores in animis hominum, si oculis percipi posset, excitaturam. Ita ebrietatem, si eius turpitudine, quanta est, à nobis cerneretur, ac si non oculi nostri rem tam foedam consuetudine quadam, qua nihil in rebus malis nocentius est, prope iam ferre didicissent, haud dubie grauissimum odium sui apud omnes parituram. Nemo enim est, qui non toto corpore atque animo cohorresceret, ac uelut ad ominosum & infestum aliquod monstrum paueret, quoties in ebrij alius cuius hominis conspectum incidisset, si non ueluti morbo quodam oculi nostri hebetati cecutirent, & mentes ad sensum tantæ foeditatis consuetudine ipsa iam occalluissent. Si enim cum quid in natura rerum à communi lege ac ordine deerratum uidemus, exhorrere atque ea

Xx monstra

*exhibere in
homine iungit
no uirtutem*

precatio

*platonis per
uirtutem de
uirtute*

*Confusio
inquit uirtutis
ebrietas*

Comparatio

monstra abominari solemus, utpote cum ex boue bicipites vitulos, ex sue canem æditum, aut aliquid inusitatum è terra natum, uel in cœlo conspectum accepimus, nō minus certe abominabile & obscœnum portentum iudicandum est, cum homines excellentissimam illam naturam, quæ ad gloriam Dei, ad immortalitatem, ad uirtutem atque temperantiam condita est, illa immanni heluandi ac perporandi consuetudine ita ex hominibus in feras bestias transformati uidemus, ut præter oris lineamenta in illis humani nihil amplius agnoscere possis. At quid de bestiis dico, quarum uita utur est, multo certe, quàm horum hominum, minus est detestabilis, utpote quæ naturæ ipsi tamen conformis & consentanea est. At isti homines fugere prorsus se ipsi, & hominem ex homine exuentes, naturam humanā odisse uidentur, imò uero cum ea belligerantur, & expugnata ipsa, aliam, ac nimio plus quàm beluinam induunt, ut recte dictum sit, Omnem naturam quæ à sua specie degeneret, in multo deteriorem abire, quàm si eam naturam ingenuisset. Et cum horrendum, tum uero etiam miserabile est, ex omnibus animantibus unum hominem tam longe ab ea excellentia, ad quam diuinitus conditus est, degenerare. Quid enim esse aut cogitari potest, non iam dicam humanitati, sed ipsi omnino naturæ magis aduersum, quàm suis membris, ualitudini, uitæq; propriæ, ultro & nulla de causa uim afferre? Solent hoc nonnunquam facere, qui mente capti, atque in furorem acti, ne seipsos ledant, uinculis coercentur. At isti heluones, qui adhuc mentis ac rationis compotes, si Dijs placet, uideri postulant, si modo sunt, & non multo grauiori genere furoris agitantur, hostilem in modum sibi

dum sibi ipsi manus afferunt, in se ipsos saeuientes, infestissimosq; morbos, cruciatus, atq; exitium, ultro ac uolentes uidentesq; sibi accersunt. Id ita esse quotidiana exempla nimis multa restantur, & res loquitur ipsa, ut nunquam uerius quàm hoc tempore dici potuerit, plures crapula quàm gladio occumbere, Imò uero plures crapula seipsos crudeliter occidere, quàm ullo alio genere mortis aut casuum humanorum perire. Nam quod hæc sit communis labes ac ruina sanitatis animi pariter ac corporis, quod ad corrumpendum ac frangendum uigorem omnium membrorum, ad exitium ac mortem nulla magis compendiaría, nec breuior sit uia, non longum, neq; difficile erit ostendere. Quem enim unquam uidistis ebriosum hominem, cui non in media iuuenta corpus omni genere morborum confectum ac debilitatum, sensus omnes labefactati corruptiq; fuissent? Occupat illos senium & occasus uitæ, dum adhuc sunt iuuenes, dumq; q̄ maxime uiribus pariter corporis atq; animi uigere ac ualere debebant. Neq; id mirũ, nulla enim pars est corporis, neq; animi, quæ non ista immani perpotandi ac heluandi consuetudine grauissime lædatur. Stomachum primũ, & epar, quæq; alia membra nutritioni ceterorum destinata sunt, necesse est, isto poculorum proluuiio ita debilitari atq; corrumpi, ut neq; coquendo præparandoq; nec distribuendo corpori hunc quo uiuimus uigemusq; sanguinẽ, amplius usui esse possint. Calor naturalis, qui coctionis effector est, quo, ut Cicero testatur, omnia alunt ac crescunt, et sine quo neq; ali quicq; potest, nec crescere, ita in istis potu atq; ex eo natis uitiolis humoribus obruitur ac demergitur, ut uel nullũ eius amplius sit uel admodũ segne in corpore ministerium.

Xx ij

Hinc

Hinc quàm multiplicibus grauibꝯq; morbis afflicten-
 tur isti nepotores, uidemus: neq; enim id rarum est aut
 obscurum, statim color ipse, quem sanguis prout est, gi-
 gnere solet, quæ sit ualētudo indicat, is uero talis est, ut
 te, eorū quēpiā intuens, emortuū cadauer, nō uiuum
 corpus putes intueri. Caput illis tremulum est, incers-
 to motu nutans, uertigine laborant perpetua, ea præ-
 nuncia est apoplexiæ: oculi rubentes, & continuis la-
 chrymis stillantes, oculorū anguli tumentes, indicium
 id est cachexiæ totius corporis, qui gradus ad hydropi-
 sin proximus est, genæ labentes, & quales tabidis aut se-
 nio confectis aniculis, nasus morphaicus, oris halitus
 multo quàm cloacæ grauior, dentes putridi, scabriq; spi-
 randi difficultas, tussis, ructus, & uomendi expuendiq;
 præsertim horis matutinis, fœda necessitas, lingua ad
 hæc titubans etiam sobrijs, uox rauca, & obscurus pro
 sermone stridor, manus tremulæ, nodosæ, morbo arti-
 culari fœdum in modum distortæ ac fractæ, Venter, quē
 quis uerius poculorum lattrinam dixerit, propendens,
 morbosus, Crura qualia elephantis, tumida, labantia,
 plena fœdis ac grauius olentibus, hulceribus, pedes po-
 dagrosi: podagra enim istorum heluonum assidua co-
 mes est, & pedissequa. Nam belle conuenit, quod Epi-
 grammaticus Græcus ait, Bacchum cū Venere aliquan-
 do concubuisse, & ex eo concubitu progeneratam esse fi-
 liam podagrā. Hæc duo enim quę per se ac sola plurimū
 nocent, quando in unum conueniunt, tum uero nihil
 est magis pestiferum. Fit autem plerumq; ut homines
 temulenti ac ebrij, tunc cum cibo potuq; ad summum
 distenti sunt, ad res Venereas protuant sese. Hinc subitæ
 mortes atq; intestata senectus, ut Satyricus ait. Hinc istū
 poculorum

potorum, penè porcorum dixeram, gregem circumfistit
 uelut agmine facto morborum omne genus, sequiturq;
 totius corporis & omnium membrorum extrema la-
 bes ac deformatio, cerebri tamen præcipue, ea enim pars
 cum temulentia uelut sedes sit, ex omnibus grauissime
 læditur. Nam cum stomachus, cuius uirtus & calor, ut
 diximus, assidua poculorum proluuie extinguitur, in-
 coctos illos crassosq; uapores ad caput & cerebrum ex-
 halat, uenæq; ac meatus ibidem replentur, atq; præclu-
 duntur, necesse est magnam spirituum perturbatione,
 sensuumq; ac motus totius corporis labefactionem se-
 qui: instrumenta enim sensuum sua potentia ac uigore
 destituuntur, spiritus quo omnia in corpore uegetantur
 ac uiuunt, obstructo per uenas transitu, non potest offi-
 cio suo fungi, hinc pleraq; organa sensuum præmoriun-
 tur. Neros uero & ea membra quæ ex his constant, ac
 motui delegata sunt, ea, inquam, omnia fonte ipso ac
 principio neruorum cerebro læso & ipsa sua ui destitui
 ac debilitari necesse est. Hinc illa capitis crebra nutatio
 atq; grauedo, qua hoc genus hominum perpetuo labo-
 rat. Hinc manuum tremor, hinc omnium articularum
 dissolutio, quam paralyfin dicunt. Vix manus amplius
 leuandis, & ad os atq; ad illam poculorum charybdim
 admouendis calicibus sufficit. Videtis ne quàm tremu-
 lo & uacillanti motu cōbibonibus calicem porrigant, et
 quantum inter porrigendum uini effundant? O mise-
 ros homines, quibus iam etiam manus ad eam quam
 ipsi solam ac summam uoluptatem rentur esse, ministe-
 rium amplius denegant. Memini ego, Medicum quen-
 dam ad uirum equestris ordinis graui morbo decum-
 bentem aliquando uocatū, & ab ægroto atq; amicis de
 Xx iij origine

origine ac causis morbi, ut fieri solet, interrogatum, respondere, Fluxionem quandam è manu dextera in caput defluentem, fontem illi & causam morborum esse. Cum ille mirabundus, qui id fieri posset, quæreret, Medicus cantarū qui propè in mensa adstabat potu plenus, protinus correptum ad os admovebat, ostendens hanc esse fluxionem tot morborū causam. Facete ille quidem nec minus uere: sentiebat enim ualitudini nullā nocentiorē esse pestem, quā istas perpotationes. Sed non audiunt Medicum isti nepotōres, ne tum quidem, cum alterum pedem in Charontis cymba habet. Multo enim peius animo ualent quā corpore, id quod infra ostendemus. Nam cerebrum, quæ rationis ac mentis sedes est, ita illis concussū & labefactatū est, ut non modo mente, sed ne sensibus quidē integris uti possint. Destituunturquē non tantum illis uirtutibus, quibus homines à ceteris animantibus separantur, sed ipsæ etiam, quæ cū brutis nobis cōmunia sunt sensu ac motu. Galenus crapulam à uibrando & quatiendo capite dictam affirmat, & ab hac præcipua labe rei scēdissime nomen inditum. Id satis in istis heluonibus adparet, quibus uel cerebri nihil est, uel si quid est, ita est quassatum atque affectum, ut suo amplius officio fungi nequeat. Declarat hoc sensuum, quos extēiores uocant, extrema debilitas in ebriosis, quorum iam non est diminuta actio, ut Medici loquuntur, sed corrupta prorsus, imò uero persæpe etiam ablata. Non enim hi tantum, si qua sunt aliquo intervallo seposita uident, aut agnoscunt minus, sed etiam ea quæ quidē sunt proxima. Surgit his mensa geminis luminibus, ut ait Iuuenalis, pro cantaro uno duos uident, pro uno conuiua geminos salutant, denique iam omnia condu-

conduplicata cernuntur eis, pro calice candelabrū manibusprehendunt bibituri, forasituri à ianua deerrantes, in fornacē incurfant. Atq; hæc adhuc sunt initia morbi: nam si, ut plerūq; solent, sic heluari pergūt, postremo luminibus prorsum & auribus capiūtur, ceterisq; sensibus destituuntur, trahunturq; semimortua & euecta crapula misera corpora, & sunt reuera quod dicūtur, uiua cadauera, atq; terre inutilia et execranda onera, donec aliū apoplexia, aliū morbus comitialis horribiliter prius excarnificatum extinguat. Nam hic morbus est familiaris hominibus ebriosis, atq; ipsa adeo ebrietas quid aliud est, si propius consideres, q̃ species quædā morbi comitialis: præcludūtur enim crudis illis densisq; uaporibus, quos, ut dixi, stomachus & cetera mēbra nutritioni destinata à nimio potu exhalant, uenæ, atq; meatus cerebri, ac per eos spiritui transitus negatur, unde sentiendi & mouēdi potentia cetera mēbra destitui necesse est, id quod ebrijs perinde ut morbo comitiali laborantibus accidere uideamus, multiq; sæpe ita sunt subito prefocati, tetroq; & horribili genere mortis extincti. Cui tu insensissimo hosti istos cruciatus atq; hæc tam seua supplicia possis optare? Sunt hæc quidē quæ corpus patitur a crapula grauissima, sed grauiora tamē quæ parti præstātiori, nempe animo accidunt. Non enim tantū oculorū, auriū, manuū, pedū, ac ceterorū membrorū sanitas uigorq; ebrietate corrūpitur, sed multo grauius ille *diuiduus* ac uirtutes animilæduntur, atq; ea pars præcipue in ebriosi suo naturali motu usq; destituitur. Nam quæ uis integra mētis in ijs esse potest, uel ad percipiendas retinendasq; ueras ac proprias rerum imagines, uel ad faciendum de illis sanū rectūq; iudiciū, in quibus, ut breuiter dicā, omnis corporis animiq;

*Comitatus
morbus fa
miliaris
ebriosi*

*uirtutes a
nimilæ
corrum
puit ebrietas*

animiq; sanitas, non secus q̃ in phreneticis labefactata ac dissoluta est, sensus omnes uelut sede sua moti atque euerſi sunt. Quem uos igitur ulla in re usum talium hominum esse, aut quid publicæ priuatæ uel rei ipsiſ man-
dandum putatis: Primū ualētudo debilitata, ad omnia publica & priuata officia obeunda, ad res gerendas, atq; ad omnes contentiones sustinendas eos inutiles red-
dit. Deinde cum omnis animorum atq; ingenij uigor ista nocentissima heluandi ac perporandi consuetudi-
ne ita sit eneruatus, ut ne sensus quidem communis am-
plius sint compotes, quid ab eis consilij in grauib; atq; impeditis negocijs petas? aut quid rei seriæ committas credas uel illis, quibus cerebrum perijt, cor uino sepultū est? Prodeunt ad consultandū membris & mente cor-
rupti, uinolenti, halantes etiamnum pridianam crapu-
lam, semisomnes, oculis natantibus, uinū ac cereuisiam crudam incoctamq; adhuc redolentes: summa, quorū neq; pes, nec mens officium suū facit. Hi deinde de grauiſſimis, nonnunquam etiam periculosisſimis nego-
cijs sententiā rogantur, quibus, Hercules, non plus men-
tis est quā boui aut porco. Quid ergo respondēt? Stul-
ticiam celare, inquit Heraclitus, difficile est, in uino uero impossibile. Vocem ergo hi homines non in conuiuio tantū, atq; inter illa immania pocula, sed alieno etiam
ſape loco, & in consilio publico emittunt per iugulum redituram, eructant suam *ῥωλονργασίαν*, non enim race-
re possunt, nec uidēri uolunt minus alijs sapere. Afferūt ergo inter pocula combibones suos meditatam iam an-
te ac decantatam furiosam aliquam fabulam, eam sta-
tim pro folio Sybillæ ac Delphico oraculo cum ad plau-
su audiri, & cum assensu accipi, adorariq; postulant,
perieris,

perieris, si dissentias. O ter & amplius miseram ac perdi-
tam Rempub. quæ à talibus administratur consultori-
bus. O calamitosos & afflictos ciues, quibus hi leges di-
ctant. Quid enim tam absconũ, absurdum, atq; ab omni
sensu humano alienum cogitari potest, quod iste furio-
sa bestia uel cum exitio publico non audeant: quas tra-
gœdias nulla de causa illi non excitant: quibus moria-
bus, bellis, atq; incendijs hi non miscent omnia atque
perturbant: Reuera faces Rerumpub. nam horribilium
sepe cladium nõ uno in loco tales homines Rebuspub.
autores fuerunt. Ilias malorum manet eas ciuitates, quæ
sunt sub rectore temulento. Recte enim Cato dixit, Vno
excepto, neminem unquam ad evertendam Rempub.
sobrium accessisse, uix enim ulla Respub. diu stetit, quæ
ebriosorum consilio gesta est: uix ulla concidit, quam
non ebriosi euerterint: uix ulla non floruit, quæ à siccis
ac sobrijs hominibus administraretur. Non igitur po-
tuit Achilles apud Homerum atrocius conuitium igna-
uo ac uesano Regi dicere, q̃ ut temulentum eum uoca-
ret, hoc uno probro quidquid erat grauissimorum flagi-
tiorum complecti uisus. Nam in quibus hoc uitium ra-
dices egit, de illis nihil est quod tibi pollicearis aut spe-
res moderati boni ue: sunt homines omnibus partibus
suis ac membris fracti, corruptiq; omni genere turpitu-
dinis & flagitiorum contaminati. Aquam è pumice pe-
tas, si consilium ab eis ulla in re aut prudentiam requi-
ras. Quomodo enim animum incendere possunt ad
aliquam seriam cogitationem, qui illa perpetua helua-
tione potuq; penitus sepulti sunt ac demersi? Nunq̃ illi
aut rarissime expergiscuntur, sobrij certe nunquã sunt,
etiã cum non sunt poti, tamen illi furiosi motus uino

Yy concepti

*exclamatio**calamitosa i
re pub: diuis
principis
rebus pub:**clausura
hinc**et illis conueni-
m vix*

concepti & excitati, adhuc in eis exestuant. Plato in epistola quadā ad Dionis propinquos, de sua in Siciliā peregrinatione ita scribit: Quō cum uenissem, inquit, uita illa beata, quę ferebatur, plena Italicarum Syracusanarumq; mensarum, nullo modo mihi placuit, bis in die saturum fieri, nec unquam pernoctare solum, ceterarū quę comitantur huic uitę, in qua sapiens nemo efficitur unquam, moderatus uero multo minus. Negat Plato gigni sapientiam in ijs locis, ubi homines bis in die saturi fiant. Quid si ad nos ueniret, ac uideret homines non per interualla bis aut sapius in die saturos, sed perpetua quadam crapula uinoq; distentos, nunquam ieiunos, siccos uel sobrios nunquā: tum uero longe ab his locis sapientiam pariter ac modestiam exulare diceret: Nullus enim modestię, aut ulli uirtuti locus esse potest in ista plusquam beluina uentris ingluuie ac uitę fœditate. Induunt enim homines ex hoc uiuendi more furiosos uastosq; mores, & tota natura efferantur, ea sensuum ac ingeniorum feritas deinde etiam in sobrijs manet. Sicut enim cum cuiuspiam in sole uersanti caput cœpit dolere, ubi iterum in umbram rediit, dolor tamen, quę calor fecit, manet, nec statim remittit: ita ubi homines illa barbarica heluandi cōsuetudine deuincti furere cœperūt, durat ille furor etiā cū nō sunt poti, & ijdem rabiosi ac turbulenti motus in animis manēt, sentiuntq; ac debachātur sobrii pariter ac poti, nec facile possis discernere, quocūq; tēpore in eos incidas, utrū biberint necne. Seneca grauitate ac uere dixit, consuetudine insanię durata uitia uino concepta, etiam sine uino ualere. Et sanctus Paulus iubet nos uitare ebrietatem, propterea quod in ea insit asotia, id est, uita immanis ac beluina,

Dei pa

plato negat ubi
sapientiam in
ubi homines
bis in die saturi
fiant.

Dicitur Seneca

Unus paulq;
inbet intamq;
obrutat

Dei pariter atq; hominum, omnisq; honestatis contem-
ptrix. Qualem hoc genus hominum lurcones & helio-
nes degere uidemus, qui nihil pensi habent, nisi ut to-
tos dies noctesq; perpotent, quibus mens ipsa & ratio
omnesq; sensus scilicet heluando potandoq; obruti atq;
obstupefacti, nunq; redeunt ad sese, nunq; cogitant ali-
quid seriū aut dignū homine, sed quod in tali uita fieri
necesse est, sic ad omnis generis immanissima scelera
prorumpunt sese, quasi nemini quidq; post se reliqui facere
statuerint. Non iam dicā de turpitudine, quæ in ipso-
rum conuiujs etiā regnat, nō de furiosis clamoribus eorum,
quibus plateę totas noctes personant: hæc adhuc initia
sunt furoris, & quasi primę ad paroxysmū accessiones.
Innumera alia & grauiora nobis flagitia ex hac lerna
erumpunt, atq; utinā talium hominum furor nonnunq;
etiā Ecclesiam nō conturbaret, & Reip. nō esset exitio.

Cambysem Cyri filium tradunt ab hac furia agitatū
fuisse, quē cū Prexaspes unus ex Principibus & paternis
amicis amanter ac fideliter admoneret, q; Persis illa eius
perpotandi consuetudo displiceret, insit ipse Principes
cōuocari, & interrogabat, utrū aliquid in se, quod repre-
henderēt, haberēt: illi metu mussabāt, nec erat inter eos
qui hoc hulusc tūgere auderet, quin pleno ore laudabāt
eū, & patri etiam Cyro p̄ferebāt pleriq;. Quibus laudi-
bus inflatus Rex Prexaspen solū accersi iubet, Atq; ut ui-
dere possis, inquit, me etiā potū, tamē mentis cōpotem
esse, hodie ubi largius bibero, sistes mihi filiū tuū mino-
rem natu in foribus cœnaculi, in eum cū arcu sagittam
emiserō, nisi ipsum pueri cor uulnerauero, tum tu me
ebriosum atq; insanum iudicato. Hæc ita ut dixit facta
sunt, nam post horā cœnæ, cū largius iam inuitasset sese,

Y y ij puerum

*Cambysses cum
delictis in
stale*

puerum adduci sistiq; iubet, & arcu accepto, sagittam in
 eum eiaculatur, collapsumq; ex uulnere secari, & istum
 inspicere iubet. Cūq; arundo in ipso corde pueri fixa osten-
 deretur, cachinnans, Vides nunc, inquit patri, etiam
 ebrium me, tamen egregium esse iaculandi artificem.
 Prexaspes aduertens hominem reuera uesanum ac fu-
 riosum esse, continuit sese, dolorem dissimulans. Postri-
 die uero eius diei & duodecim Principes Persarum, ob
 rem nihili ac nullius momēti causam, crudelissimo sup-
 plicio affecit, in caput uiuos defodiens, ac per eundem
 remulentiæ furorem alia multa etiam dictu infanda, &
 horribilia auditu designauit, donec Deus eum proprio
 gadio istum uita expulit. Tales homines, imò uero tam
 immanes bestias nobis gignit ebrietas, quarum uitam
 & facta cum post tot annos legimus, horremus. Sic igitur
 statuatis, Adolescentes, crapula nullum horribi-
 lius, nullum terrius, aut nocentius malum, ira Deorum
 natum aut è furiarum sedibus excitum, in hunc mundū
 ac lucem, ad multorum hominum exitium immissum
 esse. Hec enim atrocioris furoris genere, q̃ ullę erinnyes
 homines concitat: hæc domos uastas reddit & urbes:
 hæc rei priuatæ & publicæ communis clades ac ruina
 est: hæc infandis libidinibus humana atq; diuina iura
 polluit: hæc cædibus & sanguine horrendum in modū
 miscet ac perturbat omnia. Exclamet hicaliquis:

Di talem terris auertite pestem.

Sapientes quidē Principes, legumq; latores, in omni-
 bus bene cōstitutis Rebus pub. singulari cura ac diligen-
 tia ebrietatem prohibuerunt, nec minus ciuitates cōtra
 luxum ac crapulam, q̃ contra ullum alium nocentissi-
 mum hostem, muniendas censuerunt: intelligebant
 enim

Contra ebrietatem

enim in ista barbarica & immani uita, nullam disciplinam publicam neque priuatam posse conseruari.

Tulit Pittacus Mitylenæus legem, ut si quis per temulentiam, sceleris aliquid commisisset, duplo grauiore pœna plecteretur, quod causa ipsa, quæ eum ad peccandum impulisset, grauius etiam peccatum esset. Alij alijs pœnis atque ignominijs in ebriosos animaduertunt. Et si qua gens natura moderatior humaniorque fuit, ea sua sponte fœditatem ebrietatis exosa, frugalitati ac sobrietati deditit sese, nec legibus opus fuit prohibere, quod publica inter homines uerecundia sustulisset.

Sed regnat hoc uitium inter barbaras ac feras illas gentes præcipue, & cernere est, quod ut quæque natio maxime barbarica, & ab humano uitæ cultu aliena est, ita ad heluandum ac perporandum profusissima est, quas siquæ fœdere quodam inter se iunctæ sunt barbaries & crapula, pulchra, me herde, societas, & dignum habet pasta operculum.

Fera etiam quædam in illis Septentrionalibus ac Sarmaticis oris inueniri dicitur, immani uoracitate: Quæ cum in aliquam prædam incidit, eo usque cibo immodice ingesto distendit uentrem, ut parum absit, quin creperet. Deinde inter angusto spacio distantes arbores transiens uiolenta ibidem compressione crudum illum cibum iterum per anum exprimit, itaque sese exonerat, quod nisi faceret, periculum uitæ erat. Est hæc omnino fœdissima ventris ingluuies huius bestię. Sed ea haud dubie imago quædam est intemperantiæ ac morum earum gentium, de quarum immanibus conuiujs horribilia, sed tamen à uero non abhorrèntia narrantur: Raro transigi symposium sine multis cædibus: Si quis propinatum

Yy iij dolium

*Lix postaci
de staze ro.
misso ab ebrio*

*barbarus ut
Crapula quæ
inze mbræ p
in nte*

*fera cum oda
si ph mteonat
uoracitab.*

*propt non ex
transit dolum
mors*

*Mal genij me
sant mlti ebi
osob*

dolium haurire cesser, illi à proximo quoq; cōtempore
protinus necem imminere: Si quem interfecerint, non
propterea conuiuium dissoluitur, sed prouoluto in me-
dium trunco corporis, & impositis aliquot nummis, (is
apud eos mos est) heluari pergunt. Malos etiam ge-
nios inter eos, cum agitant conuiuia, propalam obam-
bulantes conspici dicunt, maiore q̃ humani corporis
imagine, quos illi nihil exhorrentes, pro socijs ac conui-
uis salutare solent, & cœptum conuiuium per multos
ex ordine dies noctesq; uno tenore continuare. Hæc si
quis apud sanos & sobrios homines, & istarum helua-
tionum ignaros referat, fabulam ad aliorum terrorem
confictam narrare uideatur: non enim facile credi po-
test, tantam feritatem & immanitatem cadere in huma-
nam naturam. Sed qui uiderunt, ac talibus conuiuijs sæ-
pius interfuerunt ipsi, hi & hæc uera esse, & his horribi-
liora etiam fieri affirmant.

Redeo igitur eò, unde digressa est oratio, nempe istā
fœdam, immanem, atq; homine indignam uentris pro-
luuiem, apud barbaras illas gentes, & quas utrum inter
homines an beluas numeres, dubitare possis, præcipue
conspici, homines moderatos, & ad aliquam humanā
disciplinam adsuos factos semper natura exhorruisse, ac
detestatos esse.

Tanto magis igitur & nos, Adolescentes, qui cū Mu-
sis, hoc est, cum humanitate cōmertium habemus, eam
odisse, & ut nocentissimam pestem fugere, istorumq;
heluonum consuetudinem tanquā pestiferi morbi con-
tagium deuotare debemus. Et quoties nobis talis quil-
piam occurrat, hoc elogium illi in fronte scriptum putes-
mus, quod de Tantalo est in Tragedia:

Nolite

Nolite hospites ad me ire illico istic,

Ne contagio mea bonis umbra ue obsit,

Tanta uis sceleris in corpore & animo haeret meo.
Reuera enim nullius morbi contagium nocentius est,
quam talium hominum consuetudo.

Proponamus nobis uerbum Dei, quod multis in locis nos ab ebrietate reuocat ad ieiunium, ad sobrietatem inuitat. Nota est sententia: Ne corda uestra grauentur crapula. Et sanctus Paulus populum Israheliticum a crapula ad idolatriam prolapsum affirmat. Atq; Christus ipse ait: Hoc genus daemoniorum non eiicitur, nisi ieiunio & oratione. Ex quo perspicue adparet, istis commestrationibus ac heluationibus Satanam accersi & interesse, sociumq; ac conuiuiam esse istorum lurconum. Testatur hoc etiam euentus talium symposiorum, quae raro sine caede alijsq; immanibus & horrendis flagitijs transiguntur. Vbicunq; igitur tale aliquod conuiuium adparari uideris, Adolescentes, ne putetis Angelos illic mensae ministros & custodes esse: Hi tantum sobriorum coenis intersunt, eorum curam gerunt, cum isto grege heluonum commettij nihil habent, sed Satanus illis ministrat, Satanus pocula miscet, unaq; cum uino ac cereuisia sulphur atque picem phlegethontis propinat, quibus potis, statim furere incipiunt. Nonne uideris, q̃ uelut lymphati bacchentur, & tanquam rabiosi canes, inter se ipsos, & cum alijs, cruento ferro concurrant.

Hoc est quod & Alexander Macedo sibi accidere sensit, & questus etiam est, nempe quod cū bibisset, in eam rabiem accenderetur, ut inter pocula intimos & charissimos amicos contrucidaret, & Bacchum eum furorem sibi obijcere credidit, ulciscentē Thebang urbis excidium.

Satanas

*E legum ebrietas
conuenientissimum
quod de tanta
lo & tu r/f*

*ebrius Alexander
deus suos miratur*

Satanas fuit iste Bacchus, qui assiduus talium continuorum affecta soler esse. Huic gaudio est, homines per uolentiam in furorem actos, sic inter se cecidibus & omni genere immanitatis committere. Hoc illi spectaculum iucundissimum est, is ita affectos eos & sui impotes, deinde suo arbitrio quod uult ducit ac impellit, donec alij de fenestra aut per gradus prolapsi, cervicem frangit, alium trucidandum obijcit sodali, aut ad eandem facientiam impellit, alij subitanea morte, aut alio quopiam tristi & inaudito casu animam auferit. Omnes horrendo genere leri absunt, & ad inferos abtipit. Hic exitus, nec alius finis est istarum heluationum. Qui sic perijisse uolent, ille sane eis se adiungat: nam melius de se non est quod speret: nullus enim eorum honesto aut naturali genere mortis occumbit, nullus naturae repescenti animam reddit, sed ante diem sua sua ipsi manu crudeliter perimuntur, saniratem corporis & mentis expugnant poculis, & cadunt ante tempus à natura presinitum turpissimo & horribili genere mortis, qui poterant multos adhuc annos uiuere, & sibi, suisq;, ac Reipub. prodesse. O execrabilem uitam quam exigunt: O mortem multo execrabiliorem.

Miretur aliquis quam illi reuera miseri & miserabiles homines, atq; in neminem magis quam in seipsos crudeles, tandem uoluptatem ex ista dira & immani heluatione capiant. Nam gustus certe, qui sensus solus cibo et potu afficitur, illis iam olim perijt, is enim coctione sublata, nullus esse potest. Fames uero ac sitis, quae optimū condimentū sunt, q; longissime absunt ab eis: Esuriunt nunquam, sitiunt multo minus, ingurgitant tamen adhuc, urgentq; ac torquent seipsos, regurgitantem per os ac fauces

Quod genus mortis ebriosos mat

exclamatio

*Gustus potus
ebrii*

ac fauces potum infundentes, donec ad plenum istam cloacam poculis expleant. Nulla certe hæc delectatio potest esse, sed est, quod quivis sana mente præditus intelligit, manifestus ac diabolicus furor.

Diuus Ambrosius ocium dicit esse pulvinar Satanæ, At ebrietas nō modo pulvinar, sed molle ac delicatum cubile est Satanæ, nusquam ille cubat ac requiescit libentius. Qui igitur hunc conuiuiam & conuictorem, cohabitoremq̃, atq̃ etiam condormitorem habere cupit, ille tantum hanc ei sedem præparet, credite mihi, non diu aberit, uita ac factis condignam mercedem etiam redditurus.

Defessus iam propè sum dicendo de re fœdissima, & uos haud dubie multo etiam magis audiendo defessi estis, finem igitur faciam. Ac si apud uos suscipere personam monitoris meam hanc ætatem non putarem dedecere, uos adhortarer Adolēscētes, ut ebrietatem tanquam omnium flagitiorum malorumq̃ fomitem ac fontem, uitaretis, sobriam uero uitam, ut uirtutum omnium, honestatis ac sanitatis magistrā, parentemq̃, amplectaremini. Scio ego quā infame, & iam propè etiam probrosum sit apud istos lurcones dici sobrium & siccum. Sed uos audite uocem naturæ optime parentis, quam isti degeneres filij adspernantur, ea uos ad sobrietatem uocat, uocat eodē & uerbum Dei, inuitant omnium bonorum ac sanorum hominum fidelia atq̃ grauissima monita & præcepta. Si ergo uobis cordi est ualerudo uestra & salus, quam nemo sanæ mentis compos unquam proijciendam censuit, si studia uestra, quæ sanè debent esse carissima, si uirtus & honestas, si deniq̃ pietas, ac salus animarum uestrarum, cogitabitis his

Zz omnibus

*ocium pulvinar
Satanæ*

peruulio

omnibus nihil esse infestius ebrietate. Si uero aliquem hæc tot tam sanctissima nomina nihil mouent, is ad eorum gregem pertinet, de quibus à me iam dictum est: nec mea oratione mitior fiet: Grauius enim hoc morbi genus est, quæ ut multis anticyris exhaustis sanari possit, Christus mentes nostras pro sua infinita bonitate gubernet, & ab hac execrabili atque impia heluandi consuetudine, ad sobrietatem, ad poenitentiam,

ac pietatem flectat atque traducat.

Dixi.

ENCOMIVM FORMICARVM,

scriptum ab Erasmo

Ebnero.



Nemo in hoc cœtu dixit unquam, quantum equidem iudicare possum, cui perinde bene uolentia uestra, atque mihi opus esset, nō modo quia hæc ætas mea singulari fauore confirmanda, & adiuvanda est, sed etiam quia argumentum adfero, quod etiam si nouitate place re possit, tamen ita est exile, ut nullam magnopere admirationem mereatur. Alij res gestas clarissimorum Imperatorum recitauerunt, & tum honeste facta summorum hominum, dicendo ornauerunt, tum aut populorum, aut tyrannorum turpiter facta grauissime uituperauerunt. Ego quoniam deest eloquentia par tantis causis, infirmitate

mitate uirtutum humiliter argumentum quaerere coactus
sum. Quae de re dum aliquot dies delibero, dumque repu-
to quas res exiguas laudauerint ueteres scriptores, à Lu-
tiano uideo muscam, à Vergilio apes minime ornatas
esse. Cum igitur mihi honestum esse putarem, ueterum
exempla sequi, formicas sumpsi laudandas. Neque nul-
lum operae precium esse iudico in tanta naturae uarietate
hac minuta animantia contemplari. Etenim non mo-
do Ethnici scriptores digna hanc materiam in qua elas-
boraretur, putauerunt, sed etiam Principes Christianae do-
ctrinae, mentione paruorum in natura rerum delectari
uidentur. Christus iubet nos passerem intueri, Solomon
praecipit non modo contemplari formicas, sed etiam
nos ad eas tanquam in ludum discendi causa mittit. Quid
commemorem quod multa animantia Basilus diligentissi-
me descripsit, & Basilium secutus Ambrosius, eandem
animantium historiam in enarratione operum sex die-
rum penè ad uerbum recenset, docetque in illis proposita
nobis esse à Deo & tanquam picta plurimarum uirtutum
simulachra, quae nos officij nostri admonerent. Turpissi-
mum est enim hominibus longe à sua natura degene-
rare, ut à bestiis etiam uirtute superetur. Non igitur inuti-
le uidebatur ingenia, moresque & totam quasi *πολιτείαν*
formicarum describere, quod inde plurima pulcherri-
marum uirtutum exempla, & uere, quod aiunt Graeci,
μυθήματα & *ἀγὰς* capere liceat. Videte autem quantum
mea me sefellit opinio. Quod enim argumenti genus
arbitrabar propter tenuitatem sine magno negotio ex-
poni & perpoliri posse, id in experiundo cognoui lon-
ge secus esse. Comperi enim non mediocri artificis esse,
honore uerborum res exiles ornare ac illustrare. Quan-

quam igitur sentiebam me suscepto oneri imparē fore, tamen quoniam non ad ingenij famam, sed exercendi styli causa suscepēram, desistere nolui, sed peregi fabulam quam inceperam. Quæso igitur uos, ut pro humanitate uestra me benigne audiat: quod si nulla alia res, tamen scholæ consuetudo à uobis impetrare debet, & si suam laudem honestus conatus metetur, non indigni favore iudicandi sumus honestissimo argumento suscepto, etiam si rei, quam institui, difficultate uicti sumus. Sed ut Philosophi in descriptione animantium, primum de cuiusq; procreatione disputant, ita & nobis fornicarum ortus, inde usq; ab ouo, ut aiunt, repetendus erit. Verum historia fornicarum longior illa est, utra sit, si omnia commemorare uelim: sed hoc ad earum laudem magno pete pertinere existimauimus, quod cum tam multa diuinitatis uestigia in eis extant, intelligi possit, eas non sine certo Dei consilio natas esse, multo quæritus quam Poeticos heroes gentis à Ioue summo ducere, ut Poeta inquit. Quomodo enim in hac terrena natura futuri præscientia sine diuina uel existere potest? Non hanc tantam haberet hic uermiculus industriam, longe alienam à brutorum capta, nulla gregalium noticia, nulla mutua collocutio inter eas esset, nulla nosset temporū discrimina, nisi mentem Deus indidisset tantarum rerum, tamq; uariarum capacem. Etenim sapere, meminisse præterita, consequentia cernere, futura præuidere, ne homines quidem, nisi diuinitus commoti, excitatiq; possunt. Quis enim, quamuis ingeniosus, sine Dei ope, uarios motus stellarum, magnitudinesq; molem terræ, & alia multa deprehendisset? Multo minus igitur bestie ratiocinari, & futura uidere, & animaduertere

uentere presentia, nisi Dei beneficio possunt. Neque enim hæc aliunde quam à Deo, in terrenam naturam propagantur. Habent igitur formice non dubium generis sui autorem Deum, cuius rei id quoque signum esse intelligi potest. Nam cum sacræ literæ mittant nos ad formicas, tanquam ad magistros, profecto significant hoc consilio à Deo fabricatas, & his ingenij dotibus instructas esse, ut docere nos utilia possent. Ut enim nullus pater familiars, si sapiat, filium docendum tradit ei, cuius non probat eruditionem, ita credibile est, nec diuinum spiritum nos ad eiusmodi magistros mittere, qui non doceant cœlestia. Necesse est igitur eas artes, quas nobis istæ discendas proponunt, diuinitus in sensibus ac natura formicarum scriptas atque sculptas esse, uereque esse in eis, ut Poeta ait, partem aliquam diuinæ mentis, & haustus æthereos. Non igitur in minimis est illud, quod dixi hætenus de formicarum ortu ac nobilitate, quæ non parua commendationem habet. Adfert enim nobilitas non modo in hominibus, sed etiam in pecudibus quædam uirtutis semina, quæ à parentum natura in posteros propagantur. Nunc de ingenijs ac moribus, deque omni uitæ consuetudine illarum dicendum est. Atque hæc pars orationis, quid aliud habet, quam honestissimam quandam formam recte uiuendi? Nemo Philosophorum non tradidit bene uiuendi præcepta. Sed huius insecti historia, quid sit rectum, quid turpe, quid utile, quid non, quid deceat, melius Chrysippo & Crantore dicit. Quis non hæc singularis prudentiæ diligentiaque indefessæ opera esse dicat? Colligendi uictus tempora intelligunt, proinde aceruum frumenti in messe comportant, conduunt, cōparcuntque in hyemem, præuident

enim hyeme in uacuis agris frustra se pabulum quaesiturae esse. Onera morsu gerunt, longe maiora, & pro corporis portione ferre posse credibile sit. Quaedam grandiora protrudunt, tota corporis mole obnixae, semina priusquam condant, arrodunt, ne rursus exeant in fruges e terra, madefacta imbre profertunt atque siccant. Nec noctu, plena luna, uacuae sunt. Usque adeo torpe docunt ferri, ut nullum sibi tempus idoneum labori perire stant. Interlunio cessant ab opere, siquae in itinere ferendis granis grauatae sunt, gregales norant, & quoniam saepe tanquam ex diuersis ciuitatibus in eadem uia conueniunt, in primum aliquem locum omnes uniuersum comitum meatum comportant, ibique sua signa recognoscunt, ibi uelut exercitum recensentes, agmina separant, & suum cuique auerendum tradunt. Obuia inter se quasi colloquuntur, ac percontantur, donec agnoscat singulae suos ciues. Nulla tam sapienter constituta ciuitas fuit unquam, quae ad hanc formicarum politiam conferri possit. Nam cum nullum urbibus uehementius sit, quam occidit, uidetis hanc pestem procul ab hoc animalculo abesse. Nunquam audientissimi aestus illi labore absterrent, non noctu uacue sunt, quod tempus alijs animalibus natura ad quietem dedit. Non magnitudine itinerum aut asperitate uiarum defatigari se patiuntur. Sed sepe ex longinquo frumentum conuehendum est. Saepe per confragosa saxa magna uigraha in aduersos montes protrudenda sunt. Ita omnes difficultates, non uitium magnitudo, non corporis moles, sed animi robur, & industria superat, ut adpareat hic etiam uerum esse id, quod est apud Historicum quendam, Nihil tam altum a natura constitutum esse, quo non possit uirtus eniti. Non dubium est

autem,

autem, quum ut omnia ex ocio uita nascuntur, ita labor pleraque pulcherrimas uirtutes gignat. Proinde nec ceterę uirtutes desunt huic generi. Quis enim non uidet singularem iusticię intellectum in eis esse: quia certos dies cōstituunt recognoscendis oneribus, ut eniq; agmini suum tenere sine iniuria liceat. Facile est enim ab alio no abstinere his, quibus in sua uirtute industriaq; spes posita est, sed illi qui cū per luxum atq; libidines sua effuderunt, postea rationem ineunt, quomodo de alieno heluentur. Hinc in ciuitatibus nouę tabulę flagitata, bella ciuilia, & innumerabilia alia mala, quę ciuium discordia parit, nata sunt. Quid autem de parsimonia fornicarum dicam, quę in hoc genere maxime cernitur. Non enim tantū in pręsens sibi consulunt, sed comparcunt, & prospiciunt sibi in futuram: quę uirtus cum per sese magna sit, & admirabilis, tamen hoc etiam gratior esse debet omnibus, quod iusticię ueluti custos est. Neq; enim tolerare infinitos illos sumptos sine alieno decoctores possunt, sed longe dignissima bono ciue uirtus est, in commune quærere, & communia bona summa diligentia augere. Quę res enim alia omnibus ciuitatibus exitio est, q̃ quod priuata bona, publicis utilitatibus pleriq; omnes anteferunt. Atqui ita sentire nos oportuit, quoniam patrię salute, nostra salus continetur, & quoniam ipsi a patriā in qua nati, educati, ad humanitatem & religionem instituti sumus, cuius legibus uitam nostram ac fortunę defendimus, tam multa beneficia accepimus, æquum esse, ut nos etiam illius utilitates pro uili iuueamus, imō quidquid aramus, quidquid serimus, quidquid metimus, ad patrię utilitatem referendum esse existimemus. Deniq; illius salutem, ac tranquillum

tranquillitatem antiquiorem dignitate, ac salute nostra, ducamus. Hanc uirtutem licet in formicis cernere ad communem usum, ad fiduas operas conferentibus. Videtis quod multarum uirtutum exempla nobis formicæ proponant, ad quam imaginem si maximam hominum partem contuleris, quotus quisque erit his uirtutibus præditus? Bona pars uoluptatibus atque ocio dediti, nulla de re in omni uita sunt solliciti, quod de conuiuio adparando, aut alijs similibus uoluptatibus comparandis. Seneca scribit, Pacuuium quendam prætorem in Syria fuisse, qui quotidie splendide conuiuatus, cum se copioso uino de die ingurgitasset, solitus sit uesperis funus sibi adparare, accerferet ybicides, qui funebres modos canerent, & hoc genus alia curare ad funeris speciem representandam. A cœna cum iam sustinere se ebrius non posset, iubebat se lectulo impositum, tanquam funus inferri in cubiculum, & cantari funebres modos: *Bebisai Bebisai*. iudicabat enim eum demum diem præclare se uixisse, quo ita esset conuiuatus: nec ducebat esse uitam adpellandam, cum non liceret eiusmodi uoluptatibus perfrui. Quis non statuat plus esse mentis formicæ, quod huic Pacuuius, qui uitam homini hanc unam ad rem, ad pecudum uoluptates perfruendas, datam esse credidit: Et quamuis exemplum Pacuij in funere faciendo non multi imitentur, dogma tamen hoc præclarum maxima pars hominum profitetur, qui nihil in omni uita dignum homine suscipiunt ac gerunt, sed in ocio, & inter pocula temulentæ ætatem exigunt. Sed quoniam sanorum hominum iudicio, uentres isti non homines, sed uerius monstra hominum sunt, desino formicas cum his conferre, quos non modo formicarum exempla, sed ne quidem publicæ

publicæ leges ad sanitatem reuocare possunt. Nulla autem inter omnes laudes fornicarum amplior esse mihi uidetur, quæ ea quæ apud Solomonem est: Is enim inquit, fornicas non modo stultos, sed sapientes anteire prudentia. Neque ego, nisi tam grauem autorem haberem, auderem hoc paradoxum inter doctissimos homines dicere. Sed quia fornicarum laudes colligere institui, non fuit hæc praterenda, præsertim cum esset amplissima. Quid audio: omnibus Philosophorum scholis, omnibus Rerum publicæ gubernatoribus, denique omnibus sapientibus uiris, formicæ præferuntur. Hoc planè est iuxta prouerbium, Formica camelus. Et cum non possim hoc loco omnes causas, cur ita scripserit Solomon, recitare, sunt enim multe, quas ex ipsius Christiane doctrine fontibus longe repetere oporteret, tamen unam hanc commemorandam esse duxi. Tanta desidia est humani animi, ita penitus hæret in nostris medullis uoluptatum atque ocii amor, ut nulla tanta sapientia sit, quæ non uoluptatum illecebris uinci & expugnari possit, ut industria laboremque remittat. Quod cum etiam Poetæ animaduertissent, sinxerunt Herculem tor domitorem monstrorum, Omphales amore captum, muliebri uesste, in gynæcio tenentem colui. Atque hoc illi de summo uiro fingeant, ut significarent nullam tantam esse animi, quæ non frangi ac debilitari blanditijs uoluptatis posset. Compara uero mihi fornicas ad hunc Herculem, aut si mauis ad Alexandrum, harum industriam sedulitatemque nulla res unquam retardat. Illi scilicet heroes summa sapientia ac fortitudine præditi, qui immutati sunt, alter amore mulierculæ, alter etiam magis beluinis uoluptatibus. Huc igitur sacræ literæ sapientes etiam

uiros accersunt, & in hanc academiam uocant ut discant, non modo similem in laboribus constantiam præstantiam esse, sed etiam ut uideant quanta sit infirmitas humanorum animorum, qui tam facile defatigari se patiantur, ut formicæ etiâ robore animi summis uiris præstent. Et has ideo intueri iubet, ut cum uiderint tantam uim uilissimæ bestiolæ diuinitus datam esse, petant & ipsi, expectentq; à Deo similem constantiam industriamq;. Sed de hoc toto loco alij rectius dicent. Vos aut optimi Commilitones, quoniam ita iubent sacre literæ, intuemini formicas, & cū aliarū uirtutū exempla ab eis petite, tum in primis earum sedulitatem exprimere contendite. Etenim si uel nulla proposita essent nobis laboris nostri præmia, tamen quoniam Deus præcipit ut laboremus, parere illius uoci debebamus. Nunc autem cum etiam tanta præmia proposita sint, quæ est amentia, tantarum rerum magnitudine non excitari aut acui ad laborem? Nil sine magno uita labore dedit mortalibus, inquit Poeta. Proinde nolite putare, sine magna animi contentione ulla uitæ præsidia comparare uos aut retinere posse. Qua de re cum omnes omnium doctorum uitorum libri pleni sint, & referti hoc genere exhortationum, ego uobis, quoniam propter ætatē, uel ad monendos uos, uel ad cohortandos parum autoritatis habeo, recitabo uobis grauissimum locum, qui extat in Xenophōte, quemq; se Xenophon ex Prodicilibro transscripsisse fateatur. Sunt autem contrariæ orationes uirtutis & uoluptatis ad Herculem deliberantem, utram uitæ uiam ingreditur, uoluptatis ne an uirtutis studia sequatur, sic enim ait: Cum Hercules ex pueritia egressus, iamq; propè pubertatem esset, qua ætate sui compotes facti

FORMICARVM.

338

facti adolēcentes, significant utrā uiam, uirtutis, an igna-
ui ingredi uelint, exiit in solum locum sed itq; tacitus se
cum deliberans, utram uiam iniret. Hic adparuerunt ei
duę mulierculę maiores humana specie, quarum altera
uultu modesto et liberali erat, nullo peregrino cultu aut
fuo ornata, sed genuina bonitas formę adparebat, in
corpore mūdiciēs, in oculis pudor, in incessu modestia,
uestem preterea candidam gerens. Altera habitior, & su-
cata, nam & rubor, & candor maior erat nativo. Et ince-
debat supina, oculos late pandens, ueste induta, quę for-
mam maxime cōmendabat, contemplans interim se, et
circumspectans, an alij se uiderent, nonnunq; etiam um-
bram suam respiciens. Postq; autē propius uentum est,
illa prior modeste pergebat. Hęc autem ut anteuenteret,
accurrit ad Herculem, ac inquit: Video te Heccules deli-
berare utrā uiam ad uitam agendam ingrediaris. Quod
si me tibi adiunxeris, ducam te iucūdiſſima & facillima
uia. Nulla res iucunda est, qua nō potieris, & molestiam
nullam perpetieris. Neq; enim aut bella, aut alia grauiā
negocia curabis, sed hoc unum cogitabis ac quæres, ubi
aut cibum aut potum suauiore inuenias, aut quod de-
lectet oculos, aut unde olfaciendo aut tangendo aliquā
uoluptatem percipias, aut ubi amoribus perfruaris, aut
quomodo mollissime cubes, & quomodo hac omnia
sine aliquo labore cōsequaris. Et si quis inciderit metus
egetatis, nō est quod timeas me tibi aliquid laboris im-
posituram esse, efficiam enim, ut fruaris his, quę alieno
labore parata sunt in promptu. Nec ulla re abſtinebis un-
de modo speres te aliquā uoluptatem posse lucrifacere:
Ego enim meis sodalibus potestātē facio ex omnibus re-
bus uoluptates decerpere. Hęc Hercules audiēs, inquit:

AA ij Mulier

Mulier, quod est tibi nomen? Tum illa: Mei sodales uocant me Foelicitatem. Qui me aspernantur, uocant me Ignauiam. Interea accessit & altera mulier, dixitq;: Venio & ego ad te adolescens: Noui autē tum generosos parentes tuos, et indolem educationemq; tuā. Hęc mihi ipem faciunt, fore, ut si me secutus fueris, magnas & honestas res geras; & me multo clariorem apud homines efficias. Nec longa te pręfatione, quę ad uoluptatē fingi solet, morabor, sed simpliciter id quod res est, ueręq; narabo, quod Dij constituerunt. Nulla uera bona, sine labore curaq; mortalibus Dij dederunt. Sed siue Deos tibi uis esse propicios, placandi sunt: siue ab alijs diligi uis, beneficijs adiungendi sunt: siue honore adfici à ciuib; cupis, bene mereri de patria cupis, bene mereri te de patria oportet: siue uis in admiratione esse apud omnes Gręcos, benefactis id te cōsequi oportet: siue uis ut terra pariat tibi fruges, colenda est: siue ex pecudibus ditescere uis, pascendę sunt: Siue bello opes tuas augere uoles, ut socios in libertatem ad seras, & inimicos in seruitutē redigas, belli artēs discendę sunt ab his qui eas norunt, & exercendę, ut quomodo eis utendum sit, scias: Si robur corporis uis confirmare, consuefaciendum est, ut rationi obediat, & exercendum magno labore ac sudore. Quod cum dixisset Virtus, interpellat eam Ignauia, inaniens: Vides Hercules, quam asperam & longā uiam ad foelicitatē hęc tibi mulier ostendat, quo ego tibi compendiariā & planā uiam monstraui. Tum uirtus: O misera, dic nunquid habeas boni, & nunquid suauę unq; cognoueris, quā nullum laborem uis illorū consequendorum causa suscipere. Et ne quidem expectas naturale desiderium suauium rerū, sed ante q̃ natura expectat eas, imples

implet atq; obruis te, edis priusq; esuris, bibis anteq; sitis, condimenta uaria ad irritandā famē excogitas, uina preciosa, ut inuites sitim, cōparas, in estate niuem queris. Et ut suauiter dormias, non modo mollia strata, sed etiā lectos facis, somnū enim accerxis, nō ut per laboris interualla quiescas, sed inopia negocij sine pudore ac legum metu amorī operam das, nocte abuteris, & optimā diei partem somno perdis. Et cum Deam te esse glorieris, ex Deorū numero electa es, aspernantur te & honesti homines. Neq; unq; suauissimū carmen, tuas laudes audiuit. Et pulcherrimū spectaculū nunq; uidisti: Nullū enim unq; recte factū tuū spectasti. Quis tibi improba credet? quis legenti dabit aliquid? Quis sanæ mentis in tuo choro esse uelit? ubi iuuenes imbecilli corpore sunt, senes fatui, qui cum adolescentiam in ocio perdiderint, senectutem miseram & calamitosam agunt. Tunc & pudet antea te uide, & piget primū querere necessaria ætati subsidia. Suauia in adolescentia ante tempus præcepserunt, laborem & ærumnas in eam ætatem distulerunt. Ego uero apud Deos uersor, & apud honestos homines. Nullum honestum facinus neq; Dī neq; homines sine me faciunt, ideoq; me & Dī & homines honore adficiunt. Grata sum opitulatrix artificū, fida custos familiæ dominorum, beneuola adiutrix seruorum, iucunda comes laborū in pace, firma periculorū in bello auxilatrix, optima amicitiae socia. Et mei amici suauēs uoluptates sine fastidio percipiūt ex cibo & potu, expectāt enim illorum naturale desiderium. Somnus etiam suauior eis est q̄ ocio sis, quem etiam cum opus est, sine molestia abrumpunt, nec propter hunc necessaria intermittunt. Et iuuenes senū laudibus gaudent, & senes delectantur

AA iij iuuenum

iuuenum honoribus, et incredibili uoluptate rerum à se gestarum meminerunt. Et sine difficultate præsentes labores conficiunt, per me Dijs chari, amicis, chari patriæ. Et cū ex hac uita discedendum est, non obscuro aut ignoti iacent, sed laudes eorum perpetuo à posteris prædicantur. Hæc tibi ò fili bonorum parentum Hercules contingent, & uerā foelicitatē stabilemque ita cōsequeris, si laborem non defugies. Sic uirtus apud Xenophontem concionatur, & ad labores suscipiendos, non tantū Hercules, sed omnes adolescentes, uerissima grauissimaque uoce hortatur. Qua oportuit aures uestras undique circumsonare, & inertes animos tanquā classico exuscitari. Atque hanc ipsam uirtutis orationē diuinitus in formicis scriptam putate, quas quoties uidebitis, ueniat in mentem hanc uobis imaginē, quæ uos ad laborem incitet in terris à Deo propositam esse. Et sicut Comædiæ exhibentur, ut in illis exemplis discamus, quid in uita deceat. Ita Deus in hac rerū natura uaria spectacula fecit, quæ nos officij nostri commune facerent. Proinde cum formicæ conuehentes grana, condentesque in cōmune spectabitis, exstimate hanc tanquā Dei uocem esse, quæ iubet ocium, nocentissimā pestem fugere, & suscipere honestos labores, quibus et nobis ea quæ in omni uita necessaria sunt, comparemus, & societatem cōmunem hominum iuuenimus. Quod si facietis, fauebit uestris illis laboribus Deus, & oēm uite cursum fortunabit. Cōtrā eos qui capti amore ocij uoluptatumque, nō uolent formicā audire, atque imitari, ad quā à Deo tanquā ad magistros missi sunt, hi sciāt se grauissimas pœnas contemptæ magistræ, imò contempti cœlestis mandati daturos esse, odit enim ocium Deus, ideoque nō unū calamitatis genus ex ocio nascitur. Dixi.

Encomium

ENCOMIUM SVEVORVM, A QVO
dam causa exercitationis scriptum &
pronunciatum.



Non dubito, quin plerique mirentur, quid mihi in mentem uenerit, cur Sueuos potissimum, procul ab illorum finibus natus, laudare instituerim: Quibus tamen hoc respondere poteram, nos in declamationibus non anxie, aut superstitiose argumenta eligere solere, sed ferè casu oblati uti. Nonnulli etiam paradoxas materias, ut in re difficili experiantur ingenij uires, sumunt. Tamen ego certo quodam cōsilio hoc argumentum suscepi tractandum. Etenim cum prauo quodam studio homines, & philautia, nostros nimium amemus, exteros contemnamus, cogitabam me honeste facturum esse, si gentis, quæ hinc procul abest, laudes colligerem, & cōmonefacerem uos, alienam uirtutem non esse honore ac prædicatione fraudandam. Nonnulli sunt ingeniosi in alienis uitijis insectandis: quidam etiam ex criminatione aliorum, grauitatis famam aucupantur. Ego liberalis ingenij esse duco, magis, cōmemoratione uirtutum alienarum delectari. Quanquam enim sua cuique genti uitia esse uideamus, tamen nullam nationem, præsertim in Germania, existimo tam esse perditis moribus, ut non multa pulcherrimarum uirtutum exempla ibi reperire possis. Porro ut in priuatis amicitijis ad mutuam beneuolentiam alendam multum facit, si uirtutes amici notis & admireris, ad uitia conniueas: ita inter uicinas gentes rectius conueniret, si singulæ aliarum uirtutes nosse potius studerent, quam uitia. Hoc ego consilio ad hanc causam

causam accessi, ex qua sanè nō tam eloquentiæ laudem, de qua in hac ingenij infirmitate, & quadam mearum rerum difficultate, iam olim desperavi, quàm officij & humanitatis auferre cupio. Proinde, quantum nostræ vires sinent, hanc nationem sine aliarum contumelia ornabimus. Neq; enim aut Sueui tam sunt inopes domesticarum laudum, ut non nisi ex aliorum contumelia colligenda sint præconia, aut alię nationes contemni ac probro affici merentur. Nullis Germaniæ populis Franci cedere debent, qui suæ uirtutis uestigia impresserunt in mediam Galliam, & maximis gestis rebus, & quidem ex utilitate publica nomen Galliæ nouum indiderunt. Nostris uero temporibus doctissimos ea regio homines genuit, in quibus uel obscuram alioqui unus Ioannes a Regio Monte nobilitare posset, uir Græce Latineq; non leuiter doctus, & uniuersæ Philosophię ita peritus, ut unus restituerit disciplinas, quæ sic uocantur, collapsas, & ab interitu uindicaret. Austriæ quantum debemus, quæ cum alios Principes summa uirtute, tum Maximilianum ædedit, nemini optimorum Imperatorum postponendum, qui iuxta domi ac foris continentia singulari fuit, iusticia incredibili, magnitudine animi diuina. Quid Frisia, quia Agricola genuit, quantum laudis meretur? Batavos suos Erasmus quàm claros fecit: Sed quid ego aliarum nationum laudes recenseo, cum de Sueuis oratio instituta sit? Verum hæc ideo præfatus sum, ut intelligeretis me, cum nihil in hac causa de amplissimis ornamentis aliarum nationum detraham, ueris laudibus Sueuiam ornaturum esse. Quæso autem uos, ut pro humanitate uestra me benigne audiat: nā candor est exterorū uirtutibus, & earū cōmemorationi fauere,

*Ioannes à
Monte Re
gio.*

*Maximili
anus Imp.*

*Agricola.
Erasmus.*

favere, quas quidem nos, quia inter eruditos dicimus, paulo longius etiam inde usque ab antiquitate repetemus. Quanquam autem sola uirtus, ueram & solidam laudem parit, tamen & antiquitas generis, quia non nihil momenti adfert ad uirtutis studium, suam laudem meretur.

Fortes (inquit Horatius) creantur fortibus & bonis.

Est in iuuentis, est in equis patrum

Virtus, nec imbellem feroces

Progenerant aquilæ columbam.

Quare cum ueterum Sueuorum summa uirtus fuisse perhibeatur, credibile est ad posteros propagata esse semina quædam uirtutis: & quemadmodum formæ corporum in natis imitantur patres, ita posterorum ingenia non sæpe naturæ maiorum dissimilia sunt. Proinde non exiguam laudem Suevicæ nationis hanc esse duco, quod à maioribus incredibili uirtute, fideque præditis, quique maximis gestis rebus suæ posteritati præluxerunt, orti sunt. Habent autem ueteres Sueui grauissimum testem suarum laudum, C. Cæsarem, qui sic describit eos, ut adpareat, & domi optime constitutas Respub. domesticamque disciplinam habuisse, & foris incredibilem eorum fortitudinem, scientiamque rei militaris præcipuam fuisse. Etenim ut præmittam, quanta gentis frugalitas fuerit, quia uinum importari contra leges erat, quæ exercitationes iuuentutis fuerint in armis, quanto labore durata corpora, & animi ad patientiam adsuesciti, tum mihi prorsus uidere quandam Platonis ciuitatem uideor, cum lego nihil illis priuati agri fuisse, sed sine cupiditate communiter coluisse, quæ quique loca occupassent, qua in re adpareret, animos gentis uacuos auaricia, & similibus pe-

BB stibus

stibus, unde in ciuitatibus graues motus existere solent, summa religione iusticiam ac pacem coluisse. Plato ait, Ita sceleratissimum ciuitatis statum fore, si quàm proxime conetur exprimere hanc legem, quæ de amicis extat, τὸ φίλων κοινά. Quam autem mihi Græcam ciuitatem, quas Athenas, quam Spartam, aut Locros nominabit aliquis, in qua perinde agri communes possessionesque fuerint, ut apud Sueuos? qui nisi admirabili iusticia præditi, & magna inter se charitate deuincti fuissent, nullo modo illam rerum communionem exercuissent. Quædam gentes ab Dijs se ortas esse prædicant, mihi non mihi, non laus uidetur ad tales uiros, quales fuisse ueteres Sueuos intelligitis, uere posse originem referre, qua ad Herculem aut Martem. Non est instituti mei, laudes aliarum in Germania nationum extenuare, tamen hoc in confesso est, nullius maiores monumentis literarum, perinde ut Sueuos celebratos esse, quod quidem argumentum esse mihi uidetur, uirtute etiam eos reliquis omnibus in Germania nationibus præstitisse. Pleraque nomine ueteri amisso, ne quidem coniecturam capere possunt, ex quibus orti sint maioribus. Et haud scio, an soli Sueui nomen uetus retinuerint, sed cum ita mutant gentes nomina, si uel patria pulsi, uel imperio deiecti, amissa libertate, in aliorum potestatem ueniant, uerisimile est Sueuos, quia nomen retinuerunt, libertatem suam summa cum uirtute defensam, nunquam amisisse. Nam quod sedes mutarunt, & à Balthici maris litore, quod olim tenuerunt, propius Rhenum accesserunt, id accidit, quia laceßiti Romanis armis, in ripa Rheni domo accita præsidia primum collocarunt, postea capti aeris cœlique clementia, his in locis confederunt, & occuparunt eam Germaniæ

Germaniæ partem, longe promotis finibus, quæ inter Rhenum, Alpes, Lycum, & Mœnum est, hi sunt Sueuorum fines hoc tempore. Neq; uero degenerarunt, mutato cœlo à pristina uirtute, sed his primum locis magis inclatuerunt, & noua gloria Sueuico nomini accessit. Nam ne omnia commemorem, ne uel historiam potius quàm encomium composuisse uidear, tantum insignia quædam ornamenta attingam. Quid potuit contingere Sueuis illustrius, quàm Romani Imperij titulus? non ille quidem scelere raptus, sicut antea sæpe acciderat, sed delatus Germaniæ atq; Italiæ populorum consensu. Quid potuit honorificentius accidere, quàm hoc tot gentium iudicium, quæ tantam uim uirtutis in hac natione senserunt, ut non dubitarint suam salutem, suas fortunas, & tranquillitatem totius Imperij Sueuorum Principum tutelæ committere? Ea demum uera gloria est, & bono Principi maxime optanda, ut intelligant, existimentq; homines, eum esse præditum & ea charitate erga subditos, ut nihil ducat prius, quàm illorum salutem consulere, & ea cum prudentia, tum animi magnitudine, ut defendere cōseruareq; pacem, & arcere ac prohibere iniuriam, & legibus ac armis munire tranquillitatem publicam possit. Quos triumphos, quæ trophæa mallent sibi decerni Principes, si saperent, quàm hoc de se iudicium apud bonos uiros fieri? Proinde, cum periculosis temporibus ad Sueuos Imperij summa delata sit, magnum quiddam illi nationi reliquæ gentes tribuerunt. Neq; uero non responderunt expectationi Fridericus, cui à Barba Ruffa nomen factum est, & huius nepos Fridericus, quem Siculum uocarunt, quorum uterq; omni genere Imperiatoriarum uirtutū cuius lau-

BB ij datissimos

datissimorum Principum conferri meretur. Ab auo Fri-
 derico Germania atq; Italia maximis laboribus & periculis
 pacatae sunt. Arma in Asiam postea translata, Sula-
 dinus repressus est, & bona Asiæ parte ad Armenias usq;
 expulsus. Nihil hic liber attollere, aut amplificare, tan-
 tum extremis digitis leuiter attingo res istius gestas. Ve-
 rum uos ipsos cogitare hoc in loco uelim, quantum be-
 neficium id temporis in Europam contulerit, crudelissi-
 mis hostibus repressis, & procul ab Italia & Germania
 summotis. Nunc uideris quanto in periculo simus;
 quia diu neminem similem custodem Imperij huius
 habuimus. Ille procul in Asia quærendum sibi hostem
 esse duxit, sensirq; seruum tum auxilium fore, si pateretur
 Barbaros in nostros fines suas copias traducere. Nunc
 cum in ipso uestibulo Germaniæ constiterint saeuissimi
 Turcæ, ac florentissimum Regem regno exutum fugien-
 tem ex acie penè ob oculos nostros trucidarint, intelli-
 gitis quàm oprandum sit Fridericum aliquem exoriri, cuius
 nomen hostibus terrori sit, quiq; opponere imma-
 nissimæ genti præsidium ausit. Si Fridericus ille reuiu-
 scat, non de Hungaria uastanda, non de uexanda Ger-
 mania iam Barbari cogitent, sed de retinenda Thracia,
 deq; focis ac laribus suis propugnandis: Siquidem Ger-
 manicis copijs iam, ut fuit illius & celeritas & diligen-
 tia, circumfessi summa ui oppugnarentur. Non uacat
 huius Principis egregia facta commemorare, uerū quia
 bello meliorem quàm pace fuisse aliqui putant, ut co-
 gnoscatis quanta saueritas eius fuerit domi in dicendo
 iure, in latrocinijs puniendis, & disciplina Imperij reti-
 nenda, recitabo quàm grauiter animaduernerit in Prin-
 cipem Palatinum & Moguntinum Episcopum, qui bel-
 lum ipso

lum ipso absente in Italia mouerant. In Episcopum,
quia parcendum dignitati Sacerdotum duxit, mitio-
rem poenam constituit, tantum enim pecunia multa-
uit. Sed in Palatinū durius consuluit: Nam coegit eum
per totam urbem Vuormatiam canem ab humero pen-
dentem gestare, ea fuit illis temporibus censoria nota
nobilitatis. Idem exemplum in plerosq; alios equestris
ordinis uiros, Palatini socios, constitutū est. Nullas ego
uictorias plus laudis mereri existimo, quā huiusmodi
exemplum. Nam eum bene imperare putes, qui domi
ciuilem disciplinam conseruare norit. Nihil foris arma,
nihil triumphi proderunt, si domi nimium liceat im-
probis. Is demum Imperatoris nomine dignus est, qui
non tantum hostibus formidabilis est, sed etiam ciues
in officio retinere studebit. Quid de Friderico nepote di-
cam, cuius pulcherrima consilia, si non impedissent Ro-
mani Pontifices, non alium habuisset utiliore Principia
pem Germania. Ingenium in eo acerrimum fuit, ma-
gna etiam literarum scientia, & ut aliud boni nihil prae-
stiterit, magnam illi gratiam debemus, quod curauit in
Latinam linguam conuerti ex Saracenicō sermone τῆς
μεγάλης συντάξεως Ptolemæi: Nam absq; eo libro tota
Astronomia funditus interijisset. Itaq; Sueuis debemus,
quod reliqua est illa Philosophiæ pars, quā iure dixeris
prestantissimam esse. Magna laus est inuenisse artes uti-
les huic uitæ, sed non minor est, uel restituisse uel conser-
uasse. Siquidem in primis in literis hoc accidere uide-
mus, ut non minus negotij sit conseruare inuentas, q̃
inuenire. Videris quales Imperatores Sueuia nobis ædi-
derit, qui nisi belli pacisq; artes omnes apud illos flor-
uissent, minime idonei ad imperandum uisi fuissent.

Etenim ut non in quouis solo fruges nascuntur, ita non ubiq; boni uiri proueniunt. Sed ibi tantū ubi bonis legibus ac moribus ad uirtutē ac decus inuitatur, & ad suē suuentus. Quis putet enim Mileri aut Sibari in summo luxu, inter turpissima exempla, in maxima licentia, fortē uirū, aut temperantem, aut iustū euadere potuisse? Quæ tam excellens natura, quæ tanta ingenij uis in ullo esse potuit, quæ inter tot uitiorum illecebras non corrumpere? Quare necesse est disciplinam fuisse in Sueuorum ciuitatibus probabilem, quæ tanquam in ludo Principes ad honestatem instituti sunt, quæq; adducti exteri iudicarunt hanc nationem uirtute ac industria imperij molem sustinere posse. Neq; enim ignoratis, quid imponatur oneris cum isto titulo, aut quantum fidei, quantum consilij, quantum animi robur, quantam moderationem, quantam diligentiam in omni genere flagitent homines ab eo, cui libertatem suam, fortunas, salutem ac uitam committunt. Sed cum res foris gestæ, & leges quibus domi pax stabilita est, quæ quidem hactenus in publicis legum codicibus extant, multorum aliorum literis prædicentur, nolui hoc in loco diutius commorari. Propero enim ad nostra tempora, quæ si diligenter considerabitis, uidebitis profecto illos non solū respondere iam maiorum gloriæ, sed etiam superiorum decora longe uincere. Eset autē infinitum totam Rempublicam depingere, & omnia instituta, legesq; pietatem in colendis religionibus, sæueritatem in coercendis delictis, bellicarum rerum peritiam, animorum magnitudinem, ciuium inter ipsos æquabilitatē, exponere. Quæ cum angustia temporis prætermittere cogat, excerpam ex reliquis laudibus unam quandam partem, in qua uidere est

dere est, quàm bene de rota Germania mereri studeant. Cum annis iam aliquot nullum satis magnum aut firmum præsidium in Germania esset, aduersus subitos tumultus, & quotidiana latrocinia, ciuitates Sueuorum foedus inter se rite & Casare autore fecerunt. Id foedus diu iam tanquam in statione est, defendendæ publicæ tranquillitatis gratia. Multos improbos metu continet, quosdam etiam tumultus, armis & bello compressit. Quanta autem laus est, unam hanc nationem publicæ pacis tutelam suscipere, & salutis omnium causa suas fortunas, suam uitam in discrimen adducere? Sed hoc plane diuinum est, quod cum publico iure imperium sibi in alios uindicare possent, nam hoc ius imperij in terris semper fuit, cogere ad parcendum illos quos tuis laboribus tegas & serues, Sueui libertatem omnibus relinquant, quibusdam etiam bello uictis amissam restituerunt: & cum faciant infinitos sumptus, laboresque maximos subeant, nulla tamen commoda uicissim ab his, quos defendunt, recipiunt, suis fortunis publicos sumptus tolerant, ne cuius libertatem minuant, suo periculo omnium salutem propugnant. Quid honestius, quid moderatius cogitari potest, quàm sine cupiditate arma tenere, & alios ita defendere, ut de libertate eorum nihil detrahas? Athenienses accepimus aliquandiu ad hunc modum Græciæ principatum tenuisse, ut cum permitteret alijs ciuitatibus libertatem, ipsi tamen in excubijs essent, suoque discrimine omnes tuerentur. Ea in re in primis magnum humanitatis, iusticiæ, & temperantiæ exemplum suæ specimen sapientissima ciuitas præbuit, quod si ne cuiusquam incommodo publico pacem custodijt. Cum autem summos honores Athenis, ob eam causam reliqua

reliqua Græcia decreuerit, sepe enim misse ex seruatis ciuitatibus coronæ, posita statua, data Atheniensibus ciuitas, pars agri, societas sacrorum & connubiorum, & hoc genus ornamenta alia: debemus & nos, si non ingrati esse uolumus, pulcherrimum beneficium Suenicæ nationis amplissimis laudibus uehere. Non satis intelligimus, quantum in pace insit boni, si publicæ tranquillitatis custodibus nullam gratiam habemus. Quoties enim paruos liberos adspicis, quoties coniugem intueris, toties meminisse te oportuit, illorū incolomitatem aliqua ex parte te his debere, qui ocium nobis faciunt, cum aliarum honestarum rerū gerendarum, tum alendæ & educandæ sobolis. Populus Romanus, non saepe uictis gentibus libertatem seu *αὐτονομίαν* concessit. Græcis id honoris habuit, post bellum cum Philippo Mæcedone gestum immunitatem donaret, & ut singulæ ciuitates suis legibus uiuerent, permetteret. Ea de re, cum decretum à Senatu populoq; Romano factum, T. Quintius Imperator in Nemeis, quo ex more ad spectaculum tota Græcia conuenerat, uoce præconis recitari iussisset, audissentq; gratissimum præconium uniuersi, Dii immortales, quantis honoribus adfectus Imperator, q̃ gratis sermonibus Romanū nomen celebratū est, Esse unam eam in terris gentem, quæ sua impensa, suo labore ac periculo pro libertate aliorū bellum gerat, detq; operam, ne quod toto orbe terrarum iniustum imperium sit, & ubiq; fas, lex, potentissima sint, ita iudicarunt Græci, non aliud maius beneficium homines hominibus præstare posse, q̃ quod accepissent à Romanis. Quid enim certa pace gratius est, præsertim si coniuncta sit cū libertate? Nō minus igitur laudis in Germania meretur Sueni

Sueui, qui suo præsidio pacem alijs gentibus sine iactura libertatis earum muniunt, quàm merebantur, uel Athenienses, uel populus Romanus apud Græcos immunitate donatos: Nam ter à Maximiliani morte Germaniam maximis periculis magna fœlicitate liberauerunt. Fauet enim Deus iusta bella pro publica salute gerentibus. Quare grata nobis memoria Sueuici fœderis esse debet. Hoc enim ocium, quo frui uobis hætenus licuit, & hæc studia, quæ omnia nobis de manibus excutuntur, simul atque aliquis motus bellicum canere cœpit, istorum armis defensa sunt. Quantum autem studium rei militaris sit in ea gente, quanta uirtus, quanta scientia gerendi belli, non ignoratis: Neque enim alia natio celebrior ducibus habet. Porro cum foris Sueui & fortitudine incredibili, & summa iusticia in defendendis uicinis utantur, quid dubitemus quales domi sint? Nisi enim domi ciuitates haberent benemoratas, nec sumptus, nec milites suppeterent: aut quomodo milites parere armati scirent, qui domi parere legibus non didicissent: aut quomodo tolerare militiæ difficillimum laborem, & graue Martis opus, ut Vergilij uerbis utar, si domestico ocio ac luxu effœminati essent? Habent igitur & ciuitates, legibus ac iudicijs diligenter constitutas, & tranquillitatis urbanæ tuendæ cura non alibi maior est. Lex est enim in Sueuicis urbibus, ut si in rixa aliqui gladios strinxerint, ac uel puer, uel muliercula, procul etiam inclamans pacem imperet, capite puniatur, qui audito nomine pacis, insuper ferire audeat. Cum nulla tam sœuera lex in reliqua Germania sit, æstimari potest, quanta diligentia uolgens Sueuorum coherceatur. Et ad tranquillitatem urbium hoc

CC quoque

quoque facit, quod urbana multitudo minus aliquanto ocij habet, & frugalior est, quàm in uicinis nationibus. Magnum ibi scelus est, & inusitatum, conspici ebrium. In diuersorij magna mundicies est, & fides hospitum summa, nec magis domi sue peregrini, quàm apud illos tuti sunt. Quid autem gratius accidere peregrinanti porest, quàm talis hospes, ad quem tutum sit diuertere, apud quem securus acquiescat, qui comitate, qui mundicie itineris tedium leniat? Gens ipsa minime idonea ad fallendum, in primis gaudet fidem suam peregrinis probari. Sic inter suos etiam uiuunt, nulla diuturna odia sunt, nullæ insidiæ: quanquam enim ingenia sint ferociora, tamen facile placantur, & quia nihil dissimulare didicerunt, insidiari non norunt. Ceterum non deesse eis ingeniorum acrimoniam, inde adparet, quod celeberrimos, maximeq; strenuos mercatores habent. Neque desunt ibi, qui & ament & colant literas: Hæc enim natio Albertum procreauit, quo ex nostris hominibus nemo uberiore natura litem rerum cognitionem habuit. Nonnihil uero laudis intulit eò & Capnio, uersatus in Græcis & Hebraicis literis difficillimis temporibus, & cum peregrinorum linguarum studia nondum in Italia satis florent. Accepi enim ita Venerum quendam Oratorem olim de eò prædicasse. Nam cum apud Cæsarem Fridericum Legatus sui Principis esset Capnio, cumq; Venetæ ciuitatis Oratoribus, qui per id tempus eò uenerant, frequenter esset, accidit aliquando, ut Capnio forte pulcherrimæ Græcæ scriptum Enchiridion noui testamenti in manibus haberet. Quod cum uidisset Venerus, & animaduertisset, non esse eundem Græcarum linguarum Capnionem

Captiōnem, conuersus ad suos Collegas, ait: Videre
quaeso in Germania hunc uirum propter cognitionem
literarum in admiratione esse, quas nostri tam perti-
naciter cōtemnunt. Et nobilitauit egregijs monumen-
tis Sueuiam Stofflerus Mathematicus, cum primis, &
diligens & eruditus, cuius quia beneficio quotidie uti-
mur, duxi eius hic mentionem esse faciendam: fastos
enim multorum annorum confecit & digessit, in qui-
bus componendis dici non potest, quantum laboris
fuerit ei exhauriendum: Est enim immensi negocij, mo-
tus syderum exacte supputare. Nulla temporum discri-
mina, nullas mensium uices nossemus, nisi hunc labo-
rem uir ille optimus sumpsisset. Porro simile quiddam
pecudum uitæ fuerit, non habere descriptum annum
in certa spacia, non arandi, serendi, plantandi, aut alia-
rum rerum iusta tempora nosse. Habent & artifices in-
geniosissimos: hi enim plasticen sculpendi artem, quæ
prorsus amissa fuerat, renouarunt. Sed desino omnia
persequi, nam ego non omnes laudes, sed præcipuas
Suevicæ gentis recensere uolui. Magnam commen-
dationem habet generis nobilitas, & maiorum uir-
tus, nam ex bonis uiris natos, uerisimile est, aliquam
paternæ uirtutis similitudinem referre. Audistis autem
ueterustissimos Sueuorum à Cæsare prædicari, & præ-
clarum iudicium postea de Sueuis Germania atq; Ita-
lia fecerunt, quando ad eos Imperium detulerunt. No-
stris uero temporibus, nullo modo tenere tantas Res
publicas, tamq; florentes & pacatas possent, nisi omni-
bus belli ac pacis artibus instructi essent, nusquam in
urbibus tranquillitas maior, nusquam minus latroci-
niorum est, quàm in horum agris. Vicinis adeo non

CC ij sunt

sunt graues, ut saepe eos maximis periculis liberauerint, reddantq; procul etiam istis tuta omnia. Domi uero pax perpetua, multarum honestarum artium studia excitauit atque alit. Quæ cum ita sint, faueamus illorum laudibus, easq; sine inuidia prædicemus. Nam cum uirtute nihil melius aut pulchrius sit in quauis gente, iuxta meretur amari. Non enim unio minoris est præcij argento insertus, quàm si in auro gesserit. Sed ut superbi atq; inhumani ingenij est, in priuata consuetudine uirtutis, se tantum mirari, & ita sibi arrogare omnia, nihil ut alijs reliqui faciat, ita iniustus est, qui unam gentem sic amat, ut nihil exteris tribuendum putet. Hoc potius ad mutuam inter nos charitatem, & beneuolentiam alendam faciet, si quæ in uno quoq; fuerint laude digna, ea candide miremur atque complectamur.

Dixi.



Encomium

ENCOMIUM FRANCIAE M.

Irenæo autore.

NOBILITATE GENERIS, VIRTUTE,
& dignitate præstanti, Danielo Stibaro,
M. Irenæus S. D.



Vm nuper in patriam uenissem officij causa, uirū optimū, tuiq; amantiſsimū, Ioachimū Camerariū comitatus, adeo amantē te exceptus sum, ut multum me tibi debere iudicārim. Quare cū significationem

aliquam mei erga te studij extare uellem, tibi potissimū hanc oratiunculam de Franciæ laudibus dedicandā esse censi: quam eo tibi arbitrabar nō ingratam fore, q̄ his exercitijs et literarum studijs te præcipue fauere scio. Nec uero quidq; hoc tuo loco atq; ordine cū in Reipub. gubernatione uerſeris, dignius est, q̄ ciuiū studia excitare, & literas tueri atq; ornare. Intuetur in te iuuentus in patria, tuamq; auctoritatem existimat literarū studiosis magno præsidio esse. Nisi enim tui similes uiri præstantes uirtute & auctoritate, literis opem ferrent, quæ barbaries, quanta uastitas ad posteritatē futura sit, ipse optime intelligis. Itaq; hanc oratiunculā ita tibi mitto, simul ut patrociniū meorū studiorū tibi cōmendem. Nihil dulcius, inquit Homerus, unicuiq; esse, patria sua: Quare nemo nō fauet suæ patriæ prædicationi. Sed cū tam tenuis oratio argumēti amplitudini nequaq; respondeat, fortasse consiliū editionis huius multi reprehendēt. Nec id ego ambitiose defendā, illud tantū opto, exercitationē hanc meā, & in dedicando officiū, tibi probari. Bene uale.

CC iij Etſi



Tſi uereor, ut ſatis uerecundè facere uideat, quod in hunc ornatiffimum cœtum doctiffimorum iuuenum produci me patior, cum neq; à doctrina, neque ab eloquentia ita inſtructus ſim, ut aliquid afferre poſſim dignum ueſtris auribus, tamen quoniam ſcitis nos auctoritate præceptorum cogi, ut in hunc locum prodeamus, quam detrectare nobis nō eſt integrum, peto à uobis, ne me fiducia ingenij ſed officio adductū, hoc onus ſuſcepiſſe iudicetis.

Cum autem hæc ipſa declamandi conſuetudo poteſtatem nobis faciat de uarijs rebus dicendi, ego quoq; cum auctoritate præceptorum mihi hæc partēs mandarentur, non incommode me facturum exiſtimabam, ſi de patriæ meæ, Franciæ uidelicet, antiquitate & laudibus quædam colligerem.

Eſſi autem uidebam hiftoriam noſtræ gentis multo eſſe longiorem, quàm ut una oratione explicari poſſet, tamen quia ſciebam hanc totam declamandi conſuetudinem ideo inſtitutâ eſſe à præceptoribus, ut adoleſcentum ingenia exerceantur, & ad res maiores præparentur, malui operam ſumere in colligendis patriæ laudibus, q̃ in alio quodam argumēto. Primum enim neminem tam inhumanum aut ferreum eſſe exiſtimo, qui nō intelligat qualecunq; ſtadium ornandæ patriæ bono uiro digniſſimū eſſe, quemadmodum & Poeta inquit:

Et pius eſt patriæ facta referre labor.

Deinde cum militum utilitatum cauſa ſummo ſtudio peregrinæ hiftoriæ inquirantur, quanto magis decet nos operam dare, ut domeſticas cognoscamus: Nam hæc magis afficiunt animos noſtros, propterea quod ſicut aliarum

aliarum rerum, ita etiam gloriæ maiorum nostrorum hereditas ad nos pertinet. Magis autem afficimur nostris bonis, quam alienis. Minime igitur negligenda sunt nobis domestica exempla, præsertim cum multi Francorum Principes omni uirtutum genere ita excelluerint, ut cum præstantissimis ueterum Regum conferri possint. Prodest eò etiam res maiorum tenere, quia in hac Imperij forma, multa ex recentioribus historijs iudicari solent, in controuersijs iuris publici & religionum.

Sed initio ueniam à uobis peto, si expectationi uestre non satisfacere potero. Est enim perdifficilis nostrarum historiarum explicatio. Nam si Græcas aut Romanas historias recitarem, quanto me labore leuarent eloquentissimi & sapientissimi scriptores, à quibus & res & genus orationis mutuari possem: In nostris autem res procul ex uarijs & indiserijs scriptoribus quærendæ sunt. Deinde & in elocutione mihi sudandum est: Carent enim literarum lumine, ac pleræque res honestæ indignis modis contaminatæ sunt scriptorum ineptijs.

Has difficultates cum animo prospicerem, diu mecum dubitabam, an hoc argumentum perrexerem: sed uicit amor patriæ, ac perpulit, ut hæc qualiacumque colligerem. Idque eo feci libentius, quod sentiebam me misericordiam capere uoluptatem, ex tractatione huius argumenti, & cogitatione uirtutis maiorum nostrorum, à qua cum considero quantum Germanici Principes hac ætate degenerarint, non possum non deplorare horum temporum infœlicitatem. Nam maiores eorum non solum uiribus quæ non desunt nostræ ætati, sed multo magis animi magnitudine, consilio & concordia fines Imperij protulerunt, & barbaris nationibus domitis totam Europam

Europam pacarunt, & pacem legibus, disciplina, religionem munierunt & ornarunt, fuitque tanta admiratio sapientiae, iustitiae, & fortitudinis eorum, ut exterae nationes nullis Regibus salutem suam committere mallerent, quam nostris. Quam ob causam Italia illud Augustum nomen summi Imperij à Graecis ad nostros homines transtulit. Hos voluit esse duces publici consilij inter omnes Reges, & precipuos custodes, non solum regnorum omnium, sed etiam Ecclesiae, quibus iudicij quid potest ullis Regibus contingere gloriosius. Hoc igitur decus nunc adeo non tuemur, non solum ut fortis non retineamus antiquam Imperij possessionem, sed ut Turcas in Germania, & ob oculos nostros impune grassari sinamus. Interim plerique aut per ignaviam dedunt se voluptatibus, aut impediti priuatis adfectibus, non referunt consilia sua ad communem salutem, quod Principibus uiris & heroico genere indignissimum est. Has querelas dolor mihi expressit, & si sciebam eas non congruere orationis exordio.

Cum autem deceat nos Germanos uere Germanos, & mutuo amore deuinctos esse, spero uobis quoque Franciae laudes non ingratas fore, cum haec natio communi Germanico nomini magno sit ornamento, & multas res gesserit, quibus Germaniam reddidit illustriorem. Ego quoque nostros homines ita ornabo suis praconijs, nihil ut de aliena laude decerpam, sed potius ex Francis aliqua praconia ad alias nationes deriuabo.

Equidem non ualde improbo studium illorum, qui ignotas origines, ad clarissimos heroas, aut etiam coeleste aliquod numen, ut ipsi loquantur, referunt, ut cogitet posteritas, diuinitus constituta esse regna, amet patriam,

etiam, maiore cura defendat leges à maioribus acceptas, ipsis etiam Regibus, tanquam propagatis à diuina stirpe, numen aliquod inesse existimet. Nam & ipse ita sentio, regna diuinitus constitui, nec gentem ullam, aut Regem, sine cœlesti motu atq; ad flatu, Respublicas fundasse, & legibus ac disciplina munisse, & saluti posteritatis sceleriter consuluisse. Hæc enim sunt cœlestia beneficia, quæ Deus per summos heroes impertit humano generi, ut & sacra literæ docent, & sapientissimi Philosophi fatentur. Ita Lacedæmonij cum haberent Reges ab Hercule ortos, diligenter cauebant, ne qui propagati ab alia stirpe succederent. Fuit & Macedonicis Regibus Hercules generis autor. Sed omitto exempla, quæ sunt innumerabilia.

Cum autem Franci tantos habuerint successus, & regnum in Gallia constituerint, quod legibus & institutis longe præstat omnibus regnis totius orbis terrarum, nec uero aliud ullum regnum hodie est antiquius, ubi una gens possessionem sui regni, & quasi sedem maiorum suorum diutius tenuerit, quid dubitemus diuinitus excitatam esse hanc gentem, & heroica uirtute ac felicitate tantis auctam incrementis? Hoc consilio arbitror quosdam ad Hectorem retulisse Francorum originem. Sed hæc fabulosa omitramus, dum illud tamen teneamus, Deum fuisse ducem huic genti, in auspicijs regni, & maximis rebus gerendis, & subinde heroicis uirtus in hac natione extitisse, quorum singularis fuit uirtus & felicitas. Sunt autem heroicę naturę initium uerę nobilitatis.

Verum si quid in uniuersum habet commendationis patria, Francoſ uetustissimos scitote nō peregrinam in Germania, sed uere Germanicam gentem esse. Sunt

D.D.

autem

aurem propria quædam dotes, ut altiarum gentium, ita Germanorum. Existimantur esse aperti, ingenui, amantes candoris, & ueritatis, constantes, tenaces promissorum, reuerentes religionum, excellunt fortitudine, & in primis delectantur gloria militari, abhorrent à crudelitatem, & à foedis libidinibus. Si qua igitur nobilitas est, quam in commune habet gens Germanica, aliquid laudis adferet Francis patria. Adeo enim non fuerunt dissimiles cæterorum Germanorum, ut aliquibus uirtutibus etiam reliquas nationes superarint.

Sed quam initio regionem tenuerint, dicendum est. Porro ut in iudicio finium regundorum ad iudicationem cõtrouersia dirimatur, cū certi fines ostendi nō possunt, ita gentium sedes, cū origo ignota est, pleriq; attribunt ijs locis, ubi gentes rebus gestis magis inclauerunt. Constat Francos, moto bello aduersus Romanos, late in secunda Germania uagatos esse. Ideo quidam sedes eis tribuerūt uicinas Sicambrijs & Caucis, id est, Geldris & Frlsjs. Itaq; sub Constantio scribuntur occupasse Bataviā, & pyratice in mari exercuisse, & longe lateq; Galliæ littora populari esse. Sed mihi posterius descendisse propius Belgicum uidentur, ac propemodum adfentior ijs, qui certam tribuunt sedem in ripa Germanica, supra Coloniam Agrippinam, in ea regione, quam Catti tenuerūt, siue ea est Hassia, siue etiam uicinia superior, ut ex Ptolemæo apparet, quæ nunc habet Franciæ appellationem. Inde prolati Imperij finibus, partim Moeni ripam occuparunt, partim effusi sunt in Vbios ac in Belgicum, unde sæpe repulsi à Romanis Imperatoribus, tandem tamen in Galliam peruascerunt. Nam Imperatorum primus Aurelianus cum Francis ad Moguntiam

tiam confligit, cū nondum procul à patria discessissent. Quare credibile est, Francos tenuisse initio loca, nō longē distantia à Moguntia. Postea late uagati circa Coloniā Agrippinā, penetrarunt in Vuestualiam. Proinde Marcellinus Francis adiungit Camauos, quos fuisse Vuestualorum partem constare.

Apparet & ex Aufonio, has gentes non procul distitas fuisse, cum ait:

Accedent uires, quas Francia, quasq; Camaues
Germaniq; tremant, tum uerus habere limes.

Inde progressi populi ad Albim usq; imperarunt. Quare Claudianus inquit:

Vt iam trans fluvium non indignante Cayco,

Pascat BELGA pecus, mediamq; ingressa per Albim

Gallica Francorum montes armenta pererent.

Confligit & Iulianus cum Francis ad Iuliacum. Itaq; sedem huic genti supra Vbios tribuimus seu in Cattis, seu in uicinia. Postea infra Coloniā Agrippinā late uagata est. Quod uero pars Francorum, Salingi uocabantur, recentior est appellatio illorum, qui à Moeno ad Salsē fontes progressi, penetrarunt in Turingiam, & cum Turingis diuturna bella gesserunt: Ptolemeus enim ad Salam collocat Tyrioheinos, quos esse Turingos nomen ipsum testatur.

Potro nomen uidetur fuisse non unius gentis, sed multarum, quæ coniunxerunt se ad defendendam Germaniā libertatem: Constat enim hodie Francum dici liberum, à nostra appellatione, die freien ancken, id est, liberi iuuenes, sicut nunc appellamus milites die freien knecht. Ergo siue una gens fuit, siue multarum nationū bellicosissimi homines, apparet libertatis autores extitisse,

DD ij tisse,

tisse, non procul à Rheno et ab Vbijs, hominēs excellen-
 tiū virtute & iusticia præditos, qui Imperium Romanum
 quod illis temporibus erat alioqui tranquillū, & toti
 orbis terrarū formidabile, laceffere armis ausi sunt, &
 repressi toties, nunquā tamen animis fracti, fortunæ
 aut uicturi Imperatorum cesserunt. Nec uero ulla gens
 dimicauit cum præstantioribus Imperatoribus q̃ Francis.
 Quæ enim etas habuit duces bellicosiores, quā fue-
 runt Aurelianus, Probus, Diocletianus, Maximianus,
 Constantius & Constantinus. Horum uirtute & foelici-
 tate cum aliæ provinciæ tumultuantes facile reuocaren-
 tur ad officium, tamen Franci etiam uicti, iugum nūq̃
 acceperunt, nunquā arma abiecerunt, tantus amor pā-
 triæ fuit, tantum seruitutis odium. Quanta igitur uirtus
 in maioribus nostris fuerit, inde facile æstimari potest,
 quod ut Romani bellum cum Carthaginensibus de Im-
 perio uaria fortuna, annos circiter quadraginta, sed per
 interualla, gesserunt, ita Franci Romanos, toti iam orbi
 terrarū dominantes, armis exercuerūt annis amplius
 centum, inde usque ab Aureliano ad Theodosium, do-
 nec non modo libertatem recuperarunt, sed etiam po-
 titi Gallijs, Belgica & Celtica, post Theodosium regna-
 re ibi cœperunt. Nec minus negocij fuit tueri possessio-
 nem Galliarum, cum ferocissimæ nationes eas appetē-
 rent, Burgundi, Alemanni, Hunni, quā antea fuerat,
 eripere eas Romanis. Quare nisi fortitudine, scientiæ rei
 militaris, tolerantia laborum, deniq̃ etiam iusticia & di-
 sciplina excelluissent, tanta certamina tot annorum sus-
 tinere non potuissent.

Recensui opinionem de Francorum ortu, auspicijs re-
 gni Francici, quæ maxime probatur eruditis. Cum autē
 non mo do

non modo Belgicum inuasissent, sed etiam à Moguntia progressi, occupassent vicinas Moeni ripas, fuit ea regio propria Francorum sedes in superiore Germania, quam aduersus Alemannos, qui Sueviam & Helvetios tenebant, non sine acerrimis praelijs defenderunt. Itaque illa Francorum arx opposita Alemannis, retinuit Franciae nomen. Hæc est causa, cur regio ad Moenum Franciae etiam nomen adpelleretur. Sed Auentinus negabat Francos ad Moenum novos esse colonos, & sentiebat hos esse primos autores gentis, hæc esse veram patriam gentis Francicæ, propterea quod Strabo *βελγικὸς* ponit inter Noricos & Vindelicos, quod in loco & Suetonius Brennos fuisse testatur, inde paululum progressos arbitratur ad Moeni ripas, & deinde Romanis bellis in Belgicum pertractos, à qua sententia profecto non multum abhorreo, nec inuitus hunc honoré tribuo nostris ciuibus, ut *ἀυτοῦχοι* non colonos ex alijs ortos gentis esse existimem. Contendebat etiā Auentinus apud Ptolemæum pro Brennis quos inter Noricum & Vindelicium collocat legendum esse *βελγικὸς*. Et citatur Parthenius uetus scriptor, qui Francos ait esse *ἐβρύος ἀλγεῶν*.

Sed plus laudis est in uirtute, quàm in origine. Cum igitur res gestæ ostendant fuisse gentis Francicæ excellentem uirtutem, sumus hac laude contenti, & de generis origine disputare aliquando desinamus.

Occupata Gallia, foedus cum Romanis sub Iustiniano fecerunt, quare non modo belli iure, sed etiam ex foedere Galliam tenent. Et uirtute ac fide perfecerunt, ne Romanos poeniteret societatis Francicæ. Nam Attila Francorum auxilijs ingenti praelio uictus, & ex Narbonensi Gallia expulsus est, quam adhuc Imperatorius

obscure non

DD iij.

præfectus

praefectus Aetius tenebat. Testantur igitur historici, Francos tunc socios Romani Imperij, non uedigales factos esse.

Accedit ad ueterum Francorum laudes haec quoque, quod cum audissent doctrinam Christianam de uero cultu Dei, & admoniti agnoscerent barbaricos ritus & *sed uoluntatem* plenam esse turpitudinis & sceleris, cupide amplexi sunt Christianam religionem, eamque magna pietate coluerunt. Nec sine caelestibus signis ad pietatem uocati sunt: Nam Ludouicus, qui primus inter Reges amplexus est Christi doctrinam, hoc signo confirmatus esse fertur: Habebat conjugem Christianam, quae cum eum sedulo hortaretur ad ueri Dei agnitionem, & commemoraret, nullam esse uirtutem digniorem Regibus, quam uera pietate Deum colere, & si inflexit eius animum, tamen non statim persuasit, ut baptismo initiaretur. Gerebat autem Ludouicus ille bellum cum Alemannis per difficile, cumque in postrema pugna, quae supra Colonia Agrippinam commissa est, turbata & inclinata Francorum acie, uictoria uideretur penes Alemannos futura esse, ibi Ludouicus clypeum ad caelum tollens, inspectante exercitu, Christum inuocauit, & Deum confessus perit, ut ostenderet se exaudire inuocantes, & profligaret hostes, notumque fecit, se statim parua uictoria, baptismo initiatum & se & exercitum, deinde fugientes reuocauit. Testatus igitur Christus se implorantes opem ab ipso iuuare, reddidit animos militibus, ac restituto praelio, tanta strage Alemanni uicti sunt, ut deditione facta, Francis parere coeperint. Hoc initium fuit Regibus Francis colendae pietatis Christianae, circiter annum Christi 470, quam quidem postea annos amplius mille, tanta constantia

stantia retinuerunt, ut Ecclesie Christianae saepe dubijs
temporibus magno praesidio fuerint; eamq; ob causam
Christianissimi appellari sint. Nec armis tantum defen-
derunt religionem, sed multo magis ornarunt eam scho-
lis, & propagatis studiis in Gallia & Germania.

Hactenus de auspicijs regni Francici, & quasi de pri-
ma aetate dixi. Posterius deinde non solum retinuerunt pa-
tas opes, sed etiam auxerunt, ac non modo potentia cre-
uit, sed etiam accesserunt maiora studia civilium artium,
religionis, doctrinae, iusticiae, disciplinae. Itaq; cum facile
aequitate & lenitate Imperij pacem domituerentur, for-
is ad communem Europae defensionem bella necessa-
ria gerebant. Carolus Martellus repressit Saracenos,
deleta ingenti eorum multitudine, adeo ut Hispania
partem tunc amitterent. Pipinus pacavit Italiam, & Pa-
risijs constituit curiam iudicium, qua uocant Parlamen-
tum, quo nullum est sapientius, ac melius constitutum
iudicium toto orbe terrarum. Ab his summis uiris ortus
Carolus Magnus, auxit auitam & paternam gloriam.
Neq; enim tantum armis pacavit Italiam, sed etiam do-
muit Longobardis iura & leges dedit, ut ad posterita-
tem Italia quieta esset.

Cum igitur appareret Francicos Reges & magnitudi-
ne Imperij, & uirtute ceteros Reges in Europa uincere,
essetq; aliquo custode publicae tranquillitatis opus uni-
uersae Europae, ac praecipue Italiae, cuius possessione Grae-
cos Longobardi depulerant, bono consilio Romana Ec-
clesia Carolum appellauit Imperatorem, ut ei defensionem
Italiae atq; Ecclesiae commendaret. Quod autem illius
testimonium uirtutis Francicae commemorari potest,
quam haec iudicia extetarum nationum, quae non modo
auxilium

auxilium à Francis implorauerunt, sed etiam existima-
runt se illis imperantibus libertatem suam posse retine-
re: Quare magnam fuisse iusticiæ opinionem de nostris
hominibus necesse est. Ferrur illud Græcū, τὸν φεάγον
φίλου ἔχει, γέγονά δ' εὖ, acute fortassis: Nam crescens
tem Francorum potentiam formidabant Græci. Sed ta-
men Italia non antiquum modo, ac uicinum, sed etiam
dominium habere Francum propter uirtutem & acqui-
ritatem Imperij non reculauit. Vt autē Carolus belli glo-
riæ par fuit summis Imperatoribus, ita pacis artibus opti-
mōs æquat Principes. Academiam Bononiensem, anti-
tea à Theodosio constitutam, instaurauit, duasq; nouas
ipse addidit, alteram in Italia Papiensem, alterā in Gal-
lijs Parisiensem, ut ferē extincta optimarum artium stu-
dia rursus excitaret, & doctrina religionem ac Respub-
licam ornaret & ornaret. Nec uero obscurum est, quā prae-
clare meritis sit de toto orbe terrarum his scholis consti-
tutis, quarum præcipua opera iam annis septingentis
consecrata sunt literæ. Hæc est uera laus summi princi-
pis, pacem restituere, religionem, iusticiam, disciplinā
tuere, ornare, & ad posteros propagare. Quā dissimi-
les sunt ab hac imagine exercitus illi, qui his proximis
annis Italiam foeda populatione dilacerarunt, nec ge-
runt bellum hoc sine, ut postea religiones & literarum stu-
dia excitent, sed ut æternam barbariem & uastitatē effi-
ciant: Quanto fuerunt foeliciora Francorum Imperia,
qui saluti omnium gentium consuluerūt, & religionem
ac literas magna cura prouehere conati sunt.

Sequitur tertia Francorum ætas, cum Gallia à Germa-
nia auulsa est, post id tempus fuerunt tamen in Germa-
nia Francorum Duces, qui uetustam Francorū sedem in
utraq;

utraq; Moeni ripa, & magna parte regionis Rhenanæ re-
nuerunt. Nam Francia nostra olim aliquanto latius pa-
tuit, nunc ferè Scaleno figurâ efficit, cuius latus septen-
trionale porrigitur ab ortu uersus occasum, à Sala fonti-
bus usq; ad ostium Moeni in Rhenum influentis. Latus
meridianû ab ostio Moeni ad flumen Almylium, à me-
ridie magna ex parte præcingitur sylua, quæ a uastitate
nomen habet. Orientale latus ab Almylio ad Sale fon-
tes porrigitur iuxta montes Sudetes. Nec procul recessit
à ueteribus uicinis, quorum Strabo fecit mentionem.
Nam & hodie Vindelicos à meridie attingit, & ferè ab
ortu aspicit Noricum. Habet ad Moenum sitas metro-
poles, Bambergam, Vuirceburgum, & Francofordiam.
Hic tractus in ripa Moeni hodie retinet in Germania
Franciae nomen. Olim bona pars ripæ ad Rhenum à
Spira usq; ad Coloniam uocabatur Francia Ducatus.
Moguntia enim quispiam è uetustissimis Ducibus se-
pultus est cui nomen Meingos, & Conradus, qui con-
didit templum Spirensē, non procul à Spira regiam ha-
buit Lympurgam.

Peperit autem & hæc tertia Francorum ætas laudatissi-
mos Principes, Henricum Bambergensem, qui Belgi-
cum recepit, & expulit Italia Saracenos: deinde Conra-
dus recepit Burgundiam, & eam Imperij partem, quam
uocant Arelatensem, & domuit Pannonias. Posterius
artificijs Pontificum Romanorum, impliciti sunt ciuili-
bus bellis, sed tamen res gesserunt maximas. Henricus
quartus sæpius acie dimicasse scribitur quàm C. Caesar.
Postea extincta stirpe Ducum, nostra nobilitas & ciuita-
tes, ne externos dominos acciperent, ne uel libertatem
suam amitterent, summum Principatû magna ex parte

EE transu-

transfulerunt ad Episcopos, quorum diu fuerunt æquo-
ra Imperia, & minus periculosa libertati. Pars regionis
& Burggravijs Noribergensibus parere cœpit, invitata,
ut opinor, & nobilitate & uirtute familie. Nam Burggra-
uij Guelfis orti sunt, quæ uix est ulla uetustior in Germa-
nia nobilitas, fuitq; par nobilitati uirtus: possem enim
cōm memorare multos, qui res maximas gesserunt, sed
prætereo cæteros. Alberti fortitudo & sceleritas in præ-
lijs tanta fuit, ut Germanici Achillis cognomine cele-
brecur.

Nec uero extincta sunt in nostris hominibus studia
uirtutis, etiam si fata Imperium Europæ ad alias gentes
transfulerunt. Nam equitatus Francicus, peritiæ rei mili-
tatis, disciplina, fortitudine, genere armorum, non cedit
reliquis nationibus Germanicis, quæ equitatu pollent.
In ciuitatibus uero iudicia, legibus & iure cōstituta sunt,
gens ipsa cū natura amat, candorem, fidem, iusticiam,
liberalitatem, tum uero domestica & publica disciplina
ad uirtutem & omnia humanitatis officia assuescere so-
let. Cuiusq; ingentia sunt ipse minime fucata, uix inuenias ali-
bisitiores amicitias.

IA. Est autem in talia corruptione publicorum morum
ubiq; plurimum est uitiorum, tamen ubi minor est igna-
uia, consuetudo laboris multa uicia arceat, & adfert ho-
minibus duriem, ut minus appetant inconcessas hold-
prates & luxum. Est autem utraq; Moeni ripa admodū
ferax & culta, quare Franci agriculturæ dediti sunt. Hoc
durati labore luxum aspiciantur, ac magis ex parte est,
ut ille inquit:

dom moeni munothleg & anous lilest
Nostri operum patiens, paruq; affueta iuuentus:
Nonnulli & mercaturam exercent, sed magis crebro

cecono

œconomicam, quæ uitæ necessaria est & plena humanitatis. Quid est enim laudabilis, & uitæ utilius, quam de uicini inter se homines mutua rerum necessarium communicatione? Huius rei copiam soli fertilitas suppeditat, quod frumenti tantum gignit, ut uicinis etiam impertiamus. Vinum autem uberius apud nos nascitur, quare procul in regiones longinquas euehitur. Pro hoc saltem & metalla nostri reuehunt. Et si autem uenæ auræque argenti apud hos interdum inueniantur, tamen nostri contenti agricultura, non scrutantur eas. Ferrum tantum inuenerunt & excoquant, quod magis necessarium est ad uitæ usus, & copiosius gignit nostra regio. Extrema ora horridior est, itaque pterisq; locis repeuaria sustentantur homines. Noriberga uero, nā hanc quoque in ora Franciæ recte collocari arbitror, floret cum excellentiam artificum frequentia, tum mercatura, quæ non absimilis est œconomica: Euehit enim artificum opera, utpote hæc negotiatione suppetere artificum officinis sumptus. Quare & hoc genus mercaturæ à Platone laudatum, & auctoritate legū in Digestis grauissime comprobatum est. In agro Bambergensi mira est horum amœnitās & fertilitas, in quibus si non, ut in Alcinōi hortis, punica mala, fici, & oleæ nascuntur, tamen ingens est copia multorum fructuum, qui uitæ sunt utiles. Erunt ceteros omittam, latissimos campos γλυκύγηρæ occupat, cuius magnus est usus in multis remedijs. Cumq; gentes propius ad Arcton accedentes, propter frigora & intemperantiam habeant crebriores tussēs, & destillationes, & pulmonum incommoda, quibus medetur maxime γλυκύγηρæ, multum debent uicini nostre regionis, quæ remedium eis præsentissimum suppeditat.

Est & ars ac ratio colendi digna admiratione, quæ adhibetur in plantanda & propaganda *plurimisque*: Censat enim ars cum natura nitida emulatione.

Hactenus de gentis ingenijs ac moribus, & de soli bonitate breuiter dixi, quæ Physicam habet causam non obscuram. Vt enim ceteræ regiones, quæ tanquam uales præcinguntur montibus ac iugis, melius irrigantur defluenti ex saltribus pingui humore, ita & Francia sit uberior, procincta hinc saltu Turingico, istinc saltu Sueuico. Et rigatur fluminibus ambitiose eam peruagantibus, Moeno, Tubaro, Laso, Regnicio.

Non nihil & cœlestes causæ adiquant soli bonitatem, & hominum ingenia. Cum enim Ptolemæus uerisæ Germaniæ attribuat primum trigonum, uidelicet Arietem, Leonem, & Sagittarium, ac adiungat *duos de astro* *et duas* Iouem & Martem, horum uis maxima est in media Germania. Francia autem ferè umbilicus est Germaniæ. Quare & solum minus est horridum, cum à Ioue, & ut oppositi trianguli natura fert, à Venere temperetur. Et studia moresq; hominum non obscure imitantur Iouis & Martis naturam: Sunt enim in gubernandis ciuitatibus acres & industrij, leges & disciplinam, si qua natio, nostri maxime amant, ignauiam indicant esse turpissimam, quare nobilis inuentus militiæ cupida est, & passim castra sequitur. Nec domi aratrum in ocio agunt, sed habent assidua equestria exercitia. Est item Francia sinistro humero Bootis recte subiecta, qui agriculturæ studium excitat: & quoniam aliqua ex parte refert Mercurij & Saturni naturam, addit uim ingenijs. Proinde non solum in uulgaribus, domesticis, aut ciuilibus negocijs, singularis est in nostris dexteritas, sed etiam

etiam in literis & reconditis artibus multi excelluerunt, quos enumerare longum esset. Sed tamen silentio prætereire illos, quorum extant monumenta utilia Reipub. esset hominis ingrati.

Quis uestrum non amat nomen Regiomontani? quis non veneratur eum, ut numen aliquod diuinitus in terram missum, ad instaurandam ueram Philosophiam de moribus coelestibus? Nullius enim industria plus præstitit in eo genere doctrinæ restituendo nobis, quam Regiomontani: qui cum ingenio & eruditione in Mathematis excelleret, uideretq; sine cognitione Græcarum literarum præstantissimos scriptores Mathematicum non posse intelligi, dedit se Græcæ linguae, ac secutus Bessarionem Græcum Cardinalem in Italiam, magna cum laude ibi & docuit suam Philosophiam, & homines Græce doctos uicissim audiuit, lustrauit bibliothecas, inquisiuit optimos autores, ut Ptolemæo, quem illustrare cupiebat, situm & squalorem detergeret. Itaq; magna uarietate monumentorum nos instruxit, enarrauit autores ueteres, difficiles artis quæstiones agitauit, ædidi tabulas, ut posteritas retinere artis possessionem posset. Porro doctos homines intelligere decet, quantum sit beneficium, tradere doctrinam de moribus coelestibus. Amissa enim uera anni descriptione, qualis barbaries, quanta tenebræ in historiis, religionibus, imò in omnibus uitæ actionibus secuturæ essent? Quare Regiomontano gratiam omnes gentes debent, nosq; ipsius causa Franciam, in qua tantum ingenium natum est, magis amare decet. Cumq; hæc natio minimum habeat seruilium ingeniorum, in studiis etiam ostendit ingenuitatem, odit sordes & auaritia, quæstus

in literis, ac plurimi amplectuntur honestas artes, doctrinæ ac veritatis amore. Ideo multi apud nos etiam in ijs artibus excelluerunt, quæ vulgo iacent spretæ, quia non faciunt, ut dicitur, *πρὸς τὰ ἀλφита*. Et quoniam nostri sunt imprimis *κοινωνικοί*, eruditi non solum suæ oblectationis causa doctrinam colunt, sed liberaliter impertiunt alijs etiam ea quæ didicerunt. Virtutem esse dicunt, operam ad propagandas & conferuandas artes conferre. Itaque nunc Schœnerus magno cum labore prouehit Mathemata. Quàm multos in hac parte Philosophiæ excellentes Noriberga genuit, cuius ciuitatis genius peculiariter favere huic Philosophiæ videatur. Clari sunt æditi monumentis Pircamerus, & aliter Vuerherius, quem vere artificem fuisse, eruditissimæ ipsius observationes de motu octauæ spheræ testantur.

Sed dicam de alijs artibus. Poeticam in Germania excitauit primus Conradus Celtis, natus in nostrâ Francia; qui, cum ueniam haberet satis scelicem, & esset exopolitus ijs literis, quibus ad carmen cõponendum opus est, nõ contentus uulgarî eruditione, adiunxit Philosophiam, & cum excitandæ iuuentutis causa, tum quorundam erudiendæ, passim referat sua poemata Physicis & Astronomicis locis. Hac argumēta uel præcipue conuenire poematis recte sensit, norat enim uetera exempla Hesiodi, Empedoclis, Arati, Manilij, uiderat & loculentum poema recens Pontani. Quare & sibi & patriæ honestum fore putauit, si & ipse in uersibus Philosophiam complecteretur.

Habuit recentior ætas Poetam summo ingenio Huttenum, qui nisi immatura morte extinctus esset, ad scribendi

bendi facultatem plus eruditionis & iudicii adhibitu-
rus erat. Sed quanta in eo vis ingenij & naturae libertas
fuerit, ostendunt & in inueniendo acumen, & in expli-
cando uerborum splendor & copia.

Præterea plurimos, quorum eruditio & ipsis decus,
& patrie ingenies utilitates attulit. Sed facerem iuuiste,
si non in hac commemoratione laudum patria, com-
plecteret præceptorem meum, Ioachimū Camera-
rium, præsertim cum non solum eius studia, sed etiam
optimi mores exemplo nobis esse debeant. Neminem
enim uidi, in quo magis lucrere id, quod proprie uoca-
tur *ad id*, hoc est, quædam à uera ratione profecta in
omni actione moderatio, quam in isto. Cumq; iusticia,
reuerentia religionis, & continentia eximia præditus
sit, tum deo maxime eminet in eo amor ueritatis, quæ
uirtus homine Philosopho maxime digna est. In disci-
plinis uero totum orbem artium complectitur, nemo
ex nostris hominibus Græce doctior est. Quare pari fa-
cultate Græce & Latine, carmen & solutam orationem
scribit. Et hanc scribendi facultatem consumit non in
materiis uulgaribus, sed Philosophicis, edidit eruditissi-
ma poemata, *Aeoliā* & *Phænomena*. Quanta au-
tem uirtute est, quod hanc suam industriam confert ad
publicam utilitatem, & ad iuuanda studia, & ad or-
nandam Christi Ecclesiam. Ac ne quidem in cæteris
rebus deest eius officium Reipublicæ. Cum prudentia
& diligentia excellat, multa ciuilia negotia sustinet.
Hunc & in instituenda studiorum ratione, & in mori-
bus imitandum nobis proponamus. Neque enim mi-
nus ornamenti literis addidit ipse uite sanctitate, quam
ei peperit eruditio. Porro nimis prolixa futura esset

oratio,

oratio, si recensere omnes conarer. Quare & si pratered
ceteros, tamen animo tacitus ueneror omnes, qui ali-
qua egregia uirtute de hominum uita, & de patria bene
meriti sunt.

Hæc de Franciæ laudibus collegi, nihil detrahens de
aliarum gentium gloria, quare ut meam orationem bo-
ni consularis, uos etiam atq; etiam oro. Existimabo au-
tem me non exiguum operæ precium fecisse, si quis hæc
encomia audiens, magis amabit Franciam uel propter
ceteras dotes, uel quia tot lumina doctorum uirorum,
qui de omnibus gentibus bene meriti sunt, genuit.
Cumq; nomen Francicum initio multis gentibus com-
mune fuerit, hæc laudes ad alias nationes etiam aliqua
ex parte pertinent. Itaque opto, ut alant mutuam inter
nationes beneuolentiam, non accendant odia, quæ des-
bent abesse à Germanis, quos ipsa appellatio

Germanitatis cum ad candorem, tum
ad fraternum amorem
adhortatur.

Dixi.



Demiserijs

DE MISERIIS PAEDAGOGORUM Oratio.



N Aesopi apologis queritur apud Iouem asinus de suis ærumnis, quotidianis se operis confici & enecari: sed est querela pædagogorum de suis miserijs iustior profecto, si res ad calculos reuocetur, quàm asini.

Quis enim ullo in pistrino asinus tantum mali perculit, quantum mediocri pædagogus in uno atq; altero docendo tum laboris exhaurit, tum molestiæ perpetitur. Quo in genere uitæ, quia mihi aliquandiu uersari contigit, & experiri quàm sit calamitosum, libuit in præsentia de pædagogorum miserijs dicere, & communia mala nostri ordinis deplorare: Est enim quædam in malis uoluptas, libere conqueri, sicut Ouidius ait cū scripsit:

Expletur lachrymis egeriturq; dolor.

Proinde cum alios æquis animis de alienis negocijs dicentes audiat, & mihi quæso meam agenti fabulam, uerumq; dolorem repræsentanti operam date. Et si ille apud Terentium, cum dicit, hominem se esse, nihil humani alienum abs se esse, recte iudicauit, humanum esse alterius miseria affici, debetis profecto & uos uice mea commoueri, & querelam meam patienter audire, mihiq; ueniam dare, sicubi diutius iusto in commemorandis malis nostris cōmorari uidebor: Nam ubi dolet, aiunt, ibi manum quisq; habet. Ego cum per inopiam ingenij sentirem me nil huc adferre posse, quod magnopere delectaret, & me quotidianæ uitæ consuetudo huius argumenti admoneret, gessi scilicet meo dolori morem, & hanc materiam sumpsi pro uirili tractandam. Ex qua

FF equidem

equidem nō ingenij laudem, sed in hac carnificina quædam curarum solatia captabam, plane mihi requies, nō fama perita est. Nec me sinebant hæc mala diligentius elaboratam orationem huc adferre. Sed dum dolori obsequor sine ordine incondita pleraq; effudi, idq; con-
donabitis, opinor, mihi facile, si qua misratio mei tan-
get. Neq; enim uacabat animo sic occupato uerborum habere accuratiorem delectum. Sed exordiar aliquan-
do causam, quam animus meminisse horret, luctuq; res-
fugit, & querar apud uos de conditione pædagogorū, quo genere hominum nulli mihi, ne quidem in er-
gastulis uidentur in foeliciores. Primum enim cum tra-
ditur pædagogo puer docendus, & ad humanitatem ac
uirtutem informandus, uidete quæso quā duram pro-
uinciam plenāq; miserrimi laboris ac periculorum ca-
piat. Non ante matura ætas pueri uidetur ut mittatur in
ludum literarum, q̃ cum domestica indulgentia corru-
ptus est, & uicia tum intelligit tum degustauit, is nō mo-
do nullum amorem literarum aut admirationem, sed
acerrimum erga illas odium, contempnum præceptorū,
turpissima exempla domo adfert. Cum eiusmodi mon-
stro præceptorī decertandum est. Si doceas, peregrina-
tur animus pueri, et ut optime succedat, sexcenties idem
inculcandum est, dum illi inuito hæreat in animo; cum
paululū modo despexeris, rursus ex animo illa omnia
toties decantata puero effluunt. Si reddere cogas quæ
didicit, tū uero uideas plane ludibrio haberi præcepto-
rem. Nam puero, ut est contumacia, uoluptas est admi-
sisse aliquid, quod urat & exerceat præceptorem. Si quis
cogatur docere camelum saltare, aut asinum fidibus lu-
dere, nonne illum egregie miserum dicas, qui frustra
maximum

Maximum laborem sumat: At id tolerabilius est, quàm
 nostros pueros docere. Nam ut nihil promoueas in ca-
 melo aut asino exercendo, certe illi nulla iniuria cumu-
 lant molestiam. At isti belli pueri cum strenue defatiga-
 runt nos, quàm sunt insuper in nos contumeliosi? Inue-
 nias qui palam ausit conuictum facere præceptori, &
 manus auriculas imitatur mobilis albas. Et eiusmodi
 mores domo ad præceptores adferunt, nihilo reueren-
 tius antea parentes tractauerunt, quàm nunc magistros
 tractent. Et paulatim uertit in naturam mala consuetu-
 do, ut corrigi & emendari hæc uicia nunquam possint.
 Quid est si non hæc est miseria, perpetuis curis ac labore
 in docendo frustra consumi et enecari? Deinde pro tuis
 meritis etiam ludos deliciasq; & quidē pūero fieri? Pin-
 gunt apud inferos Sisyphum in mane saxum in aduer-
 sum montem uoluere, quod tamen ē summo iam uerti-
 ce rursus labitur, & plani raptim petit æquora campi,
 significariq; scribunt eo commento, inuito labore mul-
 tos mortales confici. Mihi multo clarius representari
 uideretur inanis opera, si pingeretur ibi pædagogus cū
 eiusmodi puero, qualē paulo ante descripsimus. Quan-
 to enim maius negotium est pædagogo q̃ Sisypho, nec
 ramen maius operæ precium sit. Illius in uersando saxo
 simplex labor est, & cura uacat, pædagogi uide mihi q̃
 multiplex negotium sit. Nunquam nisi coactus à præ-
 ceptore puer librum in manus sumit: ubi acceperit, ocu-
 li atq; animus expatiantur. Ibi tanquam calcaria ad den-
 da quæ admoneant officij. Enarrat aliquid præceptor,
 iam illi delicato somnus obrepit, & securus in utranque
 aurem dormit, dum se pædagogus dicendo rumpit.
 Nouum ibi negotium sit pædagogo expergefaciendi

discipuli. Dictata repetuntur, experrectus adolescens iubetur adijcere animum ad ea quæ traduntur, verum non est cura Hippocliidi, foris est animus tanquàm in alio mundo, in ganeis, in alea, in perniciosi sodalitiij ludis. Tantum abest, ut meminisse aliquid studeat, ut eam legem quæ de conuiuijs exabat apud Græcos, *μὴδ' ὑνέμωνα σὺν πόντῳ*, ipse de scholis latam putet, & incisas non in æs, sed in sculptam animo circumferat *μὴδ' ὑνέμωνα μάθῃ τῳ*. Itaque si postridie dictata reposcas, quia perfluxerunt aures omnia, nil tenet. Ibi magistro redit labor actus in orbem. Orditur pristinam cantilenam, nec semel repetit, donec isti trunco unum atque alterum verbum infligatur. Quis est tam cornea fibra, qui non stomachetur, tantum opere se perdere, præsertim cum interea & naletudinis iactura facienda sit. Nam atteruntur & labefiunt corporis vires, non modo dicendi labore, sed etiam cura doloreque animi, quem, quia non respondent nostræ diligentiae studia puerorum, indignitas rei parit. Seculum in his miserijs consumitur, dum iste primas litteras didicerit. Nec putet se iam defunctum esse pædagogus, hæc tantum nostræ Tragœdiæ præludia sunt, restat Epitasis multo graminosior. Infinitus labor est, os puerile formare, & ad Latinam linguam assuefacere. Nam cum lingua expoliatur consuetudine bene loquendi, eamque ad rem disertorum commercia multum momenti adferunt, primum, ut est negligentia, conuertunt ex proximo, hoc est, à patria lingua omnem sermonem, Latine loqui, quia id difficilius erat, ne quidem conantur. Deinde quia sui similibus delectantur, eruditorum commercia procul fugiunt. Apud unum præceptorem Latino sermone utendum est, ad quem cum ventum est, *Dij immortales*

mortales, qualespectaculum cōmittitur? Puer aliquan-
 diu in statuē modū prorsus mutus est. Postea ubi se col-
 ligere cœperit, ac meditari uerba, quia animus perturba-
 tus est, oculi superciliaq; perueruntur, si uideas, dicas co-
 mitiali morbo arripi: perueritur & os uelut Cynico
 spasmo fœdissimo rictu. Post ubi diu secum luctatus est,
 tandem uocem edit. Sed ne deprehendatur, si quod for-
 te existeret solœcum, stridet obscure. Quidam ingeniosi
 sunt in postrema syllaba & casu dictionis obruendo ne
 percipiatur. Iubet præceptor clara uoce pronunciare, il-
 le iterat & uerba cadentia tollit. Exaudit iam præceptor,
 sed nihil nisi uerborum portenta. Nec autores qui præ-
 leguntur redolet sermo, nec cum Grammaticis præce-
 ptis conuenit. Hic demum sentit se miserum esse pæda-
 gogus: Nam cum ex studijs puerilibus non alius fructus
 petatur, quàm ut expedire loqui possint, hic uidet sibi
 operam & oleum in dicendo perire, in tam prodigiosa
 discipuli infantia. Sed quantæ difficultates exorbendæ
 sunt, dum huic uitio mederi studet? Dissimulandus ei
 dolor animi, iracundia reprimenda est, comitate puero
 perturbatio animi sedanda, blande inuitandus est ad
 loquendum. Sæpetrahendi longius de industria sermo-
 nes, ut consuetudinem Latine loquendi puero faciat.
 Hæc una res cum plus satis adferat molestie, tamen mul-
 to magis exercet præceptorem stylus, quem, ut Latina
 lingua fiat puero familiaris, adhibendum esse uidet, ut
 usu scribendi confirmatus tuto loqui possit. Non enim
 unum remedium ad excutiendum istum ueternū pue-
 rilibus ingenijs satis est. Sed cum nihil perinde ad pa-
 randam quàm uberrimam sermonis copiam conducatur
 atq; assiduus stylus, non alium laborem tamen perinde

recusant suscipere atq; scribendi. Nihil est opus hic recensere causas: Etenim nota uobis natura hominum nostrorum. Immane quantus labor est percellere, ut uel toto semestri unum epistolion scribant: Ego uero comperi non aliam crucem nobis esse acerbiorē, q̄ cum istis cessatoribus quotidie rixari, cum officij monentur. Neque uero unquam cogi potest, ut unum uersum scribat, nisi praeceptor adsideat, dicat argumentum, suppeditet uerba. Iste cum inueniendi cura uacat, tum agere distata excipit. Sero hac consuetudine eò promoueris, ut suo Marte conetur scribere, si tamen unquam conatur. Nam illum crede uirgula diuina ad uirtutem incitari, qui uel sero per sese conatur aliquid componere. Quis nō malit in pistrino molere, q̄ hanc tam molestam plenamq; stomachi perniciem gerere? Sed fac istum tandem coepisse scribere, plurimum operæ in emendatione scriptorum ponendum est. Est enim sceleratus praeceptor qui hac in re cessat, si Horatio credimus, qui negat bonum uirum esse, qui cum censor fiat alieni scripti, uicia non reprehendat. Est enim notus uersiculus:

Vir bonus & prudens uersus reprehendet inertes.
Primum autem in corrigendis sermonis uitijs oculos praeceptor non simplicem laborē sumit, dum Grammatica errata mutat, dum obscure & ambigue dicta perspicue explicat, dum impropria corrigit, dum horridis addidit nitorem, & figuris illuminat, & gratiora blandioraq; facit. Porro relegere inepte scripta puerorum molestum est quamuis patienti praeceptor, quanto magis emendatio fatiget: praesertim cum plerumq; ratio etiam cur quippiam mutari, indicanda sit. Tum castigandi acrius qui negligētius scripsere, hortandi alij ut inceptū cursum

cursum urgeant. Neque uero tantum sermonis uicia mon-
stranda sunt, sed in his qui iam non nihil promouerunt,
ferum etiam habenda ratio, & uoluntates regendæ.
Quosdam enim conuitia delectant, in alijs est ridicula
uauitas, & inanis iactantia, & ferè mores stylus arguit.
Hæc uicia cum uires accipiunt, nec è teneris animis euela-
luntur, hærent in senibus summa cum turpitudine. Ex-
pendite quæso, consistent hæc mediocribus præceptoribus,
uel si dociles habeant discipulos, & tamen nostris
ferè aut ingenia desunt, aut deest uoluntas discendi. Du-
plicatur autem labor, cum summa ui ad officium cogen-
di sunt. Nam ut in acie parum scilicet Imperator, si mili-
tes habeat primum ignauos, deinde quos non pudeat
fugere, postremo qui non obtemperent, sed pugnent in-
iussi, locum capiant ex suo arbitrio, non seruent ordines.
Etenim apud Thucydidem egregius quidam Impera-
tor dicit ad bene pugnandum requiri, ut uelint milites,
ut fugere pudeat, ut obtemperent Imperatoribus: Ita in
hæc scholastica militia miserrimis curis præceptor con-
ficitur, cum docendos suscepit, qui primum non fla-
grant ulla cupiditate discendi. Nihil enim in omni uita
egregium effici potest, nisi animus studio eius res quam
affectat, ardeat, & ad eam magno quodam motu atque
impetu rapiatur. At nostri turpiter frigent in discendo,
nec accendi ulla ratione possunt, magis cogi uolunt tan-
quam pecudes. Deinde nec laudis amore nec pudore
extimulantur. Porro cum hominum nature proprie pu-
dor insitus sit, quid esse nostros pueros dicā, quos adeo
non pudet inscitie: ego uerius monstra hominum dixe-
rim, quàm qui mutilis membris aut cæci nascuntur. Est
enim leuius malum, mutilo pede esse, quàm humana
mente

mente carere: Isti enim simpliciter humana specie be-
luinas mentes regunt, quos in re turpissima flagitiosissi-
maq; sui nihil pudet. Postremo nunquam quisquā tam
foelix præceptor fuit, cui ita obtemperarit discipulus, ut
præscriptam discendi rationem secutus sit, ut ad hos au-
tores euoluendos alligari se passus sit, in quibus eum so-
lis uersari atq; commorari tanq; domi suæ præceptor uo-
lebat, ut ad tempus scripta absoluerit, ut ea quæ edidicit
statis horis memoria repetiuerit, ut sermone castigatio-
re apud sodales usus sit. Nostri quidem nihil horū præ-
stant, in carcerem se includi citius patientur, q̃ in uno au-
tore detineri. Varietas grata est illi ætati. Itaq; uaria, sed
plerunq; deteriora legunt, si tamen aliquid legunt. Iam
fodere malunt quā memoriam aut linguā exercere.
Sic sunt pueri in genere, alij magis, alij minus ignaui.
Nam etiam si quis indole generosa est, tamen ea ætate
parum in animis roboris est. Et quemadmodum lon-
gus labor est infantū corpora firmare, gestando, alijsq;
mollibus exercitijs, sic infantia ingeniorum non nisi se-
ro curatur, postquam diu summa comitate docueris &
adsuefeceris, nec aliter tractaris atq; suos alumnos nutri-
culæ tractant. In tanta inertia istorum, cogitate quid ani-
mi præceptor sit, nimirum idem quod Imperatori, qui
abiecta uictoriæ spe, intelligit hosti salutem, tum suam
tum patriæ scelere exercitus sui proditam esse. Consumi-
tur acerbissimis curis, uidens tam male locari grauissi-
mos labores in iuuentute formanda.

Dixi hæcenus de ærumnis, quas in docendo tantum
perferimus, restat altera officij nostri pars longe diffici-
lior superiori, cura regendorum morum. Quid ibi mali
non uidet præceptor? Primū ætas illa natura ad uitium
propensior

propensior est. Et Plato scripsit, nullam beluam intractabiliorem esse puero. Itaque tanto pere sudabit præceptor in regendis his, qui domi summa diligentia parentum ad religionem & ad bonos mores instituti sunt, ut leonem aut ursum experiatur facilius posse gubernari, quàm hos. Et tamen in scholas quotquot ferè mittuntur, pessimos mores, turpissima exempla adferunt, ut refingendi sint de integro. Est autem difficilius, praua quæ semel infederunt, dedocere, quàm recta docere. Scitis enim Muscicū illum gemina mercede docuisse, qui ante sub alijs magistris male assuefacti erant. Pugnamus ergo cum ingenijs puerilibus, quæ per se ferocissima sunt, præsertim in Germanis, & domestico usu corrupto. Videte enim istos bonos parentes, quorum multi se Euangelicos uocant, cum in ea ætate prima esse tradenda religionis cura debeat, hi ne quidem sacras preces, Decalogum & hoc genus alia domi docent, plerique parentes contemptum religionis docent. Tam corruptum hoc nostrum seculum est, ut iure possis dicere, deceptum esse Satyrum, cum dixit:

Nil erit ulterius quod nostris moribus addat

Posteritas.

Omne in præcipiti uitium stetit.

Neque enim dici potest quanta accessio scelerū omnis generis, nuper adeo ad uetera uitia facta sit. Domestica disciplina perijt, quæ tamen nobis pueris erat medicamentis. Magna diligentia domi tradebantur elementa pietatis. Nunc alia res est, ridentur sacra, eamque summam sapientiam ducunt. Et quia Dei metus exemptus est animis puerorum, ruunt in omnia uitia, quorum ego iam memoracione non delector. Proinde cum in scholam

GG

uentum

uentum est, necesse est sumi in docendis primis pietatis gymnasmatis operam. Sed quid discerent infecti ante impijs opinionibus? Sed ut mediocriter succedat, tamē in officio retinere quantus labor est: domi retinere, arcere à corruptis sodalibus, à ganeis, ab alea, & reliquis similibus: Hoc qui potest, illum ego non hominem, sed planē Deum quendam cœlitus in terras publicæ salutis causa delapsum esse pronunciauero. Mille artes excogitant pueri fallendi præceptoris. Et in pluribus tantus furor est, ut palam contemnant imperium. Quia enim à literis perpetue feriæ sunt, ocium & docet & alit uitia. Est enim uerissima sententia, quam reliquit scriptam Columella in preceptis quæ patrifamiliâs præscribit, Nil agendo fieri, ut homines male agere discant. Iam ubi domo tanquam è carcere re fractis repagulis fugerit adolescens, miserrime curæ subeunt animum præceptoris. Quæ ille in fabula Mitio sibi uenire in mentē dicit de filio, eadem præceptorem sollicitum habent, ne ille uspiam ceciderit, aut perfrigerit aliquid, aut uulnus acceperit, & hoc genus alia: Quare iam cogitat sibi summa uis coercendū esse discipulum. Et cū hæcenus à plagis abstinerit, hic demum ad ferocitatem castigandam promuntur uirgæ. Nam nostri homines nō nisi plagis coacti, sicut de Phrygiis in proquerbio est, imperata faciunt. Hic ille miser supra tot mala carnificinam cogitur exercere, rem miser rimam, quæquæ uel in primis noceat ualeitudini nostræ. Nemo enim tam ἀπαλὸς est præceptor, quin ex contrumacia adolescentium commoueat, quemque non perturbet in uerberando impetus: Quid iam de cura ualeitudinis puerorum dicam: quid de sumptibus moderandis: quid de rationibus sumptuum perscribendis: que, ne

que, ne nimis longum faciam, cogor omittere. Etenim
Non mihi si centum linguæ sint oraq; centum,
Omnia curarum percurrere nomina possim.

Postq; preceptoris labores recensui, nūc uidete quæ ui-
cissim pro his tum merces tū gratia redeat. Hæc uero est
Tragica catastrophe: Superiora omnia ludū & iocū di-
ces fuisse, prout hæc mala sunt quæ restāt cōmemoranda.

Primum merces adeo est exigua, ut Satyricus ea de re
questus scripserit:

Pœnituit multos uanq; sterilisq; cathedrę.

Iure sterilem cathedram dixit: Nam fossorem pluris q̃
preceptorē conducūt. In his miseris algemus, uiuimus
siliquis & pane secundo, & uix nos à fame defendimus.
Videtis enim meā maciem, uidetis ut lacer incedā, quæ
si fortuna fecisset uel bibliopolā, scitis qualesit id genus,
ego iam auro onustus incederem, tanq; aliquis Sarrapa.

Deinde summa ingratitude puerorum est, qui non
modo nullum se à nobis beneficium accipere dicūt, sed
neminē peius de se mereri arbitrantur q̃ nos. Qui nihil
discunt, nos perinde ut literas accerrime oderunt uelut
suos carnifices. Quidam alij leuiter degustatis literis, cū
iam aliquam induant eruditionis persuasionem, sic pla-
cent sibi (nam id solet ea ætas) ut præceptores nihil mor-
tentur, seq; iam ad summū fastigium eruditionis perue-
nisse putent, ubi ex alto nos despiciant. Et nō modo nō
uident q̃ curram habeant supellectilem, sed ne id quidē
expendunt, quibus acceptū ferre debeant id quantum-
cunq; est quod didicerunt. Nec ego interea recito q̃ ua-
rijs contumelijs nos adficiant, ut suspendant naso, posti-
cis fannis petant, si quid moneamus. Videte quæso q̃ mi-
sera conditio nostra sit. In eam ætatem beneficia nostra

collocātur, quę nondum benefacta intelligit, tantum abest, ut mutuo amore nos cōplecti, aut gratiam habere pro nostris officijs queat: Sic pereunt nobis beneficia nostra magis q̄ ullis mortalibus. Nam etiam cū senuere discipuli, quia beneficij memoria, non solet esse diuturna, nemo iam pręceptorū meminit, quidam etiam malam gratiam reddunt, ut Nero fecit. Neq; puerorum parentes pluris nos faciunt q̄ ipsi pueri. Non expendunt depositam à se liberorum curam nobis imposuisse. Totā enim regēdi docendiq; pueri prouincia nobis tradita est plena sollicitudinibus & periculorū. Ipsi domi sue secure suum negocium agunt. Et iam cum mercedulam dederint, ut exprobrāt nobis suum beneficium? Si quid recte fecit filius, nihil laudis adscribitur pręceptorī. Si quid peccauit, accusatur pręceptor. Diogenes cum adolescentis gestū in edendo reprehēsurus esset, pędagogo impegit colaphū. Sic isti, quicquid peccāt liberi, transferunt culpā in pręceptores. Talis gratia nobis summis laboribus & curis redditur. Si quis huc cōferat pro nostris. oīa uitę genera, inueniet in nullo tantū calamitatū quantum in nostro, planeq; affirmare ausim, nos oīem mortaliū longe æruminosiores esse, qui cū summos labores obeamus, in summa tamen inopia uitā ægre traducimus, & interim nullo non contumelię genere adficimur à discipulis, ab illorū parentibus, deniq; ab his, de quibus preclare meremur. Neq; quisq; opinor uestrum est tam ferebreo pectore, qui si hec consideret, uehementer misericordia nostri cōmoneatur. Super sunt autem multo plura mala, sed ego defessus sum hac cōmemoratione, & tempus uetat prolixiorē esse orationem. Itaq; ut finiam, sunt mihi in hoc extremo actu discipuli nostri commo-

nefaciendi

nefaciendi, ut quoniam audierunt sua uicia accusari, igna-
uiam, contemptum literarum, amorem uoluptatum atque ocij, in-
gratitudinem, admoniti a nobis dent operam ut haec emen-
dent, ita & nobis minuetur labor noster, & ipsi domum
summa cum laude redibunt, & adferent egregium instru-
mentum rei familiaris conservandae, dignitatis comparandae,
& Reip. gerendae. Nam cum uacui domum redeunt, quid ac-
cidit: quia nihil didicerunt, nullius usus sunt in Rep. do-
miq; cum summa ignominia uiuunt. Deinde quia in ocio
multa uicia contraxere, ea herent in illis, potant, amant,
latrocinantur, ut publicum odium urbis fiant. Exitus autem
his moribus respondet, alij inter pocula occiduntur, alij
suas fortunas in alea perdunt, alios perdidere amores.
Possem infinita exempla recitare, si sineret tempus. Sic
enim Deus poenam sumit de his, qui primum Deo autore
adhibiti ad discendum, non faciunt suum officium. Nam quod
parentes iussere, id Deus tanquam sua iussa fieri uoluit. Dein
de malam gratiam bene meritis praceptoribus reddunt.
Noli enim putare ullum esse scelus, quod perinde offen-
dat Deum, atque ingratitudo: sic enim scriptum est, Fore ut
non precedat malum a domo ingrati. Quantum autem Do-
ctoribus debeat, tum inde existimari potest, quod in uicem
parentum succedunt, & illorum affectus erga pueros induunt,
tum etiam Paulus commonet cum ait, Duplici honore dignos
esse Doctores. Proinde si cupitis ut fortunet uobis Deus
uniuersam uitae uestrae cursum, date operam, ut uicissim ea
praestetis quae ille a uobis exigit, ut grauiter obeatis pro-
uinciam uobis a parentibus commissam, et ut praepceptores
uestros amanter compleremini, & religiose colatis, ut &
nostra studia & nostrum amorem erga uos augeatis, &
mala nostra uestra commoditate mitigetis. Dixi.

DE UTILITATE FABVLARVM

Oratio.



On dubito, quin ut quisq; modestissimus est, ita maxime miretur, idq; merito, quid mihi puero, nondum primos oblito uagitus, in mentem uenerit, cur hic in corona doctissimorum iuuenum dicere conftuerim. Neq; uero ipsi frontis adeo perfricti sumus, ut in hoc auditorio, uel mutire ausimus, ni cogant honestissime rationes. Nam cum huc prodire turpe sit, nisi cum eloquentia, tū autoritate, locum cū decoro tueri possis, uereretq; fore ridiculus, si tale quiddam hac ætate susceperem, quæ quid possit, quantum sapiat, nemo ignorat. Iam ut eruditionem non desideres, primam in puerilibus ingenijs laudem uerecundia meretur, in qua ni sententiam q̄ longo absit hac theatra ostentatio, ne ego plane stupidus sim. Sed uicit has rationes præceptoris mei autoritas, qui de ingenio meo periculum facturus, hanc dicendi provinciam iniunxit, quam si recusassem, parū pius uideri potuisssem. Sic enim existimo, præceptori uel in te iniqua probū adolescentem parere oportere. Itaq; malui quiduis uideri, q̄ præceptorum autoritatem deestare. Quæ pietas mea, facile, ut spero, me ab omni calumnia liberabit, impetrabitq; à uobis, ut boni consulas, quod nonnullo meo periculo præceptori morem gerere studeo. Interim quo me cōsilio periclitari uoluerit, ipse uiderit. Iussit autem, ut de fabularum laude dicam, quod argumentū in speciem quidem puerile est, & huic ætati aptum. Caterum si quis propius contempletur, intelliget ei prudentissimorū hominum eloquentiam uix parem

uix parem esse. Quæ enim literarum, quæ uitæ pars non aliquid à fabula mutuatur? Sed nos pro ingenij nostri modulo rem agemus, modo puerilem orationem audire non sit molestum. Efficiam autem, ni spes me fallat, ut intelligatis, non aliud genus literarum utilius esse repperit, quàm fabulas. Quod ut uerissimile fiat, primum causas aperiemus, cur à maioribus cōfictas esse iudicemus. Videbant illi cōmuni mortales conditione, non corporibus modo, sed animis etiam imbecillibus nasci, eamque legem, opinor, ita sanxit natura, ut educandæ tuendæque sobolis curam in parentibus augetet. Os primum inermis & edentulum est, sero admodum lingua, manus, pedes officium suum facere incipiunt. Estque tanta in tenero corpusculo imbecillitas omnium membrorum, ut ni uagiret infans, uiuere penè nesciretur. Et huic corporis modo singulari beneficio natura conuenientē alimonia in maternis uberibus cōdidit, quod solidioribus cibis nō statim os firmum sit. Itaque materno lacte infans tantisper alitur, dum uiricule firmiores factæ, solidiorem cibum admittant, suntque autores Medici, qui integro biennio solo lacte alendos censent, paulatim postea solidioribus datur, nec ille tamē aliquandiu, nisi præmanus. Iam & alumne manu infantis ore interitur, priusquam huius manus officio suo fungi potest. Omitto quanta industria, quantaque cura collocari in cunas in crepundijs gestari soleat, ut mēbris habitus suus, lineamentisque decor aliquis paretur. Atque hac corporis conditione, fallor ego, nisi natura uelut spectaculo quodam animorum imbecillitatem adumbravit, monuitque quanta cura excitari, institui, ac erudiri rudes puerorum mentes velit. Est enim & sua his infantia: Videmus quæ sero agnoscant domesticos

mesticos etiam, speq; metuq; uacant, nullo rerum absen-
 tium sensu tanguntur. Proinde sapientes uiri nature uim
 propius contemplati, haud equidem sine mente reor,
 sine numine diuum, uiderunt animis suo quodam lacte
 opus esse. Quæso te, nonne ridiculus fuerit, si quis infan-
 tem anniculum per urbes aliquot circûferat, precipiatq;
 ut illarum situs, item hospitem nomina accurate obser-
 uet, memineritq; ut domum rediens, æqualibus recense-
 ri possit. Ad eum modum ineptire iudico, qui talia pue-
 ris proponunt, quæ captus illorum nondum assequitur.
 Est omnino ueritate nihil uenustius, nihil amabilius,
 sed longius à conspectu, & ab oculis hominum recessit,
 quam ut cerni temere, agnosciq; possit. Santq; pueriles
 animæ ad eam tanquam per gradus quosdam ducendi,
 inuitandiq; uariis illecebris, ut subinde propius conside-
 rare liceat rem quidem omnium pulcherrimā, sed heu
 nimium obscuram, ignotamq; mortalibus. Et perinde
 atq; qui se ab infantibus amari uolunt, saccharo aut simi-
 libus rebus inuitant, ita lenocinijs quibusdam commen-
 danda ueritas est, & iudibus animis insinuanda. Excor-
 gitur itaq; prudentissimi homines fabellas, quæ pri-
 mum admiratione excitarent, ceu ueterum quendam
 dormientes puerorum animos. Quid enim magis no-
 uum nobis uideretur, q̃ lupum cum equo, leonem cum
 uulpecula, quercum cum cucurbita hominum more col-
 loqui. Taciti apud nos miramur, qui sensus, qui sermo
 bestiarum fuerit: paritq; hæc admiratio uoluptatē quan-
 dam propius cognoscendæ rei, iuuatq; discere, quam ob
 causam hæc conficta sint. Ibi paulatim animus excitatus,
 erigit se in contemplationem rerū humanarū, & agnos-
 cere uirtutum, uiciorumq; discrimina incipit. Deinde
 altius

altius insidunt, tum uerba tum sententiæ eorum argu-
 mentorum, quæ cum admiratione exceperimus, & uelut
 aculeos relinquunt in animis, quibus accendimur cura
 quadam peruestigandarû earum rerum, quæ nouo com-
 mento tradita sunt. Hoc opinor consilio, primum con-
 fictas fabulas, quod nulla dicendi ratione excitari supi-
 næ puerorum mentes citius posse uiderentur. Fortasse
 hoc etiam agebant fabularum autores, ut amœnis argu-
 mentis ingenia puerorû mitiora redderent: Inest enim
 in ea ætate, sicut in recentibus pomis, acerbum quiddã,
 & ferum, quod nisi humaniore institutione corrigatur,
 in barbariem quandam & beluinam sæuitiam abit. Vi-
 demus enim hoc docendi genere usos esse quondam
 grauissimos & sapientissimos homines, quod nunc
 quanto malo publico è scholis exulet, non facile dixe-
 rim. Homeri Poetæ prudentiam tantopere mirantur
 eruditi, ut supra cõmunem mortalium sortem uehant,
 planeq; sentiant, diuina quadam ui mentem illius per-
 citam fuisse. At is pueris, quos in Græcia passim doce-
 bat, bellum ranarum & murium scripsit, ut simul tene-
 ros animos lepidissima fabula delectaret, simul doceret
 quantum præstaret dissimulare quàm ulcisci iniuriam,
 quàm sint incerti turbarum ac bellorû omnium exitus,
 nec rato accidere, ut ab inferioribus potentiores uincan-
 tur, sæpe malum omne in auctoris caput uergere. Nam
 cû mures nonnulla sanè iniuriâ prouocati, armis illam
 vindicare q̃ dissimulare mallent, nimiumq; suis uiribus
 aduersus imbelles ranas fiderent, donarunt superi uicto-
 riam imbellioribus, et belli autores pertinacię suę iustissi-
 mas pœnas dederunt. Quæso quid æque retulit pueri-
 libus animis inseri, atq; odium bellorum ac turbarum,

HH

tolerantiæ

tolerantia studium, & hoc genus alias humanitatis artes? Hesiiodum tanta fuisse prudentia apparet, ut carmen eius diuinum uideri uoluerint, qui senserunt eum calamis à Musis acceptis uatem esse factum. Is uero cum per suadissimum suis ciuibus esse uellet, nihil foedius, nihil immanius esse uolentia seu iniuria, rem ipsam uelut in tabula depinxit, composito de accipitre & Iuscinia apologo. Docebat hic quoque Græcam iuuentutem, & non sunt contemnendi scriptores, qui Aesopicas fabulas ab ipso confictas prodiderunt.

Dixi quod consilio putem repertas esse fabulas, potestque ex hoc uelut fonte precium earum & utilitas æstimari. Neque enim tam prudentes uiri fabularum auctores his nugis unquam delectati fuissent, nisi ad erudiendas pueriles mentes, plurimum conducere sensissent. Quid, quod non modo pueris, sed celeberrimis etiam ciuitatibus fabulae salutares fuerant. Cum plebs Romana cum patribus dissideret, secessumque est in sacrum montem, nec superiorē ulla oratione flecteretur, missus est Agrippa, qui uniuersam multitudinem lepidō apologo, deuētre, & reliquis hominis membris, ita cepit, ut statim liberet in gratiam cum patribus redire. Demosthenes grauis Orator, cum Macedo ea conditione cum Atheniensibus foedus facturū esset, ut illi Oratores sibi dederent, qui perpetuis concionibus animos ciuium aduersus se exacerbarent, iniquissimam conditionem Reipub. festiuo quodam apologo dissuasit, quanquam ab ea non ita multum plebs diutino bello uexata abhorreret. Nam cum docere uellet in hoc postulari Oratores, ut urbs destituta Oratorum praesidio, Regi tyrannidi pateret, mira luce & perspicuitate, Macedonis consilium ante oculos multum

multitudinis posuit hoc commento: Lupos quondam cum pastoribus pactos esse, nihil se posthac hostile caulis illaturos esse, si sibi canes dederentur. Placuit stultis pastoribus conditio, canesq; dediti sunt. Proinde ubi lupi uiderunt excubias caularum sublatas esse, libere grassari in gregem coepere. Hæc fabula cum docuisset quanti referret Oratores seruari, Rempublicam tanisper serauit, dum hoc consilium ualuit. Miram quandam fabulam inesse, uel hæc exempla testantur: Necessè est enim efficacissimam orationem fuisse, quæ implacabiliter ita tunc ciuibus Romanis arma e manibus extorsit, quæ Athenienses grauitè afflicto adduxit, ut quanquam una uoce pacem omnes flagitassent, bellum tamen quæ pacem mallent. Est mihi hæc aliquis & prædicet uel Mercurij uirgam, qua sinxit uetustas a himas orco euocatas esse, uel Orpheu cytharam, qua syluas & saxa traxisse ferunt, mihi quid em non mirus admiranda esse Musica uidetur, quæ cõcitata multitudinis uis sedatur, atq; ea quæ bestias & saxa demulsi, & haud scio, an qui illa de Mercurio Orpheuq; sinxerunt, significare uoluerint peculiari quodam dicendi genere rudes mortales & feros adhuc mansuetos esse. Quod si uerum est, consentaneum est id apologo effectum esse, quo orationis genere facillime capiuntur imperitorum mentes. Certe qui populis suis legem condiderunt, multa apologis simillima positis reliquerunt. Quid enim illa Lycurgi scenæ nonne apologum representabat, cum exemplo duorum catulorum doceret, naturam & ingentiam uim institutione ac assuetudini uinci. Non liber hic peregrinas leges, peregrina instituta recensere, cum in sacris literis tam multum extet apologorum, ut satis appareat, ipsum cœlestè

numen ita iudicasse efficacissimum hoc orationis genus, ad flectendos hominū animos esse. Quæso te, quæ potest laus amplior contingere apologis, quam quod eos cœleste numen etiam approbat: Iam dudum, opinor, puerilium uos nugarum pertraheret. Et ego partes meas esse sentio, ne diutius uos obrundam: Quamquam mihi quidem adeo aridet argumentum, ut nulla unquam oratione arbitrer satis laudari posse. Quod est enim dicendi genus, in quo perinde cum summa utilitate summa gratia coniuncta est: Vere nimirum dixit Horatius, Omne tulisse eum punctum, qui miscuit utile dulci. Quæ enim oratio, mores, studia, ingenia hominū propius expressit quam apologi: idque tanta cum gratia, ut nullis epodis incantari citius hominū mentes possint, quam cupiant apologi. Proinde æquales meos adhorror, si qua orationis meæ est autoritas, ut ad discendos apologos se toto pectore conferant. Sunt qui nescio quibus obscuris autoribus tractandis ingenia attrahunt, & magno labore desipere discunt. At apologi foelicissime excitant, exhilarant, & erudiunt pueriles mentes: Ad hæc cum extent Latine, oratione etiam uelut molliore quodam succo alunt. Adeo siue moribus formandis præcepta quæris, siue recte loquendi exemplum, nonnulli commentarij præstiterint. utrumque, & apologi, foelicius.

Dixi.



Præfatio

PRAEFATIO IN HESIODVM

Phil. Melanch.



Quod in Plautina fabula histrio praefatur, iustam ferem uenire oratum & facilem, id ego multo rectius hoc in loco praefari possum, dum non ut ille ioculare adulterium in scenam adfero, sed grauissima uitae praecpta, quosdam etiam de natura rerum, de siderum ortu & occasu locos. Deceui enim Hesiodi *ἔργα καὶ ἡμέραι* enarrare. Id ego poema postulo, ut summa cura diligentiaq; studeatis cognoscere. Quia in re, q̄ nihil iniquum, aut indignum uobis, aut ab officio alienum flagitem, quanq; uidere uos magna ex parte existimem, exponā tamē mei consilij rationem. Ego semper operam dedi, ut eos autōres uobis proponerē, qui simul & rerū scientiam alerent, & ad parandam sermonis copiam plurimum cōducerent. Nam hē duę partes cohaerent, & sicut Horatius inquit, amice coniurārūt, ut altera alterius ope fieret ac nitatur. Neq; enim benedicere quisq;, nisi pectus cognitione optimarū rerum instructum habeat, potest, & rerum scientia manca est, si lumen orationis adhibere non possimus. Et ut ad certa sydera nauē cursu omne dirigunt, ita in his nostris studijs huic omnia referenda sunt, ut & scientiam recte de moribus, deq; natura rerū iudicandi & explicandi res grauiore, mediocrē quādam facultatem nobis patemur, utilem uero ad utrunq; Hesiodum, quanquam rustici autorem carminis, Quintilianus esse iudicauit. Prior operis pars tota est *ἀδίκητα*, continens uitae ac morū leges, profuturas uobis ad consuetudinem uitae, & ad iudicandum de cōmunibus hu-

HH iij manitatis

manitatis officijs, nam de religione non dico. Quod si putamus Iurisperitorum commentarios, aut Philosophorum disputationes discendas esse, ut in civilibus negotijs facilius prospicere possimus, quid equum quid iniustum sit, & ex istorum literis colligenda esse simulachra iusticie, & quietis, aut aliarum virtutum censemus, inuet eadem ab hoc Poeta petere, ex quo permulta mutuati sunt illi ipsi legum scriptores & Philosophi. Et est quedam ex fontibus illa, si possis haurire, noluptas, bonu & iust. Na quacumque sapor est, (ut ait Ouid.) oblata dulcis in unda.

Gratius ex ipso fonte bibuntur aquae, Et magis adducto pomum decerpere ramo.

Quam de caelata sumere lance iuvat. Nam & reliqui scriptores, qui morum precepta & leges tradidere, propter infantiam & sermonis inopiam, vim virtutis ac formam germanam non potuerunt nobis ob oculos ponere. At Hesiodus expressam quandam imaginem viuis illustratam coloribus, nec ad scintilla vitiatam fuso, planeque talem, quale Appellis color in fabulis spectandum exhibet. Porro ut architecti tenent in animo inclusas certas formas aedificiorum, quas imitentur in aedificando, & ut insidet in mente pictoris species pulchritudinis eximia quedam, quam intuens, in eaque defixus, ad illius similitudinem artem & manum dirigit. Ita & nos oportet formam quandam virtutis animo insculpere quam contemplerur, & in consilium adhibeamus, quoties de moribus, deque hominum officijs iudicabimus, id ita fiet, si optimarum autorum precepta diligenter cognouerimus, & ex illis certam quandam omnium officiorum rationem collegerimus. Et ut serunt Zeusem cum Helenam Crotoniatis pingere decreuisset, ex omnibus

mero

merito uirginum eius urbis quinque delegisse, ad quarum
 exemplum Helenam pungeret, ita ex lectissimis auctori-
 bus debemus certam rationem uirtutis excerpere, quæ
 consilia omnia nostra regat & gubernet. Mihi autem in
 primis ad eam rem utilis Hesiodus uidetur, quia inter
 gnomologos scriptores citra controuersiam principem
 locum tenet. Neque enim nuda præcepta tradit, sed alias
 in encomijs uirtutis, alias in insectandis uitijs commora-
 tur, & quod officiosissimum est ad absterrendos animos
 hominum a turpitudine, grauitate & religiose docet, di-
 uinitus bonos præmia pro benefactis ferre, improbos
 scelerum suorum poenas luere. Animaduertit enim pru-
 dentissimus uir, natura nos duci, ut statuamus numine
 quodam hæc mortalia gubernari, esseque Deum iniuriæ
 ultorem, & bonorum assertorem. Itaque multo grauius
 de moribus præcipit Hesiodus, quam Philosophi ulli, qui
 ceu gigantes in fabulis cælum excindere conati, Deum
 ab administratione rerum submouent, & religione ani-
 mos hominum liberant. Diogenes dicebat Harpalum,
 qui prædo scælix illis temporibus habebatur, contra Deum
 testimonium dicere, quod in illa fortuna tam diu uiue-
 ret. Quanto φιλοσοφώτερον Hesiodus docet prope ad-
 esse Deos hominibus, ac uidere malefacta nostra: Vos
 quæso ametis hoc poema, & familiare uobis faciatis,
 quod quidem diuinum esse, uel hoc argumento sit, quod
 ferunt Hesiodo pastori calamos a Musis donatos esse,
 quibus iam afflatus cecinit hæc præcepta. Apparet ex Ci-
 cerone solitos olim sic pueros ediscere, ut certas precau-
 las nostri pueri docentur. Et Græci tanti fecere, ut in He-
 licone adseruari in plumbo descriptum poema.

Hactenus de prima Hesiodi carminis parte. Postea-

rior

rior magna ex parte *quoniam* est, de natura terræ ac frugum, de tempestatibus, de syderum moribus, quārū rerum perliberalis & iucunda cognitio est. Nam cum hominum causa, & ad usus nostros hæc rerum natura condita & fabricata sit, flagitium est uelle totius pulcherrimæ ædificij rationem contemplari, præsertim cum ea cognitio plurimum momenti adferat ad ualitudinem conseruandam, & ad plerasq; alias uitę partes regendas. Quis est tam ferreus, quem si in theatro sedeat, cum ludi fiunt, nō aliquando incessat spectandi cupiditas? & cum nullum spectaculum, nulli ludi, plus uoluptatis aut utilitatis adferre spectatori possunt, q̃ hæc naturæ uarietas, mihi rectius uia cadauera q̃ homines uidentur appellandi, hi qui neq; mentem, neq; oculos ad naturæ considerationem cōuertunt. Postremo ad parandam scientiam bene dicendi, non parum confert Hesiodus, nam lectis uerbis utitur, quæ tempestiue usurpata, & orationi dignitatē adferunt, & scientię pondus addunt. Quantum putas accedit orationi grauitatis hac auxilii penè tragica, cum Reges *Δωροφάγους* appellat: quàm grata compositio est *χρησθίνου*: Sunt hoc genus sexcentę figurę, quas non libet hic enumerare, ne quid amittant gratię ex integra oratione, uelut à corpore membra auulsa. Quid de tota orationis structura, deq; sententiarum figuris dicemus? quæ tantopere probantur Fabio, ut huic decernat in mediocri genere dicendi palmam, & Princeps Latinorum Poetarum Virgilius, & Ouidius lectissimos locos in sua opera transfulerint, iudicantq; non leue ornamentū inde accedere suis poematis. Reddet haud dubie & nostram orationem locupletiolem & uberiolem, nec male collocabit operam, si quis ad Græcum

Græcæ exemplar, ea quæ nostri inde excerpserunt, contulerim, nam illa utriusque linguæ proprietates certius deprehenderetur, & figuræ uerborum & sententiarum animaduersæ clarius cernerentur. Profuerit etiam, si locum aliquem floridiorem tuo Marte Latinis uersibus exposueris, quæ exercitatio dici non potest, quantum acuat iudicium, quantum item ad alendam sermonis copiam, & comparandam scientiam explicandi res obscuras faciat. Sed hæc inter enarrandum obiter monebimus. Quærat aliquis, quid hæc tota ratio discendi ad pietatem conducatur? Est in promptu quid respondeam, ad immutandam mentem, imbuendaque religione nihil conducit, nam id efficit celestis spiritus per sacrum sermonem, sed ad cognoscendum sermonem sacrarum literarum, Græcis literis opus est: deinde ut de sermone rectius iudicemus, & ut dogmata religionis enarrare & explicare, quoties poscit hoc publicus usus, possimus, uarie subigendum est ingenium, & omnibus disciplinis excolendum. Nam ut neglectis filix in nascitur agris, ita in ingenijs nisi repurgentur elegantiore literatura, uelut inutiles herbæ uicium mentis omnem strangulant & enecant, ne aut perire uideantur res obscuras aut publicare, & in apertam lucem proferre queant. Magna quædam uirtus est eloquentia, & ut ille in Tragedia dixit, rerum domina, quo de obscuris rebus ordine ac dilucide dicamus. Ea nemini sine magno usu earum artium, quæ humanitatis appellatione continentur, uariaque exercitatione contingit. Hæc mea ratio est, cur has artes profuturas etiam studijs religionis existimem, qua de re non dicam hic longius, ne uidear *dis xgæuſw*, quod dicunt, adferre, cum alias hanc causam egerim. Vos autem quantum possum hortor, ut

quemadmodum initio dixi, constituatis ipsi uobiscum, quem fructum ex studijs petere uos cōueniat, & ut eam rationem studiorum ingrediamini, unde plurimū utili-
tatis ad uos priuatim & ad Rempub. redit.

Est aliquid quo tēdis, inqt Pers. & in qd' dirigis arcū,
An passim coruos sequeris testa q̃ luto q̃,

Securus quo pes ferat atq; ex tempore uiuis.

Ita mihi multi postquam bonam uitæ partem in studijs consumpserunt, nondum expendisse uidentur, quid agant, aut qua in re collocent laborem, quam messem à studijs expectent, ea uero non simplex insania est, sitq; ut dum diu didicere, nihilo certius de religione, deq; alijs rebus iudicent, quàm uulgius. Et si quando Respub. uocem uel consiliū eorum flagitat, tum uero magis muti sunt quàm pisces. Verum ut uiator primum constituet, quo habeat iter, ita nobis in studijs ante omnia erat de fructu studiorum deliberandum: Postea ineunda ratio compendiarie peragenda fabulæ. Ita cognoscendi legendiq; scriptores omnes, ut de religione, deq; natura teneamus certum quiddam quod promamus, quoties usus uitæ poscit, & paranda est copia sermonis, quam possis, cum aliqua res controuertitur, explicare animi sensa. Hunc putate scopum studiorū uestrorum propositum esse, ad quem omnes cogitationes

animorum uestrorum

dirigatis.

Dixi.



Præfatio

PRAEFATIO IN HESIODVM,
à Francisco Vinariensi
recitata.



Um de enarrando Hesiodo deliberarem, inter ceteras difficultates quas mihi id negotij suscepturo propositas esse intelligebam, in mentem hoc quoque ueniebat, non defuturos esse, quoniam nō ita multo ante is Poeta in hac schola luculenter enarratus est, quibus, si relegeretur, fastidium repetitio adferret. Video enim nō aliter atque uulgo aiunt, nouas cantiones gratissimas esse, ita nos auidissime ad eos autores cognoscendos, qui minime noti ac perulgati sunt, confluere. Quanquam igitur uerebar, ut accepturi essetis poema, quod gratiam nouitatis paulo ante exiit, tamen confirmauit me eorū iudicium, de quorum consilio Hesiodum enarrandum suscepi, qui quod eius Poetae cognitionem maxime frugiferam & liberali ingenio dignissimam esse statuebāt, saepe relegendum esse iudicabant. Nam cum magnam utilitatem habeat lectio, & diligentius expendantur, & altius introspectantur ea quae retractamus, sunt enim, ut scitis, *Δευτέρῃαι πορνίδες σοφωτέρῃαι*, fore arbitrabantur, ut neminem poeniteret, Hesiodum ex interuallo re gustasse & propius cognouisse, cuius de omnibus officijs tam honesta praecepta sunt, tam multae sententiae, quae ad abditas & abstrusas in natura res cognoscendas faciunt, ut nunquam de manu deponendus uideatur. Nam qui numerat potius quam longum catalogum autorum audierit, quam supputat quid ex quoque lucrificerit, is sciat se in studijs infeliciter uersari. Neque uero

multum utilitatis adferre scriptor ullus potest, semel tantum uelut à limine salutatus. Et Hesiodum ueteres non tantum putauerunt semel atque iterum legendum esse, sed ediscendum omnibus pueris, qui liberaliter instituebantur, ut Columella testatur, proponebant. Ego igitur his causis adductus sum, ut susceperim hūc Poetam rursus interpretandum. Sed quoniam cupio uobis etiam persuadere utilem operam uos in eo repetendo sumpturos esse, aliquanto latius huius mei iudicij ratio mihi exponenda est, & dicendum, quomodo legere ueterum scripta conducatur. Quare de re dum dico, quāso me diligenter attendite. Nam qui in discendo nihil aliud consilij habent, nisi ut multa legant, hi mihi tanquam uia lapsi, toto cœlo errare uidentur.

Proinde sic statuo, paucos quosdam, eosq̃ optimos ex illo magno librorum numero eligendos esse, quibus à prima puericia innutriti, omnes eorum sententias, ut digitos ac ungues nostros, teneamus, & sermonem eorum, quā proxime fieri potest, nostra oratio referat ac redoleat. Animaduerto autem hanc orationem in reprehensionem quorundam imperitorum, qui uarietate lectionis doctrinæ famam aucupantur, incursuram esse, qui me desidiā iuuentutis nouo quodam paradoxo alere uociferabuntur, cum audient me uariam & multorum lectionem improbare. Ego uero si quam nouam legem nullo autore, sine grauib. testibus ferrem, iure culpandus essem. Neq̃ enim uel ætas mea uel eruditio, uel autoritas eiusmodi est, ut sumere mihi apud uos præcipientis personam aulim: uerum ea quæ à doctissimis uiris tradita meminimus, quæq̃ mediocri harum literarum, in quibus uersamur, usu cognouimus, in
medium

medium afferre officij nostri esse iudicauimus. Horatius ait: Vel si cæcus iter monstrare uelit, tamen adspiciendum esse, si quid moneat quod non sit inutile. Quare uos rogo, ne grauatim tam uarijs opinionibus eorū qui discendi rationem tradunt, & meam sententiam audiatis, cui, nisi doctissimorum hominum testimonia suffragantur, non postulo ut accedatis: sin autem & locupletissimis testibus fidem fecero, & grauissimis argumentis ostendero, promiscuam illam uariamq; lectionem non perinde iuuare studia, ut quidam existimant, nihil erit opinor, cur mihi quisquam hæc monenti succenseat. Sicut igitur prudentia est certum alicubi domicilium, certam sedem, certos habere lares, ita in studijs necesse est animum habere certos quosdam autores, ad quos se, quacūq; de re disputatio inciderit, referat, quos penitus notos habeat, quosq; de omnibus rebus in consilium adhibeat. Non uacat autem illi, qui in omnibus chartis excutiendis operam sumit, incertis aliquibus scriptis tantisper commorari, dum & penitus ea cognouerit, & ita imbiberit, ut planè in suam naturam uerterit. Neq; enim fieri potest, ut ait Xenophon, simul & multa quispiam faciat, eademq; recte faciat omnia: non enim potest semens intendere in diuersa. Quare cum aliqua de re aut iudicandum est, aut dicendum, tum demum sudant illi, ac sentiunt in tanta copia quàm sint inopes. Quia enim nullam certam supellectilem habent, unde depromant quæ usus poscit, itur ad bibliothecam, quæruntur indices, mutuantur à singulis autoribus sententias aliquot, quas cum in lucem proferunt, quia plerunq; male cohærent furta illa, nec inter se consentiunt, inuenias pleraq; illa nihil facere $\pi\omicron\varsigma \epsilon\pi\omicron$. Neq;

uero legere se putet autorem is, qui obiter tantum inspe-
 xerit ac salutauerit. Nam quemadmodum aiunt, amici
 sensum deprehendi non posse, priusquam cum eo mul-
 tos salismodios ederis, Ita diu multumq; habendus est
 in manibus autor, iterum atq; iterum euoluendus, dum
 fiat satis familiariter notus, dum illius sententiæ, illius
 uerba sic infideant tibi, ut cum opus est, non procul ac-
 cersenda aut quærenda sint, sed ultro se tibi offerant.
 Contra, quemadmodum immodicus cibus, quia con-
 coqui non potest, in crudos humores degenerat qui nō
 modo non alunt corpus, sed naturalem etiam succum
 strangulant, Ita cum multa legeris fortassis fiet, ut con-
 fusaneam quandam doctrinam tibi compares, sed illa
 magis heberabit ac obruet ingenium quàm perpoliet.
 Nihil enim certi, non res, non uerba, in tanta uarietate
 lectionis reliquum tibi facies. Verba unde quaq; emen-
 dicanda erunt, quoties dicere institueris, quorum mira
 dissimilitudo erit, neq; magis inter se similes sententiæ
 erunt ex uarijs locis autorum nullo iudicio aut delectu
 transcriptæ. Deniq; in tota oratione uelut egri somnijs
 uanæ fingentur species, ubi non pes non caput uni est.
 Cum igitur hæc incommoda secum afferat illa tumultu-
 ariæ lectio, quid tandem rei est, cur non ingrediamur
 meliorem aliquam legendi rationem? cur non doctissi-
 morum hominum præceptis obtemperemus? Neque
 enim ignota est uobis sententia Plinij præcipientis, ut
 suicuiusq; generis autores diligenter eligantur: multū
 enim ut ait, legendum est, non multa, quod sic accipien-
 dum esse nemo dubitat, sæpe multumq; eadem esse res
 legenda, nec esse distrahendum animum uarietate au-
 torum. Idem monet Seneca, certis enim ingenijs, inquit,
 immorari

immorari ac innutriti oportet, si uelis aliquid trahere, quod in animo fideliter sedeat. Nō Delphicū ullum oraculū uerius esse experiemini, si uestra studia ad calculos uocabitis & ratiocinabimini, quantū lucri attulerit ali- quādo unus autor ter aut quater relectus, & ad id confe- retis ea, quę ex multis alijs libellis obiter inspectis in ani- mo hęserunt. Intelligetis enim multo uberiores fructus uos ex uno illo libro, quā ex reliqua tota bibliotheca percepisse. Accedit huc, quod sicut alias artes imitatio docuit, ita in his nostris studijs, nisi ad aliquod certū ex- emplar dirigamus animū, nihil efficiemus dignum lau- de. Videtis enim eos qui sculperē, qui pingere, qui cane- re discunt, eligere aliquem magistrū, cuius esse quā si- milimi studeant. Neq; uero exigunt hanc diligentia in fe- riores artes, & non flagitant eandē hę maximę uitę & re- gendarū Rerum pub. artes, in quibus uos uersamini. Nō enim satis intelligitis quid oneris sustineatis, si nō cogi- tatis has literas ad quas adhibiti estis, comparandas esse tum ad priuatā uitam recte instituendā, tū ad ciuitates re- gēdas, adiudicia tenēdas, ad religiones conseruandas, de- niq; ad omnes uitę partes gubernādas. Quare si alię me- diocres, et tanquā secūde classis artes percipi nō possūt, nisi ad certa exemplaria manus dirigatur, quāto minus has difficiliōres cōsequemur, nisi proposuerimus nobis aliquem ad imitandum, quem tota mente atq; toto ani- mo intueamur, qui regat omnia consilia nostra, uel in dicendo, uel etiam in rebus gerendis. Nonne grauissi- mus Poeta Vergilius, cum significare uellet, quę esset optima ratio Principis ad eximiam uirtutem instituend- di, fingit Euandrum adiungere adolescentem filium Aeneę, & pręcipere gnato, ut inde à prima puericia Aeneam

Aeneam effingere & imitari studeat. Sic enim ad Aeneam ait, cum illi puerum commendat:

sub te tolerare magistro

Miliſiam & graue Martis opus, tua cernere facta

Adſueſcat, primis & te miretur ab annis.

Sensit enim Poeta artem illam imperandi, unā omniū longe praestantissimam, neminem adsequi posse, nisi se ad alicuius summi uiri imitationem totum componat, cuius dicta, facta, consiliaq; omnia ob oculos posita habeat, ad quæ suum ipse cursum dirigat. Quanquam autem hæ nostræ artes dignitate longe infra bene imperandi scientiam posite esse existimentur, tamen difficultate illi pares esse nemo dubitare potest, si modo expendes rit, quanti negotij sit, tam multarum rerum cognitionem, præterea mediocrem quandam facultatem dicendi & exponendi, quæ recta esse perspexeris, parare. Est enim profecto una de difficilimis artibus uel mediocris eloquentia. Quare si in leuioribus artibus sine imitatione effici nihil potest, eloquentiam ne putabimus nos sine illo adminiculo consequi posse? Ciceroni non uidetur: Nam apud hunc Antonius ante omnia præcipit, ut eligamus aliquem, cuius nos similes esse uelimus, & summa contentione animi effingamus, atq; imitemur in illo ea quæ maxime excellunt. Quod si igitur imitatio tantopere necessaria est, nec imitari quenquā possimus, quem non penitus notum habeamus, non relinquitur dubium, quin diu legendi sint aliquot optimi libelli. Vt enim qui semel oppidū aliquod præteruectus est, non omnes urbis uicos, non ciuitatis mores, non hominum loci eius ingenia statim didicit, Ita consilia ac sententias, aut sermonis compositionem in autore, quæ semel

semel percurristi, nō statim animaduerrere potuisti, sed diu in eo cōmorandum est, si uoles altius introspicere. Iam ut eius aliquam similitudinem adsequaris, ut uerba illius in promptu habeas cum opus est, ut sermonis compositio non sit illi absimilis, hoc uero sine perpetua lectione effici non potest. An nō uidemus pictores cum uultum alicuius depingunt, quā saepe respiciant ad exemplar: quā cōtentis oculis omnes lineas contemplantur. Ita nobis nunquam deſciendi oculi erunt ab eo autore quem perdiscendum in manus accepimus, quemq; imitandum esse aliquo modo duximus. Non disputo nunc de tota imitandi ratione, sed hoc monere tantum uolui, oportere nos in his studijs nostris habere certas quasdam sententias semper ob oculos, ex quibus uel de moribus uel de rebus alijs iudicium faciamus, & ad quas referamus nos, quacunq; de re disputabimus. Deinde quādam struendæ componendæq; orationis tenenda forma est & character, similis ueteri & pure Latino sermoni, quorum utrunq; deest istis, qui unum hoc studium habent per omnes autores grassandi. Nam cū sine delectu omnes sententias congerant, nō potest fieri, ut habeant certas aliquas propositas, quas in iudicando sequantur. Deinde citius tota rerum natura mutabitur, quā fiet ut iusta orationis structura utantur hi, qui non ad aliquorum ex ueteribus imitationem sese contulerint. Itaq; uidemus eorum orationem, qui quanquam multa legerint, tamen in componenda oratione, cum nullam ueterem formam imitantur, persimilem esse mendici pallio, cui passim lacerato, omnis generis panniculi affuti sunt. Nam tota istorum oratio ex dissimilimis & uerbis & sententijs congeſta, aliās longas haber

KK

circundus

circunductiones, aliàs abrupta quædam & mutila membra, aliàs obsoletas & ab ultima antiquitate peritas figuras, quas non intelligat si reuiviscat ipsa Euandri mater, aliàs uocabula noua & in media barbarie nata. Porro cum illa dissimilitudo obscuritatem pariat, & maximū uitium orationis sit obscuritas, quis tale dicendi genus non oderit? quis non fugiendum uelis, ut ita dicam, & remis sentiat? Quæ cum ita sint, quis non fateatur satius esse, paucos scriptores, sed optimos subinde legere, eosq; familiarissimos nobis facere, quàm tumultuaria lectione per omnia bibliopolia uagari, præsertim cū hoc uitij habeat ea res, ut in multos malos libros opera colloceatur, unde uelut contagione aut prauas opiniones, aut corruptum sermonis genus contrahas, quæ postea dediscere immensi negotij est, præsertim si statim rude & recens ingenium infecerint. Nam si motus corporis uitiosus, qualem in Alexandro notauerunt, consuetudine duratus, corrigi postea nulla ratione potest, quæ spes est ex animo perniciosas opiniones, cum iam alte radices egerunt, euelli posse, aut emendari sermonis uitia, quorum naturam tibi feceris? Danda igitur opera est statim ut optimis imbuamur, & perinde atq; uenena cauenda sunt & procul arcenda, quæ sunt optimis dissimilia. Habetis mei consilij rationem, cur ut quisq; autor optimus est, ita sæpissime relegendum esse existimem, quod quisquis sequendum sibi esse statuer, is re ipsa experietur unam hanc esse ad solidam eruditionem comparandam uiam, aliorū uero laboribus ac uigilijs fructum minime respondere. Sed cum Hesiodum semper doctissimi homines plurimi fecerint, ex eo genere autorū mihi esse uisus est, qui non semel tantū inspiciendi sunt:

Quare

Quare eum, quanquam non planè ignotum uobis relegendum sumpsi. Neq; meum consilium reprehenderis, opinor, si cogitabis, quantas utilitates, tamen si exiguus libellus, adferre queat. Et quia principio in omnibus negotijs constituendum est, quæ utilitas ex unoquoq; genere laboris petatur, nos quoq; monebimus, quid expectare ac flagitare commodi ex Hesiodi lectione debeatis. Est enim ex omnibus autoribus uel uerborum uel rerum scientia petenda. Hesiodus autem Græce discantibus magnum uocabulorum numerum suppeditat. Et quoniam alicubi hilariores descriptiones cōtinet, etiam hi qui Latine discunt ab eo quædam honesta exempla copiosi sermonis, & rationem quandam ornandarum sententiarum mutuari possunt. Nam & si lingua diuersa sit, tamen uoluntate Græcis Latini, in disponenda, amplificanda, atq; illustranda oratione similes sunt. Itaq; duo summi apud Latinos Poetæ, Vergilius & Ouidius, non modo locos eius quosdam imitati sunt, sed multos uersiculos penè ad uerbum exprefferunt, quorū exempla nos commonefaciant, quomodo ad nostros usus, non tantum certi quidam flosculi ex huiusmodi autoribus decerpendi sint, sed in omni sermone inueniendū prudentia, in explicando proprietas, perspicuitas, & copia, in disponendo diligentia imitanda sit. Sed de hac parte quia satis dici, nisi inter enarrandum conferantur Latina cum Græcis, & omnes figuræ digito ostendantur, non potest, nolo in præsentia longior esse, sed in interpretatiōe uelut in re præsentī indicabimus, quos locos hinc sumpserint scriptores Latini, & quid imitari, quidq; excerpere ipsi debeamus. Etenim tamen si adpareat propter utilia præcepta magis q̃ propter uerborum

ornatum in admiratione hoc poema fuisse, tamē quamuis res salubres nemo legisset, nisi cōmendationem quandam habuissent ex genere sermonis, & gratiam elegantia carminis addidisset. Neque profecto uerustatem ferre potuisset, nisi rerum grauitati uenustissimum genus uerborum tanquam illecebras quasdam adiunxisset. Non est autem obscurū quantum amarint Græci hoc carmen, quanta cura adseruauerint, quia Pausanias ait se uidisse in Helicone antiquissimum monumentū plumbeas tabulas, in quibus hoc poema scriptū fuerit. Sed uenio ad alteram partem, & exponam quid ad rerum scientiam lectio eius conducatur, in qua profecto nō minus quā in uerbis elaborandum est. Quia non modo inanis est oratio, nisi res honestas et utiles contineat, sed etiam copiam omnem dicendi rerū scientia genuit. Non Dij tantū mali permittant, ut cadat in eos eloquentia, qui nulla uirtutis præcepta, nulla officia, nullas uite leges, nullas religiones norūt, quiq; nullam naturalium causarum ac euentuum cognitionem habent. Nam & Horatius eum qui à rerū cognitione non satis instructus est, negat idoneum esse ad scribendum, cum ait:

Scribendi recte sapere est & principium & fons.

Et multis uersibus exponit postea, quarum rerum scientiam requirat in eo, qui se disertum perhiberi uelit. Proinde ita inducite animum, ut sentiat is uobis in hoc curriculo studiorum, primum magnam quandam & copiosam uerborū supellestem parandam esse, ut explicare, cum de grauib. rebus alijs docendi à uobis erunt, cum dignitate res obscuras, eisq; lumen addere possitis: deinde etiam omnium rerū percipiendam doctrinam esse, quæ tum ad nostram uitam recte instituendam, tum ad

tum ad orationem illustrandam conducunt. Etenim cum aut de natura rerum, aut de moribus, aut de religionibus in hac civili uitæ consuetudine sæpe docendi sint homines, erit planè *ὁ πρὸς λόγον*, is, qui quanquam mediocris uerborum copia in numero sit, tamen res non satis perspectas & exploratas habet. Neque enim dicere quisquam de re parum nota perspicue potest, ut & apud Platonem Socrates inquit, & sæpe monet Cicero, & Horatius cum ait:

Verbaque prouisam rem non inuita sequentur. significauit, fieri non posse, ut se ultro magno numero offerant uerba, nisi causam bene meditatam habeas. Quod cum ita sit, non sunt prætermittendi libri, qui de rerum natura, aut de moribus præceperunt. Neque tamē legendi omnes, sed eligēdi optimi, quique alere eloquentiam possint, quia ferè in barbaris scriptoribus non tantum sermonis spurcicies, sed etiam alia uitia sunt. Plerique res quas profitentur non satis notas habuerunt, plerique ratio docendi defuit, & si rerum peritia nō defuerit, quæ de re nunc longius dici nō potest. Hesiodi autem prior libellus totus *ἠθικός* est, posterior dum agriculturæ præcepta tradit, ortus & occasus syderum, multaque alia quæ ad naturam cognoscendam faciunt, complectitur. Requiritis igitur ex priore libello morum præcepta, quoniam nisi certis legibus & sententijs moniti & aduersati, honesta à turpibus discernere didicerimus, & amplecti ea quæ decent, fugere contraria conemur, recte in istius uitæ non potest. Honestissimæ quæque grauissimæque de omnibus officijs sententiæ ob oculos esse positæ debent, ad quas omnes uitæ partes, uelut ad Cynosuram cursum suum nautæ dirigunt, comparemus. Sed quoniam

niam Hesiodi praecepta quibusdam ideo parum probantur, quia gentilis homo uideretur aliena & pugnantia cum nostra religione docuisse, hic error uulgo excusandus est. Quanquam autem longior est illa disputatio, quam ut hic explicari tota possit, tamē iudicauit operae precium me facturum esse, si exponerem quae uis sit, quaeque autoritas eorum praeceptorum, quae tum Hesiodus, tum alij multi sapientes & docti uiri cum animaduertissent, nobis à natura proposita esse, deprehensa exposuerunt, & in literas retulerunt, ut commune facerent eos, qui propter infirmitatem ingeniorum aut aetatis, aut etiam consuetudine in tot malis exemplis deprauati, cernere ipsi eadem non possent. Proinde sic statuemus, nihilo minus diuina praecepta esse ea quae à sensu communi & naturae iudicio mutuati docti homines gentiles, literis mandarunt, quam quae extant in ipsis saxeis Mosi tabulis. Est enim in confesso humanae mentis diuinitus insculptas esse quasdam leges de moribus, quales sunt: Neminem laedendum esse: colendos esse parentes: bene merentibus habendam esse gratiam: Magistratibus parendum esse: alendos & defendendos esse eos qui nostrae fidei commissi sunt: pacta seruanda esse. Has cum sani quidam homines deprehensas ostenderint imperitis, quid est cur non & uocemus diuinas leges, & pareamus eis tanquam diuinae uoci? Neque ille ipse coelestis Pater pluris à nobis fieri eas leges uoluit quas in saxo scripsit, quam quas in ipsos animorum nostrorum sensus imprefferat, quasque, ut Paulus ait, in cordibus hominum scripserat, de quibus sic inter se omnes homines consentiunt, ut nulla tam fera barbaries sit, nulli tam perditae mali, qui non & sentiant & fateantur recta esse

esse, quæ illæ sententiæ præscribunt, quiq; cum non obtemperarunt, non ipsi peccatum accusent ac damnent suum, quiq; non uereantur numen existere aliquod, cui uel si nulli unquam mortales resciscant factum, pœnas daturi sint. Nulla tam immanis natio est, quæ non tacita maleficos, crudeles, ingratos oderit ac aspernetur, probetq; ea quæ societatem inter se generis humani deuinciunt. Nam & hos qui hospites mactant, qui senes patres trucidant, qui nullam coniugiorum fidem colunt, si admoneantur, natura fateri cogit, indigna se hominibus facere. Iam in his qui sibi alicuius flagitij cōscij sunt, cruciatus & terrores tanti mentē exagitant, ut adpareat diuinā quandam uim esse, quæ admissi sceleris pudere cogat, quæq; impendentis supplicij metū incutiat. Sunt igitur in humanis animis certæ de moribus leges, quæ tum priuatam uitam regunt, tum constituere ac tenere Respub. iudicia exercere, & societatem hominū defendere docuerunt. Et ut fatemur nos diuinitus conditos esse ac propagari, ita dubitare non debemus, quin è cœlo in hanc uitā attulerimus illas uitæ leges, & illos igniculos, qui & ostendunt honesta, & admonent semper præesse numen & inspectare omnia hominū consilia ac facta, deq; sceleratis suppliciū sumere solere. Paulus alicubi huiusmodi sententias ueritatem Dei adpellat, cum uellet significare has opiniones non errore quodam à maioribus per manus esse traditas, nec temere uel obrepisse nobis, uel in animis hære, sed adeo mentibus nostris infixas esse, ita, ut eijci aut erui nulla ui possint. Ego cum expendo autoritatem harum legum, & animaduerto, quā religiose coli eas Deus postulet, commoueor profecto, & earum scriptoribus magis capior: agnosco

agnosco enim non sine mente, ut ille ait, sine numine diuum, hæc ab illis nobis uiuendi præcepta tradita esse. Quare non satis intelligunt horum scriptorum consilia, qui non perspiciunt unde tot honesta præcepta, tot graues sententiæ manarint. De religione aliter docent nos Christianæ literæ, sed de ciuili uita consuetudine, cõmunibus naturæ præceptis parere nos Christus uoluit: Neque uero nihil ad Christianum pertinet ciuilis uitæ consuetudo. Non sunt igitur prætermittenda, si quæ docti & periti homines ea de re monuerunt. Nullius autem Philosophi cõmentarios Hesiodo præferri uelim, tanta est & grauitas in docendo & simplicitas. Illi sepe, dum ad uiuum omnia refecare student, dum odiose rixantur, altercando ueritatem amittunt. Nam, ut alia omitram, plerique Philosophorum, Deum administratione rerum submouent, negantque ei res mortalium curæ esse. Neque animaduertunt, ab ipsa natura nos cõmoneri, esse aliquam mentem, quæ hæc humana regat, bonos seruet, improbos puniat. Melius igitur Hesiodus, qui iniusticiæ præceptis flagitiosis grauissimas poenas interminatur, præmia bonis pollicetur. Venit mihi in mentem Luciani, qui, ut solet, per iocum cum Hesiodo expostulat, cur, cum pollicitus sit se scripturum τὰ τῶν εἰντα καὶ τὰ ἐσόμενα, præsentia & futura, nihil tamen prædixerit, nulla rerum futurarum uaticinia reliquerit. Ego uero nō tam uaticinari duco Chaldaeos illos, quos uocant, qui prædicunt, uter in alea, seu ludo talorum uicturus sit, aut etiam, qui tempestatum uices præuident, quàm Hesiodum ex consilijs hominum exitus & casus coniectantem. Ea diuinitas & ex certissimis orta causis est, & bono uiro dignissima, qua & multos alios & Platonem

ronem usum de Dionysio uidemus, quando calamitosum Tyrannidis exitum prædixit. Neque aliud prædictionum genus ad uitam utilius est: cui si Nero, si Domitianus, & plerique alij fidem potius adhibuissent, quam uanis promissis ariolorum, in tantas calamitates non incidissent. Nos uero cum Hesiodum audimus commemorantem, quæ supplicia improbis impendeant, non humana aliqua, sed diuina uoce nos à turpitudine abstereri, & ad uirtutem colendam inuitari existimemus.

Dixi de argumento prioris libelli, posterior ortus & occasus syderum, & pleraque quorum continet. Et quia solent in scholis quidam technici libelli de natura rerum proponi, quales sunt uel de sphaera commentarius, uel Aristotelis *meteorologia*, uel de cælo: uidetur mihi in his etiam aliquis locus Hesiodo tribuendus esse, quia temporum uices, ortus syderum, dierum spacia, mira diligentia annotauit, uideturque inter primos apud Græcos Astronomiam attrigisse. Nec eius artis contemnendus autor Aristoteli & Plinio uisus est, qui aliquoties eius testimonium allegant. Est autem cum omnium naturæ partium, tum maxime cælestium motuum, et syderum perliberalis cognitio. Nec mihi iniuria Plato dixisse uidetur, non homines, sed suillum pecus esse, quicumque nullo eius artis studio tenentur. Nemo enim fuit unquam sanus homo, qui etiam si alias artes hominum industria excogitatas esse iudicaret, non uideret tantam esse Astronomiæ præstantiam, ut neminem nisi Deum autorem eius & repertorem faciendum putaret. Itaque & Manilius Ethnicus scriptor, negat potuisse fieri, ut res tam procul à nobis positæ deprehenderentur, nisi hominum animis diuinitus monstratae essent. Sic enim ait:

LL Quis

Quis foret humano conatus pectore tantum,
Inuitis ut Dijs cuperet Deus ipse uideri.
Sensit enim quandam diuinitatis similitudinem esse,
illarum rerum noticiam potuisse consequi. Non liber
autem hoc tempore utilitates huius artis enumerare,
sunt enim propemodum infinitæ, & quædam ita sunt
ob oculos positæ, ut etiam ab indoctis cerni queant.

Cum igitur Hesiodus grauissimarum rerum præce-
pta contineat, & ad mores formandos, & uitam recte
instituentiam, & ad cognitionem rerū naturalium con-
ducat, quis non dignissimum lectu iudicare queat? Ego
uero etiam sæpe relegendum, & ad uerbū ediscendum
esse censeo. An si in excellentibus picturis contemplan-
dis nunquam oculi exaturantur, sed quo diutius in eis
herent, eo magis admiratio uidendiq; cupiditas crescit,
quis enim nostrum, quoties in templum uenit, non to-
ties resistit ad eas tabulas quas ibi uel Durerus, uel noster
Lucas posuit, nō idem accidat in egregio poemate con-
siderando? Truncum ac caudicem illum profecto dice-
re nihil uerear, cui satis est semel aut iterum excellens &
ornatum carmen legisse. Proinde, sicut apud Virgilium
mirabili cupiditate a clatricia intuetur cælo demissum
clypeum Aeneas, & argumentum in eo celatum dili-
genter considerat, cum quidem eum non modo operis
uarietas, sed etiam illa rerum futurarū præstigia & com-
mouent & detinent, deniq;

Expleri nequit, atq; oculos per singula uoluit,

Miraturq; interq; manus & brachia uersat.

Ita & nos nunquam facietas aut fastidium legendi Hes-
iodi capiat, sed in eum assidue oculos defigite, omnes
locos diligentissime excutite, & sententias eius uobis
ita fami-

ita familiares facite, ut quoties aliqua de re deliberabitis, in mentē uobis illa honestissima praecepta ueniant. Multum etiam sermo uester ab illo transferat, ac mutetur. Nos quidem quantum in hac ingenij atq; eruditio-
nis mediocritate praestare possumus, dabimus
operam, ne quem poeniteat nobis enar-
rantibus hunc Poetam ope-
ram dedisse.

Dixi.



PRAEFATIO IN AESCHINIS ET
Demosthenis Orationes,
Phil. Mel.



On ignoro equidem, quantum onus sub-
eam, quamq; ancipitem ac difficilem rem
suscipiam, cum interpretationem harum
orationū Aeschinis ac Demosthenis pol-
liceor. Neque enim mediocris est ingenij
prudentissimorū Oratorum consilia, uirtutesq; in ora-
tione perspicere, nec uulgaris artificis, diuinas illorum
sententias, Latinis uerbis representare, & tanquam ima-
ginem aliquam Graecae orationis exhibere. Quid quod
causam ipsam sine Graecarum historiarum cognitione,
sine scientia legum & morum Atticorum, ne adsequi
quidem possis. Nos uero praeter ceteras difficultates mi-
ra inopia commentariorum etiam laboramus. Accedit
huc, quod in alijs artibus ac literis, tractatione & studijs
LL ij hominum

hominum, multa è tenebris eruta lucem accepere. Graeca qui excolerent & illustrarent, defuerunt hactenus in hac natione. Quae cū apud me cogito, sentio equidem, in quod me discrimen conijciam, cum summorū Orationum laudatissimas conciones propono. Nolo autem longiore oratione temeritatem excusare, aut de mearū uirium imbecillitate ambitiosius dicere. De animo ac uoluntate uere praedicare possum, me semper hoc spectasse, ut in hac schola studia honestarum artium excitarem. Neque nunc ob aliam causam has orationes proposui, quā ut iuuentutem ad optimos autores & magistros, tum intelligendi, tum dicendi cognoscendos inuitarem. Neque uero alienum uidebatur, tanquam gustum illorū facturis proponere eas orationes, quae doctorū omnium consensu, omnibus in hoc genere scriptis praeferuntur, è quibus, tametsi pleraque nos fugiant, tamen possimus plurima decerpere, quibus studia nostra locupletentur. Notus est uersiculus:

Est quodam prodire tenus si non datur ultra.
Proinde spero me non difficulter à bonis uiris ueniam impetraturum esse, quod maius aliquanto negotium suscipio, quā hae nostrae uiriculae uideantur lature. Neque enim infirmitatem meam dissimulo. Et tamē operam dabo, ut hanc cura, diligentia, & fide, quae in primis in interprete requiritur, sarciam. Sed de meo consilio dicendum est parcius, quod de eo postea ex euentu iudicaturi sitis. Nunc officij sui commonendi sunt auditores, nam ut prudentes agricolae non sumunt operam in exercendo sterili solo, ita in tractatione literarū insania est, attingere autorem, qui nostris studijs nihil sceneret. Primum itaque constituendum est, quaecumque ratio studiorum

diorum suscepta fuerit, quem fructum nobis polliceantur literæ. Ego uero sæpe aliàs monui, ita instituendum esse animum, ut duas has uirtutes, scientiam iudicandi de rebus humanis, & facultatem dicendi, meminerit sibi omnibus neruis parandas esse. Et ad has, tanquam ad scopum, oportet referre uigilias, lucubrationes, denique studia omnia. Nam qui aut non formarunt iudiciū literis, ut intelligant rerum ac morum discrimina, quæque in bonis, quæ in malis ducenda sint, aut non possunt ea quæ sentiunt, perspicuo sermone docere, hi mihi præter corporis speciem, nihil humani habere uidentur. Deinde ita inter se coniurant Eruditio, & Eloquentia, ut diuellere nullo modo possis. Nam & orationem rerum scientia ex se ueluti genuit, & oratio uicissim res ostendit. Iam cecutire in rebus iudicandis necesse est eos, qui recte dicendi cura uacant, propterea quod nihil perinde mentē acuit, & excitat, atque contentio illa & studium recte dicendi. Nō est quod procul exempla petas. Nuper adeo qui Philosophiam profitebantur, non satis perspexerunt uim earum artium quas docebant, quia exponere perspicua oratione ea quæ profitebantur, nemo conabatur. Proinde qui se ad literas discendas contulerunt, hi sibi persuadeant, & oleum, quod aiunt, & operam sibi perituram esse, nisi cum rerum scientia studium dicendi coniunxerint. Atque hac de re aliàs diximus. Porro harū orationum cognitio ad utrumque multum conducit. Nam ut Philosophi præcepta de moribus tradidere, ita hæ orationes bonorum ac malorum ciuium exempla proponunt, quæ multo efficacius uirtutis studium nobis commendant, quàm frigida illæ præceptiuncule. Scipionem & plerumque alios illustres uiros ait Salustius dicere

LL ij solitos,

solitos, cum imagines maiorum intuerentur, uehementissime animum sibi ad uirtutem accēdi. Quae autem bone Deus marmora, quae statuae conferri cum his orationibus merentur: quae alias improborum ciuium perniciofa consilia, alias honestas uoluntates bonorum ciuium ita depingunt exprimuntq; ut nullius faciem imitari propius Apelles potuerit. Quare ita statueris de his duabus orationibus, absolutissima quaedam exempla, in illustri sita loco, nobis ostendi, quae comonefaciant, quid in communibus moribus mereatur laudem, aut reprehensionem. Nam in insectando Demosthene, ueram quandam imaginem scelerate mentis fingit Aeschines. Contra ille, cum uoluntatem optimi ciuis negat sibi de fuisse unquam, boni uiri simulachrum sculperē uidetur. Explicantur praeterea multa maiorum instituta, leges ac mores, multa exempla, quae sunt obiter causae aspersa, in his orationibus inuenies. Est enim sonus forensis huius dictionis, classico similis, & plenior aliquanto, quam historiae. Deniq; mihi uidentur omnes Reipub. gerendae rationes melius hic tradi, quam in ullis Philosophorum disputationibus. Et cum historiam nemo non hoc nomine plurimi faciat, quod omnium ciuiliū officiorum exempla tradat, quid huic orationum generi tribuimus, in quo exempla illa & consilia rerum gerendarum accuratius & copiosius? Nam cum ad pugnam hic instruitur oratio, sit, ut maiore negotio illustrentur omnia recte aut secus facta. Neque uero praesentes tantum auditores spectabant, sed ad posteros extare has orationes uoluerunt testes suorum consiliorum, reliqueruntq; haec, ut haberent posteri non modo, ut ait Thucydides, ἀγωνισματα, sed κτήματα, hoc est, thesaurum exemplorum. Quid autem

autem de eloquentia horum dicam. Nam hæc præcipua laus est harum orationum. Equidem insaniam, si meo testimonio, mea quoque voce, accedere aliquid illorum laudibus existimem. Quare præconio Ciceronis contenti erimus, qui cum Aeschinem amplissimis laudibus ornat, tamen in Demosthenica oratione, tantam eloquentiam esse iudicat, quanta includi in animis hominum possit. Locos nonnulli decerpere, unde specimen aliquod eloquentiæ istorum caperetur, sed uelut, si præclaram statuam dissoluas, quanquam insit in singulis membris suus decor, tamen minus clare percipi ac sentiri uenustas uidetur, quam si integra statua, uideas suo quæque loco collocata. Ita malim uos integras orationes oculis atque animo cōtemplari, quam sententiolas quasdam excerpere, è quibus reliqua oratio æstimeretur, ut ex unguibus leonem aiunt. Nam si uniuersam tibi proposueris, ibi uero senties, non modo quibus uerborum aut sententiarum figuris, sed quo consilio etiam, & qua solitudine dixerint, quam callide in populi aures irrepant, quam diligenter sese communiunt, ubi alacrius procurrant in aduersarium, ubi referant pedem, ubi ludificantur hostem, quæ proprie causæ sint argumenta, quæ ornamenta obiter accedant, quomodo in locos communes à causa expatientur, quo genere affectuum ac sermonis in singulis causæ partibus utantur. Quæ omnia qui diligenter spectarit, neque ille omnium humanorum operum nihil admirabilius oratione esse statuet. Quare uos adhortor optimi Auditores, ut diligenter has orationes cognoscatis, atque intueamini, faciet ea res & ad animi iudicium formandum, & ad locupletandam facultatem dicendi.

Toto

Toto cœlo errant, qui hos Oratores, nihil nisi nugae tabulas fuisse sentiunt: summis ingenijs præditi, maximo rerum usu, in grauissimis causis uersati perdidicerant, naturas multarum rerum, & uarias gerendæ Reip. rationes tenebant. Hoc illi instrumentum, hanc scientiam plurimarum rerum adferebant ad perpoliendam orationem. Nam quæ de fortuna Demosthenis dicit Aeschines, non sunt à plebeio ingenio profecta. Postquam enim omnem uirtutis laudem illi detraxit, uere ne, nihil ad nos, pergit fortunam insectari, & uerat Rempublicam illi committere, ne priuata eius fortuna exitio sit urbi: uidit enim profecto uidit, non esse communem, ut uulgoputant, fortunam, nec ratione aut prudentia, quemadmodum Philosophi docuere, regi posse. Quàm crudeliter autem sæuit in aduersarium cum industriæ laude spoliatur, fortunam etiã in omen uertit, ut ab eo tanquam à portento aliquo uoluntates hominum alienet. Quid Demosthenes, cum Cysili exemplum commemorat? non uidisse putatis, quanta uis esset honestatis, quantumque pulcherrimi fasti mentio, multitudinis animos, etiã in aduersa fortuna delectaret? Itaque cum altissime introspexerint, & naturam rerum, & uim uirtutis, & prouiderint omnia dicturi sapientissime, dubitari non debet, quin ad erudiendos animos, eorum tractatio plurimum conducatur. Verum sunt, quibus parum religiose uideor facere, quod tantum tribuo ethnicis, sed cum his non libet hoc tempore rixari, Tantum opto, ut pietatem, cuius se prætextu uenditant, & ad religionis nomen confugiunt, tanquam in templa capitis rei, re præstare aliquando incipiant. Ego religioni non modo non officere has artes existimo, sed etiam ornamenta esse. Nam religio

πολιτικῶν disciplinam, & ciuilia officia, quæ scientia humanarum literarum continentur, adprobat, & religiose coli iubet. Impietas est in solo cōtemptu ciuiliū morum collocare. Quid quod sine scientia linguarum, atq; dicendi artium, non possunt commode religionis dogmata tractari. Quanto rectius erat beneficijs coelestibus religiose uti, atque diligenter excolere.

Neq; enim dubium est, quin diuinitus hoc tempore restitutæ sint literæ, ut in repurganda Ecclesiastica doctrina recte pios adiuuarent. Itaq; haud scio, an ulli religionem grauius lædant, quàm qui in literas passim inter imperitos, non aliam ob culpam, quàm quia non didicerunt, debacchantur. Idq; hoc molestius est bonis uiris, quia sanctissimum nomen Christi suo furori prætexunt. Valeant isti, quando morosiores sunt, quàm ut patiantur se reprehendi. Vos interea officium uestrum facite, & pergite bonas literas sedulo discere, quæ cum ad religionem conseruandam, non nihil momenti

habeant, Christo gratissimum officium

facietis, si strennue eas pro-

pugnaueritis.

Dixi.



MM

Præfatio

PRÆFATIO IN PTOLEMÆI

μεγάλῳ τῷ συν-
ταξίῳ.



Pud Lucanum C. Cæsar cum Aegypcio sacerdotē de cœlestibus moribus atq; effectibus colloquens, ostendit se nō solum admirari illarum maximarum rerum doctrinam, sed etiam inter arma tubas & classica, ei aliquid impartire studiū, Sic enim ait:

media inter prœlia semper

Stellarum cœliq; plagis superisq; uacui,
Eudoxi fastos noster superabit & annus.

Itaq; Repub. positus, cum ingenti bello quassatam rursus erigere atq; ornare studeret, iudicia restitueret, legibus pacem ac disciplinam muniret, addidit egregium ornamentum, ex hac doctrina de moribus cœlestibus, quod & ipsum necessarium in uita civili esse uidit. Annum enim emendauit adhibito in consilium Sosigene, nec falso gloriatur se Eudoxi fastos superaturum esse. Tradidit enim nouam mensium descriptionem, nouamq; intercalandi rationē, cōmodiorem Aegyptiaca & Græca. Aliquanto post Augustus conturbatam in bellis ciuilibus anni ordinationem restituit. Post aliquot secula & Theodosius sapiens & bonus Princeps, non solum Imperij, sed etiam Ecclesię pace constituta, rursus emendauit fastos, quia tempora iam flagitabant correctionem. Nec uero recense est exemplum, Principes in Rebuspub. anni descriptionem iuxta motus cœlestes emendare. Solon etiam de Thaletis consilio notitas æquinoctiorum certas constituit, & annū Atticum correxit.

correxerit. Quodq; heroum nominibus pleraq; stellę in-
signite sunt, hanc esse ueram causam arbitror, quod par-
tim illi ipsi heroes, partim alij boni Principes ab ipsis or-
ti, huic doctrinæ de motibus cœlestibus dediti fuerunt,
eamq; illustrari ac propagari curauerunt. Ideo Pleiades
dicuntur Atlantis filię, quod is monstrauerit quosdam
ortus & occasus, habentq; nomen ipsæ stellæ, uel quia
plures propius innatæ, tanquam unum lumen efficiunt,
uel quia Pleiadum circuitus, hoc est, occasus & ortus cō-
mode ostendit anni initium & exitum, ueris & hyemis
principia. Ab Atlante Orion acceptam doctrinam pro-
pagauit. Regnauit enim Orion in Tanagra Boetię, ubi
sedes fuit Atlantis, ut scribit Pausanias, in qua ille sydera
speculatus esse dicebatur. Hinc fabulę natę sunt de Orio-
ne amante unam ex Pleiadibus. Et quia oriente Scor-
pio occidit Orion, sinxerunt postea ingeniosi homi-
nes Orionem à Scorpio interfectum esse. De Chirone
& Hercule non obscure adfirmant scriptores, fuisse eos
cœlestium motuum studiosos. Sed quid uetera quæri-
mus, cum recentior ætas habeat exempla digna memo-
ratu plurima: Aliquandiu studia huius doctrinæ uigue-
runt in regno Saracenico, cum Alexandriæ, tum alibi.
Cumq; deessent Latinis hominibus fontes artis, uideli-
cet hic Ptolemæi liber, curauit eum Fridericus Impes-
rator ex Arabico sermone in Latinum conuerti. Tunc
enim & in Græcia quadam fatali calamitate studia uete-
ris Philosophiæ conticuerant. Paulo post Alfonsus Lu-
sitaniæ Rex, tantum lucis huic arti attulit, ut nomen eius
propter tanti beneficij memoriam omnibus eruditis &
prudenteribus gratissimum & charissimum sit. Huic de-
bemus præcipue, quod extat erudita anni descriptio,

quod non prorsus ignoramus Solem, ut apud Homerum Cimmerij. Ac magnitudo beneficij testatur nō humano consilio suscepta esse hæc à Rege studia, sed Deū ut consuleret hac in re uitæ hominum, impulsisse animū ipsius ad has artes iterum excitandas. Hæc exempla laudatissimorum Regum satis ostendunt, pertinere ad bonos & sapientes Principes curam huius doctrinæ conferuandæ. Etsi enim omnibus hominibus natura acres stimulos indidit, ad admirationem & considerationem coelestium motuum, propterea ut nos de Deo & de immortalitate nostra admoneant, tamē multorū animi occupati stultis aut prauis cupiditatibus, non satis exaudiunt naturæ uocem, quæ nos ad hæc studia incitat atq; hortatur. Sed sapientes Reges & studiorum gubernatores prospicere decet, ne tantum ornamentum uitæ hominum amittat. Hos intelligere decet & dignitatē harum artium & utilitatem. Quanquā enim scio & alios quosdam Principes hac ætate hanc doctrinam magnifacere, tamen quoniam tu eam ita colis, ut cum artificibus ipsis certare possis, hunc librum tibi præcipue dedicare uoluimus, quod arbitramur & tibi nostrum officiū eo fore gratius, quia has artes intelligis ac amas, & defensionem huius Philosophiæ cupidius suscipere eruditos, q̃ alios. Etsi enim plena est dignitatis & suauitatis hæc Philosophia, & uitæ hominum utilissima, tamen iacet neglecta, partim propter uulgi inertiam, partim quia desunt præmia huic honestissimo labori. Nonnullos etiam deterrent peruersa iudicia quorundā, qui habent doctrinæ titulos, qui nescio cur tantopere infesti sunt huic Philosophiæ. Primum enim dulce est, non modo illam certissimā motuum seriem atq; harmoniam considerate

derare, sed etiam in his ipsis demonstrationibus, quibus motuum illorum ordo deprehensus est, eruditissimas cogitationes, & mero quodam nexu cohaerentes uidere, & quasi uestigia mentis intueri, euectæ ad rerum coelestium considerationem. An non utraq; res ostendit & esse Deum, et nos conditos esse, ut inuestigatis coelestibus moribus, intelligamus esse aliquam æternam mentem, opificem cœli & nostrorum animorū, & gubernatricem omnium, quam cognoscere, cui parere debeamus, quodq; immortalitatem restare necesse sit, cū certum sit nos eo nasci, ut perspicue diuinitatem agnoscamus, & ea fruamur. Cum igitur & per sese delectet consideratio pulcherrimarū rerum in natura, & sit dux ad agnitionem Dei, mera prauitas est naturæ in illis, qui hanc doctrinā aut uituperant, aut aspernantur. Sed utilitas, inquit, commendat artes. Assentior & probo id quod posuerunt in definitione artis Stoici, ut aliquam adferat una quælibet utilitatem ad uitam. Quæ est insignior stoliditas, quā non intelligere quanta futura sit barbaries, si non teneatur certa anni ratio? Quæ confusio negotiorum agendorum esset, amisso hoc discrimine temporum? Quæ essent historiārū tenebræ, sublata enumeratione annorum? Non mundi initia cogitari possent, non discerni religionum exordia, nō Imperiorum mutationes: deniq; horribilis caligo omnes historias Ecclesiasticas & prophanas inuolueret. Atq; hac in re tanta utilitas est huius artis, ut sacræ literæ iusserint obseruari motus coelestes, ad annorum spacia, & intervalla constituenda. Cum enim inquit Deus condidit stellas ut sint signa, & efficiant temporū discrimina & annos, certe requirit observationem. Quantum enim erit

MM iij anni

anni curriculum, quæ initia, qui exitus non obseruanti
 Solis cursum: Itaq; aspici Deus cœlum iubet, & motuū
 leges contemplari, ac interualla temporum constituere.
 Nec leue argumentum est, fuisse magna studia obser-
 uandorum cœlestium motuum apud primos paren-
 tes statim initio, quod singulari diligentia annorum &
 mensium seriem inde usq; à mundi primordijs annota-
 runt. Non enim adeo accurate anno duodecim menses
 statim attribuissent, metas cursus Solis constituissent, in-
 tra quas duodecim sunt congressus Lunę & Solis. Et ad
 has constituendas, arte reliqua opus fuit. Non enim si-
 ne aliqua cura & uia deprehendi uera æquinoctia potue-
 runt, quibus opus est, si certum anni initium tenere uo-
 lumus. Sed quid opus est longiore disputatione, cum
 nemini obscurum sit, necessaria esse ad plurimas uitæ
 partes, anni descriptionem: Restant & aliæ utilitates,
 prodest observatio motus Solis ad regionum distinctio-
 nē & cosmographiam. Cumq; cæterę stellę tanta arte re-
 gantur, nō est consentaneū nullos ad usus eas esse con-
 ditas. Explodenda est illa Epicurea Philosophia, quæ
 tollit finales causas, & affirmat earum omnes naturas
 αἰσι καὶ φέρεσιν. Si igitur sunt finales causæ cæterarum
 rerum, cur non dicemus etiam esse pulcherrimorū cor-
 porum & perpetuorum motuum? Certitudo in motu,
 artem opificis indicat: Ars consilium accausam finalem
 necessario complectitur. Itaq; & cæterę stellæ haud du-
 bie suos habent tum effectus, tum significationes in ele-
 mentis & ijs quæ inde gignuntur: Vt manifesta expe-
 rientia, & omnibus seculis consentiens, testatur con-
 gressus siccorum syderum magnas siccitates, humido-
 rum, humiditas tépestates efficere. Ex hoc initio pleraq;
 alia

alia uere sequuntur, quorum obseruatio in uita est utilis, si quis quærat phyficas significationes sine superstitione, ut temperamentorum qualitates & inclinationes. Etsi autem non instituiam ex hoc loco integram *πρὸς τῆς μαντικῆς* disputationem, tamen illud affirmo indignissimū esse homine erudito & prorsus *βάνανσόν*, applaudere Epicuri deliramentis, ac fingere nullius causa tam certas leges motuum omnium Planetarum constitutas esse. Pindarus inquit:

σοφοὶ καὶ μέλλοντα ῥιπαῖον ἀνεμου ἔμαθον.

Sapientiam esse ait, tempestatem uenturam triduo ante prospicere. At hæ significationes magnas mutationes non modo tempestatum, sed etiam ciuiliū rerum denunciant, ut ostendūt euentus qui comitantur eclypsēs, & magnas Planetarum coniunctiones. Nec illa signa pugnant cum religione: cum enim Deus ea & proposuerit & gubernet, ab ipso regi euentus statuamus, eosq; mitigari illis qui ad eum uera pietate confugiunt, credamus. Sed non dicam hoc loco plura de parte diuinatrie, ad motuum doctrinam redeo. Quæ potest esse *μαντικῇ* utilior, quàm quod ipsa motuum doctrina testatur esse Deum, ut supra dixi? & quædam pædagogia est ualde utilis ad confirmandas honestas & pias opiniones de Deo in animis hominum. Quantam uim habet hæ cogitatio in mentibus nō male institutis, consulat suum quisque animum, quod si faciet, fatebitur profecto non raro sibi prodesse ad confirmandas pias opiniones de Deo, hanc ipsam agnitionem artis in cœlestibus motibus. Sicut & Paulus testatur, Deum hoc opificium tanta factum arte eō proposuisse, ut hoc admoniti testimonio ipsum agnosceremus. Hanc utilitatem fortassis non magni

magni faciunt homines imperiti, sed quanta sit, ex eo
iudicari potest, quod inter Philosophos soli illi fuerunt
profsus *ἀθεοί*, qui penitus abiecerunt coelestium motuū
inquisitionem. Ceteros motuum certitudo confirma-
uit, et non dubitarent esse aliquam mentem, rerum opi-
ficem, & gubernatricem, ut honestissime disputat Socra-
tes, & in Philebo apud Platonem, & alibi apud Xeno-
phontem. Amemus igitur hanc Philosophiā diuinitus
monstratam, & conseruemus, nosq; in ea re Deo gratū
facere statuamus, qui cum nobis has pulcherrimas artes
donauerit, postulat, ut eas excolamus, nosq; earum cogi-
tatione ad pietatem exuscitemus. Proinde cum Ptole-
maum accipies, inclyte Rex, commendari tibi defensio-
nem cum ceterarum bonarum artium, tum uero etiam
huius Philosophiæ statues. Multum autoritas & muni-
ficentia tua huic studio prodesse poterit. Nec obscura est
hac in re uoluntas tua: Nam & aula tua & in Ecclesijs &
in Academijs doctissimos homines ad rerum ac studio-
rum gubernationem prouehis, & in primis Regium
esse ducis, tueri literas, quod quidem cum ob alias cau-
sas iure prædicatur, tum eo etiam, quia cum tibi magno
sit ornamento optimarum artium scientia,
uicissim illas abs te ornari decet.

Bene uale.

Dixi.



Præfatio

PRAEFATIO IN ARITHMETICAM.

MODESTISSIMO ADOLESCENTI

Iusto Ionæ, filio D. Doctoris Ionæ

Phil. Mel. S. D.



Um uideam te honestissimo consilio patris tui uiri optimi ac mihi amicissimi, ad literas adhibitum esse, & singulari diligentia institui, duxi hunc libellum cum inscriptione nominis tui adendum esse, & ut ostenderem mihi consilium tui patris in te instituendo magnopere probari, & ut adhortarer cum te, tum ceteros adolescentes ad hanc Philosophiæ partem, cuius in hoc libello traduntur elementa, summo studio cognoscendam atq; colendam: Aeditur enim hic libellus, ut ceteris studiosis tecum communis sit. Quanta autem sit & dignitas & utilitas Arithmetices, nō solum indicant testimonia doctorum hominum, sed etiam declarat quotidianus uitæ usus, in quo res loquitur ipsa, nō posse homines numerandi scientia carere. Sed studiosi considerare debent, non solum quam utilitatem indoctis artes afferant, sed etiam quem locum teneant, & quem habeant usum apud eos, qui ad perfectam doctrinam aspirant. Merito autem plurimi facienda est Arithmetica, quia una patefacit aditum ad præstantissimam Philosophiæ partem, uidelicet, ad cognitionem cœlestium corporum ac motuum, Estq; $\chi\epsilon\gamma\alpha\gamma\omega\varsigma$ adeo comoda, ut ipsa præcepta reliqua artes sint facilis ac prorsus obuia. E contra uero hac destituti uelut $\alpha\lambda\epsilon\gamma\alpha\tau\omicron\varsigma$

NN

ab alijs

ab alijs artibus procul arcemur & excludimur. Quare cum Arithmetica discitis, eadem opera cogitabitis, uos maximam partem aliarum artium percipere. Illi uero plusquam frigidus fuerit circum praecordia sanguis, quem hac ingens utilitas non inuitauerit ad hanc artem discendam, quae quidem quia maxime cognata est naturae hominis, facillime percipitur, si accedat mediocris exercitatio. Manus, inquit ille, causa est sapientiae. significans artes non posse integre cognosci, nisi manus praeccepta imitetur atque exerceat. Quod cum in alijs artibus ita sit, tum uero praecipue Arithmetica magnam exercitationem requirit. Ideo meminueritis adolescentes usum ad praeccepta adiungendum esse. Tu uero charissime Iona, hunc libellum accipe *ξύ ἀγαθὴ τύχη*, & cogites hanc artem tibi etiam à teneris inchoandam & exercendam esse, ut praepares te ad maximarum rerum doctrinam, ad quam natura te duci iudicamus. Indoles enim tua perspicui potest iam in primis studijs, & multa sunt signa, quandam in te paterni ingenij similitudinem propagatam esse. Quantum autem ingenio ualeat pater, ipsius in oratione splendor egregius, & foelicissima copia indicant: Quem tu quidem propones imitandum atque effingendum omni studio, tibi quoque hanc Isocratis sententiam animo infiges: *ὅτι δὲ μηδὲν ἄν ἀλλήτῃ ὅτι προσήκειν ἐπὶ τὸς ἀνταγωνιστὰς ἀσκήν, ὡς σοὶ σκοπεῖν, ὅπως ἐφάμιλλόν γενήσῃ τοῖς σὺ πατρός ἐπιτηδεύμασιν.* Bene uale.

Mense Iunio,

1536.



Praefatio

PRAEFATIO IN GEOMETRIAM.

PHILIPPVS MELANCHTHON
Ioanni Reiffensteyn
S. D.



Vllum aptius ornamentum uestibulo huius libelli, qui aditum patefacit ad Geometriam, addi posse statuebam, quàm symbolum, quod Plato in foribus scholæ suæ pinxisse dicitur, uidelicet, $\alpha\gamma\omega\mu\epsilon\tau\rho\eta\tau\epsilon\varsigma$ $\delta\upsilon\delta\alpha\iota\varsigma$ $\epsilon\iota\sigma\iota\tau\omega$. Multorum aut coniecturas exercuit huius dicti interpretatio. Alij iudicant Platonem à schola tanquam pollutos & prophanos arcere imperitos Geometriæ, cuius elementa tunc omnibus qui liberaliter instituebantur, statim à teneris tradi solebant. Alij transferunt ad mores, & significatum putant Philosophiæ studiosis, ut Geometrica proportionem mediocritatem atque æquabilitatem quandam in omnibus officijs conseruent, quemadmodum & in Gorgia cum reprehendit iniustam opinionem Calliclis, inquit eum negligere Geometriam. Et si autem satis apparet ex scriptis Platonis, libèter eum exempla Geometrica ad mores accommodasse, tamen dubitari non potest, quin in hoc symbolo simul aliquid de ordine disciplinarum monuerit, & in Geometria præparandos esse senserit eos, qui ad Philosophiam accessuri essent. Eius sententiæ multæ grauiissimæ causæ sunt. Non enim tantum releganda est hæc ars ad mechanicos, qui ædificia, uasa, aut alia exigua corpora metiuntur, & si ea etiam exercitatio liberalem

NN ij doctrinam

doctrinam continet, & magnas ad uitā utilitates affert, Sed Philosopho propter alias multas causas opus Geometriae scientia: Inde enim oriuntur initia Physices. Et passim in omnibus partibus Physices plurimae demonstrationes ex hac arte sumuntur, quales sunt primae illae, quae ostendunt, mundum esse finitum, non esse plures mundos, nullum esse corpus infinitum, sunt enim haec uera Physices exordia. Deinde cum demonstrationes Geometricae maxime sint illustres, nemo sine aliqua cognitione huius artis satis perspicit, quae sit uis demonstrationum, nemo sine ea erit artifex methodi. Quare & Plato dixit, ob eam causam etiam discendam esse Geometriam, quia eius cognitio conducat ad hoc, ut aliae artes facilius & rectius percipiantur. Sed maxime illustris utilitas est in metiendi magnitudine terrae, & coelestium corporum ac spaciorum. Estque haec summa laus Geometriae, quod non haesit in exiguis & his inferioribus machinis, sed euolauit in caelum, & humanas mentes humi abiectas, rursus in illam coelestem sedem subuexit, & admirandum mundi opificium, & gubernationem eius nobis monstrauit. Denique exulantes animos, in patriam ac familiaritatem coelestium, atque adeo ad agnitionem Dei traduxit. Magnam enim uim habet ad confirmandas honestas opiniones de Deo, in animis hominum, haec ipsa doctrina, in qua mundi opificium & gubernatio spectantur. Cum igitur fontes huius praestantissimae partis Philosophiae de motibus coelestibus, magna ex parte sint in Geometria, satis grauis causa est, quare Plato monuerit accessuros ad Philosophiam, ut Geometriae studium adderent. Hoc existimo Platonem illa inscriptione praecipue significasse, quam hic recitauimus, ut cum adolescentes

adolescentes adhortari cuperem, ad expetendam hanc
 artem, qua urendum est duce ad multas Philosophiæ
 partes, adderet aliquid ponderis nostræ orationi, Pla-
 tonis autoritas. Quoties igitur in manus accipient hunc
 libellum studiosi, & in fronte legent Platoniam inscri-
 ptionem, cogitabunt se admoneri uoce Platonis, sed
 uotis & iudicijs omnium eruditorum, ut maximarum
 utilitatū causa hanc artem experant. Nec nero dubium
 est, quin naturas non distortas delectet per sese mensu-
 rarum ratio, ut natura capimur numerorum collatione
 aut concentu sonorū. Sed generosa & excelsa ingenia,
 huius utilitatis magnitudo accendere ad hæc studia, &
 inflammare debet, quod hæc ars aditum patefacit ad
 illam præstantissimam Philosophiam de rebus cœlesti-
 bus, quæ quantum habeat dignitatis, quàm multiplici-
 ter prosit hominum uitæ, minime obscurum est, præser-
 tim ijs, qui non omnino abhorrent à ueræ ueterisq; Phi-
 losophiæ studijs. Scio has adhortationes apud eos qui
 sordidis ingenijs præditi sunt, nihil proficere, qui præ-
 stantium disciplinarum dignitatem non prospiciunt,
 aut sectantur quasdam uendibiliores artes, quæstus cau-
 sa. Hos, cum dupliciter sint ἀγνώμονες, uel maxime
 excludit Plato. Nam & mentes habent monstrosas, &
 magno scelere turbant proportionem Geometricam,
 cum non tribuunt suam artibus dignitatem. Sed recta
 ingenia, etiam mediocria, incitari possunt ipsa artium
 admiratione, si admoneantur, deinde si accedat artifex,
 qui commode tradat. Ideo spero aliquorū studia com-
 moueri posse, teq; mi Ioannes, & tui similes adhortor,
 primum, ut cogitetis aspirantibus ad ueram laudem,
 cōtendendum esse omnibus ingenij atq; animi uiribus,

NN iij

ut solidam

ut solidam & perfectam doctrinam uobis compatetis, quæ sit usui Reipublicæ. Hanc ad rem opus est toto choro artium, quæ ita inter se deuinctæ copulatæque sunt, ut in singulis multa sint ex alijs uicinis artibus assumenda. Hæ uero duæ Numerorum & Mensurarum scientia, cū in Physicis magnos habent usus, tum uero totam doctrinam de rebus cœlestibus pepererunt. Aristippum ferūt, cum amissis naufragio fortunis omnibus, ipse tamen cum paucis ad littus Rhodium saluus peruenisset in tabula, ambulanti in littore, Geometricas figuras in machinis quibusdam conspexisse. Quamquam autem mare & uiatico eos exuerat, & in loca eiecerat ignota, tamen conspectis illis figuris Geometricis, iussit socios bono animo esse, inquiens se uidisse hominum uestigia, gratulatusque est sibi & reliquis, quod non in barbarum littus eieci essent, confirmauitque humanitatem eiga hospites ac naufragos non defuturā illis hominibus, apud quos harum artium studia colerentur. Utinam uero hæc hominum uestigia quæ ibi in littore miratus est Aristippus, in scholis etiā frequentiora essent. Iacent enim desertæ & neglectæ hæ artes multis iam seculis. Nam proxima ætas iuuentutem ab hac uera Philosophia ad insulsissimas cauillationes abduxerat: Nunc postquam hæ explosæ sunt è scholis, annitendum erat, ut pura & natua Philosophia traderetur, quæ conduceret ad solidam doctrinam consequendam. Nam hæc nostra ætas satis commune facit nos, quantum opus sit Reipub. perfecta doctrina, quia multi passim, tum inopia iudicij, tum quia diserte explicare nihil possunt, sparserunt, aut defendunt opiniones absurdas & confusaneas, ex quibus in Ecclesia magna certamina, magnæ dissensiones extiterunt

extiterunt. Nec finis horum malorum erit ullus, nisi ad
ueram & eruditam studiorum rationem iuuentus reuo-
cata fuerit. Hanc ad rem conferre operam hi qui præsumunt
Ecclesiæ ac Reipublicæ profecto debebant. Sed eadem
cura ad nostrum officium pertinet, hoc est, ad eos qui doc-
cent, aut discunt in scholis. Nam & nostrum munus ad
Rempub. pertinet: Diuinitus in hac statione collocari
sumus, ut doctrinam utilem generi humano conserue-
mus & propagemus. Et flagitat hanc diligentiam Deus
pariter à doctoribus & discipulis. Quare iuuenes cogi-
tent se etiam Deo hoc officij debere, ut solidam & perfe-
ctam doctrinam experiant, profuturam Ecclesiæ ac Rei-
pub. Quos in templa animos afferimus, eosdem decet
in scholam afferre, uidelicet, ut ibi res diuinas cognosca-
mus, & alijs patefaciamus. Si quis uenit in scholam, tan-
tum ut inde auferat particulam aliquam doctrinæ, quæ
possit ad quæstum, aut ostentationem conferri, is sciat
se polluere sanctissima doctrinæ templa. Itaq; si munus
suum intelligent adolescentes, si scient quo animo uersa-
ri in studijs debeant, facile impetrabimus ab ingenijs
non monstrosis, ut recte atq; ordine percipiant omnes
artes, ut non inanem eruditionis umbram, sed ueram
doctrinam auferre conentur. Quosdam deterret à ma-
thematis difficultas, sed hi, quod est iniquissimum, an-
te pronunciant quàm inspiciunt, priusquam degustarunt
elementa, abijciunt & damnant totum studium. Certe
initia sine magno negotio percipi possunt, quæ usum
habent in uita, & in multis artibus. Hæc saltem prius co-
gnosci oportuit, quàm pronunciarent de difficultate.
Deinde ordo qui præsertim in Geometricis est commo-
dissimus, leuat laborem, & multum addit lucis. Postre-
mo ubiq;

mo ubiq traduntur demonstrationes, quæ & si in artis extrema parte, quasi in fastigio, longius recedunt ab oculis & conspectu nostro, ut urbes, quas procul uidemus, tamen in ceteris partibus, quia magis obuij sunt oculis, multo minus habent difficultatis. Extrema ignauia est, prius abijcere studium, quàm periculum feceris. Et molities animi iniusta est, nihil laboris uelle suscipere in discendo, cū quidem militia quædam sit, uersari in literis, & Respublica nobis maximarum rerum curam & conseruationem commendauerit, quas tueri sine acerrima contentione animorum non possumus. Quare exuscitent nos, & ipsa artium dignitas, & publica utilitas, & meminerimus his uirtutis studijs etiam fortitudinē adiungendam esse, quæ non sinat animos languescere pigritia, quæ per omnes difficultates, ut ita dicam, ui sibi uiam faciat. Ac generosæ & heroicæ naturæ, quæ ad illas summas artes de rebus cœlestibus diuino aliquo adflatu, & ἐνθουσιασµῶ incitantur, facile has artes arripiunt, perinde ut hi, qui natura ad carmē idonei sunt, cito percipiunt syllabarum & pedum mēsuras. Multum tamē, ut in cæteris artibus, etiam mediocria ingenia studio & diligentia assequantur. At si qui non totos se huic studio dedent, tamē his ad iudicia formanda, & ad intelligendos multos locos, qui in Aristotele & alijs laudatis auctoribus obuij sunt, opus est cognitione elementorum Geometriæ. Aristoteles pulcherrime pingit iustitiam in quinto Ethicorum his Geometricis figuris, & species eius eruditissime discernit collatas ad Arithmeticam & Geometricam proportionem. Et traduntur eo in loco præcepta necessaria ijs, qui erudite de legum causis iudicare cupiunt. His plurimum affert lucis collatio sumpta ab Arith

ab Arithmeticis & Geometris. Sed quia interpretes, quorum quidem libri extant, non intellexerunt hanc collationem, non solum obscurarunt, sed planè corruperunt totam Aristotelis sententiam, non secus ac si alia quam excellentem Apellis picturam sordibus & cœno conspersissent atq; obruissent. Porro non solum turpe est interpreti, sed etiam molestum alijs lectoribus in tali loco tanquam in luto herere & fraudari sententia autoris. Aristoteles enim prudentissime duas iusticię species constituit, quarum altera personarum gradus in legendis Magistratibus, in imperijs, in ciuitate, & in familijs ordinat. Altera gubernat non solum contractus, sed omnes compensationes rerum, ut mercedes, damna, iniurias, pœnas. Iam cum explicatur quare in compensationibus requiratur Arithmetica proportio. In altera uero iusticia, legentē Magistratus ualeat Geometrica, causę iusticię ualde fiunt illustres. Ac sumpsit hanc ipsam collationem Aristoteles à Platone, qui cum summa uenustate & grauitate disputat, equalitatem in ciuitatibus efficiendam esse, quia æqualitas gignat mutuum amorem, ut dici solet *ἰσορ ἰσὼ φίλον*. Sed equalitatem Arithmeticam ait in imperijs, in legendis Magistratibus turbulentam esse, Geometricam uero salutarem esse ciuitatibus. Nam Geometrica æqualitas est, cum gradus constituantur, & delectus adhibetur, ut pro proportionem tribuantur summa imperia optimis & prudentissimis ciuibus, & singuli intelligunt quam partem muneris publici sustineant, & in suo ordine manent, non conturbant proportionem. Hunc statum ita prædicat Plato, ut hanc Geometriam diuinam esse dicat, actum demum beatas fieri ciuitates, cū Deus particulam huius Geometrię

eg d. ciuit

OO

cis im

eis impertit, deniq; addit, ab hac Geometria proficisci, quidquid est boni in rebus humanis, ut si in Ecclesia auctoritas esset summa optimorum, ac doctissimorum, & per gradus suum officium singuli intelligerent, & facerent, & suam quisq; spartam, ut dicitur, ornaret, impetiti cederent sententijs eruditorum. Quid Ecclesia beatus esset, si hac Geometrica proportione constituta esset, quæ & tyrannidem prohibet, & popularem licentiam? Nam in tyrannide gradus nulli sunt, sed pariter omnes boni opprimuntur. In democratia, dominatur æqualitas Arithmetica, iuxta quam omnes infimi sine delectu cōsequuntur summa imperia, sitq; status ille, quem maxime vituperat Achilles apud Homerum, cum ait, nolle se in ea Republica esse, in qua nullum sit discrimen bonorum & malorum civium:

ἐν δ' ἐν ταῦτ' ἢ μὲν κακός, ἢ δὲ καὶ ἐδδός.

Quid bonis omnibus accidere potest optabilius, quam si Geometrica proportio, quæ & tyrannidem & popularem licentiam prohibet, gubernaret Synodum Ecclesiasticam? Nec uero sine causa doctissimi homines delectati sunt Geometricis similitudinibus, incurrunt enim in oculos, uelut picturæ. Quare cum intelliguntur, ualde illustant disputationes, & multa monent admiratione digna. Inuitet igitur adolescentes & hæc causa ad elementa cognoscenda, quia magnos uiros uident amasse has figuras, & eorum scripta nō posse intelligi, nisi degustatis his artibus: Etsi enim aliæ sunt multo maiores utilitates, de quibus paulo ante dixi, tamen liberalibus ingenijs stimulum addit hoc quoq;, quod tales sententias magnorum autorum & amant, tanquā preciosissimas gemmas, et uim earum penitus perspicere cupiunt.

Iam hæc

Iam hæc ipsa exempla docent sententiam Platoniam,
 quam scripsit in uestibulo scholæ, non inepte ad mores
 accommodari, ἀγεωμέτερος οὐδεὶς εἰσὶτω. Excludit à
 scholis eos, qui conturbant Geometricam proportio-
 nem, qui gradus honestorum officiorum nec intelligūt
 nec tuentur, qui sine lege inæqualiter, qua fert impetus,
 ruunt. Verissimū enim est illud Aeschyli dictum, alium
 hominem, alteri ciuitati conuenire, ἄλλου ἄλλε πρὸς πό-
 λιν τελευτῶν. Vt igitur illa fera & barbarica ingenia
 non conueniunt ciuitati Philosophicæ, quia neq; miran-
 tur artes, neq; doceri possunt: ita econtra præditi modes-
 ratis ingenijs, quia incitari possunt ad hæc optima stu-
 dia colenda, conueniunt Philosophicæ ciuitati. Tales
 inuitat Plato, ac simul significat, quæ natura capax sit
 Philosophiæ, quales mores apti sint his studijs, quæ in-
 genia ad amorem Philosophiæ accendi possint, & quo
 doctrine genere principio opus sit. Quare studiosi, cum
 legent hanc Platonis inscriptionem ἀγεωμέτερος οὐδεὶς
 εἰσὶτω, meminerint se & Geometricam equalitatem in
 moribus præstare debere, & ad ceteras artes adiungere
 Geometriæ studium. Vtrunq; est ingens ornamentum,
 & propter multas causas expetendum. Ac tibi quidem,
 mi Ioannes, Dei beneficio contigit ingenium & natura
 moderatum, & quod ex picturis tuis animaduerti pos-
 sest, aptum Geometriæ, planèq; conueniens ciuitati Phi-
 losophicæ. Spero autem te & paterna & nostra cohorta-
 tione accensum, flagrare cupiditate cognoscendæ illius
 pulcherrimæ doctrine de moribus & effectibus cœlesti-
 bus. Ad hanc gradus faciendus est per Geometriam.
 Putabis autem te etiam Deo gratum facere, cum his stu-
 dijs operam dabis: Suauissime enim à Platone dictū est,

Διὸν αὖτ' ὑπομνήσας, hoc est, ut ego quidem interpretor,
 gubernare omnia, & certissima lege cursus cœlestes, &
 totam naturam regere. Quare haud dubie probat stu-
 dium eorum, qui quasi observantes illius cursus lineas,
 gubernatorem ipsum agnoscunt & uenerantur. Iaco-
 bus Milichius utili consilio coniunxit libellos Arithme-
 ticos & Geometricos aptissimos scholis, scriptos à præ-
 stantibus artificibus, & in ea Academia, quæ aliquot se-
 culis præcipuum fuit domicilium harum artium. Nam
 Viennæ, autore Peurbachio, propemodum renata est
 hæc Philosophia de rebus cœlestibus, & nunc magna
 cum laude possessionem eius uelut hæreditariam reti-
 nent & ornant ibi cum alij uiri doctissimi, tum etiam
 Ioannes Vogelin autor huius libelli de Geometricis
 elementis, quæ quidem ea breuitate & serie complexus
 est, quam sperauit maxime conducturam esse discencie

bus. Christus & tua, & reliquæ iuuentutis

studia gubernet ad Reipublicæ

salutem. Mense Au-

gusto, Anno

1536.



Viro

VIRO DOCTISSIMO IOHANNI
 Schonero Mathematico, Philippus
 Melanchthon
 S. D.



Vm urbs Noriberga multis civilibus orna-
 mentis abundet, hoc decus profecto non
 in postremis numerandum est, quod ali-
 quot iam seculis perpetuò in ea urbe stu-
 dia Mathematicum magna cum laude flo-
 ruerunt. Atq; ita genius urbis huic pulcherrime parti Phi-
 losophiæ fauet, ut non solum aliunde accersiti sint à Re-
 publica homines doctissimi, qui eius doctriinæ possessio-
 nem retinerent, sed etiam procrearit ipsa urbs multa for-
 ticia ingenia, quæ in his artibus excelluerunt, colantq; has
 disciplinas non solum pauci quidam ociosi, solis dediti
 literis, sed alij etiam multi, occupati tum priuatis nego-
 cijs, tum Reipub. procuratione. Meo quidem iudicio
 gloriosius est Athenis, q̃ Philosophiæ & omnium opti-
 marum artium, quæ ad bene beateq; uiuendum necessa-
 riæ sunt, inde usq; à Platonis ætate ad Antoninorū tem-
 pora annos ferè sexcentos domicilium perpetuum fue-
 runt, quàm quod principatum Græci tenuerunt annos
 septuaginta, qui nō solum nihil utilitatis attulit uenturæ
 ætati & reliquis gentibus, sed tunc quoq; Athenis ipsis
 calamitosus fuit. Ne Miletum quidem tam ornarūt am-
 plissimæ opes, quàm uir doctissimus Thales, qui nō so-
 lum in ea urbe, sed in tota Ionia primus excitauit studia
 doctriinæ de rebus cœlestibus, ostendit syderum motus,
 & certam anni rationem descripsit. Nec Alexandria no-
 bilior est conditore Alexandro, q̃ perpetua Philoso-
 phiæ

phiæ conseruatione & propagatione. Itaq; hæc doctrinæ studia iure cōmemoramus inter præcipua urbis Noribergæ ornamenta. Hæc enim urbs fouit ingenium Ioannis de Regiomonte, habuit & ciues summis ingenijs præditos, qui has disciplinas tum coluerunt, tum etiam illustrarunt, D. Ioannem Vernerum, D. Prepositū Melchiorē Pfintzing, D. Bilibaldum Pyrcamerū, D. Cholerum. Nec ulla tam celebris est Academia, in qua hodie maior sit frequentia eruditorū in hoc genere quàm Noribergæ. Nec tantū fruitur ipsa urbs uoluptate huius doctrinæ, sed, quod est honestissimum, præclare meretur de omni posteritate. Multa enim utilia monumenta ædiderunt homines doctissimi, Ioannes de Regiomonte, qui huius urbis hospitio & multis beneficijs usus est, & alij ciues, quorum extant scripta. Hæc beneficia Philosophiæ studiosos agnoscere decet, & huic urbi gratiam habere ex animo, eamq; in primis amare, tantumquam huius præstantissimæ doctrinæ hospitium. Et si autem possessionem huius laudis multi in urbe uestra retinent, tamen hoc nomine tibi doctissime Schonere plurimum debent studiosi, quod industriam tuam ad has artes propagandas & illustrandas confers. Nam & istic docendo multorum excitasti ingenia, & subinde monumenta ædis, apta scholis, & magnopere utilia discentibus. Nec uero quidquam est, ut ego arbitror, homine Philosopho dignius, quàm summa ope curare, ut doctrina utilis uitæ tanquam publicum patrimonium, ut Seneca uocat, conseruetur, & ad posteros explicata, & non accisa aut corrupta perueniat. Debet enim Philosophus ad optimarum artium scientiam uoluntatem adiungere bene merendi de rebus humanis, præsertim cum in

cum intelligat has artes diuinitus ostensas esse non pri-
uate oblectationis causa, sed ad communem utilitatem,
& norit Philosophum omnes actiones, & uitam omnē
ad communem salutem atq; utilitatem referre debere.
Maxime enim decet Philosophū esse κοινωνικόν. Quan-
ta autem sint merita quæ ad uitam confert, non diffici-
le est iudicare. Videmus enim ipsas disciplinas, quæ Ma-
themata uocantur, ad uitam necessarias esse. An carere
possumus Arithmetica & Geometria? Qualis confusio
esset, si anni descriptione carerent Respublicæ? Nulla
extaret memoria rerum ueterum, deniq; mera barba-
ries esset talis uita. Reliqua Philosophia fontes continet
legum & omnium honestorum officiorum: Est & ma-
gnum ornamentum religionis. Facis igitur honestissi-
me, quod alijs doctrinam tantarum rerum, tamq; uti-
lem uitæ sedulo impertis, quod ædificatione utilium scri-
ptorum communia studia iquas. Nonnihil autem de-
bebit tibi ciuitas Noriberga, quod ex tuis monumentis
apparet, huius Philosophiæ studia ibi uigere. Sed mul-
to plus debebunt tibi omnes, quorum studia tuis labo-
ribus & commouentur & adiuuantur. Est animi Philo-
sophici, delectari ipsa uirtute, etiam si nō cōtingant alia
præmia pro laboribus. Sed si tempora erunt tranquilla
Deo uolente, uoluptatem etiam magnam ex discen-
tium studijs capies. Nam instructa idoneis libris iuuetus
facilius ad hæc studia renocari poterit. Vides autem ali-
quot locis, professores bonarum artium, quantum con-
tendere possunt, ad colendas has disciplinas iuuentu-
tem inuitare. Quod igitur hoc tempore ædidisti & ex-
polijisti tua diligentia atq; industria Tabulas resolutas,
egregiam operam nauasti, quia in scholis præcipue opus
est his

est his tabulis, cum theoricæ, ut uocant, motuum cœlestium ad usum transferant, et monstrent facilem et compendiarium rationem computandi motus cœlestes. Quare sine eis theoricæ prorsus luce carent. Et cognitis his tabulis iam magnum fructum capere discunt ex hoc studio possunt. Nam quod extremum est in arte, ac finis doctrinæ de motibus, id compendiarium uia exhibet hic libellus, uidelicet ut possimus motus Planetarum statim computare aliquot seculorum, seu præteritos seu uenturos. Hæc meta est artis, quam audivissime expectant studiosi. Interdum desperatione abijciunt aliqui studia, cum non prospiciunt metam, cum non capiunt fructum aliquem ex suis laboribus. At cognitis his tabulis, non solum eximitur animis desperatio, sed animaduersa tam facili computatione, spes & magnitudo utilitatis generosa ingenia ad discendum accendunt. Quæ est autem diuinitas, tam breui uia, tam paruo negotio consequi summam artis, et positum cœli considerare posse, quorumcunque annorum? Quis non miretur tam breui libello tot annorum descriptionem includi posse? Mirentur alij ligneas columbas, aut alia opera automata: Hæ tabulæ multo magis sunt dignæ admiratione, quæ omnium siderum positus ostendunt, nec unius tantum anni, sed multorum seculorum. Hæc ea præfatus sum, ut admonerem iuvenes, qui hæc lecturi sunt, & quantum debeant Schœnero iuuant publicæ studia editione talium librorum, quibus in scholis opus est, deinde ut utilitate harum tabularum excitati, ad discendum inuitentur. Illa admonitione hoc loco non putavi opus esse, ne se ab his artibus studiosi detererent, insulsi in iudicijs indoctorum, qui totum hoc genus doctrinæ de rebus cœ-

bus cœlestibus superbissime derident. Nam mediocriter eruditi in Philosophia, facile iudicare possunt, magnam cum dignitatem, tum suauitatem, et utilitates ingentes esse doctrinæ de motibus syderum. Hoc mirificū spectaculum, uidelicet, tot pulchra lumina, tam uarios cursus, qui miras uices certissimis legibus conficiunt, nō frustra posuit nobis ob oculos Deus, sed uoluit ut nos in de anni descriptionem & temporum spacia uicesq̃ summeremus, & diuersa temperamenta annorum prospiceremus. Postremo, ut hic pulcherrimus ordo motus, & consensus moneret nos de opifice, hæc non extitisse casu, sed ab aliqua æterna mente esse orta, & gubernari. Quare generosa ingenia decet abhorreere auribus atque animis ab Epicureis illis, qui hanc certissimam motuū scientiam aspernantur. Magna uero etiam uis & utilitas est etiam alterius partis, uidelicet, doctrinæ prædictionum, quæ sumuntur à causis cœlestibus. Nam & Galenus autor grauissimus affirmat affici animantium corpora à lumine Planetarum, magnamq̃ uim omnium Planetarum esse in temperamenti & miscendis & turbandis. Et quidem grauiter reprehendit eos qui dissentiant: Ait enim experientiam manifestam testari hanc uim esse syderum: Sophisticum uero esse, negare manifestam experientiam. Multa iudicari possunt ex positu astrorum de ualitudine corporum, de ingenijs & inclinationibus, deq̃ multis in uita casibus, de tempestatibus, de mutationibus Rerum pub. Plurimum autem tantarum rerum consideratio & animaduersio conducit prudentibus. Nec pugnat religio Christiana cū hac sententia, nec damnant has prædictiones sacre literæ: Sunt enim pars quædam Physices, sicut Medicorum

PP prædictio

prædictiones: Sumuntur enim à causis naturalibus. Di-
 uinitus alia uis est indita Soli, alia Lunæ, ut uis est alia pi-
 peris, alia maluæ, & pium est agnoscere opera Dei & ob-
 seruare uires illis inditas. Sed hæc disputatio longior est,
 quàm ut hic tractari tota possit, & extant libri eruditissi-
 me scripti multorum qui Pici & aliorum similibus ca-
 lumnij respondunt. Illud tantum adijciendum esse pu-
 tau, iniquum est pronunciare priusquam causam co-
 gnoueris. At illi uituperant hanc doctrinam, qui simpli-
 citer eam ignorant: Quare eorum iudicia merito deri-
 dentur. Non temere dissentendum est ab eruditissimo-
 rum & prudentissimorum hominum iudicijs, qui cum
 harum artium uim & usum cognouissent, posteris eas
 tanquam uitæ utiles tradendas esse putauerunt. Et arro-
 gantia est cum summa stulticia coniuncta, uenari chora-
 gium aliquod gloriæ ex insectatione artium, quæ sunt
 graui autoritate doctorum & prudentum receptæ. Sed
 de hac controuersia alibi disputabimus prolixius. Bene-
 uale doctissime Schonere, & perge de publicis
 studijs bene mereri. Vuittebergæ
 mense Augusto, Anno

2536.



Præfatio

PRAEFATIO IN SPHAERAM.

PHILIPPVS MELANCHTHON
Simoni Grynæo uiro doctissimo,
& amico ueteri
S. D.



Vm in omnibus artibus pro fit initio bre-
uia quædam elementa tradere ad præpa-
randos studiosos, ad interiorem doctri-
nam, maxima profecto debetur gratia ui-
ris optimis & eruditissimis, qui harū pul-
cherrimarum disciplinarum, uidelicet Astronomiæ, &
Cosmographiæ Isagogas nobis composuerunt, qui
quidem non solum propter ipsarum artium dignita-
tem, sed magis etiam propter rei difficultatem laudari
merentur. Magni enim negocij fuit, magnæ prudentiæ,
ex tanta tamq; multiplici rerum copia eligere ea quæ
maxime in aditu ac uestibulo profutura essent. Hanc ob
causam semper amaui mirifici libellum Iohannis de sa-
cro Busto, qui mihi uidetur elementa in hoc genere
complexus aptissime, ac plurimum uidisse in gymna-
sijs homines doctissimos iudico, qui magno consensu
prætulerūt hunc libellum alijs eiusdem generis, & exten-
dere in omnibus scholis, & in omnium manibus uersari
uoluerunt. Viſturus genium debet habere liber, inquit
Martialis. Sed talis genius non contingit operibus, quæ
nullam habent utilitatis commendationem. Cum au-
tem hic libellus tot seculis in omnibus scholis in tanta
uarietate iudiciorum genios habuerit propicios, necesse

PP ij est eum

est eum rebus optimis refertum esse. Videmus enim paucissima scripta uetustatem ferre, praesertim in scholis, ubi morosissime iudicari solet. At hic libellus multis iam seculis maxima cum approbatione doctorum omnium legitur. Quare & nos curemus eum per manus acceptum à maioribus tradere posteris, & tanquam opus publicum communibus studiis conseruemus, ut in scholis aditum iuuenibus ad pulcherrimas artes, quarum elementa tradit, ostendat. Nam si existimamus illarum artium cognitionem utilem in uita esse, magnopere nobis haec monumenta conseruanda sunt, quae aditum ad eas patefaciunt. Quis est autem tam ferreus, tam sine sensu ullo, ut non aliquando suspiciens coelum, & pulcherrima in eo lumina intuens, admiretur tam uarias uices, quae motibus conficiuntur, nec cupiat quasi uestigia illorum motuum, uidelicet, certam rationem diuinitus ostensam, cognoscere? Neque enim res tam uarie, tamque procul positae aut inquisitae essent, aut acie ingenij humani perspectae, nisi Deus studia quorundam summorum uirorum & excitasset & prouexisset. Itaque cum ducat homines natura ad has artes, prorsus humana mente care re iudicandi sunt, qui pulchritudine illarum rerum, & cognitionis suauitate nihil afficiuntur. Ac praclare Platon ait, Astronomiae causa oculos hominibus datos esse. Volebat enim significare, in omnibus corporibus nihil esse pulchrius, quam ista coelestia lumina, & homines natura ad hanc pulchritudinem fruendam praecipue rapi, ac mihi quidem oculi ipsi cognitionem uel maximam cum syderibus habere uidentur. Ut enim in mundo lucet Sol, ita in homine, quem nonnulli propter plurimas similitudines *μικρὸν κόσμον* uocauerunt, sua quaedam lu-

dam lumina, uelut sydera condita sunt. Itaque qui cognata illa lumina fastidiunt, non considerant naturæ opificium, eamque ob causam digni erant, quibus eruerentur oculi, cum his ad hanc rem uti nolint, ad quam præcipue conditi sunt, præsertim cum illa cognitio admoneat etiam nos de Deo, & de immortalitate nostra. Neque enim fieri potest, quin statuatur humanus animus mentem aliquam esse, quæ regat & gubernet omnia, si animaduertit illos ratos cursus & leges magnorum orbium & stellarum. Nihil enim tale casu, aut alia uiulla sine mente existere, aut constare potest. Quare si Astronomia confirmat hanc de Deo opinionem in animis hominum, Plato non solum erudite, sed etiam religiose dixisse iudicandus est, Astronomiæ causa nobis oculos datos esse. Sunt enim certe ob hanc causam præcipue dati, ut ad quærendam aliquam Dei noticiam duces essent. Proinde ex Philosophis soli isti, qui Astronomiam aspernari sunt, ex professo fuerunt *Æthei*, & sublata providentia, etiam immortalitatem animorum nostrorum sustulerunt, qui si attigissent hanc doctrinam, manifesta Dei vestigia in natura deprehendissent, quibus animaduertis coacti essent fateri mente aliqua hanc rerum universitatem & conditam esse, & gubernari. Sed si quis etiam auctoritatem requirit ex sacris literis, quæ hæc studia commendat, habet in Genesi testimonium grauissimum, ubi scriptum est: Erunt in signa, tempora & annos. Quomodo autem conficiet nobis Sol annos, nisi observato curriculo, descriptis spatijs, atque interuallis cursus ac temporum? Quare cœlestis illa uox hortatur nos ad observandos cœlestium corporum motus. Quid commemorem utilitates publicas, qualis futura esset hominū

vita, si non haberemus descriptam temporum ratio-
 nem, si non haberemus in historia, aut rebus gerendis
 annorum numerum? Plus quàm barbaries, imò belua-
 rum uita fuerit, nullam nosse antiquitatis seriem, nul-
 lum temporum ordinem in præsentibus negocijs con-
 stituere posse. In tanta incitia, neq; religio ulla, neq; ci-
 uilis status retineri posset. Cum igitur & natura nos
 exuscitet, & hortentur diuina oracula, quanquam ille
 etiam naturæ sensus, diuinus quidam afflatus, & quæ-
 dam quasi Dei uox est, & magnitudo utilitatum inuitet
 ad hanc doctrinam, diligenter eam colere, studiosi ado-
 lescentes debent. Atque in hac re patriæ laudibus etiam
 moueri eos conuenit, quia hæc doctrina cum aliquot se-
 culis sine honore iacuisset, nuper in Germania reffloruit,
 restituta à duobus summis uiris, Purbachio, & Regio-
 montano, quorum alter ex Norico, alter ex Francis uici-
 nis ortus est. Hos heroas singulari quadam ui diuinitus
 ad has artes illustrandas excitatos esse, res testatur ipsa.
 Quando enim tantum lumen habuerunt, postquam
 hæc studia in Aegypto extincta sunt: Nam & si Arabes
 desertam à Græcis possessionem magna ui inuaserunt,
 adeo ut has artes in Occidentem & Hispaniam usq; pro-
 pagauerint, tamen eorum scripta ostendunt curiosam
 nationem non tam elaborasse in obseruandis motibus,
 quàm in diuinationibus, quarum adeo cupidi fuerunt,
 ut non contenti Ptolemæi Astrologia, quæ pars quæ-
 dam Physices existimari potest, sortes etiam & alia mul-
 ta prædictionum genera ἀνατιολογῆτὰ cōmenti sint.
 At nostri illi contulerunt omne studium ad præcipuam
 doctrinæ partem, obscurissimas demonstrationes Pto-
 lemæi eruerunt, & patefecerunt, & ut transmitteretur
 ars ad

ars ad posteros, instruxerunt nos nō unius generis commentarijs. Veteres laudant Architæ columbam, & uaria Archimedis opera: at longe admirabilius opus est breuis ille libellus Theoricarū Purbachij, qui summam longissimi operis Ptolemæi cōplexus, positus orbium subijcit oculis. Quid dicam de reliquis monumentis, de integra epitome, de tabulis, in quibus ut absoluerent artem, usum præceptorum ostenderunt. Hastenus igitur huius doctrinæ laus penes nostros homines fuit. Nam autores illi semina huius doctrinæ sparserunt per Germaniam, non aliter ac frugum semina Triptolemus in Græcia dissipasse scribitur. Quare turpissimum nobis fuerit, tam honestam possessionem optimarum rerum amittere. Sed sunt nonnulli Epicurei Theologi, qui totum hoc doctrine genus irrident: nec solum prædictionibus fidem detrahunt, sed etiam uituperant motuum cognitionem, quos sinamus unā cum Epicuro ineptire. Sunt enim eiusmodi, ut magis opus habeant Medicis quàm Geometris. Est enim manifestum insanix genus, aspernari motuū cognitionē, quæ habet eruditissimas et firmissimas rationes, ut maxime alterā illam partē diuinatricem omittamus. Quanquā mihi neque Picus neque quisquam alius persuaserit, sydera nullos habere effectus in elementis, & in animantium corporibus, præterea nullas significationes in hac inferiore natura. Nā experientia ostendit, ardentium stellarum congressus urere hæc corpora & siccitates afferre: rursus etiam congressus humentium syderum augere humores. Deinde uariè mixta lumina, uariæq; temperatæ qualitates, ut in pharmacis res dissimilime, aliter temperate, alios habet effectus. Ideoq; recte dixisse Aristotelem iudico, cum ait
hunc

hunc inferiorem mundum à superiore gubernari, & superiora causam motus inferioribus corporibus esse: & addit rationē prudentissime cogitatam. Cum initium motus sit à cœlo consequi motum cœli, & reliquis causam motus esse. Hæc enim sunt eius uerba, quæ ascribemus ut meminerint adolescentes tanquam oraculum:

ἔστι δὲ ἡ ἀνάγκη συνεχὴς πως οὕτω τὰς ἀνωτέρω φάσεις ὥστε πᾶσαι αὐτὴ τὴν δύναμιν κυβερνᾶν, ἐκαστὴν, ὅθεν ἡ αὐτῆς κινήσεως ἀρχή, πᾶσιν ἐκείνῃ ἀτίαν νομισέον πρὸς τὴν. Sicut enim in his nostris corporibus uita, seu primus motus qui in corde existit, ciet motū in alijs membris, ita cum haud dubie motus cœli primus sit, reliqua corpora incitat, ut suos quosdam motus efficiant. Neque uero quisquam recte institutus in Philosophia aliter sensit unquam. Nam & Medici qui solent in materia potius quàm in cœlo rerum causas quærere, tamen multa referunt ad syderum constitutiones, sicut ostendit libellus qui Hippocrati ascribitur, de aëre, aquis & locis. Atque hæc non dissentiunt à Christiana doctrina, quæ & si docet nos omnia diuinitus gubernati, tamen non tollit naturales actiones ac significationes rerum, sicut in alienis corporibus apparet, quibus & si uitam ac motum Deus impertit, tamen ea foueri, ac pasci cibo, potu, & alijs rebus ad uitam tuendam conditis iubet. Ac prudentia digna Christiano est, diiudicare quæ sint communes actiones Dei & naturæ, quæ autem sint proprie supra naturam positæ. Et ut de homine proprie dicamus, sape mihi cogitanti tria uidentur genera actionum in homines cadere. Notissimū est, quod à natura hominis proficiscitur, sensu ac ratione. Ad id pertinent inclinationes quæ sequuntur temperamenta qualitatū. Videmus enim

enim dissimilitudines ingeniorum infinitas, quæ pro-
fecto pariunt dissimiles actiones, quemadmodum Poe-
ta uere significauit, cum inquit:

Naturæ sequitur semina quisq; suæ.

Quid enim tam receptum apud Medicos est, quàm τὰ
ἄλλα τὰ πάθη corporum dispositionem imitati: Idq;
res loquitur, ipsa ἄλλα in homine bilioso existere nulla
posse, sed excitari in eo immoderatos imperus, quasi
uentos, magna & uehementia πάθη, quæ difficilime
possit ratio regere aut flectere. Si quis autem considera-
bit diuersas regionum naturas, & diuersarum gentium
ingenia, quā aliam causam huius dissimilitudinis osten-
dere poterit, quàm cœli naturam: Vnde facile iudicari
potest in miscendis temperamentis corporum atq; in-
geniorum inter alias causas etiam luminis naturam con-
currere. Neque ego nihil educationem, consuetudinē,
institutionem, leges atq; consilia in regendis inclinatio-
nibus istis proficere iudico, sed hæc quoq; pono in hoc
genere actionum, quod à natura proficiscitur. Alterum
genus est actionum, quæ supra naturam existunt in ho-
mine diuinitus. Hoc est enim Christianæ mentis, intella-
ligere ac sentire diuinitus homines custodiri atq; guber-
nari. Etsi autem ita gubernat Deus, ut naturæ suas partes
etiam aliquo modo relinquat, tamen multa corrigit in
natura, & multarum rerum euentus concedit alios q̃
quales proponit natura. Neque enim Moises beneficio
astrorum seruatus est, cum euaderet uia per maria pate-
facta. Neque Petrus cum per Angelum è carcere educe-
retur, syderum beneficio liberatus est. Neque Paulus ex
hoste Euangelij potestate astrorum pius factus est. Ta-
lium operum causam proprie ad Deum referendā esse;

QQ

nemo

nemo non intelligit. Sicut igitur naturę uires in alijs partibus eatenus recipimus, ne regnum Christi tollant, ita suas uires lumini eatenus tribuimus, ne quid de gloria Christi detrahatur, cui cum omnia subiecta sint, iure etiam sentiendum est, stellarum uices ei parere oportere. Ac bonę mentes hac sententia erigere se atq; confirmare debent aduersus tristes significationes, quę non raro mirabiliter animos in tanta naturę humanę imbecillitate perturbant. Atq; ut aliās uerbum Dei anteferre nostris opinionibus debemus, ita aduersus has significationes animi uerbo Dei ac promissionibus diuinis confirmandi sunt. Idq; uulgata sententia docet, quę citatur ex Ieremia: Nolite timere à signis cœli, quę timēt gentes. Neque enim negat Propheta signa esse, sed cum signa nominet, sentit ea res magnas atq; tristes minari. Consolatur autem pios, ne ea metuant, non quia nihil significant, sed ut confidant se diuinitus inter illa pericula tegi ac seruari. Sicut mortem timere Christus prohibet, non quia mors non sit aspera, sed ut sciamus nobis etiam in morte ipsum adesse Christū, ut nos seruet. Eri-genda igitur mens est supra uniuersam hęc corporalem naturā, uel si fractus illabatur orbis, nec patiendū ut uerbum Dei, ut fiducia erga Deum nobis excutiat, qua si-cut muniuntur pię mentes aduersus presentia pericula, ita muniendę erunt etiam aduersus inimicas astorum significationes. Sicut igitur alię partes Physices non laedunt religionem Christianam, ita neque Astrologia, nam hanc quoque partem Physices esse sentimus, officit pietati, si quis in loco utatur. Ac præter hęc duo actionum genera quę recensui, reliquum est tertium genus actionū, ad quas suscipiendas, animi contra naturam a diabolō

diabolo magno motu impelluntur. Neque enim aut
astris, aut alijs naturalibus causis, sed diabolo recte tri-
buuntur Neronis & similium Tyrannorum prodigiosa
libidines atq; parricidia. Itaque cum humani animi nō
uno tantum genere causæ moueantur, consequitur le-
ges fatorum uarijs modis impediri, interdum afflatu di-
uino, interdum institutione, interdum deliberatione, in-
terdum etiam in deterius flecti à diabolo. Præclare igitur
inquit Prolemaus, Astrologorum decreta non esse
prætoria: Nam prætoris edicta populum parere cogūt,
Illæ uero significationes non afferunt uim hominibus,
& si non ubiq; sunt ociosæ. Atque harum rerum exem-
pla suppeditant historiæ. Sed hæc disputatio longior
est quàm ut hic explicari tota possit. Hæc enim ideo cō-
memorauī, ne adolescentes in totum damnent hunc
chorum artium, propterea quod imperiti quidam irri-
dent diuinationes: Nam illa doctrina de motibus co-
gnitionem habet suauissimam, & homine dignissimā.
Et si quis adhibebit iudicium, intelliget alteram partem
artis, diuinatricem uidelicet, perinde esse partem Physi-
ces, sicut Medicorum prædictiones pars quædam Physi-
sices esse existimantur. Neq; enim illa pulcherrima cor-
pora syderum frustra cōdita esse sentiendum est, præser-
tim cum ille ordo atque cursus summa ratione constet,
adeo ut quædam quasi politia in cœlo, uelut in poema-
te depicta esse uideatur. Sol enim qui regnare uidetur,
in medio orbe uehitur, stipatus senatoribus, bellatore,
atq; oratore: habet & œconomas Lunam & Venerem,
nam hæ præcipue dominantur in ciendis humoribus,
quibus aluntur corpora. Cum autem & hic admirabilis
ordo ac positus, deinde certissimæ leges cursus testen-

Q Q ij tut hoc

tur hoc opificium summa ratione constare, non est consentaneum, astra nullas significationes, nullos effectus habere. Neque uero frustra dicunt sacrae literae: Erunt in signa, tempora, & dies & annos. Hic non solum inquit annos, dierum & noctium uices, discrimina temporum uidelicet æstatis atq; hyemis ab astris confici, sed addit etiam de signis. Idq; interpretatur consensus omnium seculorū, quo compertum est, eclipses semper habuisse tristes euentus. Non est autem hominis bene instituti, dissentire à consensu tot seculorum. Hæc fortasse longius quàm oportuit in hunc libellum præfatus sum, sed uolui commonescere adolescentes in ipso uestibulo harum artium, ut de hoc toto choro artium honorificentius sentiant. Scripsi autem ad te, Grynæ doctissime me, non quod hac oratione te arbitrarer accendendum esse, qui in uniuersa Philosophia sic excellis, ut quem tibi conferam ex nostris hominibus, habeam neminem; sed harum artium mentio semper memoriam mihi tui renouat, cuius rei testem habes uirum optimum Iacobum Milichium, qui quoniam has artes hic docet, multum de eis mecum confabulatur, quo in sermone sæpe numero incidimus in tui mentionem. Nemo itaq; fuit ad quem potius de his artibus scriberem, quàm ad te, ut intelligeres nos cum ipsis recordationem tuæ amicitiae coniungere. Quanquam extant & publica quædā monumenta tua, quæ nos de tuis uirtutibus atq; pulcherrimis studijs admonent. Habemus enim Aristotelem tuo beneficio emendatiorem, ac nitidiorem, quem scis me ualde mirari, amare atq; colere. Sed nunc magis amo, postquam habeo in uestibulo operum eius nomen hominis amicissimi ascriptū. Vtinam uero contingat mihi aliquando

aliquando ocium ad hunc autorem illustrandum atq;
ornandum, quemadmodum tu instituisti magna cum
laude facere. Accipio enim te libros aliquot longe foeli
cius enarrasse, q̃ solebant isti, qui paulo ante hanc æra
tem, non natiuam Aristotelis faciem, sed uix exiguum
umbram nobis ostendebant: nec tradebant Philoso
phiam, hoc est, sapienter dicendi & iudicandi scientiã,
sed hanc opprefferant, ociosis & inanibus argutijs, quæ
nihil ad iudicandum de ciuilibus aut alijs ma
gnis rebus proderant. Sed hæc alias.

Bene uale. Viteberge, men
se Augusto.

1531.



PRAEFATIO PHILIPPI MELAN
thonis in Theoricas nouas Planeta
rum, Georgij Putbachij
Germani.

DOCTISSIMO VIRO SIMONI
Grynæo, Philippus Melan
thon S. D.



Vm Græcia longo & ciuili bello undiq; ar
deret, & malis uexaretur omnibus quæ bel
lum præsertim ciuile comitari solent, Apollo
consultus in Delo, quando tantarum ca
lamitatu finis futurus esset, aut quibus mo
dis Dij facti placationes, præsentis ærumnas depulsi
essent,

QQ iij

essent, respondit, tum demum Græciam tranquillam fore, cum sibi aram, quæ ibidem erat, duplicassent. Erat autem aræ figura cubica, quam cum Delij duplicare instituisent, alteram pari magnitudine addiderunt, & ex cubica figuram quadrangulam effecerunt. Aliquanto post, cum publice calamitates nihilo fierent mitiores, iterum interrogant Apollinem, rite ne paruissent oraculo: Apollo negat eos imperata fecisse. Ibi uero perculsi Delij, suspicantur rem grauiorem per ambages significatam esse, & oraculi interpretem querendum esse censent. Veniunt itaque ad Platonem, qui docet, qua in re sit erratum, uidelicet, nescisse eos cubi & quadranguli discrimen, nec ex cubo fuisse quadrangulum faciendum, monstrat qua ratione cubus duplicandus sit. Ceterum admonet hanc oraculi sententiam esse, ita demum Græciam futuram tranquillam, si se ad Philosophiam Græci conuertissent, quia hæc studia animos ab ambitione, & ceteris cupiditatibus, ex quibus bella & cætera mala existunt, ad amorem pacis, & moderationem in omnibus rebus abduceret. Huius mihi Platonici oraculi, sapissime uenit in mentem, mihi Simon, cum horribiles horum temporum tumultus considero. Nec uero alienum putauim hoc loco recitare, præsertim cum ad te scriberem, hominem cum in reliqua Philosophia, tum in his ipsis artibus eruditissimum. Nam mihi quoque unum hoc remedium uidetur publicarum calamitatum fore, si se nostri homines ad ueram ueteremque Philosophiam conuertant, quæ cum incendat animos amore ac studio ueritatis, & ad intellectum atque admirationem optimarum rerum exuscitet, una efficit uiros bonos ac moderatos, ac dissimiles horum, qui nunc cum propter inscitiam bellum ueritati & rectæ doctrinæ indixerint,

dixerint, & in homines studiosos horribilem crudelitatem exerceant, publicas discordias præcipue alunt atque inflammant. Etsi autem isti Platonis oraculo nihil afficiuntur, nos tamen decet operam dare omni contentione, ut iuuentutem ad hæc studia reuocemus, & ut pulcherrimæ artes conseruentur, & ad posteros perueniant, quod certe præstare ipsi in hoc uitæ genere debemus, & ut olim habeat Resp. ciues recte eruditos, καὶ γυναικας φιλοσοφούντας, qui mederi publicis malis & uelint & possint. Neque uero ulli melius gloriosiusque de uniuerso genere humano mereri censendi sunt, nec Deo gratius facere quidquam, quàm si qui hoc consilio optimarum artium studia defendunt, atque ornant. Huic merito, nulli triumpho, nullæ uictoriæ iure anteponi poterunt. Ac noui ego quidem tuos ad hanc laudem impetus iam olim, sed postquam nunc optimos autores, primū Aristotelem, deinde Euclidem & Platonem ædificasti, & ut intelligo, iam adornas ædificationem Magnæ Syntaxeos Ptolemæi, extant minime obscura iudicij ac uoluntatis tuæ testimonio. Itaque & tibi hunc animum, & rei publicæ gratulor, teque non desinam, tametsi ἀνεύδοντα, ut dicitur, hortari, ut totū te ad hanc Philosophiam illustrandam conferas. Habes huius honestissimi curriculi socios, non sanè multos, sed tamen aliquos passim in Germania, uiros optimos & doctissimos, qui & ipsi commouere studia iuuentutis hac in re conantur. Recte enim iudicant, reliquam Philosophiam mancā atque mutilam esse, nisi rerum cœlestium cognitio accedat. Scis autem in scholis opus esse elementis, Nec alius libellus magis necessarius est, quæ Theoricæ ut uocant, seu picture orbium cœlestium, quas cum hic ederemus, diligentia uiri optimi ac ueteris

ueteris utriusque nostrum amici ornatas, Iacobi Milichij, in uestibulo hanc ad te Epistolam addidimus, non solum, quod tui memoriam nobis subinde renouat harum artium tractatio, sed magis eo, quia libellum sperabam plus habiturum gratiae apud studiosos, propter tuum nomen, quod propter egregias uirtutes tuas apud omnes literatos admodum gratiosum est: praeterea intueri omnes in te cupio, ut tuo exemplo cogitent se has communes literas cum interiore Philosophia coniungere debere. Nam Epicureos illos, qui neque pulcherrimos motus coelestium corporum admirantur, neque cognitionem eorum utilem esse contendunt, ne quidem appellatione hominum dignos esse iudico. Etenim non solum bellum gerunt cum humana natura, quae praecipue ad has diuinas res aspiciendas condita est, sed etiam θεόμαχοι sunt. Voluit enim Deus horum mirabilium curam suam ac uirum noticiam, ducem nobis esse ad diuinitatis cognitionem. Quanquam autem in hanc sententiam alio in loco multa à me disputata sunt, tamen quoniam haec adolescentiae magis quam tibi legenda scribimus, quaedam huius doctrinae utilitates colligendae sunt. Primum pecuina uita esset, si nullam certam anni ac temporum descriptionem haberemus. Sed illa utilitas longe maior est, quod leges illae motuum constitutae ad omnium animantium salutem, deinde & uires coelestium luminum multiplices, & superiorum atque inferiorum corporum consensus perspicue testantur, hunc mundum, ut uenustissime inquit Xenophon, σοφὸν τινος δημιουργοῦ καὶ φιλοῦντος τέχνημα esse, ac mente aliqua aeterna & optima conseruari atque gubernari. Quantum autem refert, hominum animos intuentes in illa diuinitatis uestigia, fixe

gia, firmam tenere persuasionem de Dei presentia, deq;
 prouidentia: Profecto in bonis mentibus magnâ hoc
 uim habet & ad religionem confirmandam & ad re-
 gendos mores. Hęc si quis arroganter contemnit, naturę
 suę immanitatem prodit non aliter atq; Cyclops apud
 Homerum, qui negat se ullos uereri Deos. Quin potius,
 ut Plato dixit, Deum semper γεωμετρίῳ, hoc est, certissi-
 mo motu omnia merientem, gubernare hæc inferiora,
 ita nos uicissim huius summi artificis lineas consideran-
 tes, hac pulcherrima Geometria nos oblectemus, quę
 diuinitatem nobis ostendit. Si ob hanc causam præci-
 pue condita est cœlestis natura, ut certe est, ut Deum no-
 bis monstret, satis cōstat, uoluntati Dei nō parere istos,
 qui hæc diuinitatis uestigia nō aspiciunt neq; inquirunt.
 Iam quantum prodest ad omnes uitę partes diuinatrix
 illa pars, hoc est, Physica, quę disputat, quos habeant
 effectus astra in miscendis corporum temperamentis.
 In priuata uita habet usum in medendo, ut summi auto-
 res testantur. Conducit & ad regendos mores, & deli-
 genda studia, plurimum enim refert, intelligere quo-
 quę natura ducat, ut bonos impetus industria iuues-
 mus atq; conformemus, prauos cohibeamus. Nam in-
 geniorum naturę magna ex parte imitantur tempera-
 menta. Non dicam hoc loco de fortuna, ne omnes uitę
 casus ad astra referre uidear. Sed tamen & fortuna sæpe
 comitatur mores. Et quanquam alię quoq; causę sunt
 humanorum euentuum, tamen res loquitur ipsa, inter-
 dum in astris causam esse, cur, ut Hesiodus inquit, ipse
 dies quandoq; parens, quandoq; nouerca sit. Minus au-
 tem lædet fortuna bene præparatum animum. Nec ni-
 hil conducit tempestatum observatio ad œconomiam.

RR Porro

Porro hi proximi anni aliquot, satis claras significatio-
 nes præbuerunt, sydera magnam vim in aëre & rebus na-
 scentibus habere. Idq̃ palam testantur insignes syde-
 rum congressus. Existunt & in Rebus pub. fatales tempe-
 states, in quibus admoniti ab hac arte, multa prouidere
 possunt, uel ad cauenda, uel ad mitiganda pericula. Sæ-
 pe enim fata consilio in melius flecti queunt. Sæpe fato-
 rum sequicium lenit Deus, placatus piorum uotis. Quare
 hæc quoq̃ grauis causa fuerit, rerum futurarum significa-
 tiones animaduertendi. Prodest enim commone fieri
 homines atrocibus syderum minis, ut à Deo opem im-
 plorent, deinde ut bonitatem Dei magis agnoscant, cū
 uiderint aliquam esse superiorem ac meliorem naturā
 syderibus, quæ tristes significationes mitigat. Nec dubia
 est harum artium fides: Nam & motuum ratio demon-
 strationes habet, quarum eò est suauissima cognitio,
 quia delectat animos certitudo, & harmonia seu cons-
 sensus in tanta uarietate argumentorum. Et diuinatri-
 cem si quis prudenter ad Physicem referet, intelliget eam
 habere graues causas. Et tuetur eam experientia peritissi-
 morum hominum. Recte uero Galenus de hac ipsa ar-
 te inquit, Sophisticum esse, contra experientiæ testimo-
 nium, rationes quærere. Nec eò detrahenda est arti fi-
 des, quia aut artifices aliqui inepti sunt, aut non omnes
 euentus humani in arte monstrantur, sunt enim & aliæ
 quædam præter sydera euentuum causæ. Etsi autem in
 tantis tenebris humanæ mētis, multa prospici nequeūt,
 tamen artis beneficium non leue ducendum est, quæ
 pleraq̃ interim & ad uitæ summam pertinentia monet.
 Quoties fallimur in leuioribus artibus, & in ijs rebus,
 quæ sunt, ut ita dicam, in manibus: Neq̃ tamen propter
 huiusmodi

huiusmodi errata, explodenda sunt artes. Sed prudentia est, ad uitæ usum inde, quantum possumus, transferre. Illud etiam recte institutis iudicare facile est, quis esse modus diuinationum debeat, & quod religio approbet has diuinationes, ut Medicorum iudicia, aut ceteras Physicę partes. Sed hæc alibi disputauimus. Cum igitur premia sint artis ingentia, cumq; mirifica sit cognitionis suauitas, tamen uel inertia hominum sit, ut hæ tantę res neglectę ac sprete iaceant, uel etiam prauis iudicijs. Non enim nulla scholarum culpa est, in quibus rixę Sophistice longe anteferebantur his pulcherrimis atq; optimis disciplinis. Homerus cum in clypeo Achillis pingeret sydera, & cœli uerticem ac morũ describeret, quid aliud uoluit significare, q̃ harum rerum inquisitionem summis heroibus dignam esse. Apud Vergilium Iopas in regio conuiuio canit errantem Lunam, Solisq; labores. Turpe est autem in castris, & in conuiuio in admiratione fuisse has artes, & in scholis iacere sprete atq; neglectas, quibus Philosophię defensionem atq; conseruationem Respub. commendauit. Possem exempla commemorare ueterum & huius ætatis Regum, qui huic studio dediti fuerunt, non solum uoluptatis causa, sed quod cõducere arbitrabantur ad consilia rerum gerendarum, sed ipsę stellarũ appellationes satis monent hanc fuisse olim maximorum Regum Philosophiam. Ideo enim plerisq; stellis heroum nomina indita sunt, quia cœlestes motus obseruarunt atque illustrarunt. Nec Orphei chelyn aliam ob causam inter sydera positam arbitror, q̃ quia hanc Philosophiam de syderibus docuerit. Itaq; horrentur iuuentutem ad hæc studia, & dignitas harum rerum, & cognitionis suauitas, & magnitudo utilitatũ,

RR. ij & honeste

& honestissima exempla omnium summorum ingeniorum omnis ætatis. Quid quod hæc cœlestis Musica profutura est etiam moribus? Nam ipsa consideratio magnarum & diuinarum rerum animos captos admiratione tantæ pulchritudinis, mirabiliter ad uirtutem & ad moderationem flectit. Quodq; fertur Orpheus cantu syluas & saxa traxisse, hoc est, homines rudes & feros ad se conuertisse, ut uiuendi leges acciperent, non arbitror eos magis ullius rei dulcedine captos esse, q̃ monstratis rebus cœlestibus. Nec deterreri se ab his studijs recta ingenia sinant indoctorum iudicijs, qui tantum quæstuosas artes mirantur. Nam cum hæc sint uirtutis studia, fortitudo etiam in eis colendis requiritur, quæ animos aduersus stultas uulgi opiniones obfirmet, & puerila iudicia contemnat. Atque hoc tempore uel maxime pugnandum est cum indoctorum persuasionibus. Nulla enim ætas tam ferrea rectis studijs fuit, quàm ista: cuius rei etiam si sunt quædam in astris causæ, ut eclipses & Cometæ horum annorum non obscure significat, tamen & præter fatales causas augent hanc rabiem suo scelere homines improbi, quorum animi ambitione & auaricia occupati, uere bona neq; intelligere neq; experere possunt. Proinde maior adhibenda est contentio bonis uiris, ne litere, non tam fato, q̃ uulgi furore oppressæ, funditus intereant. Cumq; artes Dei munus sint, non defuturus est Deus his qui ipsius dona tuentur, & conseruare student. Erunt & fata ipsa aliquando artibus æquiora. Fortassis hic etiam adolentes monendi erant, quis huius libelli usus sit, Sed has partes interpretibus relinquam. Purbachius prudentissime in hanc epitomen contraxit Ptolemæi doctrinam de omnium orbium

orbium cœlestium motibus, ut studiosis aditum ad integras disputationes patefaceret. Prodest enim ad difficiles & longas controuersias afferre summam negocij, uelut argumentum. Itaq; dum hic picturas orbium instituit, tantum τὸ ὅτι ut ita dicam, tradit. Causas uero, cur tot cuiusq; Planetæ orbes numerentur, & quibus obseruationibus tanta uarietas animaduersa sit motuum, postea uult ex Ptolemæo peti. Ad hæc cognitis his elementis, Planetarum motus ex tabulis ad id compositis computari possunt. Id quoq; pertinet ad τὸ ὅτι. Sed tamen hæc primum tradenda iudicauerunt homines periti, ut postea demonstrationes de causis facilius percipi possent. Et interim dum hæc elementa sunt in manibus, & agitantur, interdum causæ aliquæ simul ostenduntur: Mirabili enim uinculo inter se doctrinæ partes connexæ sunt. Plato, grauissime inquit σοφώτατον ἀνέγκει τὸν ἀληθῆς ἀστρονόμον εἶναι. Magna enim doctrinæ copia est in hoc genere, nec ulla tam facilis pars est, quin si penitus uelimus eam cognoscere, plurima simul querenda sint. Et si autem non omnes se prorsus huic studio addicere uolent, tamen hæc initia ignorare homines literatos turpe est, & alienum humanitate: Quomodo sint contrarij motus orbium: De solis cursu, quæ sint æquinoctiorum, ac solsticioꝝ causæ ac notæ, cur in alia circuli parte tardior sit motus, in alia uelocior: Quomodo Solis cursus, quomodo poli altitudo spacia dierum mutet: Quæ sint umbrarum differentiæ, ex quibus cum alia multa deprehensa sunt, tum etiam solis & terræ magnitudines: Qui sint regionum situs: Quare Luna singulis mensibus occultetur, & postea prodiens paulatim impleat orbem: Quæ Eclipsium causæ sint. Hæc atq; alia

multa in facilima parte huius libelli traduntur, quæ tamē ipsa locupletissimam quandam doctrinam continent, nec explicari possunt, nisi multa requiramus ex fontibus ubi de causis disputatur. Quare magnum operæ precium facient studiosi in hoc libello cognoscendo omnes, sed generosæ naturæ degustatis his initijs, ad cætera ingenti animo contendere debēt, ut pulcherrimam & suauissimam Philosophiæ partem absolutam, ad uitæ usum accommodare possint, & causas uidere, unde sint illi rerum circuitus, quos ita uocat Plato, in naturis corporum, & in Rebus pub. qui ortus, incrementa, inclinationes, & interitus continent. Ad hæc si accesserit liberalis aliarum literarum doctrina, & religionis scientia, quid potest cogitari tali uiro, qui ista consecutus est, beatius? Nulla regna, nullas opes, nullas uoluptates animus non monstruosus his bonis anteferet. Neq; uero ulla ex arte fructum capere satis dignum sine hac societate doctrinarum quisquam poterit. Sed ut in fidibus plurimum concentus efficit perfectam sonorū suauitatem, ita copulatio uberiores & gratiores in singulis artibus fructus parit. Id non difficile est iudicare: Siquis enim per omnem uitam tantū in Dialectica aut Arithmetica elaboret, nullis alijs adhibitis artibus in quibus illæ exerceantur, is uelut ludo quodam delectari suo studio uidebitur, non ueros ex arte fructus poscere. Quanto autē uberiores ex utraq; fructus percipiemus, cum Arithmeticæ beneficio syderum motus inueniemus, cum ratiocinando conferemus causas, & effectus, uel in natura, uel in negocijs, & iudicabimus, quæ consentiant, quæ dissideant? Quare si ueros ex singulis artibus fructus auferre cupimus, totum doctrinarum orbem animis intueamur,

mur, atq; experamus, præsertim si non repugnet natura,
 & contingant idonei duces. Talis doctrinæ perfectio nō
 solum priuatim beatos efficit: nam & præsidium est ui-
 tæ firmissimum, & complet animos ueris & non peritu-
 ris uoluptatibus, sicut inquit Aristoteles: *δὲν δὲ γούμῃ ἡ σο-
 φία θάυμαστος ἡδονὰς ἔχει καθ'αυτὴν καὶ ὅτ' ἐβέλεια.*
 sed etiā præclare mereri de Repub. potest. Non est enim
 obscurum, quantum noceant Rebuspub. homines leui-
 ter docti, qui de maximis rebus falsas opiniones serunt.
 Hæc ad te de communibus studijs libenter scripsi, non
 quidem tua causa, uideo enim te recto cursu sceleriter ad
 illum scopum, quem petendum esse dixi, contendere,
 aut potius non procul à meta abesse, sed ut iuuentutem
 ad hæc studia adhortaremur, etsi arbitror nullum neq;
 nostræ amicitia aptius, neq; tibi iucundius esse quasi cō-
 fabulationum genus, quàm de honestarum disciplina-
 rum studijs, in quibus hanc ipsam partem, de qua hic lo-
 cuti sumus, ornandam & propagandam tibi sumpsisti,
 qua in re non solum ingenij ac doctrinæ laudem asse-
 queris, sed etiam prudentiæ & fidei, quod quasi desertā
 à multis hoc tempore stationem occupas, & ei parti
 Philosophiæ opem ferendam esse perspicis, quæ maxi-
 me iacet neglecta. Utinam uero Deus Rebuspub. tran-
 quillitatem concedat, ut boni uiri has artes exco-

lere atq; illustrare possint, quibus nullam

habet hæc uita ornamentum

prestantius. Bene

Vale.



Præfatio

PRAEFATIO IN ALFRAGANVM
& Albategni.

AMPLISSIMO SENATVI NORI-
bergenſi Philippus Melan-
thon.



On dubito uos pro excellenti ſapientia ueſtra probare ueterem morem, quo ſcripta cuiuſcunq; generis de doctrina bonarum rerum, ſummis ordinibus dedicari ſolent. Nam etiam ſi mos ille tantum ad priuatũ officium pertineret, nec aliud contineret, niſi ſignificationem beneuolentiæ erga illos, ad quos ingeniorum monumenta mittimus, tamẽ, ut opinor, laudem mereatur. Verum cauſa publicæ multæ ſunt huius conſuetudinis. Primum intereſt Reipub. ut hi qui ſedent ad gubernacula, inſpiciant ſtudia hominum, & dent operam, ut bona ſcripta in manibus ciuium uerſentur: Hęc enim formant opinionones, iudicia, mores populi. Quare præcipue exhibendi ſunt libri hiſ qui præſunt, ut eorum iudicijs & autoritate comprobentur. Patronos etiam artium honeſte querimus hoc officio, aut gratias agimus ijs qui bene merentur de publicis ſtudijs. Nec uero ullum eſt iuſtius officium, quàm cum iſtis artibus propagare memoriam & laudem uirtutis magnorum uiro- rum, qui propter utilitatem publicam literarũ ſtudia accenderunt ac propugnarunt. Et hæc exempla prælu- cere poſteris non eſt inuile. Nec iſtis opinor Principibus Reipub. indecorum eſt coniungi eorum memoriam cũ honeſtis artibus. Haſ cauſas in hac inſcriptione ſecutus

secutus sum, cum hos libellos, plenos eruditionis & ue-
 ra Philosophiæ, auspicio nominis uestri publicandos
 esse censui. Nam hi autores aliqua ex parte ope uestra re-
 stituti sunt, & quia renascuntur in urbe uestra, & quia
 prodeunt emendati diligentia uiri doctissimi Ioannis
 Schoneri, qui stipendio uestro Mathematicen apud uos
 proficitur, eiusq; studia magna fide & uirtute excitat &
 adiuuat. Multa uero huius generis beneficia Reipub. ue-
 stre debemus: Nam cum inde usq; à Ioanne Regiomon-
 tano urbs uestra uelut domicilium fuerit huius Philoso-
 phiæ, magna fuerunt harum artium apud uos studia,
 multa egregia monumenta apud uos ædita sunt. Attici
 ingeniosi homines finxerunt Neptunum & Palladem
 inter se certasse, ab utro numine ciuitas appellaretur:
 cumq; Deorum iudicio Pallas omnibus calculis uicisset,
 urbem ab ea nominatam esse. Qua fabula significaue-
 runt ciuitatem non Imperij laude, quod classibus para-
 uerant, & opum magnitudine præstantiorem esse, q̃ ci-
 uilibus artibus. Illud autem imprimis sapienter cogita-
 tum est, quod eius iudicij Deos autores fecerunt, ut cū
 pleriq; homines summam esse Imperij gloriam existi-
 ment, admonerent Deorum iudicio longe maius esse
 decus ciuitatum, leges, iudicia, honestam disciplinam,
 & similes pacis artes. Quare ciuitas uestra iure prædican-
 da est, quæ semper ea fuit modestia prædita, ut imperia
 non appeteret. Sed cum robore ciuium armis atq; opi-
 bus sit instructissima, maluit sociarum ciuitatum libera-
 tem tueri, quàm suam potentiam augere. Deinde domi-
 in eo uno elaborauit, ut haberet Rempub. optime orna-
 tam omnibus ciuilibus officijs atq; artibus. Vetus dispu-
 tatio est de Monarchia & Aristocratia, sed tamen sine
 SS ulla du-

ulla dubitatione pulcherrimus inter homines status est, in quo multi sapientes & boni consilia conferunt, & cōmuni animo, pari studio ac fide Remp. gubernant, qui patrię charitate deuincti, nō certant inter se ambitione, sed diligentia tuendi publica cōmoda, ac norunt inter se cedere, ubi Magistratus ordine quodam inter se cōsociati sunt. Ac licet alij Monarchiam anteferant, tamē nisi hac Aristocratiā temperatum sit regnū, haud dubia tyrānis est: Nemo enim unus aut prospicere omnia, aut administrare potest. Et amentia est, si quis putat conducere, ut in unius uiri sententiam semper fiat inclinatio. Quid quod hec societas bonorū & sapientum plus humanitatis habet, certe Philosophicis naturis, quæ sunt *καὶ φιλοσοφικαὶ*, & nihil appetunt immoderatum, gratiores est. Itaq; & Aristoteles eam iusticiam quę imperia cōstituit, imitari proportionem Geometricam dixit, quę dissimilis est regno & Democratię. Nam proportio multos inter se cōsociat, & gradus constituit, ne promiscue rapiant imperia infimi. Tantamq; uim huius proportionis esse Plato scripsit, ut quidquid boni contingit ciuitatibus, hanc proportionem esse causam affirmer, quæ cum ad Aristocratiam proprie quadret, Philosophi hūc statum anteferunt. Porro non facile usquam meliorem huius status effigiem uidere liceat, q̃ in uestra Repub. Atq; hæc ego commemorans non tantum de maiorum uestrorum sapientia & uirtute loquor, sed diuina beneficia prædico. Profecto enim Respub. humanis consilijs neq; constitui sceleriter, neq; teneri diu possunt. Singulare Dei beneficium est, quo quidem nihil est in rebus humanis melius ac pulchrius, Respub. bene constituta religione, legibus, iudicijs, disciplina, artibus. Itaq; cum
Rempub.

Rempub. uestrā mente intueor, Deo gratias ago, quod, propter multorum salutem bene constituit ciuitatem uestram, eamq; defendit, & bonorum uirorum sapientiam & uirtutem, qui in hac ciuitate floruerūt, agnosco Dei dona esse, & laudo ipsorum diligentiam, qui non pericula, non labores pro patria defugerunt. Vt autem de ceteris laudibus non dicam, certe hac propria est Noriberge, plus artium quę sunt uite utiles, in una urbe nusquam alibi est, quā apud uos. Nec tantum florent ibi Mechanicę artes, sed Philosophię magna studia semper apud uos fuerunt, eiusq; laudis possessionem adhuc retinent ornatissimi ciues, qui præsunt Reipub. Quare ad conseruandam & illustrandam hanc Philosophię partem, quę continet Mathematicen, & doctrinam de motibus cœlestibus, multū opis attulit uestra ciuitas. Agnoscunt igitur omnes eruditi & prudentes, magnam uobis pro hoc immortali beneficio gratiam deberi, eamq; ob causam in hac ædificatione ad uos scribendum esse duxi, ut significatio mei iudicij de uestra diligentia, in his artibus conseruandis & gratitudinis erga uos publice extaret. Cum autem hę artes plene sint dignitatis, & ad uitam multas afferant utilitates, honorificum uobis est, tam frequentia earū studia esse in urbe uestra, ut etiam celebres Academijs in hoc genere prouocare possitis. Est autem ea sapientia & uirtute præditi estis, ut hoc deus ultro ac libenter tueamini, tamen ut id faciatis maiore studio, tempora uos commonefaciunt. Videris enim has artes tumultibus publicis conterritas, etiam in Academicis negligi. Et horum tumultuum epitalis, ut meo tuo, adhuc impendet. Quare nisi bene constitutę ciuitates præsidio erunt literis atq; artibus, & expulsas alibi

excipient actegent, quæ barbaries in Germania futura est: Est autem sapientie uestre, posteritati prospicere, & quantum humano consilio prouideri potest, præstare, ut & Rempub. & illas artes, quibus amissis Respub. retineri non possunt, non relinquatis. Erat hoc loco etiam impudentia quorundam castiganda, qui de dignitate harum artium detrahunt, quos quidem iudicijs uestris & similia præstantium uirorum, qui Respub. constituerunt & gubernarunt, moueri decebat. Nam boni & sapientes gubernatores Rerumpub. non studerent eas conseruare, si iudicarent uite inutiles esse. Quanquam quid opus est disputatione, præsertim de doctrina motuum? Quid enim distaret hominum uita à beluina, si non anni & temporum iustam descriptionem teneremus, si nullas motuum leges intelligeremus? quæ ob hanc causam etiam propositæ sunt, ut nos de Deo opifice, & de nostra immortalitate admoneant. Significat enim nos non solum ad agnitionem Dei conditos esse, sed etiam ut ei pareamus. Restat igitur alia uita, in qua & illustis agnitio continget, & hi qui non obtemperarunt, pœnas daturi sunt. Alioqui quorsum opus erat admonere de obedientia, nisi iudicium securum esset? Neque uero miror ineruditos aspernari hanc doctrinam, sed tantam in quibusdam literatis hominibus peruersitatē esse miror, ut hanc partem, quæ demonstrationes de motibus continet, uituperent. Nam si Epicuri deliramenta defendere conantur, qui furenter contendebat cœlestia corpora nulla certa lege, sed casu ferri, digni odio sunt, uel stigmati potius, quod adolēcentes à rectæ & ueræ Philosophiæ studijs abducūt. Quanto rectius est omnino studio inuitare atque accedere bona ingenia ad has artes, quarum

quarum cognitio & per se liberalis est, & multas uite utilitates affert, & assuefacit animos ad quærendas demonstrationes, & ad ueritatis amorem, quæ uirtus uel in primis digna est homine docto, qui in literis & maximarum rerum diiudicatione uersatur. Sed hanc disputationem aliàs tractabo. Deus seruet & defendat

Rempub. uestram, Amen. Mense

Augusto, Anno

2537.



PRAEFATIO PHILIPPI MELANTHONIS
in Computum Ecclesiasticum Ioannis
de Sacro Busto.

DOCTISSIMO VIRO D. ACHILLI
Gassaro Lindoënsi, Medicinæ Doctori,
amico suo, Phil. Mel.
S. D.



Ngens & manifesta utilitas est, tenere certam anni rationem. Quæ enim esset confusio præsentium negotiorum, contractuum, pactorum, iudiciorum, quæ tenebræ, si nulla esset annorum ac mensium distinctio. In historijs quanta caligo esset, sublata annorum enumeratione. Non mundi initium cogitari, non exordia religionum discerni, non mutationes imperiorum distingui possent. Perspicuum est autem, harum rerum

SS in cognitio

cognitionem ad religionem, & ad multas uitæ partes necessariam esse. Quare nō satis imitari possum, multorum ingratitudinē seu peruersitatē potius, qui studiū huius doctrinæ de cœlestibus motibus, & anni descriptione, uituperant. Porro & utilitatis magnitudo, & iudicia sapientissimorū Principum ac doctissimorum uirorum qui magna diligentia annum ordinarūt, mouere imperitos debent, ut auribus atq; animis abhorreant ab illis insulsiſſimis ac scurrilibus conuicijs, quæ in bonas artes, & diuinitus monstratas dicuntur. Videmus enim laudatissimis Principibus magnæ curæ fuisse, ut annum quā rectissimè describerent, ut discerni tempora, & rerum memoria propagari & conseruari posset. Ideo & Solon Athenis ordinauit annum, constitutis æquinoctiorum notis, de iudicio Thaletis. Hæc ratio post annos ducentos ab Eudoxo correctæ est, qui fuit Platonis cœtaneus. Sed iure gloriatur Cæsar apud Lucanum, Eudoxi fastos superari suo anno. Etenim cum essent diuersæ rationes, Aegyptiaca, Græca, & Arabica, Cæsar adhibito in consilium Sosigene, excogitauit nouam, multo ceteris comodiorem.

Nam Aegyptiaci anni, menses singuli habuerunt triginta dies, & accesserunt quotannis Epactæ quinque. Nec fuit certa intercalationis ratio, nec certū anni initium.

Græci anni menses ad Lunam quadrant sine certo dierum numero. Accesserunt autem Epactæ undecim, ex quibus mensem ἐμβόλιμον collegerunt.

Arabica ratio eruditior fuit his duabus: Nam menses Arabici alternis uariant, ita, ut prior habeat dies undetriginta, sequens uero triginta. Deinde accesserunt undecim Epactæ, ex quibus colligebant ἐμβόλιμον.

Vidit

Vidit autem Caesar in omnibus his descriptionibus
nō solum incommodam esse negocijs incertitudinem,
nam ijsdem mensibus alia apud alios initia erant, sed
etiam æquinoctia nimis esse lubrica & fugacia: Quare
ut & certa essent anni ac mensium initia, & dies equino-
ctij ita continuaretur, ut parum admodum aliquot se-
culis uariaret, eam formam anni instituit, qua prope-
modum hodie utimur, & si ex tanto intervallo, nunc
emendatione opus habet. An aspernamur hanc diligen-
tiam in summis uiris, aut inani curiositate susceptam, si-
ne graui causa putamus? Nec uero poterant hę rationes
uel Aegyptię, uel Græcę, uel Arabicę, uel Romanę, sine
magna scientia motuum cœlestium supputari. Equi-
dem non dubito, quin singulari Dei consilio factum sit,
ut initio mundi tam diligenter annotarint annos pri-
mi parentes, uidelicet, ut mundi exordium retro cogi-
tare, & exigua illa spacia numerare posteritas posset:
item ut religionum discrimina considerari, ut series pro-
missionum cœlestium, & historiarum teneri posset. Has
causas si quis parum graues esse putat, nã ille Cyclopis-
cam mentem habet. Fateamur ergo primos parentes,
qui sapientia & pietate excelluerunt, diuinitus impul-
sos esse ad annorum distinctionem obseruandam, &
propagandam. Neq; tamen sine cognitione motuum
cœlestium annus includi equinoctiorum metis, & recte
describi potuit: Quare necesse est eos uniuersę doctrinæ
de motibus cœlestibus studiosos fuisse. Quę est autem
arrogantia non modo aliorum magnorum uirorum,
sed etiam primorum parentum, qui generi humano
duces, & monstratores uerę religionis ac uerę sapientiæ
fuerunt, aspernari?

Itaq;

Itaq; studiosi adolescentes ament hanc doctrinam de motibus cœlestibus & uitæ utilem esse iudicent, cū propter anni descriptionē, tum etiam propter alias causas. Nam quod nonnulli improbant τῶν μαντικῶν, uideamus indoctos eodem calculo etiam motuum doctrinā condemnare, certe contemptus huius totius Philosophiæ in rudibus confirmatur. Etsi autem de diuinatrice hoc loco non disputabo, tamen si recte uolumus æstimare, hæc ipsa motuum doctrina uere est præcipua μαντικῆ, testatur enim esse æternam mentem, opificem & gubernatricem mundi, nosq; ad agnitionem Dei, & ad immortalitatem conditos esse. An hæc μαντικῆ aspernanda est? quid uerius conuenit uatibus, quàm confirmare in animis hominum ueras & pias opiniones de Deo? Quare fateamur hanc ipsam motuum doctrinam μαντικῆν esse utilem uitæ & moribus. Sit sanè fatidicū quiddam, ut est, κρείσσεις corporum & ingenia iudicare ex aliqua syderum insigni coniunctione, aut tempestates prædicere, propter quas

ἄλλοτε μὴ βυῖν πέλει ἡμεῖς, ἄλλοτε μὴ τηρ.

Magis tamen fatidicum est, monstratis certissimis motuum legibus confirmare mentes, ut uere statuant esse Deū, qui ordinarit, qui gubernet hos motus, qui agnosci uelit ab hominibus, quorum utilitatis causa has uarietates motuum condiderit, quiq; cum nos ad suā agnitionem inuiter, bonis præmia, impijs pœnas proposuerit. Sed hæc alibi copiosius disputauī. Redeo ad superiorem orationem de anni descriptione. Valde probo consiliū Georgij Ioachimi Rhetici, quod ad libellum de Sphæra adiunxit rationem anni conscriptam ab eodem autore Ioanne de Sacro Busto. Nam, ut ante dixi, tenere

tenere certam anni rationem, multis de causis utile est. Tanta fuit olim etiam in Ecclesia eius rei cura, ut Cyrillus affirmet in Synodo constitutum esse, ut quotannis Alexandrinus Episcopus significaret Romano certum æquinoctij diem, propterea quod in schola Alexandria eo tempore adhuc florebant huius Philosophiæ studia, Romæ uero non perinde nota erant.

Porro hic libellus cum anni rationē ostendit, etiam adiuuat studiosos in doctrina de motibus Solis & Lunæ. Tibi autem præcipue dedicare hunc libellum Georgius uoluit, ut ostenderet se memorem esse ueteris tuæ amicitie, & ut hoc loco mea uoce tibi gratias ageret, quod ipsi ad hæc studia hortator fueris, cœlestibus significationibus motus, cum quidem ipse longe aliud uitæ iter, & abhorrens ab hac Philosophia ingressus esset. Quare statuit se tibi debere plurimum, quod autoritate tua ad has artes reuocatus sit. Accipies igitur hoc munus ab amico, & honestissimorum studiorum socio, eo libentius, quia aliquid earum artium continet, quæ tibi magnum decus apud eruditos pariunt. Scito autem emendatū esse libellum à uiro prædito egregia doctrina & uirtute, Casparo Bornero, cuius est mirifica diligentia, ut in omnibus uitæ officijs, ita etiam in studijs bonarum artium.

Quare debebunt ei gratiam lectores, quibus hic libellus profuturus est. Bene uale.

Mense Augusto, Anno

1538.



TT

Præfatio

PRAEFATIO IN GALE
num.

Rtes uitæ utiles, generi humano diuinitus monstratas esse, & conseruari à Deo cum alia signa non obscure ostendunt, tum uero hæc res perspicue testatur, quod singule habent authores, à quibus uel inuentæ, uel expolite, uel restitute sunt heroicis naturis præditos, qui non solum ingenij ui & doctrinæ copia cæteris artificibus antecelluerunt, sed etiam admirabiles quosdā motus habuerunt, ut sagacissime uiderent ea, quæ non sunt obuia reliquis, & singulari foelicitate pleraq; effecerint, quæ mediocres artifices supra artem esse iudicant. Nec uero dubiū est, heroicæ naturas diuino adflatu, & quodam, ut Græci uocant, entusiasmo moueri. Itaq; lucet etiam in hac re præsentia Dei in natura, quod ut Reges certis interuallis excitat, qui eximia uirtute, & quadam inusitata foelicitate, uel noua imperia constituent, uel collabentes Respub. erigant, ita artium inuentores præstantes aut instauratores generi humano donat. Neq; enim aut Solon sine aliquo cœlesti adflatu leges condidit, aut Homerus illud immortale carmen, quod mirabilem quandam imaginē omnium quæ incidere possunt in uita, consiliorum & euentuum continet, sine motu diuino fudit. Sed ut de alijs artibus dicam, Nihil dubium est initio illam uarietatem moruum cœlestium ita animaduersam esse, cum Deus quædam præsentia ingenia ad admirationem illorum certissimorum cursuum exuscitaret atque incenderet, eisq; motus quosdam inderet, quibus repeterent certam obseruationis rationem:

tionem: Sed illa uetera omittamus. Tota ars de motibus cœlestibus funditus periisset, nisi unus Ptolemæus doctrinam ueterū & suas quasdam observationes congestas ad posteros transmississet. Quare facendum est, artes Dei munera esse, easq̃ ita ostendi, tum restitui per ingenia heroica, hoc est, quæ singulares & diuinos motus habent. Tales initio existerunt Medicinæ inuentores Aesculapius, & si qui similes fuerunt, etiā ante Aesculapium aliq̃ apud alias gentes. Sed illa rudis uetustas ingenijs, & foelicitate quadam admiranda pollebat, artē non norat. Ideo tradere alijs doctrinam, quā tenebant, nō potuerunt. experimenta quædam monstrabant. Deinde Hypocrates artem non tantum inchoauit, sed ferē totam complexus est, uerū ita, ut inuolueret eam breuius quibusdam sententijs. Exstitit igitur Galenus, qui cum ingenij dotibus par esset illis primis heroibus, eruditione uero antecelleret, nam & superiorum inuentis adiutus est, & multa ipse sua quadā foelicitate animaduertit, uniuersam doctrinam in artem redegit, & omnes partes ordine distributas absoluit. Hunc unum iam tot seculis habemus fontem Medicinæ. Nam posteriorum Medicorū scripta omnia ceu riuuli quidam sunt ex hoc fonte manantes, id quod autores fatentur ipsi, sicut Auicenna, qui omnium posteriorum uberrimus est, prædicat se tantum Geleni interpretem esse. Quanta autē laus est, unum esse Medicæ artis autorem, ab uno præcipue tot seculis, toto orbe terrarum uelut oracula petita esse, de tuenda & restituenda ualitudine innumerabilium hominum? An non fatebimur hunc præclare meritum esse de toto genere humano? Hæc uero sunt proprie heroica merita, multis gentibus atque ætatibus prodesse.

TT ij Et magnis

Et magnitudo talium beneficiorum testatur autores diuinitus excitari & gubernari. Neque enim negari potest, artē ipsam medendi ualde utilem esse generi humano. Neque audiendi sunt aut homines feri & barbari, qui quādam naturæ immanitate contemnunt Medicinam, aut scurræ quidam, qui optimarum artium uituperatione famam aucupantur ingenij. Et si enim nō omnibus opitulatur Medicina, & interdum docta plus ualeat arte malum, ut inquit Poeta, tamen plerique omnes experimur, multos esse morbos, qui & sine ope Medica pelli non possunt, & arte adhibita recte & foeliciter depelluntur: id in uulnerū curatione, in luxatis aut fractis, & in morbis acutis magis cerni potest, sed non minus usu uenit in chronicis morbis. Verum hac disputatione nihil opus est. Nam illa crudelis oratio uituperantium beneficia Medicinæ & cum communi sensu pugnat, & contumeliosa est aduersus Deum, qui in naturam tanta uarietate sparsit remedia, ut testaretur sibi uitam & ualitudinem nostram curæ esse. Vt autem euentus declarat diuino consilio ingenium Galeni ad Medicæ artis conseruationem excitatum esse, ita in ipsius studijs & artis exercitio multa signa conspiciuntur heroicæ naturæ & fortunæ, quæ antecellit communem hominū captum, ac sortem. Natus est patre Architecto, qui cum in Mathematicis per fecte eruditus esset, & naturam filij animaduerneret capax esse earum disciplinarum, statim à teneris eum in hoc genere erudit & exercuit ipse. Hæc prima institutio ita cōfirmavit eius iudiciū, ut fateatur ipse, se postea audientē rixantes inter se Philosophos, fuisse Pyrrhonorū hēsitationem, quæ conturbat & euerit artes, secururum, nisi illa paterna doctrina præmunitus fuisset.

fuiſſet, qua adſuefactus ad Geometricas demonſtratio-
 nes, uidit eſſe certa artium initia, & perpetuam quaſi te-
 lam demonſtrationum. Egreſſus annum ſedecimum,
 coepit operam dare Medicinæ, quod ut faceret, ait, ſe
 quodam non ambiguo, ſed perſpicio ſomnio monitū
 eſſe. Breui autē tantos fecit progreſſus in arte, ut omnes
 ſuæ ætatis Medicos obſcuraret. Accerſitus igitur Romā
 ab Imperatoribus Vero & Marco Philoſopho, cum ibi
 primum ſcholas haberet, ſecuta eſt gloriam, ut ſit, inui-
 dia, præſertim cum irritaret moroſa ingenia libertate
 ſua in taxandis erroribus cæterorum ſcriptorum. Quare
 cum nollet odioſe rixari cū indoctis ac maleuolis, omi-
 ſit ſcholas, adeoq; ſe continuit, ut nec apud ægrotos
 quidquam diſputeret, ſed tantum neceſſaria mandata
 daret, ne uocaretur à calumniatoribus, ut ipſe inquit,
 λογιάρος. Multa autem commemorat in doctrina à ſe
 reperta eſſe, ignora ætati ſuperiori, ut digitorum muſcu-
 los: multa oſtendit noua remedia, quod perſpicuum ſi-
 gnum eſt diuini adſatus. Neruorum ſauciatorum cu-
 rationē primus oſtendit, eaq; in re adeo fuit ſœlix, nun-
 quam ut non reſponderit euentus. Stomacum ex nu-
 cum corticibus quanta ſolertia reperit, cum in itinere
 rediens ex Alexandria, incidiffet in egrotum in rure, ubi
 deerant alia remedia, ut ipſe narrat in ſexto de compo-
 ſitione pharmacorum *ἡ τὸ πρῶτον*. Vulgaria ingenia
 non raro ſegnitie fiunt languidiora. Multo ſæpius fran-
 guntur aſſiduitate & uarietate laborum. Sed ille diui-
 nus igniculus ingenij in Galeno non eſt extinctus ullis
 laboribus. Simul & ſcripſit tam accurata opera, & res in
 natura uarias inquiſiuit, & ægrotos curauit, & peruaga-
 tus eſt bonam partem orbis terrarum, aliàs accerſitus ab

Imperatoribus, aliàs ut adiret eruditos aliarum gentium viros, aliàs ut inquireret rerum naturas, ut bis in Lemnum nauigauit, ut naturam Lemniæ terre exploraret. Hic animi perpetuus uigor non nisi in heroicæ naturas cadit. Hæc recentior ætas tantum Arabicos scriptores in manibus habuit, quia à Galeni libris inscitia Græcæ linguæ Medicinæ studiosos arcebat. Itaque nunc quoque nonnulli mirantur solos Arabes. Etsi autem mediocribus artificibus etiam sua laus debetur, & ingrati sumus, si negamus Arabes bene meritos esse de posteritate, quædam enim utilia uitæ reppererunt, ignota Galeno, tamē cum fuerint Philosophi, hoc est, amantes ueritatis & grati, nō dubito ipsos suo suffragio libenter primas Galeno tribuere: Constat enim Arabicam doctrinam ceu riuulum esse ex Galeni fontibus ductum. Postquam autem Galenus iam renascitur, & uel in sua lingua, uel in uersionibus faciliioribus legi potest, homines ingeniosi, & uiri amantes Philosophiæ, cur non anteferrent hos uberrimos fontes, hanc tantam rerum optimarum copiam, illis exiguis riuulis, quos tamen delibare etiam prodest: Sed Galenus sit uelut architectus huius studij, præsertim cum Arabes excerptis remedijs, bonam partem Philosophiæ omiserint, ut Galenus non modo propter medendi artē, sed etiā propter Philosophiam legendus sit. Nullus enim extat autor uberior eius partis Philosophiæ, quam Physicam uocamus, quam Galenus, qui uniuersam Physicam eruditissime complexus est in his disputationibus, in quibus querit demonstrationes de potentijs in animalibus, de generationum causis, de temperamentis, de sensuum organis, de causis actionum in sensibus, de morborum & remediorum causis, de qualitatū cognitione,

tione, de *συμπλοκαί* plurimarum rerum in natura. Hec
 præter unum Galenum nemo disputat. Itaque inchoa-
 ta ab Aristotele Physica, ab uno Galeno absoluta sunt:
 quatinus re non modo eruditionem Galeni admiro, sed
 multo magis fidem, candorem & ingenuitatem animi.
 Magna prudentia & magno animo cauationes ac *λο-
 γομαχίας* repudiat, nihil perplexum aut Sophisticum
 amat, sed ubique simplicem ueritatem inquit, & per-
 spicue patefacit, quod magnum indicium est optimæ
 mentis, & natura amanti iusticiam & ueritatē. Sicut il-
 le prudentissimus Tragicus inquit *τὸ ἐδλόμ, σαφὲς ἀεί.*
 Ac spero equidem renato iam Galeno futurum, ut non
 solum uere ac ueteris Philosophiæ studia magis accen-
 dantur, sed etiam ut moribus hæc doctrina profigit, & ue-
 hementem amorem ueritatis ac uirtutis in discipulis
 exuscitet. Cum autem usitato more deliberaremus cu-
 ius auspicio maxime uellemus hunc autorem in publi-
 cum prodire, propter grauissimas causas te prætulimus.
 inclyte Rex, primum quod constet auspicijs tuis Græcæ
 linguæ & ueteris Philosophiæ studia in regno tuo ita
 excitata esse, ut ueterem Græciam una Gallia cum uni-
 uersæ Philosophiæ scientia, tum uero etiam eloquentia
 Græca iam prouocare possit. Olim una erat Ionica Co-
 lonia in Gallia, uidelicet Massylia, quæ Græcas discipli-
 nas longo tempore adeo coluit, ut Romani liberos e-
 mitterent erudiendos. Nunc Gallia referta est homini-
 bus præclare eruditis in toto artium orbe, & Græca & La-
 tina lingua, ut multæ iam in Gallia Massyliæ esse uidean-
 tur. Id decus eo libentius nos Germani predicamus,
 quia ad nos quoque doctrinæ illius riuuli inde perma-
 nāt. Deinde intelligimus te hæc studia nō modo tueri ac
 prouehere

prouehere, sed etiam ita amare, multa ut ipse legas è Græcis autoribus conuersa, de gubernatione Reipub. de rebus gestis præstantissimorum Regum ac Imperatorum, de architedonica, de natura rerum. Quare tibi potissimum dedicauimus hunc autorem, ut huius tuæ laudis memoriam cum autore omnium præstantissimo ad posteros extenderemus. Nec uero dubitamus, quin ipse iudices, nulla monumenta manufacta, nulla trophæa honestiora esse, quàm hæc testimonia graui iudicio doctorum hominum in talibus scriptoribus proposita, quæ cum leger posteritas, intelliget se gratiam ijs Principibus debere, quorum præsidijs hæc artes excitatæ sunt aut defensæ. Illa oratione mihi non est opus, quantum deceat Reges & tueri artes uitæ utiles, & summos artifices conseruare. Hanc enim curam ultro suscipis, eaq; in res sapientissimos omnium ætatum Principes imitaris, quod quidem eo est laudabilius, quod plerique alij in ocio hæc curant, tu inter arma, difficilibus bellis implicatus, das operam ut domi interea his artibus Respub. reddatur instructior atq; ornatior. Nec Medica materia Regibus negligenda est, cuius utilitas tam late in uita patet, & quæ Regum ipsorum incolumitatem tanquam fida corporis custos tuetur. Iam Galenus non modo propter Medicinam, sed etiam propter pulcherrimam Philosophiæ partem, quæ Physice dicitur, summorum Principum diligentia generi humano cōseruandus est. Rogamus igitur, ut cum hoc nostrum munus accipies, & testimonium de tua uirtute leges, commendari tibi patrocinium omnium bonarum artium ac literarū existimes, quæ si ad posteros propagari poterunt, bona spes est, olim Ecclesiæ & Reipublicæ statum futurum & meliorem

meliozem & tranquilliozem: quod ut fiat, profecto omnes magnos uiros in Repub. & precipue summos Reges prospicere & anniti decet. Fauebis autem eo magis huic additioni, quia magno sumptu Typographorum, & uigilijs multorum doctissimorum uiroꝝ perfectum est, ut quantum fieri possit, emendatissima esset,

& priorem uinceret: Verum id quidem res ipsa ostendet.

Bene uale.



PRAEFATIO IN XENOPHONTEM
scripta ad Langem.



Itam regit fortuna, non sapientia, dixit quispiam in Tragœdia. Cui disto & si non solum populus, sed etiam magni & praestantes uiri plausum dare solent, tamen addenda est quædam correctio. Videmus magnos esse in uita errores, opprimi tristissimis casibus etiam excellentes uiros, concuti Imperia fatalibus tumultibus, ut uideatur parum loci esse sapientiæ: Ac si colligentes animo summos & sapientissimos gubernatores ciuitatum & Imperioꝝ, reperiemus plurimos, quorum consilia præclare cogitata, ut uidebatur, tristissimos exitus habuerunt. Xenophon in hoc ipso uolumine describit trium florentissimarum ciuitatũ continuatos interitus, cū quidem bellum initio exarsisset autore Pericle, qui tonans eloquentia, ut in Comœdijs dictum est,

VV Græciam

Græciam miscuit. Primum igitur Athenæ ceciderunt, postea uictrix ciuitas Sparte in simili calamitate fuit, cū quidem haberet Regem Agesilaum, qui uirtute & magnitudine rerum gestarum omnibus suæ ætatis Regibus antecelluerat. Mox & Thebæ tuere cœperunt. Nec multo post tota Græcia seruitute oppressa est, irritatis Macedonum armis à Demosthene. Cicero dum adolescenti qui sese nondum regere poterat, committit exercitum regendum, & uniuersam Rempub. quantum fallitur? Itaq; cum magna uis sit seu fatorum seu fortunæ, ut loquantur homines, quæri solet, ad quid prosint sapientiæ præcepta in literis & historijs tradita. Nam si uita consilijs sapientum regi non potest, cur doctrina proponatur? Et opinor multos esse in maximarum rerum gubernatione, qui non ad certam normam & ad doctrinam consilia dirigunt, sed quo uenti impellunt, dant uela, & fortunæ se permittunt: sed hæc cæca & temeraria uitæ ratio indigna est homine. Etsi enim non semper ualent adminicula ad uitam regendam diuinitus proposita, tamen Dei beneficium nec aspernandum est, nec inutile, qui uoluit homines doctrina assuescieri & gubernari. Ne Medicina quidem semper depellit morbos, sed interdum, ut dicitur, doctrina plus ualet arte malum. Magna infirmitas est humanæ naturæ, qua fit, ut non semper obtemperent homines doctrinæ: Diligentia multis deest. Sæpe etiam uincitur, cum abest metus & agnitio Dei, & uel punit Deus hominum impietatem, uel grassatur in aliquos spiritus ille ardens odio Dei, qui ut est autor calamitatum humanarū, ita nō desinit in humanū genus sauitiam suam exercere. Hæc cum ita sint, agnoscenda est infirmitas nostra, & remedia uitæ quærenda sunt, doctrina

doctrina mentes regendæ, & excitanda diligentia, quæ
ualet sapere, præcipue uero cum accedit agnitio Dei. Plu-
rimum igitur historiarum noticia conducit ad uitam,
quia contraria exempla proponit, ostendit quibus do-
ctrina profuit, multos, Dauidem, Cyrum, Scipionem:
Rursus alios monstrat, quorum fuerunt infœlicia consi-
lia, qui ex secundis rebus excussi, & si & Respub. euer-
runt, Pompeium, Cæsarem, & quos hic describit Xeno-
phon, Alcibiaden, & Agefilaum. Hæc exempla nos de
infirmirate nostra admonent. Quod enim ait Hippo-
crates in morbis triste signum esse, si mens ægroret, id in
tota uita miserrimū est, non sentire, non agnoscere mor-
bos, quo fit, ut ruant homines cupiditate aliqua impul-
si, & uel fiducia uirium, uel alio errore rapiantur extra
metas, donec impingant. Quare non solum præcepta
in rebus gerendis ex historijs petenda erunt, quæ sup-
peditant ad omnes casus plurima, sed etiam adrastra,
quæ in historijs ubiq; cernitur, admoneat nos de nostra
infirmirate, horretur ad modestiam, ne elati superbia ac
fiducia nostri, res iniustas, aut non necessarias suscipia-
mus, ne cōtra uoluntatem Dei nitamur, ne diligentiam
remittamus, ut Dauid remiserat. Magna hæc sapientia
est, & cum omnibus hominibus, tum uero maxime gu-
bernatoribus rerum humanarū necessaria. Plurimum
autem in mediocribus ingenijs conducit ad hoc iudi-
cium confirmandum, & quasi frenandos impetus im-
moderatos omnium temporum historia. Nunc uero
ceteras utilitates hoc loco colligere institui, quæ multo
sunt uberiores atq; ampliores, q̃ ut satis illustrari uerbis
possint. Quæ essent tenebræ in uita, nisi Deus extare hi-
storias uoluisset de rerum initijs, de ueræ religionis ori-

gine ac propagatione, de ortu superstitionum, de ordine imperiorum, de incrementis eorum & inclinationibus. Harum tantarum rerum historiae non sunt sine singulari Dei consilio diuinitus traditae & conseruatæ, ac utilitas facile a prudentibus intelligi potest. Nam si hæc series nesciretur, nihilo melius retro cogitare possemus rerum initia, quam pecudes. Vt autem series imperiorum teneatur, non solum opus est sacris historijs, sed etiam aliarum gentium monumentis. Quam in re sæpe cogito diuinitus accidisse, ut reliqui sint Græci scriptores luculentissimi, qui prorsus ab eo articulo historiæ inchoant, in quo Propheticae desinunt, quasi testimonium de uetustioribus dicant. Herodotus & Xenophon adfirmant primos hominum latissime regnasse Chaldaeos & Assyrios, deinde Medos. Hæc imperia describuntur in sacris libris: successerunt Persæ, ab his inchoant Græci historiam. Prodest autem ad intelligendos sacros libros & propagationem ueræ religionis considerandam, nosse imperiorum seriem. Et quidem descriptio captæ Babylonis apud Xenophontem apte quadrat ad Danielis uerba. Mihi uero etiam Gobrias, cuius filium Babylonicus tyrannus interfecerat, uidetur fuisse quispiam ex Danielis sodalitis: & ad tempora hebdomadum apud Danielelem explicanda opus est serie Monarchiarum. Quare his qui amant ueram religionem, hæc monumenta non sunt negligenda: Nec ceteræ utilitates aspernandæ sunt. Multiplex est historia Xenophontis, quæ uarietate quadam exemplorum instruere lectorem potest. In Cyri institutione format Principem ferè ab incunabulis, ita excellentem uirtutibus, iusticia, magnitudine animi, prudentia, temperantia, continentia, fide, semper ut bonitas ac lenitas in

nitas in reliquo choro emineat, ut inter stellas Hesperus
 eminet. Itaq; cum se ad hanc imaginem componeret to-
 tum Scipio, qui hos libros etiam in castris inter tubarū
 classica, & armorum sonitum legebat, etsi res gessit diffi-
 cilimas, ac patriæ utilissimas, tamen plus uerē laudis ha-
 ber propter moderationem animi, qua cauet, ne quid
 aduersus ciues superbe, aut aduersus hostes crudeliter fa-
 ceret, qua tulit æmulos ac ornauit, ut Cyaxaren orat Cy-
 rus, quā propter ullas quamuis gloriosas uictorias. Vti
 nam uero Scipionis exemplo, & Principes huius æta-
 tis legerent hanc historiam, seq; ad eam effingendā exu-
 scitarent, ut conspici posset, id quod ait Xenophon
ἀγχοῦτας ἀγαθὸς οὐδέμιν ἀσφίγειν πατέρων ἀγαθῶν.
 In Græcarum ciuitatum historia, quā mira exempla
 ciuiliū motuum, et actionū proponit? Omitto cetera.
 In omnibus parietibus historia Theramenis pingi debe-
 bat, qui cum magno suo periculo impetrasset, ne ciuitas
 Attica solo æquaretur, ac postea mitigate suorum colle-
 garum sæuitiam studeret, crudeliter à Critia & collegis
 interfectus est. Huius exitus monet non solum quæ peri-
 cula moderatis uiris in discordijs ciuilibus impendeāt,
 sed etiam ita confirmandos esse animos, ne terroribus
 ullis aut supplicijs à recta sentētia depelli nos sinamus.
 Nec obscurum est sæpe in Republica tempora incidere,
 ubi opus est simili moderatione & grauitate, quæ quan-
 tam habeat laudem, indicant uersus de Palamede reci-
 tati in theatro Athenis post Socratis necem, in quibus
 cum Palameden Poeta prædicat fuisse Græcorum opti-
 mum & Iulsciniam Musarum Reipub. utilem, significa-
 uit infestos esse Tyrannos præcipue ips, qui uirtute & eru-
 ditione antecellunt. Versiculi autem hifunt:

V V iij ἐκείνους

ἐκάνετε ἐκάνετε τῶν ἑλλήνων ἀρεῶν
τῆν οὐδέμ ἀλγύνουσαν ἀνδρονά μισῶν.

Quàm dulce exemplum & his temporibus necessarium recitat, cum narrat sanctam esse ἀμνησίαν iniuriarum Athenis, cum Rempub. Thrasylbulus recuperasset. Ut nam ita nunc quoque pax in Ecclesia quadam legum acerbiorem mitigatione fieret. Quae est enim barbaries, male uastitatem ac solitudinem in Ecclesijs efficere, quàm paucas quasdam & palam tyrannicas leges relaxare? Tales historiae se offerunt in hoc uolumine multae, quae lectorem multa de Repub. praesertim hoc tempore monere possunt. Adolescentes autem etiam propter eloquentiam hunc autorem diligenter legere debent. Veteres enim adeo mirati sunt Xenophontis orationis puritatem & uenustatem, ut uocarint eum apem Atticam. Et Quintilianus inquit: Quid ego commemorem Xenophontis illam iucunditatem inadfectatam, sed quam nulla possit adfectatio consequi, ut ipse finxisse sermonem Graeciae uideatur? Ac non solum suauitatem orationis, sed etiam consilium & prudentiam studiosus lector obseruet, quam adhibet in concionibus, quae ut sunt aliquanto magis tetricae quàm Herodoti conciones, ita sunt dulciores Thucydidis, in quibus multae sunt ita procul accersitae & argutae sententiae, uix ut attentus lector eos satis assequi possit. Erat igitur eloquentiae studioso periucunda Xenophontis lectio. Quare gaudeo eum in Germania rursus editum esse, ut uersetur in manibus studiosorum. Cum autem de more praefigenda esset epistola, potissimum auspicio tui nominis Langae charissime, prodire hunc autorem uolui, quod non dubitabam te in gubernatione Reipub. magna cum laude prudentiae, diligentiae

diligentiæ, ac iustitiæ uersantē, in primis lectione huius
scriptoris delectari, & cum eo sæpe de rebus maximis
quasi deliberare, sperabam etiam aliquos in te intuen-
tes ac considerantes, quanto tibi ornamento sit erudi-
tio, quanto usui in negocijs, libentius hæc lecturos esse,
ac excitatos tuo exemplo, daturos operam ut accessuri
ad Rempub. instruant se his literis, sine quibus qui ue-
niunt ad gubernationem, quid aliud sunt, quàm ut in
scenā uocantur, καὶ πρόσωπα: Existimabis igitur me
bono studio ad te scripsisse, ac magnum fructum huius
mei consilij capiam, si cum de Republica cum poten-
tibus colloqueris, hortator eris, ut Cyri clementiam
aut sanciram à Thrasylulo ἀμυνσίαν imitari malint,
quàm sycophantarum sæuitiæ morem gerere, qui

Principum iracundiam passim contra
nos inflammant. Bene

uale. Anno

1540.



In Officia

IN OFFICIA CICERONIS PRAEFA- tio, Phil. Mel.

Quid conferat lectio librorum de Officijs.



Vemadmodum uerant in exercendo sterili solo aut sumptus facere, aut sumere laborem, ita lectoris scriptorem aliquem in primis uidendum est, quid doceat, & quam inde accessionem ad studia nostra facere possimus. Porro uix pauci in relegendis scriptoribus secum ipsi deliberant, ecquod operæ precium facturi sint. Et bona pars discipulorum in uniuersum nescit, ad quem scopum studia omnia dirigenda sint. Proinde initio huius libelli & argumentum operis indicandum est, & quid conferat studijs nostris. Ea demum est solida eruditio de rebus moribusque recte iudicare posse, deinde quæ animo comprehenderis perspicue & commode explicare, atque eloqui. Rerum cognitio ad iudicandum & ad parandam prudentiam est necessaria. Magna in primis optimorum uerborum copia requiritur ad dicendum: Voco autem rerum scientiam, Physiologiam, Mathematica, præcepta de civilibus moribus: Nam de religione hic nihil dicimus. Estque ad communem uitam in primis utile, ea tenere, quæ de moribus, deque civili uitæ consuetudine tradita sunt. Beluam dicas, non hominem, quisquis non est excultus hoc doctrinæ genere, & ad humanitatem & civilia officia assuefactus. Nam uirtutis incunabula atque rudimenta sunt, hæc literæ, quibus ad honestatem teneri animi aluntur & incitantur. Porro non alius extat libellus de moribus absolutior Officijs Ciceronis

ronis. Diligentissime enim præcepit de omnibus uitæ partibus, quid deceat quamlibet ætatem. Accedit etiam hoc, quod iusto ordine formas uirtutum proposuit, ut extarent ob oculos lectoribus, tanquã regulæ omnium consiliorum & factorum: fecit enim quatuor uirtutis membra, prudentiam, iusticiam, fortitudinem, modestiam. Quæ tanquam locos communes proponant sibi adolescentes, ut eò referant omnia de moribus consilia, & quos iudicaturi, quid deceat, ceu Theseum filum sequantur. Nam ut Zeussis, cū Helenam Crotoniatis pinxeretur, inclusam habebat in animo pulcherrimam quandam mulieris speciem, seu, ut Græci dicunt, εἰδὲν colῆ. Ictā ex optimis exemplis: ita iudicatu- ros de moribus, oportet animo tenere tanquam formas quasdam uirtutum descriptiones, quas consulant, quas intueantur, in quas defigant oculos, quoties de honestate deliberant. Neq; ego hic de religione dico, quæ ex sacris libris petenda est. Civilis uitæ consuetudo à Cicerone describitur, cū qua religio nihil pugnat. Scripsit de Officijs etiam diuus Ambrosius, credo ut pueris inculcaret religionem, de qua uidebat in Ciceronianis nihil præcipi. Verum ego religionem ex diuinis literis censeo hauriendam esse. De civilibus moribus malim audire Cicero- nem, qui maximis rebus gestis uersatus in Repub. prin- cipe orbis terrarum, usu pleraq; comperit, pleraq; ex Græcorum scriptis, qui maximas ciuitates gubernarunt, uer- tit. Habes itaq; quid hic libellus ad iudicandum confe- rat: Est enim uel prima prudentiæ pars, tenere præcepta de moribus. Est autem Cicero res partitus in honesta & utilia. Honestatis partes in primo libro tractat, ubi pri- mum uirtutes definit Dialectica quadam cōsuetudine.

Deinde congerit multa praecepta de moribus uelut in aceruum. In secundo libro res omnes enumerat, quas natura ad utilitatem seu usum hominum condidit, docetque quem ex quaque re usum percipere debeamus. In tertio confert cum honestate utilitatem.

Quid ad dicendum conferat libellus
de Officijs.

Præterquam quod, ut cætera Ciceronis omnia, magnum numerum lectissimorum uerborum & figurarum suppeditabit hic libellus, ideo etiam ad dicendum plus aliquanto, quam pleraque alia scripta confert, quia locorum aliquot communium formulas, & propemodum simulachra continet. Porro cum hi loci uirtutum ac uirtutiorum, regulæ sint, ad quas omnium mores & facta exigimus in iudicando, oratio etiam omnis referri ad eos debet, inde argumenta, amplificationesque petuntur, ut si quis ingratum dicat, multa illi non de persona tantum, sed de ipso uitij genere erunt dicenda, eritque danda opera, ut intelligant auditores, quanta sit in eo uitio turpitudo: Verum id nemo præstare poterit, nisi locorum illorum formulas bene meditatas habeat, & exempla ueterum teneat, unde uerba, sententias, & ornamenta mutuetur. Erit itaque hic libellus uelut penu, & sicut inquit Thucydides, κτήμα, unde depromant orationem studiosi, de quacunque re dicendum fuerit, hinc argumenta, hinc sententias, hinc figuras, hinc apta uerba excerpant. M. Cicero magnum instrumentum eloquentiae id esse putauit, habere locos in numero paratos atque expeditos, in quibus procedendis, multum profecto Ciceronis exemplis adiuuabimur. Quæ enim potest de dolo

dolo malo, deq̃ æquitate uberior grauior ue disputatio excogitari: Ea de re in tertio Officiorum.

Plurimum etiam ad dicendum conducunt narra-
tiunculæ, quæ sunt in hoc opere & multæ & uariæ. Quon-
dam in Rhetorica progymnasmata erant *δυναμῆτις*,
sic enim uocantur, in quo genere, qui se uolent exercere,
magnam hic exemplorum copiam inuenient. Et cum
nihil sit difficilius quàm commode narrare, nō est alia
exercitatio fructuosior quàm hæc. Quanta Deum im-
mortalem elegantia, quantus lepos est in narratione ge-
storum Arati Sicyonij in secundo libro? Non minorem
laudem meretur Gygis Lydi historia uersa ex Platone
in libro tertio. Similes autem multæ sunt in hoc com-
mentariolo, quas sibi studiosi omnes ad imitandū pro-
ponant. Eaq̃ exercitatio nō tantum augebit uerborum
supellestem, sed quæ mihi in dicendo penè maxima
uirtus uideatur, bene disponendi scientiam. Nam indo-
cti non tantum adulterinæ monetæ uerbis orationem
obscurant, sed ita etiam confundunt ac miscent omnia,
ut intelligi nihil possit. Scholia alicubi breuissima ad-
scripsimus, quæ indicarent lectori orationis ordinem
& dispositionem, quam qui deprehenderint, facile sen-
tentiam scripti adsequentur: Nam de consilio auctoris
pronunciare aut iudicare nemo potest, nisi serie ora-
tionis animaduersa. Vbi sententiam collegeris hic im-
morandum erit in singulis membris orationis, uiden-
dumq̃ quo genere uerborum, quibus Schematis ora-
tionis usus sit Cicero. Estq̃ cum illius oratione certan-
dum & nostris uerbis exponendum argumentum, ita
fiet, ut & sententiam propius adspicias, & clarius ad-
pareant lumina Ciceronianæ orationis, ubi cum tua

παραφύλα contuleris. Interea & uerba & sententiæ au-
toris obiter firmitus adhærescent animo. Sed faciamus
in exordio periculum. Initio proponit se de Philoso-
phia dicturum: Verum est addita occupatio, cur in tan-
ta copia Græcorum scriptorū ipse Latine scribat, iisdem
de rebus, quas Græci copiosissime, splendidissimeq̃ tra-
ctauerunt. Et facta præceptoris mentio, & urbis, & ut in
distributione, sua cuiq̃ subiecta ratio. Estq̃ *περί τῆς πόλεως*
cum occupatione coniuncta propositio. Quamq̃ extent
de moribus sapientissime scripta multa à Græcis, & cum
Cratippus doctrina, tum Athenæ ipse exemplis te eru-
diri queant, tamen quia meus mos est Latina cum Græ-
cis cōiungere, uolebam Latine ad te Philosophica quæ-
dam scribere. Ad eundem modum in omnibus
partibus orationis Ciceroniæ, senten-
tiæ, earumq̃ figuræ excu-
tiendæ sunt.



ALIA PRAEFATIO IN OFFICIA
Ciceronis.



Identur mihi singulari consilio Græci in
definitione artis hoc posuisse, quod ali-
quam in uita utilitatem habere debeat.
Nam omnes artes instrumenta sunt uel
priuatæ uitæ conseruandæ, uel regendæ Rei
pub. Nec opus est hic enarrare singulas, & ostendere
propter quos usus inuentæ sint, & à maioribus ad poste-
ros magna

ros magna cura transmissæ. Illud magis est necessariū admonere, ut hi qui hæc studia literarum ingrediuntur, initio considerent, quis sit harum artium finis, quæ sit ex ipsis petenda utilitas, quod qui sciet & uim & dignitatem artium rectius cognoscet, & prudentius eliget ea quæ maxime prodest discere. Ad hæc nunquam perfectam doctrinam consequuntur isti, quorum animus non prospicit certum finem studiorum, & uagantur temere ac sine ordine ac ratione per uarias disciplinas *τέχνη ἐστὶ σύνθετα ἐγκαταλήψεων ἐγγυμνασίων πρὸς τέλος εὐχρηστικῶν ἐνὶ βίῳ* finē seu utilitatē in omnibus artibus in primis spectandam esse probat ex ipsius artis definitione, quæ & Quintiliani causa fuit, cur Rhetorices finem tam magna cura libro secundo capite decimo octauo quæsiuerit.

Omnis autem doctrina aut rerum cognitionem continet, aut uerborū, & quia rerum notæ uerba sunt, prior est uerborum cognitio, ad quam comparandam tametsi necessariae sunt artes, Grammatica, Dialectica, Rhetorica, tamen sine exemplis artes ipsæ sunt inefficaces. Ideo boni autores legendi sunt, ex quibus linguæ phrasin discamus, ex quorum imitatione comparemus nobis eiusmodi genus orationis quod adhiberi possit ad graues causas explicandas, quodq; lumen adferre rebus obscuris possit, si quando homines de magnis rebus, ut sæpe accidit, docendi erunt. Nemo autem ignorat optimum dicendi magistrum esse Ciceronem. Verum hic libellus habet singulares dotes, multos continet locos communes, in ijs est magna figurarum uarietas, in ijs autem narrationes, quæ ualde cōducunt ad eloquentiam. Antonius apud Ciceronem ait nullam partem in

dicendo difficilius effici quàm perspicuam narrationem. Quare magnopere prodest egregia exempla narrationum tenere, quæ nobis proponamus intuenda, ut in dicendo aliquam similitudinem illorum consequamur.

Primum ergo in huius operis uestibulo atque aditu cogitabit auditor hanc lectionem pro futuram esse ad alendam uerborum scientiam. Itaque cum uniuersam orationis seriem ac phrasim obseruabit, tum excerpere tanquam flores insignes figuras ac iucundas narrationes & sententias maxime memorabiles, nam omnino danda est opera, ut aliquid inde ad nostrum usum transferamus, ut nostra oratio locupletior ex hac fiat: non enim obiter inspicienda sunt hæc opera, sicut tabulas præclare pictas, & ad spectandum propositas tantum uoluptatis causa contemplamur, nullam inde partem nobiscum auferimus, sed ita contemplemur, ut amoenissimos hortos, in quibus sparsim decerpimus fructus aut flores qui maxime delectant. Altera de rerum cognitione deliberatio esse debet, quarum rerum scientiam hinc auferre possumus. Prodest autem quendam artium ordinem tenere animo comprehensum & fines atq; usus illarum uidere. Aliæ de natura rerum disputant, aliæ continent religionem, aliæ rationem regendæ Reipub. & iudicandi forenses controuersias, aliæ continent præcepta de moribus ciuilibus in omni uitæ genere necessaria. Cum itaq; legimus aliquid, expendere debemus ad quem ordinem artium pertineat: Vtrum in administratione Reipub. profuturum sit, an priuata uita, & hæc deliberatio nō modo excitat studia & acuit curam discendi, sed etiam ad ipsas artes rectius intelligendas

gendas ac percipiendas plurimū confert. Facilius enim percipiuntur illa, quorum quasi regiones quā late pateant & metas deprehendimus. Pertinet autem hic libellus Ciceronis ad philosophiam moralem, continet enim definitiones uirtutum, & sunt addita definitionibus multa praecepta de moribus ciuilibus, atque haec magna ex parte Oratorio more, populari genere orationis, ut intelligere ea & in communi uitae consuetudine imitari homines praediti communi sensu possint: nam exiles disputationes, quales sunt apud Aristotelem, doctrinam quidem continent non illiberalem, sed subobscuram, & propemodū consulto recedentē longius ab imperitorum intellectu atq; iudicio. Hae definitiones facilius intelligi, & ad quotidianum usum uitae accommodari possunt. Porro hoc in confesso est, necessarium esse omnibus quandam de moribus doctrinam & descriptionem uirtutum, ut in nostris moribus, & in hominum negotijs iudicandis intelligere possimus, quid deceat, quid non deceat, quae sunt recte quae secus facta. Tenere ergo formas & imagines uirtutum oportet, quas in omnibus consilijs, in omnibus negotijs iudicandis sequamur. Atq; haec doctrina proprie uocanda est humanitas, ac recte & ciuilem uiuendi rationem ostendit omnibus aetatibus, quam qui non norunt, parum admodum distant à bestijs. Quamquam autem alijs locis magis fortasse conuenit, ostendere quod sit discriminis huius doctrinae & Euangelij, tamē & haec duxi hac de re admonendos esse auditores, ut eximatur eis error, qui iam istorum animos occupauit, haec Ethnicorū scripta indigna esse quae Christiani homines legant, & Philosophiam procul fugiendam esse Christianis. Itaq; breuiter

uiter hac de re sententiam nostram exponemus. Philosophia nihil adfirmat de uolūtate Dei, nihil precipit de timore & fiducia in Deum: hæc proprie ad Euangelium pertinent. Sed præter hæc ciuile uitæ præcepta, necessaria sunt, quæ doceant quomodo homines inter se tràquille uiuere possint: hæc in Philosophia traduntur, & à uiris excellentibus causæ eorum in ratione positæ deprehensæ sunt. Neque existimandum est, Christum uenisse in mundum ut hæc præcepta traderet, aliud quiddam de uoluntate Dei, & de fiducia in Deum exposuit, quæ ratio humana non potuit deprehendere. Interim tamen & ciuilia officia uitæ approbat Deus, & requirit ab omnibus ætatibus, hac disciplina coherceri uult homines non aliter atque Magistratum legibus & institutis, quæ cū ijs præceptis magnam habent cognationem, nam ex ijs tanquam ex fontibus omnes leges & omnia iura Magistratum nata sunt, & ob hanc causam magnam habet utilitatem hæc doctrina, quia cum ostendat causas legum, & publici iuris, multum adiuuant ad intelligendum omnes de ciuilibus rebus disputationes. Ut igitur decet Christianos hanc ciuilem societatem colere & adiuuare, ita hæc doctrina de ciuilibus moribus atque officijs cognoscenda est. Non est pietas, Cyclosum more uiuere, sine iure, sine legibus, sine doctrina, sine alijs uitæ præsidijs quæ continentur literis. Quare isti qui uituperant Philosophiam, non tantum belligerantur cum natura humana, sed etiam grauiter lædunt Euangelij gloriam, quod iubet ut disciplina ciuili homines coherceantur, & maximis premijs ornat natura honesta instituta, quæ continent ciuilem societatem hominū. Non ergo contemnendi sunt Philosophi & alij scriptores qui honesta uita

uitæ præcepta tradunt, sed diligenter legendi, ut acuant iudicium de civilibus negocijs & moribus. Multa poterunt monere uiri sapientes in Repub. uersati, quæ usu cognouerunt, quorum cognitio nos reddet cautiore in magnis rebus gerendis. Exposui quid hi libelli & ad uerborum copiam, & ad rerum scientiam conferant, nam & copiam sermonis alunt, & firmant iudicium de moribus, quorum utrunq; ualde necessarium est in uita. Sed est alia quædam utilitas horum libellorum, quæ ad eloquentiam pertinet, quæ uel meo iudicio uel præcipua est. Omnes docti uiri præcipiunt, ut locos communes habeamus instructos, ex quibus sumamus orationē de honestis rebus, quoties opus erit. Nam omnia negocia in uita, iudicantur ex locis communibus uirtutum & uitiorum, eamq; ob causam ad illos referenda est oratio, de quocunq; negotio instituta fuerit. Hic primum prodest locos perfecte cognitos habere, nam res ipsæ perfecte cognitæ, gignunt orationem, sed magis etiam prodest habere in promptu sic tractatas & ornatas à Cicerone, ut inde uerba atque ornamenta mutuari possimus, aut certe imitari. Quid enim agit hic aliud Cicero, nisi ut locos communes, hoc est, uirtutum definitiones colligeret? ad quas reuocanda sunt omnia civilia negocia de quibus dicendum est. Si scribis epistolam, in qua agis gratias amico bene de te merito, quàm multa ornamenta suppeditabit Cicero in illo loco, qui continet præcepta de gratitudine: multæ ibi similitudines, multa argumenta sunt quæ ad usum nostrum transferre possumus. Si in deliberatione incidat utilitatis cum honestate contentio, ut sæpe fit, quàm multa sumi poterunt ex tertio libro: Quid grauius in tali con-

trouersia dici potest historia Cyrili, quem cum Athenienses dantem utile consilium, sed inhonestum, lapidibus obruissent, mulieres etiam Athenienses eius uxorem lapidauerunt: Tantam esse uim honestatis Athenienses uoluerunt, ut nouo exemplo putarent in eum animaduersum esse, qui utilitatem anteferebam esse iudicasset honestati. Talia ornamenta apte translata in nostram orationem, non modo gratiam, sed etiam auctoritatem conciliant. Supra dixi de uerbis & sententijs excerptis, hæc uero maior erit utilitas, integros locos ordine cognoscere, & eorum formas tenere, quas uel imitemur, uel usurpemus cum opus erit, quia cum omnia negotia in uita referuntur ad tales locos, necesse est ut copiose instructos atque paratos habeamus, ac sicubi deerunt hæc opes, is nullam causam

neque recte iudicare, neque clare
exponere poterit.

Dixi.



Praefatio

PR

IN



Tan
gis i
ria, c
huius
relig
qua
est &
tum
ca str
tribu
men
tene
tate
qua
pra
igit

PRAEFATIO AD REGEM FERDINANDUM
 in Danielelem, Autore
 Phil. Mel.

INCLYTO REGI HUNGARIAE AC
 Bohemie, Archiduci Austrie, D. Ferdinando,
 Domino suo clementissimo,
 Phil. Melan.
 S. D.



Um publico quodam more nullum non scripti genus summis Principibus ac Regibus dedicari soleat, nemo fortasse consilij mei causam requirer, cur sub tuo nomine hunc commentarium in lucem ediderim.

Tanta enim literarum dignitas semper fuit, ut nulla magis idonea munera Regibus offerri posse, quam literaria, creditum sit. Nec paucæ aut leues causæ sunt receptæ huius opinionis: Nam cum sine studijs literarum, neq; religiones coli, neq; retineri iudicia, neq; explicari leges, quæ omnia his qui imperant tuenda sunt, possint, uisa est & hæc cura ad Reges pertinere, excitandorum studiorum, atq; defendendorum. Itaq; cum propter alia multa studiosi homines Regum titulos ac nomina suis operibus inscripserunt, tum maxime, ut significarent monumenta literaria propter publicam utilitatem, ab ijs qui tenent Respub. defendenda esse. Sed in maxima uarietate scriptorum, nulla magis conueniunt Principibus, quam quæ religionis doctrinam continent: hanc enim præcipue illos & cognoscere & propugnare decet. Ego igitur hunc ad te libellum misi, inclyte Rex, in quo Da-

XX ij nielem

nilem Prophetam enarraui, qui præterquam quod de Christo planè & perspicuè uaticinatur, plurima etiam præcepta & exempla utilia imperantibus tradit. Accipio ab his, quibus interior tua uita nota est, libenter te ueterum historias, & præclara poemata legere, ac sæpe publicis occupationibus aliquâ suffurari temporis partem, quæ in lectionem collocetur. Quæ res, quantam mereatur laudem, non possum uerbis consequi. Neque enim sine literarum tractatione, perfecta sapientia, quæ in Principe requiritur, existere potest. Faciebat idè auus tuus Maximilianus Cæsar, nulli Regum aut Imperatorum optimorum apud Græcos aut Romanos in omni genere laudis secundus. Hic in ipsis castris etiam legebat, & cum doctis non modo de religione, deq; omni ratione regendæ Reipublicæ, sed etiam de leuioribus artibus commentabatur, de syderum motibus, de alijs naturalibus causis, de historijs. Nulla res erat, quæ quidem digna esset hominis ingenui cognitione, in quam ille non intenderet animum. Cum autem & naturæ tuæ bonitate, & hoc domestico exemplo extimulatus, tantopere studia literarum ames, existimabam futurum, ut à lectione Danielis non abhorreres. Si enim prodest ijs, qui in administratione Reipub. uersantur, præcepta regendarum ciuitatum, à Platone aut alijs conscripta, tenere, quanto magis conducit nosse Danielelem, in quo tam multa coelestia præcepta extant, sine quibus imperium pie gerere nemo potest: Prudenter de iure, de legum æquitate, deq; alijs multis rebus, quæ ratione deprehendi poterant, Philosophi scripserunt. Sed de uoluntate Dei nihil tradere potuerunt, quod in animis Principum aut fiduciam erga Deum, aut timorè Dei aleret.

Philosophi

Philosophi consilio hominum, aut casu iudicant imperia constituta esse: At hic Propheta non semel ait, Deum regna constituere ac mutare, Deum custodem esse Regum, & mittere Angelos, qui tanquam excubias agant ad defendendos Reges. Quæ autem arces, quæ propugnacula perinde muniunt Principem aduersus omnia pericula, atq; hæ sententiæ, quæ iubent credere, quod à Deo regatur: Sic enim hæ sententiæ accipiendæ sunt, ut non modo ad illos pertinuisse, sed ad nos quoq; accommodandas esse iudicemus. Hic proponuntur piorum & impiorum Regum dissimilia consilia, dissimilesq; exitus, Monarchiæ depinguntur, quarum successionem Propheta tot ante seculis præuidit, ut indicaret, quo tempore Christus uenturus esset. Significat postremis temporibus futurum, ut existat regnū, quod longe lateq; grassetur, ac sanctos opprimat: id Saracenicum ac Turcicum regnum esse, dubitari nō potest. Voluit autem Propheta consolari pios, ne gloria impij imperij offensi, fidem abijcerent, ne putarent se casu, aut ignorante Deo affligi, ne fœlicitatem illam Tyrannidis fore perpetuam arbitrarentur: Postremo, ut scirent etiam, cum illud regnum in fastigio stabit, breui uenturum esse Christum, ad iudicandos uiuos ac mortuos. Quam autem Regia Danielis concio est, qua Regem Assyrium hortatur ad pœnitentiam: Libera te à peccatis, per iusticiam, & per beneficia in pauperes collata. Non præscribit nouos aliquos ritus, aut ceremonias, sed summam pietatis diserte complectitur: Iusticiam enim initio uocat agnitionem Dei ac fidem, per quam in gratiam à Deo recipimur. Cum contigit fides, reliquum est, ut unusquisq; sue uocationi seruiat, suum officium sedulo faciat, spartam

XX iij quam

quam nactus est, summa diligentia exornet. Est autem Regum, ut ita dicam, uocatio, ius rite dicere, defendere innocentes aduersus uim iniustam, punire fontes, pacē & disciplinam ciuilem legibus atq; armis munire. Hæc beneficia, has eleemosynas iubet Regem in subditos miseris, & iniuriæ obnoxios, sic enim in sua lingua loquitur, conferre. Ac ne potest quidem homini quidquam contingere melius pace, ac certa & æquabili iuris descriptione. Hęc atq; alia multa comperies profutura, uel ad agnitionem Christi, uel ad Rempub. gubernandam, quæ prophæti scriptores non attigerunt. Quare nihil dubitabam, quin magnam tibi uoluptatem Danielis lectio allatura esset: nos addidimus adnotationes, quæ alicubi lucem adferret obscurioribus locis. Multa enim ex historijs omnium temporum ad intelligendum Daniellem petenda sunt, quæ tibi occupato tot regnorum gubernandorū curis, tot etiam implicato bellis, procul quærere non uacat. Quanquam autem uolui tibi hac in re meam obseruantiam, meumq; erga te studium probare, tamen & aliam quandam habui causam ad te scribendi, multo iustiorē, ac planē necessariam. Magno in odio multorū sunt hoc tempore nonnulli, qui sacras literas pure tractant, aduersus hos cum Sycophantē quidam ubiq; Principes cōcitant, nullum hoc tempore grauius est crimen, quā genuinam religionis doctrinam amplecti. Et annis iam aliquot multi boni uiri desyderant æquitatē in nonnullis, qui quouis alio modo dissensiones Ecclesię malunt opprimere, q̃ ordine cognitis dogmatibus. At nō modo æquius erat, sed etiam publicæ paci utilius, doctrinam prius cognoscere, q̃ edictis iugulare. Neq; enim potest esse diuturna pax, si in Ecclesijs

falsæ

falsæ opiniones hæserint. Missi igitur ad te hunc libellum, ut specimen eius doctrinæ, in qua uersor, tibi ostenderem, teq; rogandum duxi, ut des operam, ut Ecclesiasticæ controuersiæ cognoscantur. Idq; non modo abs te peti existimes, quia in hoc Imperio secundum fratrem principem locum obtines, sed multo magis, quia maxima fama est iusticiæ tuæ apud gentes, hanc conuenit bonis uiris præsidio esse. Nec petitur aliud, nisi quod non modo scriptum extabat in Atticarum legum tabulis, *ὁμοίως ἀμφοῖν ἀρχοῦν*, sed omnium hominum animis diuinitus insitum est, ut utraq; pars audiatur. Vbi cognoueris quale sit doctrinæ genus quod quisq; profiteretur, pronunciare tutius erit. Maxime optant omnes, ut Synodus cogatur: sed si hoc tam turbulentis temporibus fieri non potest, tamē meo iudicio ita consuli posset Ecclesiæ concordie, si aliquot probis ac doctis uiris autoritate summorum Principum committeretur, ut de dogmatibus iudicarent. Quidam ita sæuiunt in eos, qui non probant omnes uulgo receptas opiniones, quasi nihil uitij irrepserit tot seculis in Ecclesiam. Multa docuerunt olim Monachi, quæ pietati officiant, multa usu recepta sunt aliena ab Euangelio. Deniq; Ecclesiastica doctrina multis impijs constitutionibus atq; opinionibus oblita est. Decet autem præstare eos, qui uel præsunt Ecclesiæ, uel imperia tenent, ut quàm maxime pura Christi doctrina populo proponatur. Quare in hanc curam incumbere, Rex inclyte, propter gloriam Dei, ut repurgata doctrina Ecclesiastica, concordiam sarcias. Nihil Deo gratius facere poteris, nihil ad omnem posteritatis memoriam gloriosius, nihil Austriaco nomine dignius: Semper enim familia uestra præcipuam pietatis laudem habuit.

Quæ

Quæ sunt autem officia pietatis meliora, quàm publicam pacem constituere, ac efficere, ut de religione recte doceantur homines: Christus pacis autores beatos uocat, & pronunciat esse filios Dei. Quod si excitatus hac uoce, discordiâ sanaueris, uicissim fauebit tibi Christus, & consilia maximarû rerum, quas utilitatis publicæ causa suscipis, fortunabit. Si quis autem arbitratur, posse sedari discordiam, si altera pars ui opprimatur, mea quidem sententia longe errat. Illud fuerit remedium magis idoneum huic morbo, si rite dijudicatis dogmatibus, recte doceantur homines: Nam & doceri expetunt, & Christianos decet, sanare magis errantes, quàm perdere. Contra, uidentur religionem ludibrio habere, qui docere nolunt, tantum cogunt amplecti, quod commodum est ipsis, rectum sit necne, ridicula quæstio putatur. Non suscepi hic cuiusquam defensionem. Si quis Euangelij prætextu seditiones excitat, si imperia Principibus abrogat, si in alienas possessiones inuadere, si diripere sacerdotum facultates conatur, det sceleris poenas. Tantum hoc oro, ut in tanta uarietate dogmatum, ratio ineatur, per quam ita restituatur concordia, ut ambiguarum mentes etiam sanentur. Hæc cura Regibus Christianis digna est, quorû nulli potentia, & regni amplitudine cedis, multos etiam iusticia, pietate, clementia, quæ sunt uera Regû ornamenta, uincis. Nulla trophæa durabiliora erigere poteris, quàm futura sit huius memoria beneficij, si Ecclesiæ tranquillitatem restitueris, atque ita munieris, ut esse diuturna possit. Quoties maiorum tuorum imagines consideras, incurrunt in oculos tuos nonnulli, qui Synodos coegerunt, ut dissensiones Ecclesiæ componerent. Horû exempla te admoneant, quid in huiusmodi dissensionibus

nibus maxime Christianum Principem deceat, quidq;
Reipublicæ sit utilissimum. Hæc ad te fortasse præter de-
corum, sed tamen bono studio scripsi, teq; rogo, ut liber-
tatem meam pro tua clementia boni consulas. Nam si
aliàs unquam, hoc tempore maxime, merentur hæc que
relæ ueniam, cum, ut ait Poeta,

Pellitur è medio sapientia, ui geritur res.

Christus det mentem omnibus Principibus, & cupi-
dam pacis, & amantem Euangelij. Vale for-

liciter Rex inclyte. Spita, Anno

M. D. XXIX.

Mense Aprili.



GERMANIA AD REGEM FERDI-
nandum.



Anc adflita tibi Germania mitto salutem,

Quæ mihi nō tribui, te nisi dante, potest.

Vsa diu tibus quæ sum tranquilla secūdis,

Hoc iaceo multis tempore pressa malis.

De quibus ipsa tuum supplex cum numen adoro,

Ferre mihi solus qui potes, adfer opem.

Ecce uides rerum quàm tristis forma mearum,

Qualis & imperij sit status iste mei.

Omnia diffidijs, sunt omnia plena tumultu,

Illā fuit quanti res mihi causa mali:

Seruiles acies sumptis nos uidimus armis,

Nuper & agrestes rure coisse manus.

ZZ

Testis

Testis adhuc extat miserandæ Francia cladis,
Tota cadaveribus squalida facta suis.
Ipsaq; fertilibus laudata Alsatia campis,
Quæ fuit multis cæde cruenta locis.
At pars ulla meo ne possit abesse dolori,
Insuper externo nunc & ab hoste petor.
Turca ferox nostras descendere fertur in oras,
Alterius nobis altera causamali.
Infestis qui cum tot regna subegerit armis,
Posse suo sperat me quoq; Marte capi.
Si qua proinde meæ remanet tibi cura salutis,
Adfer in aduersis his mihi rebus opem,
Netories claris quæ sum prius aucta triumphis,
Hostibus hoc fiam tempore præda meis.
Nam tibi si rerum sunt cognita gesta mearum,
Cognita quæ cunctis Regibus esse puto,
Semper adhuc inuicta fui, nullosq; per annos,
Vllius inuenies me subiisse iugum.
Roma suis totum domuit quæ uiribus orbem,
Nominis est nunquam laudibus aucta mei.
Meq; lacessit quoties hostilibus armis,
Hanc liquet incepti pœnituisse sui.
In me nil potuit uirtus animosa Neronis,
Funere qui Rheni nobilitauit aquas.
Nil potuere tuæ Quintili Vare cohortes,
Quas meus Arminius depulit ense suo.
Nec maris Adriaci tota cum plebe senatus,
Nostra suo poruit subdere colla iugo.
Deniq; nec magni potuerunt lilia Galli,
Lilia sæpe mea languida facta manu.

Quin

Quin neq; Turcarum nos iam superabimur armis,
Auxilio si nos iuueris ipse tuo.

Ducat in exemplum celebris te fama Camilli,
Nam patria uindex & fuit ille suæ.

Secula nulla tuum nomen uentura silebunt,
Inferiorq; tua laude Camillus erit.

Tu modo pro nobis, & libertate meorum,
In Mahomerigenas suscipe bella Getas,

Totius infestos Christi quos nominis hostes
Nouimus, aduersus armaq; ferre Deum.

Hac de gente fera, Danielis scripta Prophetæ
Multa canunt, paucis hic memoranda mihi:

Viderat is quatuor sub imagine regna ferarum,
Aspice, uera tibi, non ego ficta loquar.

Regibus Assyrijs, primis fera prima monarchis,
Altera sed Persis assimilata fuit.

Tertia Graiorum referebat bestia sceptrum,
Quarta potestatem Martia Roma tuam.

Huius dira feræ facies truculentior illis,
Diffimilisq; tribus conspicienda fuit.

Ferratos dentes, bis cornua quinq; gerebat,
Et pedibus plodens concutiebat humum,

Exiguum uero cornu sub fronte latebat,
De medijs ortum cornibus illud erat,

In quo terrificis oculis, uultuq; minaci,
Humani capitis forma uidenda fuit.

Hoc cum cœlitibus diuis uiolenta gerebat
Prælia, blasphemos ore loquente sonos.

Turca ferox autem caput est immane, quod audis
Aduersus summum bella mouere Deum.

ZZ ij Hoc

Hoc tibi frangendum caput est, hoc concute cornu,
Succumbet manibus bellua uicta tuis.
Ergo age, Rex, animo præsentis suscipe bellum,
Hei mihi quas pœnas impie Turca dabis.
Non tibi consuetæ mitti post terga sagittæ,
Non tibi uelocis proderit usus equi,
Aut ultra Tanaim patrijs eiectus ab oris,
Ludibrium cunctis gentibus exul eris.
Aut tua submittens iniectis colla cathenis,
Ante triumphales Regis obibis equos.
Inclyta nobilibus gaudebit Græcia Musis,
Præbuit inuitas quæ tibi uicta manus.
Exultansq; suis lætabitur amnibus Ister,
Quem tuus infestum reddidit ante furor.
Hoc precor esse ratum cœlesti numine Christus,
Hoc uelit omnipotens, rexq; paterq; Deus.
Sed prius externos quàm progrediaris in hostes,
Certa tibi pax est constituenda domi,
Sedandiq; graues de religione tumultus,
Hoc Regem tantum, quantus es ipse, decet.
Nec minor ingenuas studijs florentibus artes,
Ac fouisse sacras sit tibi cura deas,
Quæ spretæ sine honore iacent hoc tempore passim,
Hac re nulla tibi gloria maior erit.
Tunc Deus indomitas, tibi Marte fauente, cohortes,
Turcarumq; dabit uincere posse manus.
Tunc, quas nulla tibi poterit delere uetustas,
Laudes semper erunt, gloria semper erit.
Longior immensis ne crescat Epistola uerbis,
Desino, tu sæelix incolumisq; Vale.

Præfatio

PRAEFATIO PHILIPPI MELANTHONIS,
in Turcicarum rerum commentarium
Pauli Iouij Episcopi
Nucerini.

ILLVSTRI PRINCIPI AC DOMINO
Ioanni Ernesto Duci Saxoniae &c.
Philippus Melanthon
S. D.



Ultæ sunt partes in historia ad uitam utiles, sed omnium utilissimæ sunt religionū atque imperiorum descriptiones, quarum duarum rerū consideratio maxime digna est præstantibus ingenijs. Et ut ego quidē existimo, hæc historiae initia fuerunt. Hoc consilio primum institutum est, mandare literis res gestas, ut ueræ religionis memoria conseruaretur, deinde ut gentium ortus ac mutationes, & imperiorum seriem posteritas cognosceret. Nec uero dubium est, historias prodesse & ad cognitionem religionis, & ad confirmandam in animis pietatem. Vt enim illi hominum uetustissimi Deum nominantes, addebant mentionem patrum, uocabantq; Deum Abraham, Isaac, Iacob, ut cauere, ne posteritas acciperet peregrinas religiones sine testimonio eius uerbi, quod patres minime ambiguis signis acceptum de coelo, posteris per manus tradiderant, ita nobis conducit intueri omnium ætatum spacia, ac uidere, qua serie Deus propagarit Ecclesiam suo uerbo, ne quā religionem cū ea doctrina pugnantem amplectamur. Deinde conducit uidere, quomodo interea nouas atq;

ZZ iij impias

impias opiniones diabolus in mundo sparserit, quæ ce-
 leriter in tanta caligine humanarum mentium vires ac-
 ceperunt, & orbem terrarum late peruagatae sunt. Hæc
 exempla nos de multis magnis rebus admonent. Osten-
 dunt Ecclesiam omnibus ætatibus exiguum, & spretam
 fuisse, ut afflictionibus exerceretur, ac disceremus pen-
 dere eam à diuina ope, non humanis consilijs conser-
 uari. Docent item, ne magnitudine potentis, opum, glo-
 rig, consensu multitudinis moueamur, ut uerbum Dei
 certa autoritate acceptum abijciamus. Omitto alias utili-
 tates multas, quæ ex locupletiore historia sumi possunt.
 Quantum ad plerasque cōtrouersias Ecclesiasticas dijudi-
 candas uetera exempla conducunt: qua in re iure repre-
 hendenda est negligentia illorum, qui sedentes ad gu-
 bernacula, passi sunt interire huius generis uetera scri-
 pta, nec dederunt operam, ut perpetua historia contexe-
 retur. Extant reliquæ nonnullæ ueterum, libelli Eusebii
 & Theodoreti, in quibus & si multa secula etiam super-
 iora desiderantur, tamen quàm sit Ecclesiæ necessaria
 historia, illi ipsi libelli indicant, ostendunt enim, quid
 uetus Ecclesia de plerisque cōtrouersiis pronunciarit.
 Quanquam autem indocti hæc testimonia negligunt,
 sicut in uniuersum de cura antiquitatis ait Thucydides:
 ὅπως ἀταλάπρωσεν τοῖς πολλοῖς ἢ ζήτισις τῆς ἀλη-
 θείας, καὶ οὐδὲν τὰ ἑτοίμα μᾶλλον ᾤοντο. tamen erudi-
 tis magno usui sunt. Equidem perhorresco toto pecto-
 re, cum animo intueor Ecclesiam in historiis depictam:
 Video enim nulla non ætate horribiliter dilaceratam
 esse. Et ut in fabulis, ex gigantum sanguine terra statim
 alios gigantes genuit, ita subinde ex hæreticis orti alij re-
 centes prodierunt, fuitque inter tot factiones difficilis diju-
 dicatio

dicatio, quæ esset uera Ecclesia, quis portus tam turbulenti tempestatibus tenendus esset. Hæc tamen interea diuina ope seruata est ita, cum pauci homines docti & pii synceram Euangelij doctrinam retinerent & propugnarent. Id exemplum me quidem non leuiter confirmat, considerantem hoc tempore, quàm multi undique oppugnet puram doctrinam, quæ uarij motus ac *παινοί* plerique aduersus bonos exoriantur. Confirmor etiam multis in rebus sententijs & iudicijs illius ueteris & synceræ Ecclesiæ. Nec habemus uberiores historias illarum ueterum rerum, quæ Epiphanijs scriptum, in quo cum hæresium confutatio instituta sit, historica multa inserta sunt. Ex eo autore propemodum continua historia ueteris Ecclesiæ excerpere posset, si quis prudenter ipsius narrationes contexeret, eamque rem optatim alicui Principi curæ esse. Haftenus breuiter dixi historias conducere ad religionis cognitionem, quod & si non ualde obscurum est, tamen illud opinor manifestius esse, his qui sunt in Repub. debere notas esse historias de serie imperiorum, quæ causæ mutationes atque inclinationes imperijs attulerint. Et ut non uelint res uetustissimas cognoscere, certe presentis temporis regna consideranda sunt, quibus artibus atque auspicijs creuerint, quas res gesserint, quæ singularum gentium sint nature, uoluptates, atque opiniones, quæ religione, legibus, foederibus, natura coniunctæ atque consociatæ sint, quæ perpetuo inter se inimicæ sint, quæ concupiscant Monarchiam, qua disciplina domi pacem muniant, qua foris regant exercitus, quo genere copiarum, armorum, præliandi utantur, quæ ipsa tamén nemo cognosceret, nisi multa legat, audiat, atque exploret, imò nisi etiam multa ex historijs sumpta
ad res

ad res praesentes conferat. Polybius scribit non aliud praecceptum Ducis plus momenti habere, quam ut non modo vires, sed etiam ingenia sensusque hostium norit. Cum igitur uniuerso Christiano nomini iustum & propemodum naturale dissidium & perpetuum bellum sit cum Turcica natione, & hoc tempore bellum exarserit, in quo nobis non modo de libertate nostra, de legibus, deque ceteris civilibus ornamentis, sed etiam de religione planeque pro aris & focis cum Turcica natione dimicandum est, magnopere prodest nostris Principibus res Turcicas diligentissime cognoscere. Id studium non solum inflamat animos, sed etiam instruit, & in pleurisque momentis rerum cautiore reddit. Itaque cum nactus essem hanc Epitomen historiae Turcicae, ab homine prudentissimo Paulo Iouio conscriptam, hic quoque publicandam esse duxi, ut plures legerent, tibi quoque nominatim dedicaui, quem iam in hoc tyrocinio literario, omnium gentium historias avidissime legere & excutere conuenit. Vides quantam frater tuus laudatissimus Princeps negotiorum molem sustineat, in iurisdictione, in quotidianis deliberationibus rerum maximarum. Hic in tanto occupationum concursu, tamen legit plurimum. Et ut Cato in Senatu dicitur aliquid temporis ad legendum suffuratus, ita hic saepe inter disputationes senatorias libros habet in manibus. Legit de religione non eorum tantum scripta, quorum probat sententiam, sed etiam aduersariorum. Multa inquit ac legit de iure. Historiam uero Graecam, Romanam, Ecclesiasticam, res imperij Germanici, maiorum suorum non modo res gestas, sed etiam domesticam uitam, & omnes grauiores controuersias meminit: qua in re saepe non modo studium,

diū, in tantis occupationibus, sed memoriam etiam
 & iudicium eius admiror. Quoties de motibus Eccle-
 się, de regnorum mutationibus, de ingenijs, moribus,
 uoluntatibus, officio eorum qui uersantur in Repub. de
 periculis prouidendis aut depellendis differitur, quā
 ille apras ex historijs imagines accommodat. Vt igitur
 Nestor apud Homerum hortatur Menelaum, ut fratris
 Agamemnonis sedulitatem imitetur, ita & te decebit
 magis amare historias, admonitum fraterno exemplo.
 Cum autem hunc libellum de rebus Turcicis leges, pri-
 mum cogitabis, quantum initio uulnus acceperit Eccle-
 sia, nato impio dogmate Mahometi in illis Arabum de-
 fertis, quę ut sunt fœcundissima uenenatarum bestia-
 rum, ita fuerunt & hæresium ac discordiarum Ecclesia-
 sticarum, ut genium loci non raro admirer. Ibi pestilen-
 tissimę hæreses natę sunt Ebionis, Gnosticorum & Ma-
 nichæorum, deinde accessit ex uicinia tumultus Aria-
 nus. Ex hac hæresium confusione ortum est delirium
 Mahometi. Et celeriter contagium occupauit animos
 ambigentes, tot antea dissensionibus perturbatos. Ita
 dedit mundus pœnas spreti Euangelij, & curiositatis,
 qua sibi quisq; immani audacia fingeat nouas opinio-
 nes. Postea per seditionem & tyrannidem error propa-
 gatus & stabilitus est. Aliquanto post Turcica gens cum
 mercede militaret in Asia, ex antiquis effusa sedibus, hęc
 impietatem amplexa est, credo ut facilius potirentur
 imperio uicinarum gentium.

Sacrę literę uaticinantur de regno Gog & Magog:
 Me autem & Turcicę gentis origo & professio, & ma-
 gnitudo successuum mouent, ut existimem hoc ipsum
 regnum Turcicum significari. Cum igitur constet Tur-

cicam professionem pugnare cum Euangelio, cum arma gerant hanc ipsam ob causam præcipue, ut deleant nomen Christi, ut uastitatem in Ecclesia efficiant, sicut Propheta de Gog & Magog prædixerunt, execrari Turcicum regnum omnes pii debent. Principes uero Christiani nominis ad propulsandam illam pestem, omnia consilia, & omnes uires conferre debebant. Ecclesia contaminata multis uitij, impijs cultibus, & alijs peccatis toto orbe terrarum, dat poenas. Hæc causa est, cur tanti fuerint successus Turcicæ gentis. Sed uereor olim hanc nationem & reliquas uicinas, daturas esse poenas, cum reliquorum uitiorum, tum uero etiam negligentia, quod hostem summa crudelitate in uicinia, & ferè ob oculos grassantem, et exercentem foedissimum latrocinium, non arcemus, quod Græcam nationem, cum qua religione, societate imperij, & multis foederibus cõiuncti fuimus, non ex hac miserrima seruitute eripimus. Paulo ante adhuc Græcia domicilium fuit doctrinæ religionis, & omnium optimarum artium. Quam multos enim eruditos in omni doctrinarum genere nuper etiam habuerit, inde æstimari potest, quod exilio Græcorum in Italia nõ modo Græcæ linguæ studia excitata sunt, sed etiã restitutæ cæteræ artes, quarum uix umbram quandã antea tenebant Latini. Non recitabo laudes antiquæ Græciæ, quanta uirtus, quanta sapiëntia eius nationis fuerit, quantum ei debeamus, propterea quod disciplinas partim inuenerit, partim expolierit. Illud saltem consideremus, quod alienum sit à pietate, non affici acerbissima calamitate eius partis Ecclesiæ, quæ omnium longe florantissima fuit, deinde quæ fortissime dimicans pro libertate, hoc est pro religione, disciplina, & legibus, tandem non

non uirtute uicta, sed assiduitate bellorum confecta con-
 ciderit. Errant enim si qui putant Græcos parum fortiter
 depugnasse pro patria. Annos amplius sexcentos penè
 perpetuum bellum gesserunt cū Mahomericis, primum
 in Asia, postea cum Turcis in Græcia, Bisantium aliquo-
 ties obsidione cinctum est. Multa ingentia prælia com-
 missa sunt. Sed ad extremum deserti Græci, tantam bar-
 barorum multitudinem soli non potuerunt sustinere,
 totaq; gens hoc tempore nō aliter concidit, quā olim
 ad Thermopylas Spartani dimicantes cum Xerxis exer-
 citu: Refert enim adhuc Græcia aliquid antiquæ uirtu-
 tis. Et audio nunc quoq; præstantissimos quosq; duces
 Turcicorum exercituum, Græcos esse, & res maximas gu-
 bernari ac geri per homines Græcos. Etsi enim passim
 adhuc in Græcia reliqui sunt Christiani, tamen certus
 numerus liberorum patribus familiarū eripitur, qui ad
 Turcicos ritus et ad militiam instituuntur: multos exem-
 pla & gloria militaris, quæ in generosis naturis acerrim-
 us stimulus est, inuitant. Quā misera seruitus est, ubi
 religiones delentur, ciuilis disciplina tollitur, auellun-
 tur liberi à parentibus ad impietatem, sæpe etiam ad stu-
 pra, & nefarias libidines. Quales enim sint priuati mo-
 res Turcicæ gentis, hic libellus non obscure ostendit, cū
 Imperatorū sæuitiam, parricidia, & libidines describit.
 Tyrannis est perpetua, dissimilis imperiorum ueterum
 omnium, qua ex re animaduerti potest, non leuiter De-
 um huic postreme ætati mundi irasci, qua tantam tyran-
 nidem grassari sinit. Significant enim scripture hoc pos-
 tremum fore regnum, antequam ille faustissimus & læ-
 tissimus dies illucescat, quo Christus Ecclesiam suam li-
 beratam ab omnibus malis nouo triumpho ducet in
 aa ij cœlum.

coelum. Sed ita tamen grassabitur hæc tyrannis, non ut occupet uniuersum terrarū orbem. Reliqua erunt regna Christiani nominis, quæ barbariem illam reprimere debent. Quas enim dicemus esse causas uiris fortibus, cur arma capiant, si hæc non sunt causæ, uidelicet, ne deleatur uera religio, ne coniuges, liberi rapiantur ad impietatem & libidines, ne posteritas oppressa seruitute, amittat cognitionem Christi, ne disciplina sublata, mores corrumpantur? Harum rerum magnitudine fortes uiros moueri decet. Hæc atq; alia similia ueniant tibi in mentem legenti hunc libellum: Nam harum rerum cogitatio cum alijs omnibus, tum uero maxime Principibus utilis est, eosq; ad res gerendas præparat. Leges igitur et huius gentis, & aliarum historias, & ita leges, ut consideres, quæ exempla lectorem de religione, quæ de imperijs, quæ de moribus admoneant, teq; omni studio excites ad pietatem, & ad cæteras uirtutes, quia sine auxilio Dei nec constitui, nec retineri possunt Respub. Et quidem pollicetur opem Deus pijs Principibus, sicut Psalmus inter laudes Dei hæc quoq; canit: Qui dat salutē Regibus. Cumq; imagines Dei in terris Principes esse debeant, hoc est, exhibentes hominibus sapientiam, uidelicet, doctrinam de Deo, & alias artes uitæ utiles, iusticiam, defensionem, disciplinam regendorum morum, siqui sunt dissimiles huic imagini, quàm terra & horrenda monstra sunt, qui cæci & amentes, odio Dei ardent, & delent piam doctrinam: Deinde illud ex tragœdia tyranni præceptum imitantur:

sanctitas, pietas, fides

Præuata bona sunt, qua iuuat reges eant.

Quod cum semel sibi persuaferunt, deinde ruunt in libidines,

bidines, helluationes, diripiunt publicas & priuatas facultates, exorbent sanguinem ciuium, grassantur fraude, simulatione, Sophistica, manifesta crudelitate, permittunt improbis infinitam licentiam, ut latissime uagetur turpitudo omnis generis. Quod monstrum abominabilius est tali belua, qua tota rerum natura polluitur, quæ tanquam furia in terras emissa, bellum cum Deo, cum legibus, cum honesta doctrina, cum tota natura generis humani gerit. Quid magis miserum est, etiam si adsint opes infinitæ, quàm tale portentum esse, tanquam *καὶ ἅπαντα* inuisum Deo, cœlestibus Angelis, omnibus hominibus, denique toti rerum naturæ. Sed Christus faciat, ut tu olim ita regas Rempublicam, ut uoluntas, consilia, mores tui ad imaginem Dei conueniant, & Deum archetypum recte exprimant.

Bene uale. Mense Octo-

bri, Anno

2537.



aa iij

Præfatio

PRAEFATIO IN RODOLPHVM
Agricolam.

EXIMIA VIRTUTE ET DOCTRINA
prædito, D. Alardo Aemstelredamo
Phil. Melan.
S. D.



Abeo tibi gratiam doctissime Alarde, quod occasione mihi offers, de Rodolpho Agricola ea mandandi literis, quæ mihi adolescenti, & quadam puerili cupiditate sæpe interroganti, duo grauissimi viri narrarunt, quibus cum Rodolpho non modo familiaritas, sed etiam quædam studiorum societas fuit, Capnio & Palas Heidelbergensis, qui (ut eius quædam scripta testantur) diligentius ac purius loqui solebat, & de artibus multo grauius iudicabat, quàm cæteri ipsius collegæ, qui tunc sacras literas enarrabant. Erat enim me puero recens Heidelbergæ memoria Rodolphi. Nam Dalburgius Vangionum Episcopus, apud quem uixit Rodolphus proximo anno ante bellum Bauaticum, florenti adhuc ætate è uita decessit, usus perpetua quadam foelicitate, qua etiam euocatum puto, ne spectator esset illarum calamitatum, quæ postea secutæ sunt. Porro non modo Dalburgij autoritas, sed (ut animaduerti) etiam Plinij amicitia Rodolphum Heidelbergam pertraxit, quo cum Ferrariæ coniunctissime uixerat. Sic autem uocabat ipse Pleningerum uirum equestri natum loco, & præstanti ingenio præditum. Vix enim ullæ sunt dulciiores amicitie, quàm hæc scholasticæ, societate studiorum
contra dē

contracte, quæ etiam postea allatæ ad Rempub. nonnisi
 hil momenti adferunt in multis grauissimis negocijs, ut
 Solonis & Pisistrati amicitiam puerilem profuisse tran-
 quillitati Atticæ ciuitatis arbitrantur, & Eudemum cum
 Dione, schola Platonis cōiunxit. Sed omitto exempla.
 Memini autem me audire ex Pallante, fuisse mores Ro-
 dolphi castissimos, & omnibus bonis uiris probatos,
 adeo ut non modo propter famam doctrinæ, sed mul-
 to magis propter uitæ & morum grauitatem, & (ut ipse
 referebat) singularem prudentiam & moderationem
 omnium actionum, consuetudo eius à præstantissimis
 uiris expeteretur. Consulebatur ab omniū artium pro-
 fessoribus, si quis inciderat nodus, ad cuius explicatio-
 nem opus erat aut historiarum, aut Latinæ linguæ, aut
 Græcorum autorum cognitione. Itaque ingeniosi ab ipso
 admoniti, multa in Aristotele dexterius ac simplicius
 tractabant: audierat enim Ferrariæ Theodorū Gazam,
 qui in Aristotelis doctrina excelluit. Cumq; Heidelber-
 gæ consuetudo fuerit (ut mihi uidetur plena humanita-
 tis) ut in publicis disputationibus, professores, si quan-
 do hærebat disputator, interfarentur, audio sæpe diffi-
 ciles nodos publice à Rodolpho, de fato, de causis, de
 Endeuchia, & similes explicatos esse. Quare & dispu-
 tationum coetus propter ipsum erant frequentiores, &
 ad eos confluebant non tantum scholastici, sed multo
 etiam studiosius grandiores natu, qui Academiæ præ-
 erant. Nec defuit eius officium Iurisconsultis, amabat
 enim leges, & propter ipsarum dignitatem, & quia con-
 tinere eas, doctrinam, historias & bonam Philosophiæ
 partem affirmabat, deniq; mores et humanitatē utriusq;
 ciuitatis, uidelicet, Atticæ & Romanæ, conspici magna
 ex parte

ex parte in legibus dicebat: quare plerasq; sine noticia antiquitatis intelligi posse negabat. Ostendebat & in Canonibus germanum sensum, saepe ex historijs & Ecclesiae moribus petendum esse. Nam cum ortum esset certamen de hoc dicto: Frustra seruât Euangelium, qui non seruant Canones. & imperiti quidam disputarent, q̃ dura uox esset, si ad omnes ritus Ecclesiasticos transferatur, admonuit Rodolphus, Canones initio uocatos esse sententias Synodorum de dogmatibus, ut in Synodo Nicena damnati sunt errores Samosateni, Catharorum, & Arii. De talibus decretis recte & proprie dici affirmabat, frustra seruari Euangelium, si illi Canones non seruentur, qui ueram & firmam sententiam scripturę explicant, de illis controuersijs. Hanc se interpretatiōnem à Rodolpho accepisse Pallas saepe predicabat, nunquam nō adijciens honorificam commemorationem de moribus & de eruditione Rodolphi. De Theologia uero solitus est accuratius disputare, ut satis appareret eum tota mēte, totoq; animo amplecti & uenerari Christianam religionem, & abhorreere ab impietate: Fuerat enim aliquandiu familiaris ciui suo Basilio Groningo Theologo Parisiensi, quem reuersum ex Gallia, Basileę Capnio etiam se audiuisse dicebat: qui quidē Basiliū narrabat Græcam & Hebraicam linguam mediocriter calluisse, in Theologia uero & Medicina, ac reliqua Philosophia, facile omnibus illius gratis professoribus antecelluisse. Accensus igitur Rodolphus Basilię doctrina, cumq; etiam in Italia Theologos audisset, & ipse scriptores Ecclesiasticos Græcos & Latinos excuteret, & si probabat uoluntatem in recentioribus, qui summas rerum uidissent in unum corpus ac methodum contrahendas

hendas esse: hanc enim docendi rationem necessariam esse in omni genere fatebatur, tamē iudicium, modum & puritatem non obscure desiderabat, ostendebatq; qui mores, quę opinionēs recentium temporū conueniant cum ueteri Ecclesia, quę non conueniant. Nihil fingo, nam mihi sermones quidam ipsius recitati sunt à uiro optimo, καὶ ὅτι μάλιστα ἀξιοπύσιω. Sepe enim adiuuabat Theologos in reddendis Gręcis sententijs sacrorum librorum, ut in hoc dicto: Et Deus erat uerbum. monebat λόγον subiectum esse, ut uocant Dialectici, propter articulum, iuxta Gręci sermonis consuetudinem. Et huiusmodi alia multa. Hęc, ut studiosos iuuaret, comiter inter eruditos & graues uiros disputabat, non rixabatur cū indoctis. Cum igitur proceres aliquoties eius doctrinam & mores Philippo Principi Palatino predicassent, Princeps cupiens eum audire (magnopere enim delectabatur eruditis sermonibus) complecti eum familiariter cœpit. Cumq; primum de Gręcis, Latinis & Ecclesiasticis historijs multa sciscitatus esset, petiuit epitomen historiarum sibi componi. In hac audiui Rodolphum complexum esse ordine seriem imperiorum, initia, incrementa, & inclinationes religionum, & morum mutationes, collata etiam esse tempora Gręcę historię cum sacra. In id compendium contraxit electas materias maxime utiles, cum ex Poetis, tum ex historicis Gręcis, Herodoto, Thucydide, Xenophonte, Gemisto. Asperlit & inter narrandum sententias ad mouendum Principem de multis partibus Reipublicę. Id scriptum ualde auxit Principis & procerum studia erga ipsum, cum non modo eruditionem ipsius, sed etiam singularem prudentiam, quę lucebat in illis narrationibus de causis muta-

tionum, quæ in imperijs accidunt, admiraretur: Quare postea sæpe in consilium de Repub. adhibitus est. Hæc memini non raro predicare Capnionem & Pallantem, quæ multis de causis libenter recensui. Etsi enim eruditio Rodolphi iudicari ex scriptis ipsius potest, tamē mores & uitæ consuetudinem, & testimonia magnorum uirorum de ipso nosse adolescentibus prodest. Sæpe enim eruditorum exempla aliquid de studijs monent, ut quo dirigenda sit manus (ut ita dicam) rectius prospiciant. Fortassis etiam magis admirabuntur & amabunt Rodolphum, si cogitabunt Gazæ & aliorum doctorum uirorum consuetudine usum esse. Cum autem eius monumenta plurimum conducant adolescentiæ studijs, præclare te de studijs mereri iudico mi Alarde, quod sumptu & labore tuo ædi curas, cum cætera Rodolphi scripta, tum libros eius Dialecticos integros, qui hætenus mutili circumferuntur. Porro cum Aristoteles uocet Dialecticos libros *ὑψηλοῦ*, satis admonet hanc artem maxime necessariam esse: Lumen est enim, omnium non modo attium, sed & disputationum ciuiliū & Ecclesiasticarum. Quare plurimum refert adolescentiam in ea recte & prudenter institui. Nec uero ulla extant recentia scripta de locis & de usu Dialectices meliora & locupletiora Rodolphi libris. Proinde optime te mereri de Repub. iudico, quod integros & emendatos ædi curas, quos quidem uelim omnes adolescentes, qui solidam eruditionem expetunt, assidue, & (ut Horatij uerbis utar) nocturna uersare manu, uersare diurna.

Bene uale. Francoforti 28. die

Martij, Anno

1539.

Præfatio

PRAEFATIO PHILIPPI MELAN-
thonis in Mettricam Iacobi
Micylli.



On tantum mihi sumo, ut meo iudicio de
lingua Latina et Graeca, deq̃ ratione scriben-
di ac dicendi plus tribui uelim quàm iudic-
io Micylli, cuius extant pleraque scripta,
quae testantur eum singulari ingenij uenus-
state, solida eruditione & prudentia in iudicando egre-
gia, praeditum esse. Mihi, si quid fuit ingenij, consum-
ptum est in rixis disputationum, & in magna uarietate
negociorum, in quibus uersamur. Quare nihil opus est,
huic operi Micylli, mea praedicatione, & rectius ipsi ius-
uentus de hoc genere studiorũ, quàm mihi assentitur.
Sed tamẽ, quia propter nostram amicitiam à me adijci
epistolam uoluit, nõ repugnaui uiri optimi, mihiq̃ ami-
cissimi uoluntati. Res loquitur ipsa, eruditorũ coniun-
ctionem, cõcordiam, & consensum in tradendis & ad-
iuuandis artibus, in primis salutarem esse rebus huma-
nis. Quare has scholasticas amicitias, quantũ possum,
omni officij genere tueri cupio, easq̃ ad Rempub. perti-
nere censeo:

τέτλιξ μὲν τέτλιγι φίλῳ, μύρμακι ἢ μύρμαξ.

Inquit Poeta. O beatas Respub. O foelicem Ecclesiam,
si firmus esset literatorum consensus in rebus bonis &
uera concordia. Quis enim non uidet uitam praecipue
regi literis, & literatorum iudicijs? Sed haec aliàs. Dein-
de si existimat Micyllus meam adhortationem ad exci-
tanda studia aliquorum nonnihil prodesse, non decuit
me hanc operam defugere. Constat autem, multas esse

bb ij grauiſſi

grauissimas causas, propter quas iuuentus ad Prosodiae studium assuefacienda est. Primum enim cum incititia Grammaticae, omnes artes, religionem ac leges, ingentibus tenebris obruat, diligenter in tota Grammatica elaborandum est. Pertinent autem ad Grammaticam non modo recta pronuntiatio quae in scholis traditur, sed etiam uerborum delectus, & figurarum cognitio, quibus duabus rebus opus est omnibus, non modo ad recte dicendum, sed etiam ad intelligenda aliorum scripta. Etiam si nihil compones ipse, tamē ut intelligas eruditorem scripta, legendi sunt Poetæ, ut ex illorum exemplis discas iudicare de ratione loquendi, & de figuris. Ridicule totos Prophetas & Psalmos contaminarunt ante hoc tempus interpretes, ac etiamnum Iudaei elegantissimas figuras turpiter corrumpunt in Psalmis, non aliam ob causam, nisi quia puerili doctrina non sunt exculti, nec agnoscunt figuras & ornamenta in illis concionibus & carminibus. Exemplo est totus Psalmus 67. cuius initium est: Exurgat Deus, & dissipentur inimici eius. Quantū figurarum est in breui Psalmo: Nisi Dominus aedificauerit. Vbi cum proposuit Propheta, irritos esse labores humanos, nisi à Deo adiuuentur ac prouehantur, sequitur antithesis de curis & conatibus humanis, qui non adiuuantur diuinitus, In quibus pingitur hypotiposi paterfamiliās sollicitus, qui mane ante auroram surgit, qui sero it cubitum, & interdū labore exercetur, & cruciatur cura, & assiduus operis conficitur. Hæc ibi figurate dicuntur, nec obscura est sententia agnoscendi figuram: Sunt enim Psalmi plerique similes epigrammatum, in quibus proposita aliqua sententia, deinde accedunt amplificationes, sumptæ ex usitatis præceptis. Ita & in hoc

& in hoc Psalmo secundus uersiculus pingit irritos labores. Et fit illustrior uersiculus, cū transfertur exemplum patrisfamilias ad ceteras personas, ad Principes infelices, ad Respub. ad gubernatores. Quanta erat Darij sollicitudo & quanti apparatus contra Alexandrum: Et tamen non respondebant successus. Deinde additur altera pars antithesis: *Fœlix est labor, cum diuinitus adiuuatur, hoc est, quod ait: Dat dilectis ita, ut habeant interualla ad quietem, & animos tranquillos, ut Dauidi, Alexandro, Scipioni, uictoriæ contigerunt.* Subijcit personas, ut significet quomodo Deus det successus, cum uidelicet ipse creat, duces, gubernatores, Doctores idoneos. Filij, id est, tales uiri idonei ad res gerendas, diuinitus donantur. Cum instauraret Deus Respub. Romanam, dedit Scipionem, dedit Augustum. Cum regnum Iudaicum instauraret, dedit Ezechiam, Esaiam, & similes uiros. Hi sunt similes sagittis, contortis ualida manu, quæ feriunt omnia, & prosterunt quæ petunt. An non Alexander, Cæsar, ut sagitta ingenti impetu contorta, uolitant per orbem terrarum: Omnia eis cedunt, omnia prona sunt. Ita hæc sagitta imago est uirorum heroicorum, omnis generis ducum, gubernatorum, Doctorum, addo etiam patrisfamilias fortunati, animaduertentis omnia fieri illustriora, uere intellecta figura. Iam circumspecte animo duces nostri temporis, gubernatores ciuitatū, Doctores, quæ multas sagittas reperias: Plumæ sunt nostri duces, qui cum Turcis dimicarunt nuper in Pannonijs, non sunt sagittæ, nō fulmina, ut erant Dauid, Alexander, Scipio, Cæsar, & similes heroici uiri. Quid quod imago sagittæ contortæ, etiam significat successus illos non contingere ociosis & ignauis. Requirit

igitur acerrimos labores. Alij ignauia nihil gerunt, aut metu, ut Cassius occurrens Caesari. Alij etiam uehementer conantur, tamen praeposteris consilijs corrumpunt negocia, ut Pompeius, Cato, & hoc tempore multi. Sed heroici uiri recte instituunt negocia, nec susceptos labores in medio cursu remittunt, nec tempora & occasiones oblatas elabi sibi patiuntur. Non abducuntur ab instituto intempestiuis uoluptatibus, ut Antonius impetratus oppressus est, dum agitat conuiuia cum sua Cleopatra, & negligenter parat bellum. Polybius citat de Aeacidis Hesiodi uersum:

αἰὲν κῆρ' αἰ' πολέμῳ κεραιότες ἢ γυ' δαίτι.

Cum enim sint in animis heroicis acerrimi ad uirtutem stimuli, non uoluptatibus ullis magis delectantur, quam ipsa uirtute. Quare ingenti impetu rapiuntur ad res praeclaras gerendas, non conuiuijs, non amoribus, non seignitia reuocantur à rebus necessarijs. Postremo addit epiphonema, Beatas esse Ecclesias & Respub. ubi tales uiri praesunt, quales supra descripsit, quos Deus adiuuat, quibus indidit ardentes motus, quorum consilia gubernat & prouehit. Vocat pharetram talem coetum gubernantium: Non confundetur, cum loquetur cum inimicis in porta, id est, in curia, in certaminibus ciuilibus & alijs: nam olim in portis exercebantur iudicia. Recitauit totum Psalmum, in quo cum tam multae ac uariae insint figurae, non possunt eum dextre enarrare interpretes, qui non attigerunt poemata: Ac talibus figuris plenae sunt sacrae literae. Quantum uolumen texti posset, si etiam ex alijs artibus adijcerem exempla, ubi inscitia Grammatices offudit nebulas. Sciant igitur adolentes omnibus studiosis opus esse poematum cognitione,
ad iudicium

ad iudicandum de ornamentis orationis. Deinde si qui
 à natura adiuvantur, illis prodest etiam uersus compo-
 nere: in scribendo carmine magis sentient quid sit imita-
 tio, magis perspicient in uerborum delectu. Quid quod
 magnam uoluptatē hęc Musica adfert bonis ingenijs,
 numeris & concinnitate quadam illustrare eruditās sen-
 tentias. Postremo alunt Poetæ etiam rerum scientiam.
 Porro nec amare, nec intelligere Poetas possunt illi, qui
 sunt rudes Philosophiæ. Quare cum Poetarum cogni-
 tio necessaria sit, etiam Metricam diligenter discendam
 esse iuuenes sciant. Illud quoque uelim persuasissimum
 esse omnibus, quod est uerissimum, non posse conserua-
 ri facultatem rectæ scribendæ solutæ orationis, nisi exer-
 citatio faciendorū uersuū conseruetur, propterea quod
 uersus magis ad imitationem adolescentes adsuefacit.
 Nemo autem sine cura imitationis recte loqui poterit.
 Hęc breuiter præfatus sum, non solum ut amico mo-
 rem gererē, sed quia uere, & ex animo ita sentio, nec du-
 bito idem sentire omnes mediocriter literatos, magno
 pere opus esse cognitione poematum ijs, qui hunc fru-
 ctum ex studijs petunt, qui præcipue petendus est, ut re-
 ctè iudicent de alienis scriptis, & ut possint tolerabili ge-
 nere sermonis cognitiones suas explicare. Has duas ar-
 tes necessarias esse in uita, nemo non uidet. Proinde ad-
 hortor adolescentes, ut hoc studium ament, ut se ad uer-
 siculos faciendos assuefaciant. Ad hanc exercitationem
 plurimum proderit hic Micylli liber: Nemo enim

Latine scripsit Prosodiam eruditius aut
 diligentius. Bene uale

Lector. 11. Aug.
 gusti.

Ad Ado-

AD ADOLESCENTES EPIGRAMMA
Philippi Melanthonis.



I decus Aufoniæ linguæ retinere studetis,
Si cupitis recte uerba Latina loqui,
Cura sit, à teneris uatū cognoscere scripta,
Eloquij fontes hos sciat esse puer.

Horum pectoribus motus Deus indidit acres,
Sublimemq; dedit Musa canora sonum.

Verum non satis est legisse poemata tantum,
Accedat studijs altera cura tuis,

Vt doctis digitis exempla effingere certos,

Cogere & in numeros uerba soluta nouos.

Hic labor ingenij uires acuitq; fouetq;,

Hinc uenit eloquij copia, forma, nitor.

Hoc si languescet studium, si signara iuuentus

Non perferre uolet tædia longa styli,

Hei mihi, quæ clades, reliquas iterum obruet artes?

Barbaries tenebras inuehet atra nouas.

Ad uates igitur docilis reuocanda iuuentus,

Hinc sibi sermonis lumina clara trahat.

Et quanquam oblectent, muneriq; soniq; legentem,

Rerum animos grauitas plus tamen ipsa capit.

Naturam rerum totam pinxere Poetæ,

Et morum quæ sit norma sequenda, docent.

Hi monstrauerunt coeli fastigia primum

Non mergenda mari quæ cynosura notat.

Vt teneant metas errantia sydera certas,

Signifero Phœbi quæ sit in orbe uia.

Tardior æstiuo cur Phœbus in axe uehatur,

Cum superat noctis tempora longa dies.

Brumaq;

Brumaq; cur noctes extendant frigida, quando
 Ima tenet celeres orbita solis equos.
 Lumine cur careat, cum soli proxima luna est,
 Et medio fratrem cur tegat ipsa die.
 Ut lunam inuoluat tellus ingentibus umbris,
 Et uetet opposito lumine posse frui.
 Quasq; uices seruent orientia sydera cœlo,
 Et quo discedant ordine, mersa mari.
 Quæ stellæ diros moueant urantq; cometas,
 Ac flammis istis suppetat unde uapor.
 Ne causas recitant tantum, sed fata Poetæ
 Describunt, fieri nec temere ista monent.
 Esse Deum uerum autorem testantur, & istum
 Mentibus humanis hæc dare signa ferunt,
 Cui non res libeat studiose inquirere tantas,
 Dura nisi si cui est mens adamante magis.
 Has complectuntur uatum monumenta bonorum
 Quantum ipsas homini cernere posse datur.
 Exgo dexteritas, & docti cura Micylli,
 Ad Musas lector cum tibi monstrat iter,
 Hoc duce, Parnassi celsas ascendito rupes,
 Et tua doctrinæ fontibus ora riga.

τιλθ

cc Præfatio

PRAEFATIO PHILIPPI MELAN-
thonis in Syntaxin.

PHILIPPVS MELANTHON IVSTO
Ionaë, filio Clarissimi viri Iusti Iong
Doctoris, S. D.



Agna similitudo est legum atq; artiũ, ac si
vere iudicare volumus, leges sunt haud du-
bie ars quædam regendorum morum &
consiliorum vitæ. Quis autem non uidet,
quàm impatienter ferant legum uincula,
homines nõ satis instituti et assuefacti: quàm indignen-
tur ac fremant uelut carcere, legum minis inclusas cupi-
ditates coherceri? Sicut & apud Platonem Gorgias, &
si non recte iudicat, inquit, legem cum natura pugnare.
Hæc contumacia in iuuentute magis conspici potest, &
in barbaris gentibus, quo quæq; est ferocior, eo minus
habet legum & discipline, & plus sibi sumit licentiæ. Si-
cut autem affecti sunt animi agrestiores erga leges, ita ui-
demus plerumq; adolescentes, & alios rigidioribus na-
turis præditos, erga artes affectos esse. Etiam cū discunt
literas, linguas, historias, religiones, leges, remedia, ta-
men à præceptis artium ipsarum abhorrent, hæc uincu-
la sibi inisci non patiuntur, sed quadam barbarica liber-
tate uagantur in doctrinarũ campis, & decerpūt passim
quantum delectat, artes ipsas neq; ordine, neq; integre
discunt. Nec uero ullo in genere perfecta doctrina com-
parari potest, hac confusanea discendi ratione. Atq; hic
maxime reprehendendi sunt quidam, qui pueris ipsis
odium præceptionũ instillant, qui sicut milites illiterati
Gallice

Gallice inter Gallos discunt, ita sperant pueros fore
Grammaticos, sine arte, utcumq; colloquentes cum au-
toribus. Vt autem uulgus gaudet legum habenas laxa-
ri, ita pueris hæc *συναγωγία* duplici nomine grata est:
Nam & onere discendi argutias odiosas illi ætati, leuan-
tur, & sibi libertatem concedi putant, ne ad præscriptū
loquantur. Sed hæc indulgentia etiamsi est popularis,
tamen est admodum pernicioſa. Postquam enim des-
~~ſij vernaculus usus lingue Latine, nemo certam loquen-~~
~~di rationem sine regulis consequi potest.~~ Itaq; qui præ-
ceptiones non didicerunt, paulo post uel erroris sui, uel
ignauie pœnas dant. Postquam enim adoleuerunt, con-
ſci ſibi inſcitie ſue, nec loqui, nec ſcribere Latine audent,
quare alij desperatione quadam in totum abijciunt lite-
ras, alij etiamsi commorantur in studijs, tamen iustos
fructus ex eis percipere non poſſunt, quorum utrumque
multis modis nocet Reipublice. Sedent enim ad guber-
nacula iudicaturi de religionibus, de iure ac iuſticia, de
artibus, ſine ulla perfecta doctrina. Ne intelligere quidẽ
proprie ea, quæ à doctis citantur, poſſunt. Vt igitur po-
pularitas & mollicies in ſoluendis legibus præcipua eſt
imperiorum peſtis, ita religione præceptionum animos
liberari, nequaquam eſt utile publicis studijs. Et hanc
puerilem conſuetudinem animaduerto in poſterū no-
cere. Postquam ſemel induerunt contemptum præce-
ptionum in Grammaticis, adferunt deinde ſimilem ne-
gligentiam ad ceteras maiores artes, quarum cum leges
aſpernentur, non ſolidam doctrinam, ſed quandam do-
ctrinæ umbram ex illis auferunt: Non enim earū initia,
& ſeriem ordine cognoscunt, ſed fortuito quædam inde
ſumunt, quæ ad oſtentationem, aut mediocrem uſum
cc ij conducere

*proprium hominibus
oput. & gra-
tialiter*

conducere uidentur. Et quia cognatio est legum atque ar-
 titium, elabitur animis assuefactis ad contemnendas prae-
 ceptiones, reuerentia legum, quae priuatos & publicos
 mores gubernant. Ita negligentia in re, ut initio uide-
 tur, leui, parit ingens malum. Nam in instituendis ad
 uirtutem hominibus praecipue hac diligentia opus est,
 ut animis inseratur reuerentia erga leges, ut ueras, & ne-
 cessarias uitae esse ducant, nec priuato arbitrio, sed ad il-
 larum praescriptum mores regendos esse sentiant, sicut
 Cyrus puer uenustissime admonetur, iusta esse ducenda,
 non quae ipsi aequa uideantur, sed quae legibus constitu-
 ta sunt. Cum enim puer grandiusculus indutus breui
 tunica, alteri minori, uestem longiorem ademisset, data
 illi breuiore tunica, quae quadrabat ad modum corporis
 illius & res ad Cyrum iudicem deferretur, pronuntiat
 Cyrus, ut quisque uestem suo corpori aptam teneat: Id
 enim puerili quadam opinione commodum & aequum
 esse arbitrabatur. Sed postea Pedagogus retractata sen-
 tentia dat plagas Cyro, & monet iusta esse, non quae ipsi
 uideantur commoda, sed quae legibus sancita sunt: preci-
 pua autem lex est, ut suum quisque teneat, ne in aliorum
 fortunas quisquam impetum faciat. Ita significauit ille
 Cyri Magister, assuefaciendos esse animos, ut nostris
 opinionibus & cupiditatibus longe anteferamus legum
 auctoritatem. Quare ἀδυνάμει quiddam fuerit, teneram
 aetatem flectere ad amandas praeceptiones, ut existimer
 uirtutem esse, frenare ingenium, & ad praescriptum cum
 loqui, tum agere omnia: Illud enim constat, praecipio-
 num contemptu in ferocioribus ingenijs ualde confir-
 mari Cyclopica audaciam. Et adollescentes ipsos ad-
 moneo, ut si quae uiderint aequalium inimicum artibus ac
 praecipis

quae iusta
 sunt

Exemplum
 de legibus
 Cyri

præceptis, hanc ut existiment notam esse, naturæ immo-
 deratam libertatem concupiscentis, & legum repagula
 effracturæ. Nullum autem monstrum perinde tetrum
 cogitari potest, ut talis natura impatiens legum & disci-
 plinæ, seditiosa, ac tyrannica. Hæc in genere præfari uo-
 lui de præceptionibus amandis, quæ esse uerissima om-
 nes prudentes uiri testabuntur, & animaduerti facile
 possunt, si quis ingeniorum naturas considerauerit. Est
 autem quædam ad mores & ad multas res necessaria di-
 ligentia, diuersitatem ingeniorum obseruare. Et si igitur
 in artibus discendis, non satis est, præcepta audire, sed
 adiungi oportet exempla, imitationem, & exercitatio-
 nem, tamen hoc persuasissimum sit omnibus, uim ma-
 gnam atq; utilitatem esse præceptionum. Porro ut hoc
 loco tantum de hac parte Grammatices dicam, ingens
 utilitas est, tenere certam loquendi rationem, & de na-
 tura sermonis recte iudicare posse. Errant autem tota
 uia, & toto cælo, si qui putant hæc sine præceptis quen-
 quam consequi posse. Idq; fateri res ipsa tandem cogit
 eos, qui omiſſis præceptis, ex sola autorum lectione, iun-
 gere uerba didicerunt. Deinde etiam si ad quotidianum
 colloquium satis formularum suppeditat lectio, quid
 facient, si longior causa explicanda erit, quomodo com-
 positionem illam periodorum, & totam seriem mem-
 brorum in oratione intelligent, nisi omnem rationem
 Syntaxeos probe cognouerint? Postremo obscuras aut
 uitiosas Syntaxes quomodo iudicabunt, nisi adhibitis
 regulis? Nam si tantum exempla quærent, quoties oc-
 current uitiosa, quorum pleraq; à recte dictis nō possunt
 sine regula discerni? Porro etiam doctos homines inter-
 dum obscuritas, aut nouitas in Syntaxi fallit.

cc iij

Nam

*ut maxima
 præphona*

*Sententia
8 mi panh
ad Timotheum
ex phras*

Nam ut ex sacris literis exempla peramus, extat in priore Epistola ad Timotheum gnome Pauli: Saluatur mulier per filiorum generationem, si manserint in fide, dilectione, castitate, & temperantia. Hic multos fefellit numeri mutatio, si manserint. ideoque disputant, quid uelit Paulus, an mater alioqui pia, si filij abiecerint fidem, peritura sit ipsa quoque. His intempestiuis quaestionibus nihil opus esse sagax Grammaticus facile intelliget: ut enim dicimus: Turba ruunt. ita hic de sexu loquitur, si manserint, scilicet, sexus muliebris. Explicata Syntaxi, postea cernes in hac gnome, non absurdas aut hyperbolicas sententias contineri, sed doctrinam de rebus maximis, utilissimam, minimeque absurdam. Quae enim conicio proponi grauior & eruditior potest, quam haec: Ut in saluandis existere fidem, & fidei fructus, officia suae cuiusque uocationis oportet. Ita hic Paulus complectitur summam doctrinae de salute coniugum hoc dicto: requirit fidem, & uocationis opera, scilicet, officia coniugalitatis, & castitatem. Iam quae consolatio dulcior pijs in coniugio esse potest, quam quod audiunt hic officia coniugalitatis non improbi, aut inter uitia recenseri, sed praestantissimis uirtutibus annumerari, quas Deus approbat, & quae existunt in saluandis. Haec sententia pios preclare munit contra superstitionem. Haec utilis doctrina tota iacet obruta densissima caligine, si quis ignoret Grammaticam rationem Syntaxeos. Itaque hic prodigiosas ineptias Thomas comminiscitur. Exigua laus esse ducitur, non falli in Grammatica, sed tamen utilitas est amplissima. Accidit enim hic quoque ut sit, quemadmodum dicitur: ἀρχὴ ἡμῶν πάντων. Animaduersa enim Grammatica sententia, postea mediocriter doctus uidere potest

potest, ad quos locos dictum accommodari debeat. Hic si
 errata Syntaxeos in sacris libris uelim recitare, nimis pro-
 lixus catalogus futurus esset. Annotaui autem unum
 atq; alterum: Primum, ut uideant adolescentes, quàm
 necessaria sint ad ueras sententias patefaciendas præce-
 pta de Syntaxi: Deinde, ut his admoniti exemplis, sint
 in loquendo & iudicando diligentiores. In Euangelio
 Ioannis cap. 8. legitur: τὴν ἀρχὴν ὅτι καὶ λαλῶ ὑμῖν.
 Hic fefellit & interpretem & Augustinum figura con-
 structionis. Nam τὴν ἀρχὴν ponitur aduerbialiter pro
 particula prorsus, seu primum. Cum enim illi interro-
 gassent Christum, quis esset, respondit: Prorsus is sum,
 quem me esse dico, quem me esse profiteor. Hæc inter-
 pretatio perspicua est. At alij male intellecta particula
 τὴν ἀρχὴν, legerunt: Principiū quod & loquor uobis.
 ac disputant, quare Christus se nomet principiū. Hæc
 etiamsi non sunt absurda, tamen hoc quidem loco in-
 tempestiua sunt, & offundunt caliginem reliquo sermo-
 ni. In Psalmo legitur: Confirma hoc Deus, quod opera-
 tus es in nobis, à templo tuo &c. Quantum accedet lu-
 cis & gratie, si recte reddatur figura constructionis: Con-
 firma hoc Deus quod operatus es, propter templum
 tuum. Orat enim, ut Deus gubernet, adiuuet, & confir-
 met pios, ut propagare doctrinam possint, idq; orat fieri
 propter templum ipsius, id est, ut Euangelium ubiq; il-
 luceat, ut gloria Dei ornetur, & uera Ecclesia crescat.
 Quàm dulcis uersiculus est in alio Psalmo: In conue-
 niendo populos in unum, & Reges, ut seruiant Do-
 mino. Hic Grammatici de constructione rixantur, cum
 sit forma orationis contra Latinam consuetudinem
 ex Græco expressa: Cum conueniunt populi simul &

Reges

*locus euangelij
 Ioannis 8.
 dñy*

*locus psalms
 mky dñy*

*Tu conuenies
 populos et
 Reges
 prima loquendi
 est. Gra*

Reges, ut seruiant Domino. Multa enim complectitur: Pingit in Ecclesia cōcordiam, Testatur etiam ad Reges Euangelium pertinere, & hanc curam Regum esse debere, ut populos ad pietatem inuiteat, deniq; propter hūc finem homines ad societatem esse conditos, imperia constituta esse, populos, hoc est, cœtus consociatos esse, & Reges præpositos, ut ornent gloriam Dei. Hunc finem omnes cœtus hominum in imperijs, ciuitatibus, familijs, scholis experere debēt. Monet igitur Reges, Principes, ciuitates, Doctores, patres familiās, ut cōgītēt hoc præcipuum esse officium suum, ut puram doctrinam ad gloriam Dei conseruare & propagare, & Deo obedire studeant. In his exemplis uident adolescentes, monstrata Syntaxi, sententias nō modo illustriores, sed etiā dulciores reddi studiosis. Multas enim magnas res antea inuolutas, Syntaxis profert & exponit. Scio esse puerile studium, et negotium uideri leue, sed mihi credant adolescentes, nō minus prodesse generi humano Grammaticen, ac præcipue hanc partem, quæ est absolutio Grammatices, quàm plerasq; alias artes aut professiones, & si de earum dignitate nihil detraho. Magna utilitas & magna laus est architectonicæ, quæ non modo domicilia nobis condidit, sed etiam rationem muniendi magnos cœtus ostendit, quæ machinas omnis generis utilissimas, molas, naues, portus, aquæductus fabricat. Assensior magnam esse harum rerum utilitatem, sed non minor est utilitas Grammatices. Hæc religionum, legum, historiarum, & multarum artium quasi nutricula quædam est. Ideo non solum adhortor adolescentes, sed propter gloriam Dei obtestor, ut diligentiam in discendo adhibeant, quam primum Deo, Ecclesijs, & Reipub. debeant

debent, deinde quam flagitant parentes, quorum iudicijs obtemperare eos Deus iussit. Hæ causę discendi inculcandę sunt adolescentibus, ut sciant sua studia pertinere ad Ecclesiam & Rempublicam. Nisi Grammaticen recte didicerint, non poterunt ceteras artes Ecclesię & Reipub. necessarias tueri. Nec nostra opera deesse his studijs debet. Ideo cū uiderem hunc libellum in manibus esse puerorum, fui autor uiro docto Vito Vuinsenio, ut eum augetet, deesse enim aliquas pueriles regulas animaduertentem. Prodit igitur locupletatus nō modo præceptis, sed etiam exemplis, quorum imitatio ad phrasin conducit. Hortantur autem te domestica exempla ad has artes amandas, quę ad recte dicendū necessarię sunt. Es enim natus in oratoria familia, Nam auum tuum audimus summam auctoritatem propter eloquentiam, & civilem prudentiam in patria consecutum esse, qui, ut illa tempora ferebant, non indoctus fuit, sed studiosus in primis ne deessent in oratione nerui. Pater uero, & si tantum natura ualeat, ut nullius ingenium cognouerim ad eloquentiam aptius, tanta est ubertas, tantus splendor in eius oratione, quę naturę bona sunt, tamen illam naturę foelicitatem magna doctriņę copia etiam instruxit.

Horum te accendi exemplis conuenit, ut possessionem huius laudis in familia retineas. Bene

uale.



dd

Præfatio

PRAEFATIO PHILIPPI MELAN-
thonis in Micylli Gramma-
ticam.

HONESTO VIRO CHRISTIANO
Egenolpho, Typographo Francofordiensi,
Philippus Melanthon
S. D.



Um uiderem uersari passim in manibus
puerorū libellum à me quondam ad usum
Ebneri adolescentis, de Grammaticæ ele-
mentis collectum, sepe optavi, ut eruditus
aliquis ac prudens censor eum emendaret,
& quædam adijceret à me non recte prætermis-
sa, aut cer-
te ut æderet Grammaticen aptiorem & utiliorem pue-
ris. Quanquam enim extant Grammatici libri multo-
rum, tamen pleriq; propter prolixitatem negliguntur.
Valde autem probo Micylli eruditionem ac iudiciū,
& uideo eum ea uirtute præditum esse, ut scholasticas
operas non fastidiat. Quare cum eum propter ingenij
elegantiam, & multiplicem eruditionem ac mores opti-
mos amem & suspiciam, profecto ob hanc causam plu-
ris etiā facio, quod non grauatim confert operam ad iu-
uanda puerilia studia, cum alia posset scribere paritura
ei plus admirationis apud externos. Ea; in re & iudiciū
ipsius & uoluntatē sentio laudandam esse. Videt quid
conducat publicis studijs, & est iusticia nostri ordinis,
hanc militiam non defugere, ac inuare discentes.

Cum igitur hanc Micylli uoluntatem nossē, & sci-
rem singularē eius in iudicando prudentiam esse, oraui
eum ut

eum ut emendaret hunc Grammaticum libellum, qui
 meo titulo circumfertur: Etiam si mihi plus ocij esset, ta-
 men anteferrem Micylli censuram meę. Sciunt autem
 multi, quę mihi, non dicam occupationes, sed planē
 ærumę, scholastica negocia, quę & amo & facio pluri-
 mi, sæpe de manibus excutiant. Gaudeo igitur mi Egē-
 nolphę, Micyllum hanc emendationem instituisse, ac
 adolescentes adhortor, ut & Micyllo & tibi agant gra-
 tias. In mea prima æditione quędam desiderabantur.
 Quamquam autem adijci illa prodest, tamē modus ad-
 hibendus est in locupletandis præceptis, ne deterrean-
 tur adolescentes prolixitate. Sed hanc rotam rem cum
 prudentię tum fidei Micylli committo, qui quidem hūc
 laborem & Deo gratum esse existimet. Quantum enim
 refert Ecclesię Christi, recte institui pueros in Grammati-
 cis: Cum doctrinę cœlestis puritas conservari sine lite-
 ris non possit, cum multę controuersię maximarum re-
 rum ex phrasi iudicandę sint, cū ad explicationem opus,
 sit habere in promptu ac numerato proprij sermonis co-
 piam, quid erit in Ecclesia Doctor sine Grammatica aliud,
 nisi aut *κωφὸν πρόσωπον*, aut impudentissimus rabula:
 Ac ne amare quidē sacras literas possunt, qui genus ser-
 monis non intelligunt. Verissimū enim illud est, quod
 dicitur: Ignoti nulla cupido. Qualis autem ille erit in
 Ecclesia Doctor, qui nec amat, nec intelligit, nec enarra-
 re doctrinā cœlestem potest: Satis graues pœnas olim
 dedit orbis contemptæ Grammatices, cum Monachi
 non germanas sententias, sed adulterinas scholis & po-
 pulo proponebant. Et tamen magna tunc frequentia
 fuit discantium, & aliqua studia fuisse constat, sed deprava.
 Quid esset recte loqui, pauci uidebant, multo pau-

ciores iudicare phrasin poterant. Nunc in tanta discen-
tium paucitate, quales tenebrę futurae sunt, si illi ipsi, qui
doctrinę custodes esse debebunt, non recte fuerint insti-
tuti: Quare Principes inter ceteras curas publicas com-
plecti etiam studiorum conseruationem debebant. Sed
q̃ paucos hęc cura tangat, res loquitur ipsa. Ideo opto,
ut ciuitates hoc tantum ornamentum Ecclesię & totius
uitę tueri & conseruare conentur. Si agnoscant hi, qui
præsunt ciuitatibus, se in restitutione religionis ac depul-
sione horribilium errorum & εἰδωλομανίας, adiutos esse
literis & eruditione, uicissim meminerint se hanc gratiã
eis debere, ut eas ab interitu uindicerent. Cogitent quęso,
qualis barbaries ciuitatum futura sit, si uelut in Scythia
nemo literas sciet: si deerunt, qui de religione erudite
alios doceant, qui errantibus ciuib; consilium dare
queant. Non nego magna ornamenta esse ciuitatum,
quę ferẽsola nunc expetuntur, opes, fundos, arces, fru-
mentum, arma: sed profecto, hęc neq; sola, neq; præcia-
pua bona sunt. Coierunt cœtus, & iure consociati cinxe-
runt se mœnibus, quam ob causam? Hęc uera & præcia-
pua causa est, propter quam ad societate homines con-
diti sunt, ut alij alios de Dei uoluntate & de ceteris res-
bus bonis doceant. Præclare igitur Stigellius:

Post ubi senserunt se semina ducere cœlo,

Atq; aliquem, mundum qui regat, esse Deum,

Tunc primum amplexi iuncti consortia cœtus,

Tegmina uicinis composuere casis.

Utq; alios alij de relligione docerent,

Contiguas pietas iussit habere domos.

Hinc urbes struęte, quarum est ante omnia munus,

Adseruisse Deo, quam iubet esse, fidem.

Luceat

Luceat ergo in ciuitatibus uera Dei noticia, celebretur gloria Dei, gaudeant Politia se esse domicilia Ecclesiae. Sed ut hoc uerū decus tueantur, omnino opus est scholis ac literis, quas qui negligunt in ciuitatibus, non politici uiri, etiam si sunt industrii, sed Cyclopes strenui ducendi sunt, quorum est immanis oratio apud poetam:

Sed non Cyclopes numen coeleste uerentur.

Verum quòd labor: Omnes igitur pij & amantes Dei ardentibus uotis orent Deum, ne extingui studia literarum sinat: Deinde suo quisque loco iuuat discentes. Ipsa etiam adolescentia meminerit se præcipuam esse partem Ecclesiae, ut Christus inquit: Sinite paruulos uenire ad me. ac cogitet suas operas in discendo pertinere ad communem omnium salutem, & ad gloriam Dei: Nam reliqua gratis studia imitantur hoc tyrocinium. Qui non recte Grammaticen didicerunt, postea ceteras disciplinas audacissimè corrumpunt. Apparet enim & hic, uere principium dimidium totius esse. Vt in tenebris colores discerni nequaquam possunt, ita sine Grammatica iudicari de sermone in ceteris artibus nullo modo potest. Quàm multa possem turpia errata, quæ magnā ruinam in Ecclesia, & gubernatione uitæ traxerunt, tantum ex inscitia Grammatices orta recensere: Quare exuscitanda est adolescentia, ut propter publicam necessitatem literas & amet ardentius, & discat impetu & cura maiore. Quod si facient, sciant se esse plantulas, ut ait Elaias, saturas ad glorificandum Deum, & expectent à Deo ingenia laboris ac sedulitatis suæ præmia. Bene uale mi Christiane, & Christo strenuè seruito in iuuanda re literaria. Vuiteberge, Anno

1540:

dd iij

Præfatio

PRAEFATIO IN HARMONIAS
de Passione Christi.



Non dubium est Musicam generi humano
præcipue datam esse sacrorum causa, pri-
mum, ut cantu, tanquam literis conserua-
rentur & propagarentur oracula diuini-
tus tradita: durabilior est enim numero-
rum & carminum memoria. Deinde ut recte sententiæ
magis penetrarent in animos, & ferirent ac mouerent
hominū pectora uehementius. Est enim quædam ani-
mæ cum numeris & harmonia mirabilis cognatio, qua
fit, ut auidè accipiant animi harmonias, & earum uarie-
tati respondeant uarij motus in nobis. Sentiantur hæc
non obscure, & si ratio, cur fiant, non perspicitur, sed har-
monicū quiddam est anima & natura percipiens atque
amans numeros atque harmoniam: ex quibus duobus
existit ordinis cognitio, quo nihil est in omnibus rebus
& in moribus pulchrius, quo animaduerso, mens tradu-
citur ad agnitionem Dei. Verum ut hanc disputationē
de causis omittamus, illud minime dubium est, Musi-
cen in sacris ritibus semper adhibitam esse, ut uel trans-
quilliores redderet animos, & ad cogitationem rerum
diuinarum aptiores, uel alios excitaret motus, ijs senten-
tijs, quæ proponebantur, congruentes. Eamq; ad rem
diuturnam consuetudo maxime profuit, qui ad cantum,
ad fides, adiungebant uerba, ut simul perferrētur ad aures
atq; animos hominū sententię sonis conuenientes.
Hæc harmonia ciet ardentis motus in animis. Vt igitur
cætera Christi dicta, facta, aut beneficia cantu celebra-
re prodest, ita maxime ad historiam mortis eius adhi-
benda

benda est Musica. Maxime laudatur in Ecclesia cogitatio de morte Christi, nec uero utilius quidquam est ad excitandam pietatem, quàm illius admirandi operis consideratio. In hac imagine cernimus infinitam esse misericordiam Dei erga nos, eo quod Filium pro nobis uictimam fieri uoluit. Testatur & illud, uere se & horribiliter irasci peccato, cum non alia uictima, non alijs officijs placari uoluerit, nisi Filij morte. Itaque ad castigandam securitatem in mentibus hominum, hæc ipsa historia efficacissima est. Cuius est enim tam ferreus animus, ut non moueatur, si uideat tam horrendas poenas solui pro peccato, si cogitet Deum adeo execrari peccatum, ut nulla uictima, nisi sanguine Filij reconciliari potuerit. Deinde innumerabiles utilitates alias adfert cogitatio huius historię. Quid magis mirantur ac fremunt omnium hominum intimi sensus, quàm qui fiat, ut hæc imbecillis natura hominum tantis calamitatibus onerata sit? Nec Philosophia, nec ulla sapientia inuenire causam potest. Casu, & contra ordinem ratio hoc accidere iudicat. Sed in hac imagine Christi, intelligimus causam, ac uideamus non temere, non casu, genus humanum tantis ærumnis obnoxium esse. Et cum in hac historia contemplanti fuerimus ingentem iram Dei aduersus peccatum, misericordiam Dei erga nos, quos Filij morte placatus liberat ab æternis malis, tum cōsiderabimus causam calamitatū humanarū. Deinde multa uirtutū exempla hic proponuntur, quę recitare longum est. Quare optimo consilio in Ecclesia institutū est, ut & statis temporibus integra historia publice legatur, & aliās crebro repetatur. Id exemplū imitari pī omnes in domesticis exercitijs debent. Hic igitur ædedit uir optimus Gregorius

Rhaui

Rhau harmonias, iudicio delectas, ut interdum cantus
adhibeatur ad excitandos animos. His ut studiosi, prae-
sertim in hoc argumento ad pietatem utilissimo, adhi-
beantur, utantur, magnopere eos ad horror. Quae enim
Musica pijs & bonis mentibus iucundior esse potest, q̃
quae nō modo aures demulcet, sed simul pectoris fibras
tanquam chordas tangit, & motus ciet diuinos in ani-
mis, ac mentes ad agnitionem Dei rapit? Hic praeipuum
initio fuit Musicae usus, ad hunc finem cum diuinitus tra-
dita sit, est pię mentis libenter eam hoc modo transfer-
re, ut cantuum harmonia respondeat illa uiua

in animis harmonia & piorum adfe-

ctuum concinnitas. Bene

uale Christiane

Lector.



ALIA MARTINI LVTHERI.



Alutem in Christo. Vellem certe ex animo
laudatum, & omnibus commendatū esse
donum illud diuinum & excellentissimū
Musicam. Sed ita obruor multitudine &
magnitudine uirtutis & bonitatis eius, ut
neq; initium, neq; finem, neq; modum orationis inueni-
re queam, & cogar in summa copia laudum, ieunus &
inops esse laudator. Quis enim omnia complectatur?
Atq; si uelis omnia complecti, nihil complexus uideare.

Primum

Primum si rem ipsam spectes, inuenies Musicam esse ab initio mundi inditam seu concretam creaturis uniuersis singulis & omnibus. Nihil enim est sine sono, seu numero sonoro, ita ut & aer ipse per sese inuisibilis & inpalpabilis, omnibus sensibus imperceptibilis, minimèq; omnium Musicus, sed plane mutus & nihil reputatus, tamen motus sit sonorus & audibilis, tunc etiam palpabilis, mirabilia in hoc significante spiritu mysteria, de quibus hic non est locus dicendi. Sed mirabilior est Musica in animantibus, præsertim uolucris, ut musicissimus ille Rex & diuinus Psalter David cum ingenti stupore & exultante spiritu, prædicat mirabilem illam uolucrum peritiam & certitudinem canendi, dicens Psalm centesimo tertio: Super ea uolucres cœli habitant, de medio ramorum dant uoces. Verum ad humanam uocem, omnia sunt prope inmusica, tanta est optimi Creatoris in hac re supereffusa & incomprehensibilis munificentia & sapientia. Sudarunt Philosophi, ut intelligerent hoc mirabile artificium uocis humanæ, quo modo tam leui motu linguæ, leuiori q; adhuc motu gutturis, pulsus aer, funderet illam infinitam uarietatem & articulationem uocis & uerborum pro arbitrio animæ gubernantis tam potenter et uehementer, ut per tanta interualla locorum circulariter ab omnibus distincte non solum audiri, sed intelligi possit. Sed sudant tantum, nunquam inueniunt, & cum admiratione desinunt in stuporem: quin nulli adhuc reperti sunt, qui definire & statuere potuerunt, quid sit ille sibilus et alphabetum quoddam uocis humanæ, seu materia prima, nempe, risus (de fletu nihil dicam) mirantur, sed non complentur. Verum hæc speculabilia de infinita sapientia

cc Dei

Dei, in hac una creatura relinquamus melioribus & ociosioribus, nos uix gustum attingimus.

De usu tantæ rei dicere hic oportuit. Sed & ille ipse sua infinita uarietate & utilitate longe superat omnium eloquentissimorum eloquentissimâ eloquentiam. Hoc unū possumus nunc afferre, quod experientia testis est, Musicam esse unam, quæ post uerbum Dei merito celebrari debeat, domina & gubernatrix affectuum humanorū (de bestijs nunc tacendum est) quibus tamen ipsi homines, ceu à suis dominis, gubernantur, & sæpius rapiuntur. Hac laude Musicæ nulla maior potest à nobis concipi. Siue enim uelis tristes erigere, siue lætos terrere, desperantes animare, superbos frangere, amantes sedare, odientes mitigare, & quis omnes illos numeret dominos cordis humani, scilicet affectus et impetus seu spiritus, impulsores omniū uel uirtutū uel uitiorū? Quid inuenias efficacius, quàm ipsam Musicam? Honorat eam ipse Spiritus sanctus, ceu sui proprii officij organum, dum in scripturis suis sanctis testatur, dona sua per eam Prophetis illabi, id est, omnium uirtutum affectus, ut in Eliseo uidere est: Rursum per eandem expelli Sathanam, id est, omnium uitiorum impulsorem, ut in Saule Rege Israel monstratur. Vnde non frustra patres & Prophetæ, uerbo Dei nihil uoluerūt esse coniunctius, quàm Musicam: Inde enim tot cantica & Psalmi, in quibus simul agunt & sermo & uox in animos auditoris, dum in cæteris animantibus & corporibus sola Musica sine sermone gesticulatur. Deniq; homini soli præ ceteris, sermo uoci copulatus donatus est, ut sciret, se Deū laudare oportere uerbo & Musica, scilicet, sonora prædicatione, & mixtis uerbis suauis melodiæ. Iam si comparationem feceris

feceris inter ipsos homines, uidebis quod multiplex & uari-
 rius sit Creator gloriosus in donis Musicae dispersitis,
 quantum differat homo ab homine in uoce & uerbo, ut
 alius alium mirabiliter excellat: negat enim posse duos
 homines inueniri similis per omnia uocis et loquelae, etiam
 si sepius imitati alij alios uideatur, uelut alij aliorum similes.

Vbi autem tandem accesserit studium, quo natura-
 lem corrigat, excolat, & explicet, hic tandem gustare
 cum stupore licet (sed non comprehendere) absolutam
 & perfectam sapientiam Dei, in opere suo mirabili Mu-
 sicæ, in quo genere hoc excellit, quod una & eadem uoce cani-
 tur suo tenore pergere, pluribus interim uocibus circum-
 circa mirabiliter ludentibus, exultantibus, et iucundissi-
 mis gestibus eandem ornantibus, & uelut iuxta eam diui-
 nam quandam choream ducentibus, ut istis, qui saltem modice
 afficiuntur, nihil mirabilius hoc seculo extare uideatur:
 qui uero non afficiuntur, ne illi uere amusi et digni sunt, qui
 aliquem Merdipoetam interim audiatur, uel porcorum Musicam.

Sed res est maior, quam ut hac breuitate utilitates eius de-
 scribi queant. Tu iuuenis optime, commendatam hanc
 nobilem, salutarem, & latam creaturam tibi habeas,
 qua & tuis affectibus interim medearis contra turpes li-
 bidines & prauas societates: Deinde assuescas in hac
 creatura, Creatorem agnoscere & laudare, & depraua-
 tos animos, qui hac pulcherrima & natura & arte abu-
 tuntur, ceu impudici Poetae, ad suos insanos amores, et
 summo studio caueto & uitato, certus quod diabolus eos
 rapiat contra naturam, ut quæ hoc dono uult, et debet Deum
 solum laudare autorem: isti adulterini filij, rapina ex dono
 Dei facta, colunt eadem hostem Dei & aduersarium na-
 turæ & artis huius iucundissimæ. Bene in Domino uale.

ce ij Plinianæ

PLINIANAE PRAEFATIONIS IN
libros de historia naturali Paraphrasis,
per Philippum Melan-
thonem.



Correctio.

Exaggera-
tio difficul-
tatis.

Vm me nuper familiarissime, ut ad te aliquid scriberem, hortatus sis, & meas esse aliquid nugas putes, non dubitavi ad te Tite Imperator, hosce Commentarios naturalis historiae mittere. Quamquam enim in summo fastigio rerum collocatus, summos honores cum patre gesseris, tamen in maxima potestate, pristina moderatione ac facilitate erga omnes ita uteris, ut non minus facilitatem priuatim amare nos tuam cogis, quam illos tuos fasces, & imperij ornamenta publice colimus: nihil enim in te amplitudo fortunae mutauit, nisi ut prodesse plus posses. Porro, tamen si me summa humanitas tua inuitarit, mihi quoque animum addiderit ad te scribendi, tamen cum ingenij tui uim, & iudicij acrimoniam considero, uereor profecto subire censuram tuam. Nemo enim ullo genere ciuiliū artium, & his eloquentiae studijs te uincit, & in poetica summa cum foelicitate uersaris, & maxima cum laude uidemus, inter uir-
trices haederam tibi serpere lauros. Si non dedicasset tibi nominatim hoc opus, poteram excusari, si quid forte parum probasses, cum ista me scripsisse uulgo, & indoctis profiterer. Nam ut multi clari scriptores quosdam uetuerunt attingere suos libros. M. Cicero enim Persium, ait, & Laelium Decimum nolo haec legere. Idem apud Lucilium est. Ita te quoque arcere poteram, ab his nugis minime ad tuum usum aut iudicium conscriptis.

Hac

Hæc mihi patrocinia nuncupatione ademi, & cum proprie tibi hæc legenda exhibuerim, teq; censorem scripti mei fecerim, quantum, Dii immortales, onus sustineo? Debeo enim satisfacere tuo iudicio, non aliter atque qui inuitat hospitem, debet operam dare, ut ad paratus illi placeat, & eius expectationi respondeat. Si casu fuerit oblatus hospes, non requiritur similis diligentia. Et in iudicijs qui sibi iudices non sortiuntur, sed eligunt, confidere debent illis potissimum se causam suam probaturos esse. Fecissent temere candidati, cum Catonem iudicem de ambitu elegerunt, nisi sperabāt se illi satisfacturos esse. Qui quidem ideo accerrimum iudicem elegerunt, ut innocentiam suam populo declararent. Fecisset temere L. Scipio, cum etiam inimicum iudicem elegit, nisi innocentia fretus, suam causam se illi probaturum confusus esset. Itaque, cum ego te meorum scriptorum iudicem fecerim, iure temeritatis accuser, cum prestare non potuerim, ut tibi placerent. Neque uero solum iudicium tuum pertimesco, sed uereor etiam, ut Principe dignum opus uideatur. Sed cum Dii quoq; patiantur eos qui thura non habent, lacte & salsa sibi mola supplicare, spero tibi quoque hoc munus non perinde splendidum, sed tamen optimo animo missum, nō ingrātū fore. Libelli sunt inornati, nudas enim res totius naturæ in compendium congerere uolui. Neque licuit inferere iucundas narrationes, mirabiles casus aut orationes, et similes illecebras lectorū. Multa sic aliena sunt, non à foro tantum, sed omnino ab urbe, ut ne nominare quidem, nisi rusticis uocabulis possimus, alicubi & barbaris adpellationibus utendum erit. Nec trita uia in gredior: nemo enim ante me unus omnia attigit, quæ
 ee iij ego

Purgatio à si
mili.

Extenuatio
operis, ut col-
ligat non esse
aptum Princi-
pi donum.

ἐπιφώνημα

Excusatio
quam opponit
extenuationi.

Disimile.

ego uno uolumine complexus sum. Nec ita sunt atthes-
na, ut magnopere iuuēt hęc legere. Pleriq; alij ea tantū
scribunt, quæ delectant, si qua sunt horridiora & obscu-
riora, non attingunt. Nobis omnia excutienda fuerunt,
disciplinæ etiā repetendæ, quas ἑγκυκλοπαιδίας Græci
uocant, quæ prorsus obrutæ tenebris iacent. Quædam
contra inseruimus à multis ad fastidium usq; decantata.
Est autem non mediocris negocij, obscuris lucem dare,
obsoletis nitorem, nouis auctoritatem, deniq; omnes na-
turæ partes, è tenebris in lucem proferre. Qua in re,
etiā si non satis successit, tamē honestus conatus suam
laudem meretur. Nec nihil debetur ijs, qui cum difficul-
tate rei uicti, non potuerunt utrumque præstare, ut &
prodesse, & delectarent. Non destiterunt tamen ma-
gno suo labore, magnaq; molestia, utilitati omniū con-
sulere. Linius alicubi ait, desiturū se fuisse, nisi uoluptas
in scribendo detinuisset. Qui ampliorem aliquando
laudem meritus esset, si tantum operæ sumpsisset non
animi causa, sed ut Rempub. iuuaret. Nos contra, quan-
tum laboris exhausimus publicæ utilitatis causa: Duo
millia uoluminum perlustraui, autores centum, quos
quidem delicati isti propter rerum obscuritatem non
atingunt. Ex quibus excerptimus rerū uiginti millium
naturam inclusam in hoc opus. Multa adiecimus uete-
ribus, quæ nostra ætas primum comperit. Nam & poste-
ri multa deprendunt à nobis nondum animaduersa. Et
me (homo enim sum, humani nihil à me alienum pu-
to) multa fortasse sefellerunt: Neq; enim iustum ocium
ad operis inquisitionem mihi sumere potui, sed succisi-
uis tantū horis scripsi, dum me somno etiā defraudo.
Nec plus impertior temporis somno, quàm quantum
ualetudo

ualetudo requirit. Etenim, si uigilia uita est, ut Varro ait, pluribus horis interea uiuimus, dum uigilando lucubrandoq; hæc scribimus, quam qui id temporis dormiunt. Proinde, cum nihil tibi promittere possim, cur hoc opus magnopere admiratione dignum fore existimem, tamen quia tuo nomini dedicatum est, & maiorem autoritatē, & plus fauoris merebitur. Nec ob aliud in precio liber uidetur futurus, nisi quia tuum nomen in fronte & ceu uestibulo inscriptum est. Nam, ut plerique alioqui uilia, tamen ideo ueneramur, quia templis ac Dijs dedicata sunt, Ita hos commentarios pluris facient multi, quia Principi adscripti sunt. Cæterum tuas ac patris laudes, in alijs operibus prædicauimus in historia nostra, quam absolutam domi adhuc adseruo, ne præcipitata æditio autoritatem eius eleuet. Id erat magis aptum donum tibi futurum, sed ne uidear in gratiam Principum aliquid scripsisse, decreui eam hæredibus ædendam relinquere. Nec ego ex ijs studijs, aut hoc meo labore, uel cuiusquam gratiam uel auram popularem capto, nec prohibeo alios, eodem genere publicam utilitatem inuare, & mecum in hac palestra decertare, sicut ego cum superioribus decertaui. Habes enim hic argumentum mei candoris, quod authorum nomina recensui, à quibus bonam partem scripti mutuatus sum. Idq; ingenui ac grati animi esse duxi, fateri per quos profeceris, ut & aliqua tuæ laudis pars ad illos redeat, quorum industria adiuutus es. Verum paucos inuenias, qui non dissimulent sua furta: Deprehendi enim multos, qui ad uerbum transcripserant magistros suos, in quorum iurauerant uerba, non eo consilio, ut imitaturi certarent uincere

Conclusio, in qua operis auctoritatem amplificat à Titii persona.

q. d. Hic non prædico te, ille fuerat te digneior liber.

De candore suo.

Sors ex usura
id est, Ex usu
ra persoluta,
tamē tibi sors
integra manet
De titulo.

cere superiores, sicut Virgilius Hesiodum imitatur, sed ut alienis plumis se uenditarent. Quanto honestius Cicero, qui quos autores sequatur, prædicit? Aliās Crantorem, ait, sequar, aliās Platonem se imitari fatetur. Panætium fatetur se sequi in officijs. Qui libri nunquam de manibus ponendi sunt. Est autem seruilis animi, malle deprehendi in furto, quàm mutuū reddere, præsertim cum ex ipsa usura, quantumvis exigua, nouam tibi sortem conficias. Græci miras delicias adfectant in titulis, alius *κρυίων* inscripsit suū opus, alius *κείας ἀμαλθείας*, alius Musas, ut lactis gallinacei haustum pollice ri uideantur. At cum propius inspexeris, inuenies mire inopes rerum bonarum, planeq; quod aiunt *ἀνθακας θυσανόγυς*. Latini simpliciores titulos amarunt, ut antiquitatum, exemplorū, artium. Elegantes quidam fecerunt suis scriptis titulum, lucubrationes. Est & Flexibula titulus in Satyra Varronis. Sed Diodorus Graius, si Dīs placet, autor, in titulo ineptius fastidiens, bis ineptus fuit, quum Bibliothecas suū opus inscripsit. Quid Apion? quàm arroganter? Qui immortalitatem se donare his affirmabat, ad quos aliquid composuerat. Ego has ineptias titulorum odi, & quemadmodum nobilissimi pictores operibus suis, quanquam absolutis, tamen eiusmodi inscriptiones fecerunt, quæ significarent summam manum operibus deesse, ut si quid reprehenderetur, corrigere liceret, sic enim inscribebant: *ἀπειλὴς ἐπιτοίς*. Ita ego, cum multa deesse meis scriptis sciam, nullum præposui arrogantiorē titulum. Non enim tantum sumo mihi, ut nusquam cessasse aut hallucinatus uideri uelim. Quod eo dico, ut criticos quosdam æquiores mihi reddam, qui sumunt sibi censuram, aduersus mea scri-

mea scripta, & ex infestatione meæ fame gloriam sibi au-
cupantur: Nam uirtutem plerumq; inuidia comitatur,
adeo ut aduersus facundissimum hominem Theophra-
stum, etiam muliercula stylum strinxerit. Sed ego istis
Zoilis nihil aliud respōdebo hoc tempore, q̃ quod Ca-
to scriptum reliquit: Quid enim ad te in meo uolumi-
ne? Scio ego quæ scripta sunt, hæc si patam proferan-
tur, multos fore qui uililigent, sed hi potissimum qui ue-
ræ laudis expertes sunt. Eorum ergo orationes sino præ-
terfluere. Nec Plancus ille pīde absterruit Pollionem mi-
nantem, se extincto Planco aduersus eum orationes edi-
turum esse, sic enim ait, Cum mortuis non nisi lauas lu-
ctari. Hac uoce Pollio à sententia deductus, sensit se im-
pudenter facturum, si cum mortuo bellum gereret. Sed
ualeant in malam rem isti uilitigatores, qui cum nihil
utilitatis adferant in commune, tantum alios à beneme-
rendo detertere conantur. Sed ne totum librum tibi sic
occupato publicis curis relegere necesse sit, subieci huic
Epistolæ capita, quæ, quid in uniuerso opere continean-
tur, ostendunt, proderitq; hic index ad hoc, ut ubi singu-
la requirenda sint, sciant & alij, qui certos tan-

tum locos uolent cognoscere, nec

tantum ocij habent, ut

uacer omnia

perlegere.

Vale.



ff

Epistola

EPISTOLA PHILIPPI MELANTHO-
nis, ad Ioannem Oecolampadium,
de Cœna Do-
mini.

DOCTISSIMO VIRO D. IOANNI
Oecolampadio, suo amico,
Phil. Mel.



Liquot accepi tuas Epistolas, quæ quoniã
extant in eis multæ non obscure significa-
tiones ueteris tuæ erga me beneuolentiæ
& uoluntatis in amicitia constantissimæ,
ualde grata mihi fuerunt: Nam meus ani-
mus idem est erga te, qui fuit semper. Ego autem admi-
ratione doctrinæ & uirtutum tuarum incensus, semper
& amaui te plurimum, & singulari quadam pietate co-
lui. Atque utinam ea essent tempora, ut frui hac nostra
amicitia possemus. Sed incidit horribilis dissensio de
Cœna Domini, quæ ueterem consuetudinem officio-
rum, quibus inter nos certare solebamus, impediuit, be-
neuolentiam uero erga te meam non labefecit. Itaq; si
quid in me desideras officij, tempora magis quàm fidẽ
meam accusare te uelim. Quod ad causam quam agis
attinet, ualde doleo ea de re dissensionem exortam esse,
quæ à Christo ad glutinandam charitatem instituta est.
Scis autem me hætenus magis extitisse spectatorem hu-
ius fabulæ, quàm actorem. Et multas graues habui cau-
sas, cur non admiscuerim me tam odiofo certamini. In-
terea nulla alia cura ullius rei animũ meum magis exer-
cuit, quàm huius negocij. Et non modo cogitauit ipse,
quid in

quid in utranque partem dici possit, sed inquisiui etiam
ueterum ea de re sententias: Ego enim nolim alicuius
nouī dogmatis in Ecclesia uel autor uel defensor existe-
re. Cum omnia quę in utraq; parte firmissima uidentur,
expendi, dicam pace tua, non tamen eo in sententiam
tuam: Nullam enim firmam rationem inuenio, quę
conscientiæ discedenti à proprietate uerborū satisfaciat.
Nihil autem ad hunc diem de hoc negotio scripsi, quia
uidebam futurum quicquid scriberem, ut me allegari à
Luthero tanquam domesticum testem, iniqui iudices
dicerent. Nihil autoritatis in nostra sententia futurum
erat, quia in alterius gratiam scripta uideretur. Sed spero
te melius de meis moribus sentire:

ἔχθρος γάρ μοι κἔν ἐστίν ὁ μὲν αἰδῶτο πύλιν
ὅς ἔτι γὰρ μὴ κενθεῖ ἐνὶ φρεσὶν ἄλλο δὲ εἶπ.

Qualiscunq; enim sum, certe nunquā amaui Epicureos
istos, cuiusmodi multi sunt hoc tempore, qui religionē
irrident, & quibus uoluptati est, de maximis rebus ho-
mines fallere. Semper, ut scis, studiosus fui doctrinę Chri-
stianę: fuitq; ob eam causam mihi curę, ut eam diligen-
ter cognoscerem: nec sine paruo negotio, dum quærō
quid sequi tuto possim, extricaui me ex scholasticis dis-
putationibus, partim etiam ex amicorū meorum dispu-
tationibus, cuius rei nonnulla extant testimonia. Quod
si gratiam aucuparer, non ignoro quā multos & ma-
gnos eruditos uiros habeat uestra factio, horum amici-
tiam non contemnerem. Itaq; si mihi uestra sententia
de Coena Domini placeret, simpliciter profiterer. Vos
absentis Christi corpus, tanquam in tragœdia represen-
tari contenditis: ego de Christo uideo extare promissio-
nes; Ero uobiscum usq; ad consummationē seculi. & si

miles, ubi nihil est opus diuellere ab humanitate diuinitatem, proinde sentio hoc Sacramentum uere præsentiæ testimonium esse. Quod cum ita sit, sentio in illa Cœna præsentiis corporis *νοῦν* esse. Cum proprietas uerborum cum nullo articulo fidei pugnet, nulla satis magna causa est, cur eam deferamus. Et hæc sententia de præsentiæ corporis, conuenit cum alijs scripturis, quæ de uera præsentiæ Christi, apud nos loquuntur: nam illa est indigna Christianis opinio, quod Christus ita quandam cœli partem occuparit, ut in ea, tanquam inclusus carceri, sedeat. Tu colligis absurda multa, quæ sequantur hanc sententiam. Colligis etiam quasdam ueterum sententias, quæ pro te uidentur facere. Sed absurda minus offendunt eum, qui meminerit de rebus cœlestibus ex uerbo Dei, non ex Geometria faciendum esse iudicium, quiq; tentatus didicerit nullam esse rationem, quæ conscientiam satis docere possit, cum à uerbo Dei discesserit.

In ijs locis, qui citantur ex ueteribus, agnosco quandam esse dissimilitudinem, sed tamen ex his, si quis prudenter eliger grauissimorum autorum dicta, inueniet pleraque, quæ ostendunt hanc, quam nos sequimur, ueteris Ecclesiæ, quatenus nobis nota est, cōmunem fuisse sententiam, tamen si tu quidem homo disertus, quosdam locos nimis callide interpretaris, & ad tuam causam detorques. Veteres cum de resurrectione disputant, allegant cœnam, nec inepte, meo quidem iudicio: significauit enim Christus Apostolis se resurrecturum esse, quia sui corporis *νοῦν* instituit. Necesse enim erat, ut uideret corpus, quod nobis impartiendum erat. Quod si ueteres sensissent absens corpus repræsentrari, quomodo inde probarent resurrectionem? quia etiam si non resurrexisset

resurrexisset Christus, tamen absens corpus & consum-
ptum representari potuit, sicut in fabulis Hector repræ-
sentatur. Sed non institui nunc disputationem, tantum
hæc scripsi, ut meam erga te beneuolentiam perpetuam
cognosceres, neq; tamen uolui, quid sentiam, dissimula-
re. Teq; rogo, ut consideres, quantam rem, quamq; peri-
culosam susceperis. Verum illud est, nimium altercan-
do amitti ueritatem: atq; hæc multo magis periclitatur
in his tam uolentis cōcertationibus. Quare satius esset
hac de re aliquot bonos uiros in colloquium unà ue-
nire. Video quæ semina harum disputationum spar-
sa sint in ueterum libris, sunt & in quibusdam nuper na-
tis ante hunc tumultum. Video causam uestram præsi-
dijs ingeniorum niti, & uos habere studia theatri, non
tantum manifesta, sed occulta etiam, quæ haud scio, an
efficacius uobis suffragentur, quàm manifesta. Satis no-
ta est mihi tua modestia, quare non arbitrabar opus esse
ut te admonerem, ut cogitares homines ingeniosos &
prudentes, interdum labi posse, & in negocijs spiritali-
bus in primis periculosa est ingenij fiducia. Scis scriptū
esse: Abominatio apud Deum est, quicquid est sublime
in mundo. Et multo plures sunt quàm putentur, qui
tantū ea amplectuntur in religione, quæ ingenijs etuere
accōprehendere potuerunt. Postremo te rogo, ut hanc
meam Epistolam, optimo atq; amicissimo
scriptam animo, boni consulas.

Vale. Spiræ, Anno

1529.



ff iij

Ad Nobis

AD NOBILEM ET GENEROSVM
Comitem Ioannem à Vueda &c. Epi-
stola Philippi Melan-
thonis.

NOBILI ET GENEROSO COMITI,
Ioanni à Vueda &c. Philippus
Melanthon
S. D.



Agnam cepi uoluptatem ex oratione Petri Medmani, cum mihi generosam indolem tuam, studia, & rectam uoluntatem predicaret. Quid enim optabilius est, quàm ut nobilitas Reipub. gubernaculis destinata, & bonitate naturæ excellat, & doctrina ita excolatur, ut suum munus uere intelligere & tueri possit.

Itaque cum de studijs nobilitatis, de quæ cæteris partibus Reipub. colloqueremur, existimaret quæ Petrus meas literas tibi non ingratas fore, facile me ad scribendum impulit. Erit autem humanitatis tuæ, & literas & officia nostri ordinis non aspernari. Porro semper ita sensi in heroicis familijs uim naturæ præstantiorem esse, quàm in reliqua multitudine. Nam cum ordinum distinctio diuinitus facta sit, & Deus heroicum genus cæteris hominibus præfecerit, addidit etiam motus animorū aciores, meliores, & foeliciores, ut Plato uere tradit. Quod cum ita sit, profecto dolendum est, illam uim naturæ eximiam, sæpe uel ignauia extinguui, uel corrumpi malis exemplis.

Quare te adhortor, primum, ut sæpe diligenter quæ consideres

sideres quod munus attribuerit Deus heroico generi, de inde ut indolem diuinitus donatam, doctrina, moribus, disciplina, liberalium artium cognitione expolire studeas. In hanc sententiam multæ extant adhortationes, & in sacris literis, & alibi à politicis uiris luculenter scriptæ, quas cum arbitrer te quotidie in manibus habere, non putauit utendum longiore oratione.

Sed quoniam in hanc commonefactionem ingressus sum, facere non potui, quin adijcerem narratiunculam, quæ quodam poemate extat, non illam quidem historicam, sed uenustam, & erudite confictam admonendæ adolescentiæ causa, ut cogitet & discrimina ordinum diuinitus instituta esse, & undiq; elaborandum esse, ut uirtute suam personam tueatur. Quod si Platonem decuit grauissimis disputationibus inferere interdum *μυθολογίας*, concedatur & nobis in Epistola, quæ non multum est absimilis familiari colloquio, figura aliqua uti.

Fertur autem hæc narratio: Longo interuallo post conditionem Adæ & Eux, cum primi parentes iam haberent familiam, uisum est Deo, semel prodire, ac se illis patefacere, ut in illa mundi solitudine quotidianis conflantes ærumnis consolaretur. Fortè igitur è fenestra prospiciens Eua, uidit uenientem Deum conditorem, cū comitatu Angelorum. Et quoniam postridie festus dies futurus erat, liberos cœperat lauare, ad futuros patris sacrificio & concioni. Cum autē nondum omnes lauisset, & uereretur squalentes ac sordidos producere in conspectū Dei, iussit ut hi se in fœno & straminibus occultarent, quæ ad usum pecudū proxime congesta erant. Cæteris compitis mandat, ut stent ordine, expectantes Deū in atrio, cumq; fuerit ingressus, & à matre salutat, accedant

accedant ipsi, porrigant dextras, paululum flexo poplite, dicta salutatione, postea taciti suo loco atque ordine consistant. Hæc cū imperasset, ingreditur Deus in atriū. Procedit obuiam pulcherrima mater, pudorem ac pauorem uultu significans, & uenientem reuerenter excipit amplexu. Deus comiter eam affatur, ac iubet bono animo esse, se patrem miseris esse, & non defuturum ipsis, quibus & uitam & mentem, imaginem diuinitatis suæ impertiuisset. Postea accedunt pueri ordine, ut iussi erant, porrigunt dextras, salutant, deinde taciti regrediuntur.

Laudat Deus matris diligentiam, quod non modo ornasset liberos, sed etiam ad morum elegantiam assue faceret. Sed hi gestus, inquit, elementa sunt disciplinæ, alia grauior doctrina accedere debet, ut sciant se præcipue nasci ad agnitionem Dei, ad propagandam eius noticiam, ad conseruandam promissam uobis traditam, ad exercendam obedientiam erga Deum, iubet doceri eos de immortalitate, de poenis impiorum æternis.

Mater respondet, sedulo hæc inculcari ipsis ab utroque parente, & addit illachrymans: Memini miserandi lapsus nostri, & quanta benignitate nos receperis, eoq̃ omni contentione annitimur, ut soboles nostra sit in officio, ne grauius te offendamus. Prospicimus quantæ poenæ impendeant posteritati nostræ, si te deseruerit. Hæc igitur præcipua nostra cura est, ut te conditorē ipsis monstrems, & doceamus eos, quæ officia requiras, & quā proposueris nobis spem salutis. Sed ipse uelim eos audias, ut si quid nō recte didicerunt, tua uoce emendetur. Iubet igitur stantem Abelum primo loco recitare parentū dictata, & iubet clare, ac præsentī animo pronunciare.

Puer

Puer incipit: Credo unum esse Deum, omnipotentem, sapientem, iustum, ac bonum, conditorem totius mundi, qui in hac rerum mole admirandam uarietatem operum proposuit, certissimū ordinem cœlestium motuum, temporum uices, leges, ac uires nascentium, ut hæc omnia testarentur, mundum non casu extitisse, sed ab aliqua æterna mente conditum esse. Nobis uero hominibus mentem indidit, in qua tanquam imagine lucere diuinitatis noticiam uoluit: addidit & intellectū, quæ officia requirat, quæ improbet, ut ipsi obediamus: addidit & mandatum parentibus, quo ostenderent, se conditori suo libenter parere, & debere obedientiam. Quod si paruissent, sine peccato, sine morte uixisset genus humanū, & in hac uita fulsisset multo illustrior noticia Dei, arsisset in pectoribus nostris ingens amor Dei, & sine prauis cupiditatibus Deo fuisset morigeri.

Sed odio Dei diabolus, ut deformaret opus diuinū, circumuenit nostros parentes, & obiectis falsis opinionibus, caliginem mentibus eorum offudit, ne cogitaret quantum Deo deberent, quantopere requirat Deus, ne à suo uerbo discedamus. Ita impulsus perdidit, quia uiolata lege Deum offenderunt. Quare cum omnia diuinitus condita bona essent, peccatum non à Deo, sed à diaboli & hominum uoluntate ortum est. Hinc mors secuta est, & tyrannis serpentis, qui aduersus genus humanum hostiliter grassatur, & omnibus calamitatibus homines opprimit.

Sed tamen ut essent in hoc mundo cultores & præcones Dei, noluit Deus prorsus perire genus humanum, ideo admiranda misericordia promisit semen nostræ matri, propter quod uelit placatus esse generi humano,

nos exaudire & saluare, ac reddere nobis æternam uitam, lucem, sapientiam & iusticiam. Præcipue uero immanitas odij in serpente inflammabitur aduersus hoc semen, infiget serpens dentes eius calcaneo, et crudelissimo morfu lacerabit omnes ei addictos. Sed interea caput serpentis ab hoc semine conculcabitur, uiuet enim in hoc semine diuina natura. Ideoq; mortem abolebit, & tyrannum serpentem in horribiles cruciatus abijciat.

Credo etiam sacrificia, quæ à patre fieri uideo, signa esse sacrificij, quod pro nobis illud semen offeret, ad placandum Deum. Sic enim Deus nobis sit propicius, si credimus non propter nostra sacrificia, sed propter illud semen, nobis ignosci, nos exaudiri & saluari. Et quanquã in hac mortali uita hærebunt peccatum, mors, & cæteræ calamitates, tamen inchoatur diuinitus noua lux & uita, in his, qui hæc credunt, qui quidem placent Deo propter illud semen, ac incipiunt ei obedire: quod ueniet etiam, ut iudicet mundum, reddat uitam perpetuam ijs qui ipsi credent, & puniat æternis supplicijs diabolum, & omnes qui semen promissum contemnent.

Ad hunc cultû credo præcipue uocatos esse oēs homines, ut hæc admiranda Dei opera & beneficia prædicent, ut Dei ira & misericordia innotescant, ut Deus timeatur & glorificetur, & multi salui fiant. Nec deterri homines ullis periculis debent, quo minus hunc cultum præstent: Erit enim semper cœtus aliquis præconum Dei, & si serpens & contemptores Dei immanem sauitiam aduersus eos exercebunt usq; ad iudicium, in quo immortalis gloria piorum patefiet, qui & si erunt imbecilles, tamen in certaminibus suis diuinitus adiuuabuntur ac seruabuntur. Hunc igitur Deum conditorem nostrû,
qui polæ

qui pollicetur nobis salutē propter promissum semen, timeo, inuoco, adoro, huic me commendo, ab hoc pecto, ut mihi propter semen promissum sit propicius, gubernet uerbo suo, defendat me aduersus serpentem tyrannum, inserat mihi suam lucem, et pios affectus, ac credo me uere propter promissum semen exaudiri ac respici. Oro item, ut conseruet & augeat inter nos ueram noticiam iræ & misericordiæ suę, ac promissi seminis, nec sināt obrui ueros cultus astutia serpentis, ut regat meos mores, ne ipsum offendam, & ne mea exempla cæteris noceant. Et quoniam ipse nobis uitā impertit, & ut alacros, terram facit fecundam, rogo ut suppeditet corpori uisum, & conseruet ualitudinem, seruet etiam parentes nostros, ne desint nobis doctores & gubernatores, seruet & regat meos fratres & sorores, ut pie & sæliciter uiuant, & ornent gloriam ipsius.

Cum Abel finem dicendi fecisset, interrogari cæteri, Seth & sorores, recensent eadem. Deus igitur non modo studium eorum & pietatem laudat, sed etiam orationis & sententię *συμφωνίαν* & concordiam, ac hortatur eos, ut hanc sententiam cōstanti pectore amplectantur ac profiteantur, diligenterq; de doctrina parentes audiant, nec opinionibus adulterinis contaminari doctrinam cœlestem patiantur. Iubet & in reliqua uita parentibus morigeros esse. Testaturq; hos cultus sibi gratos esse, ac pollicetur se ipsis opitulaturum esse in omnibus periculis. Deinde matrem alloquens, parentum diligentiam comprobat. Iubet accersi cæteros liberos, maximum natu Cain, & sorores reliquas, obiurgat Euam, quæ existimarit minus cerni occultatos, quàm præsentes.

Soror igitur accersit reliquos. Prodit & accedit Cain

gg ij ad fratres

ad fratres, stat rigidus, toruitate uultus contumaciam animi & ferociam præ se ferens, hærebant in crinibus stipulæ & fœni gramina, non gestu, non uoce salutabat Deum. Interrogatus ut parentum doctrinam reciter, incipit, & mutilatam ac corruptam κατήχησιν recitat: Credo unum esse Deum, omnipotentem, conditorem totius mundi, quem colendum esse censeo sacrificijs, propter quæ fœcundat agros nostros. Sed an exaudiat inuocantes, an peccata remittat, ambigo: de immortalitate etiam tunc uidero, cum ex hac uita discessero. Sentio autem bonos mores colendos esse, ut uita tranquilla sit. Hæc cum ille contumaciter dixisset, obiurgat eum Deus, quod oblitus sit promissionis, quod fidei doctrinam non teneat, ac iubet redire eum in uiam, & integrâ pietatis doctrinam discere.

Deinde, inquit, cum uos parentes humani generis futuri sitis, uelim uos posteritati etiam præluce doctrinæ, pietatē, & uirtute. Non minus uos oppugnabit serpens tyrannus, quæ oppugnavit parentes uestros. Sed his, qui meam promissionem conseruabunt, opitulabitur aduersus serpentem Heros promissus. Et quoniam regi genus humanum uerbo Dei, & coerceri disciplina uolo, deligam ex uestro cœtu idoneos.

Tu igitur Abel ad me accedito, ut manus imponens capiti tuo, te consecrem, tibi meum spiritum impertiam, ut sis sacerdos, eritque tuum munus, doctrinam diuinitus traditam, cæteris omnibus proponere, & sacrificia facere diuinitus monstrata, eaque recte interpretari. Nec defugies pericula, quæ propter hanc professionem subeunda erunt: Nam agones tui testabuntur piorum ærumnas esse cultus mihi gratissimos, & significabunt,

bunt, quale sit futurum sacrificium promissi seminis.

Te uero Serh Regem cæteris præficio, sciesq; & tuum munus geminum esse: Primum, doctrinam quam frater professus est, omnibus uiribus tueberis, & impios, qui conuicia aduersus Deum dicunt, punies ac tolles, punies & cæteros qui societatem uestram turbabunt. Vobis duobus uentura posteritas obtemperet, & hunc rusticum Cain, qui ut est inculto corpore, ita mores habet agrestes & feros, seruum esse uolo, & metu legum et poenarum coherceri, ne aut religionem contumelia adficiat, aut conturbet societatem uestram.

Ita distributis ordinibus, Euam rursus alloquitur, eiq; curam liberorum regendorum & erudiendorum committit. Illa lachrymans testatur se consumi perpetuo dolore & cruciatu, quem adferebat horrendi lapsus recordatio: Tandem, inquit, re ipsa comperi, cœlestes minas non esse irritas, quæ mortē nobis irrogarunt. Assiduam enim mortem mecum circumfero: Quoties aspicio liberos, ac præsertim hunc rigidum filium, & prospicio uentura mala, toto corpore perhorresco & exanimor. Veniam igitur grauissimi errati mei iterum peto, & mitigari calamitates oro. Deus adfirmat se illi ignoscere, & quamquam genus humanum exerceri calamitatibus uelit, tamen rursus admonet eam promissi seminis. Hunc Heroa inquit non defuturum esse inuocantibus ipsam, & ijs olim daturum cœlestem uitam & gloriam.

Hac consolatione cū nonnihil leuasset eius luctum, discessurus porrigit dexteram pueris, mater abeuntem comitatur: cumq; incensa studio sermonū dulcissimorum, & amore cōditoris, procul iam à domo progressa esset, amplexus eam, iubet Deus ad liberos redire, &

pollicetur & ipsi & marito suam opem, docet etiā hos suos comites Angelos, custodes esse familię, qui gerant perpetuum bellum *τοι αἰωνίου* cum serpente. Quare solitudinem minus moleste ferre iubet, promittit deinde futuram maiorem familiaritatem Angelis cum tota familia, ut cædium solitudinis minuant. Hęc cum dixisset, nube tectus in cælum rediit.

Habes narrationem, quę etiam si non est historica, tamen res ueras & magnas adumbrat. Significat enim distinctionem ordinum diuinitus factam esse, quod uerū esse ostendunt grauissima testimonia in sacris literis: uides & eos ornatos esse honoribus, qui præstabant indolem, doctrinam, morum elegantiam, studio pietatis, ut significetur quibus rebus instructos esse oporteat uos, qui dignitate cæteris antecellitis. Sed multorū mores nequam generi ac naturę respondent, ut nonnulli uideantur ab inculto illo & fero Eux filio propagati, non ab alijs. Nec tamen hęc est generis culpa, sed ipsi semina uirtutum accepta à maioribus non excitant doctrinam & disciplinam, aut obruunt etiam accersitis malis moribus, qui quā multipliciter peccent, etiam atq; etiam generosi adolescentes considerare debent.

Primum, ut desertores lædunt Imperatorem suum, sic isti, diuinitus ad gubernationem rerum destinati, Deum contumelia adficiunt, qui cum eis, tanquam in acie, locum attribuerit, non intelligunt suum officium, neque curam ullam adhibent, ut eas artes sibi comparent, sine quibus tueri locum nullo modo possunt. Deinde commune ius societatis humanę uiolant, quod ei debitam operam præstare non possunt.

Si sentiunt se sua causa natos esse, ut uoluptatibus perfruantur

perfruantur, ut habeant omnium cupiditatū licentiam, quid aliud, quā Giganteum genus esse censendi sunt? Longe aliter Achilles sentiebat, qui interrogatus ab Aia ce, quos sustinuerat omnium maximos ac difficilimos labores, respondit, susceptos pro amicis. Cumq̃ pergeret Aiax interrogare, quos omnium iucundissimos sustinuerat, rursus Achilles, Eosdem, inquit, significans heroicum uirum flagrare immensa quadam cupiditate iuuandæ Reipub. qua incitatus res suscipit asperrimas, nō ut suæ utilitati, sed ut communi consulat. Cum hoc enthousiasmo rapiatur, nihil ei dulcius est, quā res quamlibet difficiles, tamen in commune utiles gerere, ut Musico nihil dulcius est eruditissimis artis suę exercitijs. Preclare Achilles: Et quanquam uigor ingenij non est similis in omnibus, tamen bonos omnes, qui præfuturi sunt cæteris, decet serio amare Rempub. & anniti, ut ad eam accedant, optimis artibus instructi.

Nam etiam acres impetus in generosis naturis, si non regantur doctrina, sæpe aberrant. Itaq; etsi in Hercule maxima uis erat ingenij, tamen eum ad Doctores deducunt: Extat enim Theocriti carmen, qui eius magistros sex recenset:

Γράμματα μὲν τοῦ παιδὸς γέγων λίνος ἐφεδίδαξεν &c.
Nec adolescens tantum literas & Musicam didicit, sed senex etiam Atlantis doctrinā de syderum moribus percepit. Quali doctrina institutus fuerit Achilles, significat Homerus, cum ait eum laudes clarorum Principum, ludentem cithara, decantasse: qua ex re apparet eum et historias, & reliquam eius ætatis doctrinam & Musicam didicisse. Nec decuisset in eius clypeo pingi cœli & elementorum seriem, & sydera, quę determinant Septentrionem

trionem & Meridiem, si tantum fuisset rudis & sine pectore miles. Sed fabulas omitto.

Regum omnium haud dubie ingeniosissimus Alexander, non modo primas literas, sed uniuersam Philosophiam & medendi artē percepit. Et ut bellatori nihil sit opus his togatis artibus, certe ei uiro, qui in pace gubernabit Rempub. aut ad cōsilia adhibendus erit, opus esse omni genere doctrinæ res ipsa loquitur. Nec enim Augustus domi leges emendare, iudicia constituere & regere poterat, nisi & ipse multiplici eruditione instructus fuisset, & ad consilia doctissimos uiros adhibuisset, Trebatium, Capitonem, Asinium, & alios plurimos.

Sic ceteros Romanos aut Græcos Principes eruditos enumerare trellem, quā longus esset futurus catalogus: Et tamen hactenus loquor de istis Principibus, quibus uera religio ignota fuit. Nunc quanto maius onus sustinent hi, qui sedent ad gubernacula, qui non solum ciuilem disciplinam tueri debent, sed etiam gubernare religionem? Hanc enim curam præcipuam Deus omnibus, qui præstant ceteris, iniunxit, ut efficiant, ut recte doceantur homines de Deo. Vt enim præcipua causa est, cur ad societatem homines conditi sunt, ut alij alios de Deo, & eius uoluntate docere possent; ita huius maximi ac summi operis ἀγῶν δέτα ante omnia Magistratus esse debent.

Quomodo autem possunt sine magna scientiæ copia religiones regere? An existimandum est, Constantinum, nisi ad pietatem adiunxisset magnam eruditionem, potuisse controuersiam ab Arrio motam uel intelligere, uel iudicare? Ille uero nequaquam erat in cœtu Episcoporum καὶ φῶν πρῶτον, Sed cū in disputatione

Arrium

Arrium dextre refutauit sua oratione, collectis Apostolorum & probatorum autorum testimonijs, tum plerasq; alias Episcoporum contentiones eruditjs sermonibus mira comitate diremit.

Sed obuia sunt in historijs exempla plurima, etiam quorundam nostrorum Principum, qui tamen ex hac horridiore natione orti, tamen inter tubas, & armorum strepitum aliquid temporis etiam literis & liberali doctrinæ tribuerunt, ut essent instructiores cum ad plerasq; alias uitæ partes, tum uero maxime ad pietatis cognitionem, & religionis gubernationem. Quoties enim incidunt in Repub. tempora, quæ requirunt & bonos & eruditos Principes? An non hoc tempore in his publicis diffidijs bonorum & eruditorum cognitio desideratur?

Aristoteles definit Magistratum his uerbis: *ὁ ἀγαθὸς φύλαξ ὅς τι νόμον*. Breuis est, sed uera & apta descriptio, ac prorsus oraculi similis, si quis euoluat ea, quæ completitur. Finge enim ob oculos stantem Magistratum, cui Deus tradat utranq; Decalogi tabulam, eumq; iubeat esse custodem harum legum, quantas illi res commendari existimabis? Religionis & civilis disciplinæ custodiam ac defensionem suscipit. Quomodo autem custodiet, hoc est, reget, conseruabit, propugnabit, si non mediocriter intelliget? Quid quod ne amare quidem potest quisquam illud quod ignorat, ut uere dicitur: Ignori nulla cupido. Itaq; indoctis tradere magnarum rerum gubernationem, quid aliud est, quam legum tabulas trunco aut patrieti affigere? Nec iam de tyrannis loquor, qui petulanter has tabulas abijciunt, collidunt, & frangunt, tantum de indoctis loquor, & si incitia quoq; sæua tyrannis est. Sed iam de bonis & mediocribus in-

genijs loquor. hæc expolienda esse doctrina censeo.

Nunc in hac morum corruptione satis esse putant aulici, si ad negocia adferant quandam ingenij dexteritatem, aut calliditatem, quæ fortasse sufficeret, si nihil differrent ij, qui rerum maximarum consilia regunt, à seruis in Comœdijs. At aliæ artes requiruntur in curia. Deinde etiam si qui literas attingunt, tamen fastidiunt religionis doctrinam. Et ut quondam erat opinio, Philosophiam imperatoris officere, ita nunc nobilitas studia religionis releganda esse censet ad Monachos, ad infirmam plebeculam. Hic error quantum Ecclesiæ ac uniuerse hominum uitæ noceat, ostendunt multa Reipub. vulnera. Si Magistratus est legum custos, ut recte dictum est, primum ei diuinæ leges custodiendæ sunt, de quibus incidunt inter homines grauissimæ controuersie. Harum arbiter sine locupletiore eruditione nemo esse potest, ut de Musicis erratis nemo surdus iudicare potest.

Memini audire à quodam hospite, Regem Hispaniæ cum Alfonso usitato more Principum, suo quodam symbolo delectatum esse: passim enim pinxit pelecum, fodientem rostro pectus, & elicientem sanguinem, ad pullos pascendos. Huic picture addidit epigramma: PRO LEGE ET PRO GREGE, significans Principem omnia pericula adire debere, & religionis ornandæ causa, & pro populi defensione. Sapienter uidit Alfonso præcipuum munus esse superiorum ordinum, religionis studium, conseruationem & propagationem. Cumq; omnes homines ad hoc opus diuinitus uocentur, ut suo quisq; loco conferat aliquid studij ad illustrandam Dei gloriam, non existiment superiores ordines, hoc officium nihil ad se pertinere.

Quare

Quare quod amas & colis Christianæ pietatis doctrinam, & quod adhibes pios & eruditos interpretes, magnopere hunc tuum animum, & tibi & Reipublicæ gratulor, teq; adhortor, ne te ab hoc curriculo ineptis iudicijs indoctorum depelli sinas. Non alius Deo cultus gravior est, quàm & cognoscere doctrinam ab ipso traditam, & aliquid conferre operæ ad eam illustrandam. Ac remuneratur hoc officium Deus cumulate, sicut inquit: Glorificantes me, glorificabo. Erit foelicioꝝ cursus tuus in omni uita, in rerum administratione, si ueræ pietatis doctrinam & amabis, & ornare con tendes.

Adiunges autem & alia studia, ut facis, quæ & ipsa feruiunt religioni, & ad uarias partes in uita conducunt. Audio te grauissimū scriptorem Thucydiden in manibus habere, qui multis de rebus admonere lectorem potest, de uarietate ingeniorum & uoluntatum in Principibus, quales exitus fuerint uiolentorū ciuium, qualia consilia, qualis exitus bonorum, ex quibus causis oriantur ciuitatum conuersiones. Recte Plutarchus: Vt Musicus organa sua nosse debet, ita ei uiro, qui in Repub. uersatur, diligentia adhibenda est, ut sensus Principum ac populi calleat, quam ad rem descriptio personarū in historijs non parum conducit. Obseruabis igitur in Thucydide summorum uirorum naturas, sed dissimiles, Themistoclis, Periclis, Cleonis, Alcibiadis, Niciæ, Brasidæ, The tamenis: Deinde quàm uariæ unius ciuitatis Atticę conuersiones secutæ sint, postquam temere motum est bellum inter Græcas ciuitates: Quories temere fœdera rupta sint, uel cupiditate paucorum, uel propter inanes potentum suspiciones: deinde alia multa.

h h ij

Sed cum

Sed cum Thucydides ipse in uestibulo commemorat, quæ sint ex historijs utilitates petendæ, hortatur, ut omnium temporum historiam discamus. Tibi uero præcipue cognoscenda est sacra historia, & legendæ res huius Germanici imperij, quæ te multa admonebunt de Ecclesiæ mutationibus, quæ scire homines nobiles plurimum refert. Existimabis igitur tibi cum ad priuatam uitam, tum ad publica negocia magna adminicula parata esse, si & religionis doctrina, & hac historiarum & humanitatis cognitione fueris instructus. Sed quarum artium atque autorum cognitio experenda sit, quem ad usum comparandæ singulæ, quæ metæ singulis præscribendæ, ne confusio corrumpat iudicium, si intempestiue misceantur sacra prophanis, nihil adscribere opus est: Habes enim monitorem assiduum, & prudentia & fide egregia præditum, Medmanum, quem non dubito tibi dextre & artium præcepta tradere, & monstrare usum in uita.

Et si autem is quoque sedulo moneat, quæ causæ discendi auiditatē in uestro ordine exuscitare debeant, & qua doctrina uobis maxime opus sit, tamen quoniam me prædicatione indolis atque humanitatis tuæ sic accendebat, ut aliquid ad te literarum dare cuperem, hoc argumento potissimum usus sum, ut intelligeres cū iudicio Medmani etiam aliorum congruere sententias. Postremo etiam publica studia tibi cōmendo: Magnam enim uitæ humanæ partem regunt litere, continent religionis doctrinam, leges, omnia officia humanitatis, denique multa uitæ præsidia. Quam ob causam sapientes moderatores ciuitatum semper iudicarunt hanc curam ad se pertinere, ut studia literarum excitarent & adiuuarent, quæ in

quæ in tanta ingeniorum humanorum infirmitate, inconstantia, addo etiam puerilitate, uarijs modis periclitari solent.

Superiori ætate barbaries cum cæteras disciplinas corruerat, tum uero fontes doctrinæ Christianæ indigne contaminauerat. Naturaliter autem ita fit, ut in quolibet genere recta & simplici doctrina amissa, succedat Sophistica, & infinita opinionum confusio. Inde magnæ tenebræ bonis artibus inueste sunt. Secuta est ætas recentior, quæ repurgare artes cœpit, & reuocare hominum studia ad fontes. Ac principia satis læta fuerunt, & magnam lucem, cum cæteris disciplinis, tum etiam religionis doctrinæ attulerunt. Sed hæc meliora studia subito ingenti percussa ruina, languescere cœperunt, quia turre runt in odia potentum. Cum autem uita hominum & Ecclesia nequaquã carere literis possint, omni ope an nitendum est tibi & tui similibus, ut hac parte opem feratis literis & Ecclesiæ.

Quælibet ætas habet sua incommoda, quibus mederi maxime debent ij, quorum præcipua est autoritas, ac uerissimum est, quod ait Vergilius, similem esse uitam hominum nauigationi contra fluminis cursum, ubi leuiter cessauerint remiges, impetus fluminis nauim retro trahit. Meministi enim uersus:

 sic omnia fatis

In pelus ruere, ac retro sublapsa referri:

Non aliter, quàm qui aduerso flumine lembum

Remigjs subigit, si brachia fortè remisit,

Atq; illum in præceps pronò rapit alueus amni.

Sed uestri muneris est, non remittere laborè, ac omnibus uiribus repugnare infirmitati, & prouehere res bonas

h h iij nas

nas interingentes difficultates. Hoc uere heroicum est.
Quare quantum poteris dabis operam, ut non deleantur,
sed conseruentur bonę artes. Mihi crede, præclare
de tota Ecclesia merebuntur Principes, qui suam autori-
tatem ad conseruationem rectorum studiorum
conferent. Nec ulli triumphus plus ha-
bent ueræ laudis. Bene uale.

22. Martij, Anno

1539.



EPISTOLA PHILIPPI MELAN-
thonis de Conuentu Augu-
stano.

PHILIPPVS MELANTHON IOAN-
ni Silberborneto
S. D.



Iteras tuas in quibus prædicas mihi Gallo-
rum studia, magna cum uoluptate legi, gra-
tulator autem non minus ipsis literis quam
Gallis, qui in his miseris tumultibus Italiae
& Germaniæ alicubi tranquillam portum
& quasi certum domicilium nactæ sunt. Quod autem
petis à me, ut aliquid de Conuentu Augustensi ad te
scribam, quanquam minime delectat me illarum re-
rum recordatio: tamen ne tibi optimo uiro parum offi-
ciosus uidear, mos geretur uoluntati tuæ. Et quemad-
modum

modum Poeta inquit: A Ioue principium. ita nos à Cæsare exordiemur: Nihil enim in hoc conventu cognoui memorabilius, quàm ipsius historiam Cæsaris. Magnā haud dubie admirationem apud uos habet eius perpetua foelicitas, sed hoc longe admirabilius atque honestius est, quòd in tantis successibus & rebus omnibus ad uoluntatem fluentibus, moderationem animi tantam retinet, ut nullum eius dictum aut factū paulo insolentius notari possit. Quem mihi Regum aut Imperatorū ex Annalibus proferes, quem secundę res non inunda-uerint: In hoc uno non potuit indulgentia fortunę animum à suo statu deijcere. Nulla in eo cupiditas, nulla significatio superbię aut sauitię animaduerti potest. Nam ut alia omittam, in hac ipsa causa religionis, in qua contra nos ab aduersarijs miris artibus incenditur, tamē haec tenus nostros ciuilibiter audiuit. Interior uero eius uita plena est honestissimorum exemplorum continentia, temperantię, & frugalitatis. Disciplina domestica quę olim apud Principes Germanię sãuerissima fuit, nunc tantum retinetur in familia Cæsaris. Itaq; nemo improbus in familiaritatem eius insinuare se potest. Amicis utitur tantum Principibus uiris, quos ipse iudicio propter uirtutem delegit. Et quemadmodum fertur Alexander Imperator unice delectatus esse consuetudine Vlpiani Iurisconsulti, ita accipio familiarissimum Cæsari nostro fuisse Mercurinum Cancellarium quoad uixit. Hunc prædicant uirum optimum & sapientissimum, planēq; Vlpianum alterum fuisse. Hac ex re coniecturam facere potes de uoluntate et moribus Cæsaris, *ὅτι τοιούτος ὁ δὴ ἐκείνους ὁμοιωσάμενος ἡδέεσθαι φέρεται*. Itaq; quoties aspexi Cæsarem, uisus sum mihi aliquem ex illis laudatissimis heroi-
roibus

roibus ac semideis, quos quondam inter homines uer-
fatos esse credimus, uidere. Ac multo uerius in hūc com-
petere iudicauī, quod de Augusto scripsit Horatius,
quā ad illum ipsum quantumuis bonum & lauda-
tum Principem:

Hoc nihil maius, melius ue terris

Fata donauere, boniꝫ diui

Nec dabunt, quamuis redeant in aurum

Tempora priscum.

Hæc habui de Cæsare, quæ & mihi iucunda erant re-
cordanti, & tibi arbitrabar uoluptati futura. Quæ enim
nō delectaret hic concentus pulcherrimarū uirtutū, præ-
fertim in tanto Principe? Reliqua historia conuentus
longam habet Tragediam: Nos obtulimus Confessio-
nem fidei, moderatissime scriptam, ut apparet, nos
non abhorrere à consilijs pacis. Hoc unum petiuimus,
ne sæuiretur in Ecclesias nostras propter id doctrinæ ge-
nus, quod ibi proposueramus, cū quidem res loquatur
ipsa, nos nullum dogma defendere cōtra Euangelium
aut Catholicam Ecclesiam, imò multis locis doctrinæ
Christianæ qui antea prophanis opinionibus iacuerant
oppressi, lumen attulisse, uidelicet, de iusticia fidei, de
pœnitentia, de usu Sacramentorum, de autoritate tradi-
tionum humanarum. Quod si hoc ab aduersarijs impe-
traremus, ostendebamus nos prolixè illis concessuros
esse omnia, quæ ad dignitatem Episcoporum stabilien-
dam pertinent. Neq; enim id egimus unquam, ut poli-
tia Ecclesiastica dissolueretur, modo ut Euangelium nō
damnarent Pontifices. Ostendimus etiam nos in riti-
bus Ecclesiasticis omnes qui uiderentur ἀδελφοί, com-
muniter cū ipsis seruaturus esse. Nullum derectauimus
onus,

onus quod sine scelere suscipi posset. Verum ne his quidem, quamlibet æquis conditionibus placare aduersarios potuimus, qui prorsus suo more agebant, postulabant, ut confessionem nostram abijceremus. Id nos facere recusauimus.

Gregorius Nazianzenus scribit nullum se uidisse conuentū Episcoporum, qui nō magis accenderit discordias q̄ diremerit. Sic enim inquit: ἔχω μὲν ὕτως, εἰδὲ τ' ἄλλοις γράφειν, ὥς τε πάντα σύνλογον φεύγειν ἢ ἐπισκόπων, ὅτι μοσιμίας συνόδου τέλει· εἶδον γὰρ καὶ τοὺς ἀλλοὺς, καὶ τοὺς ἐκκλησίας ἢ προσβήκω. αἱ γὰρ φιλονεικίαι καὶ φιλαρχίαι λόγῳ κρείττονες εἰσι. Quod si hoc accidit illis melioribus tēporibus, quid nunc expectandum sit, iudicari facile potest, cum ut cætera paria sint, certe φιλαρχίαι longe uehementiores sunt.

Video futurum, ut hæc mala uolentis remedijs magis etiam exulcerentur. Nec obscurum est, per quales Syrophantas incitentur Principes & Episcopi. Ipse coram audiui quorundam aduersariorum eruditissimos sermones.

Multa hoc anno prodigia nunciata sunt: Nam mulam Romæ peperisse accepimus, & exundatio Tybris nuper mirum in modum deformauit urbem Romam, & in agro Augustano uitululus biceps natus est, quæ haud dubie mutationem Reipub. portendunt. Verum hæc importunitas aduersariorum certius credi prodigium debet, quàm ulla alia portenta, ἢ δὲ κακὴ βουλὴ τοῦ βουλεύσαντι κακίῃ &c.

De nobis extabant testimonia ad omnem posteritatem, nos pie & religiose sensisse, & studium collocasse, in illustranda doctrina Ecclesiæ Catholicæ, & amplifi-

canda gloria Christi. Hic cultus est uere λογικὴ λατρεία, quæ maxime placet Deo, uerbum Dei pure tractare ac docere.

Quod si iniustis armis oppressi fuerimus, tamen præstabimus, ut literæ nostræ depingant posteritati aduersarios nostros, qui cum pretexto nominis Christi contra nos incitant Principes, non constituunt Ecclesias, non curant Euangelium doceri & Christi gloriam illustrari. Et in his sunt quidam belli homines palam Epicurei & ἄθεοι, qui secure irrident omnes religiones. Tales ferunt nobis de religione leges: Sed reprimo me.

Quoties autem memoria repeto ueteres motus Rerum pub. & Ecclesiæ, & exitus colligo, reperio plerosq; scelerate ratione sedatos esse, & equitate Principum. Ac uix unq; uiolenta consilia profuisse animaduerto. Cū Athenis infinitum bellum inter ciues futurum esset, propter mutuas iniurias & proscriptiones, ἀμυνσίᾳ sancita est, quæ minime utilis erat Principibus ac uictoribus, sed ad publicam tranquillitatem proderat. Longum esset Romana exempla recitare.

In Ecclesia uero sepe compertum est, quàm sit inutile controuersias armis diiudicare, de quibus docendæ & sanandæ erant conscientie. Itaq; optandum est, ut Cæsaris sceleritas in hac re etiam saluti sit orbi terrarum, qui quidem hactenus tanta moderatione usus est, ut in magnam spem nos erexerit, talia remedia publicis dissidijs adhibiturum esse, quæ non lædant pias conscientias, aut in posterum pariant nouos tumultus. Non satis considerant magnitudinem causæ & Ecclesiæ periculum, qui authores sunt, ut Ecclesiæ nostræ dissipentur armis, et trucidentur sacerdotes. Episcopos præstare conuenit,
ut pro

ut propagetur ad posteros pura Euangelij doctrina, hoc præcipue postulatur ab isto ordine.

Non potest autem fieri, quin inter tumultum armorum consilescat Euangelium. Et illi qui iubent arma sumere, non hoc agunt, ut postea constituent Ecclesias: Quando enim ista officia curauerunt Romani Pontifices? Ita accider, ut penitus extinguatur religio, ubi defuerint Ecclesijs idonei Doctores Euangelij.

Possẽm alia multa recensere, nisi dolore impedirer, qui me penẽ exanimat, uersantẽ in harũ rerũ cogitatione: Et quidem semper sunt ob oculos. In hanc sententiam multa disputaui cum bonis quibusdam uiris Augustæ, exponens quẽ mihi uiderentur impendere, si nihil remitterent aduersarij, uidelicet, horribilis confusio dogmatum, & infinita Ecclesiarum dissipatio. Comme morabamur etiam his postremis temporibus singulari prudentia opus esse, de quibus prædixit Christus, plus fore periculi quàm antea. Sed res est *ἡ γυναικὶς θεῶν*: quare orabimus Deum, ut propter gloriam nominis Christi, mitia remedia ostendat his qui præsumunt, & ne patiantur interire puram Euangelij doctrinam. Neque enim hoc negari potest, nos in discrimen uocari hanc unam ob causam, quod sentimus Deum placari non nostris observationibus, sed propter Christum.

Huius gloriam cupimus illustrare & amplificare, ut recte intelligant Ecclesię, quæ beneficia Deus per Christum nobis donauerit. Neque ignoramus quàm ridicule uideantur hæc disputationes de religione & de Euangelio Epicureis illis, qui Principes concitant aduersus nos. Sed faxit Deus, ne nos Euangelij pudeat.

Hæc tibi prolixius scripsi, libenter enim quasi in finẽ

ii ij tuum

tuum depono has meas curas. Tu, quod facis, pergas illa studia colere, in quæ ingressus es quadam cum expectatione tuorum, quæ ad dignitatem tuam augendam, & ad Rempub. regendam conducant. Nihil enim opus est pluribus uerbis hortari sponte currentem. Illud tamen oro, ut quantum poteris, adiungas illi doctrinæ alias etiam literas, quarum cognitio homine ingenuo digna est, & non minus necessaria Reipub. quam illæ artes, quæ celebriores habent titulos.

Fratrem tuum meis uerbis
amanter saluta.

Vale.



EPISTOLA PHILIPPI MELAN-
thonis ad Venetos quosdam Euan-
gelij studiosos.



Um anno superiore Braccietus mecum & de studijs optimarum artium, & de religione pleraque disputaret, facile perspexi, eum non modo singulari eruditione, sed etiam prudentia & grauitate eximia præditum esse. Itaque magno studio eum complexus sum. Delectabar cum ipsius ingenij uenustate, quam in carminibus suauissimis scriptis exprimit, tum uero sermonibus ipsius multiplicem doctrinam redolentibus. Sed nescio quod fatum mihi diuturnam eius consuetudinem inuidit. Scitis enim anno superiore domestico quodam negotio in patriam

patriam statim reuocatum fuisse, in quo prædicat se à uobis amanter & summa fide adiutum fuisse. Postquam autem nunc recurrit ad nos, & tot Alpium iuga, ac Hercinios saltus, in ipsa brumæ sæuitia emensus est, non obscurum specimen ostendit præcipuæ erga me beneuolentiæ, & in nostra amicitia constantiæ. Quare reditus eius mihi iucundissimus fuit, ac magnopere optabam me diutius eius consuetudine frui posse. Fuit autem mihi periucundum, quod grauissimorum quorundam uirorum iudicia æquiora commemorauit, de emendatione Ecclesiasticorum abusu, quæ à nobis profecto non iniusta aliqua cupiditate aut studio contendendi instituta est. Sed initio quidam boni uiri prouocati, impudentissimorum quorundam clamoribus, de ueris Pontificijs, coacti sunt officij ratione, purius docere Ecclesias. Hinc exarsit discordia, quam paulatim incendit aduersariorum sæuitia. Tanta autem diligentia causa à nobis acta est, ut semper uim, ac tumultus populares prohibuerimus, ortos etiam propter aduersariorum rabiem oppresserimus. Præterea in doctrina præstitimus debitam fidem, ut abusibus correctis, extaret pura ac Catholica Ecclesiæ Christi doctrina. Scimus semper in mundo dissimillima fuisse iudicia de religione, & diabolum, cum sit hostis Christi, in hoc præcipue intentum fuisse ab initio, ut fereret impias opiniones, ac obrueret gloriam Christi. Ac incitat diabolus curiosa & praua ingenia, ut corrumpant aut cōuellant uera dogmata. Hæc pericula Ecclesiæ cum intelligeremus, magna cura adhibita est, ne extra metas, ut ita dicam, prouerheremur. Et si igitur taxamus recens natas falsas opiniones, tamen ueram Ecclesiam defendimus, nec discedimus ab Apo-

stolicis scriptis, nec à symbolis, Apostolico, Niceno & Athanasiano, nec quidem à ueteri consensu Ecclesiæ Catholicæ, deniq; illud Tertulliani sequimur, ut rectū esse quodcunq; primum fuit statuamus, posterius uero adulterinum. Si quis autem adeo securo est animo, ut nihil uitij in Ecclesiā hærere putet, nec ambitione, auaritia, superstitio, deniq; non diaboli fraudibus uetera instituta mutata aut deprauata esse uideat, is persimilis est ijs, quibus in magnis doloribus mens ægrota non sentit uim morbi. Quis autem ex sanioribus, nō ante hanc aetatem deplorauit Liturgiæ abusum, quæ ad sacrilegum questum conferri solet? Diuorum cultus quantulum abest ab ethnicis opinionibus & ritibus? Iure queritur Gerson recens autor, ita occupatos esse hominum animos, cura humanarum traditionū, ut diuina præcepta negligantur. Idem ante hunc deplorauit Augustinus, & tamen post aetatem Augustini, quantus accessit cumulus traditionū? Nec uero ignoramus semper eam esse generis humani infirmitatē, ut nulla ætas sit futura sine uitijs, & meminimus præceptum politicum multorum literis ac monumentis celebratum, quod docet publicę tranquillitati & concordiæ, quædam incommoda condonanda esse, ac uetat, ut Græci loquuntur, malum bene positum moueri. Sed tamen eius præcepti modus etiā alius sit, necesse est, præsertim in Ecclesiā, in qua Deus ueritatem ac doctrinæ puritatē conseruari præcipit, sicut inquit Paulus: Si quis aliud Euangelium docuerit, anathema sit. Quanquam igitur quædam morum uitia toleranda sunt, tamen doctrinæ errata quę tenebras ofundunt Euangelio, quę idololatriam pariunt, reprehendi necesse est. Primum igitur à nostris repurgata est doctrina

doctrina de pœnitentia, reiectæ humanæ satisfactiones, quas sic uocant, ut beneficium Christi clarius conspici posset, ac extraret doctrina de ea fide, qua remissio peccatorum accipienda est. Patefecimus & discrimen legis & promissionum, quæ sunt Euangelij propriæ: hæ res maxime iacebant obrutæ densissima caligine, in tanta mole traditionum ac labyrinthorū, qui extant in scriptoribus qui commentarios ædiderunt in Petrum Longobardū. Deinde emendata est Liturgia, & mos uetus restitutus in Ecclesijs. Nihil temere, nihil nostro consilio mutatum est, sed secuti sumus non modo Apostolorum scripta, sed etiam ueteris Ecclesiæ ac purioris iudicia, & exempla. Reiecit & diuorum inuocationem, ornauius ueris encomijs munera politica, ac œconomica, et ostendimus esse cultus Dei præcipuos, cum antea longe anteferrerentur nugacissimæ traditiones. Admonuimus quid de indifferentibus ritibus sentiendum sit, & quas tenus retineri possint. Denique summa nostræ sententiæ extat in quodam meo scripto, cui titulus est, Loci communes, in quo satis apparet nos tueri ueterem consensum purioris & Catholicæ Ecclesiæ, ac reuocare studia ad ueterem puritatem. Etsi autem profani homines partim derident has nostras disputationes, partim tanquam seditiosas execrantur, tamē nobis ratio nostri consilij constat, ac norunt p̃i ac prudentes, hæc certamina in Ecclesia necessaria esse, uidentq̃ diu iam opus fuisse, quorundam abusuum emendatione. Meministis historiam apud Herodotum: Cum Astyages Harpagus filium edendum proposuisset, interrogassetq̃ milierum parentem, quo animo filij necem ferret, respondisse Harpagus narratur: Mihi uero placet, quicquid

Rex

Rex facit. Talis seruitus nequaquam in Ecclesia constituta est, ut propter tranquillitatem omnia errata illorum qui præsunt, comprobare cogamur, maximeque eruditae tuenda est in dicenda sententia, seu in docendo, libertas. Cumque unica sit urbs uestra in toto orbe terrarum, in qua uera est aristocratia tot seculis conseruata, quæ semper inimica fuit tyrannidi, maxime decet in eo loco esse libera bonorum iudicia, & improbare iniustam sauitiam, quæ alibi in Ecclesiâ exercetur. Quare uos quantum possum adhortor, ut ad gloriam Dei ornandam, studia atque auctoritatem uestram conferatis: hic cultus Deo gratissimus est.

Intellexi autem isthic circumferri Serueti libellum, qui renouauit errorem Samosateni initio Ecclesiæ damnatum, & labefecit sententiam de duabus naturis in Christo, negat in Ioanne uerbum significare hypostasim, seu personam, ut nunc uocant, cum ait Ioannes: In principio erat uerbum. & postea: Et uerbum caro factum est. Et si autem extat meum iudicium de hac controuersia, ac nominatim in locis damnaui Serueti sententiam, tamen nunc quoque uos admonendos atque obtestandos esse duxi, ut hortatores atque autores sitis, ut fugiant, abijciant, execrentur impium Serueti errorem. Scio absurdum uideri, quod interpretatur Ecclesia, uerbum esse personam seu hypostasim: sed in his cœlestibus dictis, non quid concinnum rationi humanæ uideatur, spectandum est, sed quid certo doceant ac affirmant testimonia diuinitus proposita in Apostolicis scripturis, quæ Seruetus astute eludit, sed calumniæ præcipue remouendæ sunt à sacris dogmatibus. Nos, ut decet pios, primum consideremus, quid senserit certo prima Ecclesia. Nam

Seruetus

Seruetus iniuriam insignem facit Ireneo & Tertulliano, quos fingit sibi patrocinari, cum Tertullianus diserte insinuat quæstionem, an uerbum sit hypostasis, aut significet patrem cogitantem, aut deliberantē, seu constituentem aliquid. Sæpe autem affirmat uerbum esse hypostasin seu personam, & allegat prioris Ecclesiæ autoritatem. Ireneus citat Policarpum auditorem Ioannis, estq; autor in primis purus, is clare affirmat uerbum esse hypostasin seu personam, etiam antequam induit humanam naturam. Extat & Gregorij Neocæsariensis confessio, cuius Gregorij autoritate præcipue refutatus est Samosatenus: extant multa alia testimonia Origenis, Dionysij Alexandrini, qui ferè attigit Apostolorum tempora. Basilii ait sibi Gregorij Neocæsariensis confessionem tanquam normam & regulam doctrinæ Ecclesiasticæ fuisse. Inuocat Ecclesia Christum in quotidianis precibus, neq; hic mos nouus est, sed etiam à Paulo usurpatus, ut Epistolæ eius testantur, & habet testimonia in Psalmis, qui iubet inuocare Dominū illum promissum. Tribuit autem inuocatio diuinitatis honorem, cū agnoscimus eum, quem inuocamus, omnium pectorum motus uidere, quod non est nisi immensæ potentiæ ac Dei. Tollit igitur re ipsa Seruetus inuocationem, etiamsi in speciem retinet. Primum igitur testimonium primæ Ecclesiæ opponamus, à qua commonefacti, confirmemus etiā animos dictis Apostolicis, quæ satis perspicua sunt, si nō deprauentur cauillationibus. Si uerbum in loco illo Ioannis nihil significaret, nisi patrem cogitantem, non recte postea diceretur: Et uerbum caro factum est. Deinde Ioannes de Christo inquit: In mundo erat, & mundus per eum factus est. Constat autem mundum

non esse per humanam Christi naturam conditum, ergo necesse est, alteram in Christo naturam esse, quæ fuerit initio, per quam mundus conditus est. Sic & Paulus ad Collossenses clare inquit, Omnia per Christum condita esse, eamque sententiam aliquoties repetit. Et Epistola ad Hebræos inquit: Per quem condidit secula, qui est fulgur gloriæ, & character substantiæ eius. Quid in his uerbis est ambigui, si simpliciter & sine cauillatione accipiantur? Affirmant conditum esse mundum per filium Dei. Necesse est igitur in Christo esse alteram naturam, quam Ioannes uocat uerbum. Epistola ad Hebræos imaginem seu effigiem patris appellat. Hæc apte inter se congruunt: Nam uerbum est imago. Hæc & si extra caput humanationis posita sunt, tamen non propterea cauillationibus eludenda sunt, imò quo secretiora sunt, eo maior est audacia & impietas, conuellere non intellecta. His & similibus testimonijs certis ac firmis assentiamur, cum aperte hoc efficiant, quod docet Ecclesia de filio Dei. Adiuuemur etiam consensu ueteri primæ Ecclesiæ, accogitemus de Dei natura & uoluntate non humanis ratiocinationibus, sed cœlestibus testimonijs credendum esse. In hac caligine mentium humanarum, præ lucere nobis uerbum Dei debet.

Belligeratur autem Diabolus cum uera Ecclesia, & gloriam Dei obscurare conatur, quibus potest artificijs. Has infidias intelligere pios conuenit, ac stare in procinctu ad tantum hostem depellendum, cum offundere opinioniones contra uerbum Dei, cum auellere animos ab illa regula conatur. Sed hæc militia paucis nota est. Ideo omnibus ætatibus ab initio mundi, passim sparsi & propagati errores sunt omnis generis, ac labi facile est. Cum enim

AD VENETOS QVOSDAM. 811

enim omnium hominū mentes natura ducantur, ut ali
quid de religione quærant, & tamen negligenter tuean
tur uerbum Dei, ac libentius assentiantur humanis spe
culationibus, facile excutitur hominibus uerbum Dei.
Quare & in hac controuersia, & in cæteris cauendum
est, ne assentiamur cauillationibus confictis ad eluden
dā ueram scripturę sententiam. Hæc scripsi uerbosius,
quāmodus Epistolæ patiat, sed multo angustius,
quā magnitudo causæ postulat. Verum iudicij mei
testimonium uobis significare uolui, nec grauatim de
tota controuersia, si quis petet, copiosius disputabo. In
Locis collegi præcipua testimonia ad hanc causam per
tinentia, quibus confirmare mentes facile possunt con
trarias cauillationes refutare. Porro ut quondam lex Ca
strensis notabat ignominia, non eum qui gladium, sed
qui clipeum abiecerat, quia prior esse cura nostri tuendi
debet, quā hostes ferendi, Ita in his contentionibus
prior esse cura debet, nostras mentes recte con

firmandi, posterior refutandi aduer

sarij. Ex Lypsia, Anno

1539.



kk ij

Epistolæ

EPISTOLAE CONTRARIAE, PICI
pro barbaris Philosophis, & Hermolai noua ac subdi-
ticia, quæ responder Pico. Aedite cum dispo-
sitione Philippi Melan-
thonis.

ORNATISSIMO VIRO D. IVSTINO
Goblero, Consiliario Illustrissimi Principis
D. Erici Ducis Brunswicensis &c.
Franciscus Vinariensis
S. D.



Antam uim habet hospitij coniunctio
apud bonos, ut sanctissimo fœdere ani-
mos copulet. Itaq; & si nostra in te officia
uoluntate nostra minora fuerunt, tamen
facis humanissime, quod memoriam no-
stri summa cū beneuolentia retines. Ego uero te & com-
plectendum & amandum duxi, cum propter eximiam
humanitatem ac suauitatem ingenij tui, tum uero quia
uidebam te, quanquam ratio muneris tui cogit te in fo-
rensi doctrina uersari, tamen mirifice amare atq; admira-
ri eloquentiæ studia, quæ etiam si nihil afferrent utilita-
tis, ut indocti quidam falso putant, ad leges intelligen-
das, tamen ornamentum in homine nullum, meo iudi-
cio, maius atque illustrius esse potest, quàm elegans &
apta oratio. Atq; ut eos, qui hoc ornamentum non in-
telligunt, uix hominum appellatione dignos esse cen-
seo: ita contra eloquentiæ studiosos magnopere amo,
eosq; uere philosophari iudico, quod & uideât quid sit
homine

EPISTOLA DEDICATORIA. 813

homine præcipue dignum, & uera bona mirentur atque
expetant. Etsi enim multæ sunt causæ, cur eloquentiæ stu-
dium uulgo negligatur, tamen hanc præcipuam esse sta-
tuo, quod pauci tantum iudicio ualent, ut uim ac digni-
tatem artis omnium reginæ intelligant. Atque hæc me-
mini etiam coram nos disputare. Itaque cum nuper rescri-
psissem Epistolæ Pici, in qua uituperatur eloquentia, ue-
nit mihi in mentem illius tui iucundissimi sermonis.
Quare duxi hanc meam declamationculam potissi-
mum tibi mittendam esse, uelut xenium, ut intellige-
res me quoque memoriam nostri congressus summa
fide retinere. Et arbitrabar hoc xenium propter argu-
mentum neque alienum tuis studijs, neque ingratum fore,
& si non ignoro me nihil minus præstitisse, quàm quod
ibi disputo, efficiendum esse in dicendo, ut rerum ma-
gnitudinem æquet oratio. Ego uero uix extremas lineas
duxi maximi operis, tantum abest ut absoluerim. Her-
molaus recitat quasdam suas pugnas, hoc ne agit qui-
dem ut refellat Pici argumenta. Et haud scio an iudicio
causam suam peragere noluerit, quod uideret eam non
magis epistolæ conuenire, quàm si quis in exigua tabel-
la ingentem colossus uelit pingere: quod cum ipse ani-
ma duerterem, coepi etiam languidiore animo scribere,
& quasi represso cursu restiti, ac breuiter ostendi fontes
argumentorum Pici, ut ab adolescentibus iudicari faci-

lius possit, ubi ille quasi extra uiam currat, dum

in absurda materia tuenda ludit.

Bene uale.



kk iij

Ioannes

Exordium du-
citur ab Her-
molai priori-
bus literis, in
quibus Her-
molai agit Pi-
co gratias, &
tam honorifi-
ce de ipso sen-
tiat: Repetit
igitur Picus il-
lam ipsam sen-
tentiam. De imi-
tatione corri-
git Hermolai
dictum, quod
ipsum imitari
non possit, ad-
mirari possit.



Go quidem, mi Hermolae, nec possum
aut tacere, quæ de te sentio, aut non sentie-
re ea quæ de illo debeant, in quo omnia
ueluti singula summa reperiantur. Sed uti-
nam esset is meæ mentis captus, ut pro me-
ritis tuis de te sentirem: utinam ea dicendi uis, ut ex-
primere aliquando possem, quod semper sentio, scio quæ
de te concepi, infinitum subsidere infra fastigia doctrine
tuæ, scias & tu quæcumque loquimur, minora esse his quæ
concepimus, tam deesse scias animo uerba, quæ rebus ani-
mus deest. Et tamen ita me audere credis, ut sperare posse
imitari tua, quorum nec magnitudinem estimare possum.
Admirari te possunt omnes, imitari tam pauci possunt,
quàm nemo reprehendere. Et utinam ea mihi felicità-
tas, ut quæ scribam Hermolaum meum aliqua ex parte
imaginentur. Ipse enim (ut taceam cætera) stilus tuus,
cui tu adeo male faues, mirum quantum me afficit atque
delectat, ita est doctus, grauis, compositus, eruditus, ex-
cussus, ingeniosus, in quo nihil expositum, nihil uulga-
tum, nihil sit triviale, seu uerba, seu sententias spectes.
Legimus sæpe ego & noster Politianus, quasque habe-
mus tuas, aut ad alios, aut ad nos epistolas, ita semper
prioribus certant sequentia, & nouæ fertiliter inter le-
gendum efflorescunt Veneres, ut perpetua quadam ac-
clamatione interspirandi locum non habeamus. Sed
mirum dictu, quàm persuadeas, & legentis animu quo-
cumque uelis impellas. Expertus sum ego cum semper alias,
tum hac

cum hac proxima tua ad me epistola, in qua dum barba-
ros hos Philosophos infectatis, quos dicis haberi uulgo
sordidos, rudes, incultos, quos nec uixisse uiuentes, ne-
dum extincti uiuant, & si nunc uiuant, uiuere in poenam
& contumeliam. Ita Hercules sum commotus, ita me
puduit, piguitq; studiorum meorum, iam enim sexen-
nium apud illos uersor, ut nihil minus me fecisse uelim,
quàm in tam nihili facienda re, tam laboriose conten-
disse. Perdiderim ego, inquam, apud Thomam, Ioan-
nem Scotum, apud Albertum, apud Auerroem melio-
res annos, tantas uigilias, quibus potuerim in bonis lite-
ris fortasse non nihil esse? Cogitabam mecū, ut me con-
solarer, si qui ex illis nunc reuiuiscant, habituri ne quic-
quam sint, quo suam causam, argumentosi alioqui ho-
mines, ratione aliqua tueantur. Demū succurrit ex ipsis
quempiam paulo facundiorē, suam barbariem, quā
poterit minime barbare, hunc in modum
fortasse defensurum: Viximus celebres o
Hermolae, & post uiuimus nō in scholis
Grammaticorum, & pædagogijs, sed in
Philosophorum coronis, in conuentibus
sapientum, ubi non de matrē Androma-
ches, non de Niobes filijs, atque id genus
leuibus nugis, sed de humanarum diuina-
rumq; rerum rationibus agitur & disputa-
tur, in quibus meditandis, inquirendis,
& enodandis, ita subriles, acuti, acresq;
fuimus, ut anxij quandoq; nimium & morosi fuisse for-
tē uideamur: si modo esse morosus quisquam aut curio-
sus nimio plus in indaganda ueritate potest. Atque in
his quidem si quis nos arguat hebetudinis & tarditatis,
age amabo

*Narratiuen-
la, continens
occasione hu-
ius epistolæ.*

*Propositio cū amplificationi-
bus: Barbari digni laude sunt
propter rerum scientiam. Hu-
ius propositionis amplificati-
ones extenuat Hermolaus, &
falsè deridet numero 15. Re-
prehenditur & ipsa proposi-
tio, cū detrahatur istis magna
ex parte rerum scientia.*

Altera pars propositionis: Non sunt uituperandi, quod non fuerint eloquentes. Sequitur confirmatio: Nephias est sapientiae addere eloquentiam. Hanc propositionem principio reprehendit infra Hermolaus, quia maxime absurda est & falsa. Euerit autem eam ex ratione conuersionis: Nulli sapientes debent esse eloquentes, ergo neque eloquentes fuerunt sapientes, quod est absurdissimum.

* Ratio I.

A similibus diluuntur numero 3. & 6.

** Ratio II.

A definitione seu fine eloquentiae. Ipse definit elocutionem esse accersitum & inanem cultum. Hermolaus contra definit elocutionem esse propriam explicationem. Estque locus communis, quid sit eloquentia, seu quis sit finis eloquentiae.

age amabo quicumque is est, pedem conferrat, experietur habuisse barbaros, non in lingua, sed in pectore Mercurium, non defuisse illis sapientiam, si defuit eloquentia, quam cum sapientia non coniunxisse, tantum fortasse abest a culpa, ut coniunxisse sit nephias. * Quis enim cincinnos, quis fucum in proba uirgine non damnet? Quis in Vestali non detestetur? ** Tantum est inter Oratoris munus & Philosophi pugnancia, ut pugnare magis inuicem non possint. Nam quod aliud Rhetoris officium, quam mentiri, decipere, circumuenire, praestigiari? Est enim uestrum, ut dicitis, posse pro arbitrio in candida nigrum uertere, in nigra candidum, posse quaecumque uultis tollere, abijcere, amplificare, extenuare dicendo, deum res ipsas magicis quasi, quod uos iactatis, uiribus eloquentiae, in quam libuerit faciem, habitumque transformare, ut non qualia sunt suo pte ingenio, sed qualia uolueritis non fiant quidem, sed cum non sint, esse tamen audientibus appareant. Hoc totum est ne quicquam aliud, quam merum mendacium, mera impostura, merum praestigium, cum a natura rei semper uel augendo excedat, uel minuendo deficiat, & fallacem uerborum concentum, ueluti laruas & simulachra praetendens, auditorum animos blandiendo ludificet. Erit ne huic cum Philosopho affinitas, cuius studium omne in cognoscenda

gnoscentia, & demonstranda cæteris ueritate uersatur. Adde quòd nobis nulla erit fides, lauticias uocù, & uereres affectantibus, quasi rebus parum fidentes, nec uero nixi, trahere in sententiam his lenocinijs homines quæramus. Est ob hanc causam legere res sacras rusticè potius quàm eleganter scriptas, quod nihil sit magis de decens, & noxium in omni materia, in qua de uero cognoscendo agitur, quàm uniuersum istud dicendi genus elaboratum. Hoc, hoc forensium est quæstionum, non naturalium atq; cœlestium. Non est eorum qui in Academia, sed qui Republica illa uersantur, in qua quæ fiunt, quæq; dicuntur, populari trutina examinantur, apud quam flores fructibus longe præponderant. Non nescis illud: non omnibus omnia pari filo cōueniunt. Est elegans res, fatemur hoc, facundia, plena illecebræ, & uoluptatis, sed Philosopho nec decora, nec grata. Quis mollem incessum, argutas manus, ludibundos oculos in histrione & saltatore non probet? In ciue, in Philosopho, quis non improbet, arguat, abominetur? Si puellam uiderimus moribus lepidam, atque dicaculam, laudabimus, exosculabimur. Hæc in matrona damnamus & persequemur. Non ergo nos, sed illi inepti, qui ad pedes Vestæ agunt Bacchanalia, qui grauitatem Philosophicarum rerum, & castitatem ludicris ueluti & calami stris dehonestant. Profecto quod Sinestius de adolescente, de oratione dici commode potest, comatam orationem semper cinædam. Quare nos nostram malam hirtam, globosam, inexpeditam, q̃ cū impuritatis uel nota uel suspitione belle comatam. Alioqui Palladis peplum non reuelaret, sed à sacris uti prophana repelleretur. Et ut nihil sint reliqua, hoc est uerissimum,

III.

Vtrum sit uoluptas digna Philosopho, dicitur breuiter numero 4. & additur ibi argumentum à necessario.

IIII.

Alie similitudines contumeliosæ diluuntur numero 5.

mum, nihil esse diuersum magis ab instituto Philoso-
 phi, quacunq; in re, quàm quod luxum, aut fastum ali-
 qua ex parte sapit. Sicionios calceos, habiles, aprosq;
 ad pedem dicebat Socrates, sed Socrati non conuenire.
 Omnino non eadem ratio ciuilis habitus & Philoso-
 phici, sicuti neq; mensæ, neq; sermonis. Vtitur his Philo-
 sophus dumtaxat ad necessitatem, utitur ciuilis homo
 etiam ad gratiam, quam & hic si neglexerit, non ciuilis;
 & ille affectauerit, non erit Philosophus. Si posset Py-
 thagoras uiuere sine cibo, holeribus etiam parceret: si
 sua sensa aspectu, aut demum minore q̃ sermonis opera
 explicare, omnino non loqueretur, tantum abest ut lin-
 guam poliat & exornet. Quod uel ob id cauendum nō
 bis, ne ille cū cute medicata lector demoretur ad eam,
 ad medullam, & sanguinem nō peruadat, quem subesse
 sæpe cerulato ori infectum uidimus. Vidimus, inquam,

V.

Hac repre-
 hendūtur infi-
 ciatione, & in-
 uertūtur, Imō
 sine eloquen-
 tianō possunt
 res cerni.

in hisce omnibus quibus propterea usu uenit, cum ni-
 hil sit intus non inane, & uanum, detinere lectorem in
 prima facie modulatu uario, atq; concentu. Quod si fe-
 cerit Philosophus, clamabit Musonius nō Philosophū
 loqui, sed tibicinem canere. Non ergo nobis uitio detur
 id non fecisse, quod fecisse uitium erat. Quærimus nos
 quid nam scribamus, non quærimus quomodo, imō
 quomodo quærimus, ut scilicet sine pompa, & flore ul-
 lo orationis, quam nolumus ut delectabilis, uenusta, &
 faceta sit, sed ut utilis, gravis, & reuerenda, & maiestatem
 potius ex horrore, quàm gratiam ex mollitudine conse-
 quatur: Non expectamus theatri plausum, quod aures
 demulserit æquabilis clausula, uel numerosa, quod hoc
 sit falsum, illud sit lepidū. Sed expectamus paucorū po-
 tius præ admiratione silentiū introsipientium penitus
 aliquid

aliquid, aut de naturæ aditis erutum, aut de Iouis aula ad homines adductum, tum uel aliquid ita argutum ut defendendi, ita defensum ut arguendi non sit locus. Ad mirentur præterea nos sagaces in inquirendo, circumspectos in explorando, subriles in contemplando, in iudicando graues, implicitos in uinciendo, faciles in enodando. Admirentur in nobis breuitatem styli, foetam rerū multarū atque magnarū, sub expositis uerbis remotissimas sententiās, plenas quæstionū, plenas solutionū, quæ apti sumus, quæ bene instructi ambiguitates tollere, scrupulos diluere, inuoluta euoluere, flexanimis syllogismis & infirmare falsa, & uera confirmare. His titulis o Hermolae uindicauimus hucusque, & uindicaturos post hac ab obliuione memoriam nostram non dubitauimus. Quod si uulgo (ut dicis) habemur sordidi, rudes, incul ti, hoc nobis ad gloriam est, non ad contumeliam. Vulgo non scripsimus, sed tibi, & tui similibus. Nec aliter quæ prisci suis ænigmatibus & fabularum inuolucris, arcebant idiotas homines à mysterijs, & nos cōsueuimus abstergere illos à nostris dapibus, quas non polluere non possent amariori paulum cortice uerborum. Solent & qui thesauros occultare uolunt, si non datur seponere, quilibet quilibet integere, uel ruderibus, ut prætereuntes non deprehendant, nisi quos ipsi dignos eo munere iudicauerint. Simile Philosophorum studium, celare res suas populum, à quo cum non probati modo, sed nec intelligi illos deceat, non potest non dedecere, habere aliquid, quæ ipsi scribunt theatrale, plausibile, popolare, quod demum multitudinis iudicio accommodare se uideatur. Sed uis effingam ideam sermonis nostri, ea est ipsissima, quæ Silenorum nostri Alcibiadis. Erant enim horū

II ij - simulachra

*Haec amplificatio-
tiones, quibus
arrogat bar-
baris rerū sci-
entiam, exte-
nuantur in al-
tera parte re-
spōsionis Her-
molai simul
uno in loco.*

VI.

*Similitudo de
symbolis et as-
pologis dilui-
tur inuersio-
ne, imò apolo-
gi traditi sunt
ut reddāt præ-
cepta illustrio-
ra. Numero 8.*

VII.

*Similitudo de
occultandis re-
bus inuerti-
tur, imò plura
sunt in doctri-
nis, quæ exte-
re & efferrē
debent, nō oc-
cultari.*

VIII.
Similitudo de
Silenis Alcibi
adis inuerti-
tur numero
16.

Hec omnia di-
luuntur oppo-
sito argumen-
to necessitatis
Necesse est e-
nim Socratis
orationem in-
telligi.

simulachra hispido ore, tetro, & aspernabili, sed intus plena gemmarum, supellectilis rara & preciosa, ita ex-
trinsecus si aspexeris, feram uideas, si intus aspexeris, nu-
men agnoscas. At, inquires, non ferunt aures, nunc asper-
ram, nunc hiulcam, semper inconsonam texturam. Nō
ferunt barbara nomina, ipso etiam penē timenda sono.
O delicate, cū accedis choraules & citharædos, pone te
in auribus, cum uero Philosophos, auoca à sensibus,
redeas ad te ipsum in animi penetralia mētisq; secessus.
Assume illas Thiane aures, quibus, cum omnino non
erat in corpore, non terrestrem Marfiam, sed Appollinē
cœlestem, diuina cithara uniuersi melos ineffabilibus
temperantem modis, exaudiebat. His auribus Philoso-
phorum uerba si delibaueris, mellea tibi ad Nestoris in-
uidiam esse uidebuntur. Sed hæc sinamus, nimio plus
assurgentia: profecto fastidire in Philosopho subtilissi-
me disputante minus concinnam elocutionem, non
tam delicati stomachi est, q̃ insolentis. Neq; est aliter ac
si quem in Socrate de moribus docente offendat, aut la-
xus calceus, aut toga diffidens, & sectum prauē stoma-
chetur ob unguem. Non desiderat Tullius eloquentiā
in Philosopho, sed ut rebus & doctrina satisfaciatur. Scie-
bat tam prudens q̃ eruditus homo nostrum esse com-
ponere mentem, potius q̃ dictionem, curare ne quid ab-
erret ratio, nō oratio, attinere ad nos q̃ *διὰ δέσας λόγου*,
non attinere *τὸν q̃ προφορᾶ*. Laudabile in nobis habes
remusas in animo, & non in labris, ne quid in illo uel
per iram sonet, uel per libidinem enervatius. Denique
ne qua sit discors à genuina ipsa, qua temperatus est mo-
dulabiliter harmonia, quam Plato cū intelligeret thea-
trali ista, & Poetarū sæpe corrumpi, à Repub. sua Poetas
omnes

omnes eliminavit, gubernandam autem Philosophis reliquit: mox certe si per lasciviam differendi Poetas fuerint imitati, exilio cōdemnandis. At instabit Lucretius, & si non egeant per se Philosophiæ commentationes amœnitate dicendi, per eius tamen adhibitionem diffimulandam esse ipsarum rerum austeritatem. Sicut absynthia per se pellunt morbos, melle tamen illinuntur, ut puerorum ætas improvida ludificetur. hoc fortè tibi faciendum erit ò Lucreti, si pueris scribebas tua, si uulgo, faciendum utiq; tibi, qui non absynthia modo, sed meracissima toxica propinares. Sed longe alia nobis habenda ratio, qui uulgus, ut ante diximus, non allectare quærimus, sed abstergere, nec tetra absynthia, sed neſtar propinamus. Sed contendet Lactantius, satis constare, in auditorum animos, uel seniorum influere potentius ueritatem & uisua instructam, & luce orationis ornata. Si fuisses ò Firmiane tam frequens in sacris literis, quàm in fidei litibus fuisti, & hoc non dixisses, & nostra non minus bene fortasse confirmasses quàm destruxeras aliena. Dic quæſo, quid mouet fortius, & persuadet, q̃ sacrarum lectio literarum? Non mouent, nō persuadent, sed cogunt, agitant, uim inferunt legis rudia uerba & agrestia, sed uiua, sed animata, flammea, aculeata, ad imum spiritum penetrantia, hominem totum potestate mirabili transformantia. Periculis orationibus elaboratis, & luculentis nihil se commoueri inquit Alcibiades, Sed Socratis uerbis nudis & simplicibus, addit etiam si sint inepta, rapi in furorem, extra se poni, & uelit nolit, faciendum ei, quod ille præceperat. Sed quid perdo uerba in re confessari si non desipit auditor, à fucato sermone, quid sperat aliud quàm insidias?

De sermone
sacrarum literarum
responde
tur numero 7

Coacervat alias similitudines, quæ idem peccant quod superiores, in omnibus enim est falsa hypothesis, quod elocutio sit non necessarius cultus.

Tribus maxime persuadetur, uita dicentis, ueritate rei, sobrietate orationis. Hæc sunt Laſtanti, quæ Philosopho fidem cõciliant, si bonus fuerit, sit ueridicus, si id genus dicendi appetens, quod non ex amœnis musarû syluis, sed ex horrendo fluxerit antro, in quo dixit Heraclitus latitare ueritatem. At dicet quispiam: Age amice examinemus hæc deposita contentione. Reuerendum quoddam, & per se diuinum est sapientia, nec exotico quoq; eget ornatu. Sed quæ inuidia & hunc accedere? Quis negat, quæ per se decent, si adornentur fieri decentiora? Ego amice hoc in plerisq; nego, adeo multa sunt, quorû splendorem, si quid adiunxeris, elumines, & non illustres. Ita sunt scilicet in sua natura optimo statu, ut demutari ab illo nisi in peius non possint. Marmorea domus picturam non recipit, si opus albarium superinduxeris, demas de dignitate, de pulchritudine. Non aliter & sapientia & quæ tractantur à Philosophis testorio nõ clarescunt, sed offuscantur. Quid plura? Nonne uulgatum bonas formas cerussa deuenustari? In uniuersum quicquid pulchri superimponas, cælat, quod inuenit, quod affert secum illud ostentat. Quare si quod prius fuerat, aduentitio præstat, iacturam fecerit illud quicquid est, non lucrum. Ob eam causam nudam se præbet Philosophia, undiq; conspicuâ, tota sub oculos, sub iudiciû uenire gestit, scit se habere, unde tota undiq; placeat. Quantum de ea ueles, tantum de forma ueles, tantû de laude minuas: synceram & impermixtam se haberi uult, quicquid admisceas, infeceris, adulteraueris, aliam feceris, stat puncto infectili, & indiuiduo. Quapropter nec laudandum tropis, nec uerbis aut nimis luxuriandum, aut translatis lasciuiendum, aut facticijs audendum, in re
tam seria

tam seria, tanti discriminis, in qua demerere, addere, de-
mutare sit flagitium. At, inquires, age damus hoc uobis,
ut non sit uestrum ornate loqui, sed uestrum est certe,
quod nec præstatis, ut Latine saltem, ut si non floridis,
suis tamen uerbis res explicetis. Non exigo à uobis ora-
tionem comptam, sed nolo sordidam, nolo unguenta-
ram, sed nec hircosam. Non sit lecta, sed nec neglecta.
Non querimus ut delectet, sed querimus quod offendit.
Bene habet, iam scilicet ad nos deficiis. Sed amabo inco-
gnoscamus, quid istæ sit Latinitas, quam solam dicitis
debere Philosophos, & non persoluere, si dicendo in-
currat, exempli causa: A sole hominem produci, causari
hominem nostrates dicunt. Clamabis æturum, hoc nō
est Latinum, huc usq; uere, non est Romane dictum,
hoc uero uerius, igitur non recte, peccat argumentum.
Dicet Arabs eandem rem, dicet Aegyptius, non dicent
Latine, sed tamen recte. Aut enim nomina rerum arbi-
trio constant, aut natura: si fortuito posita, ut scilicet, cō-
munionem hominum in eandem sententiam conuenien-
te, quo sanxerint unumquodq; nomine appellari, ita
apud eos recte appelletur, quid prohibet hosce Philoso-
phos, quos nuncupatis barbaros, conspirasse in unam
dicendi normam apud eos non secus sanctam, ac habea-
tur apud uos Romana: Illam cur rectam non appelle-
tis, appelletis uestram, nulla est ratio, si hæc compositio
nominum tota est arbitraria. Quod si dignari illam Ro-
mani nominis appellatione non uultis, Gallicam uo-
cetis, Britannicam, Hispanam, uel quod uulgares dice-
re solent, Parisiensem. Cum ad uos loquentur, contin-
get eos pleraq; rideri, pleraq; non intelligi. Idem accidet
uobis apud eos loquentibus: ἀνέχρεσις πρὸς ἀθηναίους
σολοικίς

IX.

Ratio ab ori-
gine sermonis
q; uerba non
consent natu-
ra: breuissime
diluitur nume-
ro 10.

X. *σολοικίζε. ἀθηναῖοι δὲ πρὸ σκυθας.* id est: Anacharsis apud Athenienses solœcismū facit: Athenienses apud Scythas. Quod si nominum reſtitudo pendet ex natura rerum, debemus ne Rhetores, an Philosophos, qui rerum omnium naturam ſoli perſpectam habent & exploratam, de hac reſtitutione conſulere: Forteq; aures reſpiciunt, utpote aſperula, acceptat ratio, utpote rebus congnatiora. Sed quid oportuit nouare eos linguam, & ſi nati erant inter Latinos, non Latine loqui: Non poterant illi d̄ Hermolae dum legebant in cœlo fatorū leges, euentorum notas, ordinem uniuerſi, legebant in elementis naſcendi uices, & obeundi, ſimplicium uires, mixtorū temperaturas: Non poterant inquam eodem tempore in Cicerone, in Plinio, in Apuleio Romanę lingue proprietates, leges, obſeruantias adnotare. Quærebant quid abhorrens, quid receptum in natura, quid à Romanis interea non curabant. Verum enimuero iam

XI. Recriminatio q. Oratores ſapientia reputauerint, diluitur numero 12. re loco meliore ſtatuo. Do tibi, eloquentiam, & ſapientiam mutuo nexu inuicem conſpiraffe. Abiunxerūt Philoſophi ſapientia ab eloquentia, abiunxerunt Hiſtorici, Rhetores, Poetæ, quod deſſet Philoſtrates, eloquentia à ſapientia. Hos tu uicturos celebri fama minime dubitas, illos nō niſi in pœnam & contumeliam. uide quid agas, indiſertam mauult Cicero prudentiam q̄ ſtultam loquacitatem. Non quærimus in pecunia, qua moneta

Hæc ingenere diluuntur, oppoſito argumēto neceſſitatis, Oportet eſſe certū percuſſa ſit, ſed qua materia conſtet. Nec eſt, qui purum aurum non malit habere ſub nota Teutonū, q̄ ſub Romano ſymbolo factitium. Peccant qui diſſidium cordis & linguæ faciunt, ſed qui excordes tota ſunt lingua, nonne ſunt mera (ut ait Cato) mortuaria gloſſaria? Viſe uere ſine lingua poſſumus, fortē nō commodē: ſed ſine corde

corde nullo modo possumus. Non est humanus qui sit insolens politioris literaturæ. Non est homo qui sit expertus Philosophiæ. Prodesse potest infantissima sapientia. Insapientia eloquentia, uti gladius in furentis manu, non obesse maxime non potest. Ergo, inquires, & statue non à figura, sed à materia cōmendantur. Et si Cherilus eadem quæ Homerus, & de iisdem Meuius, ac Virgilius cecinissent, futurū erat, ut eque illi atq; isti inter Poetas reciperentur. Nonne uides disparilitatem similitudinis? Illud & nos asseueramus, à specie rem æstima, non ex subiecto. Est enim à specie res id quod est: Sed alia specie quispiā inter Philosophos, alia inter Poetas recipiendus. Scribat Lucretius de natura, de Deo, de prouidentia. Scribat de iisdem ex nostris quispiam, scribat Ioannes Scotus, & quidem carmine ut sit ineptior. Dicit Lucretius rerum principia, atomos, & uacuum, Deum corporeum, rerum nostrarum inscium, temere omnia fortuito occurssu corpusculorum ferri. Sed hæc Latine dicit & eleganter, dicit Ioannes, quæ natura cōstant, sua materia specieq; constitui, esse Deum separatam mentem, cognoscentem omnia, omnibus consulentem. Nec propterea q̃ uniuersa etiam infima uideat, ac moderetur, è sua pace minimū dimoueri, sed quod dici solet *κατ' ὅσον* *κατὰ φύσιν*. At dicit insulse, ruditer, non Latinis uerbis. Queso quis in dubium reuocet, tam rectius Scotum Philosophari, quàm ille loquitur ornatus? Sed uide quid differat: huic os insipidū: illi mens desipiens, hic Grammaticorum, ne Poetarum dicam, decreta nescit: ille Dei atq; naturæ: hic infantissimus dicendo sentit ea, quæ laudari dicendo satis non possunt: ille fando eloquentissimus loquitur nefanda.

genus sermone
nis quod intel
ligi queat.

XII.

Collatio Lucretij & Scoti reprehenditur numero 11.

Conclusio:

*πᾶντος dilui-
tur opposita
alia iustiore
causa indigna-
tionis.*

Hæc illi fortasse afferent Hermolæ charissime in de-
fensionem suæ barbariæ, aut qua sunt subtilitate, multo
fortasse meliora, quorum sententiæ nec ego planè acce-
do, nec ingenuo cuiquā & liberali accedendum puto.
Sed exercui me libenter in hac materia, tanquam infam-
mi, ut qui quarranam laudant, cum ut ingenium periculi-
tarer, tum hoc consilio, ut ueluti Glauco ille apud Plato-
nem iniusticiam laudat, non ex iudicio, sed ut ad laudes
iusticiæ Socratem extimulet. Ita ego ut eloquentiæ cau-
sam à te agi audiam, in eam licentius, repugnante pau-
lis per sentiu atq; natura, inuectus sum, quam si uel negli-
gendam Barbaris existimarē, non ab illis ad eam, quod
nuper feci, ad Græcas literas, ad tuū nunquam satis lau-
datum Themistium penè totus defecissem. Quamuis,
dicam libere quod sentio, movent mihi stomachum
Grammatistæ quidam, qui cum duas tenuerint uocabu-
lorum origines, ita se ostentant, ita uenditant, ita circum-
ferūt iactabundi, ut præ se ipsis pro nihilo habendos Phi-
losophos arbitrentur. Nolumus, inquit, hæc uestras
Philosophias: Et quid mirum, nec Falernum canes. Sed
nos hac fini epistolam claudamus: Si decus aliquod, no-
menq; sibi promeruerunt Barbari illi, sola rerum cogni-
tione, non esse facile dictu, quem locum, quid laudum
tu tibi iudices, qui sis inter Philosophos eloquentissi-
mus, inter eloquentes, ut dicam Græce, φιλο-
σοφώτατος.

Φλωρεντίας τῆς τρίτης

Nonas Iulias,

1485.



Hermolaus

HERMOLAVS BARBARVS
Ioanni Pico S. D.



Um uiderem te incredibili quodam studio omnium optimarum artium flagrantem, ad usitatam doctrinam tua sponte uerem Philosophiam atq; eloquentiam ad iungere, scripsi nuper ad te barbaros Philosophos uituperans, uel ut te ad meliora studia incitare *αρεῶν*, ut dici solet, uel ut gratularer ad optimam tibi. Itaq; cum tuum mihi de studijs iudicium non sit ignotum, & si literæ quas modo ad me dedisti, à mea sententia diffidere uidentur, tamen adeo mihi non fuerunt ingratæ, ut magnæ etiam uoluptati fuerint, eo quod non obscuram tuæ erga me beneuolentiæ significatio- nem habent. Non enim dubito, quin singulari erga me amore adductus, mecum de cõmunibus studijs ludere uolueris: neq; enim dissimulas, eo te ista scripsisse, ut me ad eam rationem, quam probo, magis ornandam excitares. Utinam uero Pice tam facile id possim, quàm facile erat Socrati Glauconis orationem, qui iusticiam uitu perauerat, refellere. Sed hoc nostrum certamen inique comparatum est. Etenim cum eloquentia summis elo- quetijs uiribus abs te accusetur, patronus ei dandus erat, non inferior eloquentia accusatore. Ego autem & copia & ornamentis orationis omnibus abs te longe superor. Quare optarim te hanc tuam uim atq; ubertatē in altera parte experiri maluisse. Nam mihi, ut scis, bellū est alio- qui *ἑκπρόσθεν* cum hostibus rectorum studiorū, qui & si hoc armorum genere quo tu uteris, non sunt instructi, ta- men acerrime pugnant odio, pertinacia, & malis arti-
m m ij bus omnis

Exordium de
uoluntate Pici.

Querela de
difficultate.

Votū, optan-
dum ut Pice
potius defen-
deret eloquen-

*tiā, quia Her-
molao satis ne
gocij faciant
aliij hostes.*

*Exaggerat
causae magni-
tudinem.*

*Partitio quae
fit summa con-
trouersiae.*

Propositio.

*Confutationis
propositio, ab-
surdum est &
contranaturā
quod negat sa-*

bus omnis generis. Hos non uelim uel autoritate nomi-
nis tui armari, uel armis tuis aduersus praestantissimas ar-
tes instrui. Quod si tuas copias nobiscum coniunxeris,
confirmare ausim, nos breui te uelut Camillo duce, rem
Romanam, depulsis barbaris recepturos, ac suum arti-
bus decus reddituros esse. Ego tamen nemodo aut tuae
uoluntati, aut causae publicae desim, breuiter ad ea quae
scribis respondebo. Nam si tantam causam complecti
totā uellem, multis uoluminibus res agenda esset. Quae
enim materia locupletior existere potest, q̄ dicere de di-
gnitate atq; utilitate eloquentiae: quantum in religio-
nibus ac reliquis artibus errorum hac una ex re extite-
rit, quod dicendi exercitationes neglectae atq; intermissae
sunt: Deinde quod fuerit argumentum uberius, q̄ si col-
latio institueretur ueteris Philosophiae, & huius nuper
natae sycophanticae, quam barbari isti pro Philosophia
profitentur: Atq; haec, si quando rursus ocium mihi Res
pub. concedet, instituere decreui. Nunc diluam quaedā
praecipua argumenta tuae epistolae, non tanquam cum
aduersario dimicans, sed ἀνεν παθῶν, uelut tecum con-
fabulans. Cum autem in oratione tua duo sint loci pra-
cipui, nam & absolutam rerum scientiam barbaris tri-
buis, & cōtendis iure eos eloquentiam aspernatos esse,
sequar tuum ordinem, ut ὕστερον πρότερον. De eloquen-
tia dicam antea, quam eo dicis in Philosophis non esse
requirendam, quia tantum sapientiae cum eloquentia
diffidium sit, ut coniungi utraq; nefas sit. Quis non ui-
det te in materia noua atq; absurda ludere uoluisse: Nā
cum hae duae uirtutes hominis propriae sint ac summae,
mente res bonas perspicere ac uidere, easq; dicēdo expli-
care & ostendere alijs posse, paradoxū affers initio ora-
tionis

tionis tuæ, quod cum ipsa natura pugnat, nefas esse sapientię eloquentiam addere. Nam ulus sapientię planè nullus fuerit, nisi sapienter deliberata atq; cogitata communicare alijs possimus. Quod cū sine magna quadā copia & uarietate orationis fieri non queat, uirtutes Pice quas natura maximarum utilitatum causa copulauit, distrahis. Atqui sapientissimus Poeta Homerus utriusq; uirtutis laudem ei uiro tribuit, in quo sapientissimi Principis exemplum pingebat. Inquit enim de Vlysse :

οὐδ' ὅτι ἐνὶ μὲν μορφῇ ἐπέωμι, ἐνὶ δὲ φρεσὶν ἐδλάκ'.

Atq; idem Poeta Nestori tribuit orationem melle dulciorem, cuius in dicenda sententia sapientiam ita prædicat Agamemnon, ut magnopere plures sibi consiliarios istius similes optet. Quod si nefas est, ut tu defendis, coniungere hæc, quid dices, eloquētes omnes sine mente, sine pectore esse, stultos fuisse omnes, quorū eloquentia laudatur: Vlyssē, Nestorē, deinde Principes illos Rerumpub. qui suo consilio, autoritate, oratione, maximas res gubernarunt, Solonem, Periclem, Demaden, Demosthenem, Ciceronem, Cæsarem, Octauium: & innumerabiles alios, quos, si nulla societas est sapientię cum eloquentia, condemnas stulticiæ omnes: Constat enim hos fuisse eloquentissimos. Quid de Philosophis ueteribus iudicandum erit: Dicemus ne hos fuisse indoctos, quia non sunt confuse, sordide, atq; inquinatē locuti: Platonis tanta est eloquentia, ut Græci dixerint, Iouem, si uelit de rebus diuinis differere, usurum esse Platonis oratione. Tanta est enim copia, tanta grauitas, tantus splendor uerborum & sententiarum, ut uerius diuina q̃ humana uox existimari debeat. Aristotelis oratio & si breuior est, tamen & propria & pura est, & ita abundat suis

scientiæ addendam esse eloquentiam.

I. Ratio ex natura conuersionis: Si nulli sapientes debent esse eloquentes, ergo nulli eloquentes fuerunt sapientes, quod est falsissimū.

Reprehendi-
tur forma de-
fensionis qua
Picius usus est,
& alia proba-
bilior ostendi-
tur.

Diluit secun-
dam rationem
Pici, in qua Pi-
cius errat in de-
finitione, seu
fine eloquen-
tiae. Itaq; op=

dat suis quibusdam luminibus, ut Cicero eam dixerit, similem esse flumini aurum uehenti, & interdum adeo dulcis est, nihil ut possit cogitari dulcius. Vide autem, q̄ sit iniustum, adimere sapientiam summis illis Principibus & Rerumpub. & doctrinæ. Per me equidem liberum est tibi, et amare et mirari ingenia barbarorum: Sed si hoc concedi postulas, ut preferamus istos summorum hominum ingenijs, nullam aliam ob causam, nisi quia spurce locuti sunt, etiam atq; etiam uidendum tibi erit, ut sententiam non solum absurdam, sed penè crudelem auditu, uerecunde tueri possis. Ac fortassis aliquam excusationem res haberet, si sine contumelia eloquentiæ barbaros defenderes, ac tribueres eis suam quandam laudē diligentis ac prudentiæ, in rebus inquirendis ac iudicandis, et fatereris defuisse aliquid uel ipsis uel temporibus. Quid enim mirū est, desiderari aliquid in hominibus, cum paucissimi sint artifices boni omnibus ætatibus, etiam in leuioribus artibus, tantū abest, uti hoc summo genere pariter excellere possint omnes. Sed tu ita defendis istos, ut eloquentiam ipsam infesteris, & planè indignam bonis ac sapientibus uiris esse contendas. Itaq; & si postea ostendam non solum dicendi rationem barbaris defuisse, sed etiam alia, quæ tu tribuis: tamen nunc nihil de isto genere scriptorum dicam, ipsius eloquentiæ patrocinium suscipiam. Tota enim oratio tua non tam defensio est barbarorum, quàm eloquentiæ iuperatio. Disputas enim eloquentiam esse accersitum ornatum et fucum, qui adhiberi soleat aut uoluptatis causa, aut etiā ad fallendos homines. Rhetorum dicis esse mentiri, circumuenire, & nescio quibus præstigijs animos decipere. Si non intelligunt isti tui scriptores, aliud esse eloquentiam

quentiam, quàm huiusmodi fucum, planè iam detrahenda erit eis Philosophiæ cognitio, quam præcipue sibi arrogant. Non enim perspiciunt, eloquentiam peculiarem uim ac uirtutem esse, utilitatis alicuius causa datam hominibus: deinde non recte definiunt, quod Dialecticis, quales se esse profitentur isti, turpissimum est. Nam eloquentia non est, ut isti somniant, accersitus cultus, sed est facultas proprie ac dilucide explicandi animorum sensa atq; cogitationes: qua in re etiam dignitati ac ueritati seruandum est, ut apta & recta dicantur, & ut amplificentur res magnæ, & eleuentur ea quæ abijci prodest. Itaq; ut pictoris finis est, uere ac proprie imitari corpora, quod quàm difficile sit consequi, nõ est obscurum experiendi. Neq; ars tantum, sed etiam magna colorum uarietas atque distinctio ad id requiritur. Ita Rhetoris, siue ita uocari mauis, eloquentiæ finis est, ipsas animi cogitationes quasi pingere & repræsentare proprio & perspicuo sermonis genere: qua in re cū elaborabit, magna ei uarietate quali colorum, uerborum, sententiarum, & figurarum, deniq; etiam arte quadam opus erit, ut ego quidem statuo, multo maiore quàm consummati & perfecti pictoris ars esse potest ulla. Tota igitur nobis de definitione controuersia est, quid sit eloquentia, aut certe de fine, quem ad usum hominibus eloquentia concessa sit. Hac de re, ut omittā ea quæ sunt apud Rhetores, cōmunem sensum consulito, aut certe Philosophorum Principes, Platonem & Aristotelem, quorum alter in Phædro, sapienter & copiose disputat, & quid sit eloquētia, & q̄ necessaria sit ad diuinas & humanas res explicandas. Quanquā haud scio an barbari isti ne locum quidem dent Platoni inter Philosophos.

Sed Ari-

ponitur hic uera definitio.

Estq; locus cōmunis, quid sit eloquētia, seu quis sit eloquētiæ finis. Et hinc ratio efficitur cōtra Picum, quod eloquētia necessitatis causa colenda sit.

Similitudo eloquentiæ & picturæ.

Probat definitionem auctoritate Platonis et Aristotelis.

Sed Aristoteles in Rhetoricis eadem scribit. Definunt igitur eloquentiam hi Philosophorum Principes, uim esse diuinitus hominum generi cōcessam, ut de magnis & necessarijs rebus, de religionibus, de rerū cōlestium atq; aliarum natura, de iure ac iusticia, de omni uirtutis officio, proprie & perspicue docere alij alios possint. Nec sine causa dictū est, homines antea dispersos ac uagabundos in agris, eloquentia congregatos esse, ciuitates conditas, iura, religiones, legitimas nuptias, & cetera societatis humanæ uincula constituta esse. Hæc enim profecto tenentur oratione in ciuitatibus. Hanc uim diuinam, tā necessariam humano generi, nihil putemus esse, nisi ludum ac præstigias, quemadmodum scribis? Ego uero non dubito ingratitudinis atq; impietatis accusare omnes, qui eloquentiæ beneficia nō agnoscunt. Atq; illi ipsi Philosophi, quorum sequor auctoritatem, admonent in obscuris & grauibz causis explicandis opus esse, non solum prudentia magna, quæ res bonas peruidet, sed etiam uia quadam & ratione docendi, & genere sermonis, quod res de quibus dicimus plane exponere & subijcere oculis hominum possit. Itaq; duas artes constituerunt inter se cognatas, Dialecticam ac Rhetoricam: quarum altera docendi uiam monstrat, altera doceat, quo uerborum genere res exponendæ sint. Quis autē nō uidet hæc inter se natura coniuncta esse? Quæso enim, si de religionibus docendi sunt homines, si in iudicijs res obscuræ & intricatæ iudici demonstrandæ, num hæc fieri, primū sine uia docendi, deinde sine magna copia, uarietate, ac luminibus orationis existimas? Erras, si doceri posse homines credis hoc genere disputandi, quo isti barbari in scholis utuntur, quod nō solū

populus,

*Due artes ad
eloquentiam
pertinentes,
Dialectica &
Rhetorica. Iā
si hæ artes ne-
cessariæ sunt,
Est igitur elo-
quentia neces-
saria.*

*Occupatio:
At barbari*

populus, sed ne ipsi quidem initiati, ut ita dicam, inter se se intelligunt. Etenim non solum genus uerborum nouum est, & ignotum populo, sed ita confusa sunt omnia, ut uelut in labyrintho neque initia, neque exitus rerum deprehendi possint. Et subinde fingunt noua ac prodigiosa somnia, & uerborum portenta, quibus cum res nullae subsint, intelligi nihil potest. Falsum enim est ut Philosophi dicunt ἀκατάληπτον. Itaque saepe cum inter se rixantur, uidere licet ipsissimam imaginem illius iudicii, de quo est prouerbiū: δυσκώφῳ δυσκώφῳ ἐκελευτο. Et quoniam quaedam picturae, atque eloquentiae similitudo est, ut enim pictura imitatur corpora, ita oratio pingit ac reddit animi sententias, libenter ab illa arte mutuamur exempla. Quaeso te, num eiusmodi picturam probare possis, in qua formae confusae ac monstroae nihil certi significant aut ostendunt spectatori? Talem tabulam quis posset aequo animo aspicere? Simillimum autem est huic picturae, genus dicendi in barbaris. Sed ut illius monstroae picturae nullus est usus, ita haec obscura oratio, quam habet utilitatem in Repub. in docendis hominibus, in regendis & explicandis religionibus, in iudicijs exercendis, denique in hac tota uita publice ac priuatim gubernanda? Quare constituamus id quod res est, elocutionem non esse inanem cultum, sed necessarium ad causas omnis generis uere ac proprie explicandas. Ac Rhetoris esse, non ut tu dicis, ludere ac mentiri, sed de maximis rebus uere docere homines, qui etsi interdum in difficilibus causis, figura aliqua utuntur, & ut tuo utar uerbo, decipiunt auditores, id non minus ad officium eius uiri pertinet, qui domi Respub. gubernat, quam ad Imperatorem pertinet arte hostes circumuenire. Hunc

nam enim

non sunt multa. Hic contra contendit barbarorum sermonem inutilem esse ad docendos homines. Atque haec ratio seruorum Hermolai: Ideo eloquentia est necessaria, quia sermo, nulla adhibita ratione et arte non intelligitur.

Probat similem proximam occupationem.

Conclusio definitionis et continet rationem, quod eloquentia necessitatis causa requiritur.

*A definitione
Philosophi, q
eloquentia ne
cessaria sit.*

*A professione
illorū scripto
rum, quos Pi-
cus uocat Phi-
losophos.*

enim uirum, qui de bonis ac necessarijs rebus recte, dilu-
cide, & cum dignitate quadam docet homines, Orato-
rem nos uocamus: quem tu Philosophum uelis uocari,
nondum satis intelligo. Equidem Philosophum uoco
eum uirum, qui cum res bonas atq; utiles humano gene-
ri didicit ac tenet, doctrinam ex schola atq; umbra ad
usum & Rempub. transfert, docet homines aut de natu-
ra rerum, aut de religionibus, aut de regendis ciuitati-
bus. Deinde ut maxime Oratorem tantum reiicias in
forum, tamen eas Philosophiæ partes illi quos tu defen-
dis, susceperunt, quæ sine eloquentia lumen habere nul-
lum possunt. Primum enim & si non est una orationis
forma, tamen si animorū nostrorum cogitationes alijs
communicare uoluerimus, utendum erit certo quodam
genere sermonis, quod uerbis notis & recte iunctis inte-
gre atq; ordine res, de quibus dicimus, exponat. Id com-
mune esse debet in omni orationis forma. Nam etiam il-
læ artes quæ propemodum uideri mutæ possunt, Arith-
metica & Geometria, tamen non possunt percipi, nisi
proprijs uerbis, & uia ac ratione quadam tradantur. Cæ-
teræ uero partes, Physicæ, Ethicæ, & Theologicæ mates-
riæ, erui atq; illustrari sine eloquentia & sine ijs artibus,
quas eloquentia continet, nullo modo possunt. Porro
tui illi Magistri, Thomas, Scotus, promittunt nobis per-
fectissimam doctrinam de religione, deq; omnibus uitæ
officijs, quid præstent, postea dicam, nūc tantū de gene-
re orationis disputo. Quid autem potest fingi stultius, q̃
quod sine eloquentia Ecclesiarū Doctores ac uitæ duces
perhiberi uolunt, ac ne quidē quid sentiant, ostendere
possunt? In singulis artibus quædā propria sunt artificū
uocabula. Quare Philosophis ac Theologis etiam sua
quædam

quædam uocabula ut architectis ac pictoribus concedi æquum est. Sed interim reliquus sermo constare usitatis ac notis uerbis debet, oportet & in iungendis uerbis imitari consuetudinem. Hæc non fiunt apud istos. Deinde non solum habent errata Grammatica, sed neq; sententias absoluunt, neq; iudicium, neq; ordinem in explicando adhibent. Postea amissa loquendi diligentia, rerum etiam iudicium amiserunt. Finxerunt enim unâ cū monstrosi uocabulis inexplicabilia somnia, quibus uniuersam Philosophiam ac Theologiam obruerunt: ita in istorum doctrina uere sunt, ut Græci dicunt, πρὸς μίαν νόον. Quare nō solum populus, sed ne ipsi quidem, quod est uel maxime ridiculum, suas disputationes intelligūt, ac solœcizant, nō ut Anacharsis Athenis, ut tu dicis, sed in suis scholis. Venio nunc ad aceruū similitudinū tuarū, quæ detrahunt Philosophiæ, non ut tu ratiocinaris, eloquentiam, hoc est, uerū colorem orationis, sed ineptum ornatū. Virginē nō decet fucus, ac nec monstrosa facies decet. Quid autē monstrosius est barbarorū oratione? Nam ea oratio quæ est optima, natiuus sententiæ color est. Aliena, confusa, & perturbata oratio, deformat & corrūpit sententias, ac ne effingit quidē, quod debebat esse orationis officiū propriū. Sed sermonē, inquis, non aspernor, ornatū nō requiro, ut in matrona, simplicē cultū probamus. Ne Cicero quidē plus requirit à Philosophis, q̃ purū sermonē, apte ac dilucide res explicantem. Sed hæc facultas hoc modo dicēdi, & præcipua eloquentiæ pars est, & ab arte plurimū sumit: Requirit enim summam prudentiam in rebus inuestigandis atq; collocandis, copiam uerborū amplissimā, iudiciū acerrimū in delectu. Nam cū duæ sint propemodū orationis formæ,

nn ij tenuior

II.

Retorquet dī
ctum de Ana
charsi.

III.

Diluit simili
tudines, ex de
finitōe supra
tractata, et ex
descriptiōe ge
nerum dicen
di. Contendit
autē eloquen
tiam etiam in
simplici gene
re oratiōis es
se, quia id quo
que magna ar
te constat.

tenuior altera, altera grandior, non ita multum posterior dissimilis est priori, nisi quod figuris ludit frequentius, & amplificationes crebrius adhibet. Itaque priorem formam, quæ uerecundior est, disputationibus putant accommodatiorem esse, etsi in tanta rerum uarietate, multa in Philosophia incidunt, de quibus etiam grandiore quodam sono dicendum est, ut propius aspici rerum magnitudo possit. Itaque & si Aristoteles & Cicero in disputationibus priore genere utantur, tamen interdum assumunt etiam alteram formam, qua quidem Plato ubique propemodum utitur. Porro si Philosophiæ etiam priorem illam formam detrahes, planè muram reddideris. Quid enim explicare poterit, si ne proprio quidem & perspicuo genere orationis utetur? Neque uero quisquam sine optima doctrina, sine acerrimo studio, sine longa exercitatione, illud ipsum genus, quod indocti omnibus in manu esse falso putant, consequi potest. Pistoriorem memini nostræ ætatis Apellen, cum mihi cupide audienti commemoraret & adolescentiæ studia, & quem sibi postea scopum artis proposuisset, quo quasi directam manum haberet, dicere, se adolescentem in pictura mirificam quandam ac penè prodigiosam uarietatem amasse gestuum atque ornamentorum omnis generis, Nunc senescentem, consulere naturam, in hanc inueneri, ut eam quàm proximè & propriissime exprimeret, neque se quod cuperet, assequi, quia hac proprietate nihil difficilius sit. Neque uero facilius est negocia uerbis proprijs, quàm naturam coloribus pingere. Itaque Horatius significat quantum hæc res habeat difficultatis, cum ita iubet scribere: ut sibi quicuis

Speret idem, sudet multum, frustra quælaboret

Aulus

*Exaggerat
difficultatē il-
lius simplicis
formæ oratio-
nis, quā Cice-
ro tribuit Phi-
losophis.*

Aulus idem: tantum series iuncturaq; poller:

Tantum de medio sumpris accedit honoris.

Atq; ego ita statuo, magnos Oratores qui Respublicas gubernauerunt, quos accepimus præmetientes dicendi pericula, incredibili quodam metu ad dicendum accessisse, non de cæteris ornamentis, sed de hac propria rerum explicatione sollicitos fuisse, quam experiebantur esse difficilissimam. Periclem aiunt, cuius tanta fuit eloquentia, ut tonare ac fulminare dictus sit, cum ascendit in concionem, precari solitum, ne quod sibi uerbum excideret, quod causæ obesset. Sæpe etiam Cicero significat se cum timore summò ad dicendum accedere, cuius rei uel hoc argumentum esse potest, quod aliquando ita lætatus est, iudicij die prorogato, quo ei de causa difficili dicendum erat, ut seruum id renunciantem, libertate donauerit. Vidi ipse homines eloquentissimos, natu grandes, cū dicere iussi essent, toto corpore perhorrescere. At qua de re angiputemus homines peritissimos: nū de flosculis orationis, aut accersito cultu, ut tu iudicas? Imò uero de propria rerum explicatione solliciti sunt, ne quid excidat quod dici refert, ne quid alieno loco dicatur, ne incurrant in uerba, quæ officiant aut causæ aut ipsorum existimationi. Deniq; innumerabilia pericula sunt. Hoc minimi negocij est hominibus copiosis atq; exercitatis, insignes aliquas figuras addere. Præcipuus ornatus est ipsa rerum propria explicatio, ut in picturis iusta corporum lineamenta. Et tamen sæpe magnitudo rerum postulat, aliquid uel attolli uel abijci, quod etiam facere natura cogit tuos illos barbaros. Vides enim in illorum scriptis & sermone crebras amplificationes, sed diu boni, quam insulas. Quanto uetiora & aptiora di-

nn in cerent

cerent, si studium hoc non essent aspernati? Demus igitur Philosophis uerecundam orationis formam, modo ut res dilucide uerbis notis, recte iunctis, ordine distributis, integre explicet: Bene olerem mulierem ait Plautus, quæ nihil olet. Talis oratio etiam delectat sana ingenia, & non solum in scholis ac disputationibus laudem habet, sed etiam in foro multi hac una forma contenti fuerunt.

Et talem nobis Oratorem Homerus Menelaum describit, quem ait solitum dicere:

παυρὰ μὲν ἀλλὰ μάλα λιγύως ἐπεὶ δὲ πολὺ μὲν
ἔσσι ἀφ' αἰμαρτοεπὴς.

Tribuit enim ei proprietatem, & suauitatem. Has uirtutes consequi Philosophum, si uelit intelligi, oportet. Quantum autem, o Dij, absunt ab illo Homericō Menelao uestri barbari, qui cum ea de re, quam suscipiunt, uix unquam quidquam dicant, quod faciat πρὸς ἐπὶ, tamen plerumque extra causam sunt loquacissimi, & ineptiarum pleni. At Cicero expressit nobis formam illius proprii Oratoris ac λιγύως dicentis, in libellis de natura Deorum, & alijs Philosophicis disputationibus. Expressit & eam multis in locis Aristoteles. Verum nō est, inquis, Philosophi seruire uoluptati. Vtinam Pice adeo contemnerent Theologi tui uoluptates cæteras, ut orationis mundiciem aspernantur. Quanquam autem nulla uoluptas homine liberaliter instituto dignior est, quæ hæc, nulla est enim harmonia dulcior ac uaturæ hominis conuenientior, quàm oratio rerum bonarum plena & compositione concinna, tamen hic non disputo, ornatū uoluptatis, sed necessitatis causa adhibendū esse. Non enim doceri de magnis rebus homines possunt, nisi &

IIII.

Diluit argumentū de uoluptate.

Opponitur argumentū à necessitate sumptum.

nisi & genus sermonis purum, & uia quædam, & ratio explicandi, & cetera quæ in artibus traduntur, adhibeantur. Quod uero addis, Bacchanalia in Vestæ sacris agere Philosophos eloquentiæ studiosos, dicam simpliciter quod sentio, stomachum mihi mouit. Quæ enim uoluptas est, contumeliosum esse, cum in ipsam eloquentiam, tum uero in Philosophiæ Principes: Num Plato, Aristoteles, Cicero, uidentur tibi Bacchanalia agere, id quod in sacris Vestæ: num uidentur tibicines, quia non sunt spurce locuti? Et quidem Plato longe omnes uincit, tum Græcos, tum Latinos Oratores, copia & splendore orationis. Scythia quidam cum apud Græcos Musicum audiret suauissime canentem, inquit, malle se audire hinc nientem equum. Satis hic quidem Scythice, sed bis Scythicum fuerit, nihil affici suauitate orationis summorum autorum, qui Philosophiam nobis pepererunt. Tu uero etiam furere eos dicis. Non satis attendis Pice quam sustineas personam. Cum enim profitearis te Philosophiæ ac ueritati patrocinari, & in Oratoribus calumnias uituperes, minime ea fide ac simplicitate causam agis tuam, quâ Philosophis tribui postulas. Quorsum enim pertinent tam multæ similitudines tuæ, undique collectæ: quæ non solum extenuant eloquentiæ dignitatem, sed planè iubent uelut pestem fugere, nisi ut fucum lectori faciant, ne eloquentiæ dignitatem aspicere possit? Quæso te, utrum hæc Rhetorica sint an Sophistica? Certe à uiro Philosopho non apte dicuntur. Quid enim facies Theologis facundioribus, Paulo, Basilio, Hieronymo? Num hi quoque Bacchanalia agunt? Sed desino has similitudines tuas excutere, in quibus hoc commune erratum est, quod elocutionem iudicas esse delicias quasdam, non ad

V.

Diluit contumeliosas similitudines.

Inuersio quod Picus fucū faciat dicendo, cū propter eā causam Oratores antea uituperarit.

VI.

Concludit dissolutionem similitudinum unā cum generali

*solutioe. quod
non recte com-
parat eloquen-
tiam cum ac-
cessito orna-
tu.*

non ad utilitatem ac necessitatem comparatas, nos contra ornatum præcipuum esse, propriam rerum expositionem. Et tamen in tanta rerum uarietate, multa esse, quibus conspici eorū magnitudo possit, nitor quidam adhibendus sit, in quo etiam necessitatem sequimur. Seruimus enim dignitati & magnitudini rerum. Neq; ego cum ornatum laudo, illa orationis flagitia probo, quæ tu commemoras, cum de affectatis lenocinijs declamitas, qualia reprehendunt in Apuleio, qui nihil proprie dicit, sed habet perpetuas periphrases & metaphoras: Idq; peccat Philosophus. Nec multo secus barbari uestri Rhetoricantur. Quanto prudentius Rhetores: in quibus tu orationis delicias in crimen uocas, cum nulli magis aspernentur ambitiosum & inanem cultum, nulli dicant castius quàm hi, qui ad recte dicendum his exercitationibus assuefacti sunt. Ac uelut in rosis candor, ita in oratione Philosophi simplicitas quædam insit natia. Et ut purpureæ rosæ, Veneris sanguine conspersæ dicuntur, ita ornamenta sint non prodigiosa, sed uenusta ac suauia, qualia sunt in Ciceronis disputationibus, sæpe etiam in Aristotelicis, ut uere possis dicere, Veneris sanguine, aut certe Ambrosia conspersas esse. Sed magnis exēplis barbariem tueris. Cultus deest, inquis, in sacris literis. Verum longe dissimilis est oratio in tuis barbaris, qui planè nouum sermonis genus condiderunt. Prophetæ in sua lingua non loquuntur uitiose, & uoluerunt intelligi, quidam etiam satis ornati sunt. Dauidis enim carmē ut in ista lingua uere Atticū est. Apostoli uerbis bonis utuntur. Paulus uero etiam adhibet in disputando artem & quædam ornamenta. Deinde cur diuinitus additum est Euangelio donū linguarū, si eloquentia

VII.

*Diluit exem-
plū de sacris
literis.*

eloquentia inutilis est ad res sacras & magnas exponendas: Quid enim aliud est donum linguarum quam eloquentia, hoc est, facultas planè & copiose res obscuras explicandi: Atque hic accusandi erant tui Magistri, quod coeleste donum non conseruauerunt, quod linguarum studia, quæ antea in Ecclesia colebantur, nouo doctrinæ genere oppresserunt. Pythagoram etiam allegas, qui mysteria texerit inuolucris. Fortassis illi expediebat tegere quasdam sententias, quas docebat contra publicas persuasiones. Nos uero non loquimur de archanis, quæ pro tempore occultanda sunt, sed de illis quæ efferri atque extare oportet, quæ pars multo maxima est in doctrinis. Deinde & symbola & apologos conditos interpretor, non hoc consilio ut præcepta tegerent, sed ut essent uelut morum picturæ, utiles ad excitandos animos ad admirationem: Natura enim & amamus & admiramur picturas. Sed prædicat Aristoteles sua scripta, etsi extarent, tamen non extare. Ille uero non hoc sensit, se de industria tenebras offudisse lectoribus: Nam plerique libri ualde perspicui sunt. Duas enim res adhibet, quæ perspicuitatem inprimis efficiunt, methodum uidelicet, & genus orationis proprium. Nec uero methodum tanta diligentia secuturus erat, si de industria res obscurare uoluisset. Verum uidit sua scripta non esse intellegendos, nisi qui liberaliter instituti essent. Eius iudicij multæ sunt causæ. Deterrebat igitur à suis scriptis homines ineptos, qui imparati ad ea irrumpebant, quo in genere non leuiter peccauerunt etiam barbari tui, qui nulla instructi liberali doctrina profitentur se Aristotelis interpretes esse. Postremo etiamsi Aristoteles interdum inuicem dicens, ut sit, non satis commoratur in aliqua re

Opponit rationem firmam et grauem de donum linguarum

VIII.

Diluit exemplum de symbolis & apologis.

IX.

De Aristotele.

X.
Diluit argu-
mentū de ori-
gine sermonis

Secunda pars
controuersia,
in qua magna
ex parte rerū
scientiam des-
trahit barba-
ris.

XI.
Reprehendit
collationē Lu-
cretij et Scoti.

explicanda, non semper quid quisque artifex effecerit, sed quid requiratur spectandum est. Quis autem est lector, qui non optet ubique summam esse perspicuitatem? Pos-
tremo etiam Philosophari incipis: Vocabula non natu-
ra constant, ais, sed hominum arbitrio, licuit igitur eis
condere nouum sermonis genus. Quid audio? Si hoc
semper licet, quomodo contrahent inter se homines?
quomodo docere alij alios poterunt? Sed omitto hæc,
que leuiora sunt quam ut diluere opus sit. Venio ad alte-
ram partem tuæ disputationis, in qua arrogas barbaris
rerū scientiam, & quidem eloquentibus detrahis. Cum
autem de eloquentia responderim, non quantum ma-
gnitudo rei postulat, sed quantum uel potui, uel Episto-
læ modus patiebatur, de altero etiam breuius dicam, &
si hæc disputatio multo maior ac difficilior est de toto
genere doctrinæ in istis tuis autoribus. Atque initio Lucre-
tium & Scotum committis. Est autem iniquum cum de
genere dicendi controuersia sit, materias conferre. Neque
enim adeo amens sum, ut inanem loquacitatem pluris
faciam, quam sapientiam. Verū hoc defendo, eloquen-
tiam ad res magnas patefaciendas necessariam esse. De-
inde cur nō opponis Scoto Theologum aliquem, uide-
licet Hieronymum? Vter de Ecclesia meritus uideretur?
Iste ne cuius eloquentia lumen attulit sacris libris, & ple-
raque dogmata diligenter explicauit? an uero Scotus,
qui cum nullum dogma illustrat, nugacissimas dispu-
tationes in Ecclesiam inuexit? Deinde facis inciuiliter
Pice, quod barbaris ita arrogas rerum scientiam, ut præ-
stantissimis ingenijs Græcis & Latinis detrahas: qua in
re cū modestiam desidero dignā Philosopho, tum uero
etiam prudentiam. Viruperas quidquid est disertorum,
Poetas,

Poetas, Oratores, & Historicos. Hos dicis omnes amplexos esse eloquentiam sine sapientia, cū quidem hoc ad causam tuam nihil pertineret: Poteras enim tuis rerū scientiam, sine horū contumelia tribuere. Sed sic solent Rhetoricari, qui eloquentiæ studia uituperant. Obsecro te, nihil putas esse sapientiæ in Homero, Vergilio, in Demosthene, Cicerone, in Herodoto, Liuiio, & cæteris, qui hos in scribendo imitati sunt: An non uidentur hi tibi uerius Philosophari, cū uel naturam rerum sapientissime describunt, uel summo consilio pingunt imagines omnium rerum, quæ uel in priuata, uel in publica uita accidere possunt, cum præcepta & exempla uitæ ac morum utilissima proponunt, quàm barbari tui, cum rixantur, utrum partes simul sumptæ distinguantur realiter à toto, & hoc genus infinita: non enim libet recitare. Quid quod Oratores maximum usum rerum afferunt ad scribendum, qui iudicia exercet atque acuit. Quare Philosophiam apte ad usum & ad communem uitam transferunt. Tui Philosophi in umbra ne quidem nimis præceptorum, de quibus rixantur, intelligunt. Sed longum esset de laudibus eloquentium scriptorum dicere, & non est necessarium. Facile enim iudicari potest, abundare eos rebus optimis & ad uitam necessarijs, ac sumptis ex media Philosophia. Redeo igitur ad barbaros, quibus equidem non detraho in uniuersum rerum cognitionem. Ac minime uituperandos censeo Medicos, quorum ars exerceri sine magna eloquentia potest, tamen si doceri à disertis foelicius queat. Deinde fontes sunt apud Græcos, nec opinor à posterioribus uinci Hippocratem & Galenum, aut acumen in inueniendo, aut diligentia in inquirendo, aut

*Inficiatio qua
respondet ad re
criminationē,
quæ detrahe-
bat sapientiā
Oratoribus et
similibus.*

*Collatio quæ
ostendit uerius
Philosophari
Oratores et
Poetas, quàm
barbaros Phi-
losophos.*

XIII.

Concessio.

XIIII.

Correctio quæ
dehabet rerū
scientiam bar-
baris, & cau-
sam esse docet
quod neglexe-
rint eloquen-
tia studia.

ratione & proprietate in explicando. Sed non disputas proprie de Medicis. Aristotelicos & Theologos defendis, hos habes in delicijs, horū sapientiā admiraris. Neque ego eos in totū doctrinæ laude spolio, studium etiā et uoluntatē laudandā censeo. Videntur enim Philosophiæ studia, quæ multis seculis conticuerant, rursus excitare uoluisse. Sed si ita complecteris eos, ut inchoata studia absoluisse existimes, longe falleris. Mihi uero magna ex parte Philosophiam corrupisse uidentur, idque ob hanc causam præcipue, quod has dicendi exercitationes neglexerunt. Itaque non solum genus sermonis, & uniuersæ doctrinæ formam (est enim confusissima) reprehendo, sed etiam magna ex parte res desidero meliores. Nam cum & genus sermonis non intelligerent, & artes non transferrent ad usum aliquem, iudicio lapsi, multas absurdas opiniones genuerunt, quibus ferè uniuersam Aristotelis Philosophiam penitus obruerunt. Idque testantur moles commentariorum, qui magna ex parte consumuntur in illis somnijs, de natura cōmuni, de hecceitatibus, de distinctionibus, de primis & secundis intentionibus, de instantibus, & similibus deliramentis. Vetus uersiculus est, τὰ μὲν ὀφελοῦντα μὴ πόνει μάτην. Sed hæc cum ferè sint commenticia, non solum nihil afferunt utilitatis, sed nocent etiam, non solum, quia in his dicendis temporis iactura facienda est, sed etiā quia iudicia deprauantur. Quanto satius erat præcepta simpliciter proponere, & ostendere, quem uel in iudicanda natura, uel in negocijs, uel in moribus, & communis uitæ usum habeant, quomodo ea transtulerint ad usum magni artifices, quid hic Poetæ, quid Oratores, quid alij magni uiri sumpserint? Quantum flagitij est, quod ille nugæ

nugæ etiam studia Mathematicum extinxerunt. Nosti enim scholarum morem. Præterea uix umbra Mathematicum est in barbarorum scriptis: Omnia enim planiora atq; illustriora sunt apud Græcos. Itaq; excellentes nostra ætate Mathematici, Græce discendum sibi putauerunt, ut germanam Ptolemæi sententiam, deinde ut Græcos interpretes in hoc genere consulere possent. Præclare inquit Plato de Mathematicum Doctoribus, facile eas artes percipi posse, si Doctor contingat idoneus. *ὁ μὲν δὲ ἂν διδάσκειν, εἰ μὴ θεὸς ὑφ' ἑαυτοῦ.* Negat quendam idoneum fore ad docendum, nisi Deum aliquem ducem habeat, hoc est, nisi rationem & iustam docendi uiam teneat, & explicare apte, quæ sentiat, possit. Sed in barbarorum scriptis ita perturbata & confusa sunt omnia, ut hunc ducem eis defuisse appareat. Quare gratulemur nostræ ætati, qua quidam & Græcis literis & eloquentia instructi, cum reliquam Philosophiam, tum etiam hanc partem repurgare atq; instaurare cœperunt. Miror autem, cur Theologis tuis tantam Philosophiæ scientiam tribuas, cum à Mathematicis, quæ est haud dubie præcipua Philosophiæ pars, ualde nudi atq; inopes sint, quos quidē tu mihi producis, homines religiosos, satis Thraconice de se prædicantes: Viximus celebres, & uiuimus non in scholis Grammaticorum, ubi de Niobes filijs disputant, sed in coronis Philosophorum, ubi humanarum & diuinarum rerum rationes quærentur. Vixerint sanè celebres. Non enim in iudeo. Illud autem optarim, de Niobes filijs eos nugatos esse potius, quàm isto modo luisse in Ecclesiastica doctrina, qui cum sacrarum literarum sermonem non intelligerent, cum nullam haberent antiquitatis noticiam, cum iudicii inopia ueteres

XV.

Deridet am-
plificationem,
quæ est in pro-
positione Picæ

controuersias ac sententias non recte acciperent, multas
 spatserunt in Ecclesia impias & perniciosas opiniones.
 Quam sunt inepti cū interpretantur Prophetas & Pau-
 lum, qua in re in primis ridiculum est, homines Diale-
 cticos, quiq; in una illa arte consenuissent, nusquam uide-
 dere, id quod erat Dialectici, quid proponat David aut
 Paulus, quæ sint initia argumentorum, qui exitus. Tales
 interpretes in sacris literis uere sunt *ἄνθρωποι μὴ γινώσκοντες*, ut uulgo
 dicunt. Itaq; cū sermonem non assequerentur, nouam
 quandam Theologiam architectari sunt. Centones scri-
 pserunt, quorum magna pars confuta est ex disputatio-
 nibus puerilibus, quæ agitantur in ipsorum Dialectica.
 Tanta uis est consuetudinis, ut puerile studium ne senes
 quidem deponere possint. Deinde assuunt pauca quæ-
 dam dogmata Ecclesiastica, quæ non reprehendo. Sed
 quædam de maximis rebus scelestæ corrumpunt ipsi, in
 quibus nec scripture, nec Synodorum uerba intelligunt,
 ac ferūt impias & fanaticas opiniones. Reliqua est pars
 quæ habet infinitas quæstiones, de humanis traditioni-
 bus, ut uocant, de qua *ἡ δὲ πρὸς τὴν φύσιν* dicunt. Ac de toto
 hoc genere coram tutius erit disputare, ubi, cum euolue-
 ro tuos Magistros, res ostendet eos uerius esse *παραφύλακτους*, *ἢ* *παραφύλακτους*, *ἢ* *παραφύλακτους*, ut tu putas, Alcibiadis Silenos. Quod
 autem eis etiam immortalitatem polliceris, ac uicturos
 esse confirmas, melius ominari te uelim, & Christianæ
 doctrinæ, & alijs honestis artibus. Equidem ubi degu-
 stauerint nostri homines meliores literas, spero Hercu-
 lem aliquem exoriturum esse, qui his monstris orbem
 terrarum liberet, quiq; Philosophiæ & Christianæ doctri-
 næ natium decus restituat. Atque adeo ad hanc lau-
 dem expetendam, excitare te Pice non desinam, quem
 & ingenio

XVI.
 Inuertit dictū
 de Silenis Al-
 cibiadis.

& ingenio excellere, & doctrinæ uarietate præditum
 esse, & ardere incredibili quodam studio ueritatis in-
 uestigandæ, & eloquentia ad res tantas illustrandas in-
 structum esse uideo. Nam si est hominis Philosophi,
 ut certe est, in eruenda atque patefacienda ueritate be-
 ne mereri de toto genere humano, te ueræ Philoso-
 phiæ deditum, in hanc curam maxime incumbere om-
 ni studio decet, ut collapsas artes instaures. Neque ue-
 ro meritum ullum maius aut gloriosius ducendum est
 inter homines, cum ueritate nihil sit melius. ἀλλὰ καὶ γὰρ
 πάντων μὲν ἀγαθῶν θεοῖς ἐγγεῖται, πάντων δὲ ἀνθρώποις,
 ut grauiissime dixit Plato. Ac iam quia specimen quod-
 dam præbuiſti tuorū studiorū, in quo significas, pleraq;
 tibi in ueteribus congerronibus tuis nō probari, ac no-
 uam quandam rationem, tum ad Philosophiam, tum
 ad Theologiam tractandam adhibes, magnam in spem
 eruditos omnes erexisti. Reliqua, ut ait Poeta, θεοῦ γὰρ
 γούνασι κεῖται. Hæc tibi rescribenda esse duxi, non quod
 arbitrarer de his studijs aliud esse tuum, quàm meum
 iudicium, sed q̄ statuebam gratum tibi officium meum
 fore, quoniam me ad scribendum prouocasses. Quan-
 quam, ut tu dicis stomachum tibi mouere quosdam
 Grammatistas, qui leuiter degustatis primis artibus, præ-
 se Philosophos contemnunt, ita ego multo iustius luc-
 cenſeo morosis quibusdam, qui cum ueræ Philosophiæ
 infestissimi hostes sint, tamē Philosophiæ titulo regnāt,
 ac mirabili conspiratione, & odijs pertinacissimis obsi-
 stunt, quo minus reflorescere meliora studia possint.
 Scripsi igitur quedam hic asperius, ne isti me patrociniū
 nostrarum literarum abiecisse existimarent, quæ cum le-
 ges, boni consilio, Fui enim uehementior alicubi, istos
 animo

πάλιν & dia-
 luitur opposi-
 ta alia iustiori
 causa indigna-
 tionis.

animo intuens, cum scirem mihi hac de re uerius cum
 ipsis, quàm tecum certamen esse. Ut autē Stesichorum
 ferunt, cum Helenæ formam uituperasset, erroris pœ-
 nam cæcitate dedisse, posteaq; cum palinodiam canere-
 ret, oculos recepisse, ita te quoq; Deo gratum facturum
 statues, si eloquentiam cœlo donatam hominibus ma-
 ximarum utilitatū causa, cuius dignitatem prior Episto-
 la extenuat, rursus ornēs ac laudes. Id argumen-
 tum tua & persona & facultate co-
 piaq; dignum fuerit.

Vale.



DE RESTITVENDIS SCHOLIS

Oratio habita ab Alexandro Aleſio, in cele-
 bri Academia Francofordiana
 ad Oderam.



VT Paulus inquit: Incertis uagamur sedi-
 bus. ita Ecclesia uera Christi, exulat in hoc
 mundo, nusquā certā ac durabilem sedem
 habet: diabolus enim odio filiū Dei incen-
 dit ubiq; impios ad eam pellendā & diffu-
 pandam. Ita summos illos heroas, Abraham, Iacob,
 Moysen, hostes fugere, quærere alia hospitia legitis. Da-
 uidem & Heliam uix remotæ solitudines, & specus in
 saxis aduersus tyrannos texerunt. Apostoli toto orbe ter-
 rarum uagantur. Ipse etiam Filius Dei ueniens in hunc
 mundum ex cœlesti patria, exulare se fateatur, cum ait:
 Filius

Fillius hominis non habet, ubi caput reclinet. Quare etiam si de exulibus grauer suspicari homines solent, tamen Christianos communem Ecclesiæ fortunam cogitare decet, nec exilium inter probra ducere, si causa sit honesta. Fateor me iam annos octo abesse à patria, uere diuina ope crudelitati cuiusdā sœuissimi Tyranni ereptū, qui me, cum quædam errata doctrinæ Ecclesiasticæ manifesta taxasset, iam uinctum adseruabat, & diram necem mihi minabatur. Etsi autem postea multis periculis confictatus sum, tamen res ipsa ostendit, Deum uere mihi adfuisse ducem in illis longis peregrinationibus, meq̃ clementer seruasse, ut spero, ad aliquam Ecclesiæ utilitatem.

Primum ex patria discedens, ueni in Academiam Saxoniam, eo tempore, quo omnes articuli doctrinæ diligentissime disputabantur, ubi consuetudine eruditorum excitatus, multo maiore cura cōferre dogmata cœpi. Postea Britanniam adij, ubi & docui aliquandiu in Academia, & rursus cum ijs qui excellunt eruditione, de doctrina Christiana collocutus sum accurate. Estq̃ perspecta mea mens in ea insula præstantibus uiris, Episcopo Cantuariensi, Latimero & alijs. Cumq̃ iam defessus tot peregrinationibus, quasi in portum uenissem, manereq̃ ibi decreuissem, ecce rursus prodeunt atrocissima edicta contra doctrinam Euangelij. Itaq̃ cū aut subeunda esset impiorum crudelitas, aut cedendum, secutus sum consilium multorum bonorū uiroꝝ, qui & mihi & alijs p̃ijs, qui palam dissentiebant ab illis decretis sanguine scriptis, hortatores erant, ut discederemus. Redij igitur in Germaniam ad eas Ecclesias, cum quibus sentire me profiteor, quæ mihi hospitium hoc semestri

pergratum præbuerunt. Cumq̃ eximia liberalitate Ducis Saxonix adiutus sum, tum hoc accessit, quod iterum de doctrina licuit cū hominibus pijs & peritis conferre. Deinde mihi Illustrissimus Princeps Marchio Elector locum in Academia uestra clementer tribuit, ac munus commendauit re ipsa amplissimum, uidelicet, doctrinæ Ecclesiasticæ explicationem. Hæc eo commemoraui, ut sicut me ipsum series mearum ærumnarum & exitus mouent, ut diuinitus me seruatum esse ad aliquam Ecclesiæ utilitatem existimem, ita & uos bene & amanter de hospite sentiatis, nec me propter exilium aspernemini. Laudatur uetus Germania propter singularem fidem & humanitatem, qua excipere & tegere hospites solita est. Et uos arbitror adhuc retinere plurimum priscae & antiquæ uirtutis, ad quam accedere etiam pietas debet.

Præcipue autem hoc officium Christus flagitat, ut eos qui uagantur uel docendi, uel discendi Euangelij causa, cæteri amanter complectantur, ac promittit mercedem inquitens: Amen dico uobis, si quis dederit uel aquæ potum alicui ex minimis propter doctrinam, mercedem accipiet. Quare & uobis spero Deum benefacturum esse, si nos complexi fueritis, qui qualescunq̃ sumus, tamen ex illo coetu sumus, de quo Christus loquitur, Euangelium enim circumferimus, & si fateor me uere esse omnium qui docent, minimum.

Sed cum ordinis, ac functionis dignitatem Christus magnificiat, erit uestra pietatis, me non grauatum audire. Maiores uestri reuerenter exceperūt multos ex insula Scottorum egressos, Gallum, Bonifacium, & alios, qui in Germaniam intulerunt Euangelium, horum uos honesta

*promissum a dno
promittit ut
qui euangelium
fuerit in finem
pium*

neſta exempla imitari decet, præſertim cum his miſerriſ-
 ſimis temporibus doctrinam Chriſtianam ubiq; terrarū
 horribili amentia Pontifices ac Reges delere conentur.
 In tanto publico periculo credite uos Deo gratiſſimum
 officium facere, quòd Euangelij Doctores benigne exci-
 pitis, tuemini, & auditis. Hæc de me ipſo præfatus ſum,
 Nunc in genere de ſcholis et de profeſſione mea dicam.
 Nam ſi quis cogitabit, quantum referat, hoc præſertim
 tempore, reſtitui emendas ſcholas, hunc mihi quoq;
 & cæteris mei ordinis hominibus equiorem fore ſpero.
Nemo tan- eſt impudens ac ſine fronte, qui negare auſit
multos nō diſſimulandos errores à Pontificibus & Mo-
nachis in Eccleſiam inuectos eſſe. Quàm multi boni &
docti uiri ante aliquot ſecula deplorauerunt Miſſarum
nundinationem, idolomaniam in inuocatione ſancto-
rum: Reprehendunt ipſi ueteres Ambroſius & Auguſti-
nus errores ſatiſfactionum, & renouant doctrinam de
pœnitentia, & de fide. Quàm multi deplorauerunt libi-
dines ſacrificulorum: Epīſcopi quid agunt dignum ſuo
munere: Hæc cum iam iterum reprehendi Deus uolue-
rit, ac inſtaurare Eccleſiam, ne prorsus omnes homines
pereant, uidetis quantum certamen exortum ſit: Epicu-
rai Pontifices & Monachi, uentri metuentes, adeo fre-
munt ſe reprehendi, ut deleri nomen Chriſti, & uniuer-
ſam doctrinam Euangelij, & omnes Eccleſias in uasti-
tem redigi cupiāt. Res ipſa loquitur eos ſic affectos. Per-
gūt enim defendere ſuos errores, moliri bella ciuilia, cu-
mulant flagitia, negligūt Eccleſias, & ſcholas. Tali tēpo-
re neceſſe eſt bonos & pios Principes prouidere, ne ſun-
ditus intereat religio Chriſtiana: Quare ut Eccleſias reſti-
tuere, ita et ſcholas inſtaurare debent, Nunq̃ enim uera

Ecclesia sine scholis aliquibus fuit, ac nec potest quidem diu conservari doctrina, nisi scholastici cœtus adiungantur ad Ecclesias. Haud dubie primis patribus Adæ, Noë, Sem, ideo propagata est vita tot seculis, ut auditores haberent testes *αἱ ἱστορίαι* de prima origine generis humani, deq; initio doctrine. Postea familie Abrahæ, Isaac, Iacob, prorsus scholæ fuerunt. Deinde cum lex Moyli data est, iam clarum mandatum de scholis additum est. Constitutum est enim, ut ad tabernaculum semper essent cœtus docentium & discipulorum. Ita Samuel traditus est in disciplinâ illi collegio, perinde ac si esset in Academiam bene constitutam missus. Postea cum negligenter studia sacerdotes, Deus excitavit Prophetas, qui magnas cateruas discipulorum secum traxerunt, ut tantum agmen erat auditorum Elisei, ut cum antea in Iericho habitassent, propter eius loci angustiam, quærent ad Iordanem aliam sedem. Nec putate ociosos greges Monachorum fuisse, sed illos summos viros audiebant de promissionibus differentes, de regno Christi, de peccato, de lege, de gratia, de iusticia, de veris cultibus Dei, de maximis mutationibus orbis terrarum. Extrant adhuc vetera quædã dicta, quæ ab illis scholis quasi per manus accepta fuerunt, ut dictum de sex millibus annorum mundi, id habet titulum domus Eliæ, hoc est, scholæ Eliæ. Meministis enim sententiam: Sex millibus annorum durabit mundus, postea destruetur: Duo millia inane, duo millia lex, duo millia Messia: Et si qui anni deerunt, propter peccata nostra deerunt. Ex huiusmodi dictis existimari potest, in illis sapientissimis sodalitijs fuisse disputationes de rebus maximis. Ac cogitate quanta felicitas fuerit, & si erant Reges impij, & si erant omnia plena bello

na bellorum ac seditionum, illi cœtus Ecclesiam regerant, nam ita alij alijs succedebant, quasi in acie, ut alio quo excellenti Propheta extincto, Deus mox alium, quasi in id uestigium collocaret. Cum Elias docuisset annos circiter uiginti, successit Eliseus, qui annos circiter septuaginta gubernauit Ecclesiam in Israel. Huic successit Ionas, quem arbitrantur fuisse filium mulieris Sareptanæ, ab Elia reuocatum ex morte. Deinde abductis decem tribubus, successit Esaias in Iuda, qui docuit annos circiter octoginta, & regnum liberauit ingentibus bellis, nam quilibet Propheta habet aliquot insigne πολιτεύματα. Post Esaiam excitatus est Ieremias, qui annos circiter quadraginta concionatus est. Fuitq; eius πολιτεύματα in speciem triste, sed omnium maxime salutare eo tempore: fuit enim hortator faciendæ deditio- nis, atque ita seruauit reliquias gentis, cum alij antea depulsi hostibus patriam seruassent. Ideo cū hic nouo exemplo deditio- nem suaderet, quæ uidebatur turpis & exitiosa, ualde contemptus est à Pontificibus. Sed Deus non humanis consilijs, sed suo gubernat Ecclesiam, castigat, & castigatam mirandis modis restituit. Quid in exilio Babylonico: an tunc defuerunt scholæ? Imò cum Iudaici Reges non aluissent Doctores, iam alunt Babylo- nici, Daniel cum collegis instituitur doctrina Chaldaeorum, sed uicissim, hunc postea Reges omnium maximi, tanquam discipuli, audiunt, Nabugdonosor, Euilmerodach, Darius, Medus & Cyrus. Quem uirum ex omnibus ætatibus nominare quisquam potest, qui tantos heros discipulos habuerit? Post Danielelem extiterunt Esdras et Nehemias, qui attigerunt Alexandri Macedonis ætatem, Post Alexandrum celebrat liber Sirach Simo-

nem Oniæ filium, qui doctrinæ puritatem conseruauit. Deinde paulo ante Machabæorum tempora, cum Pontifices certarent inter se ambitione, emerent Pontificatū à uicinis Regibus, doctrinam negligerent, collapsis scholis, magnum uulnus accepit religio: uoluit tamen Deus superesse aliquas reliquias. Machabæi restituerunt doctrinam. Post hos creuit impudentia in populo Dei, repudiatis Prophetarum monumentis, cœperūt prophana ingenia amare Græcam Philosophiam, hinc extiterunt sectæ diuersæ Phariseorum & Zadduceorum, qui palam Epicuræas opiniones professi sunt. Itaq; cum diu horribiles essent tenebræ in populo Dei, rursum excitauit Deus scholas per Ioannem Baptistam, deinde per Christum. Hos habuisse scholasticos cœtus, historia Euangelij non obscure restatur. Postea exempla Prophetarum, & Ioannis, ac Christi imitantur Apostoli. Nā hos quoque suas scholas habuisse apparet ex Irenæo, qui ait Ioannem habuisse assiduos auditores multos, & in his Polycarpum. Hunc morem postea seruauit & ipse Polycarpus Smyrnen. Fuit autem frequentissimum Gymnasium Alexandria, ex quo multa lumina Ecclesiæ exorta sunt. Inde mittebantur pastores ad Ecclesias uicinarū regionum. Hæ scholæ consulebantur de doctrina: Ibi enim extabant testimonia dogmatum ab Apostolis accepta, ut certo constaret, quæ fuisset Apostolica sententia. Cogitate autem quàm gratum pijs, quàm utile fuerit ad confirmandas mentes, scire ueteres Apostolorum sententias, scire per quos autores propagata doctrina fuerit. Clemens ait se peruagatum esse totam Asiam, & de singulis doctrinæ articulis consuluisse eruditos ubiq;. Sed postquam uenit Alexandriam, fuisse se contentum iudicio

iudicio Pantani, quem ait eruditione & pietate eximia
preditum fuisse, ac ornatum testimonijs Spiritus sancti,
seu miraculis. Vt igitur hæ scholæ ab Apostolis inchoa-
tæ conseruarentur, Collegia in Ecclesijs Episcoporum
instituta sunt, & donata uictu. Sed postquam opes cre-
uerunt, in Collegijs doctrina extincta est. Quid enim
nunc sunt illa agmina Canonorum, nisi sodales Apis-
cij? Quarum rerum studia in illis locis uigeant, nō igno-
ratis, sed de his non dicam hoc tempore. Cæterum hæc
tam longa commemoratio de Prophetis & Aposto-
licis Academijs quò pertinet? Illud ostendere uolebā,
Deo placere conseruationem scholarum, nec posse flo-
rere Ecclesias sine scholis, & quidem magna artium ac
literarum uarietate opus est. Nam etiam illi ueteres Pro-
phetarum auditores, & si præcipue discebant cœlestia
oracula, tamen alias artes etiam adiungebant, discebāt
aliquid de natura rerum, quærebant historias, alij Musi-
cam, alij Medicinā profitebantur. Ita nunc uidetis sine
literis, sine linguarū cognitione, sine Dialectica, sine ali-
qua liberali eruditione, profecto neminem satis idoneū
esse ad explicandas controuersias religionis. Ergo in
scholis multarum artium exercitia instituta sunt, quarū
pleræq; & si multiplicem in uita usum habent, tamē præ-
cipue conducunt ad Ecclesiasticam doctrinam illustran-
dam. Hæc cum ita sint, cum scholæ necessarie sint Ecce-
lesijs, ardentissimis uotis optare omnes pij debent, ut De-
us exuscitet Principum animos ad restituendas & or-
nandas Academias, ad excitanda & prouehenda lite-
rarum ac bonarum disciplinarum studia. Cumq; ea in
re optimam uoluntatem Princeps Marchio ostenderit,
gratulari hanc fœlicitatem Reipub. debemus, ac precari
Deum

Canonici

Deum, ut auspicijs honestissimæ atq; utilissimæ rei fa-
ueat. Profecto melius de suis populis, & de tota poster-
itate hac in re meretur, quàm si nouas auri aut argenti
uenas tam largas, quàm fuerunt uene Lydiæ, quæ Croesi
opes tantopere auxerant, reperiret. Hoc munus præci-
piæ flagitat Deus à Principibus. Ideo enim Deus ad so-
cietatem condidit homines, ut alij alios de religione
doceant, ut quidam uenustissime scripsit:

Vtq; alios alij de religione docerent,

Contiguas pietas iussit habere domos.

Cum autem Principes sint custodes humanæ societatis,
certe hoc efficere debent, quantū ipsi possunt, ut Deus
recte celebretur. Armentarijs satis est, pecudibus pabu-
lum curare. Hi qui hominum cœtus regunt, nō tantum
custodes sunt uitæ corporum, sed legis ac disciplinæ:
Ideo Deus eis impertit societatem sui nominis, ut Dei
dona, id est, religionem, iusticiam, disciplinam, pacem
inter homines tanquam uicarij Dei tueantur. Oro igitur
Dominum nostrum Iesum Christum filium Dei, ut
gubernet & augeat hanc scholam, & studia harum gen-
tium exuscitet, ad salutem Ecclesiæ, quam Filius Dei sic
amat, ut eam sanguine suo redemerit. Vos etiam qui
hanc urbem, & hanc Academiam regitis, obtestor, ut
cum operam scholasticam Ecclesiæ necessariam esse in-
telligatis, me hospitem, & uersantem in difficili mune-
re, uestra beneuolentia confirmetis. Sumus nos quidem
longe inferiores illis summis uiris, de quibus antea dixi,
qui olim Ecclesiæ studia rexerunt, Elia, Eliseo, Esaia, Ie-
remia, Daniele, Esdra, sed in munere prorsus eodem
uersamur. Nec raro ego ipse toto corpore perhorresco,
cogitans magnitudinem oneris, quod sustinemus, &
intuens

intuens animo illos ueteres duces nostros, quos longo interuallo sequimur inertes & ignaui, atq; hanc dissimilitudinem cum reputo, non solum docentium imbecillitatem, sed Ecclesiam deploro, quæ quasi senectæ imbecillitate, omnia membra habet languidiora, & tamen postremis temporibus plurimū periculi habituram esse Christus prædixit. Nam quo propius instat dies extremi iudicij, eo diabolus furiosius irascitur Christo, iam scilicet formidans sententiam, in qua omnibus creaturis patefiet turpitudine immensa superbissimi spiritus, & cruciatus ipsius horrendi augebuntur. Itaq; odio Christi incitat Turcas, Pontifices, impios Reges, deniq; omnia sua organa aduersus Ecclesiam. Eo magis uigilandum & pugnandum est nobis, ut furor diaboli impediatur: Reges turpissime sinunt grassari Turcas, Episcopi negligunt Ecclesias. Quare pios Principes & ceteros qui præ sunt, anniti decet, ut quantum suo quisq; loco potest, faciant illorum negligentiam, bonos doctores quærant, cōstituunt Ecclesias, curent ad posteros propagari Euangelium. Auditores etiam propter Christum Dominū, ac officij dignitatem amanter tractent fidos Euangelij interpretes, inter quos me quoq; uobis cōmendo. Nam & fidem ac diligentiam præstabo, & genus doctrinæ pium profiteor. Amplector enim uere & ex animo consensum Catholicæ Ecclesiæ Christi, hoc est, doctrinam Christi & Apostolorum, & explicationem traditam in Symbolis, Apostolico, Niceno, & Athanasiano. Et cum inciderint discordiæ, fateor me sentire cū Ecclesijs, quarum extat confessio Augustana, & has iudico tueri perpetuum consensum ueræ Ecclesiæ omnium temporum, Prophetarū, & Apostolorum. In his iudico multos arti-

*Quo propius est
iudicium eo diabolus
maius magis
contra turbat.*

culos doctrinae Christianae recte & pie renouatos & illustratos esse. Cum his iudico etiam uere congruere scriptores puriores dextre intellectos, Ambrosium, Augustinum, Hilarium, Basilium, Epiphanium, Nazianzenum. Et quanquam odiosum est nomen discordiae, tamen sentio haec certamina, quae de doctrina mota sunt, necessaria & diuinitus excitata esse. Quia Daniel & Paulus uaticinantur postremis temporibus hos futuros esse agones piorum aduersus impios Pontifices in Ecclesia, defendentes manifestam *εἰδωλομανίαν*, & exercentes Neronianam saeuitiam in membra Christi. Ac praemonuit nos Spiritus sanctus, ut cum inciderint certamina, cogitemus ubi sit uera Ecclesia, non terreamur titulis sceleratorum Pontificum, nec simus socij & administri impij tyrannidis. Non igitur nouum doctrinae genus comminiscar, una est perpetua Ecclesia, in qua Filius Dei per patres, Prophetas, & Apostolos, ueram Dei noticiam tradidit, & taxat persuasiones contumeliosas aduersus Deum, quas spargit diabolus odio Dei. Ad illam ueram Christi Ecclesiam, nunc quoq; belligerantem cum diabolo, & dissentientem à Pontificibus, qui idolomaniam defendunt, & trucidant membra Christi, ut omnes pij adiungere se debent, ita me quoq; tota mente & toto pectore adiungo, ac precor ex animo Filium Dei, Dominum nostrum Iesum Christum, ut ministerium meum gubernet, ac per me sit efficax, ut adsuit patribus, Prophetis, & Apostolis: Ipsius enim laus uictoriae, ipsi triumphus debetur, qui uincit diabolum: nostra infirmitas non est par tantae dimicationi, sed ipse uult pijs adesse, & conculcare caput serpentis, hoc est, ut Ioannes interpretatur, destruere opera diaboli.

Fuit

Fuit Ecebolus quidam Rhetor tempore Constantij, is ut gratiam aucuparetur Principis, baptizatus est, & ut fuit in dicendo uehemens, acriter solitus est taxare idolomaniam. Postea sub Iuliano cum uideret hunc abhorere à Christi nomine, & restituere Idola, defecit & ipse à Christianis, eisq; in gratiam Imperatoris rabiose male dixit. Ita animi sententiam de religione inflexit ad Principum uoluntates. Non fuit autem diuturna tyrannis Iuliani, sed statim successit Iouianus bonus & pius Princeps, ubi cum uideret multo maiore in odio esse illos, qui ut assentarentur Iuliano, defecerant à Christo, q̃ ceteros Ethnicos, rursus ipse sese retexit, redit ad Christianos, abijcit se ad templi fores, iubet se pedibus conculcari, ut sunt hypocritæ tanquam histriones ad has præstigas idonei. Nec nulli sunt hoc tempore tales Eceboli, qui alia alijs temporibus & apud alios probant.

Ego igitur simpliciter professus sum quid sentiam, & opto ut in hac me sententia confirmet Deus, & ut Filius Dei gubernet meum ministerium. Certe illud Eceboli nunquam facturus sum, nō stringam stylum aduersum ueram Ecclesiam, nō deformabo eam calumnijs,

Sed ingenium meum seruiet gloriæ

Dei & Domini nostri

Iesu Christi.

Dixi.



qq ij

Critiæ

*Ecebolus cuius
r. Gubernis meo
stantia in fi
de.*

CRITIAE ORATIO CONTRA

Theramenem, ex Xenophonte,

Philippo Melanthe

interprete.



I quis è uobis, Iudices, arbitratur plures ne cari quàm par sit, is ita apud se cogitet, hæc accidere solere, quoties publicus status mutatur. Neq; fieri potest, quin plurimi sint ijs hostes, qui multitudini libertatē eripiunt, præsertim cum non alia urbs inter Græcos populosior sit, aut ubi diutius libertate populus usus sit. Porro nos ex uoluntate Lacedæmoniorum Rempub. constitui-
mus, cum uideremus, primum nobis hoc rerum statu non esse tutum populo permitti libertatem, deinde nec Lacedæmonijs qui superesse nos uoluere, plebem futuram esse fidam, optimates autem in fide mansuros esse. Proinde si quem sentimus potentia optimarum insidiari, hunc è medio auferre decretum est. In primis autem, si quis è nostro ordine, hunc statum labefacere conatus fuerit, in eum retulerit animaduertere.

Porro Theramenem comperimus planè nobis machinari exitium, idq; deprehenderis, si diligenter contemplati fueritis, neminem esse qui perinde calumniatur præsentem statum, & quoties aliquem popularem Rhetorem necamus, reclamet. Quod si à principio consueffet, in hostium numero recte haberetur. Sed cū ipse nobis autor fuerit faciendæ cum Lacedæmonijs pacis, & eripiendæ libertatis populo, imò impulerit nos, ut supplicium sumeremus de ijs, qui primi imperū in nos fecere, nunc demum aduersatur, ut ipse in tuto sit, à nobis poena

bis poena exigatur propter ea quæ gessimus. Proinde de eo, non ut de hoste, sed ut de proditore, supplicium sumite: Est enim proditio hoc formidabilior bello, quod difficilius est clandestinas insidias, quàm apertam uim cauere. Est item ideo etiam in maiore odio proditor quàm hostis, quod cum hoste nonnunquam in gratiam reditur, & bona fide pax conuenit, cum proditore nemo unquam in gratiam rediit, nec, si uelit, queat.

Sed ut non nunc primum cognoscatis hæc agitari à Theramene, & naturam finxisse eum proditorem, recensebo quædam eius facta. Cum initio à plebe secundum patrem plurimi fieret, incescit eum cupido imperij à populo ad quadringentos transferendi, inter quos ipse primas facile obtineret. At ubi sensit populi uires esse maiores, quàm ut quadringentis illis de imperio cessurus uideretur, partium populi Princeps factus est. Quam ob causam & Cothurnum uocauit, quod utriusque pedi iuxta conueniat cothurnus, & tamen neutri satis adposite.

Proinde non meretur impunitatem is, qui cum alijs autor fuerit negocij alicuius suscipiendi, mutauerit sententiam, si quid aduersi inciderit. Sed erat uelut in naui perdurandum, donec secundum uentum nacti fuerint. Si deseras, quomodo possunt conficere cursum, cum mox recurrant, ubi restarit uentus? Iam cum Rebus pub. ac imperijs mutationes omnes cedere consent, plurimis exitio fuit inconstantia tua, multi te autore ex optimatibus à plebe necati sunt, multi ex plebeis, ab optimatibus.

Præterea huic à Ducibus commissum fuerat, necare Athenienses, qui ad Lesbum pugna nauali uicti erant, quos cum non interfecisset, ne sibi fraudi esset, non paruissse Duces ipsos accusauit, atque occidit. Vnde adparet

q q iij

semper

semper eum priuatum commodum præ dignitate & amicis habuisse. Quare igitur parcendum ei putatis? cur inconstantia eius cognita, non obseruatis, ne aduersus nos quoque idem machinetur?

Proinde nos eum accusamus, & insidiarum & prodicionis. Quod autem merito id fiat, hinc intelligetis: Nam in Lacedæmoniorum Repub. cum sit optime constituta, si quis ex Ephoris nolit obsequi ceteris, sed Magistratum contumelia adficiat, & obstrepat eorum decretis, dignus poena iudicatur, etiam ab ipsis Ephoris, & à tota ciuitate. Vos igitur, si sapitis, non illi, sed uobis parcite.


Nam si hic euaserit, multis addet animum, ut uobis aduersentur: quod si interemptus fuerit, spem demet omnibus, domi, ac foris.

Dixi.




ARGENTORATI EX OFFICINA
CRATONIS MYLII, MENSE
MARTIO, ANNO
M. D. XLI.





amatum
hulag





manuscript
copy



Optabile et insequentem System incidere. 351.
Sommum Socratis folio 266.

